



EX MUNIFICENTIA  
FERDINANDI III. M. E. D.

DIE 3. IUNII 1791.

4. 3

4 K. 5



XXIX

Chambers

1731



IO. GOTTFRIED SCHAVMBVRG

ANTECESSORIS IN ACADEMIA IENENSI CVR. PROV. ET SCAB,  
IVRID, ASSESS. SEREN. DVC. SAXO-VINAR. A CONSIL. AVL.

ANNOTATIONES

A D

B. GEORG. AD. STRUVII  
IVRISPRVDENTIAM  
ROMANO-GERMANICAM  
FORENSEM

IN VSVM AUDITORII  
ADORNATAE

IN QVIBVS CVM VTRIVSQUE IVRISPRV-  
DENTIAE ET GERMANICAE ET ROMANAE NOBILISSIMA ARGV-  
MENTA AD PRINCIPIA GENVINA REVOCANTYR, ET CON-  
CLVSIONIBVS ILLVSTRANTYR

TVM VBIQVE, QVAE IN IPSIS RERVVM  
ARGVMENTIS VSVM INSIGNEM PRAESTANT, OBSERVATIONES  
PRACTICAE OCCVRRVNT

CVM INDICE RERVVM ET VERBORVM.



CVM PRIVILEGIO S. REG. MAI. POL. ET ELECT. SAX,

---

IENAE M DCC XXXVII.

---

EX OFFICINA LIBRARIA HARTVNGIANA.

7 2

4 1

3 2

1871

1872

1873



SERENISSIMO  
DVCI AC DOMINO  
DOMINO  
ERNESTO AVGVSTO

DVCI SAXONIAE  
IVLIACI CLIVIAE MONTIVM AN-  
GARIAE ET VVESTPHALIAE LAND-  
GRAVIO THVRINGIAE MARGGRA-  
VIO MISNIAE COMITI PRINCIPI  
HENNEBERGIAE COMITI MARCAE  
ET RAVENSBERGAE DYNASTAE  
RAVENSTEINII



SA-

SACRAE CAESAREAE ET CATHO-  
LICAE REGIAE MAIESTATIS EQVI-  
TATVS OMNIS DVCI GENERALI  
ACTVALI BINARVMQVE LEGIO-  
NUM EQVITVM CATAPHRA-  
CTORVM ET PEDITVM  
CHILIARCHAE

DVCI AC DOMINO SVO  
CLEMENTISSIMO  
PRINCIPI PIO FELICI  
ET VERE AVGVSTO



**HEROI IN TOGA ET SAGO  
INCOMPARABILI  
IN OMNI FORTVNA EXCELSO  
CLEMENTIAE SACRARIO  
IVSTITIAE VIVO ORACVLO  
OMNIS FELICITATIS CVMVLVM  
FORTVNATISSIMVM REGIMEN  
ET  
PERENNATVRAM  
SERENISSIMAE DOMVS SAXO  
VINARIENSIS  
GLORIAM**

**X 3**

**SVB**

SVBIECTISSIMA ANIMI DEVO-  
TIONE

APPRECATVR

ET HOC

QVICQVID EST LABORIS

ACADEMICI

IN GRATIAM STUDIOSAE

IVVENTVTIS

SVSCEPTI

HVMILLIME

DAT, DICAT, DEDICAT

AVCTOR.





Cupidæ legum juventuti  
figillatim

charissimis Auditoribus suis  
Salutem

*AUCTOR*



Vos, optimi Comilitones,  
Auditores suavissimi, sta-  
tim in fronte libelli com-  
pello. Vestri enim causa  
Annotationes ad Struvii  
Jurisprudentiam Romano-Germani-  
cam Forenses conscriptæ sunt. Sed

) ( 4

&

## PRAEFATIO.

---

& vestri causa, utque easdem ad usus vestros accommodetis, publici juris fiunt. Speroque ego, fore, ut hoc meum vestris commodis inserviendi studium, eo majori sinceritate excipiat, quo purior ab omni fūco mea, in his annotationibus concinnandis, fuit intentio, & quo candidiores easdem Vobiscum communicandi, allegare possum causas, quas & ipsas sufficere credo, ut me ab omni vanæ gloriæ artificio excusent. Vos amatis Struvium, Vos eum in civilis sapientiae studio ducem eligitis, Vos omnem movetis lapidem, ut Jurisprudentiam Struvianam in succum vertatis & sanguinem. Nec immerito. Nam Struvius, vir quondam omnis juris tam publici quam privati peritissimus, dudum æternitatem nominis meruit, atque præclaris ingenii summi monumentis effecit, ut memoriam ejus sancte colerent omnes omnino, qui vel docendo vel discendo Jurisprudentiae operam navant. Struviana vero Jurisprudentia non eo solum.

mo-

## PRAEFATIO.

---

momento, quo lucem prima vice, aspexit, maximo optimo jure excepta est applausu, & digna habita ab omnibus, ut illis, qui Themidis sacrarium intrarent, prælegeretur & exponeretur, sed eadem ipsa quoque, ad nostram usque ætatem iis, qui juris scientiam sectantur, adeo mirifice placuit, ut, vix credant, se posse felices in studio juris facere progressus, nisi prima totius legitimæ scientiæ principia ex Compendio Struviano haurirent prius. Cum primis, quod nullum Jurisprudentiæ argumentum usu Practico conspicuum relinqueret intactum, nullum aggrederetur, quin exquisitissimis præceptis ejus summam exhauriret; nullum ad principia revocaret, quin simul tanta perspicuitate donaret, ut intelligi posset ab omnibus. Quo ipso laudatum compendium ad eum felicitatis sese evexit fastigium, ut, quod reliquis Compendiis accidere vix solet, per se tale extet, quod omnes adpetant; quodque nostra adhuc ætate inter hominum ma-

## PRAEFATIO.

---

nus versetur. Quod igitur alii Juris Doctores & discipuli gloriæ sibi ducunt, ut, præter venerationem, quam Struviano nomini se debere intelligunt, scriptorum ejus memoriam, conservent, &, ne Struviana Jurisprudentia e manibus extorqueatur, sigillatim caveant, id & mihi committendum, adeoque eo allaborandum putavi, ut meum suffragium eorum judicio adscriberetur. Præsertim, cum jussu Serenissimorum Ducum Saxoniae hanc juris partem mihi mandatam sentiam, ut Vobis, suavissimi Committones, prima Jurisprudentiæ nostræ elementa explicarem, & rationem, difficultates in studio juris obvias vincendi, exponerem. Qua parte negare non possum, me animum intendere, præprimis, ut civilis sapientia Vobis res potius judicii, quam memoriæ videatur, & præcavere sedulo, ne ex farragine conclusionum sæpe vix coherrentium jus nostrum aestimetis, sed potius ex genuinis principiis, quæ sit legum efficacia, quidve Jurisprudentia

tia



## PRAEFATIO.

---

tia ad fontes revocata cum jucundi, tum utilis, spondeat, cognoscatis. Hac vero ratione expertus sum, esse quædam, quæ ad Struvii Jurisprudentiam, quam explicare soleo, annotari eo nomine merentur. Sed expertus etiam sum, multum temporis impendendum esse, si, quæ memoriæ mandanda erant, in calamum dictarem. Malui igitur, ob temporis lucrum, ut annotationes typis chartæ imprimerentur, ea quidem ratione, ut duplex vobis oriretur emolumentum, alterum, ut tempori parceremus, alterum, ut ex perpetua Struvianæ Jurisprudentiæ cum observationibus meis collatione nihil vobis incognitum maneret, quod ad Jurisprudentiæ nostræ vel dignitatem vel amplitudinem vel illustrationem vel applicationem in foro pertinere videretur. Atque inde præsens libellus est enatus. In quo, quid ego præstiterim, ipsi dispiciatis. Alios, qui alienis laboribus invident, nec tamen ipsi ad Jurisprudentiam quicquam conferunt, non moror. Vobis enim, quic-

## *PRAEFATIO.*

---

quicquid hoc scriptionis est, consecratum esse cupio. Vos igitur uti his, Vestroque favore me complecti non dedignemini, qui totus in eo sum, ut Vestris inserviam commodis, idque agam sedulo, ut vestri in me affectus Vos nunquam poeniteat. Dabam Ienæ d. IX. Maji MDCCXXXVII.

Anno-



*B. C. D.*  
 Annotationes  
 ad

Struvii Jurisprudentiam  
 Romano-Germanicam Fo-  
 rensem

Lib. I.

De Jurisprudentia & Jure in genere,  
 in specie

De Jure Personarum.

Tit. I.

De Jurisprudentia ejusque fine Justitia.

Aphor. I.



scirpo quærunt,

(VINARVM ATQVE HVMANA-  
 RV M) Mire se torquent Doctores,  
 ut veram divinent causam, quæ  
 JCrum moverit, ut rerum divi-  
 narum in definitione faceret  
 mentionem. Ast nodum in  
 Arctissimus enim ille, qui Juris  
 A artem

artem inter & Doctrinam Moralem semper adfuit nexus, exorta semel inter Justitiæ & Sapientiæ sacerdotes invidia, & æmulatione, eum præsertim, postquam Philosophi vitam agere coeperant, a virtutis via longe aberrantem, producebat effectum, ut justam Juris Consulti habere crederent causam, cur meliori jure eandem, quam de præceptis suis sperabant Philosophi, Jurisprudentiæ vim tribuerent; eaque ad suam transferrent artem, quæ Philosophorum propria erant. Assumpto itaque generali Principio, quod veram, non simulatam profiterentur Philosophiam *L. I. §. 1. D. de Justit. & Jur.* facilis ad alia erat progressus. Igitur I) Philosophiæ definitio applicanda erat ad Jurisprudentiam, ceu ex collatione *L. X. D. de Justit. & Jur.* cum loco CICERONIS *Lib. II. de offic.* & SENECAE *Epist. LXXXIX.* apparet, ne plus illi, quam huic inesse videretur. II) Finis Philosophiæ, cum esset virtus, Justitiæ etiam, quam finem Jurisprudentiæ venditant, definitio ita erat concipienda, ut appareret, eam, qua virtutem, in mente esse collocandam, vi *d. L. X. eod.* III) In varias porro, cum virtus abiret species, quæ omnes tamen ad caput justi, honesti, & decori revocari possent, tribus præceptis juris, quæ Stoicorum virtutes cardinales indicarent, in *d. L. X.* opus videbatur Confer. THOMASII *Not. ad Institut. eod.* Inde IV) causa non est e longinquo arcessenda, cur jus boni & æqui ars nominetur in *L. I. Eod.* ut nempe dubium non esset, quin leges officia humanitatis, & æquitatem naturalem non impedirent, sed adjuva-

rent.



rent. Et quis ibit inficias, quod V) ex eadem ratione legis definitio ex Chrysippi commentariis in *L. II. D. de Legib.* migraverit. Plura vide in EVERARDI OTTONIS *Orat. de vera non simulat. Jctor. Philosophia, & Programm. nostr. de ficto Jctor. Veter. duplici officio.*

CIRCA DIVINAS) Ab isto itaque veterum ICtorum instituto, si discedamus, remque ipsam spectemus, diuinas res, quatenus exterius sese exerunt, legis objectum esse posse & debere, palam est. Nunquam enim salva majestate ab officio summi Imperantis avelli potest Jus circa sacra. Id enim cum absolvatur I) jure publice doctrinam approbandi, & formulam præscribendi, secundum quam publice doceatur, II) jure erigendi scholas, in quibus cives tempestive veros de Deo conceptus addiscant, III) jure externum cultum ordinandi; quis dubitat, quin ea omnia fiant Reipublicæ causa. Ut igitur graviter errant, qui ea jure magistratus competere negant, & duplicem Principi personam, alteram Principis, alteram Episcopi, affingunt, castigati eo nomine ab HERTIO in *Diss. de superior. territ. §. XIII.* & BOEHMERO in *Jur. Eccles. Protest. Lib. I. tit. XXXI §. XLI. sqq.* ita certo certius est, quod jus sacrorum Principi competat, ut tali, solitarie & independententer. Imo illud ipsum jus disertis verbis a superioritate territoriali derivat *Instrum. Pacis Westphalic. art. V.*

### Aphor. II.

DIRIGANTVR) Haud itaque is legum est finis, ut subditi virtuosii fiant, sed hoc legislatori jam

sufficit, si legibus conformationem actionum externam ad normam præscriptam efficiat, utut subditos spes præmii vel metus pœnæ ad hoc obsequium proclives faciat. Inde patet 1) Frustra leges præscribi intellectui, quippe qui omnis coactionis est impatiens. *NO OBTIVS de religione ab imperio gentium libera.* 2) Legis objectum eas solum actiones esse, quæ nostri sunt arbitrii. 3) Non esse necesse, ut lex ratioconiis muniatur. *SENÉCA Epist. XCV.* 4) Ea tamen legislatorem adhibere debere media, sine quibus finem consequi nequit, ideoque præmiis ornare bonos, pænis coercere malos cives *L. I. §. II. D. de Justit. & Jur.*

### Aphor. V.

**CONSTANS ET PERPETVA VOLUNTAS)** Et sic certe patet, Ulpianum cogitare justitiam internam, quatenus in virtutis habitu consistit. Ipsa enim virtus ex suffragio eorum, qui Stoicam Philosophiam sectantur, constans & perpetua vitæ ratio est, atque sic felicitas non in usu, sed possessione virtutis est, non in actione, sed habitu, quod ex Stoicorum placitis cum Ulpiani definitione collatis probat *BOEHMER Programm. de Philosophia Jctor. Stoic. Compara GOTTLIEB SLEVOGTII Collection. Opuscul. de Sectis & Philosophia Jctorum.*

### Aphor. VI.

**SEV COMMUTATIVA)** Tam varia ratione Jcti justitiam distinguere cœperunt, ita a Scholasticis edocti.  
Sed

Sed præter necessitatem, & nullo Jurisprudenciæ emolumento. Nec Grotius rem conficit, distinctione in Justitiam Explettricem & Attributricem, in istarum locum substituta. Quæ enim jure imperfecto debentur, non sunt objectum Jurisprudenciæ. Hæc meum & tuum respicit, & in iis versatur, quæ jure perfecto ab aliis exigere possum. Non itaque honorum præmiorumque distributio, non onerum impositio per se ad JCtum spectat, sed eatenus solum ejus officium ingreditur, quatenus lex de iis disponit. Quod si vero lex eorum intuitu aliquid determinat, legem præcise sequi debemus, nec ulla licita est prosopopipsia, nisi quam lege permittente exercere possumus, vid. FRANKENSTEINII *Dissert. de prosopopipsia in Jur. licita.* Imo hæc ipsa etiam in poenis infigendis cessat, nisi lex hoc disertis verbis JCto indulgeat, ut justum & probabile arbitrium sequi possit. Quo ipso, cum JCtus nunquam mitior aut durior lege esse possit, omnis justitiæ distinctio, quatenus ad Jurisprudenciam applicatur, cum ipsa proportionem Geometricam & Arithmetica corrumpit, vid. LEYSERI *Spec. I. med. 3.*

### Aphor. IX.

SUNT CONSIDERANDAE) Imo requiritur, ut legem primo intelligamus, nec verbis inhæreamus, sed vim potius & efficaciam perscrutemur. L. XVII. *D. de Legib.* Cui fini inservit INTERPRETATIO, de qua infra. Postea, si legis sensum nullæ amplius circumdant tenebræ, actio ipsa, de qua jam quaritur, est examinanda, atque ex circumstantiis, quæ

illam praecedunt, concomitantur, & sequuntur, judicandum, an & quatenus legi subsit. Quod vocatur **APPLICATIO**. Atque haec sunt partes jurisprudentiae, sororio quasi vinculo ita junctae, ut, qui alteram negligat, nomen & dignitatem **J**uri vix tueri possit. Unde, qui leges solum scit, **Legulejus**, qui vim & efficaciam earum tenet, **Jurisperitus**, qui soli actui litigandi tempus dedicat, nec tamen legum sensum curat, **Rabula** jure meritoque vocatur.

## Lib. I. Tit. II.

### De Jure in genere.

#### Aphor. I.

**JUS**) Cujus variam significationem exhibet *L. XI. §. D. de Just. & Jur.* Hic pro lege sumitur, utut proprie complexus omnium legum jus dicatur. Liceat autem definitionem Auctoris ita supplere, quod **LEX** sit jussus superioris post publicationem rite peractam subditos ad obsequium obligans, quo appareat I) Legem differre a pacto & consilio. Id consensum praesupponit, hoc rationibus stabiliendum est, nec obligat **HOBES. de Cive. cap. XIV. §. I. §. I.** **THOMASII Fundam. Jur. Nat. & Gent. Lib. I. c. V.** II) Superiori & pari legem non praescribi, sed obligationem imponi, interveniente pacto, quare leges fundamentales proprie non sunt leges. III) Leges non obligare, nisi eos, qui superioris imperium venerantur. Nil tamen interest, utrum qualitatem subjectivam expresse receperint, an ad tempus in Republi-



Republica commorentur. Nam & qui contra-  
 hunt, testantur, succedunt, & delinquunt, leges no-  
 stras sequuntur. IV) Non itaque obligare legem  
 ipsum superiorem *L. XXXI. D. de Legib.* Et licet  
 ipsi integrum sit, iis se sponte subicere, quod Ro-  
 manos Legislatores fecisse nonnunquam ex §. *VIII.*  
*J. quib. mod. testam. infirm.* constat, inde tamen  
 regula desumi nequit, quod Principum negotia pri-  
 vata semper æstimanda sint ex jure privato. V) Le-  
 gem rite non promulgatam non obligare, imo  
 VI) ne existentiam ejus quidem præsumi. Unde,  
 qui in privilegio vel consuetudine se fundat, eam  
 & allegare & probare debet. VII) Obligare ta-  
 men statim post publicationem, nisi Princeps spa-  
 tium intermedium concesserit. Terminus enim  
 duorum mensium in *NOVELL. LXVI. cap. I.* non  
 est universalis, ut ex *NOVELL. LVIII. & CXVI.*  
*c. XXXII. de Præbend. in 6to* apparet. VIII) Le-  
 gem solum obligare in futurum, non in præteritum  
*L. VII. C. de Legib.* nisi Princeps aliud expresse ve-  
 lit. IX) Omnem legem imponere præcisam ne-  
 cessitatem aliquid faciendi vel omittendi, quod  
 olim nostri arbitrii erat, atque sic X) nullam le-  
 gem esse absque obligatione. Utut enim de lege  
 permittente dubitant, an obliget, cum facultatem  
 solum concedat, aliquid faciendi, *TITIVS ad Pu-*  
*fend. de Offic. hom. & civ.* certo tamen certius est,  
 eam non subditos solum obligare, ne alium in exer-  
 citio juris permissivi turbent, sed & eum ipsum, in  
 cujus favorem est concessum, obligare, ne exercitium  
 juris ultra permissum extendat. Et sic cum abusus,

tum contraventio iuris permissivi amissionem operatur.

## Aphor. II.

**STATVM REIPUBLICAE**) Idque cum nexum Imperantium & subditorum determinet, atque, quæ jura Imperanti privative concessa, quæ denegata, & quæ non nisi præscitu & consensu Statuum expedienda, extra controversiam ponat, non nisi ex Legibus fundamentalibus, quæ Reipublicæ propriæ sunt, neutiquam vero ex peregrinis legibus, quippe quæ citra ineptitudinem vix applicari possunt, addiscendum est.

## Aphor. III.

**DICTAMEN RATIONIS**) Hoc principium cognoscendi voluntatem divinam universale, omnibus hominibus commune, & perpetuum est. Quare I) nullus homo ab obligatione Juris Naturalis est exemptus, II) ejus obligatio est perpetua, nec III) a Legislatore humano tolli potest, imo IV) quousque homines rationales erunt, respectu ipsius Dei, immutabile & indispensable est. **THOMASIVS** *Jurispr. Div. Lib. I. c. II. §. XCVIII. sqq.* Quia vero Deus, legem hanc cordibus inscribendo, ad homines solum, qua homines, non qua cives respexerit, ipsumque ideo jus Naturæ meris propositionibus universalibus absolvatur, humano legislatori facultas non est adempta, has propositiones pro varietate Rerumpublicarum diversimode applicandi, hoc solum temperamento adhibito, ne obligationem Juris Naturalis plane tollat. vid.

W E R L

WERLHOFII *Dissert. de potestat. Legislat. human.* circa ea, quæ sunt *Juris Natur.* Quodsi itaque Leges divinas Judæis latas, sive Politicas, sive Ecclesiasticas, spectes, alia dicenda erunt. In his enim condendis, cum Deus peculiarem Rempublicam respexerit, facile patet, nullam eis inesse obligationem, a qua Legislatores homines recedere non possint. Imo quæstionem de revocandis his legibus in Republicas Christianorum tamdiu otiosam judico, quamdiu id non egerunt Principes Christiani, ut suæ Republicæ ad formam Reipublicæ Judaicæ componerentur.

## Aphor. IV.

QVO SPECTAT DEFINITIO ULPIANI) non non spectat. Sed desumpta potius est ex principiis Philosophiæ Stoicæ, quam Juri plerique, nec non omnes, amplectebantur. Omnes enim animas ex anima mundi cum derivarent Stoici, ut istis quoque rationem practicam tribuerent, & eas sub obligatione Juris Naturalis comprehenderent, necesse erat, vid. MERELLII *Lib. I. Obs. XI.* cum bestię nesciant, quid agant, & quicquid agunt, ex necessitate agant, nulla legis obligationi bruta cadere potest.

## Aphor. VI.

AGENDVM ESSE COLLIGUNT) Parum sibi constare videtur Justinianus in definitione Juris naturalis. Quod enim antea in §. II. *J. de Jur. Gent. & Civil.* ex naturali ratione deduxerat, id mox §. III. *Eod.* juribus civilibus haud ob-

scure annumerat. Certo vero certius est Jus Gentium speciem Juris humani esse non posse, cum gens genti ob deficiens Imperii & subjectionis vinculum legem cum effectu præscribere nequeat. Necesse itaque est, ut, quia tertium non datur, sit species Juris Naturalis, atque huic non contradistinctum, sed subordinatum, id est; ipsum Jus Naturæ actionibus gentium accommodatum, THOMASIVS *Jurisprud. Divin. Lib. I. cap. II. §. CII. sqq.*

### Aphor. VIII.

COMMODOVM ET SALVTEM) Inde I) tot dantur jura humana, quot sunt Respublicæ. II) Periculosum semper est, Juri unius Reipublicæ in altera Republica obligationem concedere, idque Romanos suo damno didicisse, postquam leges Græcorum suas fecerant, jam Phavorinus-Philosophus apud GELLIVM *Noct. Attic. Lib. XX. c. I.* & postea THOMASIVS *in Navis Jurispr. Ante Justin. & Dissertat. annexa* loquitur, Germanos vero juriū peregrinorum receptionem dolere, experientia docet. III) Jure peregrino recepto ejus tamen obligatio ulterius extendi nequit, quam quatenus status Reipublicæ permittit, & sic IV) decisiones, quæ in rationibus peculiaribus se fundant, quas Respublica, quæ leges recepit, ignorat, inepte applicantur.

### Aphor. X.

EDICTIS PRAETORVM) Quibus Praetores, quibus vetitum erat, ne leges novas ferrent, id efficere conabantur, ut legum vigorem artificioso quodam



lam prætextu absque violentia enervarent. In sub-  
 idium itaque vocabant æquitatem naturalem, ea-  
 que muniti, fictionibus, exceptionibus, novis nomi-  
 nibus, & restitutionibus in integrum legibus ci-  
 vilibus callide derogabant, vid. HEINECCI *An-*  
*iquit. Roman. Lib. I. Tit. II. §. XXIV.*

### Aphor. XI.

CONSTITUTIO PRINCIPIS) Quæ generalis  
 rat & specialis. Ad generales pertinebat Rescri-  
 tum, quod ad instantiam unius partis emittebatur,  
 decretum, quod fiebat prævia causæ cognitione,  
 ejus exemplum est in *L. III. D. de his, quæ in te-*  
*am. debent.* & Edictum, quod motu proprio  
 principis fiebat. In effectu vero, si obligationem  
 ceteris, nulla olim hic erat differentia. *L. vet. C. de*  
*institut. Princip.* Sed hodie Edictum solum,  
 quod omnibus subditis, & Mandatum, quod certis  
 personis, vel cuicumque civium ordini aliquid perpe-  
 ro expediendum injungit, legis vigorem habet.  
 decretum enim vim sententiæ solum habet, & jus-  
 cit inter partes, nisi, si Princeps super puncto juris  
 dubio cognoverit, hoc decretum per solennem pu-  
 blicationem cum omnibus subditis communicetur.  
 scriptum ne inter partes quidem jus facit, nisi sit  
 cisivum, quamvis tum decretum magis, quam  
 scriptum sit. Specialis constitutio ad certam  
 um personam dirigitur, & privilegium audit,  
 ibusque expresse annumeratur in *§. VI. J. de*  
*r. Nat. Gent. & Civil. & L. I. §. II. D. de*  
*institut. Princip.* Ut autem huic argumento,  
 miris

miris Doctorum dissensionibus fere obscurato, fiat  
fatis, hanc præstat præsupponere definitionem,  
quod PRIVILEGIUM sit *lex permissiva, certa per-  
sona vel rei intuitu aliquid contra jus commune  
statuens.* Verum & hoc scire juvat, non omnes  
leges ex motu Principis proprio provenire, sed  
Principem aliquando legem dicere ex conventionem  
præcedente. Quæ leges cum in effectu ita diffe-  
rant, ut illam Princeps pro lubitu mutare, ab hac  
non nisi consensu ejus, qui legi occasionem dabat,  
recedere possit, ita privilegia quoque, quæ partim  
motu proprio, partim præcedente conventionem ori-  
ginem debent, diversæ naturæ esse, nec ea, quæ de  
una specie dicuntur, ad alteram applicari posse, per  
se patet. In eo igitur conveniunt I) quod exce-  
ptionem faciant a regula, nec ideo præsumantur,  
sed probanda sint *L. I. D. ad municip: L. unic. C.  
de thesaur.* II) quod a nemine proficiantur,  
nisi qui potestate legislativa gaudet III) quod  
concedi non possint in præjudicium alterius Impe-  
santis. Quare ne Imperator quidem in præjudi-  
cium Statuum privilegia concedit *Capitul. Leopold.  
§. 3. & 44. in fin.* IV) quod non dari possint in  
præteritum LEYSER *Specim. VI. med. V.* V)  
Quod odiosa æque ac favorabilia esse possint. Imo  
de odiosis accepta esse privilegia, Leges XII. Tabb.  
docent. VI) Quod personam regulariter non  
egrediantur, nisi rei intuitu sint concessa. VII)  
Quod tacite non acquirantur, & sic nec præscriptio  
locum habeat, quia subditorum non est, ut Princi-  
pem ad legem dicendam cogant. Ipsam quæstio-  
nem

em ex instituto prosequitur THOMASIVS *Dissert. Præscript. advers. Principem.* VIII) Quod obligationem producant intuitu subditorum, ne privilegiatum turbent, intuitu privilegiati, ut modum privilegii servet, neque eo abutatur, neque ei contrariet *L. II. D. de veter.* neque demum ejus non usu privilegium contemnat *L. I. D. de nundin.* Ubique enim amissio privilegii sequitur. In eo vero differunt, quod privilegium per contractum acquisitum a) personas non restrictum perpetuum sit, nec a Principe revocari possit, nisi ob causam publicæ utilitatis supervenientis WERNHER *P. V. Obs. CXLII.* ) Quod tale privilegium nec Principis successor universalis tollere possit, quia factum defuncti præire debet, III) Quod cum jure prohibendi concessum Principi facultatem adimat, simile privilegium alteri concedendi. IV) Quod orto dubio efficacia privilegii mens & intentio contrahentium primo inspicienda, deinde ad eas regulas interpretandi recurrendum sit, quas alias in pactionibus ambiguis & obscuris adhibemus, cum e contrario privilegium motu proprio concessum eam interpretationem admittat, quam leges obscuræ volunt. Possem plura addere, nisi animus esset, et ipsum argumentum data occasione proxima brevius explanare.

### Aphor. XII.

TACITO SUMMAE POTESTATIS CONSENSU) num, si dicendum, quod res est, quæ de tacito consensu, qui jus faciat inter cives, in *X. J. de Jur. Nat. Gent. & Civil.* proponuntur,

tur, ad nostram Rempublicam minus apte applicantur. In Democratia enim nil interest, siue lex expressa, siue tacita voluntate innitatur. Ast Principi eo majus ex hac doctrina præjudicium oritur, quo certius est, tacitum ejus consensum fingi, ei que obligationem imponi, ut post certum temporis lapsum iis legis vigorem tribuat, quæ subditis placuerunt. Sic vero potestate Principis legislatoriæ vim fieri, quis non videt? Rem loquitur G R I B N E R *Diff. de præjudicio Principum ex abusu juris Justiniani Cap. III. §. II.*

### Aphor. XIII.

ACTVS PLVRES) nec tamen præcise judiciales, id est, Essentiam consuetudinis non ingreditur, ut in judicio contradicto iudex pro consuetudine pronunciaverit. Utut enim hoc requiratur a quibusdam W E R N H E R P. IX. *Obs. CXIII.* ex inspectione tamen L. XXXIV. D. de Legib. quam ex responso Johannis, Episcopi Citriensis apud L E V N C L A V I V M *Jur. Græc. Roman. Respons. Lib. V. p. 323.* emendat G V N D L I N G in *Gundlingian. P. VII. membr. III. §. XIX.* dilucide patet, non necessitatis, sed utilitatis, & melioris forsitan probationis gratia, actus judiciales requirendos esse.

DIVTVERNITAS TEMPORIS) Sed cum rationabilitas omnibus legibus inesse debeat, nullaque lex legibus universaliter obligantibus contraria esse possit, satius est, si dicas, consuetudinem requirere 1) imitationem frequentem, & 2) Principes voluntatem minimum fictam. Neu-

trum



rum abesse potest. Et admissio semel in foris nostris argumento de consuetudine, consequens erat, ut Principis consensum fingeremus, cum lex absque Principis voluntate nullam producere poterat obligationem. Interim imitationem plures, eosque uniformes actus æque, ac diuturnitatem temporis am præsupponere, evidens est ac perspicuum, & quod spatium temporis attinet, in eo consentiunt omnes, Jure nostro triginta annos, annum & diem lemum sufficere. Ipsa vero imitatio, quia facti est, probationem prærequirit, quæ, quomodo caute suscipiatur, docet BERGER *Oecon. Jur. Lib. I. Tit. I. §. XIX. not. V.* Sed semel probata consuetudo non Jus impunitatis solum, quod vult THOMAS in *Diss. de jure consuetud. & observant.* Sed et obligationis producit, ceu probat GUNDLINIVS *d. l.*

### Aphor. XV.

SUNT RECEPTA) Nolo recoquere ea, quæ ad historiam receptionis spectant, & quæ de auctoritate horum jurium in Germania a CONRINGIO tractat. de *Origin. Jur. Germ.* KULPISIO in *Dissert. Epist. de Germanic. legum veter. ac Romanijuris in Republ. nostr. origine, auctoritateque præsenti*, ut & a THOMASIO in *Dissert. de rite ordinando statu controversiæ, an Legum Justinianear. magnus vel exiguus usus sit in Germania, iuribusque aliis erudite & ex instituto disceptata sint.* Hoc solum moneo, ipsam receptionem triusque juris, quam rationibus arcanis & politicis originem debere demonstratu haud esset difficile, nun-

nunquam expresse, nec universaliter, nec eliminatis moribus patriis factam esse. Salva & integra manserunt instituta majorum nostrorum in quamplurimis negotiis, quorum notitiam Romani non habuerunt. *Compara BEYERI Prefation. ad Position. Jur. German.* Nec etiam opus est, ut prius in reliquis ad jura recepta confugiamus, quam verba & rationes legum patriarum deficient. Juris Canonici vero, quis, eam, credit, esse posse auctoritatem, ut falsas ejus ex falsis principiis deductas conclusiones, refragantibus religionis nostræ principiis, ad negotia Ecclesiastica applicare fas sit. Vid. *nostr. Programm. de auctoritate Legum in German. recept. ex ratione legis & intent. Legislator. judic. quod Commentario de Constitution. Imper. Roman. ommissis* in calce accessit. Ut itaque utrumque jus subsidiarium est, ita inter omnes constat, Jus Romanum in argumento de testamentis & successionibus Canonico, hoc in argumento de matrimonio, juramento & præscriptione Romano præferri. In dubio vero, ubi utrumque jus a se discrepat, Canonico plerumque, ob præsumtam pietatis & æquitatis rationem, primas dari.

### Aphor. XVI.

STATUTA) Quorum efficacia æque ac vis Statutorum a Collegio opificum conditorum fere unice dependet ex conventionione. Sunt enim leges conventionales, convocatis omnibus membris a majori parte duarum minimum tertiarum, quæ comparuerunt, confectæ. Hæc tria itaque essentiam Statuti

statuti ingrediuntur I) ut omnes cives nullo omisso  
tentur *c. XXVIII. X. de Elect.* II) ut ex iis  
iæ tertiæ minimum compareant *L. III. de de-  
et. ab ordin. faciend.* III) ut ex præsentibus  
major pars consentiat *L. XIX. ad municip.* Con-  
firmatio autem Principis ad essentiam statuti  
non pertinet. Hoc tamen efficit, ut statutum  
in legis habeat, & extraneum obliget, BOEH-  
ER *Dissert. de natura statutor.* LEYSER *Spec.*  
*III. med. 1. sqq.* Id demum inter statuta civi-  
tis & opificum interest, quod illa non de rebus  
lum ad civitatis commodum pertinentibus con-  
, sed & juri communi derogare possint. Un-  
vetus proverbium: *Willführ bricht Lande-  
recht.* Hæc vero non nisi de negotiis ad com-  
unem collegii utilitatem spectantibus fiunt.

### Aphor. XVIII.

ÆQUITAS EST OBSERVANDA) Nunquam  
im tantam Jcti juri stricto tribuere voluerunt  
icaciam, ut humanitatis rationem vinceret.  
oluerunt potius, ut legum permissivarum præ-  
ctu quis uteretur ad injuriam aliis faciendam.  
aserunt honestatem *L. CXLIV. de Regul. Jur.*  
*I. §. III. D. de pericul. & commod. rei vend.*  
*IV. §. I. D. de alienat. judic. mutand. caus.*  
7. Commendarunt æquitatem naturalem *L.*  
*2. de Reg. Jur. L. XXI. de interrogat. in jur.*  
*ciend.* In usum eandem deduxerunt ipsi in  
*VII. §. de fideicommiss. hered. L. I. §. IV. &*  
*de aqu. & aqua pluv. arcend. L. II. §. V.*  
B Eod.

*Eod.* Legis rigorem emolliverunt humanitate in  
*L. XCI. §. III. de Verbor. Obligat. L. XXIX. §.  
 IV. Mandat. L. XIII. §. VII. de Excusat. tutor.  
 & sexcentis aliis locis.*

### Aphor. XIX.

**EST PERPENDENDA**) Huic rei comparata  
 est *interpretatio*. Quam ita definitio, quod sit  
*explicatio legis vel termino vel stylo obscura, ad-*  
*hibitis regulis Hermeneutica, ex propria verborum*  
*significatione, ratione legis & intentione legisla-*  
*toris, desumta.* Nil vero interest, utrum ipse Le-  
 gislator, an tertius explicet. Interim præter  
 conclusiones ab Auctore formatas & has addere  
 licet I) Cessare interpretationem, si res clara sit  
 & perspicua, II) Cessare etiam, si lex adeo obscu-  
 ra, ut sensus erui non possit III) Regulas inter-  
 pretandi ex Legibus non esse desumendas. vid.  
*THOMASII Diff. de interpretat. beneficior. Prin-*  
*cip. & compara HORNIVM de interpretatione*  
*Juridica.* IV) Declarationem, qua mentem no-  
 stram ipsi explicamus, interpretationi esse subor-  
 dinandam. V) Interpretem legi vim inferre  
 non debere, sed VI) semper doctrinaliter inter-  
 pretari, sive privatus iste sit, sive legislator. VII)  
 Interpretationem itaque non esse, sed novam le-  
 gem, quando Princeps legem priorem ad casum,  
 qui sub lege non latebat, extendit, VIII) a Jcto  
 studium etymologicum non esse alienum, IX) ra-  
 tionem legis, si legislator expresserit, præcise esse  
 sequendam, etiamsi inadæquata vel spuria sit.  
 X) Tum demum interpretem de suo ingenio ali-  
 quid



ad addere posse, si ratio legi non sit addita. I) Plane incognita manente ratione ad probabilem legislatoris intentionem respiciendum. XII) emum, si de hac non constet, legi præcise stantem esse. Lex enim, utut dura, sufficit tamen ripta. Ex his itaque & hoc elucere puto, a radioso juris haut vilipendendum esse historię antiquitatis studium. Alias, si præsertim de legis antiquæ rigore sermo est, in tenebris palabit.

### Aphor. XX.

OBSERVATVM ET IUDICATVM) Hanc interpretationem *usualement* vocant, eaque principiis ris Romani optime convenit. Tanta enim torum in Republica libera erat auctoritas, ut eorum opinione nemo facile recederet, atque interpretationes prudentum non minimam Jurisprudentię partem constituerent. Quare & Jus vile in *L. II. §. V. de Origin. Jur.* Jurisprudentia media in *§. III. §. de legitim. agnat. succ.* ipsi vero Juris Consulti juris auctores in *L. III. si pars heredit. L. XXXIX. D. de action. empti juris conditores vocabantur L. XXV. C. de Probat.* Sigillatim querelam inofficiosi testamenti dentum interpretationi natales debere, probat *INECCIUS Dissert. de lev. not. macul.* Nec er se res habuit tempore Imperatorum. Uter enim Augustus Jctis ad eum finem, ut lepristino statui Reipublicę accommodatas, eorum ope corrigeret, & ad præsentem statum dequeret, eo ipso vero legum munia ad se traheret.

heret TACITVS *Annal. lib. I. c. III. Lib. III. cap. LXXV.* Prohibebat ideo, ne iudices ab eorum responsis recederent §. VIII. *J. de Jur. Natur. Gent. & Civil.* quod a dubiis GOTHOFREDI in *Comment. ad Cod. Theodos. Lib. I. Tit. IV.* vindicavit THOMASIVS *de Nevis Jurisprud. Ante Justinian. p. 67.* Ratum etiam habebat, ne responsa rationibus munirent, quod SENECA *Epist. XCIV.* ridet. add. HEINECC. *Antiquit. Roman. Lib. I. Tit. II. §. XXXVII. sqq.* Quid autem hæc ad Germaniam? in qua tanta nunquam Ictorum fuit potestas, ut interpretando & de jure respondendo novum jus constituerent. Hinc certe, nisi juri scripto, rationi & genuinæ interpretationi legum convenient observantiæ, eas sequi & servare non oportet, quod ipsum invictis rationibus evicit GRIBNER *Dissert. de observantiis Collegiorum Juridicorum.*

### Tit. III.

De Jure personarum seu statu hominum, indeque veniente prima divisione.

### Aphor. I.

**V**EL A JURE) Status est certa conditio, in qua homo vivit, vel ut homo, vel ut membrum societatis cujusdam, cui si vel sponte vel ex instituto humano addixit, & vi cujus certis commodis & incommodis particeps fit. In homine, ut homine, considerata veniunt diversa jura, quæ ad sexum, nativitatem, ætatem, perfectionem-

tionemque corporis vel animi respiciunt. Societas prima, & reliquarum seminarium, conjugalit fuit, quæ postea & parentalem & herilem produxit. Orta est denique ex pluribus ejus generis minoribus societatibus civilis societas, sive respublica. Inde alia enata jura mariti, alia uxoris, alia parentum, alia liberorum, alia dominorum, alia servorum, alia denique Imperantium, alia subditorum. Horum vero, cum iterum innumere sint classes, diversa quoque non posse non eandem esse officia & jura, per se patet. Verum hoc extra controversiam est positum, quod una persona plures possit sustinere status, atque ideo diversas diverso respectu recipere obligationes, quod ultimum argumentum ex instituto explicat HERTIVS *Dissert. de uno homine plures sustinente personas.*

## Aphor. II.

ALII FOEMINAE) Masculorum & foeminarum diversa jura Doctores quidem duabus hisce regulis existimant includi posse; quod masculorum melior sit conditio, si de dignitate quaereretur, foeminarum, quando de imbecillitate sexus, deque vertendo vel reparando damno sermo esset. Verum conclusiones, quas regulis subjicere solent, quæ exempla, cum ipso principio non semper conciliari possunt, præsertim cum plura foeminis tribui videamus jura, quæ ex ratione speciali proflexerunt. Quare satius erit, paria foeminarum & masculorum jura in dubio statuere, diversitatem unum vero, si quam deprehendimus, vel a di-

versitate sexus, vel ex specialibus & cuilibet Reipublicæ propriis rationibus deducere. Sic enim dubium non est, sexum ipsum in causa esse, quod foeminae citius pubescant, quam masculi, quodque gentes officia publica masculis magis, quam foeminis destinaverint. Sic Romanos, videmus, Zelotypiæ furore abreptos, varia sexui sequiori ingrata ordinasse argumenta. Sed & hoc deprehendimus, magna illa, sed & sæpenumero absurda, mulierum privilegia obsequio Justiniani in Theodoram originem debere. De prioribus quædam lectu non injucunda protulit *LUDWIGIVS Dissertationibus de Scto Vellejano exule in Germania*. Posteriora per indicem recitavit *GUNDLINGIVS Tom. I. Observ. VIII.* ex quo eadem repetit *Illustr. STRUVIVS noster in Histor. Jur. Justinianei cap. III. §. I. not. \*\*\*\*\** Sine dubio & Germani suas habuerunt causas, cur adeo multa in odium foeminarum statuerent jura in argumento de secundis nuptiis, de successionibus, de cura muliebri, aliisque pluribus.

IN IIS PRAEVALET) Quæstionem, an dentur Hermaphroditi, de utroque sexu æqualiter participantēs, Medicis & Physicis decidendam relinquo. Id solum moneo, rem dubio procul futuram esse periculi & abusus plenam, si Hermaphroditorum arbitrio sexus electio committeretur. Quo magis itaque Reipublicæ interest, ut abusus evitetur, & jus tertii quæsitum illæsum maneat, eo majori circumspectione opus est in eligendo sexu, quem Hermaphroditus sequi necesse habeat.

Commit-



Committatur itaque res prudenti Medicorum consilio, adhibeatur prius ocularis inspectio, exigatur ab ipso Hermaphrodito jusjurandum, quod exum religiose servare velit. Confer, STRYCK. *de jur. sensuum Dissert. I. cap. I. n. 60. seqq.*

JAM NATI ESSENT) Verum pendente gravitatis tempore pendent etiam nasciturorum jura, nec prius actu horum participes fiunt, quam nati a matre separati fuerint vivi & perfecti. Prius amen, si aliunde de morte ne probabiliter quidem constet, in dubio praesumitur. Eaque praesumptio non locum solum facit transmissioni hereditatis, sed matri etiam infanticidii suspectae caenus nocet, ut nudam ejus assertionem, partum mortuum fuisse editum, vincat, atque haec ideo iurgatorio juramento, vel tortura corroboranda sit, vid. CONSTIT. CRIMIN. CAROLIN. artic. CXXXI.

POENA VEL TORTURA DIFFERATUR) Et poenas quidem, quod attinet, hoc indistincte procelit, modo corpus affligant. Verum enim vero, cum foeminae saepenumero non nisi maximo judiciorum incommodo, sive ex alimentandi onere, sive ex sumtibus, custodiae causae impendendis, oriundo, detineri possint, placuit Collegio Scabiatatus Jenensis plus simplici vice, ut poenam fustigationis, gravidae applicandam, eo in casu, si non liu uterum gestavit, ea ratione temperarent, ut alligatis in dorso virgis perpetua absque dispendio perageretur relegatio. Ex medio autem eruendi veritatem, quia pari ratione partui damnum enasei



potest, non torturam solum, sed & territionem differri, imo ne ad præstandum quidem juramentum purgatorium gravidam indistincte cogi, humanitatis est. Nec leges huic opinioni contrariæ sunt, ceu docet LEYSERVS *Spec. XIV. med. I.*

PRAETERLAPSÆ) Verum & tum, quia partus præcise ratio habetur, poena ea ratione est applicanda, ne per eam alimenta infanti detrahantur CARPZOV *Qu. Crim. P. III. Qu. CXXXVII. n. 22.*

### Aphor. III.

HABEANTVR) Imo præsumptione juris filius ex justis nuptiis procreatus legitimus est, etiamsi altero post nuptias die lucem aspiciat *L. XI. C. de natural. liber. in fin.* Quæ ipsa præsumptio, utut probationem in contrarium admittat, neque tamen per nudam assertionem matris *L. XXIX. in fin. D. de probat.* neque per solam contradictionem patris *L. I. §. IV. D. de Carbon. Edict.* licet jurata sit *c. per tuas X. de probat.* infirmatur, sed fortioribus argumentis vincenda est. Adeoque terminus septimi mensis eo spectat, ut 1) parentes evitent poenam anticipati concubitus WERNHER *P. I. Observ. CLIII.* 2) ut omnis probatio in contrarium excludatur, si pater concubitum haut neget.

VNDECIMIMENSIS) Sed in legibus allegatis nihil de initio undecimi mensis occurrit. Et, re penitus inspecta, ne quidem NOVELL. XXXIX. cap. II. in qua omne opinionis præsidium collocant malæ causæ defensores, rem loquitur.

uitur. Nec enim hæc argumentatio procedit: Iustinianus in Novella partum medio undecimimensis procreatum illegitimum judicat; Ergo initio undecimi mensis natus est legitimus. Quare rectius dixeris, terminum ad quem legitimorum natalium, finito matrimonio, esse decimum mensem. FABROTTVS *Dissertat. de tempore partus humani.* Ipsam rationem menses computandi collige ex BERGERI *Oecon. Jur. Lib. I. Tit. II. II. not. V.*

NON SVNT LIBERI) Imo ne hominum quidem jura habent. Et sic forsan impune occidi possunt? De quaestione consilii videant Theologi. De jure poenam occisori imminere, haud existimo, tut dissentiat STRYCK *in Interess. controuv. cap. I. §. VI. sq.* modo lex peculiaris hanc licentiam non restringat, & monstrum re ipsa sit monstrum. Jam in eo dijudicando non præcise ad formam corporis aut capitis sed ad id potius respiciendum est, an rationis usum habeat. Cæterum nostra opinio non in Legibus solum XII. Tabb. fundata, sed dudum defensa est a JCtis Batavis, teste ROTIO *in Manud. ad Jurispr. Batav. P. III. ib. I.*

#### Aphor. IV.

VI AUT JURE PROHIBETVR) Quis vero non videt, hac definitione admissa ipsam servitutum libertatem esse. Unde incultam illam definiendi artem merito ridet LEYSER *Spec. I. med.* eum in finem præterea loco allegato evolvens, quia alia plura definitionum in Jure Roma-

no occurrentium vitia collegit. Tu potius nota, aliam esse libertatem naturalem, aliam civilem, aliam Civium Romanorum. Ista consistit in jure independentiæ, vi cujus quis neminem, præter Deum, superiorem agnoscit: Illa dici quidem potest independentia, obligatione tamen, obsequium præstandi ei, qui Reipublicæ præest, circumscripta. Hæc Quiritibus propria fuit, variisque specialibus absolvebatur juribus, quæ late prosequitur HERNECIVS in *Appendic. ad Lib. I. Antiquit. Roman. §. XXIV. sqq.* A natura itaque nulla est servitus, cum omnes homines sibi invicem sint æquales. Non tamen a natura abhorret, pacto accedente se ea ratione alterius servum profiteri, ut obligationem recipiamus, operas nostras ad communem societatis domesticæ utilitatem conferendi. Et prima servitus ideo fuit pactitia. Huic deinde successit legalis. Perspecta enim pactitiæ servitutis utilitate, coacti sunt quidam, ut inviti renunciarent libertati civili, & statum servilem ab illo plane diversum subirent, qui non privationem solum jurium, quæ libertatem civilem concomitabantur, operabatur, sed, si Romanos spectes, ad ea etiam jura aditum præcludebat, quæ Quiritibus concessa erant. Primus legalem servitutem constituendi modus fuit captivitas. Eam enim Lacedæmoniis placuisse, PLINIVS refert *Histor. Natur. Lib. VII. cap. LVI.* Hos secuti Romani, præter captivitatem, alium modum, pœnæ nempe loco, servitutem constituendi excogitarunt, cujus exempla occurrunt in *§. IV. 3. de jur.*

*jur. personar. L. unic. C. de Senatus Conf. Claudian. tollend.* Et cum servi legales invito domino ad libertatem adspirare haut possent, factum est inde, ut nativitate etiam statum suum cum posteris communicarent.

Tit. IV.

De secunda personarum divisione & de potestate dominica.

Aphor. II.

**P**OTESTAS DOMINICA) In dijudicanda servorum Romanorum conditione, ut per innumeras, quæ in Corpore Juris extant, nos diffundamus conclusiones, vix est necesse. Majorem utilitatem præstat generale hoc, ex quo omnia pronò alveo fluunt, principium: Servos fuisse res & partem patrimonii. Clare rem loquitur *VLP IANVS Fragmentor. Tit. XIX. §. I.* Ex eodem principio, Antonini Pii constitutiones, quibus dominorum in servos sæviendi compescebat licentiam, Justinianus, promanasse, ait in *§. I. J. de his, qui sui vel alien. jur. sunt.* Reipublicæ enim interesse, judicat, ne quis re sua male utatur. Quin imò effectus etiam certissime de sua testatur causa. Servi poterant vendi, donari, legari, occidi, sibi nil acquirebant, matrimonium non contrahebant (quod argumentum ex antiquitatibus explicat *GUNDLINGIUS* in *Meditatione de contubernio servorum*, Gundlingianis inserta) a jure contractuum arcebantur, partus ancillæ  
ventrem



ventrem sequebatur, nonnisi volente & consentiente domino statum mutabant, & quæ sunt id generis alia. Sed vel nimia dominorum tyrannis, qui omnis humanitatis ignari, & misericordiæ obliti, in servos supra modum sæviebant, vel, quod magis probabile, mutata Reipublicæ Romanæ facies, Imperatores movit, ut dominorum licentiam legibus restringerent, eorumque jura ad æquitatis rationem revocarent. Quo ipso melior in dies servorum facta est conditio. Hoc Claudius egit teste SVETONIO *Claud. cap. XXV.* In eo occupata fuit Lex Petronia *L. XXIV. D. de manumiss.* Servis etiam prospexit Hadrianus vi *L. II. D. de his, qui sui vel alien. jur. sunt; add. SPARTIANVM cap. XVIII.* Hujus vestigia iterata vice pressit Antoninus Pius d. *L. II. de his qui sui vel alien. §. I. J. Eod.* Marcus quoque Imperator hoc argumentum tetigit in *L. V. D. de accusation.* Idem fecerunt sequentes Imperatores, quorum rescripta collegi in *Constitut. Imper. Romanor. omiss. Manip. I. Obs. II.*

### Aphor. III.

APPLICARI POSSUNT) Imo potius, quid servus mercenarius domino præstare debeat, unice ex pacto dependet. Nec enim dominus ejus opera alia ratione utitur, quam quatenus servus eam promisit. Cæterum sibi acquirit, omnibusque juri-  
bus liberorum hominum fruitur. Jus emendationis domesticæ tamen, sive facultatem castigandi & emendandi famulum mercenarium dominis competere, uno fere omnes profitentur ore.

Limi-



Limites autem hujus juris nemo magis accurate determinat, quam LEYSER *Spec. XIV. med. IV.* dum recte statuit, dominum a duobus cavere debere, primo, ne famam, secundo, ne valetudinem servi lædat. Id, si negligat, actione injuriarum tenebitur, hoc, si non curet, de omni damno respondebit.

#### Aphor. IV.

DISCERNENDA VENIT) Sunt homines proprii servi legales Germanici, neutiquam vero jure servorum Romanorum æstimandi. Nexum eorum cum dominis describit TACITVS *de morib. German. cap. XXV.* Domini vero iis utebantur vel ut ministerialibus, qui domino & familiae, & domi, & ruri, & militiae inserviebant, qui Gasindi nominabantur, vel ut colonicis, qui certis agris fundisque colendis adscripti erant, serviles appellati, & domino ad præstandam mercedem aut fructuum partem obligati GAERTNER *ad L. Frision. p. 14.* Priores neque antiquissimis temporibus in usu fuisse videntur, neque ad nostra tempora pervenerunt. Non dubito tamen, quin ab his derivandum sit jus illud dominorum jurisdictionalium, in Saxonia Electorali publica lege, scil. in ORDINAT. POLITIC. *de anno 1661. tit. XXIII.* approbatum, *der Dienstzwang*, vi cujus rusticorum liberis operas suas extraneo addicere prius non permittitur, quam eas domino per certa temporum intervalla præstiterint, vel ejus minimum consensum in discessum impetaverint. Confer. *Introd. nostr. ad Jus Saxon. P. I. Exerc.*

*Exerc. VI. §. IV. sqq.* Posteriores hodie in pluribus provinciis supersunt, in Lusatia, Marca Brandenburgica, Westphalia, Palatinatu, Ducatibus Luneburgensi, Brunsvicensi, Megapolitano, & Holsatico. Nec Poloni, aliique gentes, quæ olim Slavici juris erant, ejusmodi servos ignorant. Utut vero eorum una eademque non omni tempore fuerit conditio, ceu collatis eorum per plura secula diversis juribus perspicue demonstrat BOEHMER *Dissert. de jur. & statu hominum priorum*, atque sic hodie primario respiciendum sit ad ordinationes Provinciales & locorum consuetudines; in eo tamen antiquam omnes retinuerunt conditionem, quod in patrimonio & proprietate dominorum sint, prædiisque, quæ colunt, & ex quibus domino canonem præstant, perpetuo & inseparabiliter addicti. Quare & glebæ adscripti vocantur. Habent igitur propria quidem bona, sed consensu demum domini, ejusque præscitu alienabilia. Legem meliorationis in iisdem agnoscunt, domicilium non mutant, sed vindicantur, venduntur, permutantur, servilia præstant obsequia, census exsolvunt, matrimonia neque cum ingenuis, neque cum alterius domini hominibus propriis inconsulto domino suo celebrant, imo & consensum domini in nuptias exsoluto maritagio emunt, domino partem hereditatis relinquunt, de quo argumento HARPRECHT in *Dissert. de jur. mortuario* egit, obsequium dene-gantes, & in præstationibus atque cultura agrorum negligentes fundum amittunt, sie werden abge-

abgeäußert, liberi eorum & posteri eundem statum continuant, ad libertatem invito domino non adspirant, eamque pretio interveniente, gegen gebührenden Abtrag der Leibeigenschaft, emunt. Reliqua taceo, quæ tamen ex præmisso principio facile deducuntur. Hoc solum moneo, causam religionis per Pacem Westphalicam adeo esse privilegiatam, ut dominus facultatem emigrandi hominibus propriis denegare neutiquam possit.

### Aphor. V.

LIBERI HOMINES SVNT) In rusticis nostris statum antiquorum in Germania libertorum & servorum manumissorum conservari, pro certo habeo. TACITVS, dum in tract. *de morib. Germanor. cap. XXV.* libertorum meminit, eos non multum supra servos fuisse addit. Nec absque causa. Servi enim manumissi ratione personæ plenam acquirebant libertatem, & ingenuorum fere conditionem intrabant, nec dubitat ideo Compiler Juris Saxonici antiqui, quin eos in *JURE PROVINC. Lib. II. art. II.* inter ingenuos referat. Non tamen omnis ideo cessabat nexus libertorum cum domino, sed quasi in compensationem beneficii, per concessionem libertatis præstiti, certa recipiebant onera, & obsequiales operas, inter quas & necessitatem refero, dominum in bellum euntem comitandi. De iis enim accipio *LEGEM SALICAM Tit. XXVIII. cap. I.* atque clientes illos, nec non ambactos, quorum meminit *JVLIVS CAESAR de Bello Gallic. Lib. III. cap.*

*cap. XXII. Lib. VI. cap XV* ex classe libertorum fuisse, non absque ratione auguror. Cæterum res suas liberti separatas habebant. Prædiorum vero intuitu si quæ ex Domini beneficio possiderent & colerent, certum exsolvebant censum, certasque recipiebant patrimoniales præstationes. Sed jam ante me, collata antiquorum libertorum & rusticorum nostrorum conditione, veritatem illam, quod parum discriminis inter utrosque intercedat, a dubiis vindicavit THOMASIVS *Diff. de hominib. propriis*. Quod autem post varia temporum intervalla in prædiis liberiori uterentur jure, eaque quasi propria habere inciperent, id, existimo, partim a natura ususfructus Germanici, quam delineavit SCHILTER *Exerc. VII. per tot.* & BEYER *Jur. German. Lib. II cap X.* partim a commixtione Juris Germanici cum Romano, & incauta argumenti de emphyteusi Romana ad prædia rusticorum nostrorum applicatione derivandum esse, Conf. nostram *Introduct. ad Jus Saxonie. P. II. Sect. II. Exerc. III. §. XIX. sqq.* De vario vero nexu, quem rustici prædiorum intuitu subeunt, commodior alibi erit dicendi occasio.

VARIISUNT GENERIS.) Hanc rem ex instituto pertractavit BEYER *Jur. Germanic. Lib. I. cap. V. & VI.* Sunt autem vel personales, vel reales, sive patrimoniales. Illæ, sive jumentis, sive manu præstentur, regulariter rem rusticam respiciunt. Et has, quia ex ipsa antiquitate originem trahunt, indubio præsumendas esse, non sine causa reor.

Quæ



Quæ vero præterea a rusticis exiguntur operæ personales, *Baufrohn*, *Wachdienste*, citra pactum vel legis dispositionem haut debentur. Et, si debentur, strictam omnino desiderant interpretationem, ut minimo, quam fieri potest, rusticus damno afficiatur. Quare servitia, ad reparandum vel extruendum domini castrum præstari solita, in dubio de sola habitatione accipienda esse monet *CARPZOVIVS Lib. I. Resp. LI.* Excubias item ægrotante domino vel ejus uxore agendas, ad dominam puerperam extendi posse negat *LEYSER Specim. XIV. med. III.* Operæ porro certæ in alias, quantumvis similes, converti nequeunt, nec in pecuniarias præstationes mutari, nec de loco ad locum extendi. Porro, si exactæ non sunt, in sequentem annum non possunt rejici *CARPZOV. Lib. I. Resp. LVI. & LVII.* & pro operis non exactis dominus satisfactionem frustra urget *WERNHER. P. VII. Obs. CLXXI.* Reales deinde operas quod attinet, illæ vel in frumento, vel in pecudibus, vel in pecunia præstari solent, de quibus vide *BEYERVM d. l.* Pertinent huc etiam decimæ tam seculares, quam Ecclesiasticæ, quarum originem & naturam ex antiquitatibus eruit *BOEHMER Jur. Eccles. Lib. III. Tit. XXX.* & in *Dissert. de præscriptione decimarum.*

INTELLIGENDAE) Generatim vero dominum, in exigendis operis indeterminatis, humanitatis & æquitatis rationem observare, nec prætextu juris sui omnem, rusticis, sibi acquirendi, & prædia colendi, occasionem præripere debere, & res ipsa postulat, & domini proprium commodum suadet.



## Tit. V.

## De patria Potestate.

## Aphor. II.

**C**ONSISTIT AVTEM PATRIA POTESTAS)  
 Cum Jurisprudentiæ hodiernæ maximopere  
 interfit, ut probe secernamus ea, quæ Ro-  
 manorum institutis unice conveniunt, ab iis, quæ  
 cum Germanorum moribus concordant, quando-  
 quidem alia ratione neque inextricabilis diverso-  
 rum jurium confusio, neque perniciosissima le-  
 gum applicatio evitari queat, in argumento cer-  
 te de Patria Potestate cavendum est sedulo, ne ni-  
 mia juris Romani veneratio incautos a vero trami-  
 te deducat. Ipse Justinianus fatetur in §. II. *f. de Patr. Potestat.* Jus potestatis, quod in libe-  
 ros habuerunt Romani, proprium fuisse civium Ro-  
 manorum, nec alios fuisse homines, qui talem in  
 liberos habuissent potestatem, quam Romani. Qua-  
 le ergo jus fuit Patria Potestas Romanorum? Plu-  
 ribus verbis eius naturam indicat DIONYS. HA-  
 LICARN. *Antiquit. L. II. c. XXVII. & XXVIII.* quem locum integrum dedit THOMASIVS in  
*Diff. de quasi emancip. Germanor. §. III.* Uno  
 verbo eam majestatem patriam nominat VALE-  
 RIVS MAXIMVS *Lib. VII. cap. VII. n. 5.* In-  
 victissimis rationibus porro, patriam potestatem  
 dominium in liberos proprie sic dictum fuisse, de-  
 monstrat BYNCKERSHOECK *de jure occidendi*  
*liberos Oper. Tom. II. p. 110. sqq.* Ut me paucis  
 expediam, Patria Potestas Romanorum erat do-  
 minium.

minium patri competens in personas & bona liberorum, ad communem familiæ utilitatem. Liberi igitur rebus annumerabantur, CAJVS *Lib. I. Institut. Tit. VI. §. III.* & servilis conditionis erant, SERVIVS *ad Virgilium L. XI. Æneid. vers. 243.* Imo deterioris adhuc in quibusdam conditionis, quam servi. Servus enim semel adeptæ libertate liber manebat. Liberi autem a patre venditi & iterum manumissi in potestatem patris recidebant, & impetrata tandem tertium libertate ex potestate patris exhibant HEINECCIUS *Antiquit. Roman. Lib. I. Tit. IX. §. VI.* Servus etiam permissu domini de peculio testabatur, liberi non æque, *pr. §. quib. non est permiss. fac. testam.* Res itaque cum fuerint liberi, quid mirum, quod pater eos vindicare, *L. I. §. 2. D. de Rei vindic.* exponere, vendere, occidere, omniaque ea decernere potuerit, quæ de re, quæ in nostro dominio est, licent? quamvis, ne quid dissimulemus, ad necem liberorum progressum esse patrem absque ratione, vel ideo vix probabile est, quia frequentes Romæ erant arrogationes, in quas procul dubio nemo facile consensisset, si adeo crudele jus fuisset patria potestas, ut sola sævitia fuisset conspicuum. Quid porro mirum, liberos nil habuisse proprii, sed omnia patri acquisivisse? Quid mirum, Patris potestatem fuisse perpetuam, nec unquam expirasse, nisi volente patre? Quid mirum, quod non in liberos solum primi gradus, sed in nepotes quoque, pronepotes & abnepotes patri potestas competierit, *§. III. §. de Patr. Potest.* cum natu-

rale sit, ut ejus sit accessorium, cujus est res principalis. Verum & hoc ex definitione patet, matri in liberos nullam competiisse potestatem, cum & ipsa in potestate esset mariti, nec melior ejus, quam liberorum, conditio, quod contra Thomasium evicit HEINECCIUS *d. tr. Lib. I. Tit. X. §. VI. sqq.* Solæ publicæ causæ patris potestati erant exemptæ, earumque intuitu filius familias habebatur pro patre familias. *L. IX. D. de his, qui sui vel alien. jur. sunt.* Quam varia vero ratione mutato Reipublicæ statu jus patris fuerit circumscriptum, id ab aliis satis actum studio omitimus.

V SUMFRUCTUM HABET) Ad hos quidem cancellos, sublato plane jure ter venundandi liberos per *L. I. C. de patrib. qui filios distraxer. L. I. & II. C. Theodos. de aliment. quæ inop. parent. e publico peter. deb.* revocata est patria potestas, ut omne jus patris in liberorum personam in facultate castigandi, si de negotio domestico sermo esset, desineret, jus puniendi filium delinquentem vero magistratui relinqueretur *L. unic. C. de emendand. propinquis*, jus e contrario in bonâ liberorum solo usufructu absolveretur. Reliqui autem Patriæ Potestatis effectus mutationi haut fuerunt obnoxii, & cum ipso Jure Romano ad nostra usque pervenerunt tempora, nec exiguam auctoritatem in decidendis Germanorum controversiis, applaudente Doctorum turba, sibi vindicant, qua de re singulis locis videbimus. Quicquid tamen ejus rei sit, jura patris Romani cum matre

matre nunquam communicarunt §. X. J. & L. V. C. *de adoptionib.* At Germani mitiores fuere, & prærogativam quidem illam, quæ patri, ut capiti familiæ debetur, omni tempore agnoverunt, nec ideo dubitarunt, quin in domesticis negotiis illi decisivum, matri vero deliberativum solum votum assignarent; quosdam etiam effectus potestatis ex Jure Romano descendentes, eos maxime, qui in doctrina de testamentis occurrunt, v. c. tutoris dationem, substitutionem pupillarem, soli patri reliquerunt. Cæterum idem jus matri in liberos competere, quod pater exercet, eo firmiori fundamento defendunt, quo certius constat, hoc ipsum ad juris naturæ rationem quam proxime accedere, ut potestas in liberos jure eos educandi, & actiones eorum ad familiæ & Reipublicæ utilitatem dirigendi absolvatur. Add. LYNCKERI *Diff. de potestate matris.* Educatio vero utrique parentum incumbit, & alimentandi onus complectitur. Quia vero absque imperio neque expediri, neque directio actionum effectum habere possit, sua sponte sequitur, ea a parentibus adhiberi posse media, quæ fini obtinendo inserviunt. Præterea patet, educationis fine cessante, ipsam cessare potestatem, haut vero cessare reverentiam & gratitudinem ex parte liberorum, sed eos beneficium ipsis præstitum per omnem vitam grata mente recolere debere.

### Aphor. III.

POST HVIVS MORTEM MATER) Anne vero pater statim ad ministranda alimenta obli-



gatus est, simulac filius nascitur? Certe *L. I. §. XV. D. de agnoscend. vel alend. liber.* non distinguit. Putant tamen nonnulli, auctoritate *L. IX. C. de Patr. Potest.* suffulti, illam generalem dispositionem ita temperandam esse, ut, quod ad tres priores annos, matri soli educatio infantis relinquenda sit, nec ideo stupratorem in alimenta infanti præstanda prius, quam præterlapso illo triennio, condemnari posse. Et hanc opinionem, memini, in Ducatu Altenburgico peculiari Rescripto d. dato d. XX. Decemb. MDCCXXVIII. approbatam, & simul, quod obiter moneo, necessitatem per reliquum temporis spatium spurium alendi, post hujus annum duodecimum patri remissam esse. Sed vidit jam BERGER *Resolutionibus Lauterbach. p. m. 495.* legem Codicis allegatam de alimentis lactis materni accipi debere, ideo autem obligationem patris, reliquos sumtus pecuniarios subministrandi, non cessare. Et hanc interpretationem sequi Legislatores Anhaltinos, testatur *ORDINAT. PROVINC. PRINCIP. ANHALT. Tit. VIII. §. Wenn aber.*

CONCEDITUR) Eadem ratione statuta civitatis Jenensis matri prospicere, cognovi ex Statut. Jenens. *Tit. XXV. cap. I. §. VIII.* Nec res ipsa ratione caret, sive fundamentum ususfructus in potestate parentum in liberos colloces, sive eundem in compensationem oneris alendi parentibus assignes. In utroque enim casu mater usumfructum optimo jure sibi vindicabit, cum & eandem potestatem ex Jure Naturali in liberos exerceat, quam



quam pater, & onus alendi liberos in subsidium recipere debeat. Imo ne cessabit quidem ususfructus, etiamsi mater ad secunda vota transeat. Non enim simpliciter mater, quæ vitricum liberis superinducit, ab educatione pupilli excluditur, sed personarum qualitatem inspicere jubet *L. I. C. ubi pupill. educ. deb.* adde *CARPZOV. P. II. Const. XI. def. XIV.* *BRUNNEMANN. ad L. ult. C. de contr. Tutel. judic.* Quodsi itaque mater educationem liberorum continuare velit, & quicquam illi, ne continuet, haut obstat, nec ususfructus eidem erit denegandus, quem in modum Scabini Jenenses responderunt *Mens. August. 1736.* In aliis vero provinciis, ubi ususfructus matri denegatur, educatio quidem pupilli matri relinqui solet, non tamen ideo jus fructus ex bonis liberorum indistincte percipiendi, sibi vindicare potest, sed iudex potius, ut certam alimentorum causa erogandam quantitatem determinet, adeundus est. Et ita laudati *Jcti Jenenses* pronuntiarunt ad requisitionem *der Stiffts-Cankley zu Quedlinburg M. Maji 1736.*

## Lib. I. Tit. VI.

## De Sponsalibus.

## Aphor. I.

**M**ENTIO ET REPROMISSIO) Ergo Sponsalia sunt pactum ab aliis conventionum generibus sine solum differens & effectu. Nec ullam dubitandi video rationem, quare regulæ

generales de pactorum validitate & duratione ad pactum sponsalitium non possint vel debeant applicari. Character enim ille spiritualitatis, quem Pontificii matrimonio, ut Sacramento, affingunt, & vi cujus causas matrimoniales aliter plane considerant, quam pactorum natura postulat, nec verus est, nec a Protestantibus agnoscitur. Et si cum Theologis & Iuris Protestantium spiritualitatem matrimonii, contra genuinam verbi ipsius significationem inde derivare malis, quod jurisdictioni & potestati Ecclesiasticæ subjecta sint matrimonii negotia ex majorum nostrorum institutis & recepta constantissima consuetudine; non tamen ideo ea incaute in foris Protestantium ad exemplum sunt trahenda, quæ reliquias sacramenti redolent, & a STRYCKIO in *Diff. de reliq. Sacram. in matrim.* enumerantur, nec privilegium fori eam poterit habere vim, ut sponsaliorum validitas aliunde, quam ex natura pactorum, æstimanda veniat; Imo ipsa Praxis confirmat, quod in sponsalibus ea adesse debeant, quæ pacta valida reddunt, ea vero obligationi sponsalitiae obsint, quæ pactorum efficaciam vel remorantur, vel tollunt. Igitur I) non valent sponsalia ab iis contracta, qui consentire nequeunt, II) Dolus & error in essentialibus Sponsalia vitiant, III) Consensus liber esse debet, metusque nulla reddit sponsalia, IV) Mutuus etiam sit consensus necesse est. Semel tamen pure datus poenitentiam omnem excludit, & sic quidem V) tractatus sponsalitii non obligant, nec VI) sub conditione cele-

celebrata prius perfecta sunt, quam conditio existat, non tamen VII) validitati sponsaliorum quicquam decedit, etiamsi consensus cum aliqua celebritate non fuerit declaratus; eatenus vero, si obligationem spectes, pactum futurorum sponsaliorum, ipsumque pactum sponsalitium ab invicem non differunt. TITIVS in der Probe des geistlichen Rechts *Lib. IV. cap. I. §. 6. & 32.* WERNHER *binis Dissertationibus de pactis futuror. sponsalior.* Quæ enim THOMASIVS contra disputat, vix alium casum præsupponunt, quam id inter partes actum esse, ne statim obligarentur. Porro VIII) dubium non est, quin consensus sponsalitiis & expresse & tacite declarari possit. Verum & hoc IX) negare non audeo, omnem sponsalia amittere vim, si res postea in eum perveniat statum, unde initium habere non potuit, cum omni obligationi ex conventionem insit clausula: rebus sic stantibus, & in eodem statu manentibus, WERNHER *P. III. Obs. CCXXXIV.* Imo X) sponsalia mutuo dissensu iterum solvi, ipsum jus Pontificium agnoscit *c. 2. X. de sponsalib.*

FUTURARVM NVPTIARVM) Inde satis patet, non dari sponsalia nisi de nuptiis aliquando incundis, & diversa omnino esse sponsaliorum & matrimonii jura, vid. BOEHMERI *Dissert. de diverso sponsal. & matrimon. jur.* Manent etiam diversa, utut in quibusdam articulis paria uxoris & sponsæ, mariti & sponsi videantur jura. Quæ tamen caveas ad hanc revoces regulam, quod

sponsus & sponsa jure conjugum in favorabilibus utantur, cum illa neque univ[er]se, neque semper vera sit. Hoc autem diffiteri non possum, in iis argumentis, ubi eadem matrimonii & sponsaliorum est ratio, cingendum haberi posse pro cincto, & sponsam pro uxore. Sic par sine dubio adest ratio, I) si prohibitiones nuptiarum spectes, *L. V. & XVI. de sponsalib.* II) Si sponsa dotem sponso jam intulit, habebit enim de dote actionem, *L. VII. D. de rit. nupt. L. LXXIV. D. de jur. dot.* habebit etiam jus prælationis in bonis mariti, *L. XVII. §. I. de reb. auct[or]. judic. possid.* III) Si violationem fidei matrimonialis spectes, & sic sponsa alteri copiam sui faciens adulterium committit *L. XIII. §. III. & VIII. ad L. Jul. de adulter.* Sic etiam duas sponfas eodem tempore habere non licet, *L. I. de bis, qui notant infam.* Sic porro sponsa deserta pro consequendis alimentis in sponsi bona immittitur *L. XV. C. de jur. dotium.* IV) Si præsumtum affectum consideres. Quare testimonium sponsi vel sponsæ pro se invicem vacillat; in locum actionis furti actio rerum amotarum substituitur, sponso injuriam sponsæ illatam ulcisci permittitur *L. XV. §. XXIV. D. de injur. §. L. I. §. ult. Eod.* imo reciproca successio sponso sponsæve, si alii hæredes ab intestato desint, non denegatur *WERNHER P. III. Observ. XXXIII.* V) Si liberos ex desponsatis natos respicias. Hi enim tanquam ex legitimo matrimonio nati legitimi habentur per rationem *L. XXX. de Regul. jur.*

SVB



SUB CONDITIONE) Quod matrimonium sub conditione possibili promitti possit, nemo negat. Nescio autem, quid in mentem venerit Doctoribus, ut in casu conditionis impossibilis vel turpis adjectæ stricte sequerentur *cap. fin. X. de condition. apposit.* atque illas condiciones, quæ contra leges matrimonii impingerent, sponsalia vitare putarent, eas vero, quæ legibus in genere contrariæ vel facto etiam impossibiles essent, in favorem matrimonii pro non adjectis haberent. Nam certe omnis doctrina de sponsalibus conditionatis ex natura conventionum conditionalium dependet. Cumque in actibus inter vivos consensus adjecta conditione impossibili vel turpi desit, merito hujus generis condiciones, qualescunque sint, pactum sponsalitium vitiant. Conf. LUDOVICI *Differt. de condit. sponsalior. impossibil.*

IN ECCLESIIIS) Ita certe nostrates sponsalia de præsentī ab illo actu, quo matrimonium ipsum contrahitur, separant, & sponsalia de futuro a pacto de futuris nuptiis distinguunt, ea quidem ratione, ut huic non sponsalibus de futuro obligationem inesse dicant. Ne vero desint sponsaliorum de futuro exempla, tractatus primo nominant sponsalitios, his sponsalia impuberum addunt, & demum sponsalia conditionata in eandem classem referunt. Incongrue satis, & contra mentem Juris Canonici. Hoc enim jus sponsalia de præsentī, quæ diversum ab ipso matrimonio effectum habeant, penitus ignorat, sponsalia  
etiam



etiam de futuro, quæ obligationem nullam producant, nescit, sed ista magis sponsalia, quando de futuro matrimonio promissio fit, de futuro appellat, & vera sponsalia *c. II. & XXXII. X. de Sponsal.* Nostrates itaque hic summa inis miscent, cumque ea, quæ de sponsalibus de futuro in Jure Canonico dicuntur, ad nostra sponsalia de præsentī applicare deberent, novam sponsaliorum speciem sibi formant, & definitionem ad ea negotia, quæ Jus Canonicum ne sponsalibus quidem annumerat, applicant, quod perspicue docuit BOEHMER *Diff. de incongr. Prax. distinct. inter sponsal. de præf. & de futur. in terr. Protestant.* Nam neque tractatus nudi, neque sponsalia impuberum sponsaliorum nomen tueri possunt, quia nullum plane producunt effectum, liberamque cuilibet parti relinquunt ab his iterum recedendi facultatem. *c. VII. & VIII. X. de despons. impuber.* Sponsalia autem conditionata de futuro quidem dicuntur, non alia tamen ratione, quam quia contrahentes sibi fidem de futuro promittunt. Cæterum vera sponsalia sunt, & ad expectandum conditionis eventum omnino obligant. Idque cum omnibus reliquis pactis commune habent. Nec mera logomachia est hæc de Praxi perversa distinctionis allegatæ observatio, sed falsas, easque merito ex nostris foris eliminandas, produxit conclusiones. Cum enim ea, quæ de sponsalibus de futuro dicuntur, ad nostra sponsalia de præsentī essent applicanda, & sic I) juramenti delationem contra sponsalia, vi *cap. II. X. de sponsalib.* permittere, II) trans-

II) transactiones contra matrimonium, ut & III) compromissum in causis matrimonialibus tolerare, IV) coacta matrimonia *vi c. XVII. X. de sponsal.* evitare deberemus; nos potius in omnia alia ire, & præterea ipsam doctrinam de sponsalibus mirifice turbare solemus.

Aphor. II.

PARENTVM CONSENSVS ) Jure Romano Patris consensus de necessitate requirebatur *pr. J. de Nupt.* Nostri moribus magis ex jure reverentia dependet, & sic nec matris consensus negligendus. Quod autem essentiam matrimonii non ingrediatur iste consensus, inde constat, quia I) dissensus non attenditur, nisi justis causis munitus, II) consensus iste a Consistorio suppleri potest, III) matrimonium dissentientibus & invitis parentibus contractum non rescinditur. Interim cum liberi negligentiores in impetrando consensu parentum & leges gratitudinis & reverentiæ violent, & parentes contumelia afficiant, justas existimo & æquas esse leges istas provinciales, quæ inter justas consensum denegandi causas hunc parentum contemptum referunt, parentibusque facultatem concedunt, liberos ingratos exhæredandi. *CARPZOV. Jurispr. Eccles. Lib. II. def. LIV. add.* tamen *BERGERVM Oec. Jur. Lib. II. Tit. IV. §. XIV. not. IV.* Patris tamen adhuc hodie hoc in argumento semper potior ratio est, nec dissensus matris, illo consentiente, quicquam operabitur *LEYSER Specim. XVIII. med. II. sq. & Specim. CCXCI. med. VII.* In genere vero, doctrina de con-

consensu parentum adhibendo, eiusque, si denegatus est, effectu, cum aliis solennibus, quæ in sponsalibus valide celebrandis adhibenda sunt, hodie non tam ex Jure Romano & Canonico, quam ex ordinationibus provincialibus & matrimonialibus addiscenda est, quas sæpius legimus & ascendentium & propinquorum, & curatorum consensum ad validitatem sponsaliorum requirere. Ejusmodi leges speciales refert MYLERS in *Gammolog. cap. II. & III.* BERGER *Oecon. Jur. Lib. I. Tit. I. §. VI. not. VIII.* & in *Supplement. ad Elect. Discept. Forens. P. II. p. 1856.*

### Aphor. III.

CELEBRATA) Verum, quia mores in determinanda forma sponsaliorum mirum in modum variant, potius dixeris, publica sponsalia esse, quæ observatis omnibus solennitatibus a lege præscriptis inita sunt; Uno vero alterove neglecto clandestinitatem oriri. Fieri enim potest, ut & consensus parentum adhibeatur, & testes interve- niant, sponsalia vero nihilominus obligatione careant, si reliqua formalia negotii fuerint omissa. Ubi vero parentum consensus sufficit, testes præ- sentes prius adhiberi non debent, quam si uterque contrahentium parentibus est orbatus.

### Aphor. IV.

REGULARITER SVNT CONSUMMANDA) Ita in Consistoriis, quousque lex specialis non ob- stat, pronunciari solet, ex auctoritate forsan CARPZOVII *Lib. II. Jurispr. Consist. def. LX.*  
Sed

Sed verius est, vitium clandestinitatis ex subsecuto concubitu non purgari. Et de Jure quidem Romano res certa est *L. XI. de stat. homin. ser. & §. XII. 7. de Nupt.* Sed cum hodie in matrimonialibus Jus Canonicum Romano præferatur, videbimus, an ista opinio aliquid præsidii sibi exinde promittere possit. Provocant *ad c. XXX. X. de Sponsalib.* Legimus ibi sponsalia pura per concubitum transire in matrimonium. Verum hic præsupponi, in ipsis sponsalibus omnia ordinate & ex præscripta forma facta esse, *Concilium Tridentinum* docet *sess. XXIV. de reformat. matrimon. cap. I.* Instas, Protestantes *Concilium Tridentinum* gravissimis ex causis repudiare. Concedo. Sed & mihi concedes, negotium, in quo celebrando forma neglecta est, ipso jure nullum esse. Et, si nullum est, concubitus certe sponsalibus clandestinis accedens novam obligationem introducere, formamque omissam supplere non poterit. Ne dicam, admissa opinione contraria & id necessario sequi, privatos facto suo legi prohibitive omnem efficaciam impune adimere posse. Et sic omnis Legislatorum cura in determinanda negotiorum forma esset inutilis. Idque Lutherum ipsum agnovisse testatur *SECKENDORFF in histor. Lutheran. Lib. III. cap. XXVI.* Magni itaque facio pietatem Legislatorum, qui ejusmodi sponsalibus concubitu firmatis non omnem solum denegant efficaciam, sed & transgressores legis poena præmerita afficiunt. Ea vero ratione sponsalia per concubitum in matrimonium transire non puto, nisi sponsalia ipsa vera & valida præcesserint.

Apho.



## Aphor. V.

**RATIONE COGNATIONIS**) Cognationem vocant vinculum personarum ab eodem stipite descendendum, carnali propagatione contractum. In ipsa vero prohibitione Jura humana non simpliciter ad hanc vel illam personam respiciunt. Sed ob paritatem rationis a casibus expressis ad casus similes non expressos argumentantur, quod, an etiam Jure divino procedat, postea videbimus. Ista vero ratione necessitatem Jctis imposuerunt, ut, antequam de ipso matrimonio, an prohibitum esset, judicarent, graduum instituerent connumerationem, id est, viderent, quam longe distaret persona, de cujus matrimonio quaeritur, ab illa, quam conjugem exoptat. Hac autem connumeratione, ut facilius perageretur, Doctores movit, ut lineas certas fingerent, personasque ab invicem descendentes sibi serie non interrupta subordinarent, cuilibet generationi sub communi stipite peculiarem lineam assignantes, illi vero reliquas generationes substituentes. Sicque factum est, ut memoriae causa distinguerent lineam rectam ab obliqua sive collateralis, atque illam assignarent personis, quae vel nos generarunt, vel quas nos generavimus, proavo nimirum, avo, patri, filio, nepoti, pronepoti, hanc vero personis, quae se invicem quidem non generarunt, ab eodem tamen stipite descendunt, fratri scilicet, sorori, eorumque liberis. Ut autem fundamentum omnis connumerationis est generatio, ita & de eo dubium non est, quod quaelibet generatio Jure  
Civili



Civili unum faciat gradum, & ideo omnes generationes numerandæ sint, quotquot in utraque linea extant, quando de prohibito matrimonio sermo est. . Ipsa vero prohibitio juris civilis duabus hisce absolvitur regulis: I) In linea recta matrimonium prohibetur in infinitum, II) In linea collaterali prohibitio ultra tertium gradum non extenditur, nisi respectus parentelæ simul concurrat, id est, quando persona, de cujus matrimonio quaeritur, communi stipiti immediate subest, eamque loco parentis venerari debemus. Quapropter nullum Jure Civili est impedimentum, ne fratrum vel sororum liberi se invicem matrimonio jungant. Aliter quidem se res habet Jure Canonico, quod hodie in matrimonialibus sequimur. Nam hoc matrimonium usque ad quartum gradum prohibet, & generationes haut ex utraque linea connumerat, sed eas solum, quæ in una linea, eaque, si ad alteram refertur, longiori extant, ut sic duo gradus Juris Canonici unum gradum Juris Civilis faciant; Cujus inventi ratio merito a cupidine habendi, & ærarium Pontificis locupletandi per Bullas dispensationis derivanda est; cum præsertim inter illustres personas vix quisquam de matrimonio cum alia persona æque illustri in eundo cogitare possit, quin dispensatione Pontificis ob propinquitatem opus habeat. Aliter etiam sese res habet moribus nostris, quibus mox secundum, mox tertium gradum computationis Canonice prohiberi videmus: Verum enim vero, ut ipsa prohibitio ab arbitrio Legislatoris humani dependet,

D

pendet, ita e contrario omnes in eo consentiunt, quod, quando de jure Principis dispensandi in casibus prohibitis sermo sit, ad computationem Juris Civilis recurrere debeamus, quippe quæ, hoc solo excepto, quod paritatem rationis respiciat, cum prohibitione juris divini coincidit. Et sic matrimonia inter fratrum & sororum liberos dispensationem admittere nemo negat.

### Aphor. VIII.

**RATIONE AFFINITATIS**) Affinitas est conjunctio unius conjugis cum cognatione alterius conjugis ex consummatis per concubitum nuptiis orta. Nec hic juridice diversa ratio est, si concubitus illegitime exercitus sit, cum & ex illegitima conjunctione affinitas oriatur. Ex ipsa vero definitione patet, in dijudicanda questione, an adsit affinitas, ad unicam hanc regulam esse respiciendum: Maritum affinem fieri cognatis suæ uxoris, uxorem affinem fieri cognatis sui mariti. Utriusque vero conjugis consanguineos non fieri affines. Inde enim porro sequitur, inter consanguineos uxoris & mariti nullam esse prohibitionem, nuptiasque inter duos fratres, duasque sorores, interque comprivignos omni jure permitti. Tria vero affinitatis genera Doctores constituere solent, ideo præsertim, quia, ubi vera affinitas adest, leges humanæ nonnunquam prohibitionem ad tertium genus extendant. Primum genus illud ipsum est, quod antea definivimus. Si deinde persona, quæ primo genere affinitatis mihi jam juncta est, se denuo matrimonio intervenien-

te

te conjungat cum extranea persona, hæc cum cognatis suis mihi in secundo genere affinitatis jungitur. Tertium genus oritur, si Persona, quæ mihi affinitate in secundo genere juncta est, iterum cum persona extranea matrimonium contrahit. Deinum ad ipsas prohibitiones ob-affinitatem magis perspicue cognoscendas Doctores doctrinam de gradibus ad affinitatem applicarunt, quamvis hæc illos proprie non admittat, cum generatio gradum constituat. Ita tamen graduum connumeratio ab illa, quæ fit in consanguinitate, sese distinguit, quod maritus & uxor semper habeantur pro una persona. Et hac ratione fundamentum connumerationis ita strui solet: Quo-  
to gradu quis mihi junctus est in consanguinitate, toto gradu etiam in affinitate. Ut itaque pater & filius consanguinei sunt in primo gradu, ita & vitricus & privignus affines sunt in primo gradu. Ipsam denique prohibitionem, quatenus indispensabilis est, his regulis absolvi posse, res ipsa docet: I) In primo genere affinitatis, & quidem, si lineam rectam spectes, matrimonium æque ac in consanguinitate in infinitum est prohibitum. II) In linea collateralis secundus iterum & tertius gradus computationis civilis prohibitus est, vel secundus lineæ inæqualis computationis Canonice. Ulterius quidem procedit prohibitio humana, sed cum Principes sibi legem hanc ita non dixerint, ut dispensatio excluderetur, reliquas prohibitiones, quæ commodius ex ipso fonte prohibitionis, legibus nempe provincialibus hauriuntur, huc transscribere nolo.

D 2

Aphor.

## Aphor. XVII.

VENIAM CONCEDERE ) Ea tamen plane non opus est, si consanguinitas per copulam carnalem, & affinitas mediante matrimonio actu nondum contracta est. Sponsalia enim tantum cognationem vel affinitatem non operantur. Unde facile decidi potest quæstio: Utrum quis cognati vel affinis sui sponsam in matrimonium ducere possit? Nil enim huic intentioni obstabit. Quod si vero præsumptio sit, potuisse facile contingere, ut sponsus sponsam carnaliter cognosceret, mavult Praxis incestus metum, præstito prius a sponso sponsæ juramento purgatorio, removeri, quam ipsum matrimonium novum permittatur.

CARPZOV. *Jurispr. Ecclesiast. Lib. II. def. 121. sq. add.* WERNHER *P. I. Obs. XLV. & Vol. III. Supplem. p. 643.*

SIMILIS QVOQUE RESPECTVS INSPICIENDVS ) Historiam tritissimæ hujus quæstionis, quæ tot viros tum pietate & theologica doctrina, tum legali scientia conspicuos exercuit: utrum Deus in textu allegato, præter personas expressas, in simili quoque ob paritatem rationis, alias in eodem gradu existentes, legi prohibitivæ subesse voluerit, fusius exponere instituti ratio non permittit. Dicam saltem ego, me alienum non esse ab eorum opinione, qui graduum connumerationem in prohibitionibus juris divini fieri posse negant. Primo enim computatio graduum novum inventum est, & a Græcis ad Romanos translatum, Judæis vero plane incognitum. Et  
sic



fic ne probabile quidem est, Deum, Legislatorem sapientissimum, qui duritiem cordis, pertinaciam, & astutiam populi Judaici probe noverat, legem huic genti dare voluisse, quam ad casus similes applicaret, cum tamen modum gradus computandi nesciret, & per se jam proclivis esset ad denegandum legibus summa perspicuitate conceptis promptum obsequium. Deinde lex ipsa juris antiqui Ebraeorum correctoria est, veteremque libertatem promiscua contrahendi matrimonia restringit, nonnulla matrimonia expresse & speciatim prohibens. Ea vero istarum legum semper fuit natura, ut ultra casus expressos eas extendere fas non esset, regulamque magis in casibus non exceptis firmarent. Porro, si Dei T. O. M. ea fuisset intentio, ut paritatem rationis Judæi admitterent, certe causam nullam dare poteris, quare in enumeratione personarum tot prohibitiones occurrant, quarum tamen non diversa sed eadem ratio est. Denique in opinione mea me non parum confirmat, quod alias personas, quam quas *Levitic. cap. XVIII.* enumeraverat, lex ipsa prohibitiva, mox *Levit. cap. XXI.* repetita, haut exprimat, cum inde haut obscure colligere possimus, seriam Legislatoris divini fuisse voluntatem, ut ad has personas lex ipsa restringeretur.

### Aphor. XVIII.

CONSENSVS CONJUGALIS) Hæc doctrina principium Pontificiorum de Sacramento redolet, & præterea ex incongrua Praxi distinctionis inter



sponsalia de præsentī & de futuro fluit. Imo ipsum Jus Canonicum in *c. 17. X. de sponsalibus* tristes ex coactis matrimoniis effectus agnoscit. Certe rationis est, ut quæ mutuo consensu ineuntur, mutuo dissensu iterum dissolvantur, præsertim, si tertio nullum infertur præjudicium & res integra sit. Utut itaque haut vituperanda sit consuetudo, qua invaluit, ut desponsati ad servanda sibi invicem promissa adhortentur, invitos tamen eosdem ad implendum cogere, natura patet vix permittit.

CONTRA ABSENTEM ) Optimum medium absentis moram coercendi sine dubio est præscriptio juris ex contractu sponsalicio acquisiti, ita quidem, ut elapso spatio triennali libera alteri parti concedatur facultas, nova ineundi sponsalia. Hoc Juri Romano convenit *L. II. C. de sponsal. L. II. C. de repud. L. IV. C. Theodos. de sponsalib.* Nec Jus Canonicum refragatur *c. V. X. de sponsal.* Imo & mores Germanorum conspirant. vid. BERGERI *Diff. de præscriptione sponsaliorum.*

### Aphor. XIX.

DISSOLVUNTUR ) Eam generatim justam causam dicunt, quæ amorem tollit, vel, ut alii malunt, quæ rem in eum statum deducit, unde initium habere non potuit, cum & in sponsalibus subintelligatur clausula: rebus sic stantibus. Commune refugium, si alia causa desit, refractarii quærent in odio implacabili. Sed cautus sit judex, ne prius ex hac sola causa repudium decernat,

nat, quam constet, verum esse odium. Hoc enim plerumque simulatur. Præcaveat etiam, ne parti innocenti damnum oriatur. Puniat deinde refractarium, qui causam odii allegare nequit. Nam id non permittendum est contrahenti, ut fidem datam impune fallat. Consultum itaque est, rem juramento committere, eumque, qui jurejurando præstito recedit, in expensas & damna condemnare.

### Aphor. XX.

BENEDICTIONE SACERDOTALI CONFIRMATA FVERINT) Verum, si dicendum, quod res est, neque hæc, neque jurata sponsaliorum posteriorum confirmatio id operabitur, ut majorem validitatem accipiant. Neutrum enim aliquid novi tribuit, sed instar confirmationis est, atque ideo jus priori sponso quæsitum adimere nequit. *STRYCK ad Brunnem. Jus Eccles. Lib. II. cap. XVI. §. VIII. verb. de consuetudine & de dissens. sponsalit. Sect. IV. cap. II. §. III.* Quia vero post benedictionem sacerdotalem plerumque actualis corporum traditio sequi soleat, vix, credo, quenquam extitutum, qui posteriori sponso litem de prioritatemoveat.

PRIORIBVS DE FUTURO) Ea intellige, quæ nostrates de futuro appellare solent, nimirum tractatus sponsalitos, sponsalia impuberum. Jure enim Canonico sponsalia de futuro vera sunt sponsalia, & merito omnibus posterioribus præferuntur.

## Tit. VII.

## De Nuptiis five Matrimonio.

## Aphor. II.

**U**T SINT HABILES) Non tamenabilitas ex potentia generandi tantum est dijudicanda, sed salus Reipublicæ exigit, ut etiam respiciamus ad prudentiam dirigendi familiam, & , an alimenta uxori & liberis quærere possit Neo-Maritus. In his, si defectus sese exerat, non parentes solum justam habebunt dissentiendi causam, sed & justam inde oriri repudii causam, firmiter credo.

NEC MATRIMONIUM CONTRAHERE POTEST) Utut itaque præter hunc finem procreandæ sobolis mutuum adiutorium & extinctio libidinis, pro fine matrimonii, nec incongrue, venditur, sunt tamen hi posteriores fines secundarii tantum, nec matrimonium unquam permittendum ob mutuum solum adiutorium. Præterea enim, quod hic finis alia ratione æque commode possit obtineri, ipsum illud etiam matrimonium cum institutione primæva matrimonii omnino pugnat. Deum enim tum temporis de multiplicatione generis humani cogitasse, ejusque intuitu matrimonio benedixisse, res est certissima. Haut igitur facio cum iis, qui matrimonia evnuchorum defendunt, cum primis, quia hos ipsos video simul defensionem ejus opinionis suscipere, quod ob impotentiam conjugum matrimonium pro nullo sit declarandum. Quod certe fieri non deberet, si

si vera esset eorum sententia, in matrimonio contrahendo ad potentiam generandi præcise non esse respiciendum.

LEGE NON PROHIBEANTUR.) Plures adhuc in Jure prohibitiones matrimoniorum occurrunt, quam quæ in vinculo propinquitatis vel affinitatis se fundant. Specialis enim ratio impedit matrimonium tutoris cum pupilla, adulteri cum adultera, raptoris cum rapta *tit. C. de interdict. matrim. inter pupill. & tutor. Nov. CXXXIV. cap. XII. L. unic. C. de rapt. virgin.* Verum prius matrimonium Praxis permittit, modo rationes reddat tutor. BRÜNNEMANN ad *Dict. tit. Cod.* Secundum permittit Jus Canonicum in *c. VI. X. de eo, qui dux. in matrim. quam per adulter. poll.* si cum promissione matrimonii actus adulterii non fuerint conjunctus, nec insidiæ conjugis innocentis vitæ structæ fuerint. Tertium etiam tolerat Jus Canonicum in *cap. fin. X. de raptor.* si rapta consentiat. Verum melius sine dubio fecissent Pontifices, si posteriores duas Juris Romani prohibitiones confirmassent, cum facile pateat, istis limitationibus neque saluti conjugis innocentis satis prospici, neque insidiis eorum, qui raptu virginum delectantur, obicem poni. Præterea Jura nostra hodierna matrimonia inter personas dignitate impares non quidem præcise damnant, ea tamen lege privatis ejusmodi matrimonia ini-  
re vetant, ut uxor vera quidem, sed non legitima uxor sit. Tale enim matrimonium in concubinatum degenerat, quem mores damnant. Per-



sonas tamen illustres ea lege sibi uxores vilioris conditionis jungere posse, a ratione non abhorret, si modo ipsi legibus humanis non subsint. vid. COCCESI *Diff. de Lege Morganatica*. WILLENBERGII *Diff. de matrimonio conscientie*.

ET AFFINITATEM) Quod si tamen ab ignorantibus, qui propinquitatem vel affinitatem adesse nesciunt, matrimonium consummetur, hoc ipsum matrimonium tamdiu effectus legitimi matrimonii habet, quamdiu vel unus conjugum in ignorantia est constitutus. Nec liberis interim procreatis istud impedimentum nocet. Simulac vero resciverunt parentes impedimentum, illi sibi ulterius citra crimen incestus cohabitare nequeunt, omnesque legitimi matrimonii effectus ab ipso hoc momento ipso jure cessant, quod argumentum late prosecutus est HERTIVS. *Dissertat. de matrimonio putativo*.

### Aphor. III.

PUBLICA EX SUGGESTU PROCLAMATIO) Quæ ipsa est instar edictalis citationis, eandemque vim habet. Quare, quæ alias de publica citatione dicuntur, commodè ad proclamationem applicantur, quatenus leges Ecclesiasticæ peculiarem formam proclamationi non præscripserunt. Fit igitur I) publice ex suggestu. II) trina vice, III) peremptoria est, & IV) emanentem præcludit, etiamsi nominatim comminatio non sit adjecta. Sed & V) facile intermittitur, si constet, nullum adesse impedimentum, STRYCK *ad Brunnemann. Jus Eccles. cap. I. §. VI.* Hoc singulare



gulare est, quod non fiat in tribus territoriis, quodque spatium paulo brevius contineat. Conf. BOEHMERI *Jus Parochial. Sect. IV. cap. III.*

**SACERDOTALIS COPULA ET BENEDICTION)** peragenda a parocho competente, ordinarie ipsius sponsæ SCHILTER *Instit. Jur. Canon. Lib. II. tit. XI. §. IX. in fin.* Utut vero necessitas hunc adhibendi ritum, neque ex jure naturali, quod celebritates pactorum ignorat, neque ex jure divino positivo, in quo lex expressa de hoc argumento deficit, neque ex Praxi primitivæ Ecclesiæ, quæ pium solum ritum esse copulam sacerdotalem, nec a Christiano facile omittendum, suadet, derivari possit; Juribus humanis tamen, si pro forma legitimi matrimonii præscripta est benedictio, quod factum esse in ordinationibus Protestantium Ecclesiasticis constat, dubium oriri haut potest, quod ea omissa matrimonium sit illegitimum, & in concubinatum legibus humanis prohibitum degeneret.

### Aphor. V.

**POLYGAMIA ENIM PROHIBITA EST)** Saltem Jure humano, & quidem sub pœnâ ultimi supplicii **CONSTIT. CRIMIN. CAROL. art. CXXI.** Si Jus Naturæ spectes, neque cum fine matrimonii pugnat, neque, si illi juri fuisset adversa, Patriarchis potuisset permitti, ne quidem per modum dispensationis, quia Jus Naturæ respectu ipsius Dei est immutabile. In jure divino positivo antiqui foederis lex prohibitiva non extat, optaremque, ut, qui polygamiam hoc jure pro-

prohibitam perhibent, scrupulum mihi eximerent, qui fieri potuerit, ut Deus Patriarchas polygamos, in perpetuo reatu viventes, amarit tamen, & sigillatim Davidi adultero inter beneficia ipsi præstita numeraret, quod uxores Sauli in manus suas dedisset. Cæterum institutioni matrimonii primævæ monogamiam convenire, eamque ipsam a Christo in Novo fœdere in memoriam esse revocatam, nec expedire nostris Rebuspublicis, ut polygamia in usum deducatur, nulla ratione diffiteor.

### Aphor. VI.

SECUNDÆ NUPTIÆ) Varia tamen in odium secundarum nuptiarum cum in Jure Romano, tum in Jure Canonico esse statuta, omnibus notum est, eaque per indicem exhibet LEYSER *Spec. CCC.* Nec dubito, quin ea jura in provinciis, quæ Jus Commune sequuntur, usum sibi vindicent, quatenus per communionem bonorum, quæ inter conjuges, dum viverent, viguit, non deprehenditur restrictus: Verum, ut hæ poenæ majoribus nostris nunquam arriserunt, vid. JVS PROVINC. SAXON. *Lib. I. art. XX. Lib. III. art. LXXVI.* qui tanto odio secundas nuptias non sunt persecuti, merito, cessante ratione legis Romanæ, ipsa ejus dispositio cessare deberet, quatenus poenam meram redolet, etiamsi per indirectum liberis proficua sit. Reliqua autem capita, quæ rationem habent adjunctam, ne liberis secundæ nuptiæ damno sint, quæque a communicatione corporis secundo conjugii facta dependent, eo facilius in  
foris

foris nostris admitti posse existimo, quo propius ad humanitatis rationem accedunt: Et sic recte mater binuba tutela privatur, imo adhibito aliquo temperamento jure educandi liberos; Recte etiam prioris mariti dignitatem & forum amittit.

SECUNDO NUBAT) Sponsalia tamen, ne celebret, lege nullibi prohibetur. Et, si dicendum quod res est, ipsa prohibitio, ne intra annum nubat, non aliunde, quam a decoro est desumenda. Quapropter mitiores hodie sumus, si mulier ad secunda vota spatio luctui destinato nondum elapso accedat, quam veteres Romani, poenamque infamiae in L. VIII. D. *de his, qui notant infam.* eliminatam, auctoritate Juris Canonici *cap. penult. & ult. X. de secund. nupt.* suffulti remittimus.

### Aphor. VIII.

ALIQUALI BONORVM COMMVNIONE) Cujus effectus se primario exerit in mutuo jure succedendi. Verum latius in plerisque Germaniae provinciis hac communio sese extendit. Cum enim majores nostri, nec immerito, crediderint, uxorem esse laborum, periculorumque sociam TACITVS *de Mor. German. cap. XVIII.* non dubitarunt deinde Compilatores Juris Saxonici, quin societatem omnium bonorum inter conjuges intercedere defenderent, regulamque formarent: Man und Wis ne hebbet nein getweit Gut to irme Lieve. Quam regulam postea secuti Lubecenses, Hamburgenses, Servestani, Brunsvicenses, pluresque alii, peculiaribus legibus & statutis ipsam

ipsam bonorum communionem ad nostra usque tempora propagarunt. Ut autem, ubi lege hæc communio stabilitur, vera omnium bonorum mariti & uxoris societas adest, ita nec opus est, ut controversiæ, quæ circa eam oriuntur, aliunde, quam ex regulis societatis dijudicentur. Atque sic æs alienum durante communionem contractum communi nomine exsolvitur, nec uxor prius illata repetit, quam creditoribus mariti sit satisfactum, nec communioni in fraudem creditorum renunciatur, & quæ sunt id generis alia. Cæterum, ne leges provinciales & statuta negligamus, eo magis cavendum, quo certius est, in his ipsis singularia plane, quæ naturam communionis alterant, occurrere capita, dum alibi in bonis allatis & acquisitis, alibi in bonis solum, quæ constante matrimonio acquiruntur, alibi solum in bonis mobilibus locum habeat communio. Ut taceam, effectum ejusdem communionis hinc inde esse diversum, & mox in usufructu solum, mox in condominio, mox in nuda possessione consistere. Imo nec ratione termini a quo leges Germaniæ concordant. Alibi enim communio a benedictione sacerdotali, alibi a consensione thalami, alibi post annuam cohabitationem initium capit. Instituti vero ratio vix permittit, ut omnia copiose explicem. Leges ipsas autem hanc discrepantiam fulcientes, qui scire cupit, adeat *HOFFMANNI Dissert. de donat. propter nuptias. §. I.*

MARITALIS POTESTAS) Neutiquam tamen confundenda cum potestate dominica & patri,



tria, quod facere videtur Auctor in *Syntagm. Jur. Civil. Ex. III. tit. VII. & XXVIII.* Utut enim Jure antiquo mulieres haut essent melioris conditionis, quam servi, quam liberi, quod a THOMASIO in *Diss. de Uf. Pract. doctrin. de nupt. cap. I. §. VI.* negatum, invictis rationibus probatum dedit HEINECCIUS *Antiq. Roman. Lib. I. Tit. X. §. VI.* pristinique hujus moris sub Imperatoribus etiam manserit vestigium teste SVETONIO in *Tiberio cap. XXXV.* TACITO *Annal. Lib. II. c. I. Lib. XIII. cap. XXXII.* ab isto tamen rigore Romani ipsi post varia temporum intervalla recesserunt, ipsaque maritalis potestas demum iis limitibus est circumscripta, ut solo jure dirigendi absolveretur. Conf. LUDOVICI *Diss. de jure & jurispr. domest. cap. II. §. XV. sqq.*

OPERAS OBSEQUIALES) Et eatenus verum est, quod ea, quæ uxor acquisivit constante matrimonio, marito acquirat *L. LI. D. de donat. inter vir. & uxor.* ibique BRUNNEMANNVS. Quod vero præterea uxor ex operis forsan artificialibus acquirit, sibi acquirit, salva marito actione ad interesse, ob neglectas operas domesticas WERNHER *P. V. Obs. XXIII.*

Tit. VIII.

De jure dotium & donatione propter nuptias, it. de dotalitio.

Aphor. I.

CONSISTERE POSSINT) Ita de Jure Novo. At enim vero Jure antiquo dotis constitutio eatenus



eatenus essentiam matrimonii legitimi ingrediebatur, ut uxor legitima a concubina pactis solum dotalibus distingueretur §. XIII. *J. de nupt. L. X. & XI. de liber. natur.* Ex quo facile patet, quid sentiendum sit de ista Doctorum opinione, qui patrem ad dotandum obligant, quamvis nullam dotem promiserit. Nulla enim necessitas eam constituendi adest, neque ex parte filiae, quia hodie legitimum matrimonium absque dote subsistit, & apud Germanos semper subsistit, qui TACITO auctore *de Mor. German. cap. XVIII.* uxoribus dotem dare, consueverant, neque ex parte patris, quippe cui onus dotandi filiam ideo injunctum erat, ne plane exsortes essent filiae paternae hereditatis, a qua per legem Voconiam erant exclusae. Rem clare loquitur JACOB PERIZONIUS in *Dissert. ad L. Voconiam.*

### Aphor. II.

IN MARITVM TRANSLATA) Ejusque rei intuitu peculiari opus est conventionem, nec qualitatem dotalem adesse praesumitur *L. I. §. ult. de Curat. furios. L. I. C. de dote caut.* Opinio enim SCHILTERI in *Exerc. XXXVI. §. LXXX.* qui qualitatem dotalem ex sola illatione probari posse credit, vix alia ratione admitti potest, quam si ad minimum certa conventio de bonis inferendis praecesserit. CARPZOV. *P. I. Const. XXVIII. def. LXXVII. n. 5.* Hoc ipso igitur bona dotalia ab aliis uxoris bonis se satis distinguunt. Quae enim citra conventionem inferuntur, paraphernalia vocari solent, ea vero, in quibus uxor dominium & liberam disposi-

dispositionem sibi expresse reservavit, receptitia appellantur. Jus etiam mariti in his bonis diversum est. In dotalibus dominium consequitur. In paraphernalibus legitimam habet administrationem & jus ususfructus legalis. In receptitiis nihil juris ipsi competit. BERGER *Diff. de discrim. bonor. uxor.*

ONERIBVS MATRIMONII) Saluo tamen semper jure dotem repetendi, si matrimonium cesserit. Cum marito præter jus utendi fruendi in dote nil videatur concessum: Et, quamvis, si in mobilibus consistat dos, ea vix aliter uti possit, quam si concedatur simul facultas, plene de quantitate disponendi, similem tamen quantitatem finito matrimonio restituat, necesse est. Res autem immobilis, cum utilitatem etiam præstet, utut facultas disponendi restricta sit, in natura est restituenda, ejusque intuitu substantia ejus salva conservanda. Atque sic satis perspicua est ratio, quare Jura Romana tam anxie laborarunt pro dote uxori conservanda, quamvis dotis privilegia, quatenus iniquitatem simul sapiunt, & cum præjudicio tertii conjuncta sunt, usus fori recte temperat, & sigillatim jus prælationis in *L. XII. C. qui potior. in pignor. L. XXX. C. de Jur. dot. Nov. XCVII. cap. IV. & Nov. CIX. cap. I.* doti concessum ita interpretatur, ne creditoribus antiquius jus habentibus noceat FABER in *Codice Lib. VII. Tit. XXXIV. def. III.* STRVV. *Exercit. XLIV. §. XLIX.* MARTINI in *Analect. ad Procosf. tit. XLIII. §. I. n. LI.* Huncque usum fori in Saxonia

E

nia

nia Communi expressis legibus approbatum esse didici, ita quidem, ut uxori dotis intuitu locus demum inter reliquos hypothecarios creditores pra rata temporis assignandus sit.

### Aphor. III.

VEL EX OFFICIO, VEL LIBERO ARBITRIO) Dotis naturam, quæ Jure antiquo Romano fuit, si accuratius consideres, facile videbis, eam alimentorum habuisse rationem, filiabus in compensationem exclusionis a reliqua successione ab iis præstandorum, qui onus alimentandi subire debebant, ne alias filia omnibus facultatibus privata honestam nubendi occasionem dimittere cogeretur, cum absque dote non esset matrimonium. Inde vero firmiter concludo I) dotem necessario ab iis fuisse constituendam, qui ad onus alimentandi adstringebantur, idque patrem & in subsidium avum paternum facere debuisse, res est notissima. II) Cessasse necessitatem constituendi, ubi cessabat onus alimentandi. Quare neque filia ingrata, nec filia dives, neque filia indigna erat dotanda. III.) Dotem non nisi ex pietate constituisse eos, qui ad alimenta in subsidium subministranda vocabantur, v. c. matrem. IV.) Dotem ab extraneo constitutam meram fuisse donationem. Quapropter nec dos adventitia ad constituentem unquam revertebatur, nisi forsan jure successionis. Verum postquam filiae intuitu successionis filiis sunt exæquatae, legesque omnibus liberis prospexerint, ut portionem legitimam ex hereditate parentum haberent salvam, quæ ipsa alimen-

alimenta quoque complecteretur, hodie certe omnis constitutio dotis voluntaria est, & naturam magis donationis, quam alimentorum habet, nisi quod fratres, si sorores ex feudis legitimam non habeant salvam, ad dotis constitutionem ex feudo sint obligati.

PRO MODO FACULTATVM ET DIGNITATIS) ut & pro qualitate sponsi *d. L. LXIX §. IV. D. de iur. dot.* Est enim respiciendum ad onera matrimonii, quæ pro conditione sponsi inæqualia esse possunt. Quare nec filia unquam de inæqualitate dotis constitutæ queri possunt, nisi in legitima sunt læsæ.

#### Aphor. IV.

QVAE SVNT IN COMMERCIO) quæque proficiunt ad matrimonii onera sustinenda. Et his præsuppositis non errabis, si ab alienatione ad dotis constitutionem argumentum ducis. Dotis enim constitutionem instar alienationis esse, nemo dubitat, idque ipsum ex jure mariti, quod in dotem habet, facile cognosci potest. Plenum enim dominium acquirit in re mobili, ut & in immobili, si venditio rei dotalis in maritum intervenerit. Olim etiam in re immobili plenum consequebatur dominium. Sed Lex Julia de adulteriis ob frequentiam divortiorum ipsi solum civile concessit dominium, naturali dominio uxori reservato: vid. BRISSONIVM *ad L. Jul. de adulter.* Hac vero ratione in maritum transibat jus bonæ fidei possessionis, siue jus omnia commoda ex re dotali percipiendi, cum facultate rem penes ter-



tium existentem vindicandi arg. *L. IX. C. de rei vindic.* Verbo: exercitium domini absque facultate de re libere disponendi. Cum enim dominium naturale uxori esset reservatum, ejusque exercitium durante matrimonio quiesceret tantum ex parte uxoris, vix integrum erat marito, rem ipsam dotalem in uxoris præjudicium alienandi, etiamsi uxor consentisset. Ut autem Jure Romano consensus uxoris post biennium repetitus obgemptionem alienationem convalidabat, si illi ex aliis bonis mariti satisfieri posset *NOVELL. LXI. cap. I.* ita & Jure Canonico idem effectus adscribitur juramento uxoris, & jure Saxonico alienatio, prævia causæ cognitione & accedente magistratus decreto; statim subsistit, quando uxor cum Curatore in alienationem consentit. *STRUV. Syntagm. Jur. Civil. tit. de fundo dotali ib. XXII.*

**ÆSTIMATO)** Hanc æstimationem fieri vel taxationis solum, vel venditionis gratia, ex Autore constat. In dubio vero, quem in finem æstimatio sit facta, si non appareat, venditionis causa eam intercessisse præsumitur. Ita enim generatim tradimus; In omni negotio ad transferendum dominium habili æstimationem rei additam id operari, ut non res, sed æstimatio restituenda sit. In reliquis vero negotiis hunc æstimationis esse effectum, ut, possessor rei, alias, si extat, præcise restituenda, se ab obligatione, per præstationem æstimationis liberare possit, si res non extat.

Aphor.

## Aphor. V.

ÆQUALIS CONSTITVI) Ea vero donationis propter nuptias est natura, ut uxori securitatem ratione dotis afferat. Nam 1) doti debet esse æqualis, 2) aucta dote durante matrimonio & donatio propter nuptias augenda est §. III. J. de donat. L. XXX. C. de donationib. propter nupt. Et sic certe donatio hæc, salva finito matrimonio dote, ad maritum ejusque heredes revertitur CARPZOV. P. II. Const. XLII. def. I. Utut enim negare non audeo, posse etiam pactis effici, ut donatio propter nuptias vel in compensationem vel in remunerationem dotis cedat, atque sic vel in locum dotis succedat, vel cum dote uxoris lucro sit STRYCK Cautel. Contr. Sect. III. cap. VIII. §. XXVIII. hoc tamen accidentale solum esse, quis non videt. Et errant certe, qui inde, donationis propter nuptias finem primum securitatem dotis esse, negant. Nec enim ratio illa, quod, cum uxori ratione securitatis jam alia ratione per hypothecam tacitam cum jure prælationis sit prospectum, donatio propter nuptias nullum haberet effectum, tanta mihi videtur, ut dissentientium opinioni subscribam, cum plus juris uxor habeat in hac donatione, quam in bonis mariti hypothecæ obnoxiiis, ceu Auctor bene monet. Imo neque legum dispositio neque Doctorum auctoritas deest, quæ nostram opinionem firmat. vid. d. §. III. J. de donat. L. XVIII. C. de donat. ante nupt. c. VIII. X. de donat. inter virum & uxorem. BRUNNEMANN. ad d. §. III.

§ L. XVIII. SCHILTER *Exercit. XXXVI.*  
*ib. LXXXVI.*

### Aphor. VI.

**DOTEM RESTITVERE**) Tu nota: Constan-  
 te matrimonio dos non restituitur, nisi maritus ad  
 inopiam vergat *L. XXIV. pr. D. Solut. matrim.*  
 quamvis nec tum marito jus fructus percipiendi de-  
 negandum. Soluta per mortem mariti matrimo-  
 nio, uxor integram dotem, & quidem in specie  
 consistentem statim, in re mobili consistentem  
 post annum repetit *L. un. §. VII. C. de rei uxor.*  
*action.* Soluta per mortem uxoris matrimonio he-  
 redibus uxoris dos cedit, salva marito portione  
 Legali. Ex statutis provincialibus nonnunquam,  
 præsertim, si in mobilibus consistat, cedit marito,  
 salva uxoris heredibus legitima. Soluta demum  
 per culpam uxoris matrimonio, existentibus libe-  
 ris, idem juris est, quod in priori casu. Liberis  
 deficientibus maritus dotem lucratur. Confer  
*Nov. CVII. cap. II. STRYCK de dissens. sponsa-*  
*lit. Sect. VI.* Plura infra occurrunt, ubi de suc-  
 cessione sermo est.

### Aphor. VII.

**IN RES DOTALES**) Non itaque, quas fru-  
 ctuum ex re dotali percipiendorum gratia maritus  
 fecit. Imo nec eas, quæ in rem dotalem factæ  
 sunt, nisi perpetuam rei utilitatem efficiant *L. VII.*  
*§. II. D. de usufruct.* Sumtus etiam litis pro  
 conservanda dote facti annumerantur impensis,  
 quæ ad fructus comparandos faciunt, cum e con-  
 trario

trario sumtus pro acquirenda dote facti naturam  
necessariarum habeant impensarum **MEVIVS**  
*P. VIII. Decis. CCLIV.*

### Aphor. VIII.

**DOTALITIVM**) Est dotalitium ex Jure Ger-  
manico antiquo, nihilque cum dote muliebri ma-  
rito illata olim habebat commercii, siquidem Ger-  
manis haut erat solenne, ut dotem ab uxoribus  
acciperent, quippe quam mariti potius uxoribus  
constituerent. Atque hæc ipsa dos maritalis fuit  
dotalitium uxoribus cum in finem constitutum,  
ut post mortem mariti haberent, unde se honeste  
exhiberent. Nec dubium est, quin hoc ipso ma-  
riti efficere conati sint, ne viduæ ad secunda vota  
transirent. Ut sic etiam naturæ dotalitii quam  
maxime conveniat, quod expiret, simulac vidua ad  
secundas nuptias transeat, cum hac ratione finis  
dotalitii cesset. Confer **BERGERI Dissert.** in qua  
*Selecta juris dotalitii capita* pertractat. Ita de jure  
antiquo. Postquam vero invaluit mos in Ger-  
mania, ut dotem uxores marito afferrent, in con-  
stituendo dotalitio dotis illatæ habita fuit ratio,  
ita quidem, ut in locum dotis dotalitium cederet,  
dotemque absorberet, substitutis redditibus, qui  
usuras duplicatas quantitatis rei in dotem datæ  
exæquarent, salva tamen viduæ facultate relicta,  
utrum dotem magis repetere vellet. Inde vero  
est, quod dotalitium non debeatur, nisi illatio  
dotis prius probata sit. Eandemque ob causam  
vereor, ne fundamento destituatur Praxis Juris



Saxonici, qua viduæ permittitur, dotem promissam & nondum illatam adhuc post mortem mariti inferendi, eo fine, ut successores mariti dotalitium constituent. Quod autem res in eum plane pervenerit statum, ut quadruplicatas vidua accipiat usuras, id ex falso illo principio provenire existimo, ac si donatio propter nuptias in remunerationem dotis constituenda esset. Postquam enim in hoc quoque argumento Germanis Romani Juris dispositio placuit, ut donationem propter nuptias dotis intuitu mulieribus assignarent, eamque dorem neque absorbere, neque securam reddere, sed remunerare, & sic cum dote viduæ cedere crederent, factum est inde, ut dotalitium, quatenus quadruplicatas usuras continet, pro dimidia parte, uxori in compensationem, pro altera dimidia, tanquam donatio propter nuptias, in remunerationem dotis cederet. Et hac ratione ego rem obscuram satis, & admixtis juribus peregrinis inextricabilibus fere difficultatibus involutam, capio, salvo aliorum judicio. Adde, quæ dixi in *Introduct. ad Jus Saxonic. P. I. Exercit. IV.* HOFFMANNI *Dissert. de donatione propter nuptias*, & ESTORIS nostri *Dissertat.* nuper de quæstione: *An dotalitium cesset propter secundas nuptias*, habitam.

EO VTATUR) Transfertur itaque in dotalitii constitutione jus utendi fruendi rem immobilem, vel si mavis jus bonæ fidei possessionis. Non enim ad limites ususfructus Romani adstringi potest dotalitium, sed plus viduæ permissum est, cum

cum & habeat jus meliorandi fundum, & a cautione usufructuaria immunis sit, & denique utili rei vindicatione uti possit. HENEL. *de jur. dotalit. cap. XII. §. XVIII.* RAVCHBAR. *P. I. Quest. XXX.* Est igitur usufructus Germanicus, qui cum particula dominii semper fuit conjunctus. Naturam hujus usufructus dilucide exposuit BEYER *Jur. German. Lib. II. cap. X.* Resque omnis eo redit, quod usufructus Germanicus in dominio utili consistat.

CONCEDITUR) Pauca adhuc ad finem tituli dicere placet de pactis dotalibus. Hæc enim triplicem finem habere constat. Primum eo spectant, ut de dote, donatione propter nuptias & dotalitio disponant. Deinde id agitur his pactis, ut lis post mortem unius alteriusve conjugis de dote restituenda, aliisque accessoriis præcaveatur, demum de reliqua successione plerumque certi quid determinant. Non itaque errabimus, si speciem pactorum successoriorum illa ipsa dicamus. Et sic forsitan non aliunde, quam ex natura pactorum natura eorum esset æstimanda, cum Germani nunquam dubitaverint, posse successionem pactis ordinari, neminique jus esse, invita altera parte ab iis recedendi. Verum enim vero placuit hic iterum Romanum jus, invaluitque distinctio inter pacta dotalia, quæ in vim ultimæ voluntatis, & ea, quæ per modum contractus ineuntur. Et sic posteriora demum ex natura pactorum & contractuum dijudicamus, & irrevocabilia dicimus, priora vero aliis ultimis voluntatibus annumeramus,

E 7

mus, & ad formam eorum quinque minimum testes requirimus, salva relicta facultate ea iterum revocandi. In dijudicandis vero his pactis non præcise existimo ad verba, quibus contrahentes utuntur, sed ad intentionem potius eorum respiciendum esse, Conf. *STRYCK Cautel. Contract. Sect. III. cap. VIII.*

## Tit. IX.

### De Divortiis.

**Q**UOD VINCULUM NIMIRUM) Verum quidem est, matrimonium ex causis allegatis quoad vinculum dissolvi, sed, qui accurate loqui amant, dissolutionem matrimonii ex capite nullitatis ab ea, quæ fit ex nova causa superveniente, sollicitius distinguunt. Nec immerito. Matrimonium enim, quod nullum est, proprie non dissolvitur, sed per sententiam iudicis magis declaratur, matrimonium verum nunquam adfuisse, cum divortium e contrario præsupponat, matrimonium de jure valere, sed ob causam accidentalem non amplius subsistere posse. Causa itaque nullitatis jam adest tempore initi matrimonii, causa divortii supervenit. Matrimonium si pro nullo declaratur, perinde est, ac si matrimonium nunquam sit celebratum. Et sic effectus matrimonii etiam ratione præteriti cessant. Sed divortio concesso effectus matrimonii solummodo ratione futuri desinunt, & pars nocens præterea amittit jus repetendi dotem. Quæ diversa esse admodum, nemo non videt. Sic itaque  
causæ

causæ, quæ in §. II. & III. occurrunt, nullitatem matrimonii indicant, reliquæ divortium. Generatim enim nullum dicitur matrimonium, quando defectus in essentialibus adest, ut puta, si consensus non sit verus ac liber, si contra leges prohibitivas matrimonium initum, si finis matrimonii principalis obtineri nequeat.

OB MALITIOSAM DESERTIONEM ) Has duas itaque causas Protestantes solum tantæ efficacitæ esse perhibent, ut matrimonium jure perfectum iterum dissolvant, cui tertiam, nempe denegationem debiti conjugalis, addunt, vel potius hanc malitiosæ desertioni æquiparant. Reliquas omnes, utut æque graves, imo majores, excludunt, & separationem solum a thoro & mensa decernunt. Sed vereor, ne genuino fundamento destituatur ipsa hæc causarum divertendi restrictio. Textus enim novi fœderis *Matth. XIX, 9.* in quo omne præsidium collocant, tantum abest, ut opinionem fulciat, ut potius eidem adversetur. Primo enim omnes concedere debent, Salvatorem non egisse novum legislatorem, sed legis Mosaicæ sensum depravatum restituisse. Cumque Judæi legem antiquam de divertendi licentia plus justo extenderent, id indicare voluit Christus, non omnem causam divortio locum facere, sed graviores solum, quæ fini & naturæ matrimonii repugnaret, imo divortia in se cum institutione matrimonii primæva pugnare, Deumque ea ob duritiem solum cordis populi Judaici, ad evitanda majora mala permisisse. Conf. SELDENVM in  
uxore



*uxore Hebræa Lib. III. cap. XXIII.* Deinde qui vocem *περὶ* in textu allegato de delicto carnis solum accipiunt, nesciunt, quid agunt. Vellem enim, hac significatione admissa, lubenter scire, quo jure Paulus Apostolus *i. Cor. VII, 15.* eam de malitiosa desertione potuisset explicare. Et lubentius scirem, quo jure nostrates denegationem debiti conjugalis inter causas divortii collocarent. Aut itaque Paulus & nostrates errant, quando vocem de alia causa, quam de delicto carnis accipiunt, quod tamen absit, ut statuam, aut vox ipsa ampliorem significatum admittit, quam vulgo traditur. Ea vero ratione Princeps non peccabit, quando præter causas allegatas & aliis similibus, aut majoribus, eum tribuit effectum, ut divortium operentur. De majoribus vero causis, quod movere debeant Principem ad divortia concedenda, eo minus dubito; quo magis videtur ratione destitui thesis, Matrimonium quoad vinculum dissolvi posse ob causam leviolem, nec tamen dissolvi posse ob causam graviolem. Cogita modo insidias vitæ structas, & cum adulterio, cum malitiosa desertione, cum denegatione debiti conjugalis compara, dein dic, quæ causa fidei conjugali magis sit contraria. Ego cum STRYCKIO *Diff. de Divortio ob insidias vitæ structas* pro his pronuntiabo audacter. Generatim vero pro certo habeo, omnem causam turpem, quæ mutuum amorem, mutuamque fidem tollit, & sic fini & naturæ matrimonii adversatur, justam divertendi præbere posse causam, si Princeps consentiat. Confer,

Confer, quæ de hoc ipso argumento inter BOEHMERVM & KEYSERVM ex una, & LANGIUM atque MENCKENIUM ex altera parte disputata sunt in *Collectione Opusculorum de jure divortiorum*. Cæterum fidem conjugalem conjugem re ipsa fefellisse studio, nec partem læsam ab initio vel ex postfacto consensisse, omnino requiritur. Et sic certe, uxor quæ vim patitur, & maritus, qui ex errore aliam pro uxore cognovit, non delinquit *L. XIII. §. VII. ad L. Jul. de adult. cap. VI. caus. XXXIV. Qu. I.* Pari ratione maritus, qui lenocinio adulterii causa est, quique sciens cum adultera iterum concumbit, injuriam remittit *L. XLVII. D. solut. matrim. L. XIII. §. fin. D. ad L. Jul. de adulter.* Plane, si ab utroque conjugum adulterium sit commissum, dolus cum dolo compensatur *L. XXXIX. D. solut. matrimon.*

CONSUETO PROCESSU ) qui peragitur citatione edictali, trina vice repetenda, & in tribus diversis locis publice, prævia plerumque prælectione ex suggestu, in valvis templi affigenda. Potest tamen & una citatio publica sufficere, quæ triplicatum terminum continet. Modum contra contumacem procedendi vide in SCHILTERI *Institut. Jur. Eccles. Lib. II. Tit. XII. §. V.* Ut autem quis pro desertore haberi possit, neque absentia sola, neque temporis certi lapsus sufficit, sed causa absentiae potius est respicienda, fierique ea ratione potest, ut processus desertionis contra eum, qui per semestre spatium absens est, locum habeat CARPZOV. *Jurispr. Consist. Lib. III. de fin. LX. n. 12. & 13.* Aphor.

## Aphor. II.

IMPOTENS FVERIT) Hic vero nil interest, siue impotentia sit absoluta, siue respectiua, veluti, si quis respectu unius quidem foeminae friget, cum altera tamen cohabitare potest WERNHER *P. II. Obs. CCCXCII.* Pari ratione matrimonii validitatem & ea impotentia impedit, quae ex morbo fontico, contagioso, similique, qui, ut conjux concubitum abhorreat, efficit, originem habet. BERGER *Oec. Jur. p. m. 118.* SARCER *de caus. matrimonial. p. 189. & 231.* Impotentia tamen, quia facti est, ut probetur, est necesse, quod, quomodo fiat, discere ex SIMONIS *Dissert. de impotentia* & STRYCKII *Jure sensuum Dissertat. II. cap. I.*

## Aphor. IV.

CERTIS CONDITIONIBVS) Imo Jus Canonicum nocenti aliud matrimonium inire non permittit *c. XII. x. de presumption. c. XXIII. & XXIV. caus. XXXII. qu. VII.* Sed limitatio, quam nostrates addunt, nocenti tum matrimonium esse permittendum, si donum continentiae non habeat, regulam destruit. Et, si dicendum quod res est, vel ideo dura ista poena cessare debet, quia necessariam condemnato occasionem peccandi suppeditat. Quare, utut Principes jus dispensandi sibi reservaverint, haut tamen difficiles esse solent in concedendo nocenti matrimonio, ex moribus quarundam provinciarum absque celebritate & pompa ineundo, imposita simul necessitate,

cessitate, alibi domicilium constituendi, CARPZOV.  
*Lib. II. defin. 191.* LUDOVICI *Diss. de calibatu*  
*pæne nomine imposito.*

### Aphor. V.

TVTA ESSE NEQVEAT) Putant enim, ad separationem non esse procedendum, si maritus sese ad cautionem de non offendendo offerat, verum id raro effectum habet. Uxor enim plerumque cautionem non acceptat, & nolenti tamen eadem ipsa obtrudi nequit. Imo ipsa separatio regulariter effectui destituitur, cum rarissime eveniat, ut discordiæ inter conjuges enatæ sopiantur, & temporis lapsu cessent. Odia enim crescere magis post separationem, experientia docet. Est etiam hoc medium cum gravi mariti incommodo conjunctum, cui fere semper onus alimentandi uxorem injungitur, utut ipsius uxoris culpa discordiæ enatæ sint. Detrimentum porro capit res mariti domestica. Quapropter optandum esset, ut vel aliud medium suppeteret, vel minimum major circumscriptio adhiberetur, ne malæ mulieres lucrum ex separatione captarent.

### Tit. X.

### De Legitimatione.

### Aphor. I.

FIVNT LEGITIMI) Probe tamen discernenda est Legitimatio Romanorum a legitimatione Germanorum. Ejus enim finis primarius est, ut filius, qui in Patria Potestate non



non est, in eam redigatur. Quare I) generatim intuitu eorum solum liberorum locum habere poterat, in quos Patria potestas cadebat. Et sic II) nulla liberorum ex damnato coitu natorum erat legitimatio, sed naturalium tantum. Pater porro III) ut viveret adhuc, erat necesse. IV) Liberorum, qui nunc alieni juris fiebant, requirebatur consensus. V) Patri solum relicta erat facultas, in subsidium, si concubinam non posset uxorem ducere, Principem de legitimatione liberorum adeundi. Et quæ sunt id generis alia Juris Romani capita, ex isto principio deducenda, quæ vide in THOMASII *Dissertat. de Usu Pract. tit. Institut. de Legitimatione*. Nostræ vero legitimationis primarius finis est abolitio maculæ nativitatis, utut legitimati per consequens juribus liberorum legitimorum fieri possint participes. Sic I) legitimatio locum etiam habet in spuris, adulterinis & incestuosis. II) Consensus liberorum præcise non requiritur. III) Datur legitimatio post mortem patris. IV) Liberi ipsi, invito etiam patre, de macula nativitatis tollenda solliciti esse possunt. Verbo, Legitimatio Romanorum patris, nostra liberorum magis favorem respicit.

### Aphor. II.

IN UXOREM DUCIT) Atque hæc, ut effectum producat, omnibus istis requisitis debet esse instructa, quæ matrimonium legitimum efficiunt. Quare & olim pactis dotalibus opus erat, quibus legitima uxor a concubina sese distinguebat

### §. XIII.

§. XIII. I. de nupt. L. X. & XI. C. de natural. liber.  
Hodie benedictionem sacerdotalem adhiberi constat.

### Aphor. III.

POSTEA NATIS ) Jura itaque liberorum legitimo-  
rum consequuntur sive legitimam nativitatem respi-  
cias, cujus testimonium illis nunquam denegandum,  
sive jura successionis, ita tamen, ut jus ex lege, vel  
pacto liberis legitimis jam quæsitum, quippe quod  
patris arbitrio non subest, interverti nequeat. Le-  
gitimatos itaque neque in feudo, neque in fidei-  
commisso familiæ succedere posse credo. Certe  
Jus Longobardicum legitimatos a successione feu-  
dali diserte excludit. II. Feudor. XXVI. §. Na-  
turales. Violentas enim aliorum hujus textus ex-  
plicationes cum HORNIO *Jurispr. Feud. cap.*  
*XV. §. III.* & BEYERO *Delin. Jur. Feud. cap. VII.*  
*§. LXXVII. sq.* merito rejicio. Nostram expli-  
cationem sequuntur Brunsvicenses & Luneburgen-  
ses vi Constitutionis Henrici Julii de ann. 1593.  
Idem juris est in Marchia Brandenburgica, in feu-  
dis avitis Magdeburgicis, FLEISCHER *Instit. Jur.*  
*Feud. cap. VII. §. XLVIII.* Cum itaque legiti-  
matio per subsequens matrimonium non possit fie-  
ri in præjudicium ejus, cui jam certorum bonorum  
intuitu ratione successionis jus quæsitum est, & id  
sequi videtur, non posse legitimationis tempus per  
fictionem retraheri ad tempus concubitus, quate-  
nus inde jus tertii læditur, quod exemplo a jure  
primogenituræ desumpto & rationibus illustrat  
LEYSER *Specim. XIX. med. III.*

## Aphor. IV.

PER RESCRIPTVM PRINCIPIS) Erat hic legitimandi modus olim subsidiarius & tum demum patri Principem adire licebat, quando matrem viventem in matrimonium sumere impediretur. Sed, cum hodie, quod diximus, favorem magis liberorum respiciat legitimatio, nil obstat, ne liberi ipsi, sive matrimonium inter eorum parentes esse possit, nec ne, a Principe legitimos impetrent natales.

COMITES PALATINOS) Horum originem & officium, si recte judico, accurate enucleavit SPENER in *Programm. Academico de Comit. Palatin. origine*. Probat enim, eos ab Imperatore olim in diversis civitatibus eum in finem fuisse creatos, ut, qui gratiæ Imperatoris in causis, quæ ejus auctoritatem desiderabant, fieri cuperent participes, sumtibus itineris ad Palatium Imperatoris suscipiendi parcere possent. Fecit vero abusus Comitivæ in præjudicium superioritatis territorialis sæpenumero extensæ, ut in provinciis statuum sensim Comitum Palatinorum auctoritas diminuere-  
tur.

## Aphor. V.

IN HEREDITATEM PARENTVM) Tu nota: Tantum juris consequi legitimatos per rescriptum Principis, quantum Princeps ipsis tribuere voluit & potuit. Quid Princeps dare voluerit, ex verbis rescripti est dijudicandum. Utut autem Princeps omnia legitimatis jura liberorum legitimorum assigna-

signarit, ista tamen indulgentia semper ita accipi-  
enda, ne jus tertii lædatur. Quapropter neque  
successio in allodialibus in præjudicium legitimæ,  
neque successio in feudalibus in præjudicium agna-  
torum concedi potest. *STRUVIUS Synt. Jur.  
Civ. Ex. III. tb. LV. & Syntagmat. Jur. Feudal.  
cap. IX. tb. III. n. 9 sqq.*

## Tit. XI.

## De Adoptione.

## Aphor. I.

**A**DOPTIO) Hoc negotium Romanis admodum  
frequens speciales suas Romæ habuit cau-  
sas. Partim enim Romani sacra dome-  
stica, quæ perire nollent, cum ea ratione & per-  
iret splendor familiæ, deficientibus propriis liberis,  
per adoptionem propagabant, partim, ne privi-  
legiis in numerum liberorum statutis carerent, li-  
beros, quos natura denegasset, per fictionem hanc  
sibi quasi procreabant. Atque hæ causæ mo-  
vent THOMASIVM in *Dissert. de usu Pract.  
tit. Institutionum de Adoptionibus*, ut ex insti-  
tuto contra usum adoptionis hodiernum in Ger-  
mania disputet. Atenim vero usum adoptionis  
vix negari posse, tam ex iis, quæ KVLPISEIVS in  
*Diss. de adopt. Princip.* collegit, tum ex aliis do-  
cumentis, quæ habet LEYSER *Spec. XX. medit.  
I. & II.* facile patet. Quod autem opus sit, in ad-  
optionibus Germanorum Jus Romanum vocare in  
subsidium, ea de re merito dubito. Habuerunt  
Germani adoptiones ab antiquissimis temporibus,



& tamen Juris Romani præsidio tuto caruerunt. Finis ejus semper fuit conservatio splendoris familiaris. Translatum est jus succedendi in regnis, provinciis, feudis per adoptionem. Et eatenus semper publica auctoritate erat peragenda, ne jus alterius læderetur. At enim vero eo fine, ut adoptatus successionis tantum fieret particeps, Germanos unquam adoptasse, vix credo. Hanc adoptionis speciem juris Romani receptio produxit, eaque sibi Germani placuerunt præter necessitatem, cum minori periculo heres institui possit in testamento, & majori efficacia patrimonii substantia in extraneum transferri per pacta. Nec alter finis, Patriam nempe Potestatem acquirendi, Germanis adoptionis usum commendare poterat, cum adeo pingua pater hodie haut exercere possit jura, quæ patri Romano competebant, & Patria Potestas oneri magis sit patri, quam commodo, si ejus naturam hodiernam spectes. Interim semel approbato adoptionum usu nulla hodie datur adoptio privata; sed publica auctoritate semper est munienda, ut adoptatus juribus successionis particeps fiat. LEYSSER *l. Specim. med. IV.* SCHILTER *Exercit. III. §. XVI.*

NATURA TALIS NON EST) Duplex hic Juris Romani principium non est prætermittendum, quod doctrinæ de adoptionibus multum lucis affert. Nimirum, I) adoptionem fuisse modum Patriam Potestatem consequendi subsidiarium II) adoptionem imitari naturam §. IV. 3. *de adoption.* Ex priori enim sequitur, a) non dari lo-

locum adoptioni, si quis liberos modo ordinario quæsit L. XVII. §. III. de adoption. b) Cesare etiam adoptionem, quamdiu spes generandi adest L. XV. §. II. Eod. c) foeminas non potuisse adoptare, quia liberos in potestate habere non poterant. Postea enim foeminis id jure speciali permissum est §. X. 7. & L. V. C. Eod. nec d) filium familias potuisse adoptare L. XXI. ad L. Jul. de adult. e) consensu tam patris adoptantis, quam filii adoptati opus fuisse, si sui esset antea juris. L. II. princ. D. Eod. Patri enim suus heres agnascebatur, filius mutationem status subibat. Indeque est f) quod arrogatio impuberis nullum habuerit effectum, nisi filius pubes factus expresse iterum consentiret. L. XXXIII. D. Eod. Quodque g) tam varias cautiones in arrogatione impuberis observari jussierint leges §. III. 7. Eod. Ex posteriori iterum fluit a) adoptantem plena pubertate adoptatum præcedere debere L. XVI. & XL. §. I. Eod. b) non dari adoptionem ad tempus L. XXIV. Eod. c) non adoptare, qui plane generare non potest. §. IX. ff. & d. LXL. §. II. D. Eod. d) adoptionem fieri debere bona intentione L. XVII. pr. D. Eod. Inde etiam e) facile cognoveris, omnia ea cum adoptato communicari, quæ familiæ sunt. Et sic olim etiam jure imaginum, sive nobilitatis, participes fiebant adoptivi H V B E R Digression. P. I. Lib. II. cap. ult. quod hodie secus. Pari modo f) adoptivi juris successionis, quatenus liberæ patris dispositioni subjacebat, fiebant capaces. Reliqua taceo.

## Aphor. V.

**DISTINGUITUR** Olim nulla, ratione effectus, inter adoptionem erat distinctio, sed unice ad finem primarium Patriam nempe Potestatem respiciebatur. Et sic omnis adoptio in favorem magis patris, quam liberorum concipiebatur. Ex adoptione vero minus plena adoptans nullum capiebat emolumentum, sed ea adoptivo solum erat proficua; Ex quo facile patet, hanc adoptionem peragi posse ab eo, qui liberos in potestate habere nequit. Verum & ratio sic e longinquo non est accersenda, quare in hac adoptione tacitus adoptati consensus sufficiat *L. V. D. de adoptionibus.*

## Aphor. VI.

**EST ACTVS)** vel brevius: Est pactum successorium acquisitivum, a parentibus cum liberis diversi matrimonii publica auctoritate initum, eo fine, ut cum liberis propriis ratione successionis exæquentur. Publica auctoritas, quæ causæ cognitione, & accedente decreto absolvitur, ideo necessaria est, quo evitetur detrimentum liberis uniendis imminens, si dispares sunt numero, vel dispares facultates. Quia vero pactum est, dubio procul I) & parentum & liberorum uniendorum legitimus intervenire debet consensus, II) non fieri potest, nisi de bonis, de quibus parentes disponere possunt, III) perpetuum est, nec nisi mutuo dissensu tollitur. Quia pactum successorium est, testamenti factionem parentibus adimit, & facultate alienandi bona, de quibus unio inita, eos privat. Quia de-

denique liberos diversi matrimonii ratione successionis a parentibus acquirendæ solum exæquat, id etiam consequens est, quod successio neque reciproca sit, neque uniti inter se succedant, præterea nec Patriam potestatem vitrico confert, nec cognationem vel affinitatem inter unitos introducit. Confer STRYCKIVM *de successione ab intestato Diff. VIII.* præprimis RYCKIVM *in pecul. tractat. de unione prolium.*

## Tit. XII.

Quibus modis Patria Potestas solvitur.

## Aphor. I.

**H**ABVERIT) Quod principiis quidem Romanorum optime convenit, quibus, ut supra ostensum, Patria potestas erat dominium vere sic dictum, nec ideo mirum, quod, cui competeret dominium in rem principalem, filium nempe, haberet etiam dominium in rem accessoriam, id est, nepotem §. III. j. D. P. P. Atenim indoles nostræ potestatis parentum ejusmodi effectus vix producit, nec casus dabilis est, ut nepos demum post mortem avi in patris potestatem perveniat, cum pater ipse, instituta separata oeconomia, potestatem patris exire soleat. Ex eadem ratione nepos etiam, mortuo patre a patris sui potestate jam liberato, in avi potestatem recadere non potest.

## Aphor. III.

SINGVLARI DIGNITATE FILII) Tali nimirum, quæ liberabat a curia *L. fin. C. de decurion.*



*tion.* quatenus onus est liberis. **NOVELL. LXXXI. cap. II.** olim sola Patriciatus dignitas §. *IV. Instit. quib. mod. P. P. solvit*, quæ primaria erat in aula Imperatoris a temporibus Constantini M. cognita. Absolum enim videbatur, eum, quem ipse Imperator, ut patrem, veneraretur, patris naturalis potestati adhuc subesse. Id postea ex paritate rationis extensum est ad dignitatem Consularem & Episcopalem in d. **NOVELL. LXXXI.** cum & hoc inconveniens videretur, patri subesse eum, qui ipse pater civium esset & Ecclesiæ. Hodie omnis dignitas a Patria Potestate liberat, quatenus cum separata œconomix institutione est conjuncta, vel potius, quia plerumque accidere solet, ut ad dignitatem admissus se a familia paterna actu separet.

#### Aphor. IV.

**EMANCIPATIONE)** Erat hæc Romanis actus sollemnis, quò pater interveniente trina imaginaria venditione & manumissione sese dominio suo, quod in filium habuerat, abdicabat. Eamque sollemnitatem ipsa liberorum conditio antiqua desiderabat, cum rebus Mancipi annumerarentur, harum autem rerum alienatio non nisi Mancipatione peragi posset. **CAJVS Instit. Lib. I. Tit. VI. §. III.** ibique **SCHULTINGIVS.** Ipsum ritum ulterius declarat **HEINECCIUS Antiquit. Roman. Lib. I. Tit. XII.** Nec mirum est, si naturam patrii istius domini respicias, patris consensum in emancipatione necessarium fuisse, maxime, cum commodis Patriæ Potestati cohærentibus sese abdicaret. Quia vero hic actus & filium incommodo afficeret, dum  
a fa-

a familia excluderetur, & extranei instar haberetur *L. IV. & V. C. de emancipat.* præterea patri etiam dimidiæ peculii adventitii partis ususfructus in præmium emancipationis cederet §. II. *J. per quas person. cuique acquir.* filii quoque consensum in emancipatione esse requirendum Romani existimaverunt. Post varia tamen temporum intervalla non solennitates solum, in emancipatione adhiberi solitas, remiserunt Imperatores Anastasius in *L. V. C. de emancip. liber.* & Justinianus in *L. ult. C. Eod.* sed Jus Novellarum quoque durum emancipationis effectum ratione successionis temperavit. Rationibus igitur rite subductis, asserere non dubito, quod usum emancipationis Romanæ præter necessitatem defendant nostrates. Neque enim pater dominium habet in liberos, neque liberi rebus annumerantur, neque demum Patria potestas hodierna ad dies vitæ durat, sed ipso jure finitur per exitum liberorum ex familia Patris. Qui vero tacitam emancipationem, quæ certe contradictionem in adjecto continet, fieri dicunt, quando liberi a patris familia se separant, vel quando pater cum liberis contractum celebraturus iis tutorem petit, illi fallunt & falluntur. Ibi enim pater filium e potestate non dimittit sua voluntate, sed filius ipse se a patris potestate eximit suo arbitrio. Hic vero, ut contractus subsistat, emancipatione haut opus est, cum cessante fictione unitatis & cessare debeat Juris Romani prohibitio, ne filius cum patre contrahat vid. THOMASII *Diff. de quasi emancip. Germanor.* & BEYERI *Jus Germanic. Lib. I. cap. XXVI. §. XLI. sqq.*

## Aphor. V.

SEPARATAM INSTITVUNT OECONOMIAM) Quod ita fit, quando liberi sedem fortunarum fixam eligunt eo fine, ut separatas a patris familia habeant rationes. Et sic certe fieri potest, ut quis a patre separatim habitet, & alibi degat, nec tamen ex patris potestate exeat, e contrario vero quis in patris domo vivat, a potestate quamvis immunis. Sigillatim in filiabus Jure Germanico hoc unum sufficit, quod mediante matrimonio in aliam familiam transeant. *JVS SAXON. Lib. I. art. XLV. MEVIVS AD JVS LVBECENS. P. I. Tit. III. ad rubric. n. 25.* Filii vero, qui se separant, ut majorennēs sint, & ex moribus quarundam provinciarum, ut simul matrimonium contrahant, requiritur. *THOMASIVS Dissert. alleg. SANDE Decis. Frisic. Lib. II. Tit. VII. def. 6.* Ut vero hæc separatio jura successionis non tollit, nisi ubi cum assignatione certæ bonorum patrum partis conjuncta est, quod in quibusdam civitatibus, maritimis fieri, testis est *MEVIVS P. II. Tit. II. art. XXXIII. add. STRYCK de jur. singular. fœmin. Hamburg. cap. II. §. XI. sq.* ita & patrem usufructu, quem hucusque in bonis liberorum adventitiis habuit, privat, cum ratio ejus, nempe onus educandi, cesset. Et sic pater liberis bona restituere debet. *JVS SAXON. PROVINC. Lib. I. art. XI.*

Tit.

Tit. XIII.

De tertia personarum divisione.

Aphor. I.

**C**IVES DICUNTUR) Civem hic recte definit Auctor. Ideam enim, quam sibi de cive Aristoteles format, quod nempe jus deliberandi & suffragium ferendi de republica habeat, civi solum in Democratia viventi convenire per se patet. In Germania duplex jus civitatis occurrit. Altero gaudent status Imperii, altero cives mediati. Illud Jus publicum considerat, hoc jus privatum. Consistunt autem jura civium mediatorum præsertim in jure opificiorum & collegiorum, jure braxandi, cauponandi, mercaturæ & aliis pluribus, quæ enucleat BEYER *Jure German. Lib. I. cap. XI.* Eoque nomine sese distinguunt a nobilibus & rusticis. Quo vero horum jurium fiant participes 1) certam pecuniæ summam pro receptione exsolvunt, 2) juramentum civium præstant, eoque ipso sese ad onera personalia subeunda obligant, 3) in matriculam inscribuntur. BERGER *Oec. Jur. p. m. 57.* Cave tamen cum jure civium confundas jus civitatis, *das Stadt-Recht.* Hujus enim concessio a Principis voluntate dependet THOMASIVS *Diss de jure stat Imper dandi civitat.* Idque sub se complectitur jus exercendi jurisdictionem, jus ordinandi res ad politiam spectantes, jus habendi magistratum & curiam, jus statuta condendi, jus nundinarum, jus munera civibus imponendi, de quibus iterum vide BEYERVM *dict. loc.*  
*Pere-*



PEREGRINI DICUNTUR) Non itaque denegantur peregrinis jura hominum communia, matrimoniorum puta, contractuum & testamentorum, quamvis Romanos hæc jura peregrinis haut concessisse, eosque magis omni juris tam publici quam privati exercitio privasse, ex variis juris Romani textibus constat, quos vide in HEINECCII *Antiqu. Roman. Append. Lib. I. p. 400.* Melior vero deinde eorum conditio extitit vel beneficio populi, vel clementia Principum, omniaque demum civium jura cum iis communicavit Caracalla in *L. XVIII. D. de stat. homin.* quam dilucido commentario explanavit SPANHEMIVS *de Orbe Roman.* Ut mirum sit, Doctores hanc novam peregrinorum conditionem demum Friderico II. adscribere, eamque ex AVTH. *omnes peregrini C. Commun. de success.* derivare, cum tamen hic textus magis peregrinantibus consulat, & consuetudini cauponum irrationabili, qui bona morientium peregrinorum sibi appropriabant, obicem ponat. Quicquid tamen sit, peregrini aliorum jurium, quam quæ communia dicuntur, hodie regulariter non fiunt participes, quando in numerum civium non sunt recepti. In honoribus etiam conferendis indigenarum plerumque potior est ratio, salva tamen Principi relicta facultate, peregrinis quoque honores & dignitates conferendi. Præterea & moribus quarundam provinciarum fiscus jus occupandi peregrini hereditatem sibi vindicat, quale jus in Gallia vigere constat, vid. STRYCK *ad Lauterbach. tit. de stat. homin. p. 37.*

Aphor.

## Aphor. II.

CIVES IN REPUBLICA) Cives, quatenus eos in sensu generali consideras, commode dividuntur in originarios & voluntarios, sive incolas. Illi dijudicantur ex jure civium, quod obtinuerunt, hi ex habitatione in civitate. Quia vero & hi tutela magistratus fruuntur, æquitatis est, ut & onera personalia subeant imo & patrimonialia, si possessiones habeant. Alia ratio est suburbicariorum, *der Vorstädte* tere, quippe quorum mox melior, mox deterior conditio est. Regulariter jure civium non fruuntur, subsunt tamen magistratui urbano. Sigillatim in odiosis, ubi civitati cum extraneis res est, urbem a suburbio separari, illamque muro contineri dicunt *BERGER. Oec. Jur. p. m. 61.* Cum suburbicariis tamen denuo non sunt confundendi *Pfalburgeri*, per quos recte intelligimus eos, qui in præjudicium civitatis, cui adhuc fuere addicti, alterius civitatis membris sese associant. Hos enim recipere in numerum civium vetat *AVREA BULLA tit XVI.* ibique *LIMNAEVS Obs. II.* Qui tempestive monet, nullam obesse legem, quo minus quis alterius civitatis tutelam impetrare possit, modo a fraude & dolo sit alienus. Dari enim ejusmodi cives, qui & domicilio in quadam civitate, & tutela ejus utuntur, nec non de possessionibus onera recipiunt, cæterum forum privilegiatum agnoscunt ratione personæ, experientia docet. Denique & dantur cives, qui neque in urbe habitant, neque jurisdictionem magistratus in personalibus agnoscunt, sed tantummodo possessionum causa, quas

quas ibi habent, nexum cum civitate colunt, qui Forenses nominantur. Sed de his & aliis plenius egit BEYER *Jur. German. Lib. I. cap. XII. Conf. Introduct. in Jus Saxon. P. I. Exerc. IX. §. III sq.*

NOBILES) Horum jura iterum late exponit BEYER *d. loc.* Cum his tamen Patricii non sunt confundendi. Utut enim hi ipsi, postquam civitates Germaniæ sub Henrico Aucupe incrementa cepissent, urbes vel magistratus in se recipiendi causa, vel habitandi & commodius vivendi gratia intrarent, postea tamen iis instituta civium ita placere coeperunt, ut & ipsi illis nomina darent, & personas civici ordinis thori socias optarent. Idque cum displiceret ingenuis reliquis, antiquorum institutorum tenacioribus, non dubitarunt iidem, quin quædam ingenuitatis jura sibi solis vindicarent, & præminentiam in eo collocarent, quod Patriciis præclusus esset ad ista jura liber accessus. Cui defectui, ut obviam irent patricii, ex re sua duxerunt, peculiaribus diplomatibus Imperatoriis jura nobilitatis conservare. Eaque ratione enata est distinctio inter Patricios legales, & vulgares. Ex quibus illi nobilibus per omnia æquiparantur, hi a quibusdam juribus, maxime jure torneamentorum excluduntur. BEYER *d. l.*

MATER SIT IGNOBILIS) Sed tamen, qui ex patre nobili & matre ignobili sunt progeniti, iis juribus non fieri possunt participes, quæ ingenuos natales ex utraque parte requirunt. Atque hi natales adesse debent, 1) ut quis recipi possit in Collegia majora Capitularium 2) ut quis jure torneamento-

mentorū fruatur, in quibusdam provinciis 3) ut deliberationibus in Comitibus provincialibus interesse possit. In reliquis casibus sufficit nobilitas ex linea paterna ZIEGLER *de jur majestat. Lib. I. cap. XVIII §. XVIII.*

### Aphor. III.

SPECIALIA INEVNT COLLEGIA ) Auctor hic dubio procul intelligit collegia opificum, quæ cum aliis collegiis in eo conveniunt, quod 1) se uniant ad finem specialem & stabilem, atque sic societatem perpetuam ineant, II) quod publice debeant esse approbata. III) quod statuere possint de negotiis Collegii, IV) quod ipsis habere liceat, res communes, arcam communem, sigillum commune, V) quod Syndicum constituere debeant, qui negotia eorum judicialia pertractet, V) quod beneficio restitutionis in integrum utantur. Hæc jura, ut & originem Collegiorum opificum erudite promovere enucleavit HEINECCIUS *Diff. de Collegiis & corporibus opificum.*

### Aphor. V.

ET INFAMIAM JURIS ) Ut dudum observarunt viri eruditi, Ictos incautos fuisse in discernendis terminis infamiae in Republica & extra Rempublicam, summaque imis hoc in argumento miscuisse, vid. THOMASII *Dissert. de existimatione, fama & infamia extra Rempublicam*, ita non abs re videtur, terminos illos sollicitius distinguere. Vel enim homines peccant contra regulas honesti & decori, illi philosophice solum & moraliter infamiam contrahunt, seque ipsos suspicione



cione gravant, quod pro idoneis humanæ societatis membris haberi non possint, vel peccant contra regulas justæ, & legem prohibitivam, & sese indignos faciunt societate civili. Ista infamiae species ad Jurisprudentiam proprie non pertinet, si tamen divinare licet, valde probabile videtur, Ictos ideo de infamia facti decisionibus suis quædam immiscuisse, quod vi æmulationis, quæ inter eos & Philosophos intercedebat, cives vellent non legibus solum sed & virtuti conformem vitam agentes. Interim diversos non posse non producere diversas has infamiae species effectus palam est, sicuti etiam diversa ratione contrahuntur, & diverso modo cessant. En differentias principales. I) Infamia juris unico facto a legibus notato contrahitur. Infamiam facti non contrahit, nisi qui honestatem & decorum iterata vice vilipenderit, *der aus lieberlichen Dingen ein Handwerk macht.* II) Infamia juris existimationem apud omnes, infamia facti apud graves & honestos viros lædit. III) Illa a dignitatibus suscipiendis & susceptis removet *L. XII. C. de dignitat.* hæc a suscipiendis solum *L. II. C. Eod.* IV) Illa perpetua est, nec nisi Principis dispensatione interveniente tollitur *L. XLIII. §. IV. de Ritu nuptiar.* Hæc cessat, quando quis ad sanos mores revertitur, quod ex lapsu triennii, per quod quis a turpi vita destitit, colligi posse credit SCHILTER *Exerc. X. §. XXVI.* V) Illa testem suspectum facit, hæc fidei testimonii non obest.

Aphor.

## Aphor. VII.

IRROGATUR AUTEM VEL IMMEDIATE) Idque fit, quando factum ita notorie injustum est, ut nulla ratione excusari possit. v. c. Si quis in adulterio deprehensus *L. XLIII. §. XII. de Rit. nupt.* Frustra enim sententia judicis desideratur, quando factum negari aut excusari nequit. Mediate irrogatur infamia in delictis non notoriis, quæ vel negari vel excusari possunt. Tunc enim opus est, ut judex prius inquireat; an & quo animo perpetratum sit delictum, ne is, qui citra intentionem delinquit, æquali pœna subjiciatur cum illo, qui ex proposito peccat.

IN CAUSIS FAMOSIS) Pertinent huc etiam nonnulli contractus, in quibus de singulari fide rupta actio directa instituitur, puta: tutela, depositum, societas, mandatum. Non solum enim hi contractus per se peculiarem fidem requirunt; sed & perfidia sine dubio turpior, quam necessarii & amici, qui in ejusmodi contractibus plerumque eligebantur, committunt. *L. VI. §. V. D. de his, qui notant. infam.* Possunt tamen, qui condemnationem ex actione directa metuunt, transactione interveniente sese a pœna infamiæ liberare *L. VII. D. Eod.* quod in delictis secus. Primo enim contrahens, qui fidem violat, non fit infamis, nisi sententia lata, atque in ea doli mentio facta sit. Deinde, ille quidem, qui super delicto transigit, delictum confitetur, & sic ex ficta confessione infamiam incurrit *L. IV. §. fin D. Eod.* at qui super contractu transigit, hoc solum fatetur, quod contraxerit.

xerit. Fidem vero se violasse neque fatetur, neque negat, & sic nec poena locum habere potest.

### Aphor. VIII.

LEVIS NOTAE (MACULA) Tertium hoc infamiae genus interpretes praeter mentem Juris Romani finxerunt. Ad oculum enim demonstravit HEINECCIUS in *Diss. de levis notae macula*, Triboniani incuria Legem *XXVII. C. de inoffic. testam.* in qua istam maculam sese invenisse gaudent rerum Romanarum incuriosi, mirifice corruptam, ex duabus legibus Constantini Magni formatam, & intentionem legislatoris alias satis perspicuam in sensum plane diversum detortam esse. Natales igitur haec levis notae macula Germaniae debet, & vel clero papali, vel collegiis opificum, vel forsan utrisque adscribendum est, quod nova infamiae species sit excogitata. Postquam enim invaluerat mos, ut Clerus in monasteria & Collegia coactus, & de propagando monstro jurisdictionis Ecclesiasticae sollicitus, immunitatem Ecclesiasticam cum variis opificibus, quibus carere haut poterat, communicaret aliosque excluderet, tanta haec res visa est Collegiis opificum, ut exclusos vix dignos judicarent, qui jure Collegii participes fierent, cum primis, quia ipsis semper in ore erat: *Die Handwerker müssen so rein seyn, als wenn sie eine Taube gelesen hätte.* Quid mirum itaque, quod hi miseri homines etiam male audirent apud vulgum, eorumque adeo infelix evaderet conditio, ut cujuslibet contemptui exponerentur. add. HEINECCIUM *dict. Dissert.* Quae cum : nt, laudem omnino mere-

meretur Principum nostrorum cura de abstergenda illa macula, & eradicando præjudicio, quod animis hominum per secula infixum hæsit, de salute Reipublicæ agi, si levis notæ macula notatis aditus ad jura opificum concederetur.

ILLEGITIMA NATIVITATE ) Sed vellem edoceri, quo nomine veniret grave illud delictum, quo spurius se commacularet, quodque esset fundamentum infamiæ illis irrogandæ. Certe nec vile, nec abjectum, nec sordidum factum ex parte spuriorum adest. Eos autem ideo punire velle, quod parentes eorum deliquerint, cum regulis justitiæ aperte pugnat, cum delicta suos tenere debeant auctores.

### Aphor. IX.

RECENSENDI SUNT ) Quæ exempla hic enumerata hac complecti solent regula: Ubi nullum factum, nec turpe, nec vile adest, ibi nulla macula. Et sic procul dubio irrationabilis est consuetudo opificum, quando eum, qui ex stupro natam vel ab alio vitiatam uxorem duxit, non jure Collegii solum indignum, sed ipsum hoc factum poena quoque expiandum esse existimant. WERNHER. P. VII. obs. XXII. & CLXX. BERGER. Lib. I. Resp. CLII. & Resp. CCLVII.

### Aphor. X.

ABOLETUR INFAMIA ) Sed & hoc in quaestionem venit, anne temporis lapsu expiret infamia, si forsan ob delictum commissum poena temporalis sit dictitata? Distingue. Aut causa sua natura famosa fuit, & effectus infamiæ est perpetuus,

G 2

nam



nam & effectus legis, ex qua infamia irrogatur, perpetuus est, *L. VI. C. de his, qui notant. infam.* Aut causa fuit arbitraria, tunc tempore elapso effectus poenae cessat *L. III. C. Eod..* De ipso argumento, quomodo infamia evitetur aut aboleatur, vide late BERGER. *Oecon. Jur. p. m. 70. sqq.*

### Tit. XIV.

### De Capitis diminutione.

#### Aphor. II.

**S**TATVS MUTATIO IN DETERIVS) Omnis doctrina de capitis diminutione originem habet a censibus Romanis. Habebant enim Romani tabulas censuales, in quas omnes, qui in civium essent numero, referrent; Qui itaque in has tabulas referri poterat, capite census, qui inscribi non poterat, capite destitutus, qui in censum relatus iterum eximebatur, capite minutus dicebatur. Conf. HEINECCII *Antiquit. Roman. Lib. I. Tit. XVI. §. I.* Idque ultimum fiebat, si quis statum vel libertatis, vel civitatis, vel familiae amisisset. Quod fundamentum est triplicis capitis diminutionis maximae, mediae & minimae. His vero praelibatis vereor, ne incongrue hoc argumentum in foris nostris applicetur. Deest liber censualis, desunt servi Romani, desunt privilegia civium Romanorum, deest effectus adoptionis & emancipationis, qui Romae fuit, & adest tamen in foris Germaniae capitis diminutio!

#### Aphor. IV.

PER INTERDICTIONEM AQUAE ET  
IGNIS

IGNIS) Quæ ita fiebat, ut civi Romano, cui invito jura civitatis Romanæ eripi non poterant, quem tamen Romani ejectum vellent, tecto, aqua & igne interdiceretur, quo ille his necessariis vitæ subsidiis ademptis, ultro exiret, & aliunde sese conferret. Hoc enim facto jus civitatis ipso jure amittebat. Conf. HEINECCIUM *Antiquit. Roman. Lib. I. Tit. XVI. §. X.*

PER DEPORTATIONEM) Cujus auctor Augustus ita eam peragi voluit, ut rei compedibus vincti impositique navibus, servis publicis, qui eos deportarent in insulam, traderentur. DIO CASSIUS *Lib. LVI. p. 587.* OISEL. *ad Caji Instit. Lib. I. Tit. 6. §. I.* Haud tamen cum deportatione hac confundenda est relegatio. Ista enim jus civitatis plane tollebat, hæc jus solum habitandi vel ad tempus vel in perpetuum adimebat, salvis cæteris quin juribus civitatis *L. XI. D. de public. judic.* OVIDIUS *Lib. V. Trist. Eleg. II.*

Tit. XV.

De Actionibus præjudicialibus in specie  
ita dictis.

Aphor. I.

IN JUDICIO) Hac vero ratione omnis privata dictio juris excluditur, quippe quam leges adeo abhorrent, ut eandem ipsam ipsius juris amissione puniant *L. XIII. D. quod met. caus. L. VII. C. unde vi.* Non tamen ideo prohibita defensio vitæ, bonorum, & jurium privata contra eos, qui injusta vi nos aggrediuntur. Ejusmodi

G 3

enim

enim vim privatam non leges solum Romanæ generatim probant, & in variis casibus permittunt, *L. III. D. de Justit. & Jur. L. I. C. unde vi*, sed & Germanis pro tuenda possessione solenne esse remedium pignorationis, experientia docet, vid. late *STRUVIUM Tr. de vindicta privata.*

### Aphor. II.

**AUT IN PERSONAM**) Ex quibus illæ sese fundant in jure in re, hæ in obligatione ex facto licito vel illicito proveniente. Illis rem persequimur, quæ jam nostra est, a quovis possessore. His rem promissam solum persequimur a promittente. Nomine vero generali Romani actiones in rem *vindicationes*, actiones in personam *conditiones* vocari consueverant *§. XV. J. de action.* Cujus denominationis ratio inde petenda, quod, ubi de reali actione sermo esset, pugna quædam fictitia & imaginaria inter litigantes intercederet, quod manus conferere, vel vindicias facere vocabant. In personalibus vero actionibus litigantes invicem dicebant, alter agebat, alter negabat, & postea sponcione quadam se provocabant. Confer *SIGONIVM de Judiciis.*

**MIXTAM CAUSAM OBTINERE VIDENTUR**) Et huc pertinent tria illa judicia communia & divisoria, familiæ erciscundæ, communi dividundo, & finium regundorum. Fluunt hæ actiones ex jure in re, ex dominio nimirum vel jure hæreditario. Quia tamen is, qui communem hereditatem, vel communia bona administrat, sese vi quasi contractus simul obligat ad rationes reddendas, damnaque

mnæque refarciendæ, istæ actiones etiam aliquid trahunt ex actionibus personalibus, & inde mixtæ vocantur. Sunt tamen etiam actiones quædam sua natura personales, & nihilominus contra quemvis possessorem institui possunt, quas sigillatim in rem scriptas vocamus. Illæque sic alio sensu mixtæ dici possunt. Ut enim persona nobis solum obligata sit ad rem præstandam, ob vitium tamen violentiæ vel metus, quod rei cohæret, quilibet rei possessor obligatus est, quia rem cum vitio tenet. Exemplum ejusmodi actionis invenies in actione, quod metus causa.

### Aphor. III.

**VINDICAMVS**) Generatim enim actiones præjudiciales eo tendunt, ut jus nostrum ex diverso statu personarum oriundum contra negantem salvum & integrum declaretur, idque ipsum quasi ablatum iterum restituatur.

### Aphor. IV.

**ACTIONES PRÆJUDICIALES**) Quæ denominatio inde præsertim desumpta, quia plerumque quæstiones de statu, indeque dependentibus juribus aliud judicium præcedere solent, in quo de jure ex statu personarum competente sermo est. Non enim prius de hoc ipso iudex arbitrari potest, quam quæstio de statu sit discussa. Atque ea ratione hæc quæstio præjudicium facit causæ principali. Sic e. g. quando filius ad hereditatem patris admitti vult, possessor vero hereditatis de natalibus excipit, ut de his, an legitimi sint nec ne, præprimis cognitio fiat, omnino est necesse.



## Aphor. V.

**SERVITIORVM RVSTICORVM**) Nec dubitant Doctores, quin & his in casibus regulam a Pomponio in *L. XX. D. de regul. Jur.* suppeditatam, quod nempe in dubio interpretatio pro libertate facienda sit, ad exemplum trahant. Utur enim Germanis nunquam tantus libertatis favor fuerit, ut illa pro re inæstimabili haberetur, & commercium hominum effugeret; Utur porro Jure Civili servitia, quæ rustici de fundis suis prædiorum equestrium possessoribus præstant, incognita imo sub gravi poena in *L. II. C. Ne rustici ad ullum obsequ. devoc.* prohibita fuerint; naturali tamen libertati ista servitia adversari dicunt, ideoque odio habenda, & quantum fieri potest, restringenda esse addunt. Sed horum opinioni, ne indistincte subscribam, ea impediunt, quæ supra ad Lib. I. Tit. IV. aphor. V. de conditione nostrorum rusticorum retuli. Res eo redit, quod præstationes reales, quatenus rem rusticam respiciunt, præsumendæ sint, reliquæ præstationes personales, quæ citra pactum vel legis dispositionem non debentur, strictam interpretationem admittant.

## Aphor. VIII.

**CONTROVERSIA OCCVRRIT**) Sigillatim vero in actione de partu agnoscendo duo probanda sunt, natiuitas, & paternitas. De natiuitate legitima & illegitima jam alibi diximus. Paternitas vero, quando de partu legitimo sermo est, parum difficultatis habere videtur, si modo natiuitatem iusto tempore contigisse quis docere possit. Sed quod  
partum

partum illegitimum attinet, matris quidem assertioni statuitur, non tamen, credo, alia ratione presumptionem hic oriri posse, quam si ipsa inculpatio aliis adminiculis adjuvatur. Sola enim inculpatio focii criminis nunquam fidem habet *CONSTIT. CRIMIN. art. XXXI.* Clara etiam adest de hoc argumento *L. XVII. C. de accusation.* Idque ratione non caret. Misera enim alias esset virorum integerrimorum conditio, si mulierculis levissimis, & ob stuprum commissum sublestæ fidei id concederetur, ut sola nominatione sua criminis reos facere, aliosque in existimationis discrimen conjicere possent. Quare, nisi ejusmodi nominationi alia ratione fides concilietur, ne ad juramentum quidem matrem admitti testemque in propria causa constitui posse existimo. Eadem ratione nullum ex assertionem mulieris parturientis de filii sui illegitimi patre sufficiens ad inquirendum, vel purgatorium juramentum dictandum oritur indicium. add. *CARPZOV. Qu. Crim. CVIII. n. 58. GAIL. Lib. II. obs. XCVII. LEYSER. Spec. XIV. med. IV. & spec. CXLII. med. VII.*

*TENEATUR*) Modo tamen tempus, quo se concubuisse fatetur, ejusmodi sit, ut proles ex illo concubitu nasci potuerit. Alias enim stuprator ad alimenta præstanda nequaquam tenetur. *WERNER. P. I. obs. XXIII.* Quamvis vero ex stupro, quod quis fatetur, paternitas præsumatur, adeo, ut ne quidem exceptio non secutæ consummationis ab onere alendi liberet, hoc tamen intelligendum est de casu, ubi non constat, circa idem tempus ali-

um cum eadem foemina rem habuisse. Alias enim, si foemina, se duos stupratores admisisse, fatetur, alterum vero ex iis patrem partus sui esse contendit, probationem in se suspiciat, omnino est necesse, *IDEM P. IV. obs. CXXXIII.*

**PATREM CERTVM NON HABENT**) Et ideo neuter ex pluribus stupratoribus ad partum agnoscendum & alendum est obligatus. Dissentit quidem *BRUNNEMANN.* ad *L. V. de agnosc. & alend. liber. n. 20.* & omnes, quotquot cum foemina rem habuerunt, ad alendum obligat. Sed singularem hanc opinionem merito rejicimus, & cum *CARPZOVIO* in *Jurispr. Eccles. Lib. III. Def. LXXXI.* matri onus alendi imponimus; siquidem onus alendi non ex delicto, sed ex officio parentum fuit, & sic nemini, nisi qui pater est, injungi potest.

Tit. XVI.

De Tutelis in genere.

Aphor. I.

**Q**VAE IN TUTELA VEL CURA SVNT) Quo huic argumento de tutela & cura fiat satis, praemonendum duxi, varios a Romanis aetati primae usque ad aetatem virilem praestitutos esse terminos, diversaque in singulis obtinuisse jura. In infantia constituti, atque annum septimum nondum egressi, ob defectum usus rationis nihil plane agebant, sed ipsis dabatur tutor, qui omnia suo administraret nomine, vicesque infantis in omnibus negotiis sustineret. Qui in pueritia vivebant, cui terminus ab octavo anno usque ad annum decimum quintum assignatus erat, nisi quod foemi-  
nae

nae post annum duodecimum pubescerent, omnia jam recte agebant, integram tamen personam cum sustinere ob infirmitatem intellectus non possent, in omnibus negotiis, in quibus conditionem suam deteriore reddere poterant, intercedere debebat tutor, auctoritatem suam interponendo. *pr. §. de auctorit. tut.* Postea, qui annos impubertatis esset egressus minorque diceretur, nullo amplius direttore negotiorum indigebat, sed valide omnia gerebat, nisi quod ad judicialium actuum stabilitatem firmandam urgente adversario curatorem acciperet invitus §. II. *§. de Curator.* Nec unquam ipsi necessitas habendi curatorem in reliquis negotiis extrajudicialibus fuit imposita, sed prospectum solum, ut curatores, si tales ad evitandas læsiones, quas ob judicii immaturitatem facile incurrere poterant, rogarent constituendos, citra famæ periculum acciperent OISEL. *ad Caji Instit. Lib. I. Tit. VIII.* Atque ista minorum conditio durabat quidem, usque dum annum vigesimum quintum supervixissent. Tum enim majorennesciebant, & quicquid agebant, firmum semper stabileque manebat; Verum, ut ista dispositio de negotiis solum privatis, quæ durante minorennitatis termino expediebant, accipienda est, ita e contrario, si negotia publica spectes, annum decimum octavum completum pro termino ad quem venditabant Romani, ut officia virilia & possent & deberent in se suscipere minores. Hoc anno completo ætatem aptam esse existimabant ad civium munia obeunda, & virilibus officiis convenientem, eamque primam ætatem vocabant **L.**



*L. LXVIII pr. D. ad L. Falcid.* Hoc anno togam virilem sumebant *GELLIVS Noct. Attic. Lib. X. cap. XXVIII.* Hoc anno pro se & pro aliis postulabant. *L. I §. III. D. de postul. Conf. Comment. ad Constit. omiss. Manip. I. obs. XI.* Atque hunc terminum, quod obiter moneo, alias quoque gentes observasse, inde cognoscimus, quia Germani nostri eundem ad capeffendam summam rerum, & servitia feudalìa subeunda, præstandamque fidem Vasalliticam aptum judicarunt. *BERGER. Oec. Jur. Lib. I. Tit. II. §. V.* Ista interim terminorum infantiae varietas fundamentum distinctionis inter tutelam & curam constituit Jure Romano, nec una ratione utriusque diversos producit effectus, de quibus postea videbimus. Verum enim vero vereor, ne Germani hoc in argumento plus auctoritatis tribuant Juri Romano, quam par est, & mores nostri ferunt. Certe Germanis nostris una semper fuit infantia, una pubertas, impuberesque & minores quoad conceptum quidem, non vero quoad rem ipsam discrepare, evidenter docuit *BEYER. Dissert. de hodierna tutor, & curator, different.* Imo Tutores & Curatores, quos in effectum jam ipsum Jus Romanum sibi invicem exæquavit, hodie parum vel nihil ab invicem distare, unamque & eandem eorum esse obligationem, ex iis, quæ demonstranda supersunt, dilucide apparebit.

### Aphor. II.

**JVRE CIVILI DATA ET PERMISSA)** Hanc definitionem Servii jCti, ad rationes Romanorum speciales accommodatam retinere maluerunt nostrates,

strates, quam aliam nostris moribus convenientem substituere. Nobis vero tanta antiquitati non videtur exhibenda veneratio, quin existimemus, definitionem tutelæ ita formandam esse, ut rem ipsam plus illa planam & perspicuam sistat. Certe Servius causam habere credidit sufficientem, cur tutelam vim diceret & potestatem in capite libero, cum sua ætate non pupilli solum, sed & fœminæ sub tutela viverent. Vim igitur nominat tutelam habito respectu ad pupillum, cujus educatio, quæ absque castigatione vix curari poterat, tutori esset commissa; potestatem vero eam vocat fœminarum intuitu, quarum negotiis tutor solum interveniebat auctoritatem suam interponendo. Apud nos vero, cum tutela solum in pupillos locum habeat, potius dixeris, eam esse munus publicum in onere pupillum educandi & bona ejus administrandi consistens. Et sic hoc de tutela argumentum ad duo ista axiomata generalia facile revocaveris, I) Tutelam esse munus publicum, II) Tutorem primario dari personæ pupilli. Prius disertis verbis approbat *pr. §. de excusat. tutor.* posterius §. *IV. §. qui testament. tutor. dari poss.* Nec est, cur de usu hujus observationis generalis in foris nostris dubitemus, cum partim rationis & Reipublicæ utile sit, ne pupillus absque directore actionum vivat, partim experientia confirmet, id præprimis tutori commissum esse, ut pupilli personam ita formandam curet, quo dignum Reipublicæ membrum aliquando evadat. His vero præmissis evidens fieri existimo I) Tutorem cogi posse invitum ad tutelam

lam

lam suscipiendam. II) Non aliis excusationibus eundem uti posse, quam quæ alias a munere publico excusant, III) habilem eundem esse debere, ut munus publicum in se possit recipere, IV) Gratuitum ejus esse officium, V) Talem eligendum esse tutorem, qui ipse bonis moribus est præditus, quique exemplo esse potest pupillo, VI) Cessare officium tutoris finitis annis impubertatis, VII) Certæ rei vel causæ tutorem non dari. Quia vero tutor per consequentiam etiam bona pupilli administrat, præterea, quod habilis esse debeat ad dirigendas pupilli actiones,abilitas etiam VIII) requiritur, ad administranda negotia. Cæterum, quo tutor duplici suo officio ex æsse satisfaciat, id agat, ut in educando pupillo patris obligationes, in ejus bonis administrandis boni & providi Patrisfamilias partes accurate impleat.

#### Aphor. IV.

CONFIRMENTVR) Non itaque cessat hodie triplex illud tutelæ fundamentum, voluntas nempe patris, lex, & Magistratus decretum. Hoc enim cum Jure Romano ad nostra fora transiit. Sed, quia, ut dixi, Reipublicæ interest, ne pupillus maneat indefensus, utque persona ejus & patrimonium contra insidias & machinationes tutorum defendatur, optimo consilio dispositum est, ne prius tutor ad administrandum procedat, quam causa sufficienter cognita, perspectaque ejus idoneitate. Ut sic hodie merito distinguendum sit inter tutoris constitutionem, & tutelæ delatæ administrationem. Triplici enim modo quidem constituitur, admini-  
stratio

stratio vero & tutelæ exercitium ipsi demum traditur per confirmationem. Inde vero sponte fluit.

I) Tutorem personam suam non legitimare testamento vel schemate genealogico, sed testimonio magistratus super confirmatione exhibito. II) Tutorem ante confirmationem tutelæ nomine non teneri, III) hypothecam legalem pupillo in bonis tutoris concessam demum a die confirmationis incipere, BERGER. *Oec. Jur. Lib. I. Tit. IV. §. II.*

Tit. XVII.

De Testamentaria tutela.

Aphor. I.

**E**T IN CONFIRMATAM) Et hæc tutela, ne quid dissimulemus, non incipit a testamenti factione, sed demum a confirmatione magistratus, & re ipsa est tutela dativa. Cum enim unicum tutelæ testamentariæ fundamentum sit Patria Potestas, certe nulla tutoris datio, quæ alio fundamento innitebatur, per se subsistebat. Quatenus tamen tutor a Patre adhuc esset datus, utut cessaret Patria Potestas, ita confirmandum esse tutorem crediderunt Romani, ut in ejus mores & idoneitatem haut inquireretur §. V. *J. de tutel.* persuasi forsan, patrem id jam egisse, ut non nisi idoneum liberis suis tutorem eligeret. Quod tamen hodie cessare, ex supra dictis patet.

Aphor. II.

IMPUBERIBVS) Haut itaque permissum erat patri, tutorem in testamento ultra tempus impubertatis constituere, partim quia tutela ipso jure finieba-



niebatur adepta pubertate, partim, quia minori tutor non dabatur. Imo, etiamsi adjecisset pater, se tutorem testamento datum curatorem quoque dare, nihil tamen agebat, cum neque curator invitus ad suscipiendam curam, neque minor invitus ad accipiendum curatorem cogi posset. §. XVIII. 7. de *Excus. tutor.* Verum hæc denuo hodie aliter sese habent, cum & tutor & curator invitus officium subire. & pupillus æque ac minor invitus directorem actionum & negotiorum admittere debeant. Ipsaque docet experientia, cum, qui tutelam pupilli gessit, curam quoque minoris continuare.

IN POTESTATE CONSTITVTIS ) Et sic  
dubio procul etiam exhæredatis. Patriam enim potestatem exhæredatione haut tolli, per se constat.

### Aphor. III.

NEPOTES NON COMPREHENDVNTVR )  
Hoc singulare esse, inde apparet, quod alias filiorum appellatione & nepotes contineantur. Sed hanc regulam de favorabilibus solum explicant. Ubi vero nepotum, vel tertii etiam, ut hic tutoris, præjudicium concurrit, filios solum de liberis primi gradus accipiunt. Et hanc opinionem hodie sequimur, ex hac etiam ratione, quod nepotibus inde nullum inferatur damnum, etiamsi in doctrina de tutela sub denominatione filiorum non comprehendantur, cum iudex ipsis nihilominus de tutore prospicere possit ac debeat. Plane si filios nominavit testator, nec tamen filios, sed nepotes solum habeat, de his eum cogitasse existimandum est.

Aphor.

Aphor. VI.

NON IUSTO TESTAMENTO) Nec interest, quacunque etiam ratione testamentum irritum dicatur. Nam tutor quoque confirmandus est, in testamento imperfecto datus *L. II. C. de confirmand. tutor.* Idem juris est, quando testamentum destituitur *SCHILTER Ex. XXXVII. ib. XXVII. sqq.* cum & in ruptis testamentis iudex admoneatur, ut voluntatem paternam observet *L. XXXI. D. de testamentar. tutel.* ac generatim hic unice ad patris voluntatem respiciendum sit. Et sic etiam sustinetur tutoris datio, etiamsi testamentum per querelam inofficiosi testamenti rescindatur. *L. XXVI. in fin. D. Eod. Nov. CXV. cap. III. in fin.*

Tit. XVIII.

De Legitima tutela.

Aphor. I.

**A**D MINISTRARE) Est itaque hæc administratio legalis, nec patri absque iusta causa adimi potest, nisi quod matri, avia, aliisque parentibus salva facultas fuerit relicta, patrem ab hac administratione excludendi, liberisque specialem curatorem constituendi *NOVELL. CXVII. cap. I. AUTHENTIC. Excipitur C. de bon. quæ liber.* Ut autem, nisi expresse ea de re sese declararint mater & avia, ipsa administratio haut videatur adempta; ita e contrario expresse adempta de bonis solum, quæ ultra legitimam liberis relinquuntur, accipienda est, ipsa vero legitima, ne patris quidem

H

dem

dem intuitu onere quodam gravari potest BERGER. *Oec. Jur. Lib. II. Tit. IV. §. XV.* BRUNNEMANN. *ad d. Authent.*

APUD MAGISTRATUM DEPONERE) Generationem hanc administrationem patri, vi Patriæ Potestatis, a legibus concessam, nostro idiomate quidem eine natürliche Vormundschaft nominare solemus. Verum rem ipsam, si spectes, ex *L. VIII. C. de bon. quæ liber.* facile cognoveris, nihil fere esse, si ab administratione discesseris, in quo conveniant ambæ. Partim enim reverentia, quam liberi debent patri, partim præsumptio pietatis paternæ, ab obligationibus, quæ tutoribus alias incumbunt, patrem præstant immunem. Non enim indiget confirmatione judiciali, non satisdat, non jurat, inventarium non conficit, fructus lucratur, rationes non reddit, perfide administrans non fit infamis. Administrat igitur solum, & ita quidem administrat, ut substantiam bonorum, quæ ad liberos spectant, salvam conservet, atque officia pii patris, & boni patrisfamilias impleat. Sic etiam recte alienat, quando id necessitas vel utilitas urget. Ipsum vero hujus administrationis fundamentum ita comparatum est, ut facile appareat, solis liberis in potestate patriæ viventibus interdici, ne patris administrationem perscrutentur, eique aliquam super illa controversiam moveant. Quare pater, si ipsi cum extraneis, cum liberis emancipatis, cum heredibus liberorum res sit, pro mero negotiorum gestore habetur, nec beneficio d. *L. VIII.* utitur. LEYSER *Spec. CLXIV. med. III.* WERNHER. *P. VII. obs. III.* Pari ratione

ratione & ille pater se beneficio reddit indignum, qui officia patris negligit, & prædonem in bonis liberorum agit. WERNHER *P. I. obs. XCII.*

#### Aphor. IV.

LEGITIMA) Est hæc tutela Jure Romano mere subsidaria, nec locum habet, quamdiu adhuc spectatur tutela testamentaria. Hoc enim in casu magistratus interim pupillo prospicit de alio tutore, donec tutor testamento datus gerendæ tutelæ fiat idoneus. In totum itaque cessante tutela testamentaria, v. c. si tutor in testamento plane non sit datus, vel datus quidem, sed vivo testatore decesserit, aut post testatorem & ante pubertatem pupilli §. II. *J. de Legit. tutel. L. VI. D. de legitim. tutor.* lex proximos ab intestato successores vocat.

DEFERTUR) Omne itaque tutelæ legitimæ fundamentum est proxima spes succedendi, ut sic merito formari possit regula: Quicumque ad successionem ab intestato propior, ille ad tutelam legitimam suscipiendam proximus est. Quapropter nec dubitarunt Romani, quin & patronis, in liberti liberis, patri in liberis emancipatis, tutelæ onus suscipiendum imposerent. Nostris moribus legitima tutela prius cognita fuit, quam testamentaria, quippe quæ demum cum Jure Romano ad nos transiit. Hocque jus, cum in hoc argumento publice sit approbatum, merito sequimur in tutelis privatorum. Tutelas vero personarum illustrium quod attinet, non dubito, quin adhuc hodie tutela legitima testamentariæ sit præferenda, præsertim, cum in Auræa Bulla sit fundata, nec tanta Ju-



ri Romano unquam tribui possit auctoritas, ut principes nostros, ex quorum voluntate vel expressa vel tacita vim accepit, obliget. Multumque præterea interest, cuinam opinioni subscribas. Peculiaris enim tutelæ legitimæ apud Germanos ea est indoles, quod tutor fructus ex bonis pupilli suos faciat, præterque alimenta, quæ pupilli conditio exigit, quid amplius non præstet. Huic vero juri quæsito agnatos per receptionem Juris Romani tacite voluisse renunciare, quis facile crediderit. Ipsam interim hujus tutelæ indolem collige ex **TITII Spec. Jur. Publ. Lib. IV. cap. VI.** **LVDWIGII Diff. de tutela fructuaria.** **COCCEJI Diff. de tutela illustrium.** Controversiam vero de hoc argumento, utrum legitima testamentariæ tutelæ sit præferenda, inter Comites Palatinos ad Rhenum, Neoburgicum & Bipontinum, olim agitatam, dijudica ex peculiaribus **ZESCHLINI & ZACHARIAE FRIEDENREICHII** argumentis pro legitima tutela, & **MARQUARDI FREHERI** ut & **DIONYSII GOTHOFREDI** rationibus pro testamentaria tutela undique collectis & in peculiaribus scriptis propositis.

### Aphor. V.

**SCTO VELLEJANO**) Hoc quidem, quia leges prohibent, ne mulier pro alio intercedat, & sic actus, auctore matre tutrice gesti, validi efficiantur renunciatione SCTi peracta. Secundis vero nuptiis ideo renunciant, ne vitricus liberis superinducatur, qui bonis privignorum insidias struat. Verum tamen hæc renunciatio non eum habet finem, tan-

tanquam mater plane excluderetur a secundis nuptiis, sed ea potius intentione peragitur, ne mater prius, quam petito alio tutore & rationibus redditis, ad secunda vota transeat. Quæ etiam causa est, quod renunciatio hodie jurato vix peragatur. Imo a ratione non abhorret, posse matrem, si rationum redditio paulo intricatior sit, ad consummationem secundarum nuptiarum, præstita sufficienti cautione, admitti. MEVIVS *ad Jus Lubec. P. II. Tit. II. art. XXIX. n. 20. in Additam.* LEYSER. *Spec. CCC. med. XVII.* quamvis id regulariter fieri nequeat, cum iudex rationibus non redditis secundas nuptias prohibere debeat, Præcise enim hoc in argumento sequimur Jus Romanum in *c. LXVII. X. de Appellat.* confirmatum, illamque inter patrem & matrem binubam in Legibus Romanis constitutam differentiam, vi cuius non ille quidem, bene tamen hæc, per secundas nuptias administratione bonorum liberorum privatur, approbamus, add. *L. XXII. C. de administ. tutor.*

NON PRAEFERTVR MATER VEL AVIA)  
Cujus opinionis CARPZOVIVS hanc reddit rationem, quod hoc in casu tutela non sit opus, cum nepos in potestatem avi recidat. Verum hanc rationem indoli nostræ patriæ potestatis haut convenire, ex iis, quæ ad titulum de Patria Potestate dixi, facile patet. Magis itaque NOVELLÆ *CXVIII. cap. V.* conformis est sententia BRVN-  
NEMANNI *ad authent. Matri C. quand. mat. tutor. offic.* SCHILTERI *Exercit. XXXVII. tb. LIX.* THOMASII *ad Strauchium Diff. V. §. XVI.* quod mater avo sit præferenda.

H 3

NE-

NEGAT CARPZOV.) Nec hoc ratione caret, siquidem ejusmodi tutrix per beneficium restitutionis in integrum ex capite ætatis impetratæ omnes actus tutorio nomine gestos irritos facere posset.

NON SVNT TVTRICES) Quod principiis Germanorum utique conveniens est, qui agnatis ex jure quodam quæsito tutelam olim deferrebant. Postquam vero in tutelis privatorum Jus Romanum sequi solemus, nec tutela legitima hoc in casu amplius fructuaria sit, matrem, ob singularem in liberos affectionem, quæ unicum tutelæ maternæ fundamentum est, in bonis feudalibus quoque ad tutelam admittimus, quanquam in foro Saxonico matri adungi soleat peculiaris curator feudalís, BERGER *Oec. Jur. Lib. I. Tit. IV. §. III.*

### Aphor. VI.

DEFERTVR TVTELA) Quod est argumento, Saxones in tutela legitima deferenda non præcise ad proximam succedendi spem, sed ad jus potius agnatorum, percipiendi fructus ex bonis pupilli, respexisse.

SEQVENS GRADV SVCCEDIT) Idque hodie semper observatur, quando legitimus tutor deficit, vel ab initio vel ex postfacto. Jure autem Romano, si inhabilis esset vel impeditus ejusmodi tutor, successioni haut erat locus, sed judex potius pupillo alium constituebat curatorem §. V. J. de Curator. L. III. §. VIII. D. de legitim. tutor. Quem enim lex vocabat, jus ex ipsa lege habebat quæsitum, quod ipsi eripi non poterat, etiamsi plane inidoneus esset.

Tit.

Tit. XIX.

De Tutela dativa.

Aphor. III.

**N**OMINATIM HOC TRIBVTVM ) Erat enim tutelæ datio non ordinariæ, sed extraordinariæ jurisdictionis, id est, non magistratus ordinarius, sed ad hunc actum in specie constitutus tutorem dabat. Ordinaria autem jurisdictio jure magistratus compete-  
bat, omnesque tribuebat actus, qui ab officio magistratus separari non poterant, ut sic opus non esset, nominatim, eos tribuere. Extraordinaria e contrario jurisdictio ex speciali legis concessione dependebat, talesque actus complectebatur, qui ab officio magistratus abesse poterant. Quare mirum non est, quod leges Romanæ mox Prætori urbano, mox Præsidi provinciarum, mox Consulibus, mox iterum Prætoribus, mox Præfectis urbi, mox Defensoribus civitatum & Episcopis facultatem tutores vel cum vel sine inquisitione dandi concesserint, ceu late commemorat Justinianus in *tit. I. de Attilian. tutor. & eo, qui ex L. Jun. & Titia dabat.*

Aphor. IV.

JURISDICTIONI SVNT SVBIECTI ) Verum hoc utile solum, & suadendum, cum sic magistratus eo facilius prospicere possit, ne res pupillorum aliquid detrimenti capiant. Cæterum nullibi leges impediunt, quo minus tutor, qui alienæ jurisdictioni subest, constituatur, modo sufficientem præstet cautionem, & alias idoneus, nec a parenti-



bus prohibitus sit tutor esse, vid. *L. XXIV. D. de tutor. & curat. dat. L. XXI. §. II. Eod.* E contrario autem, quia tutor primario personæ datur, necessario in magistratu constituyente respiciendum est, an competens sit ratione personæ pupilli. Non enim iudex rei sitæ, non iudex, qui jurisdictionem solum ad certam causam habet restrictam, sed iudex domicilii tutorem constituit, eo effectū, ut bona etiam pupilli alibi sita administrare possit, quia tutor rebus pupilli per consequentiam solum datur. Unicus hic casus exceptus est, quod, si pupillus maximam bonorum partem sub alio iudice habeat, & hic & iudex domicilii de constituendo tutore sollicitus esse debeat. *L. unic. C. ubi pet. tut. vel curat. L. XXVII. D. de tutor. & curat. dat.*

### Aphor. V.

PUPILLVS MINORVE SVBIECTVS EST )  
Et quidem inferior, si pupillus duplicem magistratum, superiorem & inferiorem agnoscit. Superiorem enim non solum haut obscure excludit *L. unic. C. ubi petant. tutor.* dum magistratum civitatis, cui pupillus bonave ejus subsunt, requirit, sed etiam in ORDIN. POLIT. IMPER. *de anno 1577. titul. XXXII.* datio tutoris magistratui ordinario adscribitur. Rem ex instituto egit BERGER *Elect. Disc. For. p. 313.*

Tit.

Tit. XX.

Qui petant tutores vel curatores, & ubi petant.

Aphor. I.

**I**VSTA CAUSA EXCVSETVR) Quorsum pertinet, si mater fuerit minorennis, tum enim, quia delictum solum contra jus civile commisit, in integrum restituitur contra poenam amittendæ hereditatis ab intestato *L. II. C. si advers. delict.*

DECESSERINT IMPVBERES) Tum enim tota hereditate privatur. Filius vero pubes factus, si matrem in testamento nominatim ab hæreditate non excludat, iniuriam remisisse censetur *L. III. C. ad SCtum Tertullian.* Utut vero filio puberi matrem exheredandi, & injuriam illatam vindicandi data sit facultas, haut tamen existimo, eum matri legitimam adimere posse, cum ista causa, si tutor non sit petitus, inter reliquas causas in *Nov. CXV.* expressas haut referatur. *STRYCK ad Lauterbach. h. tit. IDEM usq. Modern. h. tit. §. IV.* Et sic certe filio pubere facto ipsa poena cessabit, cum exclusio a reliqua hereditate ideo poena dici non possit, quia nulla de jure filio imposita est obligatio, ut matrem in bonis, quæ legitimam excedunt, heredem instituat.

Aphor. II.

EX OFFICIO DEBET) Idque hodie plerumque fit non expectata petitione tutoris a ma-

tre vel aliis cognatis peragenda. Pertinet enim ad curam magistratus, qua talis, ut pupillo de tutore prospiciat. Cumque jurisdictiones hodie non adeo magni ambitus sint, quin magistratus resciscere possit, ubi tutore opus est, ipsa ratio statim in oculos incurrit, quare hodie tam frequenter tutores non petantur. Ast Romani ista dispositione de tutoribus petendis eo magis indigebant, quo certius constat, tutoris dationem non officio magistratus cohaesisse, sed a peculiari concessione pendisse, sicque necesse fuisse, ut iudex de dando tutore admoneretur.

#### Aphor. IV.

COGVNTVR VERO ALIQVANDO) Imove-ro semper cogendum esse minorem, ut curatorem accipiat, sive adsit, qui petat, sive id magistratus officio relinquatur, nostris moribus vel ideo convenit, quia in minoris arbitrio haut est positum, velitne curatorem admittere, nec ne, sed invitus magis curatoris subesse debeat.

#### Tit. XXI.

De administratione & periculo tutorum vel curatorum.

#### Aphor. I.

SE DATVM ESSE COGNOVIT) Vel potius, simulac confirmatio magistratus expedita est; hac enim nondum secuta administrare prohibetur REFORM. POLIT. de anno 1548. Tit. XXXI. §. II. nisi forsan negotium occurrat, quod moram non patiatur STRYCK *Uf. Modern. tit. de*

*de Confirm. tutor. §. III.* vel tutor testamento datus negligens sit in petenda confirmatione. Moram enim ille si committat, administratio ejus est periculo.

**CAUTIO**) Quæ olim, cum negotium hoc esset incertæ æstimationis, semper fidejussoribus intervenientibus facienda erat. Hodie vero satisfaciendi necessitas fere cessat, cum tutela nemini facile deferatur, nisi qui bona immobilia possidet, in quibus deinde pupillo tacita competit hypotheca. Quare forsan tum demum de peculiari cautione sollicitus esse debet iudex, quando tutela defertur tutori, sub aliena jurisdictione constituto. Res ipsa enim tum exigere videtur, ut administratio bonorum pupilli ipsi prius non committatur, quam sufficienter caveat. Idque in Saxonia Electorali publica lege approbatum esse, constat ex *RESOLVT. GRAVAM. de anno 1609. tit. Justitien-Sachen §. VII.*

**JURAMENTI PRAESTATIO**) Quod in *dict. Reformat. Polit. Imp. de anno 1577.* dispositum in quibusdam provinciis præcise observari experientia docet. Plerumque tamen ista necessitas remittitur, cum cives jam per juramentum civicum ad munera publica fideliter subeunda sese adstrinxerint. Alibi hoc juramentum civicum tutori in memoriam revocatur, vel promissio etiam ab eo exigitur an *Eides statt SCHILTER Exerc. XXXVII. tb. LXXXVIII. BERGER Oec. Jur. p. m. 189.*

### Aphor. III.

**OMISSA INVENTARII CONFECTIONE**) Quod intellige de casu, quando tutor dolo vel culpa



pa inventarii confectionem neglexit. Justam enim causam, si allegare possit, præjudicium illud, de quo Auctor loquitur, non incurrit *L. VII. pr. D. b. tit.* Est vero justa causa, quando pupillus bona non habet, vel, si habet quidem, pater vero defunctus ipse jam consignationem conscripsit, vel mater antea tutrix successori inventarium exhibuit. Cæterum in his æque ac reliquis casibus, si inventario confecto scrupulus remaneat, juramento purgatorio locus est.

INVENTARIUM FIERI VETVERIT ) Idque nominatim & expressis verbis. Hoc enim præcise exigere videtur *L. ult. §. I. C. arbitr. tutel.* Inde vero concludit VINNIVS *Select. quest. jur. Lib. II. cap. XVI.* tutorem ab inventarii confectione non liberari, quando defunctus illi solum necessitatem hujus confectionis remisit. Imo, non obstante expressa prohibitione, judici tamen liberam existimo concedendam esse facultatem, ut arbitretur, an magis expediat pupillo, inventarium confici. Utilitatem enim pupillorum, non scripturam testamenti sequi debet judex *L. X. D. de confirm. tutor. L. V. §. VII. D. de administrat. tutor.* Eademque ratio me movet, ut credam, posse & judicem, si utilitas pupilli id postulat, remittere necessitatem inventarii conficiendi, etiamsi testator ea de re in testamento nihil dixerit. arg. *L. II. §. XLV. sqq. ad SCtum Tertullian. L. II. C. de aliment. pupill. præstand.*

CONSIGNARE RES PUPILLI DEBET )  
Quamvis enim pater inventarii confectionem prohibuerit,

hibuerit, a rationum tamen redditione tutor non est immunis CARPZOV. *P. II. Const. XI. def. IV.* Imo hac etiam remissa, (qualis tutor aneclogistus dicitur, de quo vid. SCHULTZII *Dissert. peculiar.*) de dolo tamen & lata culpa tenetur *L. V. §. VII. D. de administr. tutor.* Et sic ubique res pupilli salvas præstare debet, quod utrum fecerit nec ne, absque consignatione bonorum cognosci nequit. Confer. STRYCK. *Cantel. Contr. Sect. III. cap. II. §. I.* Nec quicquam obstat, ne pupillus & hac consignatione omissa, vel minus recte peracta, in litem juret. Quod, quo eo melius evitet tutor, id agat, ut ad consignationem adhibeat aliquot pupilli agnatos, qui consignationem simul subscribant.

#### Aphor. IV.

CAETERI TUTORES NON ADMINISTRABUNT) Tutores honorarios HAHN *ad Wesenbec. tit. de auctor. & consens. tutor. n. 3.* & LAUTERBACH. *Disp. de honorar. tutor. cap. III. §. XXIX. n. 9.* tum demum ab administratione excludunt, quando testator vel iudex illis administrationem expresse interdixit. Verum hanc prohibitionem constitutioni tutoris honorarii jam per se inesse, ex *L. III. §. I. & II. de administr. & peric. tutor. l. IV. de auctorit. & cons. tutor.* perspicue elucet. Hoc solum leges tutori honorario concedunt, quod hereditatem adire & solutionem recipere possit. *L. XLIX. D. de acquir. vel omittend. hered. l. XIV. §. I. D. de solut.* Quod tamen exorbitans esse & a ratione juris abhorrere recte monet LEYSER *spec. CCCXXIX. medit. I.*

OBSER -

**OBSERVATORES**) Non vero simplices sunt observatores & otiosi inspectores, sed id agere debent, ut tutor gerens officio suo ex asse satisfaciat, cum & ipsi in subsidium respondere debeant pupillo de damno, per tutores gerentes illato. Quapropter ius merito concedendum est, ut rationes postulent, pecuniam pupillarem conservari curent, inventarii confectionem & editionem urgeant, cautionem exigant, suspectum tutorem accusent, sibi-que ea ratione prospiciant, ut indemnitatem consequantur. Et in his, si negligentiam haut committant, pupillo contra eos recte denegabitur actio. Interim, cum ex his appareat, istam inspectionem cum quadam administratione secundaria esse conjunctam, eo minori dubio subest, quin tutor honorarius confirmatione magistratus indigeat, quo magis necesse, pupillisque utile est, ut idoneus sit ejusmodi tutor.

### Aphor. VI.

**TVM BENEFICIUM DIVISIONIS**) Quod quidem indoli correalis obligationis non exacte convenit. Concessit vero *NOVELLA XCIX. cap. VI. AUTHENT. hoc ita C. de duob. reis constit.* beneficium divisionis omnibus debendi correis. Quo ipso tamen correalis obligatio non cessat. Nam partim per renunciationem istius beneficii sustineri potest, partim effectum habet, si reliqui non sint solvendo, quia periculum ad correum spectat. Id vero secus est tunc, quando ab initio statim pro parte solum obligatus est tutor. Ille enim factum

ctum alterius nunquam præstat, sed ipso jure tutus est, quod ultra partem conveniri nequeat.

### Aphor. VII.

CONSENSU ASSISTENDO) Inter auctoritatem tutoris & consensum curatoris olim quidem multum intererat. Erat enim auctoritas actus legitimus & solennis ad integrandam personam necessarius. Ejusmodi vero actuum natura hæc erat, 1) ut pure, non sub conditione, 2) statim, non ex postfacto, 3) a præsentente, non per nuntium aut per Epistolam expedirentur *L. LXXVII. D. de Regul. Jur.* Quæ omnia secus, quando consensus curatoris interponebatur. Verum hodie sufficit indistincte, ut consensus accedat, sive pupillus, sive minor aliquid negotii celebret.

### Aphor. IX.

AD PERSONAM INSTRVENDAM PERTINENT) Tutorem intuitu personæ pupilli, cujus actiones dirigit, patris vices sustinere, jam dixi. Ut itaque pupilli educationem ita curet, necesse est, quo dignum tandem reipublicæ membrum evadat. Id autem cum absque sumtibus fieri nequeat, per se patet, tutorem alimenta pupillo suppeditare debere. Et hic quidem res tutoris arbitrio est relicta, quid alimentorum loco impendere velit, modo ad facultates pupilli ejusque dignitatem ubique respiciat. *L. XII. §. III. de admin. & peric. tutor.* Generatim tamen sibi optime consulit tutor, si magistratui alimentorum determinationem relinquat. Vel maxime vero in eo casu, quando redditus ex pupilli bonis ad alimentationem non sufficiunt, magistra-



gistratum adeat tutor, quo ille decernat, numne alimentorum nomine quædam bona sint distrahenda  
STRYCK. *Cautel. Contract. Sect. III. cap. I. §. X.*

NULLI MAGIS, QUAM MATRI, COMMITTENDA) Primario tamen ratio habenda est ejus, quem pater in testamento denominavit *L. I. §. I. D. ubi pupill. educ.* eo deficiente matri committitur, nec facile ei adimitur, etiamsi vitricum liberis superinduxerit. Sola enim superinductio vitrici non sufficit, sed id præterea requiritur, ut male audiat, & periculum inde bonis pupilli immineat, *L. I. C. Eod. CARPZOV. P. II. Const. XI. def. XLIII.* Nec enim simpliciter prohibetur iudex, ne vitricum pupillo tutorem constituat, si ille honestæ famæ sit & suspicione non laboret FINCKELTH. *Observ. XXIII. BRUNNEM. ad L. fin. C. de contr. tutel. judic. n. ult.* Generatim vero magistratus officium haut est restrictum, ne circumstantiis urgentibus a patris voluntate & legis dispositione recedat, sed ille, ubi de educando pupillo sermo est, eo respicere debet, ut hujus fama & vita illæsa præstetur.

### Aphor. X.

INTERPELLANDI SUNT) Alias, si negligentia tutoris probari possit, ejus periculo debitum cedit *L. LVII. pr. de administr. & peric. tutor.* Eaque probatio facili negotio peragi potest in debitis certo tempore exsolvendis, cum ea statim exigere debeat tutor MEVIUS *P. IV. Decis. XI.* Mitius tamen cum tutore agitur in debitis, quæ pupilli pa-

li pater jam contraxit. Tum enim præstat solum culpam latam & dolum, *L. II. C. arbitr. tutel.*

Aphor. XI.

ET DE RE IPSA ALIENANDA) In causæ cognitione itaque id agat judex, ut dispiciat I) ad causam alienandi & an necessaria, an utilis solum sit, II) ad rem alienandam, III) ad modum alienandi, IV) ad ipsam versionem pecuniæ. Hoc enim jubet *L. V. D. de rebus eor. qui sub tutel.*

SOLENNITER SIT INTERPOSITVM) Id est prævia sufficienti causæ cognitione. Debet enim certum esse & determinatum *L. VII. & II. de reb. eor. qui sub tut.* Nec ideo simplex confirmatio judicialis sufficit. Modo tamen judex omnia recte ponderaverit, nil deinde interest, an decretum præcedat alienationem, an eam sequatur, quamvis tutius forsan sit, ut tutor prius de decreto sollicitus sit, quam ad alienationem deveniat.

EST IPSO JURE NULLA) Ex parte minoris. Respectu enim ejus, quem minor sibi obligavit, contractus omnino subsistit, & generatim omnia negotia pupillorum minorumve claudicant. Est vero rationis, ut minor, qui contractum impugnat, pretium ab altero acceptum restituat, ne cum ejus damno fiat locupletior, modo tamen emtor in bona fide sit, & versionem in rem pupilli probare possit, cum alias ratio restitutionis cesset.

Aphor. XII.

TACITA) Eaque non ex silentio solum, sed & ex factis concludentibus elicitur, quando nempe pupillus vel minor, adepta majorennitate, pretium vel in-

regum vel pro parte accipit, hoc ipso enim juri suo renunciassc censetur. Cæterum silentium quinquennale, quod alienationem ex titulo oneroso factam convalidat, in negotiis lucrativis ad decennium inter præsentcs, & vicennium inter absentes extenditur. Plane, si accipiens sit in mala fide, sciensque rem minoris non legitime comparaverit, ex temporis lapsu nullam habebit defensionem.

### Aphor. XIII.

AD DIVISIONEM PROVOCET) Generatim omnis alienatio absque decreto valet, quæ non a voluntate minoris, sed a necessitate lege aut pacto imposita dependet. Cessat igitur decretum in provocatione ad divisionem a majorenni facta, cessat, quando alienatio fit ex jure retractus, item, quando pactum de retrovendendo eam urget, add. WERNHER. *P. I. obs. CCXLVIII.*

RESRIPTVM PRINCIPIS) Quod rescriptum tamen causæ cognitionem non excludit, & sic etiam vices decreti non habebit, quando ex falsa causa est impetratum, sed ipsi procul dubio exceptio sub & obreptionis obstabit. BERGER *Oec. Jur. Lib. I. Tit. IV. §. XI.* Anne vero juramentum minoris, quod alienationi illegitimæ accessit, eam vim habebit, ut negotium corroboret? Ita putant nonnulli ob AVTHENT. *Sacramenta puerum C. si advers. vendit.* quos Praxis sequitur. Sed merito de fundamento hujus opinionis dubitabis, paulo curatius perpendens, subditorum arbitrio vix relinqui posse, ut legem prohibitivam vel præceptivam facto suo exaniment, eamque juramen-

mento haut inesse efficaciam, ut novam producere possit obligationem, ex tali causa, quam lex ipsa rejicit.

### Aphor. XIV.

**VEL ALIUD LVCIVM CONVENIENS COLLOCET**) Ea vero occasione curet, ne pecuniam facile elocet, nisi pupillo simul de hypotheca prospiciat. Poterit tamen excusari, si talem in elocatione se gessit, quales alii providi patresfamilias se gerere solent. Quare, si aliorum exemplo homini, qui ab omnibus idoneus habebatur, pecuniam, simplici chirographo vel cambio accepto, mutuo dedit, ipsi, si postea debitor præter opinionem solvendo esse desinat, nihil imputabitur, modo probare possit, debitorem tempore elocationis fuisse solvendo, vel minimum communiter pro idoneo reputatum. Claræ hac de re extant leges, puta *L. L. D. de administr. & peric. tutor. L. CXI. de condit. & demonstrat.* Eadem ratione Ictos Jenenses iterata vice respondisse memini.

**IPSE LEGITIMAS VSVRAS PRAESTABIT**) Imo, quando pecuniam in proprios usus convertit, & centesimas usuras præstare, & usuras usurarum solvere debet. *L. VII. §. X. & XII. D. de administr. & peric. tutor.* Cæterum necessitas pecuniam pupillarem foenerandi tutori quidem remittitur in *Nov. LXXII. cap. VI. & AUTHENTIC. Novissime, C. de administratione tutor.* Verum hæ leges hodie usu carent, magisque placet omnibus, tutorem de usuris respondere debere, si otiosam pecuniam pupillarem relinquit. Habet vero tu-



tor a tempore susceptæ administrationis sex mensium spatium, ut elocare possit *L. XV. D. de admin. & peric. tutor.* post susceptam autem administrationem duos menses a tempore factæ solutionis *L. VII. §. XI. Eod.* Plane si occasio pecuniam bene collocandi non adfuit, quod, a tutore negatum, pupillus probare debet, tutor liberabitur *d. L. VII. §. III. L. XII. §. ult. Eod. L. III. C. de usur. pupillar.* LAVTERBACH. *Colleg. Theor. Pract. Lib. XXVI. Tit. VII. §. XXIV.* Tutor igitur, quo sibi ipsi prospiciat, omnesque lites præscindat, id capiat consilii, ut deficiente pecuniam elocandi occasione rem ad magistratum referat, imo, ne suspicio versæ in propriam utilitatem pecuniæ pupillaris oriatur, in depositione judiciali refugium quærat BRUNNEMANN. *Centur. I. decis. LXXXVII.*

Aphor. XV.

(LATAM ET LEVEM CULPAM) Non itaque levissimam. Ab ejus enim præstatione eum *L. VII. C. arbitr. tutel.* liberat. Ut vero, qui se obtulit, aliosque magis idoneos excludit, exactissimam diligentiam præstet, & ideo de culpa levissima respondeat, fere rationis, & in omnibus administrationibus approbatum est, vid. *L. LIII. §. III. D. de furt. §. I. §. de Satisfact. tutor.* Heredes vero tutoris de dolo solum & latâ antecessoris culpa conveniuntur, nec culpam levem præstant *L. I. C. de hered. tut.* Sunt enim plerumque gestionis ignari, nec solide ostendere possunt, unde damnum in pupillum redundarit. Conf. THOMASTI *Dissert. de culpa tutori ab hered. præstanda.*

Tit.

Tit. XXII.

De Auctoritate tutorum & consensu  
curatorum.

Aphor. I.

**I**NFANTIA MAJORI VEL PUBERTATI PROXIMO) Infantis enim negotia tutor solus agit, quod ex principio Romanorum fuit, vi cuius nemo alteri obligationem acquirere poterat. §. IV. & XIX. 3. de inutilib. stipulation. Inde fiebat, ut tutor infantis omnia proprio nomine ageret, quod Romani administrare vocabant. Pupillus vero infantiam egressus recte omnia agebat; quia tamen ejus persona integra non habebatur, tutor ad eam quasi integrandam accedere debebat, quod Romani auctoritatem interponere vocabant. THOMASIVS *Not. ad Instit. b. tit. p. 94.*

Aphor. II.

FACERE POSSUNT) Et sic generatim tutoris auctoritas cessat in negotiis, ex quibus non tam lædi, quam conditionem suam meliorem reddere potest. Fundamentum enim auctoritatis interponendæ est metus læsionis. Quare, etiamsi tutoris auctoritas accesserit negotio, quod tamen in detrimentum pupilli vergit, contra ipsum hoc negotium pupillus & minor, beneficio Prætoris in integrum, restituitur, atque necessitas, tutorem ad damnum resarciendum conveniendi, ipsi remittitur. Electionem enim leges pupillo & minori nominatenus concedunt, utrum actione tutelæ uti, an contra eum, cum

quo negotium gestum est, in integrum restitui ma-  
lit *L. III. § ult. C. si tutor vel curat. intervenier.*

**NON DETERIOREM**) Verum & tum tutoris  
auctoritas cessat quando obligatio non ex facto  
pupilli, sed potius ex lege immediate oritur, quod  
fit in quasi contractibus *L. I. pr. D. de contr. tutel.*  
*actio.* Ad actus enim, qui pupilli consensu in-  
nituntur, leges auctoritatem tutoris restringunt, &  
sic omnes casus, quando quid ipso jure contingit,  
excipiunt *§. III. §. de suc. ess. ab intestat.*

### Aphor. III.

**NEGOTIIS PUPILLI**) Quæ cum tertio gerit.  
Nam quotiescunque tutori cum pupillo res est, ali-  
us huic tutor constituatur, est necesse, cum nemo si-  
bi ipsi auctor fieri possit. Interim tolerant leges,  
ut tutor auctor fieri possit in negotiis, ex quibus  
per consequentiam inter eundem & pupillum quæ-  
dam obligatio oritur *L. I. D. de auctor. & consens.*  
*tutor. & curator.* quamvis, quia leges tutorem pu-  
pilli debitorem vel creditorem ob suspicionem ma-  
læ administrationis ab ipsa administratione arcent,  
**NOVELL. LXXII. cap. II. seq.** per se pateat, tu-  
torem, cui pupillus per consequentiâ obligatur,  
debere esse sollicitum, ut liberatio contingat, eoque  
nomine alius interim tutor constituatur.

**CURATOREM CONSTITUTVM HABENTE,**  
**INEVNTVR**) Verum cum hodie curatoris admis-  
sio intuitu minoris res non sit arbitrii, sed necessita-  
tis, præterea quoque solemnitas cesset, quæ olim  
auctoritatis interpositionem concomitabatur apud  
Romanos, vix est, ut hodie inter consensum cura-  
toris

toris & auctoritatem tutoris differentiam aliquam constituas, cum uterque eandem adhibere debeat circumspectionem, ne res pupilli vel minoris aliquid detrimenti capiant.

Aphor. IV.

ET CONVENIRI POSSINT) Hoc pupilli intuitu, qui infantiam nondum est egressus, omni dubio caret, siquidem tutor solus tum administrat, atque sic factum tutoris factum pupilli fit. Quod autem attinet negotia ab impubere vel minore gesta, ex iis certe, quatenus tutor vel curator solus aliquid egit, nulla oritur obligatio ex parte pupilli vel minoris, nisi quatenus negotium in ejus utilitatem est gestum, ejusque conditio melior facta *L. III. & IV. C. Quand. ex fact. tutor.* nec interest, an licito modo, an dolo tutoris interveniente res pupilli auctæ sint *L. I. III. & IV. D. Eod.* Quapropter creditor, qui actionem ex facto tutoris vel curatoris contra pupillum vel minorem præparat, id agere debet, ut probet versionem *STRYCK. de proband. vers. credit. cap. I.*

Aphor. V.

REI VINDICATIO INDE PUPILLO COMPETIT) Quod speciale esse inde satis apparet, quia res in locum pretii non succedit; quando de titulo singulari sermo est *L. VIII. C. si quis alteri vel sibi sub alter. nom.* Recte tamen hæc juris dispositio, quod dominium rei ex pecunia pupillari emtæ pupillo acquiratur temperanda, & ad eum solum casum restringenda est, quando tutor vel curator suo nomine emit. His enim generatim est in-



terdictum, ne pecuniam pupilli in suos usus convertant. Quodsi vero extraneus, cui tutor pecuniam pupillarem mutuo dedit, rem emat, huic, non pupillo, res acquiritur. Ceterum natura juris singularis hoc etiam urget, ne istam legis dispositionem ad alios casus, in legibus non expressos, trahamus. Quamvis igitur idem juris sit in milite, quando ejus procurator vel negotiorum gestor ex peculio castrensi rem quandam comparat *L. VIII. C. de Rei vindic.* item in ecclesia, cujus pecunia administrator ulus est eo fine, ut suo nomine inde prædia acquireret *Clement. II. de religios. domibus.* BÖHMER *Diff. de administr. bonor. Eccles. cap. II. §. XIV.* de extensione tamen hujus dispositionis ad rem pecunia dotali emtam merito dubitabis. Dudum enim observarunt juris interpretes, *L. LIV. D. de jur. dot.* in qua omne præsidium extensi juris singularis collocant alii, parum juvare ipsam opinionem, præsertim cum ex *L. XII. C. Eod.* clare constet, præsumtionem solum aliquam nasci, rem in locum pecuniæ dotalis surrogatam esse. Recte itaque *d. L. LIV.* ita explicant, quod res pecunia dotali comparata vere dotalis non sit, sed æquiparetur solum rei dotali, ejusque naturam assumat eo effectum, ut uxor utili rei vindicatione utatur, re ista extante, in subsidium, si maritus solvendo esse desinat. add. *L. LV. D. de donation. inter vir. & uxor.* LEYSER. *Specim. CCCIV. med. IV. sq.* SCHLEEVOGT. *Diff. de utili rei pecun. dotal. compar. vindic.* De ipso vero jure singulari hic explicato MULLER. *Diff. de re pecun. aliena compar.* Aphor.

Aphor. VI.

PRO PUPILLO MINOREVE INTERVEN-  
RIT) Rem omnem sic cape: Tutorem vel cura-  
torem, quatenus pupilli minorisve nomine cum ter-  
tio contraxit, ut tutor vel curator, teneri quidem  
ratione officii, sed ita solum, ut ex bonis pupilli  
solvat. HAHN *ad Wesenbec. tit. quand. ex fact.*  
*tutor. n. 2.* Quatenus vero obligationi pupilli vel  
minoris accessit, ut tertius, eodem modo, ut fide-  
jussor, in subsidium conveniri potest *L. V. C. de*  
*administr. & peric. tutor.* Quia vero, fidejusso-  
ria & accessoria obligatio non præsumitur, id cre-  
ditor capiat consilii, ut in instrumento obligatio-  
nis nominatim exprimat, ex quo fundamento tu-  
tor teneatur. STRYCK. *Cautel. Contr. Sect. III.*  
*cap. II. §. XVIII.*

Aphor. VII.

CONVENIRI NON POTEST) Generatim  
hic adhibenda iterum distinctio in priori observa-  
tione suppeditata, utrum tutor se obligaverit, ut  
tutor, ratione officii, an tanquam extraneus. Ibi  
actio contra tutorem finito officio cessat, hic fini-  
to etiam officio tenetur, non vero actione tutelæ,  
sed ea, quam negotii indoles exigit.

Aphor. VIII.

FOEMINIS XVIII. ANNIS MAJORIBVS) De  
Jure Romano, quod hoc in argumento procul du-  
bio respexit ad id, quod ut plurimum fit, siquidem  
experientia docet, his annis maturitatem judicii  
plerumque adesse. Hodie vero ad certum veniæ

ætatis concessionem Principes nostri haut adstringunt terminum, sed ad frugalitatem magis & administrandi facultatem unice respiciunt.

SEV BONA IMMOBILIA POTEST) Ita in dubio. Posse vero Principem facultatem administrandi ad bona quoque immobilia extendere, dubio omni caret. Et sunt certe, qui cum minore, cui venia ætatis est indulta, contrahunt, statim securi, nec timere debent rescissionem negotii. Quamvis enim minor contra ipsam veniæ impetrationem in integrum restitui possit, hoc tamen de actibus futuris solum, non de iis, quos tempore veniæ gessit, erit intelligendum, cum horum intuitu pro maiorenni habeatur. BRUNNEMANN ad L. V. C. qui ven. etat. impetrar. n. 30.

### Tit. XXIII.

## De Curatoribus in specie.

### Aphor. I.

**I**N PLURIMIS CONVENIUNT) Conveniunt nempe hodie non solum intuitu constitutionis, sed etiam intuitu administrationis. Constituantur nempe testamento, quod olim fieri non poterat, cum volens solum minor curatorem acciperet §. I. J. de Curator. Constituitur lege, quod olim iterum solum fiebat ratione furiosorum, prodigorum & mente captorum, testamenti factionem non habentium L. XIII. D. de manumission. Fundamentum enim, ut quis invitis ad hoc onus suscipiendum cogi posset, erat spes proxima succedendi ab intestato. Quia vero  
 minori

minori integra esset facultas, testamentum condendi, propinquosque suos ab hereditate excludendi, cessabat etiam fundamentum obligationis. Constituuntur denique in subsidium a magistratu. Hæc vero velim de iis accipias, qui inviti curatores accipere debent. Reliquos quod attinet, qui volentes solum curatorem accipiunt, iis magistratus solum ea de re rogatus curatore prospicit. Cæterum quod quoad administrationem nulla inter tutorem & curatorem hodie sit differentia, jam sæpius dixi.

EST AUTEM ) Potius ita dixeris. Esse curam potestatem administrandi bona eorum, qui ipsimet ad administrandum non satis idonei sunt. Istaque idoneitas cum deesse possit partim ob usum rationis humanæ vel in totum denegatum, v. c. in furioso, prodigo, vel insufficientem, ut in minore, mente capto; partim ob impedimentum quod facultati administrandi obstat v. c. in absente, valetudinario, furdo, muto, ipsa cura duplici ratione venit consideranda. Partim enim cum personæ directione est conjuncta, eaque necessaria recte dicitur, & invitum quoque tenet, partim administrationem bonorum tantum respicit, eaque sigillatim voluntaria dici meretur, quia invito non obtruditur.

### Aphor. III.

NISI VOLENTIBVS ET PETENTIBVS MINORIBVS ) Ratio vero ipsa, quod minores olim non nisi volentes curatorem acciperent, inde maxime est repetenda, quia moris erat, ut adolescentibus solum curator daretur, quibus vita paulo la-

sci-



scivior & dissolutior erat, quique rebus suis ob demerentiam vel ingenii & mentis imbecillitatem minus superesse poterant. Quotiescunque igitur minor desideraret curatorem, ut causam simul allegaret, eaque magistratui probaretur, erat necesse, quo ipso tamen nomini suo ignominiam, & existimationi infamiam non poterat non inurere. Sed, cum minores ea ratione de curatore haut essent solliciti, eo certius vero technis & fraudibus eorum, quibuscum contrahebant, negotiaque gerebant, expositi, permisit postea Antoninus Pius, ut adolescentes honeste sine famæ periculo curatores accipere possent, dum illos immunes præstabat a necessitate allegandi rationes, ob quas curatorem peterent. Ex quo patet, iis jure Romano extra casus ab Auctore allegatos nunquam necessitatem, accipiendi curatorem, impositam, sed existimationem solum eorum, si peterent curatorem, salvam præstitam fuisse & integram OISEL *ad Caji Institut. Lib. I. Tit. VIII.* add. SCHULTINGIUM *ad d. loc.* Hodie minorum arbitrium restrictum esse diximus, siquidem inviti indistincte curatorem accipiunt REFORM. POLIT. *de anno 1577. tit. XXXII.* Hoc solum ipsis permittitur, ut personam eligere possint, quod & Juri Romano conveniens est L. XLIII. §. III. *de procurat.*

### Aphor. V.

(SED ET CORPORI ET SALVTI FVRIOSI)  
 Alioquin si damnum ab illo datum in furore, curatoris periculum est, ipseque læso respondere debet de damno, quia rectius furiosum non custodivit L. XIV. *de offic. præsid.* Aphor.

Aphor. VI.

IN CURATIONE LEGITIMA S. AGNATORUM) Et hos invitos cogi ad curam suscipiendam leges disertis verbis innuunt, sin recusant curam, causaque justa deficit, emolumento successionis privantur. Hoc vero inter curam furiosi & prodigi legitimam interest, quod patri furioso filius etiam curator dari possit, non vero patri prodigo; hoc enim indecorum esse Romani arbitrabantur.  
*L. XII. §. I. D. de tutor. dat. L. I. §. I. D. de curator. furios.*

Tit. XXIV.

Quibus modis tutela vel cura finiatur.

Aphor. I.

USQUE AD ADULTAM AETATEM) Germanis enim distinctio, quæ apud Romanos ratione ætatis obtinebat, in argumento de tutela non fuit cognita, sed una apud eos fuit semper pubertas, & sic etiam una tutela vid. BEYER. *Diss. de hodiern. tutor. & curator. differentia.* Ast, cum leges Romanæ tutori solum imponerent obligationem, ut pupillo præesset, non poterat non ipsa obligatio expirare, simulac pupillus desineret esse pupillus. Quare etiam tutor, qui ultra pubertatem res pupilli administrabat, non tutelæ nomine, sed ut negotiorum potius gestor tenebatur, quamvis in effectum hic nihil interfuisse docui in *Progr. pecul. de actione negot. gestor. contra tutor. finit. tutel. administr. a tutelæ judicio non diversa.*

NA-

**NATURALI TUTORIS**) Tutela enim, ceu munus personale, ad exemplum ejusmodi munerum, expirat morte, eo nempe effectu, ut heres tutoris tutelam continuare non debeat. Quod autem attinet obligationem, quam tutor vi quasi contractus subit, ea ad heredes recte extenditur, & sic hi & rationes reddere, & damna data resarcire debent.

**TVM CIVILI**) Erat enim tutela munus publicum a cive Romano subeundum. Capitis igitur diminutio cum tolleretur jus civitatis Romanæ, tutelam etiam tolleretur, omnino erat necesse.

**ET TEMPORIS LAPSV**) Quod de tutoribus solum testamento datis intelligendum. Id enim testatori, tanquam legislatori privato, mittebatur, ut tutorem sub conditione vel ad certum tempus dare posset. Magistratus vero & lex semper pure eoque effectu ad tutelam vocabat, ut tutor munus per integrum impubertatis tempus continuaret.

Tit. XXV.

## De Excusationibus tutorum vel curatorum.

### Aphor. I.

**EXCUSATUR VERO QVIS A TUTELA VEL CVRA**) Quia tutela apud Romanos itemque hodie est munus publicum, facile patet, easdem causas excusare a tutela suscipienda, ex quibus munus publicum quis declinare potest. Sunt autem causæ a munere publico excusantes duplicis generis, vel enim innituntur lege prohibitiva, & in totum a munere publico arcent, ut ne volens quidem admitti possit, qualis excusatio impropria est,

est, quia necessaria est, atque ideo Romani, in assignandis cuilibet negotio peculiari nomine nimis subtiles, ex ejus generis causis tutorem *excusari* dicebant. Vel innituntur lege permissiva, & ex jure singulari tutori, qui alias volens admitti poterat, facultatem, hoc onus declinandi, concedunt, qualis excusatio propria est, quia voluntaria est, & ex tali causa tutorem se *excusare* arbitrabantur vid. THOMASIVM *Not. ad tit. Inst. de excusat. tutor.* Præterea inter utramque speciem hæc etiam intercedit differentia, quod excusatio voluntaria a tutela quidem suscipienda, neutiquam vero a suscepta excuset, necessaria e contrario absolute tutorem repellat. Porro, quia voluntaria favorem tutoris respicit, illi non generatim solum renunciare, sed & pacto, ne excusatione utatur, in se recipere potest *L. XV. §. I. D. de excusat. tutor.* quod tamen de causa solum, quæ tempore renunciationis adest, non de ea, quæ post renunciationem supervenit, intelligunt, cum hæc ad non cogitata sit referenda. Denique testator etiam efficere potest, ne tutor excusatione utatur, quando eo nomine legatum relinquit. Hoc enim, si agnoscit tutor, onus tutelæ amplius recusare nequit *L. V. §. II. de his, quæ ut indign. L. XXVIII. §. I. L. XXXVI. pr. de excusat. tut.* Quæ omnia in excusatione necessaria cessant. Interim Auctor noster has excusationes non adeo accurate distinxit. Paupertas enim ab onere tutelæ non repellit, sed justam solum excusandi causam tribuit *cit. §. VI. J. de Excus. tutor.* nec adversa valetudo  
semper



semper ab onere tutelæ liberat, nisi ea sit, quæ impedit, quo minus quis rebus suis superesse possit *L. X. § VIII. D. Eod.* Idem juris est in eo, qui se excusando ad ætatem nimis provectam provocat.

**INIMICITIAM**) Quæ causa recte inter necessarias refertur, quia inimicus dubio procul prædo magis, quam tutor est futurus *L. II. pr. D. de jur. immunit.* Sed quid si pater in testamento inimicum tutorem constituerit? Remissa quidem hoc in casu videtur injuria, ita, ut tutor excusationem non habeat *L. VI. § XVII. D. de excusat. tutor.* Quod si vero appareat, propter inimicitias eum testamento tutorem esse datum, ut litibus implicetur, recte se adhuc excusabit *§. IX. J. Eod.*

**PAUPER TATEM**) In qua dijudicanda non præcise ad quantitatem patrimonii, sed ad id magis respiciendum, an quis aliena negotia ita commode administrare possit, ut tempus ipsi necessariis vitæ subsidiis acquirendis sufficiens remaneat. Quare recte excusatur, qui docere potest, quod ipso victu & amictu non possit non indigere, quando tutelam in se reciperet, sive quod idem est, quod oneri injuncto sit impar *§. VI. J. de Excusation. tutor.*

**NEGOTIORVM GERENDORVM IMPERITIAM**) Ita nempe *cit. §. VIII. J. de excus. tutor.* explicare solent, quod sola imperitia literarum justam excusandi causam non tribuat, nisi tutor simul imperitus sit negotiorum. Posse enim imperitum literarum rationes per alium conficere, aut in bacillis fissis, Kerb-Hölzern, consignare censent. Eam-

Eamque interpretationem Praxis sequitur, vid. HOPPIUM *ad Instit. b. tit.* STRYCKII *Diff. de bacillis fissis.* Sed, nisi me omnia fallunt, eadem ipsa explicatio menti Legislatorum Romanorum haut convenit. Non enim eo fine imperitia literarum & negotiorum in *cit.* §. VI. conjungitur, tanquam utraque in tutore, ut justa excusatione utatur, concurrere debeat: sed duplex potius ibi adest propositio, quarum una cum altera non est confundenda. Prima est: Imperitiam literarum a tutela excusare. Idque ratione non destituitur. Qui enim neque scribere neque legere possunt, ad reddendas rationes sunt plane inidonei, siquidem valde dubito, quod Romanis modus consignandi rationes in bacillis fissis fuerit cognitus. Secunda est: Imperitiam literarum non excusare ab aliis muneribus publicis, quæ rationum redditionem non desiderant, nisi, quatenus imperitia quoque negotii gerendi accedat. Dixi latius in *Comment. ad Constit. Omiss. Manip. I. obs. VI.*

CONTROVERSIAM CVM PVPILLO ) Tam præsentem, quam imminentem, ita quidem, ut Jure Novo qualiscunque lis sufficiat, quod jure Pandectarum secus *L. XXI. pr. D. de excusat. tutor.* Creditor tamen & debitor pupilli non præcise repellitur, sed, si magistratui rem denunciaret, eoque operam collocet. ut, pacto liberatorio interveniente, occasio litigii, & suspicio malæ administrationis præscindatur, recte admittitur. Alias creditor amissione crediti punitur, debitor exceptionibus suis privatur. Ab hac tamen poena lex excipit matrem

K

No-

NOVELL. XCIV. *Præf. ad cap. I.* Praxis vero creditorem vel debitorem pupilli, a patre in testamento tutorem datum, quamvis forsan invitis legibus.

### Aphor. II.

VIX OBSERVATUR ) Ita recte Auctor, quicquid forsan dissentiant Practici, qui religioni sibi ducunt, a verbis legum Romanarum recedere. Habent enim privilegia in numerum liberorum statuta speciales suas causas, nostratibus plane incognitas, quas vide in HEINECCII *Antiq. Roman. tit. de Excusation. tutor.*

ADMINISTRATIONI FISCALI ) Nec hic errat Auctor, si Jus Romanum respicias. Quamvis enim necessariis excusationibus hanc annumeret HOPPIVS *Comment. ad Instit. b. tit.* ratio tamen, quod, cum bona administratoris fisci jam obligata essent, pupilli res salvæ præstari haut potuerint, omnino fallit, cum pupillus fidejussoribus datis securus fieri posset. Verum hodie ista excusatio recte forsan ad necessarias refertur, quia tutorem vix credimus idoneum, nisi qui bona immobilia possidet, quæ pignori legali inservire possunt. Administratoris vero fisci bona fisco jam obligata esse, & sic pupillo satis prospici non posse, palam est.

### Aphor. III.

PERICULUM ADMINISTRATIONIS SUSTINET ) Idem juris est, si falsam causam allegavit. Excusatio enim ex tali causa concessa vel ideo non prodest, quia jura decipientibus non succurrunt, add. §. ult. *J. de Excusat. tutor. L. XXXIII. de*

*re judic.* Sic vero periculum tutelæ ejusmodi tutor jure meritoque sustinet *L. I. & ult. C. si tut. vel curat. fals. alleg.*

Tit. XXVI.

De suspectis tutoribus & curatoribus.

Aphor. I.

**G**ESTIONEM OMITTIT) Vel etiam non ex fide gesturus præsumitur, qui quasi suspectus dicitur, & ante tutelæ administrationem removeri potest. Hanc enim suspicionem in futurum approbat *§. V. §. de suspect. tutorib.* Non tamen temere hæc suspicio capienda, sed ad mores potius, & vitam ante actam tutoris est respiciendum *L. V. C. Eod.* Quapropter sola paupertas non sufficit *L. XXXI. §. I. D. de reb. auctor. judic. possid.* Cadit autem suspicio in eum, qui absque justa causa gerere recusat *L. fin. D. & L. III. C. de suspect. tutor.* qui inventarii confectio- nem negligit *L. VII. pr. de administr. & peric. tut. L. fin. C. arbitr. tutel.* qui data pecunia se ingerit *L. III. §. XIII. in fin. de suspect. tutor.*

Aphor. II.

**OB SUSPECTI CRIMEN)** Quæ vero causa est, quod criminis reus dicatur, qui suspectus postulatur, cum tamen actio suspecti sua natura non sit criminalis sed civilis? Resp. Ratio denominationis inde desumitur, quia nonnunquam dolus criminali animadversione dignus intercedere potest. Et sic quidem nil obstat, ne actio suspecti instituaturs coram magistratu, qui tutorem consti-



tuit, puta, inferiori. Simulac vero de poena, remotione graviore, corporis forsan afflictiva, ob insignem dolum tutori infligenda, sermo est, cognitio & poenae executio magistratui majori & superiori competit. Interim ille ipse conceptus de crimine suspecti hoc operatur, ut quilibet, ille etiam, cuius non interest, tutorem suspectum facere, hodieque denunciatione, quae apud nos in locum accusationis Romanis usitatae succedit, uti possit. Eoque sensu suspecti postulatio quasi publica accusatio dicitur in §. III. §. de suspect. tutor. Inde vero porro est, quod apud Romanos nemo suspectum postulare poterat, nisi qui accusandi habebat facultatem. Ex speciali tamen ratione Romani matronis, pietatis necessitudine ductis, suspecti postulationem concesserunt, d. §. III. §. Eod. cum alias foeminae ad accusandum procedere haut possent, qua de re dixi in *Comment. ad Constit. omiss. Manip. I. Obs. X.* Ex eadem ratione, quod accusatione expediretur suspecti postulatio, minoribus octodecim annis ne suos quidem curatores suspectos facere permittebatur. Imo & iis, completo jam anno 18. suspecti postulatio sub certa solum conditione, ab Auctore allegata, concessa fuit, quod optima innititur ratione, ne forsan ex sola libidine tutoris existimationi aliquid detraherent. Conf. d. *Comment. Manip. I. obs. XI.* Generatim vero, qui tutorem suspectum facit, sollicite caveat, ne verosimilibus indiciis & conjecturis destituatur. Existimationi enim tutoris cum multum decedat, dubium non est, quin calumnia appa-  
parente

parente actio injuriarum locum habeat *L. III. C. de Calumniat. CONST. CRIMIN. art. LXI.*

NON VERO FINITA) Quia remotio tutoris, quæ poena regulariter suspecti est, amplius locum habere non potest. Ex eadem causa suspecti cognitio etiam morte tutoris finitur. Actio tamen civilis contra tutorem, finita tutela, & contra ejus heredes, si mors intervenerit, semper locum habebit. Nec dubium est, quin tutor, si præter remotionem alia poena gravior ipsi immineat, finita quoque tutela eam subire debeat *L. III. §. VI. L. XI. D. de suspect. tutor.*

### Aphor. III.

ABSTINERE DEBET ADMINISTRATIO-  
NE) Quod suspensionem vocant, eamque rationis esse, per se patet, quo nempe tutori omnis occasio diutius grassandi in rebus pupilli adimatur. Quare ne illi quidem administratio relinquenda est, qui satisfactionem offert *§. ult. J. de suspect. tutor.* De eo vero quærunt, an ista suspensio ipso jure eveniat. Affirmant nonnulli in *L. XIV. §. I. D. de solution.* opinionis fundamentum collocantes. Verum hanc sententiam cum temperamento admittendam esse existimo, quando scilicet prævia generali cognitione apparet, non levia administrationis perfide gestæ adesse indicia. Est enim ista suspensio cum quadam ignominia conjuncta, & procul dubio suspicionem prægnantem præsupponit, de qua tamen absque causæ cognitione constare vix potest. Certe, si accusatio contra alios administratores pendeat, sive publicos,

five privatos, id juris observari, nemo fere in dubium vocat. vid. WERNH. *P. VII. obs. CLXVIII.* Rationem vero diversitatis, & quare idem in tutore suspecti postulato locum habere haut debeat, non video.

### Aphor. IV.

SED SOLVM EX MAGNA NEGLIGENTIA) Atque sic etiam tutoris famæ consulitur, etiamsi culpa lata concurrat. Hæc enim in civilibus solum, ubi de re restituenda tantum agitur, dolo æquiparatur *L. XXXII. D. Depos.* In criminalibus vero, ubi de pœna applicanda sermo est, ut hic de infamia, dolus præcise adesse debet, add. *L. fin. C. de suspect. tutor.*

FAMAE TAMEN EIVS PARCENDVM) Idque generatim fit, quando tutor legitimus removendus est, cum ipsius pupilli interfit, ne proximæ agnati infamia notati familiæ sint dedecori. Removentur igitur absque subdolæ administrationis mentione. Imo ne removentur quidem facile, sed adjunctione curatoris ipsis præscinditur occasio, administrationem perfidam continuandi.

### Tit. XXVII.

De Actionibus ratione tutelæ curæve competentibus.

### Aphor. I.

ET DAMNA PRAESTET) Olim hæc actio finita solum tutela contra tutorem instituebatur. *L. IV. pr. D. de tutel. & ration. distrah.* Hodie singulis annis institui potest, cum neces-

necessitas imposita sit tutoribus per legem publicam Imperii, puta *RECESSVM de anno 1548.* ut non quotannis solum rationes reddant, sed & easdem sponte offerant. Quapropter & ad magistratus officium spectat, ut negligentiam tutoris in edendis rationibus coerceat. Immo, refractarium tutorem, tanquam suspectum, removeri posse, non dubito.

*IN LOCO, VBI GESSIT TUTELAM*) Quod forum gestæ administrationis dicitur, & in favorem tutoris introductum est, quo probationes facilius peragere possit. *L. I. & II. C. ubi de variocin.* Hujus vero privilegii eam vim esse autumo, ut omni pupillo adempta sit electio, velitne tutorem in hoc, an in domicilii foro convenire. Quamvis enim forum administrationis cum foro contractus coincidat, & sic, cum actor alias inter forum contractus & domicilii electionem habeat, idem juris hic esse videatur, clara tamen & perspicua adest diversitatis ratio in allegata lege approbata. Nec alibi, quam ubi quis administravit, rationes facile reddi possunt, nisi cum maximo incommodo & sumtu. Eaque unica causa est, cur leges peculiare gestæ administrationis forum constituerunt. Consentit *CARPZ. Lib. II. Resp. XXXIII. LEYSER. Specim. LXXIII. med. VIII.*

*PRAESTARE ET REPVTARE OPORTEAT*) Plerumque iudex Commissarium denominare solet ex officio, qui in rationes gestæ administrationis inquirat *MEYRVS P. II. Decis. CXXIII.* & probationem datorum & acceptorum exigat, omniaque cundum inventarium examinet. Eumque in fi-



nem illi, cui rationes redduntur, permittitur, ut monita exhibere possit, quibus, si tutor satisfaciat, rationes habentur pro justificatis. Non tamen plena ubique probatio desideratur, sed sufficit demonstratio, per apochas durch Belege oder Quittungen, sigillatim certis signis distinctas, expedienda. Imo in levioribus tutoris juramento statuitur. Rationibus deinde justificatis tutor per apocham publicam securus præstatur, ac plene liberatur, ita quidem, ut rationes non nisi ob errorem calculi retractandæ sint, *L. unic. C. de error. calculi.* nec sola renunciatio hujus exceptionis quicquam operatur. Tutori igitur, quo cum effectu liberetur, ut transactionem super errore calculi ineat, suadet BERGER. *Oecon. Jur. p. m. 194.* Æquitate tamen hanc sententiam temperandam, & de eo solum casu accipiendam esse, alii censent, quando de errore tempore transactionis aliqua ratio constitit: Transactione enim de iis, quæ tempore apochæ latebant, celebrata non obstante, rationes retractari posse autumant. Argumenta hujus opinionis haut spernenda vide in Responso juris, quod exhibet LEYSER. *Specim. CCCXXXIX. med. V.* Plane, si tutor rationes in folle solum reddidit, nil obstat, ne tutor, non obstante liberatione, denuo ad earum redditionem adigatur *L. XXVIII. in fin. de condit. & demonstr.* MEVIVS *P. VIII. Decis. XXI.*

### Aphor. II.

ET ITA MIXTA EST ACTIO) Verum hodie hujus actionis vel ideo nullum usum esse existimo, quia nostris moribus haut convenit, ut ex delicto

licto laesus poenam lucretur, sed omnia delicta magis publica atque ideo publica poena expianda sint. Quapropter pupillus, quod ipsi deest, actione tutelae consequi studeat, reatum iudex vi officii puniat eodem modo, quo alias reliquorum administratorum privatorum perfidia coerceri solet. Verbo, furtum committit tutor, qui res pupilli aufert, nec ideo a poena furti se liberabit.

### Aphor. III.

ACTIO TUTELAE CONTRARIA ) Quæ ad id comparata est, ut tutor, qui administrationis & tutelae nomine aliquid in favorem & utilitatem pupilli de suo erogavit, vel ejus intuitu sese obligavit, indemnis præstetur. Non itaque hæc actio tutelae administrationem egreditur, nec illi ea insunt, quæ pupillus tutori ex alia causa debet. Si gillatim impensæ, si quas fecit tutor, ut bona fide factæ & in rem pupilli versæ sint, necesse est. *L. I. pr. L. III. D. de contrar. tutel. action.* utut eventum adversum habuerit, quod gestum est *L. III. §. VII. Eod.* dummodo illas fecerit in negotio, cui pupilli pater alias operam locare consuevit. Factæ enim in rem, quæ aleam continet, ut & inutiles non repetuntur. *d. L. III. Eod. L. VI. C. de admin. tutor.*

### Aphor. IV.

ACTIO TUTELAE UTILIS ) Quæ in omnibus cum actione tutelae coincidit, hoc solo excepto, quod durante etiam administratione institui possit a minore, si forsan in una specie curator perfide administravit *L. XVI. §. I. D. de tutel. & ration. dirab.* & institui debeat, quamvis alio nomine, nem-

pe negotiorum gestorum, substituto, contra curatorem furiosi, quem proprie actione tutelæ ideo non teneri existimabant Romani, quia certus huic curæ terminus haut esset præstitutus *L. IV. §. III. f. Eod.* ibique GOTHOFREDVS. Sed ut in effectu inter actionem negotiorum gestorum & tutelæ nil interest, quod docui in *Programmate supra allegato*, ita & hodie, cum rationes curator æque ac tutor quotannis reddere debeat, durante administratione actionem tutelæ utilem institui posse, dubio caret.

### Aphor. V.

IN MAGISTRATVS) Atque hæc actio non tam ex quasi contractu, ceu erronee putat GOTHOFREDVS *ad L. IX. §. fin. de magistrat. conven.* sed ex quasi delicto oritur, siquidem magistratus non ex consensu, sed ex culpa tenetur, quando in officio negligenter est versatus, & vel plane tutorem non dedit, vel dedit quidem, sed inidoneum, qui jam tempore, quo constituebatur, non erat solvendo. Alias enim, si magistratus idoneitatem tempore constitutionis docere possit, casus postea superveniens ipsi non imputabitur *L. I. §. XI. & XIII. D. de magistratib. conveniend.* Ubique vero magistratui competit beneficium excussionis, ita quidem, ut si neque tutor gerens, neque ejus heres aut fidejussor, aut commendator, neque demum tutor honorarius solvendo sit, in subsidium conveniri possit. Cumque in ipsa æquitate naturali hæc actio fundamentum habeat, non opus est, ut de ejus usu Practico dubitemus. Hoc unicum enim, quod  
 exem-

impla actionis feliciter peractæ rara sint, haut sufficit, ut usum ipsum negemus, quod tamen fecisse **ROMASIVM** in *Not. ad tit. 3. de Satisd. tut.* & *tit. D. de magistr. conveniend.* constat. amini enim, per breve tempus, quo Collegiis iudicis assedi, plus trina vice contra magistratus in officio negligentes actionem fuisse institutam, & feliciter peractam. Cæterum tam late patet actionis fundamentum, ut dubium non sit, in ad omnes casus, ubi negligentia magistratus accurrit, applicari possit.

**Tit. XXVIII.**

**De aliis Curatoribus.**

**Aphor. I.**

**PEREGRE ABSENTIBVS ALIQVANDO CURATOR DETVR**) Eaque cura vel personalis vel realis est, & cum administratione conjuncta. Personalis tum præsertim locum habet, quando contra absentem, qui procuratorem non reliquit, aliquid statuendum, vel negotium aliud subito existens, quod absentis simul consensum requirit, expediendum sit. Eo itaque tendit, absens defendatur, nec quicquam detrimenti capiat, utque iudicium contra absentem institutum firmum & stabile sit. Sed ejusmodi curator vices solum procuratoris vel magis defensoris sustinet. Realis e contrario cum administratione rerum absentis & jure percipiendi fructus est conjuncta. Illi vero, qui hanc curam subit, easdem obligationes accipit, quæ aliis Curatoribus imponuntur. In quoque casu ad iudicis officium spectat, ut absenti pro-



prospiciat de curatore. Quare omnis curator absenti constituendus confirmatione magistratus indiget. FABER. *in Codice Lib. V. Tit. XL. def. I. n. 7.* Illi tamen, qui sanguine absenti sunt juncti, extraneo, si velint, præferuntur, eumque excludunt, maxime, si cura administrationem bonorum absentis simul involvat. Præcise autem hic ad proximitatem gradus respicitur, cum fundamentum hujus curæ sit spes succedendi ab intestato, & sic habilitas administrandi haut desideretur, sed mulier, infans, quique alias infirmi judicii est, recte admittatur, siquidem iste defectus per tutores & curatores suppleri potest CARPZ. *P. III. Constit. XV. def. XLVII. n. IV.* Cumque hæc cura unice in favorem eorum, qui successionem sperant, sit introducta, ne ista spes imminuatur, vel mala extranei administratione intervertatur, eademque cura ideo in præmatura occupatione successionis, quæ ex præsumpta absentis voluntate sustinetur, consistat; proximis certe ab intestato successoribus, in pari gradu constitutis, æquale jus administrandi assignandum esse, non dubito, atque ideo eorum opinioni, qui curatorem semel solitarie constitutum supervenientes consanguineos paris gradus excludere putant, vid. WERNHER. *P. II. Obs. CCCLVI.* accedere nequeo, cum præterea legibus conveniat, ut heres hereditatem diu possessam cum alio herede superveniente dividat *L. VII. famil. erciscund.* LEYSER. *Spec. XCVII. med. VI.* Effectus curæ est, quod curator administrare debeat, jusque habeat fructus ex bonis absentis percipiendi, & quidem irrevocabi-

liter, quando absens non revertitur, & curatori hereditas re ipsa defertur. Sin secus, ad exemplum aliorum curatorum de administratione respondeat, rationesque tum absenti, tum illi, qui secundum proximitatem gradus in ipsa cura succedit, reddere debet. Ejusque rei intuitu, ut ejusmodi curator satisfactionem præstet, necesse est. Cæterum ex eodem fundamento, quod curator jus habeat percipiendi fructus, id etiam consequitur, absente vassallo curam magis allodialibus, quam feudalibus successoribus esse deferendam. Fructus enim feudales heredibus allodialibus deberi, nemo negat. BERGER. *Oec. Jur. p. m. 178. & Resolut. Lauterbach. tit. de hered. petit.*

EAM PROBARE DEBET) Eaque, si absens annum ætatis septuagesimum attigit, præsumitur, nec probatione indiget. CARPZOV. *P. III. Const. XV. def. LVII.* Quare nec opus erit, ut ad probationem, absentem vivere, quis admittatur, si terminum istum nondum supervixit. Mortem itaque probare debet, qui absentem septuaginta annis minorem e vivis jam exiisse, asserit, vitam, qui absentem septuaginta annis majorem adhuc superstitem esse contendit. Facilius vero his in casibus mors absentis, quam ejus vita probatur. Utut enim & hic regula sit observanda, duos testes, eosque juratos plenam probationem efficere, sufficit tamen, si duo testes adsint, eos testimonium exhibere, quod absentem mori, etsi non mortuum viderint, MASCARDVS *de probat. Vol. II. Concl. 1075.* CARPZ. *P. I. Const. XVI. def. XXXVII.* quod pompam fu-

funebrem viderint, qua absens efferri publice dicebatur STRYCK. *de jure sens. Diff. I. cap. IV. n. 17.* Unus vero testis etiam plenam probationem tum efficit, quando aliae conjecturae accedunt, & v. c. is, qui mortuus dicitur, in mari, acie, vel loco pestilentia infecto versatus est. vid. HORNIVM *de probatione plena per unum testem.*

## Aphor. II.

CVRATOR BONORVM CONSTITVITVR ) Duplex hujus curatoris Auctor noster asserit esse officium, alterum, ut creditoribus respondeat, & in veritatem nominum inquirat, alterum, ut interim, donec de veritate nominum constet, in communem creditorum utilitatem bona administret. Verum, quam maxime diversa esse hæc officia, nemo non videt. Illud peritiam juris, hoc prudentiam œconomicam præsupponit. Ibi procuratoris, hic curatoris officium peragitur. Cumque non semper utraque qualitas in unam personam cadat, ut utrumque officium dividatur, omnino necesse est. Fieri hoc solet in Saxonia, & primum peculiari personæ, quæ curator litis, vel contradictor dici consuevit, defertur. Et quamvis in foro communi hoc regulariter usu haut servetur, & utrumque officium plerumque jungatur, ipsa tamen distinctio usum habet in quaestione, utrum creditor possit esse curator? Quod quidem affirmari potest, quando administrationem in se recipere, & curatoris bonorum vices sustinere vult L. II. §. IV. *de curat. bon. dand.* officium ve-

ro

to curatoris litis vel ideo ipsi committi nequit, quia in una persona hæc duo contraria stare non possunt, nomen aliquod in concursu creditorum exigere, & contra idem nomen excipere BERGER. *Oecon. Jur. p. m. 179.*

### Aphor. III.

SED TANTVM CONSILIO SVO IPSIS ASSISTVNT) Et sic curator foëminarum, quatenus sexui solum constituitur, nudus est consiliarius, qui suadet proficua, dissuadet noxia in negotiis, ubi foëminis singulare præjudicium incurrere possunt. Ut igitur curatore plane non indigent in negotiis œcononomicis, ad mercaturam spectantibus, si ipsæ mercatrices sint, item in actibus ultimæ voluntatis, nisi, quod his nonnunquam ex jure speciali etiam accedere debeat curator. vide MEYIVM *ad Jus Lubecens. Lib. I. Tit. VII. art. IV. n. 4.* STRYCK. *Diss. de jurib. singular. foëmin. Hamburg.* ita & in reliquis negotiis suis dissensum curatoris facile vitælipendent. In eam itaque me facile trahi patior opinionem, consensum curatorum non nisi dicis gratia & solennitatis causa ad negotia foëminarum accedere, omnemque istam necessitatem in odium magis, quam favorem foëminarum, esse introductam, & expedire plane, ut penitus abrogetur. Idem sentit BERGER. *Elect. Discept. Forens. Tit. VIII. obs. I.* LEYSER. *Spec. CCCXXVIII. med. XXII. Spec. CCCL. med. II.* Imo jam olim ordines Provinciales Saxon. Elect. consilium de ejus abrogatione iniisse idem BERGERVS *d. l.* testatur.



**CVRATORES SVIS VXORIBVS CONSTITVI)**  
 Quando de negotiis uxoris, quæ bona receptitia respiciunt, sermo est. Ratione bonorum dotalium & paraphernalium constitutione non indigent, cum eorum domini, horum legitimi administratores jam sint de jure. Imo ne receptitiorum quidem intuitu maritus curator erit constituendus, nisi ubi id expressa lege introductum, cum ex jure maritali jam jus ipsi competat uxorem defendendi, *Die eheliche Vormundschaft. JVS PROVINC. SAXON. L. I. art. XLV.* In posterioris vero generis bonis cura maritalis neutiquam ita radicata est, quin uxor alium sibi eligere possit curatorem. Et hoc constituto mariti consensus non sufficit, nisi curam in extraneum collatam revocet mulier, & in maritum eam legitimo modo devolvat, interveniente nova constitutione a magistratu peragenda.

**INDISTINCTE FOEMINAE CVRATORE OPVS HABENT)** Verum non opus habent I) in actibus ultimæ voluntatis II) foeminae solutæ in dispositione de rebus mobilibus III) foeminae maritatae in bonis receptitiis, vid. *d. Constit. Elect. XV. P. II.* & peculiararia, quæ hoc argumentum explicant, Electoralia Rescripta in *Introduc. nostra ad Jus Saxon. P. I. Exerc. III. §. XII. sqq.*

Lib. II.

De Jure rerum in genere, & in specie  
de Jure in re seu dominio late sic  
dicto.

Tit. I.

De rerum divisione & acquisitione.

Aphor. I.

**H**ABENTVR) Clarior forsan erit divisio,  
quando res divini juris discernis a rebus  
humani juris. Illæ dispositioni hominum  
plane erant exemptæ, atque Diis dicatæ, vocaban-  
turque res nullius. Hæ vel erant in commercio  
privatorum, atque dicebantur res singulorum, vel  
commercium privatorum effugiebant, quorsum  
pertinebant res communes, publicæ & universitatis.  
Posterior vero divisio rerum, quod obiter moneo,  
ex Philosophia Stoica iterum in sapientiam civi-  
lem transiit. Duplicem enim Stoici statuebant  
Rempublicam, majorem alteram, totius generis hu-  
mani, resque, quæ omnibus hominibus utilitatem  
præstabant, communes appellabant, alteram mi-  
norem, & cuilibet genti propriam, & sigillatim  
res, quæ usibus Reipublicæ cujuslibet inserviebant,  
publicas nominabant. Cumque demum quæli-  
bet Respublica in varias universitates & collegia,  
tanquam Respublicas minimas, abiret, quæ denuo  
res peculiares sibi haberent suis usibus applican-  
das, tertia inde species rerum, nempe universitatis,  
enata est. Ita rem præclare explicat NOODTIVS  
*Probabil. Lib. I. cap. VIII.*

L

Aphor.

## Aphor. II.

QVAE NULLIUS DOMINIO SUBJECTA )  
 Vel potius, quas gens humana nunquam inter se  
 dividit, quæque ideo manserunt in communione  
 negativa, ita quidem, ut ratione usus ad omnes  
 homines spectent, neuter vero earum dominium  
 habeat. Causa vero hujus communions perpe-  
 tuo duraturæ procul dubio hæc fuit, quod res ipsæ  
 communes usu nunquam exhaurirentur. Hodie  
 vero, Principes nostri res istas communes duplici  
 ratione considerare, atque usum earum, quatenus  
 exhauriri nequit, omnibus & singulis relinquere,  
 quatenus vero exhausti usus sunt, sibi vindicare so-  
 lent. Utantur igitur subditi aëre ad respirandum,  
 utantur littore maris ad ambulandum. Caveant  
 vero, ne aves nobiliores trajiciant, caveant, ne suc-  
 cinum colligant, ne gemmas suas faciant. Præter-  
 ea, quamvis res communes in se spectatæ domini  
 sint impatientes, per consequentiam tamen, qua-  
 tenus custodiri possunt, facultasque competit a-  
 lium impediendi, ne istis rebus eodem modo uta-  
 tur, domini certa ratione sunt capaces. Inde ma-  
 ria, ut Auctor recte monet, quatenus particularia  
 sunt, & territoriis Rerumpublicarum vicina, do-  
 minium, experientia teste, admittunt, taleque do-  
 minium Veneti ipso facto exercent, aliæ gentes  
 conservant, dum detractionem veli majoris signum  
 domini agniti exigunt. vid. CONRING. *de do-  
 minio maris*, add. GROTIUM *de mari libero*.  
 SELDENUM *de mari clauso*. BYNCKERSHOECKIUM  
*de dominio maris*. Eodem modo aër respectu  
 certi

certi fundi in dominio privatorum esse potest, alterque impediri, ne ædificium projiciat. Imo & Jure Saxonico, si rami arborum ex vicini horto in nostrum propendentes liberiores aërem intercipient, eos abscindere licet. THOMASIVS *ad Strauch. Diff. VI. §. II.* WERNHER. *P. II. Obs. CCCCXXVI.*  
Aphor. IV.

QVAE AD CERTVM POPVLVM PERTINENT)  
Magis perspicue dixeris, res publicas olim fuisse, quæ in communione positiva totius Reipublicæ minoris erant, id est, pluribus ita comperebant, ut omnes idem jus, sive condominium, haberent. Verum, mutato Rerum publicarum statu, & rerum, quæ ad populum pertinebant, natura mutata est, Principesque sibi easdem cum ratione proprietatis, tum ratione usus sub nomine regalium vindicant, privatoque earum rerum usum citra concessionem haut concedunt. In Saxonia tamen flumina eatenus adhuc privati usus censentur, ut molendina ibi extruere liceat, quod late ostendi in *Introd. ad Jus Saxon. P. II. Exerc. VIII. §. I. & II.* Ne vero quid dissimulem, Principibus non semper idem jus in rebus istis competit, quæ olim publici juris erant. Ut ut enim jam apud Romanos, qui tempore Reipublicæ liberæ, unum habebant ærarium, in quod omnes colligerent redditus ex rebus ad populum spectantibus, distinctio inter ærarium, & fiscum, qui redditus Principis usibus destinatos complectebatur, exoleverit, vid. *Commentar. ad Const. omis. Manip. II. Obs. I.* ea tamen semper etiam nostris moribus mansit inter utriusque generis re-

L 2      ditus



ditus differentia, quod ærarium contributiones & vectigalia contineat in communem Reipublicæ utilitatem impendenda, fiscus vero ex emolumentis quibusdam accidentalibus consistat, principi, quæ tali, ob summum imperium assignata, quo dignitatem & splendorem tueri possit, illeque ideo ærarium administret, fiscum proprio jure, quæ Princeps habeat, a patrimonio ipsius Principis, Chatoul-Geldern, ideo distinguendum, quia hoc ipsi, quæ privato, competit. Demum certa bona Principi etiam ad sustentationem sui, familiæque principalis, assignata sunt, quæ domania, Cammer oder Tassels-Güter, vocantur, atque in his respublica dominium retinet, Princeps vero ususfructus solum fit particeps. Quapropter nec horum alienatio subsistit, nisi consensu Statuum sit munita, cum alias Respublica onere afficeretur, alia bona iterum substituendi *c. XXXIII. X. de jurejur.* Imo nec præscriptione dominium ejusmodi bonorum acquiri posse, ex ipsa eorum indole sponte fluit, quamvis negare nolo, pro eo, qui possessionem immemoriam allegare & docere potest, militare præsumptionem, quod eam legitime acquisiverit. Sed de hoc argumento alibi plura.

### Aphor. VII.

RES UNIVERSITATIS SVNT) Vel clarius, quæ in communione positiva cujusdam civitatis vel collegii sunt, ita quidem, ut omnia universitatis membra condominium & æquale jus fructus inde percipiendi habeant. Interim per se patet, nemini jus esse, re universitatis aliter utendi, quam quatenus consensu omnium usus determinatus est.

Ver-

Verfatur enim hac in re jus singulorum, & in re communi semper melior est ratio prohibentis.

WERNHER. *P. VII obs. LXX.*

### Aphor. IX.

RES NULLIVS) Cujus denominationis ratio inde desumpta est, quia hæ res divini juris, Diis apud Romanos addictæ, ea vero ratione commercio hominum exemptæ erant. Fiebat ista exemptio solemniter, nisi quod res religiosa per mortui illationem ipso jure constitueretur privata auctoritate. Sigillatim res religiosæ Diis inferis cedebant, & Manibus, cum e contrario res sacræ Diis superis, res sanctæ Diis medioximis sive Heroibus dedicarentur. Hodie Pontificii consecrationis ritum sigillatim in rebus sacris adhuc conservant, eumque, ut commercio privatorum ipsa res cultui divino destinata eximatur, necessarium putant. Protestantes vero in tali sensu, ut Romani & Pontificii, res nullius non habent, sed res sacræ sunt in patrimonio Ecclesiæ, salva interim dispositione ejus, cui jus circa sacra competit. Sanctitas rerum unice a Principis voluntate dependet, eaque ex sanctione, sive poenali constitutione, quam violatoribus lex minatur, dijudicari solet. Religiosæ demum res dispositioni universitatis, vel, quatenus sepulturam sibi quis in templo aut ejus accessorio eligit, dispositioni Ecclesiæ subsunt.

PUBLICA AVCTORITATE DEO CONSECRATAE) Verum cum apud Protestantes consecratio ad constitutionem rei sacræ vix necessaria, sed, si quæ forsan accedit, pia magis cerimonia sit,

L 3

ipsa

ipsa qualitas rebus sacris conciliatur per destinationem & usum. Quæ duo si simul concurrunt (concurrere autem debent necessario LYNCK. *de jure templor. c. VI.* STRYCK. *us. Modern. Pandect. tit. de Rer. Divis. §. IV.*) publica auctoritate non est opus, quando res mobilis est. Sin immobilis, Princeps vel ideo consentire debet, ne Respublica ratione onerum, quæ rei privatæ olim inhærebant, quicquam per exemptionem capiat detrimenti. Hæc vero cum ita sint, facile patet, cessante usu, cessare etiam rem sacram. Quod apud Romanos, quos fere sequuntur Pontificii, secus erat. Per consecrationem enim ita locum occupasse credebatur religio, ut nunquam iterum in dominio privati esse posset ipsa res, etiamsi ædes essent dirutæ aut vetustate collapsæ L. VI. D. *de rer. divis.* L. LXXIII. D. *de contrahend. emtion.* Ut itaque Dii, qui præsentia sua locum implebant, nec sponte facile abibant, solemni ritu iterum evocarentur, fieretque exauguratio, necesse erat L. IX. D. *de Rer. Divis.* BEYER. *Diff. de ritu evocandi sacra.*

ALIAEQUE RES.) An etiam subsellia Ecclesiastica? Hoc recte affirmari puto. Non enim solum pars sunt templi & accessorium, sed etiam ad cultum divinum habentur. Atque sic regulariter erunt extra commercium privatorum. Verum hæc tamen inter subsellia Ecclesiastica & reliquas res sacras notabilis intercedit differentia, quod usibus privatorum inserviant, salvo cæteroquin dominio & jure exigendi in recognitionem domitii certum canonem Ecclesiæ competente. Ut ut itaque privati

vati de subfelliis istis in præjudicium Ecclesiæ libere disponere nequeant, usum tamen eorundem aliis concedi posse, non est, cur negemus, cum neque regulariter concessio usus rei, quam alieno beneficio possidemus, extra commercium sit, neque etiam Ecclesiæ ex ista concessione damnum habeat, siquidem jus exigendi canonem mutato possessore illi salvum manet. Confer *MEVIVM ad Jus Lubes. Lib. I. Tit. X. art. VI. n. 75. SCHILTER Exerc. IV. §. VII. LEYSER. Spec. XXII. med. IV.* Quia vero usus iste subfelliiorum parochianis concessus ad jura personalia pertinet, & secundum mores Germaniæ cum persona expirat, concessionem istam, valde dubito, valere posse in præjudicium eorum, ad quos subfelliiorum usus devolvitur, sed contractum istum cum jure dantis resolvi existimo. Habent enim proximi possessoris prioris cognati jus aliquod Protimiseos legale, & quæsitum, *MEVIVS P. V. Decis. CCCCXIII.* quod ipsis interverti non quit. Eademque ratione Ecclesiæ etiam, cui jus est, deficientibus proximis cognatis subfellia vacantia occupandi, ista dispositio præjudicare neutiquam poterit, nisi forsan in translationem usus expresse consenserit, juriq; suo renunciaverit. add. quæ de subfelliis dixi in *Introd. ad Jus Sax. P. II. Ex. III. §. LXI.*

### Aphor. X.

DISCERNENDÆ VENIUNT RES ECCLESIASTICÆ) Primam differentiam desumunt ab usu, cum res sacra immediate, res Ecclesiasticæ



mediate cultui divino inserviant. Alteram a constitutione, siquidem res sacrae consecratione, res Ecclesiasticae destinatione fiant. Tertiam a facultate alienandi, dum res sacras non nisi ob necessitatem & pietatem, adhibitisque multis solemnibus, res Ecclesiasticas vero etiam ob utilitatem alienari posse putant. Verum enim vero, quamvis prima tolerari possit, cum eo solum spectet, ne notiones confundamus; altera tamen & tertia principis Protestantium vix convenit. Neque enim consecratio apud nos in usu est, neque, si adhibetur, characterem quendam indelibilem imprimit. Sed, ut in cujuslibet privati arbitrio est, dominio rerum suarum mobilium sese abdicare, hasque in Ecclesiam transferre, insimulque, cui usui res ipsas adhiberi velit, determinare; ita, quando de rebus immobilibus sermo est, sive istae mediate, sive immediate ad divinum cultum destinatae sint, Principis consensu opus est, ut priorem qualitatem amittant. Interest enim Reipublicae, ne res privatorum oneribus publicis subtrahantur, quod tamen per earum translationem in Ecclesiam fieri, palam est, cum, uti dicunt, veniant in manum mortuam. Quare jam olim Principes operam dederunt, ut nimiam licentiam privatorum res suas Ecclesiis dedicantium cohiberent, atque Reipublicae detrimentum averterent, cujus generis constitutiones allegavit SCHILTER. *Instit. Jur. Canon. Lib. II. Tit. VI. §. VI.* Ipsum vero actum illum, quo res privatorum, interveniente publica auctoritate, ad usum Ecclesiae destinantur, amortizationem vocamus, de qua vid.

P E -

PETRI PECKII *pecul. tract.* Alienationem deinde harum rerum, quæ in manum mortuam venerunt, quod attinet, facile patet, peculiarem inter res sacras & bona Ecclesiastica haut esse constituentiam differentiam. Ultraque enim species est in dominio Ecclesiæ, eaque cum jure minorum fruatur; eadem ratione de rebus suis disponere poterit, qua minores res suas alienare. Causa igitur sufficiens alienationis adsit, eaque cognoscatur, decretumque accedat, necesse est. Plura vix desiderantur. Imo ad exemplum rerum pupillarum, quarum alienatio, si Principis rescriptum accesserit, absque decreto valida est, valebit etiam alienatio rerum Ecclesiæ Principis consensu munita. BRUNNEMANN. *Jur. Eccl. Lib. II. cap. I.* Recte igitur CARPZOVIVS *Lib. V. Resp. LII. n. 30. sq.* judicat, Principis consensum eundem in ejusmodi alienationibus habere effectum, quem aliis solemnitatibus superfluis tribuere solent Pontificii. Eadem ratione pro validitate alienationis, cui solennitates juris Canonici deerant, pronunciarunt JCti Wittenbergenses apud WERNHER. *P. IX. observ. CLVI. add. LEYS. Spec. XXIV. med. I. BÖHM. Jur. Eccl. Protest. Lib. III. Tit. XIII. §. XXXIX. in fin.* Cæterum ut moris est, adhibere actum amortizationis, quando res privati immobilis in Ecclesiam transfertur, ita & invaluit consuetudo, ut actus secularisationis accedat, quando rei immobilis Ecclesiæ dominium ad Laicum iterum transit in usum secularem. Conf. RHETIVM *de secularisatione.* Quod reliquum est, hoc etiam in alienatione-

natione rerum sacrarum usibus profanis destinandarum consilii capiendum esse existimo, ut forma earum prius mutetur, ne superstitiosus forsitan vel nequam homo re ista abutatur.

### Aphor. XI.

VBI QVIS MORTVVM INTVLIT.) Fiebat autem locus religiosus privata auctoritate §. IX. 3. *de rer. divis.* Solaque mortui illatio locum ipso jure faciebat religiosum. Unde quidem per se patet, jus inferendi eum habere debuisse, qui cadaver sepeliebat, nec ideo locum alienum invito domino fieri potuisse religiosum. Verum tamen domino hujus loci alia, quam injuriarum actio non erat comparata, quippe quam Romani generatim concedebant, quando quis fundum alienum invito domino intraret, ibique opus aliquod faceret. Ut igitur ipse locus, quem Dij Manes, eo ipso momento, quo cadaver illatum esset, sibi vindicare credebantur, divini juris esse desineret, Pontificum auctoritate opus erat, qui corpus semel illatum sepulcro tollendi veniam concederent. L. I. §. XXXIII. D. de religios. Præterea vero, quod locus iste, in quem quis mortuum inferre vellet, in ejus regulariter esse deberet dominio, id quoque Romani cavebant sedulo, ne sepulcra & monumenta quis sibi constitueret in urbe L. III. D. de sepulcro violand. L. XII. C. de religios. Idque rationis esse, nemo non videt, præsertim cum civitatis intersit, ne aer exhalationibus impurior factus iis, qui vitam adhuc agunt, noceat. Peccasse igitur

igitur Christianos veteres & peccare adhuc hodie nostrates existimo, qui sepulcra non in urbe solum, sed in templis etiam tolerant, cum primis, quia eius generis sepulcra superstitione progenuit, & interesse Ecclesiae pecuniarium promouit. Conf. THOMASII *Diff. de jure Principis Evangel. circa solennia sepulturae.*

UTAMUR) Hodie igitur jus privata auctoritate sibi sepulcrum constituendi plane cessat, sed peculiaris locus mortuis assignatur STRYCK *ad Brannen. Jus Eccles. Lib. II. cap. II. §. XII. verb. extra coemeterium.* Publica vero auctoritate Principis ad coemeterium constituendum non videtur opus, sed rem universitatis magis esse, ut certus eligatur locus, perspicue docuit BÖHM, *Jur. Eccles. Protestant.* quamvis facile concesserim, Principis consensum ad bene esse coemeteriorum conferre. Imo hoc etiam diffiteri nolo, jus sepulturae in templis iisque vicinis locis ad jura Ecclesiae pertinere. Interim, loco peculiari semel constituto, ejus usus parochianis quidem non est denegandus, nec tamen parochianus praecise cogendus, ut ibi, ubi sacris interfuit, corpus suum requiescere finat. Electionem enim sepulcri & Jus Canonicum unicuique liberum esse jubet c. I. X. *de sepultur.* add. BÖHMER. *Jur. Paroch. Sect. IV. cap. II.*

ALIQUID EXIGANT) Nec talis solum ex-  
 etio permittitur, siue quis sibi peculiarem locum in  
 coemeterio eligat, quem privative habeat, siue  
 contentus sit loco, quem Ecclesia corpori assignat,  
 sed



sed præterea tot alii sumtus sepulturam concomitantur, ut experientia teste fere in onus degeneret, cui haut paucorum facultates impares sunt. Merito itaque optandum esset, ut Principes nostri ab usui obicem ponerent, cum naturæ rei conveniat quam maxime, ut sepultura sit gratuita. Ne verò interim fundamentum exigendi desit, advocatum iis, quorum interest, ne isto in argumento quicquam mutetur, Innocentium III. Pontificem dabo, qui in *cap. XLII. X. de Simon.* brevem hanc cupidini habendi, compilavit defensionem: Non exigi aliquid pro exequiis, sed pro conservanda laudabili consuetudine. Eodem fundamento etiam innititur vectigal illud, quod parochis solvitur, per quorum parochiam mortuus alibi sepeliendus ducitur, *der Todten-Zoll*, de quo vid. *BEXER. Position. ad Dig. tit. de religios. n. 31. add. CARPZOV. Diss. de transportat. defunct. per territor. alien.*

## Aphor. XII.

**SANCTIONE QVASI MUNITAE**) In duplici potius significatu Romanis res sanctæ veniebant. Aliæ dicebantur sanctæ ob sanctionem, qua ita munitæ erant, ut violari impune haut possent, aliæ sanctæ vocabantur ob solennes ritus, quibus Heroibus dedicabantur. Posterioris generis res sanctas nos hodie non habemus, nisi forsan huc referre velis muros civitatum, quos Pontificii peculiari tutelæ Sancti cujusdam commendarunt, quo de argumento confer. *HEINECCIUM Theol. de Diis*

tu-

*tutelaribus Goslariensibus.* Prioris generis res sanctæ præter muros & portas civitatum plures aliæ extant. Templâ enim, Curias, Judicia, Residentiasque Principum huc referre poteris. Sigillatim Sanctitatem residentiis Principum propriam ex professo enucleavit STRYCK *Dissertat. peculiar.*

POENA NON EST CAPITALIS ) Hæc ipsa poena enim, si originem ejus spectes, ex lege Romuli derivanda est, quæ arcanas suas & politicas habebat rationes, & in perniciem sigillatim Remi concepta erat, ceu FLORVS restatur *Lib. I. Histor. cap. I.*

### Aphor. XIII.

JVS IN RE ET JVS AD REM ) Cujus distinctionis fundamentum est in *cap. XL. de Præbendis in sexto.* Jus Romanum vero istos terminos fere ignorat, & jus magis in personam a jure in rem distinguit. Differunt autem jus in re & jus ad rem, non solum ratione acquisitionis, sed etiam ratione effectus. Jus in re acquirimus vel occupatione vel traditione. Id fit in rebus, quæ nondum in aliqujus dominio fuerunt, hoc, in rebus, quæ a domino in nos transferuntur. Quarundam tamen rerum intuitu, quarum traditio per rerum naturam fieri nequit, traditio facta fingitur, modo de voluntate domini constet. Idque sigillatim fit in servitutibus negativis, item in ultimis voluntatibus. Jus ad rem acquirimus per conventionem. Quatenus itaque res quædam nostra per legitimam acquisitionem jam facta est, quemlibet alium possessorem, infir-

infirmiori jure possidentem per actionem realem excludere possumus. Quatenus vero res promissa solum est, & nostra adhuc fieri debet, cum promittente ex præcedente contractu agamus necesse est.

### Aphor. XIV.

TRES SVNT SPECIES ) Alii quinque substituant, alii unam solum juris in re speciem esse tradunt, quam varia ratione iterum subdistingunt. Sed tritis illis non opus, verum perinde est, siue tres, siue quinque, siue unam solum admittis. In verbis enim sumus faciles, modo in re conveniamus. Qui vero minutias sectari amat, eum ad varia Hahnii, Bornii, Glæseri, Svendendorfferi aliorumque scripta ablegamus, quæ conjunctim Helmestadii an. 1664. prodierunt. Hoc mirum, exigui certe momenti hanc controversiam recruidisse inter Thomassium & Huberum. Vide sis THOMASII *Scholia & nov. additam. ad Huberi Praelection. ad Inst. P. 81.*

ET JVS POSSESSIONIS ). Hanc speciem juris in re Bornius non admittit. Sed sic, quid fieri debeat, nescio, cum *L. XLIV. D. de acquir. vel amitt. possess.* in qua aperte juris possessionis mentio injicitur, add. *L. XXXI. §. I. de action. emt.* Certe enim, qui possidet, etiamsi præter possessionem nihil allegare possit, jus rei tandiu insistendi, aliosque ab ejus usu excludendi exercet, quamdiu alter, pinguius aliquod jus sibi in ista re competere, docere nequit. Quare in eo solum ab aliis speciebus juris in re differt, quod temporarium solum aliquod jus

jus tribuat, atque, possessio sola reliquis speciebus juris in re cedere debeat.

**Aphor. XV.**

**DISPONERE**) Ergone, qui de re quadam pro arbitrio disponere nequit, dominium non habebit? Id certe ex Auctoris definitione sponte sua sequi videtur. Hac vero ratione Vasallo, Emphyteuta, marito, dominium, quod omnium consensu in feudo, Emphyteusi, fundo dotali, exercent, erit denegandum. Quo igitur, in quonam essentia domini consistat, & in quibus ab aliis negotiis sese distinguat, magis perspicue elucescat, hoc præmonendum duxi, quatuor quidem domini regulariter esse effectus, nempe facultatem re utendi, jus de re disponendi, jus rem ad heredes transmittendi, denique jus alios a re excludendi; ex his tamen ultimum solum essentiam domini ingredi, reliquos omnes ad naturalia solum spectare, salvaque domini essentia abesse posse. Sic plus quam notum est, usumfructum a proprietate separari, eumque jure servitutis alii constitui posse. Facultatem vero de re libere disponendi inter vivos & mortis causa, non lege solum, sed & pactis, imo & testamentis, restringi & tolli, & proprietatem tamen salvam manere, tot exempla in jure nostro docent, ut, qui ea negaret, ipsam veritatem non possit non negare. Imo multa sigillatim in Germania jura dantur dimidiata, vi quorum ipsum dominium ita difformiter inter plures dividitur, ut alter præter proprietatis partem sibi nihil fere retineat, alter vero cum proprietate jus utendi, disponendi, testandi exerceat, ex prioris

bene-



beneficio. Quæ cum ita sunt, tuto asserere possumus, dominum eum esse, penes quem jus excludendi sive rem vindicandi illibatum manet, hac vero facultate cessante dominum quem vocari haut posse. Et hac ratione in formanda domini definitione neutiquam ad ea, quæ naturalia solum domini sunt, respiciendum, sed ipsa definitio magis ab eo, quod essentiam domini ingreditur, desumenda est, ita quidem, ut dominium dicamus jus alios a re quadam excludendi, eamque a quovis possessore vindicandi.

### Aphor. XVI.

**DISTINGUITUR DOMINIUM**) Hæc distinctio eo solum spectat, ut asserto Auctoris, vi cuius tres solum species juris in re constituit, sua constet ratio. Majorem utilitatem præstant reliquæ divisiones domini ab Auctore omissæ, nunc supplendæ. Prima est in dominium simplex sive solitarium, & condominium. Illud jam definivimus. Hoc est, quando una eademque res ita ad plures pertinet, ut omnes idem jus alios a re excludendi habeant, simili vero jure erga se invicem gaudeant, & huc pertinent res, quæ in communione sunt. Altera est in dominium eminens & vulgare. Hoc privatorum est, illud Principis, qui vi ejus effectus domini privati non solum, postulante id Reipublicæ salute, legibus circumscribit, sed & in casu necessitatis subditos ab usu rerum suarum excludit. Tertia est in plenum & minus plenum. Illud cum facultate vindicandi reliquos etiam, qui domini naturam ingrediuntur, effectus sub se complectitur. Hoc est

est, quando una res difformiter ita penes plures est, ut alter, parte proprietatis sibi reservata, alteram proprietatis partem, cum exercitio effectuum domini restricto, in tertium transfert ea lege, ut certis præstationibus agnoscat, concedentem partem proprietatis sibi retinuisse. Inde vero enascitur conceptus domini directi & utilis. Illud in parte proprietatis, quam alter sibi retinuit, & spe exercitium proprietatis aliquando iterum recuperandi consistit. Hoc exercitio proprietatis aliorumque domini effectuum, beneficio ejus, qui proprietatem sibi certa ratione retinuit, concessio, absolvitur. Tale vero jus dimidiatum quando adest, directo domino haut concessa est facultas, dominum utilem in exercitio proprietatis turbandi, dominus e contrario utilis ita semper exercere debet dominium, ne jus ejus, qui partem domini sibi retinuit, intervertat. Quarta distinctio est in dominium naturale & civile. Hoc consistit in exercitio domini, cum facultate emolumenta ordinaria percipiendi conjuncto, adempta tamen facultate, de re disponendi. Illud consistit in facultate, rem, finito tempore, quod leges exercitio domini civilis præstiterunt, sibi iterum vindicandi. Ususque hujus distinctionis præsertim in argumento de dote, cujus dominium naturale penes uxorem manet, civile in maritum transit, conspicitur. Quinta est in dominium revocabile & irrevocabile, qui termini per se jam perspicui sunt, & variis speciebus domini antea enumeratis applicari possunt. Præsertim iterum in doctrina de dote, ut & in emtione ven-

ditione cum pacto de retrovendendo facta occurrunt. Denique sexta distinctio dominii est in Quiritarium & bonitarium. Verum, cum ista a distinctione rerum in res Mancipi & nec Mancipi Romanis solum cognita derivanda sit, ita quidem, ut illarum rerum dominium non nisi solemnī Mancipationis ritu transferri, harum rerum dominium simplici traditione in alium transmitti poterit, quæ omnia nostrates ignorant, huic distinctioni immorari nolo.

### Aphor. XVII.

MODVS ACQUIRENDI) Cum quo tamen non confundendus titulus, sive causa, ex qua acquirimus. Hæc enim modum acquirendi præcedit, & contractum continet ad transferendum dominium habilem, nec jus in re, sed jus ad rem solum tribuit: Ista causa tamen modis acquirendi originariis jam æneat, cum locum hi sibi vindicent in acquirenda re, quæ dominum non habet, atque ideo opus non sit, ut ejus factum abdicationis accedat. Res vero, quæ dominum jam habent, absque titulo nunquam acquiruntur, ne quidem per præscriptionem, sed earum possessor titulo carens pro malæ fidei possessore habetur.

### Aphor. XVIII.

FORMA A JURE CIVILI EST ADSCRIPTA) Modos acquirendi civiles late persequitur HEINECCIUS *Antiquit. Romanar. Lib. II. Tit. I. §. XIX.* eorumque undecim fuisse demonstrat, hereditatem, Mancipationem, in jure cessionem, usucapionem, sub  
corona

corona emtionem, autionem, traditionem, adjudicationem, legem, adrogationem, & modum acquirendi ex Scto Claudiano. Verum, qui paulo curatius eorum indolem perpendit, ei facile patebit, omnes ac singulos traditionis vel veræ vel præsumptæ species fuisse, nec nisi verborum solennitate & formularum cantilena ab invicem sese distinxisse, nisi quod hereditatis, legati, bonorum caducorum & ereptitiorum, nec non mulieris libidinosæ ex Scto Claudiano jure ipso fieret acquisitio,

### Aphor. XX.

**OCCUPATIO**) Est autem occupatio actus, quo res, quæ nullius vel hostilis est, per apprehensionem, cum animo, rem illam sibi habendi, conjunctam, in potestatem nostram redigitur. Requiritur itaque I) occupari rem nullius. Rem alienam qui invadit, dominium haut acquirit, II) Accedere factum apprehensionis. *L. V. §. I. de acquir. rer. domin. §. XIII. §. de Rer. Divis.* Solus itaque animus, solus visus, sola verbalis declaratio, quod quis rem habere velit, non sufficit, quamvis id Jure antiquo Romano secus fuisse videtur. Rem enim ab altero apprehensam, ab altero apprehendi visam, communem fuisse ex Senecæ *Epist. XCVII.* PHAEDR. *Fabul. V. 6.* PLAVTO *Rudent. IV. 3. v. 76.* discimus. Verum in alia ivit Justinianus. *d. §. XIII. §. de rer. divis.* Atque sic res nullius, ad quam occupandam duo concurrunt, non fit communis, sed cedit vere occupanti, id est, apprehendenti. Potest igitur alius intervenire, & rem, quam persequimur, cujusque apprehensionem paramus, nobis ite-



rum eripere. III) Rem in potestatem nostram esse redactam. Idque in rebus hosti ereptis juris esse, clara testatur *L. V. §. I. de captivis*. Verum ob paritatem rationis idem in occupatione rerum nullius judicandum esse censeo. Confer. *LEY S. Spec. CCCCXXXIX. med. II.*

### Aphor. XXI.

CONSVETVDINEM ILLAM NON EXVVNT) Modo tamen malitiose ab alio non detineantur, tum enim dici non potest, revertendi consuetudinem eas deseruisse *L. VIII. §. I. D. famil. ercisc.*

IN DŌMINIO TAMEN MANET) Et sic etiam contra quemvis possessorem, qui tale animal detinet, rei vindicatio locum habet, modo probem, animal mansuetum meum fuisse. Quod enim meum est, absque facto meo ad alium transire nequit.

### Aphor. XXII.

PER TOTAM GERMANIAM) Nimis liberalis hic Auctor est in extendendo regali venationis jure. Certe lex universalis deficit. Imo contraria potius lex in Germania extat; siquidem *JVS PROVINC. SAXON. Lib. II. art. LXI. & SVEVICVM art. CCXXXVII* facultatem venandi omnibus ingenuis concessit. Consuetudo vero universalis contraria vix probari potest. Refert enim *BEYER. Jur. German. Lib. II. cap. II. §. VIII.* liberam esse venationem in Svevia, Electoratibus Moguntino & Coloniensi, Ducatu Wurtenbergico, Principatu Nassovio Dillenburgico, aliisque Germaniæ provinciis. Unde iis facile assentior, qui

qui probatione onerant asserentem, iis venandi regalibus annumerari in iis provinciis, ubi libera fuit hucusque venatio: Ubi vero Principes semel ius venandi sibi vindicarunt, & exercuerunt, ibi certe privatis idem jus citra concessionem Principis adjudicari nequit, nisi forsan cum KLOCKIO *Vol. I. Consil. X. n. 400. & XXIX. n. 627.* MEICHNERO *Tom. III. Decis. XXXIII. n. 87.* aliisque pluribus statuere velis, in dubio, & si lex generalis, venationem Principi indistincte vindicans, desit, jus venationis inferioris prædiis ingenuorum coherere, atque citra Principis concessionem exerceri. Plane, licet venatio omnis privatis interdicta sit, rationis tamen videtur, ut occisio ferarum carnivorarum privatis permittatur, quoad reliquas autem feras nocivas Principes caveant, ne privatorum agris earum multitudo noceat, spemque vitam sustentandi & onera exsolvendi de prædiis omnem intercipiat.

RECTE INTERDICTA EST SUBDITIS) Eadem TITII in *Jure privato Rom. German. Lib. VIII. cap. XIV. §. V.* & HORNII in *Jur. Public. cap. LX. §. XVIII.* philosophia est. Hi enim jus Principis in feras bestias naturale esse, & constitutis civitatibus virtute legis fundamentalis a populo in eum translatum existimant. Alii præscriptionem immemoriam, alii alia in subsidium vocant fundamenta. Sed cum singulis fere aliquid objici possit, certe sufficit, in consensu civium tacito, & eorum patientia subsistere, cum juri Principis, quatenus in ejus exercitio est constitutus, nihil decedat, ex quocunque demum fundamento illud derives.

CONCEDERE VELINT) Cum itaque privatis interdicta sit venatio, nec absque concessione exerceri queat, non incongrue quaeritur, an illicite venantes fures dicendi & poena capitali afficiendi sint. De priori dubitare video BÖHMER. *Jur. Digest. ad tit. de acquir. dominio §. X.* de posteriori HOPPIUM *ad Instit. Tit. de Rer. divis. §. XII.* Verum hoc supposito, venationem non priuatorum jus, sed Reipublicæ vel Principis esse, furti definitio commode applicatur ad factum illicitum venationis, & sic etiam, quando animus lucrificiendi concurrit, poenam furti locum habere non dubito, modo tamen abstineamus a poenis capitalibus, quæ amissionem non vitæ tantum, sed jacturam quoque animæ operari possunt v. c. das Schmießen auf den Hirsch. Conf. DOEPLER *Theatr. Supplic. P. II. cap. XLIV. n. 1. sqq. & 69. sqq.* add. ZIEGLER. *Jur. Majestat. Lib. II. cap. XIV. §. XXXII. sqq.*

### Aphor. XXIII.

JVS VENANDI MEDIUM) Quid ad quamvis speciem in Saxonia referatur, ex peculiari Mandato Regio-Elect. d. VIII. Nov. 1708. docui in *Introd. ad Jus Saxon. P. II. Ex. V. §. IX.*

EX LITERIS INVESTITVRARVM COGNOSCITVR) Ex his, si res confici nequeat, in iis certe provinciis, in quibus jus venandi indistincte regalibus annumeratur, id semper concessum videtur, quod minimum est, cum in dubio, quando de exercitio regalis sermo est, semper inter-

interpretatio restrictiva adhibeatur. Et sic in dubio minor solum venatio concessa intelligitur CARPZOV.

*P. III. Const. XXXII. def. XVII.* WERNHER.

*P. V. obs. LVIII.* Imo, concessa licet venatione

majori eam tamen de exercitio venationis cum canibus venatoriis explicant, usum vero des Pürschens und Schiessens denegant, nisi & verba

investituræ eo nominatim sint directæ CARPZOV.

*P. III. Decis. CCXVII. n. 7. add. LUDOVICI*

*Dissert. an species deroget generi cap. I. §. III. sq.*

PLERISQUE IN LOCIS ABOLITVM ESSE)

De Jure Saxonico res expedita videtur per ORDINAT.

PROVINC. de anno 1555. tit. Daß keiner auf

des andern Grund, &c. add. BERGER. *Oec. Jur.*

*p. m. 226.* WERNHER. *P. VII. obs. LXVII.* Ve-

rum hoc jus sequelæ in iis provinciis vigere, quæ Ju-

re Romano utuntur, salvo tamen jure præoccupan-

di, domino fundi, in quo persecutio fit, competente

LEYSER. demonstrat. *Spec. CCCCXLI. med. X. sq.*

& SEKENDORFFVM quoque atque WEHNERVM,

qui de usu hujus sequelæ in aliis provinciis testi-

monium perhibent, in partes suas vocat.

### Aphor. XXV.

QVIBVS A PRINCIPE CONCESSVM) Hoc,

si de fluminibus publicis intelligit Auctor, res du-

bio caret, ob ea, quæ hanc in rem differit ZIEGLER.

*de jur. majest. Lib. II. cap. XV. §. XXIII.* Nam

certe, cui jus competit in flumine ipso, illi etiam

facultas non erit deneganda, fructus inde percipien-

di. Quare citra concessionem, ne iis quidem pi-

scari permittitur, qui prope flumina feuda possident



STYPMANN. *de jur. maritim. P. V. cap. IV. n. 11.* Quod autem ad flumina privata attinet, jus piscandi iis, qui prope ripam habitant, vix erit denegandum.

### Aphor. XXVI.

INCLUDI A QUOLIBET POSSUNT) modo non reperiantur in sylvis & forestis. Tum enim cuilibet earum inclusio haut permittitur, sed ille potius jus habebit, favos eximendi, cui jus foresti competit. Jus enim foresti præter inspectionem in sylvas. & jurisdictionem, facultatem etiam complectitur omnes ex foresto percipiendi fructus. BEYER. *Delin. Jur. German. cap. III. §. III.*

QUODAMMODO DISSENTIAT CARPZOV.) Qui in ea est opinione, tanquam examen apium indistincte res nullius sit, & occupanti cedat. Verum juri magis convenit sententia BERLICHII *P. V. Concl. L. n. 12. sq.* tum demum examen apium pro re nullius haberi posse, quando in scio domino emigravit. Domino itaque scienti persecutionem examinis in alienum fundum concedit, ita tamen, ut dominus fundi illum ab ingressu arcere, & prævenire possit.

### Aphor. XXVII.

NUMERVS EST CONCESSVS) Quod rationis esse vel inde apparet, quia columbæ, quæ evolare solent, in agris pastum quærunt, iisque, dum grana effodiunt, maximo detrimento sunt; Non igitur potest, qui ipse agros non habet, vicinis onus imponere, ut ex suis agris columbis pastum concedant. Vnde merito temperanda est opinio PHI-

LIPPI,

LIPPI, qui in *Ectoga Lib. VI. ad Lib. II. Instit. n. 1. & 2.* nimis liberaliter asserit, posse quemlibet in suo columbas alere, & columbarium exstruere.

### Aphor. XXVIII.

CUJUS AVSPICIIS BELLUM GERITUR) Æquum enim est, ut belligerantem, qui ex moribus hodiernis non amplius militia lecta utitur, sed mercenariam alit, commodum sequatur, quia onus belli gerendi solus fert. Ut sic merito a Philosophia Romanorum, qui militibus lectis hostibus cepta relinquebant, recedere debeamus: vid. interim FABRI *Semestr. Lib. II. cap. III.* Hodie igitur nihil sibi capit miles mercenarius, nisi cujus occupationem ipse belligerans, vel, quem ille delegavit, concessit. Sigillatim juris est, ut res mobiles fiant occupantis, simulac hostis eas non amplius persequitur, vel quando intra præsidia deducta sunt: Res immobiles vero in dominium belligerantis veniant respectu tertii, non ratione prioris domini, sed jus solummodo belligerans consequatur bonæ fidei possessionis, ut fructus interim suos faciat irrevocabiliter, donec transactione interposita determinetur, cuinam rei immobilis dominium cedere debeat GROTIUS *de Jur. Belli & Pac. Lib. III. cap. VI. § III.*

### Aphor. XXX.

SIBI LICITE ADSCRIPSERUNT) Modo tamen id expresse factum sit, & nullo rerum, quæ inveniuntur, habito discrimine. Inde enim, quod certas res, quæ in locis publici juris inveniuntur, Princeps sibi vindicaverit, sequi non videtur, in-

ventionem plane non posse ad modos acquirendi dominii privatos referri. Sed naturæ rei magis convenit, voluisse Principem, qui hunc acquirendi modum in aliquibus restrinxit, ut in reliquis sal-  
vum maneret jus subditorum. STRYCK. *ad §. II. J. de Rer. Divis.*

### Aphor. XXXII.

TIBI ACQVIRVNTVR ) Ut vero omnis do-  
ctrina de accessione unica hac regula absolvitur ;  
Accessorium sequitur suum principale ; ita sigilla-  
tim in foetura juris est , ut partus sequatur ven-  
trem.

### Aphor. XXXIII.

QVIA, VNDE VENIAT, NESCITVR ) Et  
præterea æquitas naturalis suadet, ut iis relinqua-  
tur, quod per alluvionem agris eorum adjicitur,  
qui omni momento timere debent, ne fluminis vis  
de suo aliquid detrahat, & vicini agro adjiciat.  
Unde peccare, existimo, JCtos, qui alluvionem fisco  
adjudicant, nisi simul forsant Principi id consiliū  
suppeditent, ut de oneribus, quæ agris imponi so-  
lent, pro rata aliquid remittat, si agris istis per  
fluminis vim aliquid decedit. Cæterum recte  
quoque, puto, Principem sibi id, quod agris adje-  
ctum est, vindicare, quando ager ipse limitibus  
circumscriptus est.

### Aphor. XXXIV.

NOBIS NON ACQVIRVNTVR ) Atque ideo,  
quousque coalitio nondum facta, quod, quanto  
spatio fiat, ex rerum peritis quærendum est, datur  
incre-

incrementi patentis vindicatio, ad eum minimum finem, ut incrementum a vicini agro limitibus distinguatur. Interim tamen post coalitionem non plane excluditur prior dominus, sed rei solum vindicatione amplius uti nequit. Contra novum vero possessorem recte agit, ut præstet id, quod interest, incrementum domino priori abesse vid. BACHOV. *ad* §. XXI. *J. de Rer. Divis.* UNGEPAVER. *Exerc. V. qu. VII.*

**Aphor. XXXV.**

DE INSULIS IN ELECT. SAXON.) Quod ad hunc attinet, Doctores Saxonici fere omnes uno ore consentiunt, insulas in fluminibus publicis natas privatorum esse, iis solum exceptis, quæ in Albi flumine nascuntur, vide præter Carpzovium adhuc ZIEGLERVM *de Jur. Majestat. Lib. II. cap. XV. §. XXVII.* BERGER. *Oec. Jur. p. m. 287.* WERNH. *P. V. obs. CXXXVIII.* Verum quam gravis mihi de hoc asserto enata sit dubitandi occasio, collige ex *Introd. in Jus Saxon. P. III. Sect. I. Ex. II. §. XV. sq.* Tam clara enim in contrariam partem, quod nempe insulæ in fluminibus publicis enatæ fisco cedant, extant rescripta Electoralia, ut mirum omnino sit, quando Doctores in ea causa esse videmus, ut fisco hoc jus denegent.

**Aphor. XXXVII.**

OBTINERE) Clara hanc in rem extat dispositio JUR. PROVINC. SAX. *Lib. II. art. LVI. in fin.* Neve cum THOMASIO in *Not. ad Instit. de Rer. Divis. §. XXII.* vocem Land, quæ ibi reperitur, de territorio explices, prohibent verba proxime



me præcedentia; Was das Wasser abnimmt dem Lande, das hat der verlohren, des das Land ist. Cæterum nil interest, siue alveus naturaliter cursum suum mutaverit, siue data opera exliccatus fuerit. In utroque enim casu dispositio juris civilis locum habet *de WERNH. P. V. obj. CXXXVII*

### Aphor. XXXIIX.

CVJVS ANTE FUIT) Ali inundatio perpetua fundi speciem mutat, efficitque, ut prior dominus dominium amittat *L. XXXIII. D. quib. mod. ususfr. amittat*: Errant enim, qui textum ita explicant, tanquam effectus solum proprietatis, siue exercitium amittatur, jus autem continetur, siquidem textus perspicue amissionem proprietatis loquitur. Ut autem aqua iterum discedente proprietas priori domino restituatur, rationis est.

### Aphor. XL.

NOVAM SPECIEM CONFICIT) Ergo minus recte ad specificationem a Justiniano in §. XXV. *J. de Rer. Divis.* referuntur casus, quando ex alienis uvis, olivis, & spiciis vinum, oleum aut frumentum fit. Nam frumentum ex spiciis excussum non est nova species, sed tantum species detecta *L. VII. §. VII. D. de Acq. rer. dom.* Uva vero & oliva lectæ, percipi cœptæ dicuntur, tum demum vero, quando coactæ sunt, id est, vinum & oleum inde factum, perfecte collectæ nominantur in *L. LXXVIII. D. de Rei vind.* & sic denuo vinum & oleum non est nova species. Dissentiunt quidem VINNIUS *ad d. §. XXV. J. de rer. Divis.* & HUBER. *Prælect.*  
ad

*ad eund. titul. §. XLIII.* & vinum atque oleum in aliam speciem transire ideo credunt, quia nomen mutant. Verum mutatio nominis sola novam speciem efficere non potest. Alias enim frumentum ex spicis excussum nova quoque species non posset non fieri, quod tamen fieri leges negant.

(PRAEVALET FORMA) Hac distinctione adhibita altercationes Veterum JCtorum, ex quibus Sabiniani pro domino materiz, Proculiani pro specificante pronunciabant, commode componi posse existimavit Justinianus *d. §. XXV. J. de Rer. Div.* Paulum secutus, qui in *L. XXIV. D. de Acq. rer. domin.* eandem viam ingreditur. Vereor autem, ne iniquitatem contineat hæc decisio, cum sæpe pretiosior possit esse opera, quam materia, maxime, cum in hanc non semper cadat pretium affectionis, vid. THOMASII *Diff. de pretio affectionis in res fungibiles non cadente cap. III. §. XLI. sqq.*

### Aphor. XLIII.

(CEDIT TOTI) Hoc itaque principio: Cujus est totum, ejus etiam est pars; innixi Veteres JCti, indistincte fere domino principalis accessorium quoque adjudicarunt, quamvis æquitati magis conforme sit, ut dispiciamus, anne res adjuncta a toto alva & integra separari, & domino suo restitui possit, v. c. si gemma aliena annulo meo inclusa sit. Nam hoc in casu rem separandam, dominoque restituendam esse, ipsæ leges Romanorum loqui videntur. vid. *L. VI. D. ad exhibend.*

(FVRTI ACTIONEM & CONDICTIONEM VRTIVAM) Res enim adjuncta videtur extincta, quia

quia in statu priori non amplius extat, atque sic vindicari nequit. Cave itaque existimes, tanquam ad acquisitionem domini bona fides non requiratur, cum vindicatio hic domino priori denegetur. Nam illius dispositionis ratio non in acquisitione domini rei furtim subtractæ collocanda, sed inde potius desumenda est, quia leges, rem amplius non extantem vindicari posse, negant.

#### Aphor. XLIV.

COMMUNIO CONSTITUITUR ) Imo & in posteriori casu, quando confusio fortuito, vel altero ignorante, facta est, communio locum habet. §. XXVII. *7. de Rer. divis.* Id tamen hic singulare est, quod confundens, si res alterius per confusionem deteriorata sit, hunc, ut partem accipiat, cogere nequeat, sed potius damnum rei deterioris factæ præstare debeat THOMASIVS in *Not. ad d. §. XXVII.*

#### Aphor. XLVIII.

AD PRISTINAM CAUSAM REFERTUR ) Vides hic usum distinctionis domini in civile, & naturale. Nam ædificans, sive in bona, sive in mala fide sit, stante ædificio dominus materiæ est civilis, prioris materiæ domini dominium interim quiescit, donec dirutum sit ædificium, quo facto dominium ejus reviviscit. Ratio hujus dispositionis vero ex Legibus XII. Tabul. desumenda est, quibus cavebatur, ne quis tignum alienum ædibus suis junctum eximere cogatur, ne urbs ruinis deformetur, maxime cum Reip. interesset, urbem ædibus ornari.

Aphor.

## Aphor. XLIX.

POTEST OBJICI CULPA ) Imo & dolus, quem ideo Romani materiae jactura puniendum voluerunt. Verum Auctor noster recte monet, posse & mala fide aedificantem de pretio materiae & mercedibus fabrorum agere. Hoc enim non aequitati solum naturali convenit, qua cavetur, ne quis cum alterius damno fiat locupletior, sed jura etiam Romana sigillatim in *L. XXXVII. D. de Rei vindic.* permittunt aedificanti, ut aedificium diruere, & materiam vindicare possit. Quo igitur dominus soli hoc aedificantis jus inutile reddat, aedificiumque sibi conservet, aliud medium haut est comparatum, nisi pretium & mercedes restituat. Ex quibus constat, quod sententia Carpzovii contraria ab Auctore citata firmo haut innitatur fundamento.

## Aphor. L.

ILLIUS PERMANET, CUIUS FVERAT ) Cujus distinctionis fundamentum ex principiis Stoicis derivandum est. Stoici enim existimabant, substantiam arboris per nutrimentum constitui, nutrimentum vero per radices attrahi. Hinc rationi consentaneum putabant Jcti, eum esse plantae dominum, ex cujus fundo succum nutricium attraheret.

## Aphor. LI.

IPSI SATISFACIAT ) Et hoc, puto, in omnibus litibus dijudicandis, quæ de impensis ab eo, qui in alieno solo aedificavit, plantavit vel conseravit, repetendis oriuntur, regulæ generalis instar servandum



dum esse, quod dominus soli non debeat locupletior fieri cum alterius, ejusve heredum damno. Hac enim ratione ipsa dilceptatio de quaestione, quænam impensæ restituendæ sint, facile componitur. Certe necessarias dominus soli semper restituere debet, etiamsi prohibuerit, ne impenderentur. Deficiente prohibitione, de utilibus etiam respondere debet, *L. XL. Mand. L. ult. C. de negot. gesti.* Voluptuarias vero ille, qui ædificat, plantat, suo periculo erogat, nec nisi facultatem tollendi habet. Sic vero ultra id, in quo dominus locupletior factus, nihil consequitur. Cessabit etiam jus repetendi, si res ipsa perit. add. tamen LEYSER. *Specim. CCCCXLVII. med. III.*

### Aphor. LII.

QVAE IN IIS SCRIPTA) Quæ decisio ideo nonnullis absona videtur, quia non in chartam sed in scripturam cadere solet pretium affectionis. Verum Romani satis causæ habuerunt, cur scripturam chartæ cedere statuerent, cum materiis paulo rarioribus, corticibus, tabulis eburneis, cereis, linteis inscriberent, charta, qua nostrates utuntur, destituti. Imo nullus dubito, quin Romani de illa veritate, scripturam sæpius rariorem esse charta, sufficienter edocti, ab ista regula, scripturam chartæ cedere, aliquando recesserint. Permittunt enim leges illi, qui in alienam chartam aliquid scripsi, ut actione in factum contra dominum chartæ experiri possit *L. III. §. penult. D. ad exhibend.* hic vero dubio procul de isto casu cogitant,

tant, quando in scripturam magis, quam in chartam cadit pretium affectionis.

### Aphor. LIII.

PICTURA TABULAM AD SE TRAHAT ) Ut enim non omnis pictura Apellis & Parrhasii artem præ se ferat, arti tamen pictoriæ generatim hoc videtur privilegium esse tributum, ut tabula picturæ cedat, maxime, cum pretium affectionis in hanc, non in illam, cadat. Quare etiam Justinianum, existimo, in §. XXXIV. *§. de Rer. Divis.* Apellis & Parrhasii picturam exempli solum loco posuisse, cæterum autem in ea causa fuisse, ut in favorem artis pictoriæ aliquid singulare statueret. Inde ubique pictori electionem concedit, utrum tabulæ pretium restituere, an domino tabulæ picturam, sub conditione pretii restituendi, relinquere velit.

### Aphor. LIV.

CUIUS CONDITIONIS SUNT FRUCTUS ) Sunt enim alias vel naturales, iique in specie, quos absque magno impendio terra profert, vel industriales, qui operam aut impendium requirunt, vel civiles, qui non ex ipsa re, sed occasione rei proveniunt v. c. merces locationis. Hos omnes bonæ fidei possessor lucratur irrevocabiliter, modo sint percepti, a fundo separati & consumti. Pendentes vero & extantes, utut separatos, revocabiliter. Fingitur enim, tanquam bonæ fidei possessor sit dominus, donec verus dominus superveniat, & sic eoque fructus etiam suos facit. Ut vero rationis est,

N

bonæ

bonæ fidei possessori, qui fructus lucratur, impensas non restitui, quippe quas cum fructibus compensare debet *L. XLVIII. & LXV. de Rei vindic. L. XVI. C. de Eviction.* ita e contrario aequitati etiam naturali convenit, ut dominus superveniens, quatenus ipsi fructus cedunt, impensas restituat, cum fructus non intelligantur, nisi deductis impensis.

QUANTVM EX IIS EST LOCUPLETIOR FACTVS) Hic usus tamen vereor, ne, si Saxoniam spectes, cum jure patrio aperte pugnet. Certe tam clara in JURE PROVINC. *L. II. art. XLIV.* extat dispositio, vi cujus bonæ fidei possessor absque ulla distinctione a restitutione fructuum, etiam extantium, liberatur, ut mirer, in alia ire potuisse interpretes. Et de ipsa Praxi in Saxonia, quæ bonæ fidei possessori omnes fructus perceptos adjudicat, testatur ZIEGLER. *de jur. majest. L. I. cap. XXXIII. § LXXXIII.* Imo vereor omnino, ne iste usus, quatenus bonæ fidei possessorem restitutione fructuum consumptorum, ex quibus locupletior factus est, onerat, analogiæ juris civilis contrarius sit. Quodsi enim pro vero domino habetur, donec alter, qui pinguius jus habet, superveniat, id ipsi omnino dandum erit, ut fructus, quæ tanquam dominus consumpsit, lucretur, maxime cum idem consumptionis, qui usucapionis, sit effectus. *L. IV. §. XIX. de Usurpation.* Quare non dubito, quin JCtis Saxonis cum WERNHERO *P. I. obs. CCCXVIII.* accedam, qui bonæ fidei possessorem a restitutione fructuum consumptorum liberant, cum & Jus Civile,

vile, ut dixi, idem suadeat, ceu legibus variis comprobatur LEYSER. *Spec. XCIX. med. V.*

### Aphor. LV.

USUFRUCTUARIUS QVOQUE) Nempe pendentes usufructuario mortuo ad proprietarium transeunt de Jure Civili, deductis tamen impensis; perceptos heredes usufructuarii indistincte lucrantur, & quidem irrevocabiler, quia usufructuarius voluntate domini fundum possederat, quod in bonæ fidei possessore secus erat. Huic enim cum domino circa fructus perceptos extantes concurrenti, dominus superveniens præferebatur. De jure Saxonico infra videbimus.

ITEM COLONUS) Est tamen quædam, eaque insignis, inter usufructuarium & colonum ratione juris percipiendi fructus differentia. Jus enim usufructuarii est personale, atque sic morte usufructuarii jus fructus ulterius percipiendi statim cessat. Ast jus coloni ex contractu est oriundum, & plerumque ad certum temporis spatium adstrictum. Ideo vero, colono ante finitum tempus locationi destinatum mortuo, jus fructus percipiendi ex contractu ad heredes coloni transmittitur §. *fin. J. de Location.*

### Aphor. LVI.

THESAURVM AD FISCVM PERTINERE) Hoc etiam Jure Germanico antiquo statutum esse, quidam colligunt ex JURE PROVINC. SAXON. *Lib. I. ad XXXV.* Ubi compiler ait: Alle Schätze unter der Erden begraben, tiefer denn  
N 2 ein



et dñug gehet, gehöret zu der Königlischen Gewalt. Vereor autem, ne hæc verba de metallifodinis magis, quam de thesauris accipienda sint. Vocem enim begraben non defossum sed effossum significare, apte judicat BEYER. *Jur. German. L. II. cap. IV. posit. III.* Et Doctores Saxonici omnes uno fere ore fatentur, de metallis ibi sermonem esse. Ita ZOBELIVS *ad d. art. XXXV.* SIMON PISTORIS *Consil. IV. n. 7.* HELGIVS *Lib. I. Qu. XIII. n. 32.* RAVCHBAR. *P. I. Qu. XXII.* Ita etiam ipse Legislator Saxo per interpretationem authenticam in *Constit. LIII. P. II.* Quicquid sit, hodie in Saxonia sequimur Jus Civile, nec fisco jus in thesaurum inventum competit, nisi media illicita inventor adhibuerit. Sin licita in fundo proprio, totus inventor thesaurus cedit. In loco alieno inventus inventor non prodest, sed domino est restituendus, nisi casu fortuito inventus sit, siquidem tum dimidia pars jure inventionis inventor cedit. Et sic inventor, sive operam adhibuerit, sive casu in thesaurum inciderit, quantitatem ejus detegere debet, concurrente vero inficiatione, maxime si dolus adsit, & tortura locum habere, & poena furti applicari potest.

### Aphor. LVII.

TRADITIONEM ) Hanc inter modos acquirendi dominii naturales relatam esse a Justiniano ex §. XL. *§. de Rer. Divis.* constat. Nec abludit L. XX. *C. de pact.* Sed recte monet GROTIUS de *Jur. Belli & Pac. Lib. II. cap. VIII. §. XXV. & cap. XII. §. XV.* ibique ZIEGLERVS, omnem alie-

alienationem Jure Naturali ex ſola voluntate domini efficaciam habere, præterque acceptantis conſenſum amplius quid non requiri, add. HUBERVM *Digreſſion. Lib. IV. cap. VIII.* THOMASIVM *Juriſpr. Div. Lib. II. cap. X. §. CLVI.* Quia vero animus alienandi clariuſ elucet, quando traditio accedit, gentibus placuit, ut ea in transferendo rerum dominio adhiberetur, maxime, cum Reipublicæ etiam interſit, ut dominia rerum ſint certa, extraquæ dubium ponatur, cujus quiſque fundus ſit. Hinc defectus traditionis translationem dominii impedit, & ex pluribus unius rei emtoribus ille reliquis præfertur, cui res tradita eſt, utut ratione temporis & promiſſionis poſterior ſit, nec ab iis conveniri poteſt *L. XV. C. de Rei vindicat.*

REQUITUR ERGO) Præter hæc tamen requiſita ab Auctore enumerata, Jura Germanica reſignationem judicialem in alienatione bonorum immobilium olim deſiderarunt, & antequam ea peracta ſit, dominium transferri negarunt. JVS SAXON. *L. I. art. VIII. & LIX.* JVS SÆVIC. *art. CCCVIII.* JVS LVBEC. *P. III. Tit. VI. art. I.* Idque juſ hodie adhuc in plerisque provinciis uſu ſervari, nec Saxonibus proprium eſſe, probat LEYſER. *Spec. CCCXLVI. med. III.* Cæterum omiſſa reſignatione contractus non eſt nullus, ſed emtor ad ejus implementum recte agit.

### Aphor. LVIII.

POTESTATEM TRANSFERENDI SEV ALIENANDI) Cui renunciaviſſe non videtur, etiam ſi alii rem jam promiſerit. Nihil oſecius enim, ut

diximus, ille, cui res traditur, verus rei dominus constituitur, modo tamen non sciat, rem alteri jam esse promissam. Tum enim fraudis fit particeps. Sicuti vero leges generatim decipientes beneficiis juris privant *L. X. §. III. qua in fraud. cred.* ita & æquitas postulat, ut posteriori, cui res tradita, illo in casu præferatur ille, cui res solum promissa. BRUNNEMANN. *ad L. XV. C. de Rei vindic. n. 6.* BERGER. *Elect. Supplem. P. II. p. 216.*

UT HABEAT ANIMVM TRANSFERENDI) Nuda igitur traditio nihil operatur, nisi præcesserit titulus ad transferendum dominium habilis *L. XXXI. pr. de Acqu. rer. domin.* cum plures possint esse traditionis causæ absque animo dominium transferendi. Quare in tradente voluntas & cogitatio de dominio transmittendo, in acceptante cogitatio de dominio acquirendo adesse debet *L. LV. D. de Obligat. & Actionib.* Et sic etiam diversa cogitatio effectum transferendi dominii non habet. *L. XVIII. §. I. D. de reb. credit.* Quodsi vero uterque de dominii translatione cogitet, etsi in titulo translationis non conveniant invicem, dominium recte transfertur STRYCK *de jur. sensuum Diff. X. cap. IV. n. 30. sqq.*

ET ALTER REM ACCIPIAT) Haud itaque integrum est ei, cui res promissa, eam privata auctoritate occupare. Sed spoliū committit, imo amissione juris sui punitur. *§. I. J. de vi bonor. rapt. L. XIII. D. quod met. caus. L. VII. C. unde vi.*

SINE

SINE TRADITIONE ACQVIRATVR ) Id generatim, si mores nostros spectes, juris est in successione Jvs SVEVIC. *cap. CCLXIV.* Jvs SAXON. PROVINC. *Lib. III. art. LXXXIII.* add. SCHILTER. *Exerc. XV. th. XIII.* Deinde Jure Magdeburgico traditione in transferendo rerum mobilium dominio non opus est, vid. ORDIN. POLIT. *cap. XXII. §. III.* Jure vero Romano dominium non generatim solum, quando hereditas defertur, ipso jure transit, sed etiam idem obtinet 1) in re legata *L. LXXX. de Legat. II.* 2) in fideicommissis *L. VI. C. quand. dies legat.* 3) in donationibus Ecclesiarum, piis locis vel civitatibus factis *L. XXI. C. de SS. Eccles.* 4) in re donata, usufructu retento *L. XXVIII. C. de donat.* 5) si donator sibi alimenta reservavit *L. I. C. de donat. sub mod.* 6) in societate omnium bonorum *L. I. §. I. D. pro socio* 7) si quis rem ex alia causa jam possideat, §. XLIII. *J. de Rer. Divis. L. XXI. D. de acquir. rer. domin.*

### Aphor. LIX.

FIDEM DE PRETIO EXPRESSE HABVERIT ) Id est, consenserit, ut certus solutioni terminus præfigeretur. Neutro facto, pretio nimirum neque soluto, neque fide de eo habita, venditori integrum est, rem, tanquam suam, præsertim, si debitor bonis labatur, vindicare. Estque tale negotium inter mercatores admodum frequens, wenn sie die Waaren in Commis geben.



## Aphor. LXI.

NUNC ALIO NOMINE POSSIDERE) Quod vocant constitutum possessorium. Eoque ipso creditor sibi maximopere consulere potest, quando ipsi hypotheca constituitur. In casum moræ enim, a debitore ratione solutionis commissa, debitor rem, hypothecæ obnoxiam, non amplius suo, sed creditoris nomine possidet. Hac vero ratione constitutum, utut traditio non fiat, creditori actionem realem tribuit, WERNHRR. *P. I. obs. CCLXXIII.*

LONGA MANU RES TRADITUR) Auctor hanc traditionis speciem fictis annumerat. Mallem vero ego non hanc solum, sed & symbolicam traditionem ad veras traditiones referre. Fingere enim est aliquid factum esse mente concipere, quod tamen non est factum. Ubi vero factum intercedit, ibi fictione non opus, neque illi locus est, cum veritas loquitur. In traditione vero longæ manus revera aliquid agitur, actusque intervenit traditionis, non quidem de manu in manum, nec per inductionem in fundum, sed tamen per demonstrationem, quæ loco traditionis est. HYBER. *Prælect. ad Just. tit. de Rer. Divis. pos. LVII.* Pari ratione in traditione symbolica aliquid agitur, quia analogum quoddam & signum intervenit, rem representans, quod, rem traditam esse, significat. Nec otiosa est hæc observatio. Vexatissima enim inter Doctores ventilatur controversia, quisnam in concursu plurium rei cujusdam emtorum alteri præferatur, illene, cui res vere, an ille, cui fictè tradita est? Eamque quidem in favorem veræ traditionis

ditionis cum GOTHOFREDO *ad L. XV. C. de Rei vindic.* decidendam puto, etiam si ficta traditio tempore prior sit. Cum iis vero neutiquam facio, qui & traditionem longæ manus & symbolicam illi, quæ de manu in manum, vel per inductionem in fundum facta est, postponunt.

REM REPRESENTANTIA) Atque hac traditione majores nostri sibi adeo mirifice placuerunt, ut fere semper & ubique, quando de transferendo rei immobilis dominio sermo esset, signa adhiberent, rem representantia, non rem ipsam traderent. Ille vero actus investitura vocari consuevit. Nec præcise, quod Romanis alias solenne erat *L. LXXIV. D. de contrab. emtion. L. I. §. XXI. de acquir. possess.* requirebant rei præsentiam, sed valida nihilominus erat traditio, absente licet re facta.

Quare etiam plerumque adhibebant signa, quæ cum ipsa re tradenda affinitatem aliquam habebant: Pertinet huc Scotatio, Effestucatio, Laifowerpum, traditio per stipulam, idque generis plura exempla, de quibus late egi in *Dissert. de traditione symbolica*. Mansit hæc traditio in transferendis feudis in viridi observantia, superest etiam ejus usus in quibusdam locis, quando dominium rei immobilis allodialis traditur. Ipseque ille ritus, qui in executionibus, quæ contra debitores decernuntur, hodie adhuc adhibetur durch Aushauung eines Spans, ex institutis majorum nostrorum procul dubio derivandus est.

TRADITIONE CLAVIVM) Modo tamen, ut dixi, in conspectu rei fiat, in qua merces transferenda

da continentur, quippe quod leges præcise requirunt. Quamvis diffiteri nolim, pacto etiam effici posse, ut dominium, re licet extra conspectum posita, traditione clavium translatum censeatur, quod, quomodo caute fiat, docet STRYCK *Cautel. Contract. Sect. II. cap. VIII. §. XXII.* Cæterum ejusmodi traditionem clavium hodie in Saxonia eo in casu esse frequentem, quando foemina geradam, retento usufructu, donat, ex *Constit. Elect. XIV. P. II.* discimus.

TRADITIONE INSTRUMENTI ) antiqui  
nimirum, quod titulum continet, quo res ad venditorem pervenit *L. I. C. de donation.* Instrumentum enim super præsentem contractum confectum cum effectum non habet, etiamsi venditor in illo, se rem tradere, declaraverit *L. XLVIII. de acquir. possess.* nisi forsan verba ita concepta sint, ut venditor declaret expresse, se mediante hoc instrumento rem emtori tradere STRYCK *loc. allegat.*

QVASI TRADITIO FIERI SOLET ) Tum  
nimirum, quando emtor certam speciem signat. Nam in rebus mere fungibilibus, sive per averfionem, sive ad certam quantitatem venditis, signatio per se effectum traditionis non habet, cum alius ejus possit esse finis, v. c. ne vinum summutetur *L. I. §. II. D. de peric. & commod. rei vend.* Cæterum inter mercatores invaluit mos, ut signatio mercium involucri inclusarum, wenn sie gesehen, gepackt und einballiret seyn, vicem traditionis habeat, simplex vero signatio ideo facta videatur, ut animus declaret signans, se velle circa has merces contrahere.

Aphor.

## Aphor. LXII.

MISSILIA JACTAT IN VULGVS) Est hæc antiquissima ambitus species, qua apud Romanos magistratus majores, noviter designati, sigillatim Consules atque Prætores, sub auspiciis muneris, distributione numorum viritim facta populi benevolentiam captarent, ceu præclare admodum docuit CICERO in *Lib. de petition. Consulæ*. Utilitate vero rei perspecta non dubitarunt postea Imperatores, dum imperium auspicabantur, quin consuetudinem conservarent, auramque popularem capterent; substituta in locum distributionis sparsione missilium. Verum & permisso Imperatorum Consules & Prætores jus hoc exercuisse, ex §. XLIV. *J. de Rer. Divis.* apparet. add. FABRI *Semestr. ad L. XX. D. de origin. Jur.*

REM PRO DERELICTO HABITAM) Fit enim talis res, quam Dominus sibi amplius habere novult, res nullius, modo tamen de animo, quod quis rem dereliquerit, clare constet. Sola enim abjectio non sufficit. Sed, ut derelinquens sui juris, animique compos sit, taleque factum vel non factum accedat, necesse est, ex quo seria voluntas, rem amplius non habendi, colligi potest. Hæc vero, si adsunt, dubium non est, quin res mobilis æque ac immobilis occupari possit, quam posteriorem derelictionis speciem late prosecutus est LEYSER. *Spec. CCCXLIII.*

## Aphor. LXIII.

NON EO ANIMO ILLAS EJICI) Verum distinguendas esse res ejectas, existimo. Earum enim in-



intuitu, quæ aqua non pereunt, animus quidem eas recuperandi conservari potest, cum experientia doceat, ejusmodi res per urinatores sæpius iterum extrahi. Quodsi vero res ejecta ejus naturæ sit, ut aqua non possit non perire, v. c. Saccharum, Sal, jactus vix esse poterit absque animo rem derelinquendi. Et de his procul dubio accipienda est *L. XLIII. §. XI. D. de furtis.*

**FURTIVM COMMITTIT.)** Hodie jus bona naufragorum occupandi, ex antiqua Germanorum consuetudine fisco vindicatur. Quod improbat quidem *CONSTIT. CRIMIN. art. CCXVIII.* Sed mansit tamen idem illud in locis præsertim maritimis septentrionalibus in viridi observantia, & sub voce des *Strand-Rechts* exercetur. Imo tantum abest, ut injuriam fieri naufragis per hanc occupationem credant, quin potius precibus publicis Deum implorare soleant, velit illi juri ex alto benedicere. Justitiam ejus defendendam suscepit *BEYER. Jur. German. Lib. II. cap. VI.* Cæterum, quamvis in Germania plerumque cesser occupatio istiusmodi bonorum, æquitatis tamen creditur, ut accolis littorum exsolvatur inventionis vel servationis præmium, *Bergegeld*, ne frustra naufragos eorumque bona perire patiantur. *IDEM d. l.*

#### Aphor. XLIV.

**NEC AD INVENTORES PERTINENT.)** Ut igitur dominus Rei vindicatione recte utitur, ita hoc singulare est, quod ei permittatur, fundum, quo res amissa continetur, ingredi, reinque suam propria

pria auctoritate occupare, modo tamen domino fundi de damno ea occasione dato respondeat. BERGER *Oecon. Jur. p. m. 234.* Verum hoc in casu sine dubio erit præsupponendum, quod fundi dominus non contradicat ingressui & occupationi. Hanc enim contradictionem, si vilipendat dominus rei amissæ, hancque ipsam nihilominus sua auctoritate occupet, actio de spolio locum omnino contra eum habebit.

TERTIA INVENTORI CEDIT) Imo & hæc inventori cedit præmii loco, si dominus rei amissæ tam sibi iterum vindicat, modo forensis sit. Sin res subditi sit, præmium cessat, certe recte non exigitur, utut oblatum sponte honeste accipiatur, vid. CARPZOV. *Pr. Crimin. P. II. qu. LXXXVI. n. 7.*

## Tit. II.

De rebus corporalibus & incorporalibus; item mobilibus & immobilibus.

## Aphor. I.

SINT VEL CORPORALES VEL INCORPORALES). Totam hanc distinctionem ex Philosophia Stoica esse, præclare docet NOODTIVS *Probab. Lib. II obs. III.* & HEINECCIUS *Antiqu. Roman. Lib. II. Tit. II.* Jcti enim Stoicis principiis innutriti non satis habebant, ut ex doctrina morali Stoicorum dogmata ad sapientiam civilem transferrent, sed & Physiologicas eorum sen-

sententias juris auctores suas fecisse, ipse demonstravi in *Specimine Philosoph.* JCor. Stoic. ex L. LXXVI. de *Judiciis*. Quare mirum non est, quod & primam rerum omnium distinctionem in corporales & incorporales mutuo a Philosophis sumserint, ipsasque definitiones harum rerum simul retinuerint, imo, teste Pomponio in L. XXX. D. de *usurpation.* omnem rerum corporalium distinctionem ad Jurisprudentiam applicaverint. Erat autem Stoicis corpus, quod tangi potest. *SENECA Epist. CVI.* sive quod in sensus incurrit. Ea enim his Philosophis sedebat opinio, omnes sensus operationes suas edere mediante contactu. Sic vero non præcise actum tangendi, ut corpus ab aliis distingueretur, desiderabant, sed potentia tangendi sufficiebat, quodque in sensus per tactum incurrere posset. Confer. *JACOB. THOMASIVM in Diff. de sexto sensu Stoicorum* ejus libello de Stoica mundi exustione adjecta. Quicquid itaque in sensus non incurtebat, id incorporale dicebant, nec existere quidem, sed intelligi solum credebant. Indeque erat, quod JCu res incorporales iis magis, quæ non essent, quam, quæ essent, annumerarent, servitutesque neque in bonis, neque extra bona esse dicerent L. I. D. de *Usufr. legat.* siquidem proprie incorporalia res non sunt, & ideo jurium nomen iis magis conveniat, fierique possit, ut una res diversa ratione mox corporeis mox incorporeis respectu ad qualitatem rei coherentem habito annumeretur, cujus rei exemplum dedit *HEINECCIUS d. l. §. III.* Quæ, cum ita sint, facile patet, cur JCu

Idcirco ea, quæ de corporalibus proprie prædicabantur, incorporalibus improprie solum tribuerent. Res enim incorporales proprie non possidentur, proprie non sunt in dominio, proprie non tradi possunt. Hinc ubique fictione opus, & quasi possessio, quasi dominium, quasi traditio excogitanda erat. HYPER. *Prælect. ad Instit. h. tit.*

## Aphor. II.

QVID DICENDUM SIT) Cum vero multum inter sit in effectu inter res mobiles & immobiles, v. c. in usucapione, præstanda cautione, alienatione, successione, pluribusque aliis juris nostri argumentis, vid. BÖHMER. *Jus Digestor. tit. de rer. divis. §. XIV.* quam maxime necessarium est, ut res mobiles & immobiles ab invicem probe discernamus, imo optandum omnino, ut Legislatores sua auctoritate diversas interpretum sententias componerent, quod in Saxonia factum esse, variis in medium allatis exemplis docui in *Introd. in Jus Saxon. P. III. Sect. I. Ex. I. §. VIII. sq.* In eo omnes conveniunt, res mobiles sua natura tum tamen jure immobilium censendas esse, 1) quando accessoria sunt fundi. Sic fructus pendentes pars fundi sunt *L. XLIV. D. de Rei vindic.* & post perfectum jure contractum ad emptorem pertinent. *L. XIII. C. de action. empti.* Sic sub voce ædium, tanquam sub toto, omnes ædium partes comprehenduntur, & in emptorem transeunt, etiamsi nulla earum mentio facta sit in contractu *L. XIX. de action. empti*, ut sic venditor necesse habeat, clare exprimere, si quas accessiones eximere, sibi que re-

ser-



servare cupit *L. XCIX. de Verb. obligat. L. XXXIX. de pact.* Sigillatim immobilibus II) annumerantur res mobiles, quæ perpetui usus gratia ad rem immobilem sunt destinata, quod nostro idiomate ita exprimere solent, was Erbs Band, Wand, Niede und Seigel feste ist. Denique III) legislatores rei sua natura mobili eum, quem res immobiles habent, tribuere aliquando solent effectum v. c. quando eum, qui tabernam instructam habet, eumque, qui salarium publicum percipit, a præstatione cautionis judicialis liberant, eodemque jure hunc, quo possessorem bonorum immobilium, censent.

#### Aphor. IV.

PER ANALOGIAM JURIS) Fit hoc extra ordinem & per modum exceptionis, quando distinctio rerum mobilium & immobilium rebus incorporalibus applicatur, cum proprie quies & motus de re incorporea prædicari nequeat. Habentur vero pro mobilibus vel immobilibus, & jura de his obvia ad jura extenduntur, I) quando qui de rebus suis disponunt, ita generaliter loquuntur, ut, quamvis mobilium solum & immobilium mentionem faciant, intentio tamen eorum commode de juribus accipi possit. Eaque observatio præsertim usum habet in quæstione, an hypotheca generalis nomina quoque & jura complectatur. II) Quando rei mobili vel immobili inhaerent III) Quando ratione rerum mobilium vel immobilium competunt. Sic v. c. rei mobilis vindicatio pro re mobili habetur. IV) Ratione quoque facultatis exigendi jura mox mobilibus mox immobilibus annumerantur, quod usum habet in annuis redditibus. Tit.

## Tit. III.

## De Servitutibus.

## Aphor. I.

**P**ATI TENEATUR ) Sunt igitur servitutes vel affirmativæ vel negativæ. Illæ, quando dominans facit, & serviens patitur. Hæ, quando nec dominans aliquid facit, sed serviens, quod sibi relictus facere potuisset, omittit vel non facit. Usus in eo consistit, quod affirmativæ non acquirantur, nisi exercitio & patientia, atque ideo quasi traditio requiratur; Negativæ vero sola permissione acquirantur. Cum enim hic neuter aliquid faciat, quasi traditio per exercitium ex rei natura fieri nequit, & jus ideo reale statim incipit, simulac serviens, se non facturum, promittit. Deinde etiam in negativis præscriptio sibi locum non vindicat, nisi alter prohibuerit, ne aliquid fiat, alter vero acquieverit in prohibitione. Antea enim res in arbitrio servientis posita, & meræ facultatis erat, utrum facere an omittere vellet.

VEL NON FACERE ) Sic vero servitus jure Romano nulla erat, eo fine comparata, ut serviens aliquid faceret. Nec opus est, ut servitutem oneris ferendi excipias, ac anomaliam quandam fingas. Quamvis enim leges servienti hic imponant obligationem parietem, quæ onus sustinet, reficiendi *L. XXXIII. de servitut. prædior. urban. L. VIII. pr. si servit. vindic.* ea tamen obligatio essentiam servitutis non ingreditur, quia 1) plane abesse potest refectio ab hac servitute, forsan, si ad

O

tempus

tempus constituta sit, & paries interim refectione non indigeat, 2) quia id non a natura servitutis dependet, ut paries reficiatur, sed servituti jam constitutæ supervenit. STRAVCH. *Diff. Justinian. diff. VII. §. XI.* ibique THOMASIVS. Nostri e contrario Germani hujus subtilitatis Juris Romani, quod servitus non esset, ubi quis faceret, nunquam tantam crejiderunt esse efficaciam, quin servitudes sibi quoque constituerent in faciendo consistentes, jusque reale sibi eo fine acquirerent, ut possessor prædii, qua possessor, factum præstare deberet. Pertinet huc jus furni communis, jus bannarium molendinis quibusdam competens, jus operas exigendi patrimoniales, idque generis alia, de quibus præclare egit THOMASIVS in *Not. ad tit. J. de Servitutib. urban. prædior. & ad tit. D. de usu-fruct.* Præterea nostrates alias quoque Juris Romani subtilitates in argumento de servitutibus rident, iisque usum in foro neutiquam relinquunt, qua de re vide LEYSERVM *Spec. CVII. med. I.*

### Aphor. II.

IPSI PERSONAE OBVENIT) Hæque servitudes personales nominantur regulares. Sunt vero & ex realibus quædam ita comparatæ, ut personæ solum constituentur, v. c. servitus itineris, aquæ-haustus, quæ ideo, quia ob illam determinationem naturam mutant, irregulares dici consueverunt. LAVTERB. *Colleg. Theor. Pract. tit. de servitutibus §. V.*

### Aphor. III.

ALIAE VRBANORVM) Solent etiam Doctores

res rusticorum prædiorum servitutes discontinuas, urbanorum continuas nominare. Illas ad sui exercitium factum hominis semper requirere, has se citra hominis factum, sola servitute prospectus excepta, semper exerere dicunt. Et eatenus tolerari potest hæc distinctio. Quod autem addunt Doctores, servitutes rusticas tanquam discontinuas esse in præscriptibiles, nisi tempus immemoriale accesserit, id ex male intellecta *L. XIV. D. de servitutib.* fluit. In hac enim lege servitutes rusticæ non ideo ab usucapione immunes prædicantur, quia discontinuam causam habent. Sed vera ratio ea potius est, quia res incorporales & jura sunt, & sic usucapionem non admittunt. Hoc vero omnes servitutes tam urbanæ quam rusticæ commune habent. Proprie itaque, quamvis usucapi nequeant, possunt tamen quasi usucapi, maxime, postquam Lex Scribonia id sigillatim disposuit, ut quasi usucapio servitutum locum haberet. Ut autem Lex Scribonia nullam hic inter servitutes prædiorum urbanorum & rusticorum statuebat differentiam, ita falsissimum est, Romanos in d. Lege fuisse in ea causa, ut illas præscriptibiles, has in præscriptibiles prædicarent. vid. SCHILTER. *Exerc. XVIII §. VII.* Intèrim falsa ista legis interpretatio adeo mirifice placuit nostratibus, ut summa etiam Tribunalia non dubitarint, quin usu practico eandem ipsam corroborarent. De Tribunali Wis-mariensi vid. MEYUM *P. IX. Decif. CLXIV.* de Camera Imperii GAILIUM *Lib. II. Obs. LXVI. n. VII.* de moribus aliorum judiciorum STRYCKIUM *ass. modern. tit. de servit. §. VI.* O 2 V-



VSVR RVSTICVM HABENT) Præclare enim docet COLVMELLA *de re rustic. Lib. I. cap. VI.* Romanos villas suas in tres ordinarie dividisse partes, urbanamque alteram constituisse, quæ habitationi inserviret, alteram rusticam, in qua villicus cum familia, ut & armenta & equi degerent, fructuariam denique, in qua horrea & cellæ penuariæ occurrerent. Sic igitur prædium urbanum & rusticum non locus, sed usus faciebat. Ea vero ratione prædium rusticum in urbe, & prædium urbanum ruri esse potest.

#### Aphor. IV.

AMBULANDI) Id est spatiandi voluptatis vel sanitatis gratia, ut recte explicat NOODT *Probab. Lib. I. cap. II.* Non itaque jus complectitur agendi pecus, aut ducendi vehiculum *L. I. d. de servitut. rustic. præd.* quamvis dominans sella, aut lectica vehi, aut eques commeare possit *L. VII. & XII. Eod.* Probe tamen hæc servitus itineris est distinguenda ab itinere, quod familiaritatis causa fit. Hoc enim, tanquam precarium revocabile est. *L. XV. §. II. de Precar.* Ne vero hæc beneficentia in servitutem degeneret, concedens sibi prospiciat, ut literæ reversales exhibeantur STRYCK. *de jur. familiar. cap. IV.* Cæterum iter jure servitutis constitutum trium pedum esse jubet Jus Saxonicum in WEICHBILD. *art. CXXIX.* quorum quilibet contineat semissem ulnæ eine halbe gemeine Elle, BERGER. *Oec. Jur. Lib. II. Tit. III. §. V. n. 3.*

Aphor.

## Aphor. V.

JUMENTVM VEL VEHICVLVM) Jumenta sunt animalia vehendis hominibus idonea, vehiculum est, quo persona, non onus, vehitur. Non itaque, hac servitute constituta, licet vehiculum onustum agere *L. I. & XI. D. de servit. prædior. rusticor.* Latitudo fuit quatuor pedum, ut observat *MENAGIVS Amoenit. Jur. Civil. cap. XXXVI.* Hæc servitus itaque regulariter servitutem itineris simul continet *L. LVIII. de Verbor. obligat.* Recte tamen monet *BÖHMER. Jur. Digestor. tit. de Servitut. præd. rustic. §. II.* posse & pacto servitutem itineris a servitute actus separari, imo ipsam hanc servitutem dividi. Cujus intuitu actum in plenum & minus plenum distinguit.

## Aphor. VI.

LATITVDINEM) & altitudinem. Liberum enim spatium versus cælum ita patere debet, ut hasta erecta absque impedimento ferri possit *L. VII. pr. de Servitut. præd. rustic.* quod nostrates ita explicant, daß ein beladen Fuder Heu passieren kan. Quare dominanti etiam jus concedunt, ramos arborum propendentes amputandi, qui impedimento sunt. Patet vero inde, servituti viæ servitutem itineris & actus inesse, adeo, ut si quis iter & actum acceptum tulisset, viæ quoque perimeretur obligatio *L. XIII. §. I. D. de acceptil.* Ut autem hæc lex de eo solum loquitur, quod ipso jure fit, ita certe pactis omnino effici potest, ut iter & actus a via

separetur. Clara hanc in rem extat dispositio *L. IV. §. I. D. si servitus vindicetur.*

### Aphor. VIII.

ET HODIE AD REGALIA PERTINET )  
Tu potius nota: triplex esse jus viarum publicarum. Alterum usum earum respicit, alterum reparationem, alterum denique jurisdictionem. BEYER. *Jur. German. Lib. II. cap. VIII.* Usus viæ publicæ omnibus patet, tamque late ideo patere debet via, ut currus currui cedere possit *JVS PROVINC. SAXON. Lib. II. art. LIX.* Onus reparandi viam, ac præcavendi, ne peregrinantes detrimenti quid capiant, superioris est, cui vectigal exsolvitur *ZIEGLER. de Jur. Majestatis Lib. II. cap. XVII. §. XII.* Jurisdictionem denique in viam publicam ratione criminum, quæ ibi committuntur, Principes sibi regulariter reservare solent *LD RM d. l. §. XXX. seqq.*

ADD. LAND-RECHT ) Quocumque etiam convenit *JVS PROVINC. SVEVIC. cap. CCXXXII.* hasque dispositiones in Saxonia usu servari testatur *ZOBEL. P. II. Diff. XLV. n. I.* add. etiam *FELTMANNVM Diff. de vehiculis sibi obviis.* Paulo aliter vero sese res habet, quando currus obvii sunt vehiculis postarum. His enim reliqui ex moribus Germaniæ indistincte cedere debent, minimè, si ita onusti sint, ut cedere nequeant, progredi ulterius jubentur, donec postarum vehiculum transierit. Ex his vero ipsis, si concurrant invicem, reliqui omnes cedunt currui, qui stata tempora vehendo servat, modo tamen ubique corniculum prius

prius inflatum sit. vid. *Introd. in Jus Saxon. P. II. Ex. IX. §. XXIV.*

### Aphor. IX.

**IUS AQUAE DUCENDAE**) Eosque aquæductus, tam publicos, quam privatos fuisse constat. Erant vero Romani in iis exstruendis tam splendidi, tamque magnifici, ut ad prodigalitatem & luxuriam usque sumtus impenderent etiam privati, quibus volupe erat, euripos in tricliniis & cubiculis effodere, in quibus pisces inter coenandum caperent. Vid. *SENECAM Natur. Quæst. Lib. III. cap. XVII. PLINIVM Epistol. Lib. V. Epist. VI.* Hodie ob prædiorum nostrorum & Romanorum diversitatem servitus aquæductus in prædiis rusticis rarius usu venit. Frequentior est in prædiis urbanis, cum primis in civitatibus, quibus aqua prior deest, ut sic opus habeant cives, eam ex locis remotis in utilitatem prædiorum ducendi. Quod, cum facile fieri nequeat, quin fistulæ & canales per fundum alienum ducantur, constituenda est servitus aquæducendæ. Imo hoc etiam in Germania singulare est, quod servitus hæc, quæ jure Romano individua erat, hodie sæpenumero dividatur, ita quidem, daß einem das ganze, halbe, oder Viertel Rühr-Wasser concedatur.

### Aphor. X.

**FORTE VEL PVTEO**) Cur vero non ex lacu vel stagno? Quia non adest causa perpetua, id est naturalis aptitudo ad perpetuam utilitatem præstandam. *L. XXVIII. D. de Servit. prædior. urban.*

Id enim servitutibus apud Romanos constitui solitis proprium erat, ut perpetuam haberent causam. Quare nec foramen proluendi pavimenti causa in vicini pariete haberi posse putabant. d. L. Verum hujus opinionis Auctor sibi ipsi non satis constat, dum alibi in *L. IX. D. de servit. prædior. rustic.* aquæ haustum ex quocunque loco constitui posse asserit. Unde & nos hodie istam subtilitatem non sequimur.

### Aphor. XII.

ITA CONSTITVTVM HABENT) Verum ad id, ut dominus servientis prædii pecora sua simul pascat in locis, ubi servitus concessa, non opus videtur peculiari constitutione juris compascui, nisi eo effectû, ut idem jus pascendi habeat, ac dominus prædii dominantis. Non enim prohibent leges, ne serviens, constituta alteri servitute, pecora sua simul pascat. Sed hæc facultas, ut restringatur ad eum casum, quando pastura utriusque pecoribus sufficit, analogiæ juris & æquitati convenit. Alias enim cedere debet. Siquidem dominans ex jure servitutis constituto jus perfectum & quæsitum habet, quod serviens ipsi intervertere nequit. Et interverteret tamen, si pecora sua, dum pastura esset insufficiens, simul pasceret. Nec aliud ex *L. XIII. §. I. D. Commun. prædior. & L. VI. C. de servitut.* ex quibus alias Doctores colligunt, servientem dominanti esse præferendum, si pastura non sufficeret, evincitur. Cuilibet enim has leges inspicienti statim patebit, nihil præsidii eas huic interpretationi asserre, longeque diversos casus ibi occurrere. Hoc vero



vero rationis quoque esse videtur, ut serviens jure compascendi utatur, etiamsi illud per longissimum tempus non exercuerit. Cum enim id juris ipsi naturaliter competat, prius ab usu excludi non poterit, quam ipsa libertas naturalis sit usucapta *L. VI. pr. de Servit. pradior. urbanor.* hoc est, postquam dominans exercitium juris prohibuerit, serviensque in hac prohibitione acquieverit add. *L. XLV. D. de usurpat.* BERGER. *Oec. Jur. Lib. II. Tit. II, §. XXII. not. I.*

**JVS COMPASCVI VOCATVR**) Quam maxime enim differt jus compascui a jure pascendi. Non quidem in eo, ceu perhibere solent, quod in mera familiaritate & precario nitatur, quod semper revocabile sit, quod non aliam, quam immemorialem præscriptionem admittat. Jus familiaritatis enim eodem modo, ut servitus non præsumitur. WERNHER. *P. VIII. obs. CCCLVIII.* Sed hæc potius est differentia, quod jure pascendi constituto dominus prædii servientis jure dominii pecora sua simul in fundo proprio pascere possit, jure compascui vero constituto idem jus jure communio- nis exerceat. Deinde quod servitus pascendi non præcise prædia dominantis & servientis vicina requirat, sed in uno agro esse possit, jus compascui vero in agris confinibus locum habeat, & mutua in his servitatem requirat CARPZOV. *P. II. Const. XLI. def. IX. MEVIUS P. V. Decif. CCLI. n. 8.* Quapropter, qui jure familiaritatis & in vim precarii jus compascui concedit, cautus sit, necesse est, ne probatio aliquando desit, neve pro jure  

O 5

potius

potius præsumatur. Quod facile evitabit, si literas reversales sibi exhiberi curet.

### Aphor. XIII.

LIGNANDI) Addere poteris jus habendi turguriolum in alieno, jus remonis immittendi in fundum alienum, jus excutiendi frumentum in area aliena, jus uvæ exprimendæ in alieno, & sexcenta alia jura. In solo enim domini arbitrio positum est, quid juris alteri in suo concedere velit.

### Tit. IV.

## De Servitutibus prædiorum urbanorum.

### Aphor. I.

TENETUR) Quod anomalum esse, cum Romani non haberent servitutes, in faciendo consistentes, jam supra dixi, sed simul, quid de hac anomalia sentiam, exposui. Putant tamen alii, qui alias nobiscum sentiunt, quod re ipsa anomalia quædam hic non occurrat, & plane accidentale, non naturale, servitutis oneris ferendi sit, ut serviens parietem reficiat, eaque propter, idem illud pacto efficiendum esse, sibi persuadent, atque PAVLUM in *L. XXXIII de Servit. prædior. urban.* in partes suas vocant. Sed hanc argumentationem meam facere non possum, siquidem *d. L.* procul dubio explicanda est ex *L. VI. §. II. D. si servit. vindicet.* Ex hac vero clare elucet, naturam servitutis onus reficiendi ingredi. Nec aliud loqui-

loquitur Paulus. Naturale enim esse ait, ut, qui onus ferre in proprio pariete consentit, in id quoque consentiat, ut parietem reficiat, quo servitus suam habeat effectum. Et sic, qui reficere novult, ut se pacto interveniente ab hoc onere liberet, necesse est. Caterum essentia servitutis in eo solo consistit, ut serviens onus ferat.

### Aphor. III.

PROJICIENDI, PROTEGENDIVE) Quæ ita differunt. Ibi jus competit habendi partem ædificii supra aream vicini propendentem, nec in ædibus vicini quiescentem *Eckter, Ausgebäude*. Hic jus est rectum supra alterius aream ad avertendos imbres extendendi, *Wetter-Dach*. Utraque servitus documenta est, posse acrem, ut res communis sit, in dominio privati esse, quatenus ejus territorium circumdat, adeoque alium prohiberi, ne ejus usum pro lubitu intercipiat.

### Aphor. IV.

ALTIVS TOLLENDI) Quam servitutem tum usum habere dicunt, quando quis statuto vel lege prohibetur, ne altius tollat, sed certam ædium mensuram servet, quale quid olim apud Romanos obtinuisse, ex *L. XI. de servit. prædior. urban. L. I. C. de servitut. L. I. C. de ædific. privat.* aliisque non obscure colligitur. Verum valde dubito, an, lege prohibitiva extante, in privati arbitrio positum sit jus concedendi, ut vicinus altius tollat, cum certe id privatis dari nequeat, ut legi prohibitive vim obligandi detrahant. Quare dubio procul casus est

est præsupponendus, quando ejusmodi lex favorem vicinorum respicit, ipsisque ideo integrum manet, utrum favori renunciare velint.

ALTIVS NON TOLLENDI) Quæ servitus proprie non luminum vel prospectus causa constituitur, sed ne liberior aer nobis intercipiatur. Inde ob favorem annonæ ipso jure talis servitus imposita erat apud Romanos, ne vicinus mihi ventum interciperet, quo ad secernendas paleas a frugibus indigebam *L. fin. C. de servitut.* ibique BAVNEMANN. Cæterum viridaria supra altitudinem habere omnino licet, etiamsi luminibus officiat, vel prospectus impediatur *L. XII. de servit. prædior. urban.* Quæ omnia secus, si servitus luminum aut prospectus sit constituta.

### Aphor. V.

SERVITVS LVMINVM) Quia non opus, quando quis fenestras in suo aperire, perque eas lumen cum conclavibus suis communicare constituit. Id enim, quousque lex non obstat, (quod JURE LVBE-  
CENSI fieri discimus ex *Lib. III. Tit. XII. art. XIII.*) naturaliter cuique facere licet, modo tamen fenestræ valvis careant, quoties versus vicini aream aperiuntur. Consuetudinis enim est, ut evitandi abusus causa fenestras quidem aperire, neutiquam vero fenestras apertas habere possim. Interim cum & vicino naturaliter liceat, ut fenestras, quas in meo habeo, obscurare possit, opus omnino est servitute, ne luminibus officiat. Non itaque servitus, ne luminibus officiat, ad id comparata est, ut servitus luminum conservetur, cœu erronee  
putat

putat DVARENVS *Disput. annivers. Lib. I. cap. XXXIII.* cum servitus luminum in alieno pariete constituta jam contineat alteram, ne luminibus officiat, alias enim illa nullum haberet effectum; sed eo tendit servitus ista negativa, ut evitem obscuracionem luminum, quæ per proprium parietem ædes meas intrant.

LUMINA OBSCURENTVR ) Anne vero obscuratio permitta, si ille, cui servitus est constituta, fenestras prioribus inferiores aperiat? Responde: Nisi hoc speciatim actum, ne luminibus, quæ nunc sunt, officiat, obscuratio non licet *L. XXIII. pr. de servitut. prædior. urbanor.*

### Aphor. VII.

DECIDERE PATI DEBET ) Non vero dominans demittere potest tectum, vel producere *L. XX. §. V. D. de servit. prædior. urbanor.* Rationem dispositionis, quod demitti non possit stillicidium, nonnulli eam esse dicunt, quia pro stillicidio fieret flumen. Verum flumen & stillicidium non dijudicantur ex altitudine tecti, unde cadunt, sed ad id potius respiciendum, utrum aqua e singulis tegulis per guttas cadat, an per canale collecta fluat. Et sic certe, licet tectum demittatur, ex stillicidio non potest fieri flumen THOMASIVS *Diff. de servitut. stillicid. §. LXXXIV.* Vera itaque ratio ea potius est, quod per demissionem servientis fundus majori incommodo afficitur, quod in doctrina de servitutibus fieri posse leges negant, & generatim ubique extensionem servitutis in præjudicium servientis prohibent, magisque interpreta-



tionem semper restrictivam adhiberi jubent. Eadem ratio est, cur dominans stillicidium non possit producere, & v. c. si ipsi competat jus stillicidii per tres pedes in vicini aream, rectum ita ædificare, ut stillicidium cadat per sex pedes. Per productionem enim nunc stillicidium cadere incipit in majori parte prædii servientis, quam in qua posita est servitus, & ita servitus ultra conventionem extenditur.

### Aphor. IX.

(SERVITVS CLOACAE) Quæ tamen quam maxime differt a servitute latrinæ, cum ibi non liceat, urinam & excrementa ejicere, bene tamen hic. Latrinas enim, in quas purgamenta alvi dejiuntur, quales nos habemus, Romani plane ignorant. *PLINIVS Histor. Lib. XXXVI. cap. XV.* Cloacæ vero, sive loci cavi, per quos colluvies fluit, stupendis sumtibus a Tarquinio Prisco extructæ sunt eo fine, ut sordes urbis in Tiberim deducerentur *LIVIVS Lib. V. cap. ult.* Suntque sine dubio earum reliquæ cryptæ Romanæ, de quibus *PAULI ARINGHII & JACOBI BOSII Roma subterranea* extat.

(IN VICINI AREAM IMMITTIT) Anne itaque, cum hodie cloacas Romanorum ignorent nostrates, latrinam in suo pro lubitu ædificare licet. Ita videtur, cum id naturalis libertatis sit, in suo ædificare. Verum cum æquitati conveniat, ne sub prætextu juris permissivi alteri reale damnum inferamus, placuit etiam majoribus nostris, ut jus latrinam extruendi limitaretur. Voluerunt itaque

que latrinam a vicini fundo minimum tres pedes abesse. JVR. WEICHBILD. *art. XXII.* add. BERGER. *Oecon. Jur. p. m. 313.* In Provinciis vero, quæ jus Saxonicum non servant usu, *L. XIII. Finium regund.* in subsidium vocant, tantumque spatium inter latrinam & vicini fundum intercedere debere putant, quantum profunditatis habet latrina. CARPZOVIVS quidem *Decis. CVIII.* hoc sufficere existimat, ut latrina ita muniatur, ne humores in vicini fundum penetrare possint, sed rectius defendit STRYCK. *de jur. sens. Diss. V. cap. III. n. 19.* foetoris quoque habendam esse rationem. Plane, si extructa jam latrina appareat, eam vicini fundo damnum reale inferre, dominus cogi potest, ut illam iterum tollat *L. XVII. §. II. si servit. vindic.* LEYSER. *Spec. CVII. med. IV. sqq.*

Tit. V.

Communia prædiorum tam urbanorum  
quam rusticorum.

Aphor. II.

**Q**VAM IPSORVM DOMINIUM SVBSISTIT) Generatim, ut servitus perpetua, nec revocationi sublit, requiritur constituentem esse I) dominum, cujus jus dominii tempore non expirat. Alias enim in sui præjudicium solum servitutem constituit, ob regulam: Resoluto jure dantis, resolvitur quoque jus accipientis, II) dominum totius rei. Condominus in re communi servitutem non constituit *L. II. de Servitut. L. VI. §. I. Commun. prædior.* In re communi enim,  
quam

quam plures indivisam tenent, semper melior est ratio prohibentis, & unus, reliquis invitis, aliquid innovare, remque onerare nequit, III) dominum plenum, cui libera disponendi competit potestas. Quodsi enim tertio jus aliquod in re domini quasi-tum est, id dominus nulla ratione intervertere nec alterius conditionem deteriore effecere potest. Quare ne domino quidem hæc facultas concedenda, ut in præjudicium usufructuarii servitutem constituat. Accedente vero ejus, qui jus in prædio habet, consensu constitutam servitutem subsistere, rationis est, & Legibus Romanis convenit. Clara enim adest *L. XVI. de usufr.* dispositio, & inde *L. XV. §. final. Eod.* emendanda, ceu probe observat BYNCKERSHOECK *Lib. I. obs. XI.*

PRAEDII DOMINANTIS DOMINVS )  
Imo potius Juris Romani principiis convenit, ut nemo servitutem acquirat, nisi sibi ipsi, *L. V. Commun. præd.* modo tamen simul sit dominus. Quod inde est, quia nemo alteri obligationem acquirere poterat. §. XIX. *J. de inutilib. stipulat.* In usufructuario autem, quod acquirere non posset servitutem, specialis hæc adhuc ratio subest, quia restituere debebat prædium in eadem substantia, & sic ne melius quidem id reddere poterat. Sed hodie cum cesset ista subtilitas, nilque obstat, ne tertii etiam ignorantis commodum promoveamus, in acquirenda servitute ne opus quidem est, ut dominum prædii habeat acquirens, sed quicumque servitutem acquirit, ideo cum effectu acquirit, quia conditionem prædii meliorem facit, atque de  
jure

jure præsumitur, neminem dissensurum, in re, quæ utilitatem ipsi affert, add. SCHILTERVM *Exerc. XVIII. ib. XXXV.*

Aphor. III.

EX PRAEDIORVM CONTIGVITATE) Ita L. VII. §. I. D. *Commun. prädior.* explicant, indeque regulam generalem depromunt, in servitutibus prædia solum vicina, non vero contigua esse debere. Sed vereor valde, ne regula ita generaliter posita cum legibus non solum Romanis, sed etiam cum natura quarundum servitutum aperte pugnet. Utut enim eorum opinioni haud subscribam, qui JCTos Veteres semper & ubique contiguitatem prædiorum desiderasse autumant, in ea tamen illos fuisse causa video, ut servitudes prædiorum urbanorum primo & prædiorum rusticorum distinguerent, atque in his quidem, non vero semper in iis medium prædium servitutem impedire, statuerent. Certe de servitutibus prædiorum rusticorum clara lex extat in L. VII. §. I. *de Servitutib. prædior. rustic.* L. V. §. I. *Eod.* de prædiis vero urbanis conferri potest L. I. *de Servitut. prædior. urban.* & d. L. VII. §. I. *Commun. prædior.* Deinde servitudes prædiorum urbanorum sigillatim a se invicem distinxerunt, & mox medium prædium intercedere posse negarunt, mox affirmarunt. d. L. I. *de S. P. urb.* L. XXXVIII. *Eod.* Nam quædam servitudes v. c. oneris ferendi, tigni immittendi, ita natura sua sunt comparatæ, ut contiguitatem requirant. Quamvis vero JCTi non adeo tenaces fuisse videntur principii, quin nonnunquam ser-

P

vitutem

vitutem in rusticis prædiis non contiguis constitui posse putarent, ceu ex collatione legum allegatarum patet, nec ideo nostratibus vitio sit vertendum, quod ad contiguitatem præcise non respiciant, eam tamen ubique & hodie adesse debere, existimo, quando natura servitutum contiguitatem necessario requirit.

UTILITATEM CAPIAT EX PRAEDIO SERVIENTE) Quæ tamen amoenitatem & recreationem sub se complectitur *L. III. pr. D. de aqua quotidian.* Quale exemplum est in servitute prospectus. Ad id tamen, ut servitus prædialis ex amoenitate concessa oriatur, hæc ipsa prædii dominantis conditionem meliorem faciat necesse est. Alias enim, si personæ solum proficua sit, v. c. si spatium, pomum decerpere, coenare in alieno conceditur, servitus personalis inde potius oritur *L. VIII. pr. de servitut.*

SIT CONTINVA ET PERPETVA) Tetigi jam supra hanc Juris Romani subtilitatem. Hoc solum addo, veteres, ut hoc requisitum ponerent extra dubium, ita esse argumentatos: Servitus est Jus. Jus operatur facultatem id quocunque tempore exercendi. Si vero causa servitutis non est perpetua, dominans illam facultatem non habet. Ergo causa servitutis, ut ipsa servitus, tanquam jus, debet esse perpetua. Sed vidit jam Prætor, hanc Philosophiam nimis subtilem esse, & ideo contra jus strictum servitutes temporales admisit. *L. IV. pr. D. de Servitut. add. L. IX. de Servit. prædior. rusticor. L. I. Commun. prædior.* Quid mirum



mirum igitur, nostra ætate veram esse servitutem, quæ causam perpetuam non habet.

#### Aphor. IV.

COINCIDIT QUIDEM ALIQUANDO) Id est, non requiritur, ut post promissionem sequatur quasi traditio, sed simulac promissio facta, jus reale incipit, adeoque ipsa promissio, quod quis facere nolit, est instar quasi traditionis, quia hæc per rerum naturam fieri nequit. Sunt vero & affirmativæ servitutes per ultimam voluntatem promissæ ita comparatæ, ut quasi traditio accedere non debeat, sed jus reale statim post mortem testatoris ipso jure incipiat *L. XIX. §. I. D. quemadmod. servitut. amittantur.* quod generale est in omnibus iis, quæ ultima voluntate acquiruntur. Est tamen hic aliqualis adhuc inter promissionem & acquisitionem differentia. Promissio enim acquisitionem tempore præcedit, illaque ne personale quidem jus, sed spem solum tribuit, donec morte confirmetur. Hac vero secuta jus perfectum oritur servitutem exercendi, modo heres hereditatem adeat.

#### Aphor. VI.

EXPRESSA DOMINI CONCESSIONE) Anne itaque ipso facto seu tacite? Minime. Nam, ut id nominatim agatur, quando servitus imponenda est, leges clare loquuntur *L. XXX. pr. de Servit. prædior. urbanor. L. VII. L. X. D. Commun. prædior.* Inde binis ædibus, quæ una consignatione teguntur, diversis legatis, servitus tigni immittendi

uni alterive constituta non videtur, sed tignum commune duorum vicinorum fit *L. XXXVI. de Servit. prædior. urbanor.* Pari ratione, si quis duas tabernas conjunctas habet, ita quidem, ut ex superiori in inferiorem ædificatum sit, easque deinde singulis legat, servitus tamen oneris ferendi non est constituta *L. I. D. de Servit. legat.*

NEC REQUIRITVR PRAECEDENS TITVLVS )  
Inde tamen haud concludendum, tanquam in præscribendis servitutibus bona fide non sit opus, cave ratione, sive quis contra dominum sive contra non dominum præscribat, patientiam sufficere, sive præscribentem non vi, non clam, non precario possidere. Nam recte monet LEYSER. *Spec. CX. med. IV.* in allegata *L. X. si servit. vindicetur*, sermonem esse de antiquo Jure Romano, siquidem JUSTINIANVS in *L. XII. C. de præscript. long. tempor.* præscriptionem servitutum cum præscriptione rerum corporalium plane exæquavit, & ubique bonum initium desideravit. Quare necessitatem bonæ fidei recte urgent WERNHER. *P. III. obs. LXXIII.* pluresque alii a LAUTERBACH. *Colleg. Pand. tit. de Servit. th. XIV.* citati. Cæterum nihil ratione præscriptionis inter servitudes rusticorum & urbanorum prædiorum intercedere differentiae, jam supra docui. Argumentis vero eorum, qui in rusticorum prædiorum servitutibus præscribendis tempus immemoriale requirunt, satisfecerunt WESEMBEC. *ad tit. de servit. §. V.* BACCHOV. *ad Treudler. Vol. I. Disp. XVII. §. I. lit. a.*

Tit.

Tit. VI.

De ipsa servitute constituta & inde  
oriante actione.

Aphor. I.

**S**VO PRAEDIO VTILE EST) Non itaque ad necessitatem solum exercitium servitutis restringi potest, sed utilitatem etiam completur, modo tamen eo non extendat jus suum dominans, ut praedium serviens noceat. add. *L. XXIV. D. de Servitut. praedior. rustic.* Semper enim, ut diximus, ea in argumento de servitutibus capienda est interpretatio, ut praedium serviens minimo damno afficiatur.

SERVITUTEM AVTEM SERVITUTIS) Id est, ipsum jus suum alteri cedere, sibi; alium, qui jus reale habeat, substituere nequit, quamdiu ipse praedium possidet, nec partem servitutis in alium derivare licet. Ast usus servitutis, jure penes dominantem manente, concedere potest, si servitus sit personalis, quod secus in servitute reali. Hæc enim praedio præstatur a praedio, adeoque in alium transferri nequit, qui non est dominus prædii.

Aphor. II.

PERMITTENDUM) Probare itaque debet actor, I) servitutem sibi esse constitutam, das Besugniß, cum in eo positum sit fundamentum actionis *L. IX. C. de servitut.* II) turbationem alterius, quia facti est. Ita, si servitutem affirmativam vindicat. Sin negativam, vel promissionem, vel, dum in præscriptione se fundat, quia inter-

P 3

missio

missio cujusdam facti per se est actus mere facultatis, prohibitionem præviam, alteriusque acquiescentiam. In utroque demum casu paratus quoque sit ad probandum, si reus id urgeat, dominium prædii dominantis, quamvis hic probationem anxie conquirere non debeat, si in possessione prædii sit constitutus *L. XVI. D. de exception.* Generatim enim, quando dominium incidenter probandum est, illud ex sola possessione iusta probatur. Plane, si, qui servitutem sibi constitutam asserit, sit in quasi possessione ipsius servitutis, possessorium processum eligere, seque hoc ipso a probatione servitutis constitutæ liberare potest, cum probata quasi possessione in possessorio tuendus sit, *STRYCK Uf. Mod. Dig. tit. si servit. vindic. tb. I.*

### Aphor. V.

HAVT PROBARE TENETVR ACTOR) Si-  
ve reus in possessione servitutis sit, sive non. Nam  
possessio solum id operatur, ut reus tamdiu manute-  
nendus sit, quamdiu petitorium non est discussum  
*SCHILTER. Exerc. XVIII. tb. XXXVIII.* Sunt  
quidem multi, qui reo in possessione constituto  
actori probationem libertatis imponi debere putant,  
inter quos eminet *MEVIVS P. VIII. Decif.*  
*CCXCII.* *BEYER. Posf. ad Dig. tit. si servitut.*  
*vindic. posf III. sq.* Eamque suam sententiam  
in *L. VII. §. fin. D. de liberal. causf.* inniti cre-  
dunt. Verum hæc lex de libertate personali con-  
cepta est, a qua ad libertatem prædiorum ob ratio-  
nem diversitatis non valet consequentia. Cum  
enim semel introducta servitute homines vel liberi  
nascun-

nascantur vel servi, atque sic originaria detur servitus personalis, possessio certe liberi hominis, qui hucusque servitia præstitit, vincit præsumptionem libertatis. Ast prædia omnia ratione originis sunt libera, & sic possidenti adhuc præsumptio libertatis obstat. THOMASIVS *Diff. de onere probandi in actione negator.* §. XX. & XXXI. HERTIVS *de quasi possess. proband. Sect. II. §. I. seq.* Præterea vero, qui prædium liberum esse asserit, nil ait, quod probari queat. Accedit & hoc, quod inusitatum non sit, possessorem probare debere, quando actor in negativa se fundat. L. XVI. D. de probat. Interim, qui actione negatoria utitur, cautus sit I) ut statim alleget, quo jure rem suam possideat, idque sub ingressu litis statim demonstret, alias enim ipsi obstat exceptio præjudicialis nondum probati dominii, II) ut in simplici negatione persistat. Præterea enim, si simul aliquid asserit, probationem ejus suscipiat, necesse est.

VI AUT CLAM VTI) Hoc tamen in casu actori probandi onus incumbere, BERGERVS *de Usu Action. rei persecutor.* §. X. in dubium vocat, & THOMASIVS *in diff. de onere probandi in action. negat.* §. XXII. *sqq.* simpliciter negat. Quam sententiam suam quoque facit LEYSER. *Specim. CIX. med. VIII.* Et certe, qui clandestinitatem allegat, nihil dicit, quod probare possit. Violentia vero adhibita, quamvis tum, si aperta sit, ostendi queat, ea tamen probata judicem nondum convincit, cum, qui vim adhibuit, injuste exercuisse servitutem, cum & vim pro conservando jure



adhibere licet. Verum si actor reum jure familiaritatis servitutem exercere dicat, vel ad precarium confugiat, diversam rationem esse credo. Non enim probari solum potest hoc assertum, sed probatum etiam ipsam servitutem præsentiam evertit.

PROBANDA ERIT AB ACTORE) Caveat etiam actor, ne se fundet in quasi possessione libertatis, sed simpliciter magis ad libertatem provocet. Id enim qui facit, possessionem probare tenetur, quia possessio non præsumitur, sed semper facti, & animo atque corpore acquirenda est *L. VIII. D. de acquir. vel amittenda possess.* add. BERGER. *Resol. Lauterbach. tit. de acq. vel amitt. possess.* ut & *Elect. Proc. Possess. th. X.* Existimat tamen WERNHER. *P. I. Obs. CCLXXIV.* posse judicem, cum primis, si libello clausula salutaris adjecta sit, imprudentiæ actoris succurrere, atque ex æquitate libellum incongrue formatum perinde accipere, atque si actio negatoria instituta fuisset.

### Aphor. VI.

AD EA NEGANDA) Confessoria itaque actione recte utitur ille, cui vi privilegii aliquid a jure communi diversum conceditur, ut alterum ab ejusdem juris exercitio excludat. Negatoria utilis est, quando quis sibi aliquid singulare contra jus commune asserit, & sic aliorum libertatem naturalem turbat. Ut autem illa sine dubio cessat contra eum, cui simile privilegium concessit Princeps, quod eum facere posse rationis est, nisi forsan priori privilegiato ex conventionem antecedente jus simul prohibendi indultum; ita hæc, nempe negatoria,  
tum

tum demum effectum habebit, quando ipsa libertas naturalis lege non est circumscripta. Sic frustra in Saxonia libertatem naturalem allegabit, qui iure braxandi ad usum propriæ familiæ utitur, a civitate contradicte, cui indistincte intra milliare jus prohibendi concessum, ne quis cerevisiam coquat. De quo ipso jure prohibendi, ejusque efficacia latius egi in *Introduc. ad Jus Saxon. P. I. Ex. IX. lib. XXIV. sq.*

Tit. VII.

Quemadmodum servitutes amittantur.

Aphor. I.

**P**ER CONFUSIONEM) Sive consolidationem, quibus vocabulis Jcti fere promiscue utuntur, quamvis confusio proprie de personalibus, consolidatio de realibus servitutibus prædicetur. Interest tamen, utrum consolidatio totius prædii intuitu, an pro parte solum fiat. Ibi enim tota servitus cessat, hic pro parte solum extinguitur *L. VIII. §. I. D. de servitut. L. XXX. D. de Servitut. prædior. rusticor.*

REVIVISCET SERVITVS) Quod intellige de eo casu, quando quis fundi dominium acquisivit ad tempus & revocabiliter, v. c. per dotis dationem, vel cum pacto de retrovendendo. Tum enim servitus non extinguitur, sed ejus exercitium saltem suspenditur *L. VII. D. de fund. dotal. L. XVIII. D. de servitut.* Dominio vero fundi in perpetuum acquisito ita extinguitur servitus, ut, subsecuta licet postea alienatione, nunquam tamen,

nisi denuo constituatur, iterum reviviscat. *L. XXX. D. de Servit. pradior. urbanor.*

### Aphor. II.

TOTVS SERVITVTIS LOCVS INTERIT )  
 Quod secus est in servitutibus personalibus. In realibus itaque, quousque solum vel area remanet, servitutem salvam manere, ejusque exercitium saltem, donec res restituatur, suspendi dicunt. Quo ipso tamen, si recte divino, ipsa regula fere destruitur, cum vix talis interitus cogitari possit, quin aliquid residuum maneat. Adeoque non errant, qui regulam ipsam ad inundationem perpetuam restringunt. Posses tamen & hunc casum addere, quando ipsa fundi species per terræ motum evertitur.

### Aphor. III.

NECESSARIO IMPEDIATUR ) Si nempe jus suum sibi non expresse reservaverit, & sic de contraria voluntate certo constet. Nec enim aliud ex *L. XVII. D. Commun. pradior.* conficitur. Qui enim animum suum non clare demonstrat, & tamen in fundo serviente quid fieri patitur, quod servitutem impedit, ille non potest non servitutem remittere. Rem exemplo illustrat LEYSER. *Spec. CX. med. 1.*

### Aphor. IV.

NON VSVS FVIT ) Ut vero usus non qualiscunque sufficit, ut servitus acquiratur & conserveatur, sed in utente requiritur iusta opinio, se suo jure uti. *L. XXV. D. quemadm. servitut. amitt.* Et sic etiam, qui alia aqua usus est, quam de qua  
 in

in imponenda servitute agebatur, servitutem amittat. *L. XVIII. pr. Eod.* Ita e contrario omnis non usus non sufficit, ut servitus extinguatur. Sed hic effectus ut sequatur, usus I) in totum debet intermitteri, ut sic, cui iter & actus constitutus, actum conservet, modo statuto tempore iverit *L. II. D. Eod.* aliud exemplum vide in *L. XVIII. de servit. præd. rustic.* II) Non usus debet esse voluntarius *L. XXXIV. §. I. Eod.*

SIBI LIBERTATEM PARITER ACQUIRAT)  
Verum differentia, quod nonnullæ servitutes non usu amittantur, aliæ non, neutiquam quærenda est ex earum conditione extrinseca, tanquam aliæ sint urbanæ, aliæ rusticæ, sed ad ipsam potius earum naturam est respiciendum, ita quidem, ut illæ, quarum usus positus est in actu & exercitio ejus, cui debetur, amittantur non usu, illæ vero, quæ in sola ejus, qui debet easdem, patientia consistunt, ad sui amissionem præter non usum requirant adhuc factum domini prædii servientis, quod contrarium sit usui servitutis, & argumentum interruptæ patientiæ. Unde & fieri potest, ut ad amittendas servitutes prædiorum rusticorum solus non usus nil conferat. Conf. THOMASII *Diff. de Servitute stillicid. §. XXIII. sqq.* BERGER. *Oecon. Jur. L. II. Tit. III. §. XXIII. n. 2.* Cæterum, quæ de non usu servitutum diximus, non eodem modo obtinent, quando quis, ubi servituti certus modus præfinitus, eadem abutitur. Nam contra eum, qui servitutem extendit, actio solum personalis competit, ad id, ut intra limites sese conti-

tineat, & damna data refarciat. Ille vero demum, qui plane aliud facit, quam in servitute est, amissione servitutis punitur *L. XI. pr. D. Quemadmod. servitut. amittant.* ibique BRUNNEMANN. add. HUBERUM, *Prælect. ad d. tit. §. VIII.*

### Aphor. V.

OB RESOLUTUM JUS CONCEDENTIS )  
Quod recte intelligunt de eo casu, quando jus concedentis per se resolvitur, siquidem ea jurium personalium est indoles, ut cum ipsa persona expirant, nec ideo, quas eorum intuitu possessor in se recepit obligationes, successorem stringant. Et sic etiam servitus a Vasallo feudo imposita, neque dominum directum neque agnatos tenet. *II. Feudor. VIII. §. I.* At, si ex libera voluntate, vel consentiente eo, qui constituenti servitutem succedit, res servituti obnoxia alienetur, fundus cum servitute transit.

### Tit. VIII.

De Servitutibus personalibus, nimirum usufructu, usu & habitatione.

### Aphor. I.

USUSFRUCTVS, VSVS ) Omnem inter duas has servitutes differentiam facili negotio ex nativa verborum uti, frui, significatione derivabis. Usus enim circumscribitur necessitate, fructus res etiam complectitur ad voluptatem comparatas. Quod luculenter demonstravit NOODT. *de Usufruct. Lib. I. cap. II.* elegansque eam in rem



rem locus SENECAE extat, qui in *tract. de vita beata cap. X.* ait: Tu voluptatem complecteris, ego compesco. Tu voluptate fruere, ego utor.

SALVA RERUM SUBSTANTIA) Sed hæc definitio ad rerum solum usumfructum, qui in rebus usu non consumtibilibus constituitur, applicari potest. Cum vero & detur quasi usufructus in rebus fungibilibus, rectius dixeris, usumfructum esse jus utendi fruendi re aliena ex serviture. Erant vero, si verum usumfructum spectes, Romani adeo tenaces principii sui, usufructuarium substantiam salvam conservare debere, ut non eo nomine cavere solum deberet usufructuarius, sed & ne meliorem quidem fundum reddere, eique servitutem acquirere posset. Hoc itaque solum præcavebat, ne fundus fieret deterior, quem in finem, ut fartam tectamque conservaret rem, in locum demortuorum capitum in usufructu gregis ex fœtu submitteret, in usufructu horti vel vineæ in vinearum vel arborum demortuarum locum alias substitueret. A qua tamen subtilitate Germani semper fuerunt alieni. Hi enim usufructuario ab antiquis temporibus præter jus utendi fruendi id etiam concesserunt, ut, modo jus domini non interverteret, domini utilis jure fruere, imo legem meliorationis fere ex ipsa usufructus Germanici natura subiret. SCHILTER. *Ex. XVII.* Idque ipsum variis exemplis & rationibus probatum dedit BEYER. *Jur. German. L. II. cap. XX. per tot.* Indeque facile componi potest lis de definitione feudi, quod usumfructum esse ipsum Jus Longobardicum affirmat. Aphor.

## Aphor. II.

VEL OFFICIO JUDICIS VSVSFRUCTVS DEFERTVR) Sic itaque ususfructus vel lege vel facto hominis constituitur. Lex usumfructum vel in favorem cujusdam assignat, vel pœnæ loco proprietati substituit. Id in legibus Romanis factum fuisse patris intuitu, ut emolumenta ex bonis liberorum adventitiis percipiat, noto notius est. Eadem ratione Jus Germanicum marito usumfructum assignat in bonis uxoris paraphernalibus, tutorilegitimo in bonis pupilli, imo & matri post mortem mariti in bonis liberorum *Land-Necht Lib. I. art. XI.* In pœnam deinde secundarum nuptiarum Jus Romanum matrem binubam usufructu rerum a priore conjuge relictarum contentam esse jubet *L. III. & Authent. Uxor. C. de secund. nupt.* Facto hominis constituitur a judice, si res præsertim communis commode dividi nequeat. *L. VI. §. I. de usufruct. L. XXII. §. III. Famil. erciscund.* Idque in omnibus servitutibus judici licet, ita quidem, ut ex officio servitutem prædialem constituat, si fundus forsan aliqui alias inutilis fieret, *L. penult. D. si servit. vindic. L. XLIV. §. ult. de legat. I.* Æquitatem tamen ubique observare debet judex, ut ille, in cujus præjudicium servitus constituitur, indemnitas præstetur. *BRUNNEMANN ad L. XVI. D. Famil. ercisc.* Imo in usufructu assignando id etiam consilii capere judici permittitur, ut eum alternative decernat, & illi qui altero anno proprietatem nudam habuit, altero usumfructum con-

concedat, quod vocant die Mutschierung. Privatus denique vel per conventionem vel per ultimam voluntatem usumfructum constituere potest. Ut vero ad effectum juris realis acquirendi quasi traditio conventionem sequatur, necesse est, cum e contrario, ubi iudex constituit, sola adjudicatio eundem effectum habeat. §. ult. *J. de offic. judic.*

#### Aphor. IV.

CORPORE SVO INTEGRÆ) Levem tamen attritionem leges admittunt. Et sic non dubitant, quin verus vestimentorum sit usufructus *L. XV. §. IV. D. de usufr. L. IX. §. II. D. usufruct. quemadm. caveat.* Distinguunt quidem nonnulli inter vestes quotidianas & festivas, & in his verum solum usumfructum admittunt, non in illis ob §. II. *J. de Usufr.* Sed, si ea, quæ de usufructu vestimentorum egregie disputat NOODTIVS *Probabil. Lib. II. cap. IV.* curatius pensites, distinctione illa haut videtur opus esse.

OMNIVM BONORVM VSUSFRUCTVS CONSTITVI) Tali usufructu legato, utrum usufructuarius a creditoribus ob debita hereditaria conveniri possit, dubium oritur, cum usufructuarius tanquam legatarius in jura defuncti non succedat, atque ideo Doctores tantum non omnes creditores ad proprietarium ablegent. Verum hoc incivile esse & aequitati repugnare, ut proprietarius, qui nulla hactenus ex hereditate percepit emolumenta incommode exsolvendi credita afficiatur, res ipsa docet. Rationi magis convenit,

ut

ut usufructuarius tanquam possessor totius hereditatis solvat, ipsique concedatur facultas, finito usufructu deducendi id, quod solvit, ex corpore bonorum. Idque ipsum legibus & præjudicio firmat LEYSER *spec. CVI. med. II.*

### Aphor. VII.

EX IPSA RE, EIVSVE ACCESSIONE, SALVA SUBSTANTIA) Item, quae occasione rei percipiuntur, ut sic fructus civiles simul comprehendamus. Licet itaque usufructuarius, quae ex re vel occasione rei immediate non percipiuntur, sibi haut vindicet, adeoque nec thesaurum suum faciat, qui neque pro fundi parte haberi, neque fructibus annumerari potest, *arg. L. VII. §. XII. solut. matrim.* ut dubitem quoque, utrum jus competat usufructuario, usuras ex thesauro invento percipiendi, siquidem ille res est a fundo plane separata LAVTERBACH. *Diff. de thesaur. §. XVIII.* MÖLLER. *ad Const. Elect. Sax. LIII. P. II. n. 7.* ut pars thesauri usufructuario jure forsan inventionis cedat; Ad comoda vero ipsa ex re provenientia, quod attinet, nil omnino interest, utrum frequenter percipiantur, an rarius eveniant, v. c. laudemium, sed indistincte usufructuarius ea facit sua, VOETIVS *ad tit. D. de usufr. §. XXVII.* unde tritam illam de proventibus metallicis controversiam confici posse existimo. Cum enim omnino falsum sit, metalla non renasci, & tempus solum longius ad renascendum requiratur, dubium esse nequit, quin plenus metallifodinæ usufructus relin-

linquendus sit usufructuario, cum nec usufructus sylvæ cædæ usufructuario denegetur, etiam si grandiores arbores longiori tempore ad renascendum opus habeant *L. IX. §. VII. de usufr.* add. HAHN *ad Wesenbec. d. tit.* LEYSER *sqcc. CVI. med. VII.*

AN VERO ALTERI LOCARE ) Non tamen jus ejus, qui exercitium usufructus ab usufructuario in se derivari passus est, ultra vitam usufructuarii durat *L. VIII. §. II. de pericul. & commod. rei vend.* Quare nec jure retentionis utitur, licet vel maxime pignus ab usufructuario in re sibi constitui curaverit *arg. L. VI. pr. quib. mod. pign. vel hypoth. solv.* Idque inde est, quia usufructus ipse jus personale est, & cum usufructuario expirat.

### Aphor. VIII.

PERCIPIT AUTEM ) Paucis tene regulam: Fructus percepti ab usufructuario statim transeunt ad heredes. Dicuntur autem percepti, simulac a fundo separati sunt, licet nondum collecti sint. Fructus non perceptos propriarius acquirit, ita tamen, ut impensas quærendorum fructuum causa factas restituat. Et hic jure civili nulla inter industriales & naturales fructus est differentia. Sed in Saxonia hoc juris in naturalibus solum obtinet WERNHER. *P. V. Obs. XCV.* Quid circa industriales juris sit, ex Auctore constat.

### Aphor. IX.

JURE SAXONICO OBTINEAT ) Mercedes nempe



nempe ex prædiis rusticis locatis quod attinet, cedunt illæ heredibus usufructuarii, si hujus mors postea contingat, quam colonus agrum sevit, & rastro subegit. Sin secus, proprietarius percipit pensionem. Reditus vero ex prædiis urbanis locatis non transmittuntur, nisi postquam dies venit. Modo tamen dies adhuc veniat intra diem tricesimum post mortem usufructuarii, cedunt hujus heredibus *CARPZOV. P. III. Constit. XVI. def. VII. & Constit. XXXII. def. XIX. add. HORNI Diff. de die tricesimo.*

### Aphor. X.

QVAM IN QVEM COMPARATA EST ) Pau-  
cis nota: Generatim ea licere usufructuario, quæ  
ad fructus melius percipiendos faciunt. In re ipsa,  
ex qua usumfructum percipit, nullum jus habet.  
Nam hanc ita semper conservare debet, ut maneat  
eadem res, fundique facies non mutetur. Sylva  
itaque utitur, ut maneat sylva *L. IX. in fin. §. XI. sqq. de Usufr.* grege utitur, ut maneat grex *L. LXVIII. in fin. L. LXIX. L. LXXII. §. III. D. Eod.* Germanos vero usufructuarium tam arctis  
limitibus non circumscribere, jamjam dixi. Qua-  
re & faciem fundi, si melior ejus fiat conditio, o-  
mnino mutare potest.

CAVTIO EXIGITVR ) Eo præsertim fine, ut  
res restituatur in eadem bonitate & qualitate. Inde-  
que opus est aliquali bonorum consignatione, quo  
certius sit, quantum sit restituendum. *BRUNNE-  
MANN. ad L. I. D. Usufr. quemadm. cau. LYN-  
CKER. Diff. de Caution. usufruct.* Cautio vero  
ipsa

ipla ita comparata sit, ut securus fiat proprietarius. Quare realem olim desiderabant Leges. Verum in subsidium omnino admittenda est juratoria cautio, si modo cavens sit homo spectatae fidei & probitatis. Quam ob rem judicis est inquirere in mores usufructuarii & deinde determinare, utrum admittendus sit ad juramentum, an potius res proprietario, vel tercio, praestita cautione, tradi, lexque illis de exsolvenda certa pensione, vel praestandis redditibus injungi debeat *AVTHENT. generaliter C. de SS. Eccles.* Interim tamen haec cautio non est de substantia ususfructus, sed ejus naturale solum, I) quia ususfructus ante eam subsistit *L. V. §. I. usufr. quemadm. caveat.* II) quia quibusdam personis remittitur, quod generatim fit, quando lex usumfructum alicui assignat. Lege vero tacente unice a proprietario, eorumque, quorum alias interest, arbitrio dependet, velintne cautionem praecise praestari, an eam remittere *L. I. C. de usufr.* Nam ne testator quidem eam cum effectu remittit *L. VII. C. ut in possess. legat.* *SCHILTER. Ex. XVII. §. LXV.* Sive vero lex, sive proprietarius cautionem remittat, ubique tamen praesupponitur, usufructuarium boni viri arbitratu uti. Quodsi itaque bona postea dilapidare incipiat, cautio recte urgetur, cum & hoc in argumento clausula subintelligatur rebus sic stantibus.

### Aphor. XI.

OMNEM REI CURAM SVSCIPERE) Quae vero suscipitur cura, vel respicit conservationem substantiae, vel percipiendos fructus. Illius funda-

Q 2

men-

mentum est obligatio usufructuarii, vi cuius rem in eadem qualitate & bonitate restituere debet. Hujus ratio in æquitate naturali nititur, cum rationis sit, ut eum sequantur incommoda, qui habet commodum, atque usufructuarius, dum finem, nempe perceptionem fructuum intendit, non possit non & media velle, sine quibus finem obtinere nequit. vid. *L. LII. D. de Usufr. MEYIVM P. VIII. Decis. CCLX.* Quodsi tamen usufructuarius sentiat, plus oneris, quam commodi ex usufructu redundare, potest ille ex permisso legum ipsum usumfructum derelinquere *L. XLVIII. pr. L. LXIV. sqq. Eod.*

IPSOS FRUCTVS EXSVPERANTIA) Quæ limitatio, utut satis æqua sit, non tamen videtur prius proprietario onus tributa exsolvendi incumbere, quam appareat, usumfructum plane esse inutilem futurum. Sic vero, quod vult tamen ZIEGLERVS *de Jur. Majest. L. II. c. III. §. XXXVII.* in computationem excessus non fructus solum & onera unius anni sunt referenda, sed potius ad redditus omnium annorum, per quos ususfructus duravit, erit respiciendum, argumento a conductore desumpto, qui sterilitatem unius anni cum ubertate alterius anni compensare debet.

### Aphor. XII.

UT CAVTIO PRAESTETVR) Quæ ipsa in locum proprietatis succedit, & essentiam ipsius quasi usufructus constituit. Cum enim *§. II. j. De Usufr. L. II. D. de usufruct. ear. rer. plenam de re dispositionem usufructuario concedat,*

dat, hicque ideo dominus rei fiat *L. VII. Eod.* certe proprietas omnis fieret inutilis, nisi mediante cautione conservaretur, ob quam fingitur, rem esse perpetuam. Quare, salvo negotio, ne quidem a proprietario remitti potest. Non enim posset non, cautione remissa, negotium in contractum mutui degenerare.

Aphor. XIII.

COMMODOVM TANTVM QVOTIDIANVM ET NECESSARIVM) Sic itaque usus necessitate circumscribitur, in qua tamen dijudicanda ad dignitatem usuarii est respiciendum, & familiam *L. II. §. I. L. IV. §. I. L. XII. & XV. de usu & habit.* Eoque temperamento adhibito & naturales & industriales fructus percipit, & impensas etiam pro rata fert, sive in rem ipsam, sive ob fructuum perceptionem fiant, modo deducto eo, quod ad necessitatem pertinet, aliquid residuum sit, quod proprietario accrescat. Sin secus, usuarius solus fert onera *L. XVIII. D. de Usu & habitatione.* Ut tamen usuarius ipse percipiat, necesse est. Nam usum alteri concedi nequit *L. VIII. L. XI. Eod.* cum certe, si hoc facit, satis indicat, quod ipse usu carere commode possit. Quodsi vero usus alias esset inutilis, vel conditio usuarii id postulet, leges eum alteri concedere permittunt *L. XII. §. IV. penult. pr. Eod.* Minus itaque esse in usu, quam in usufructu satis constat. Nec ideo absurdum est, in una eademque re alterum usufructum habere, alterum usum *HUBER. P. II. Digress. Lib. II. cap. XVI.* ibique *THOMASIVS.*

Q 3

Aphor.

## Aphor. XIV.

PERCIPIMVS ) Complectitur itaque habitatio  
 jus omnem utilitatem ex alienis ædibus ratione ha-  
 bitationis percipiendi, nec interest, siue quis ipse  
 inhabitet ædes, siue aliis habitationem concedat.  
 Et in eo sese satis distinguit ab usu ædium. Hic  
 enim, cum necessitate circumscribatur, jus percipi-  
 endi utilitatem ex concessione alteri facta excludit,  
 & usufructum, ut ipse inhabitet, obligat. Sic vero  
 etiam constat, plus esse in usufructu ædium. Nam  
 hic jus quoque complectitur reliquam utilitatem ex  
 ædibus, quatenus habitationi non inserviunt, v. c.  
 ex cellis, ex tabernis, percipiendi. Est tamen in  
 Germania peculiare habitationis jus, quod viduæ  
 nobili ex lege peculiari in prædio defuncti mariti  
 competit, idque cum usu ædium fere coincidit,  
 cum locari tertio nequeat, verum ab eo tamen dif-  
 fert, quia partim integras ædes non afficit, partim  
 secundis nuptiis expirat. BERGER. *Elect. Dist.*  
*Forens. p. 1458.* Cæterum hoc in habitationis ju-  
 re singulare est, quod neque capitis diminutione,  
 neque non usu expiret, quamvis ratio in *L. X. D.*  
*de capit. diminut.* tanquam in facto magis, quam  
 in jure consistat, vix genuina videatur. Ut ser-  
 vitus enim in jure consistit. Et, si ad factum ha-  
 bitationis respicias, reliquæ etiam servitutes perso-  
 nales non poterunt non in facto quoque consi-  
 stere.

## Aphor. XVIII.

MORTE EJVS, CUI VSVSFRUCTVS CON-  
 CEDITVR ) Hoc vero non ad essentialia usufruc-  
 ctus



ctus pertinere, sed ad naturalia solum negotii spectare, inde patet, quia pacto mutari potest *L. XXXVIII. §. XII. de verbor. obligat. L. XIV. C. de usufruct.* Nil itaque obstat, ne in heredes quoque pacto interveniente devolvatur. Quodsi tamen heredibus simpliciter est concessus, ultra heredes primi gradus non durat. Id quod omnia jura personalia commune habent. *L. XIV. C. de usufruct.* add. *WERNHER. P. I. Obs. CCLXXI.* Hoc singulare est, quod Jure Romano usufructus filiofamilias constitutus non nisi post mortem patris & filii expiret *L. fin. C. Eod.* quod sine dubio a fictione unitatis, quæ patrem inter & filium intercedebat, & a perpétuitate Patriæ Potestatis est derivandum. Qua de causa vereor, ne hæc Juris Romani doctrina incongrue in foris nostris applicetur, cum utraque ratio cesset. Distinguunt tamen alii, & filio, antequam e Patris domo exiit, mortuo, patri usumfructum relinquunt, cum filio vero post separatæ oeconomix institutionem & vivis decedente usumfructum expirare existimant. Hoc etiam postremo loco addamus necesse est, usumfructum personæ mysticæ, sive universitati constitutum spatio centum annorum *L. LVI. de usufruct. L. XXI. quib. mod. usufr. amitt. vel dissoluta universitate d. L. XXI.* finiri. Videtur autem dissoluta universitas, quando solo aratrum superinductum est, de quo ritu confer *FABRI Semestr. capp. prior.*

Aphor. XIX.

NON UTENDO) & quidem in totum. Qui

Q 4

enim

enim parte solum non utitur, partem solum amittit *L. XXV. quib. mod. ususfr. amitt.* Deinde etiam requiritur, ut per alium non usus quis sit usufructu *L. XII. §. II. in fin. L. XXXVIII. de usufruct.* Cæterum nil interest, siue usufructus in re mobili, siue in re immobili sit constitutus. *L. XIII. C. de Servitut.* Imo nec interesse aliquid dicunt, siue de usufructu jam constituto, siue de promisso tantum sermo sit, ut nempe, qui posteriori casu actione personali non utatur; lapsu decem vel viginti annorum excludatur. Eamque sententiam receptam quidem ait BRUNNEMANN. ad *L. XVI. D. quib. mod. usufruct. amitt.* Utrum vero ex ipsa lege allegata probari possit, de eo videant ipsi singularis opinionis defensores.

### Aphor. XX.

VSQVE DVM VIVIT CEDENS, TRANSLATA) Quæ late hic disputat Auctor, omnia eo reducunt, quod extraneo cedendo usumfructum nihil agatur, non tamen amittatur usufructus, sed suo tempore, post mortem nempe proprietarii vel aliis ex causis, quæ amissionem usufructus operantur, ad proprietarium revertatur.

### Tit. IX.

## De Usucapionibus & Præscriptionibus.

### Aphor. I.

USUCAPIO ET PRÆSCRIPTIO) Quas voces hodie, postquam Justinianus in *L. ult. C. de usucap. transformand.* præscriptionis, (quæ & longa possessione capio in *L. IV.*

*L. IV. fin. D. pro emt. L. ult. Eod. & longæ possessionis prerogativa in L. V. D. de itinere actiue privat. vocatur*) naturam in usucapionem transformavit, promiscue usurpare solemus. Ut autem lex allegata differentiam solum inter usucapionem & longi temporis prescriptionem sustulit, ita olim utramque speciem quam maxime diversam fuisse ex iis patet, quæ ex *RAEVARDI Tribon. VIII. sqq.* docuit *HEINECCIUS Antiquit. Roman. Lib. II. Tit. VI. §. VIII. sq.* Erat enim usucapio ex Legibus XII. Tabularum, præscriptio partim ex edictis, partim ex novis legibus. Illa exiguo tempore absolvebatur, annali nempe vel biennali, hæc longius tempus desiderabat. *pr. 7. de usucap.* Illa nullum inter absentes præsentisque agnoscebat discrimen, bene tamen hæc. Illa ad immobilia solum in Italico solo sita, hæc ad provinciales solum fundos pertinebat.

### Aphor. II.

OB PUBLICAM UTILITATEM EST INTRODUCTA) Non itaque dubito, quin præscriptio in se spectata in jure Naturali fundata sit, cum ille, qui de juribus suis per longum tempus non est sollicitus, non possit non in eam incidere suspicionem, quod ea dereliquerit, & facto ipso in eorum alienationem consenserit. Quod Paulus etiam JCTus loquitur in *L. XXVIII. pr. de verbor. signif.* add. *BOECLERVM ad Gro-tium Lib. II. cap. IV.* Præterea finis omnis præscriptionis est tranquillitas publica, quam certitudine dominiorum promoveti, incertitudine

periculo exponi, cognitu haut est difficile. Verum probe tamen discernendam existimo præscriptionem, quæ gentes invicem utuntur, ab ea, quæ privatis nocet. Illa enim unice ex præsumta rei derelictione derivanda est, resque, quam alter non curat, alteri jure occupationis merito cedit. Hujus vero fundamentum est poena negligentiae, quam, qui per longum tempus jura sua non persequitur, committit. Quod ab aliis quidem in dubium vocari video: Verum ideo nihil muto. Nam vel inde, præscriptionem inter privatos receptam poenæ vices ob negligentiam subire, cognosci potest, quia præscriptio & illi currit, qui legitimo modo eam non interpellavit, illi vero non currit, qui silentii justas causas allegare potest. Hoc minimum quilibet dabit, requisita præscriptionis inter privatos ad præscriptionem inter gentes neutiquam desiderari. Quod ipsum quoque documento est, noluisse legistatores re sua quenquam privari, nisi eum, cui culpa imputari possit. Rem egit THOMASIVS *Jurispr. divin. Lib. II. cap. X. §. CXCII. sqq.*

#### Aphor. IV.

IN USUCAPIONEM TRANSFORMAVIT )  
 Quo in argumento, numne Justinianus actum egerit, collige ex iis, quæ ex RAEVARDO sua fecit HEINECCIUS *loc. allegat.* Caterum cum usucapione præscriptio solum longi temporis æquiparata est, eo fine, ut in utraque eadem requisita adessent, nulla inter res mobiles & immobiles,

biles, differentia intercederet, tempus idem ubique observaretur, idemque effectus ex utraque produceretur, atque sic in Italia omnique terra, quæ Romano imperio gubernaretur, dominia rerum per usucapionem æque ac longi temporis præscriptionem acquirerentur §. I. *J. de Usucapion.* Ab utraque tamen adhuc hodie differt præscriptio longissimi temporis, quæ jure Codicis demum introducta. Nam illæ sunt modi acquirendi dominium civiles, hæc non modus acquirendi dominium est, sed exceptionem solum parit, quæ alterius actionem excludit. Illæ semper requirunt justum titulum, quod in hac iterum secus. Postremo res vitiosæ neque usucapi neque longo tempore præscribi poterant, bene tamen longissimo tempore. Supplet enim omnes defectus, nec disputandum de bona fide, justo titulo, sed sufficit temporis lapsus probare, qui ideo sufficere videtur, quia lapsu 30. annorum omnes actiones, etiam perpetuæ, excluduntur. Præscribuntur itaque res, quas ipse antecessor præscribere non potuit, vel ob deficientem titulum, vel ob antecessoris malam fidem, vel etiam propter vitium reale. Quamvis vero ex lapsu temporis titulus & bona fides præsumatur, eorumque probationem possessor suscipere non debeat, exceptio tamen præscriptionis non excludit replicam malæ fidei. Hanc enim, si dominus probare possit, præscriptio ipsa inefficax redditur BERGER. *Oecon. Jur. p. m. 263.* Quo ipso præscriptio longissimi temporis satis perspicue iterum



rum a præscriptione immemoriali sese distinguit; quippe quæ præsumtionem juris & de jure operatur, rem legitime esse acquisitam, omnemque probationem in contrarium excludit. Quamvis enim hic iterum quosdam in ea causa esse videam, ut probationem malæ fidei domino reservent, nego tamen, eam præscriptionem, cujus malum initium demonstrari potest, esse immemoriam. Qui enim fieri potest, ut res memoriam excedere dicatur, de cujus initio vel per testes, vel per documenta constat. Et sic demum ea est immemorialis præscriptio, cujus initium nemini notum est. Unde consequitur, per rerum naturam probationem malæ fidei cessare.

PRAESCRIPTIO IMMEMORIALIS ) Est hujus sedes in *L. XXVIII. de Probat. & L. II. §. VIII. de aqu. & aqu. plu.* Ex iis vero, quæ antea diximus, commode ita definitur, quod sit illa, quando de principio acquisitæ possessionis nihil constat. Quod enim alii dicunt, tum adesse hanc præscriptionem, quando nemo adest, qui rem in alio, quam in quo nunc est, statu vidit, nec id ex aliis audivit, id rem nondum conficit. Possunt enim testes deficere, qui initii notitiam habent, & documenta tamen ad manus esse, ex quibus de principio acquisitæ possessionis constat. Eaque, si malum initium loquuntur, præscriptioni, quæ ratione deficientis notitiæ a testibus requisitæ immemorialis est, nihilominus obstabunt, cum primis, quia exceptioni vel replicæ malæ fidei nunquam præscribitur, nemoque titulum possessionis sibi mutare

tare potest *L. II. C. de præscript. XXX. vel XL. annor. l. VIII. C. de usufr.* Cæterum ad probandam præscriptionem immemoriam id omnino sufficit, quod testes senes adsint, affirmantes, se rem in alio, quam quo nunc est, statu, nunquam vidisse, nec aliud ex aliis audivisse. Sola negatio non sufficit, nec rem conficit testimonium de auditu solum exhibitum. *MYNSINGER. Cent. I. Obs. XXX. CARPZOV. P. I. Const. XVI. def. LXXIV. OCKEL. de Præscript. immemor. cap. XII. §. II.*

### Aphor. VI.

POSTERIORIS GENERIS EST ) Pertinent huc generatim præscriptiones actionum, maxime personalium, sive perpetuæ sint, sive temporales, sive civiles sint, sive prætorix, sive interesse privatum, sive interesse publicum respiciant. His omnibus enim leges certum suum ita assignarunt terminum, ut, qui eum præterlabi sinat, ipsa actionis amissione ex eo solo puniatur. Solent Doctores hoc argumentum, quantumque spatium cuilibet actioni præfinitum sit, occasione tituli Pandectarum de diversis temporalibus præscriptionibus late pertractare, quos exscribere nolo. Non possum tamen non vexatissimæ illius quæstionis mentionem injicere, numne hodie, postquam Jus Canonicum in *c. fin. X. de præscription.* bonam fidem in præscribente præcise requisivit, detur ejusmodi præscriptio, quæ in solo temporis lapsu innititur? Non desunt certe, qui negant, quique actiones etiam personales

nales sub regula illa generali comprehendunt, inter quos eminent BRYNNEMANN *ad L. I. D. de divers. & tempor. præscript. n. 61.* MEVIUS *ad Jus Lubecens. Lib. I. Tit. VIII. §. XIX.* MYNSINGER. *Cent. IV. obs. VI. n. 3. sq.* LEYSER *spec. CCCCLV. med. VIII.* sed nec desunt, qui affirmativam defendunt, ex quibus nominare sufficiat COCCEJVM in *Diss. de finib. bonæ fidei in præscript.* BERGER. *Diss. de jure & equit. cap. fin. X. de præscript.* MENCKEN *Diss. an requiratur bona fides in præscript. action. personal.* WERNHER *P. I. Obs. CLXXXIII. & Supplem. Vol. III. p. 670. Vol. VII. p. 185.* Sed, ut & ego dicam, quid sentiam, & illi, qui indistincte actiones personales temporis lapsu expirare ajunt, & illi, qui nullam actionem absque bona fide præscriptioni subesse asserunt, rectam viam non ingrediuntur. Id certo certius est, Pontificem præsupponere possessionem rei alienæ tanquam suam. Eam itaque, qui ita sciens possidet, in mala, eum, qui ignorans ita possidet, in bona fide esse asserit. Quam ejus mentem clare colligere licet, non ex dicto solum capitulo, sed & sigillatim ex *c. V. X. de præscript. & c. II. de Reg. Jur. in 6to.* Dari vero per plures actiones personales contra eos, qui rem alienam possident, actio commodati, depositi, pignoratitia directa satis testantur. Hæ itaque, quo fundamento a regula eximi possint, non video. Sed actiones personales ad quantitatem consequendam comparatas, quod attinet, his certe, quia contra debitorem instituuntur,

tur, ut de suo solvat, definitio malæ fidei applicari nequit. Et sic quoque dispositionem Juris Canonici ad ejusmodi actiones applicari non posse, existimo, add. BÖHMER. *Jur. Eccl. Protest. L. II. Tit. XXVI. §. LIV. sqq.* Caterum hæc ipsa controversia actiones personales perpetuas solum respicit, quæ triginta annos durant. De reliquis temporalibus dubium non est, quin solo temporis lapsu expirent.

### Aphor. VIII.

PROPTER REI VITIUM) Romani totam usucapionis materiam Juri Attico debent. Cum itaque rerum furtivarum usucapionem intuitu furis solum detestaretur, nec quin tertius rei furtivæ possessor usucapione dominium earum acquireret, ullibi interdiceret, secuta est postea Lex Atinia, vi cujus vitium cum ipsa re in quemvis possessorem transibat, ut prius usucapi non posset, quam in potestatem domini reversa esset, vel vere, vel fide, id est, præstita ejus æstimatione, modo tamen sciret dominus, rem suam esse, siquidem in ignorantis domini potestatem res non videbatur reversa *L. IV. §. XII. de usurpation. & usucapion.* Id postea etiam per L. Juliam & Plautiam ad res etiam vi ereptas applicatum est *L. XXXIII. §. II. D. Eod.* Probe tamen discernendum est ab his vitiis realibus violentiæ & furti, vitium personale, si quis clandestine vel precario possidet. Quamvis enim in eo conveniant, quod primus possessor, quia malum initium adest, nunquam usucapiat, imo ne longissimo quidem tempore præscribat, tertius ta-

men

men possessor, qui ipse est in bona fide, usucapionem, non obstante clandestinitate vel precario, recte inchoat ex sua persona, & complet, *L. V. pr. D. de divers. tempor. prescript.* ibique BRUNNEMANN. add. AVTH. *male fidei C. de prescript. longiss. temp.* cum e contrario rei furivæ & vi ereptæ usucapio nec intuitu tertii possessoris procedat, sed talis res longissimo solum tempore præscribi possit. Conf. BRUNNEMANN. *ad L. XI. C. de acquir. & retin. possess.* LVDOVICI *Diff. de vitio reali & personali.* Jura tamen statutoria nonnunquam breviori spatio res furivas præscribi permittunt, quale exemplum de equo furtim subrepto occurrit in JVR. LVBEC. *L. IV. tit. I. art. III.* Sed confer. etiam MEVIUM *ad d. l. n. 3.* STRYCK. *Uf. Modern. L. XIII. tit. I. §. VIII.*

RES MINORVM) Addere possumus res quoque dotales, & bona adventitia liberorum, a marito vel patre illegitime alienata. Nec enim uxori, nec liberis præscriptio, quæ tamen & hoc in casu tricennalis esse debet AVTHENTIC. *Nisi tricennale C. de bon. matern.* prius currit, quam ab eo tempore, quo matrimonium, vel patria potestas soluta fuit.

### Aphor. IX.

IN OPINIONE) Malunt alii bonam fidem negative magis, quam affirmative definire, ut non tam in opinione, quam in ignorantia consistat, rem esse alienam, & alii in rem a me possessam jus esse. BERGER. *Oec. Jur. p. 243. n. 4. pag. 253. §. 21.* TITIVS *Jur. privat. Lib. II. cap. IX. §. XVI.*  
Nec



Nec respuunt hunc conceptum leges Romanæ *L. CIX. de Verb. Signif. L. XLII. de Reg. Jur.* Verum, cum & fieri possit, ut quis sciat, rem esse alienam & tamen in bona fide sit, quod sigillatim in eo procedit, qui sciens rem alienam possidet, quam tamen putat consentiente domino possidere *§. VII. J. de Obligation. quæ ex del. L. XLVI. §. VII. de furt.* ut & in eo, qui sciens rem, vetante quidem jure, sed auctore Prætore possidet *L. CXXXVII. de Regul. jur. L. XI. de acquir. vel amittend. possess.* mallem ego, ne exceptionibus in affirmativa vel negativa bonæ fidei definitione opus sit, utramque definitionem conjungere, atque ita bonam fidem definire, ut & opinionem, se esse dominum, & ignorantiam, alium esse dominum, sub se comprehendat. Ignorantiam tamen facti magis quam juris hic subintelligendam esse, vel inde patet, quod ignorantia juris acquirere volentibus semper nocet *L. VII. de jur. & fact. ignor.* Idque etiam loquitur *PAVLVS L. II. §. XV. D. pro emtor.* quamvis excuset juris error, ut quis non habeatur pro prædone, & ab obligatione fructus percipiendos restituendi liberetur, teste *VLPIANO L. XXV. §. IX. de heredit. petit.* Ut sic nulla inter hos textus intercedat pugna.

QVOD VSV OBSERVARI TRADIT) Atque ideo per integrum tempus usucapionis bona fides adesse debet, malaque fides superveniens præscriptionem vitiat, quousque nondum est completa. Post completam enim usucapionem superveniens usucapionem non rescindit *FRANZKIVS Lib. III.*

R

Resp.

*Resp. XIII. n. 16. BERGER. Oecon. Jur. p. 261. n. 6.* Æquitatem interim & iustitiam Juris Canonici multi sunt, qui defendunt, dum Paulum Apostolum *Rom. XIV. 29.* quem præsidem opinionis suæ in partes vocat Pontifex, in eo esse putant, ut non tam de fide salvifica, quam de certa persuasione verba faciat, actumque dubia & scrupulosa conscientia susceptum non in se quidem peccaminosum, ideo tamen peccaminosum statuatur, quia non ex certa persuasione suscipitur. Quicquid tamen sit, facile patet, istam Pontificis nimiam subtilitatem non omnem tantum usucapionem reddere inutilem, cum vix forsân reperiatur usucapiens, quin per totum tempus usucapioni destinatum semel dubitaverit de certitudine dominii sui, sed etiam litibus variis occasionem dare, & fundamentum præscriptionis, ut dominia rerum sint certa, evertere *BÖHMER. Jur. Eccles. Protestant. Lib. II. Tit. XXVI. §. LII. add. COCCEJVM Diff. de finib. bonæ & malæ fidei.* Quare dispositio Juris Canonici & usucapionis vigor alia ratione simul stare non possunt, nisi inter scientiam supervenientem dubiam, & certam, vel indubitatis, vel ex verosimilibus minimum argumentis, quæ, rem a nobis possessam alienam esse indicant, oriundam eo sine distinguamus, ut hæc quidem, neutiquam vero illa, usucapioni obstat.

PROBANDA ERIT) Rem sic cape: Bona fides præsumitur, ita quidem, ut nec tituli probatione opus sit in præscriptione longissimi temporis. In usucapione & longi temporis præscriptione titulus

tulus probari debet, indeque ad bonam fidem argumentum fit, si prius alter, rem ad se pertinuisse, probaverit.

### Aphor. X.

HABILIS AD TRANSFERENDVM DOMINIVM). Tales sunt, qui sigillatim in *Lib. XLI. Tit. IV. Digest. sqq.* recensentur, nempe pro soluto, pro emptore, pro legato, pro donato, pro dote, pro derelicto, pro adjudicato, transacto, permutato, imo etiam pro suo. De quo posteriori hoc solum addo, quod vel generalis sit, quatenus cum reliquis enumeratis concurrit, cum &, qui emit, qui ex donato possidet, pro suo possideat, vel specialis, quando alia iusta possessionis causa deest. Tum enim, modo res nullius fuerit, vel ego putaverim, rem, quam occupo, rem nullius esse, id sufficit, ut pro meo possideam *ECCOLD. ad Dig. tit. pro suo. §. I.* Deinde occasione tituli pro derelicto hoc moneo, eo tum demum opus esse, quando non dominus rem dereliquit *L. IV. pro derelicto.* Res a domino derelicta ne usucapione quidem demum acquiri debet, sed statim ab apprehendente acquiritur, si mobilis est *§. XLVII. 3. de Rer. divis. L. V. §. I. pro derelict.* Sin immobilis, dominus prior elapso biennio excluditur. *L. VIII. C. de omni agro desert.* Porro, cum praescriptio longissimi temporis vel plurium annorum nullum desideret titulum *L. VIII. §. I. C. de praescript. XXX. vel XL. annor. L. XI. in fin. C. unde vi*, solus temporis lapsus hic instar tituli est. In servitutibus denique praescribendis dominantis exercitium,

citium, & servientis patientia tituli vices sustinet, quod alibi jam diximus.

**ERROR ETIAM)** Id est, titulus putativus, quando iusta putandi causa subest, eaque ex facto alieno, non vero ex errore juris resultet. Sic heres, rem defuncto commodatam aut locatam, existimans, hereditariam esse, conditionem usucapiendi recte transfert. *§. IV. §. de usucap.* Idem iudicium esto de procuratore, qui rem, quam commodato accepit, a se emtam esse asserit *L. XXVII. de usurpat. & usucap. L. XI. D. pro emto.*

### Aphor. XI.

**DE TITULO PRO HEREDE)** Ut verbo omnia complectar. Pro herede titulus novus & peculiaris non est titulus, sed heres titulum solum defuncti continuat, ita quidem, ut, si defunctus e. c. pro emto possederit, & heres pro emto possideat. Sin pro locato, nec heres alio titulo rem habeat. Indeque est, quod bona fides defuncti heredi profit, etiamsi hic de Jure Romano, quo bona fides ab initio solum requirebatur, in mala fide sit, quodque mala fides heredi, qui in omnia vitia personalia defuncti succedit, noceat, etiamsi heres sit in bona fide. Ita clare disponit *§. XII. §. de usucapion.* Quamvis vero heres usucapionem, quæ justum initium non habuit, continuare nequeat, ex sua tamen persona, si ipse in bona fide est, utut errorem committat, usucapionem recte inchoat.

### Aphor. XIII.

**ILLIUS TEMPORIS CONTINUATIO)** Quomodo tempora a successore universali continuentur,

tur, ex antea dictis constat. De successore singulari ita tene. Emptori mala venditoris fides non nocet, si ipse ex sua persona usucapionem impleat *L. V. D. de divers. temp. præscript.* Emptori bona venditoris fides non prodest, nisi ipse sit in bona fide *L. II. §. XVII. pro emptor.* Tempora denique inter utrumque conjunguntur, si uterque bona fide possideat *L. XIII. §. I. D. de acqu. possess. L. II. §. XX. pro emptor. L. LXXVI. §. I. D. de contrah. emtion. add. Commentar. ad Constit. omiss. Manip. II. obs. II.*

#### Aphor. XIV.

PRIORIS GENERIS PRÆSCRIPTIONI LOCUS EST) Generatim defectus usucapionis supplet intuitu tertii rei bonæ fidei possessoris, qui rem ab eo habet, qui ipse ob defectum vel tituli, vel bonæ fidei, vel habilitatis objecti, præscribere non poterat. Sic heres præscribit ex sua persona rem a defuncto absque titulo possessam. Eadem ratione res commodata, vel deposita, quæ intuitu commodantis vel depositarii præscriptioni non suberat, a tertio bonæ fidei possessore præscribitur. Idem iudicium est de re vitiosa, quam alius bona fide accepit. Ipse vero fur vel malæ fidei possessor nunquam præscribit. *Nov. CXIX. cap. VII. L. XI. in fin. C. unde vi.* Et illi, qui cum CARRZOVIO *P. II. Const. III. def. XVI.* ipsum furem præscriptione hac securum esse defendunt, graviter falluntur, cum Jus Romanum utique bonum in præscribente initium absolute requirat, prohibeatque, ne quis sibi ipsi titulum possessionis mutet *L. VIII. C. de*



*Usufr. L. II. C. de præscript. 30. vel 40. annor.* Consentit **CONSTIT. CRIMIN. art. CIX.** quam ne de præscriptione longi temporis tantum accipiamus, ipsa præscriptionis indoles clare docet.

### Aphor. XVI.

**RBS FISCALES**) Fisco plene jam acquisitas. Nondum acquisita sive vacantia, quæ nullum heredem habent, quadriennio post nuntiationem fisco factam, si nondum nuntiata, decennio præscribuntur, modo immobilia sint, mobilia vero triennio *L. XVIII. D. de usurpat. & usucapion. L. I. C. de quadrienn. præscript.* ibique **BRUNNEMANN.** Plane, qui a fisco rem ex iusta causa accipit, statim securus fit, & domino vel illi, cui jus reale in re competit, intra quadriennium adversus fiscum datur regressus *L. II. C. de quadrienn. præscript.* modo fiscus in alienatione legitime processit. Dixi late in *Comment. ad Constit. omiff. Manip. II. Obs. III.*

**NËC NON PATRIMONIALES**) An & bona domanialia? Ita videtur nonnullis. Qui, ne quid dissimulem, præsidium aliquod opinionis in Jure Romano inveniunt, sed non adeo grave. Nam ut noto notus est, Romanis bona domanialia fuisse incognita, ita certe regula generalis, quæ de præscriptione bonorum Principis in *L. III. C. de quadrienn. præscript.* occurrit, non statim applicanda est ad bona domanialia, quæ in effectu a reliquis bonis Principis patrimonialibus & fiscalibus, quam maxime differunt. Hæc Princeps, qua privatus, vel qua Princeps habet jure quasi proprio *L. II. §. IV. ne quid in loc. publ.* Domanialia  
non

non ut propria, sed jure usufructuario magis possidet, cum partem territorii constituent ad id destinatam, ut ex redditibus Princeps alimenta capiat. Ipsa itaque horum bonorum natura ex intentione destinantium satis indicat, quod ad eorum classem sint referenda, quorum alienatio & privata acquisitio est interdicta. Sic vero regulæ etiam subsunt, quæ præscriptionem immemoriam requirit. *Cap. I. de Præscript. in 6to. add. Cap. XXXIII. X. de Jurejurand.*

**ECCLÉSIAŖVM ET ALIORVM PIORVM LOCORVM.** Posteriorum intuitu lex specialis deficit, solent tamen Doctores a rebus civitatis tantquam minus favorabilibus ad illas, ut magis favorabiles, concludere. Quod vero Ecclesiastica bona attinet, cum eorum causa **NOVELL. CXXXI. cap. VI.** regulam generalem constituat, quod quadraginta annorum præscriptio Ecclesiis solum opponi possit, dubium non est, quin ad feuda etiam Ecclesiastica applicanda sit. **LYNCKER. Analekt. ad Struvii Syntagm. Jur. feud. cap. VIII. aph. XII. n. 3. HORN. Jurispr. feud. C. XI. §. IV.** Idem judicium esto de bonis dotalibus Ecclesiæ, quæ ad sustentationem clericorum perpetuam destinata sunt. Eo lubentius enim hoc in argumento accedo **LEY-SERO**, qui contra exemptionem horum bonorum a præscriptione ex professo disputat *Spec. CCCCLIX. med. I. seq.* quo certius est, Jus Canonicum præscriptionem quadraginta annorum in omnibus bonis Ecclesiasticis stabilire, nullamque exceptionem a regula, præter eam, quæ in favorem Ecclesiæ Ro-

manā, non nisi per præscriptionem centenariam possessionibus suis privandā, tendit, ullibi occurrere, vid. *C. XIII. X. de præscript. C. II. de Præscription. in 6to.* Generatim vero privilegium Ecclesiæ ratione præscriptionis 40. annorum cessat, tempusque longissimum ordinarium sufficit, quando Ecclesia contra Ecclesiam præscribit, cum privilegiatus contra privilegiatum non utatur privilegio.

### Aphor. XVII.

INSTITVERE DEVISSET ET POTVISSET)  
Et sic lapsus temporis eadem ratione excludit actorem, ac si reus ipsi satisfacisset *L. XLV. in fin. de administr. & peric. tutor.* Ut tamen hic effectus sequatur, requiritur I) actionem jam natam esse cum effectu *L. I. §. II. C. de annal. exceptian.* Inde actio pignoratitia ad reluendum pignus ante debiti solutionem non subest præscriptioni *L. IX. §. II. de pignorat. action.* II) ejus executionem non esse impeditam. Non enim valenti agere non currit præscriptio. Sic filiofamilias, cui sub Patria Potestate constituto actio de bonis maternis denegatur, currit demum præscriptio, postquam a potestate liberatus est *L. I. in fin. C. de annal. præscript.* Eadem ratione actio de dote restituenda quiescit durante matrimonio *L. VII. §. IV. C. de præscript. 30. vel 40. annor.* III) non esse interpellatam vel interruptam præscriptionem *L. fin. C. de annal. except.* add. STRYCK. *de action. investig. Sect. III. membr. I. ex. I. seq.*

RE-

REGVLARITER XXX. ANNIS PRÆSCRIBITVR) Sunt tamen plures temporales præscriptiones, quæ termino perbreui finiuntur. In Jure Romano inter alias obvia est præscriptio tridui in *L. unic. de gland. legend.* viginti dierum in *L. unic. §. ult. C. ut omnes judic.* duorum mensium in *L. XLVI. §. IV. D. de Jur. fisc. L. XXXVIII. pr. de adilit. edict.* sex mensium in *L. XIX. §. VI. Eod. biennii in L. final. C. de dol. mal. quinquennii L. VIII. §. X. D. & L. penult. C. de in-offic. testament.* Aliæ occurrunt in Jure Canonico, quæ vide apud STRYCKIVM d. tr. Sect. IV.

### Aphor. XVIII.

PROBARE DEBET) Anne vero, qui probare non potest, malam fidem, in ignorantia refugium quærere, & restitutionem in integrum contra præscriptionem adimpletam urgere potest? Minime. Sunt enim jura vigilantibus scripta, non supine ignorantibus. Et certe ipsa illa ignorantia per tantum temporis spatium durans incuriam & negligentiam domini satis prodit. Nec est, quod urgeas, non valenti agere non currere præscriptionem. Hæc regula enim accipienda est de impedimento juris, non de impedimento facti. LUDOVICI *Diff. de Prescription. nonagen. §. VII. sqq.* Idem judicium esto de præscriptione quadragenaria contra fiscum. Nam ne huic quidem prætextum ignorantie prodesse, ex NOVELL. CXIX. cap. VII. AVTHENT. *Male fidei C. de præscript. longi tempor.* facile colligimus.

## Aphor. XIX.

SE MVNIRE QVEAT) Atque hanc unicam rationem, quod nemo sibi ipsi titulum possessionis mutare queat, quodque illi de præscriptione cogitanti malum semper initium obstat, tantæ efficaciz esse existimo, ut gravis illa controversia de præscriptione juris relucendi pignus inter Doctores agitata statim componatur. Utut enim habere possint, qui præscriptionem admittunt, quod contra reliquas rationes, quibus a præscriptionis cursu istud jus vindicant alii, urgeant, quid tamen ad istam a nobis adductam rationem respondere possint, conjectura vix assequimur.

## Aphor. XX.

DICVNTVR AVTEM RES MERAE FACVL-TATIS) In definiendis his rebus Doctores quam maxime variant. Recenset plures definitiones GRIBNERVS *Diff. de jure suffragandi usu intermisso non pereunte Tom. IV. opuscul. Jur. Publ. Sect. IV.* & novam de suo addit, quam suam quoque facit LEYSER. *Spec. CCCCLXII. med. I.* Aliam profert MEVIVS *P. I. Decif. LX.* COCCIJVS *Diff. de reb. meræ facultat. §. VI.* Aliam iterum LYNCKER. *Analect. ad Struvii Syntagm. Jur. Civ. Lib. XVI. tit. III. §. XXII.* Ex omnibus optimam esse definitionem a Gribnero formatam non diffiteor. Sed angustior tamen est suo definitio, cum actus meræ facultatis non ex jure omnium communi tantum, neque ex jure civitatis tantum descendant, sed præterea etiam aliis, qui in certo statu vivunt, competant. Sunt igitur nobis actus meræ facultatis actiones subditorum  
licitæ



licitæ & in lege vel universali vel provinciali ita permissæ, ut quilibet vel qua homo, vel qua in certa societate vivens eas jure proprio expedire, & ab earum exercitio invitus nullo tempore excludi possit. Non opus est, ut, quid per actiones licitas & permissas intelligendum sit, prius explicem. Illæ sunt, de quibus lex plane flet, atque sic arbitrio agentis unice relinquit. Hæ sunt, quarum exercitium lex actu positivo concedit, quasque expediendi facultatem indulget. Id solum moneo, legem duplici præsertim ratione permittere, vel ita, ut quis proprio jure aliquid, si velit, expedire possit, vel ita, ut vi privilegii jus expediendi habeat. Hoc si fit, non omnis necessitas agendi cessat, siquidem non usus lapsu certi temporis conjunctus privilegium privet privilegio. Illo vero in casu liberum cuivis manet arbitrium faciendi vel omittendi. Idque habere potest, ut homo, quatenus Jus universale permittit, vel ut subditus, quatenus lex provincialis omnibus subditis aliquid indulget, vel ut civis, quatenus lex civitatis eum juris cujusdam participem reddit, vel denique, ut pater, ut dominus, ut maritus, ut Nobilis, ut Doctor, quatenus his statibus lex peculiaria jura assignat. Sic vero facile assentior Gribnero, fundamentum actuum meræ facultatis non in sola libertate naturali collocandum esse, præterea autem non actiones solum, quæ a jure civium dependent, sed & reliquas omnes permissas, quæ in privilegio non nituntur, ad classem actuum meræ facultatis refero. Quorum natura in eo consistit, ut nullus temporis lapsus

pfus arbitrium agendi vel omittendi excludat, nisi arbitrium ipsum & libertas agendi ab adversario usufructuatur *L. VI. pr. de Servitut. pradior. urban.* id est, adversarius agentem prohibuerit, hic in prohibitione acquieverit, temporisque lapsus accesserit  
 BERGER. *Oec. Jur. Lib. II. Tit. II. §. XXII. n. 1.*

### Aphor. XXI.

IN QVA NULLA BONA FIDES, NULLVS  
 TITVLVS) De titulo clara lex extat in *C. I. de  
 prescriptionibus in 6to* quod in prescriptione im-  
 memoriali haut desideretur. Bonam fidem vero  
 & hic adesse debere, colligunt ex *cap. ult. X. de  
 prescript. & L. II. C. de prescript. XXX. vel XL.  
 annor.* Sed ex lapsu tam longi temporis tamen præ-  
 sumunt, eam adesse, & adversarium, qui malam  
 fidem allegat, ad ejus probationem adstringunt.  
 Nec alia mens est Auctoris nostri. Quod enim  
 eo non extendi velit thesin suam, tanquam proba-  
 tio malæ fidei per lapsum temporis plane excluda-  
 tur, ex Aphor. sequenti dilucide apparet. Verum  
 enim vero, quando præscriptio immemorialis ea  
 est, cujus initii memoria non extat, (talem autem  
 eam esse, omnes uno ore fatentur) vellem ego sci-  
 re, qui fieri possit, ut vel titulum præscribens pro-  
 baret, vel adversarius de malo initio fidem face-  
 ret. Certe enim, ubi de titulo deque origine  
 constat, ubi malum initium doceri potest, non est  
 præscriptio immemorialis. Sic vero fieri non  
 potest non, quin immemorialis præscriptio omnem  
 probationem vel tituli vel malæ fidei excludat, at-  
 que præsumtionem juris & de jure operetur, rem  
 legiti-

legitime esse acquisitam, ea vero ratione, possidentem ipso jure contra dominum supervenientem securum præstet.

### Aphor. XXIII.

NECESSARIA EST HAEC PRAESCRIPTIO)  
 Generatim necessaria est in omnibus iis rebus, quarum alienationem & privatam acquisitionem lex vetat *C. I. de præscript. in 6to*, quarumque alias privatus non est capax. Indequè generalem formant conclusionem, quod & tunc efficaciam habeat, si quis jura exerceat, quæ a Principis tantum concessione dependent, hujusque opinionis stabilendæ causa ad *L. III. §. IV. de aqu. quotidian. L. I. §. XLII. Eod. & L. XVIII. §. I. de aqua & aqua pluviae* item *L. III. §. I. de Colleg. & corpor. opific.* provocant. Ex his vero præsuppositis ulterius deducunt, omnia regalia, quæ citra concessionem Principis privatus possidere nequit, præscriptioni immemoriali subesse. Displicet tamen hæc extensio iis, qui in ea causa sunt, ut subditis jus regalia præscribendi denegent. Quod sigillatim egit THOMASIVS *Dissert. de præscript. regal. ad jura subditorum non pertinente*. BEYER, *Spec. Jur. Germ. L. II. cap. II. pos. XXXVIII. seq.* Nolo hanc litem meam facere, quamvis negare non possim, rationes eorum magni esse ponderis, meque ideo alibi eorum opinionem esse secutum. Sed dies diem docet. Dicam itaque quid jam sentiam. Primo existimo, Principem omnino præscriptionem contra se admittere debere, quatenus est Juris Naturalis, nec in poena negligentix solum

con-

consistit. Utut enim BEYERVS juris gentium rationes ad rem præsentem non quadrare opinetur, cum hic non inter gentes, sed inter Principem & subditos disputeretur, quia tamen respectu ad Jus universale habito Princeps, ut homo, considerari solet, id intuitu subditorum quoque contra se admittere debet, maxime cum ratio præscriptionis locum habere, nec non jus a Principe semper neglectum derelictum judicari possit. Sed & hoc addam necesse est, hæc solum procedere in iis, quæ Princeps privatis concedere solet, quæque salvo imperio concedere potest. Cum enim Princeps iis commodè carere possit, nec dignitati & auctoritati ejus quicquam decedat, quando expresse ejusmodi jura in alium transfert, quidni etiam careret iisdem ulterius, si ipsi præscriptio immemorialis objicitur. Quod ad regalia autem attinet, quæ imperii partem ita constituunt, ut eo salvo abesse nequeant, & sic privatus, quæ subditus, eorum per se capax esse non possit, ea præscriptione immemoriali haut acquirere poterit subditus, cum ipsum subjectionis vinculum ei obstat, ne ex temporis lapsu sibi adscribat, quæ ad id comparata sunt, ut Princeps & subditi invicem differant. Et sic verbi causa quando subditi præscriptionem urgent contra Principem ea intentione, ut potestatem legislatariam vel tollant vel minuant, id effectum vix habebit. Quapropter nec privilegium temporis lapsu acquisitum eo effectum contra Principem urgeri poterit, ut facultatem illud per novam legem revocandi non habeat, cum ipse temporis lapsus sit instar concessionis

fionis expressæ, ea vero ratione sine dubio eodem jure æstimanda concessio præsumta, ac expressa, quam voluntate contraria a Principe tolli posse, nemo in dubium vocat.

### Aphor. XXVII.

INTERMEDIUM TEMPUS NON COMPUTATUR) Quod vocant præscriptionem dormientem. Idque duplici modo contingere asserunt, 1) quando ex legis dispositione plane non currit, 2) quando cœpta quidem est, sed propter impedimentum aliquod justum continuari nequit, donec impedimentum sublatum sit. Verbo: quia fundamentum præscriptionis civilis est negligentia consequens est, quod negligentia cessante, nec præscriptio currere possit. Indeque enata est regula: Quod non valenti agere non currat præscriptio.

SPECIAL. CONSTITUTIONEM IN REC. IMPERII) De qua constitutione, cum specialis sit, & de bello tricennali solum loquatur, Doctores dubitant, an ad alia bella trahi possit. Negat hoc MANZIUS in *Afyla debitorum & credit. calamit. belli tricennal. ad pauperi. redact.* quia alia bella neque tamdiu durant, neque totam patriam ita una ruina involvunt. Verum, quamvis negari non possum, id plane singulare esse in hac lege, quod præscriptio jubeatur cessare, siue justitium fuerit, siue non, ipsa tamen æquitas & naturalis ratio suadet; præscriptionem dormire debere, quando occasio deficit, jus suum persequendi. Hanc vero cum non belli solum sed & alia Reipublicæ calamitas præscindere soleat, non dubito ego, quin genera-

tim



tim in calamitate publica, & sic etiam tempore pestis, vid. CARPZOV. P. II. Decis. CXVI. cessare debeat præscriptio, quatenus ista calamitas cum iustitio, id est intermissione & cessatione juris, ut GELLIVS explicat Noët. Attic. Lib. XX. cap. I. est conjuncta. Imo nec dubito, quin dispositionem ad eum casum applicem, quando judicia quidem aperta sunt, litigantes autem, ad quod tribunal eant, nesciant. Quale exemplum habet LEYSER. Spec. CCCCLXIII. med. X.

OB AETATEM PUPILLAREM ET MINORENNEM) Sic vero Auctor, si huic §o jungas §. præc. VIII. sub no. V. in ea est opinione, pupillorum æque ac minorum intuitu præscriptionem ita dormire, ut ne quidem inchoari possit, inchoatam vero, quod pupillos attinet, non continuari, minori vero salva restitutione in integrum currere. Dubitat vero idem de hac opinione in Exercit. ad D. XLIII. §. X. Res ita facile conficitur. Contra pupillos nulla præscriptio neque inchoari neque continuari potest L. XLVIII. pr. de acquir. rer. domin. Intuitu minoris idem obtinet, si respicias eas præscriptiones, quæ citius, quam triginta annis elapsis finiuntur L. III. C. quib. non objicit. long. tempor. præscript. Quæ triginta annos & supra desiderant, contra minorem & inchoantur & inchoatæ currunt, salva tamen restitutione in integrum L. III. C. de præscript. XXX. vel XL. annor. L. ult. C. in quib. caus. restit. in integrum non est necess.

VBI

VBI TAMEN OPVS EST) Ergo dici non potest, quod ex his causis præscriptio dormiat. Dum enim *L. II. C. de annal. præscript.* remedium protestationis ita præscribit, ut eo adhibito præscriptio interrompenda sit, per se quoque patet, ei, qui huic remedio non utitur, posse negligentiam imputari, ea vero ratione causam cessare, quare dormiat præscriptio. Et hoc in casu ne prætor quidem restitutionem in integrum concedit. Subintellige tamen casum, præsentem eum esse, contra quem alter absens præscribit. Absenti vero, ut & aliis ab Auctore nominatis currit quidem præscriptio, possunt tamen postea, vel ex speciali legis privilegio, quod v. c. iis, qui necessario ex causa excusabili absunt, competit, vel concurrente iusto impedimento, verbo, si neque dolus neque culpa ipsis imputari potest, restitutione in integrum ex clausula Prætoris generali uti.

### Aphor. XXVIII.

NON EST CONTINVA) Inde vero apparet, præscriptionem quidem complendam, non vero completam interrumpi posse. Tantumque abest, ut mala fides superveniens perfectæ usucapioni noceat, quin ne conscientiam quidem oneret. BERGER. *Oec. Jur. p. 254.*

### Aphor. XXIX.

NON NISI LITIS CONTESTATIONE) Imo potius indistincte præscriptio interrumpi videtur per solam citationem. Nam *L. II. C. de annal. except.* hoc unum sufficere jubet, ut in omni  
S
tem-

temporali etiam 30. & 40. annorum præscriptione  
 curfus per protestationem in iudicio factam impe-  
 diatur, etiam si præscribens protestationem interpo-  
 sitam nesciat. Quidni eundem haberet effectum,  
 quando scitens certior fit mediante citatione, esse,  
 qui possessionem suam in dubium vocet. Cessat  
 enim in utroque casu ex parte ejus, contra quem  
 præscriptio coepta, negligentia, quæ fundamen-  
 tum est ipsius præscriptionis. Quare, licet vel ma-  
 xime reus dilationem impetret, & interim usuca-  
 pionis tempus compleat, exceptio tamen ipsi haud  
 proderit, cum possessio per citationem semel sit in-  
 terrupta STRYCK. in *Not. ad Brunnemanni Jus*  
*Ecclesiastic. Lib. II. cap. XI. §. VII. verbo: nu-*  
*da citatio.* Idque unum cum sufficiat, citatio-  
 nem esse emissam, parum etiam proderit usuca-  
 pienti, etiam si libellus tanquam ineptus rejiciatur.  
 Existimarem quoque, nihil interesse, utrum a ju-  
 dice competente, an ab incompetente concepta es-  
 set citatio, cum, qui libellum offert, quantum in  
 se est, id agit, ne negligens in persequendis juri-  
 bus suis videatur. Nimisque durum esset, ei, qui  
 animum rem sibi conservandi declarat, hoc tan-  
 tum obesse, quod judicem incompetentem adii-  
 set. Imo *d. L. II. C. de annal. except.* ad effe-  
 ctum interrumpendæ præscriptionis plus non re-  
 quirit, quam voluntatis declarationem judicialiter  
 factam. Sed Praxis tamen, citationem solum a  
 competente iudice emissam istum effectum sequi,  
 defendit, vid. WERNHER. *P. I. Obf. CCXXXII.*  
 In eo autem facile assentior WERNHERO, quan-  
 do

do *P. II. Obs. CCCCLXXII.* negat, citationem interrompere præscriptionem, quam iudex proprio motu emisit, cum negligentia cessare non possit, nisi ille, contra quem præscriptio cœpta est, ante tempus completum animum interrompendi declararet, & res ista in notitiam ejus, qui præscriptionem in cœpit, perveniat.

*ÆQUIOR EST SENTENTIA*) Quamvis enim *L. I. C. de præscript. long. tempor.* id unicum desideret, ut lis mota sit possessori in iudicio, indeque alii colligant, nihil interesse, vincatne possessor an vincatur, ex aliis tamen legibus in subsidium vocatis, sigillatim ex *L. II. pro donat. L. II. §. ultim. pro emtor.* ut & ex ipsa ratione satis patet, victori calumniam actoris obesse non posse. Argumenta, quæ a dissentientibus proferuntur, diluit WERNHER. *P. I. Obs. CCCXXX.*

### Aphor. XXX.

*PER DENUNCIATIONEM PRIVATAM*) Simplicem tamen denunciationem sufficere non credo, si extrajudicialiter fiat interpellatio, ut bona quoque fides cesset, sed necesse esse credo, ut argumenta denunciants offerat convincentia vel maxime verosimilia, quæ bonam fidem tollunt. Aperte enim fatetur PAVLVS in *L. XL. pr. de hereditat. petit.* bonæ fidei possessorem non temere debere jus suum indefensum relinquere & ad id, ut quis in mala fide dici possit, requiritur, ut desinat ignorare rem alienam esse *L. CLX. de Verbor. Signific.* Quod certe simplex denunciatio, quæ & calumniosa esse potest, haut efficit. Et

hinc ne litis contestationi quidem per se iste effectus tribui potest, ut quis in mala fide constitutur. Quare recte asserit LEYSER, quod & possessor hereditatis & bonæ fidei possessor, rei vindicatione vel hereditatis petitione conventus, non obstante litis contestatione a restitutione fructuum perceptorum & percipiendorum, ut & expensarum immunis esse possit *Spec. LXXII. med. V. Spec. XCIV. med. III. Spec. XCIX. med. VI.* Id vero cum rationis sit, nec hodie interpellatio sola bonæ fidei possessori oberit, ne adhuc in bona fide esse possit. In qua opinione etiam Auctorem esse, ex aphor. seq. apparet, in quo, etiamsi Jure Canonico quælibet mala fides superveniens præscriptionem impediat, non tamen interpellationem per se tollere bonam fidem, expresse statuit.

INTERRVMPVNTVR. ) Interrumpitur etiam præscriptio in personalibus actionibus, agnitione debiti *L. XVIII. §. I. de pecun. constit. L. VII. §. V. C. de præscript. XXX. vel XL. annor.* Eamque non verbis solum, sed & factis fieri posse palam est. Eum enim effectum solutioni portionis debiti tribuit *L. IV. C. de non numer. pecun.* Idem sine dubio dicendum de solutione usurarum.

### Tit. X.

De donationibus mortis causa &  
inter vivos.

### Aphor. I.

**M**ODIS CIVILIBVS ANNVMERANTVR )  
Imo donatio titulus magis est, quam modus acquirendi dominium. Ut enim dominium



minium in donatarium transeat, traditione opus est, donatio per se pactum dicitur, nec aliunde, quam ex natura pactorum dijudicanda est, quo usque traditio nondum accessit. Hoc autem Jure Romano singulare est, quod, licet pactum in se ne actionem quidem produceret ad implendum, leges tamen huic pacto eatenus assisterent, ut ex lege ipsa instar pacti legitimi validitatem acciperet, atque necessitatem traditionis secum haberet, ejusque rei intuitu eandem ac emptio venditio produceret efficaciam §. II. *J. de donation. L. XXXV. §. V. C. Eod.* Quo fit, ut ipsa actio ad implendam donationem, conditio ex lege vocetur. Sequitur vero ex hoc supposito: omnem donationem mutuum consensum prærequirere, & acceptationem ex parte donatarii necessariam esse. *L. XXVI. D. de donat.* Ita quidem, ut nec donatio mortis causa, quæ tamen proxime ad ultimas voluntates accedit, absque acceptatione subsistat *L. XXXVIII. D. de mort. caus. donat.* Quam veritatem operose quidem, sed minus felici succésu destruere conatus est LVDWIGIVS in *Diff. de donation.* cum non leges allegatæ solum, sed præterea quoque *L. X. D. de donation. L. LV. de obligat. & action.* ejus intentioni graviter obstant. add. GYNDLINGIAN. *P. XXIX. Obs. II. seq.* JOH. FRID. WERNHERI *Diff. de acceptatione in donation. necessaria.*

### Aphor. II.

EX LIBERALITATE TRANSFERTVR) Non tamen ideo donatio statim esse desinit, quæ ex ne-

cessitate quadam fit. Nec captanda sunt verba *L. XXIX. pr. de donat. L. X. C. Eod. L. LXXXII. de Regal. Jur.* in quibus nullo jure cogente donationem fieri, neminemque invitum donare asseritur. Solas enim illas donationum species subintelligunt leges, quæ a mera liberalitate originem habent. Dari vero liberalitatem, quæ necessitatem non excludit, aliunde satis constat, ejusque rei exempla occurrunt in *L. XXVI. §. XII. de condict. indeb. L. ult. C. de dotis promiss. L. L. Famil. ercise.* Quamvis enim Leges aliquando jubeant, ut alter alteri quid præstet, non tamen omnem liberalitatem tollunt, sed modum, tempus, quantitatem libero præstantis arbitrio nihiloscius permittunt. Et sic etiam a donatione necessaria liberalitas non est excludenda, quod comprobatur *d. L. ult. C. de dot. promiss.* in qua dos liberalitas dicitur, ad quam tamen quem cogi posse *L. XIX. de Rit. nuptiar.* clare loquitur. Integrum hoc argumentum LEYSE RVS peculiari libello *de donationibus necessariis*, quem postea *Meditationibus suis ad Pandectas Spec. CCCCXXXV.* inferi curavit, prosecutus est.

### Aphor. III.

**MORTIS CAUSA DONATIO EST)** Clarius dixeris, mortis causa donationem esse promissionem rei alicujus, intuitu mortis, verbis dispositivis acceptanti facta, vim legati habens, & prius non valitura, quam mors secuta sit. Mixtum itaque hic subesse negotium, per se patet. Pactis nempe annumeratur, quia non nisi præsentis & acceptanti fieri potest, ultimis vero etiam voluntatibus, quia  
ad

ad essentiam sui, dum constituitur, ea requirit, quæ legatis propria sunt, & quia revocabilis est. Eoque nomine a donatione inter vivos, quæ revocationem regulariter non admittit, quæque merum pactum est, probe est discernenda. Requiritur vero in donatione mortis causa, 1) ut fiat cogitatione mortis. Ubi quidem nil interest, si negotii validitatem spectas. utrum intuitu mortis in genere, an intuitu instantis periculi donatio fiat *L.II. D. L. XXXV. §. IV. de mort. caus. donat.* Posteriori tamen in casu effectus cessat, cessante periculo, cum priori in casu donatio revocanda sit. II) Ut cogitatio mortis non mere interna sit, sed verbis declaratur. Et hinc, si moriens donat, non vero mortis causa, donatio inter vivos est. *L. XLII. §. I. D. Eod.* III) ut mentio mortis fiat in verbis dispositivis, ita quidem, ut ipsa donatio ejusque perfectio expresse in casum mortis conferatur. Nuda itaque mentio mortis, morsque imminens non sufficit, nec sufficiunt verba executiva, v. c. dono tibi, sed non habebis, nisi post mortem, *WERNHER. P. I. Obs. XXXV.* Idem judicium esto, si quis mortem tanquam causam impulsivam adjiciat, v. c. quia video, me moriturum, ergo tibi dono. Eadem ratione, qui mortis intuitu donat, & statim tradit, mortis causa non donat. Ubique potius donatio inter vivos facta censetur. Quare ita donans mentem explicet, ut dubium non sit, qua intentione donet, v. c. habebis, si hoc morbo succumbam, si in hac acie peream, quando moriar. Interim verba non esse captanda, sed vo-

luntatem magis donantis respiciendam, recte monet LEYSER. *Spec. CCCCXXXVIII. med. II.* Fieri enim potest, ut verba donationem inter vivos indigent, ex conjecturis tamen alia donantis voluntas eliciatur, utque e contrario verba ad donationem mortis causa spectent, & intentio donantis tamen eo redeat, ut perpetuo valitura sit donatio. Quod ultimum sigillatim fit, quando promisit, se donationem nunquam revocare velle *L. XXVII. D. de mort. caus. donat.* add STRYCKII *Interf. controvers. cap. V. §. XXVII.* & VINNII *select. quest. L. II. cap. XXXIV.* qui ad textus obstantes responderet.

#### Aphor. IV.

QVI TESTAMENTVM FACERE VEL LEGARE) Sunt nempe donationes mortis causa, quatenus ultimam voluntatem continent, legatis per omnia exæquata *L. ult. C. de donation. mort. caus.* Indequè facile colligimus I) quod præsentiam quinque testium requirant *L. IV. C. Eod. II.)* quod quartæ Falcidiæ detractionem admittat, si heres quartam non habeat salvam *L. V. C. ad L. Falcidiæ, III)* quod, quantæ quantæ sint, insinuatione judiciali non indigeant. *L. ult. C. de donat. mort. caus.* IV) quod iisdem modis revocentur, quibus legata revocari solent, V) quod donare mortis causa possit, qui ultimas voluntates condere potest, VI) quod iis donari possit, quibus legari. Ergo & conjugii, cui alias conjux donare nequit *L. IX. §. II. junct. L. X. D. de donat. inter vir. & uxor.* item filiorum familias ac patri, quod in simplici donatione ob  
fictio-

fictionem unitatis fieri non poterat. Quod autem filius familias peculium adventitium ordinarium consentiente patre, extraordinarium pro lubitu mortis causa donare possit, quodque non confertur donatio, nisi in præsentem & acceptantem, id inde derivandum, quia hæc donatio de natura pe-  
ctorum simul participat. Non tamen plane inutilis est donatio mortis causa absenti facta. Sed valet instar fideicommissi, *L. LXXV. pr. L. LXXVII. §. XXVI. D. de Legat. II.*

**Aphor. VII.**

**NON POTEST DETRAHERE HERES**) Quod tamen intellige de donatione omnium bonorum, eaque judicialiter facta. Ad formam enim istiusmodi donationis judicialis auctoritas requiritur, ita, ut ea omissa ipsa donatio sit nulla. Accedente vero publica auctoritate donatarius vices heredis universalis sustinet, & vel ideo, quia heredem ab intestato excludit, hujus jus detrahendi quartam cessat. Necessariis tamen heredibus ubique salvam esse debere portionem legitimam per se constat.

**Aphor. VIII.**

**QUOD NULLO CASU REVOCARI DEBEAT**) Sed quid si donans dixerit, se Titio ejusque heredibus donare, anne tum mortis causa donatio erit, vel magis donatio inter vivos? Et placet nihilofecius opinio, donationem mortis causa manere, si de intentione donantis constat. Nam & transitio ad heredes intelligi potest, de eo casu, si ipsa donatio ante mortem non sit revocata *H A H N. ad Wesenb.*



*tit. de donat. mort. caus. n. VI. verb. aut mentio heredum.* Multo magis itaque cessabit donationis effectus, si donatarius ante donatorem moritur. Heredes enim nil accipiunt, nisi quod defunctus habuit, cum nulla viventis sit hereditas. Defunctus autem donationem nondum habuit, sed solum speravit.

### Aphor. IX.

NON SECUTVS FVERIT) Quod intellige de casu, si intuitu præsentis periculi vel morbi donatum. Tum enim, si convalescat donator, vel periculum effugiat, ipso jure cessat donatio. Quod si vero intuitu mortis in genere facta est, tum instar legati legitime revocanda erit.

DONATIO NON POSSIT SUBSISTERE) Quorsum pertinet sigillatim, si donatarius ante donatorem moriatur. Pertinet etiam huc casus, quando donatoris bona fisco addicuntur. *L. VII. de mort. caus. donat.*

### Aphor. XI.

TVM SECVDVM JVS CIVILE) Confer. *L. unic. §. XIV. C. de caduc. tollend. L. XXV. C. de Jur. dot. FABRI T. I. oper. p. 829.* Quas leges meliori jure pro Auctoris opinione allegamus, quam quidem contra eam facere solent, qui heredes ab intestato a donatario excludi autumant. Nam deficit omnis ratio juris accrescendi, quod præsupponit conjunctionem plurium personarum, in una hereditate vel re legata, quæ hic vix occurrit. Deinde etiam ratione modi ineundi, & formæ contractui magis, quam ultimæ voluntari accedit

accedit donatio mortis causa. In contractibus autem jus accrescendi locum non habere, tralatitium est. add. *CARPZOV. P. III. Const. II. def. I.*

Aphor. XII.

ALIAE MORTIS CAUSA CAPIONES) Quæ sunt species donationis inter vivos, quibus emolumentum occasione mortis tertii in aliquem transfertur. Eoque etiam spectat, si quis accepto pretio in favorem alterius hereditati renunciat. Sunt itaque mortis causa capiones irrevocabiles, dummodo donatarius cum supervivat, cujus mors ipsi emolumentum affert.

Aphor. XIV.

IN DONANTE REQUIRITVR) Donatio itaque non præsumitur, etiamsi traditio rei simplex accesserit. Quod quidem ex legibus dilucide demonstrari nequit, rationis tamen est, cum nemo suum jactare, & patrimonium diminuere velle censeatur. Generatim tamen donationem præsumunt, quando in dante singularis occurrit affectio, & in accipiente magna necessitas & indigentia, cum sic ex utraque parte causa impulsiva adsit, pietatis officium eliciens. Exemplum est in matre, quæ alimenta præstat. Verum potest tamen hæc præsumtio contraria voluntate elidi. Imo res ipsa ad certam regulam vix potest referri. Quare merito prudentem judicem desiderabis, qui arbitretur, an circumstantiæ ita comparatæ sint, ut vel pro donatario vel contra eum pronunciari possit. *MENOCH. in arbitr. judic. question. Lib. II. cas. LXXXVIII. n. VIII.*

AD-

ADMINISTRATIO RERUM SUARUM CONCESSA) Debitor tamen obærat in fraudem creditorum non donat, cum leges ejusmodi alienationes generatim irritas declarent, earumque revocationem mediante actione Pauliana concedant, quatenus creditoribus damno sunt. *L. XXXVIII. §. IV. D. de usur.* Estque donatarius absque ulla distinctione obligatus, ut rem dimittat, siue fraudis fuerit conscius, siue non. Lucrum enim ipsi magis extorquetur, quam damnum infligitur *L. VI. §. XI. D. Quæ in fraud. creditor.* In dubio vero semper favorabiliores partes sunt ejus, qui damnum vitare intendit, quam, qui lucrum captare studet.

NON POTEST DONARE) neque de bonis paraphernalibus, neque de bonis receptitiis. Mariti enim eorum intuitu interest, ne ususfructus ipsi intervertatur. In his vero maritus ex speciali lege sperat, successionem. vide *Jus Provinc. SAXON. L. I. art. XLV. Const. Elect. P. III. Constit. VII.* ibique *CARPZOVIVM Def. V.* Huic vero dispositioni derogatum esse Jure Saxonico Elect. novissimo, ita quidem, ut de bonis receptitiis immobilibus absque mariti, interveniente tamen curatoris consensu, de bonis receptitiis mobilibus vero pro lubitu disponere possint mulieres, collige ex iis, quæ dixi in *Introd. ad Jus Saxon. P. I. Ex. III. §. XIV.*

### Aphor. XV.

EXTRA MARITVM) Potest tamen transferre in maritum, quando donatio remuneratoria est,  
modo

modo curatorem adhibeat, ipsaque donatio judicialiter insinuetur, vel coram Notario & testibus fiat *Constit. Elect. XIII. P. II.* Geradam etiam uxor marito pro lubitu, tam judicialiter, quam extrajudicialiter vendere potest, nec opus est, ut pretium proportionem cum re habeat, sed uno etiam nummo fieri potest. Quod inde forsan est, quia Gerada ob antiquitatem toleratur magis, quam nostris moribus, mutata semel antiqua succedendi ratione, convenit. Quod si tamen uxor læsionem sciverit, in donationem negotium degenerare, &, ob prohibitionem, ne inter conjuges donatio subsistat, invalidam esse, donec morte donantis confirmetur, judicat WERNHER. *P. IV. Obs. XXIII.* Cæterum Gerada semel vendita, & vel in maritum vel in extraneum translata, etiamsi foemina sibi usumfructum servaverit, gerada esse desinit, & mortuo emtore ejus heredibus sine distinctione sexus cedit. *IDEM P. V. Obs. CLXXXIII.*

IN PRÆSENTIA DVORVM VEL TRIVM TESTIVM) Quia vero *Constit. Elect. XIV. P. II.* dum hanc donationi geradæ formam præscribit, casum præsupponit, universam geradam donari, inde non absque fundamento colligit WERNHER. *P. VI. Obs. CCCLXII.* præsentia testium opus haut esse, si non universa gerada, sed res quædam singulares geradicæ a foemina extra judicium donentur. Quod autem ait BERGER. *Oec. Jur. p. m. 277.* & tum testium præsentiam cessare, quando foemina sibi usumfructum reservavit, cum hæc reservatio jam sit instar traditionis, id cum  
verbis

verbis allegatæ Constitutionis aperte pugnat. Conf. INTRODUCTION. AD JVS SAXON. P. III. Sect. I. Exerc. VII. §. IX.

### Aphor. XVI.

PATRIS IN FILIVM FAMILIAS) Ut autem ipsa ratio prohibitionis in fictione unitatis consistit, quæ antiquo Jure Romano intercedebat inter patrem & filium: ita e contrario in omnibus illis casibus subsistit donatio, ubi fictio unitatis cessat. Cessat itaque in causa castrensi & quasi castrensi, cujus intuitu filiusfamilias habetur pro patrefamilias L. I. C. de castrens. pec. Cessat post mortem patris, indeque ejusmodi donatio morte confirmatur. Cessat per emancipationem. Et ideo subsistit, si pater rem donatam non ademit L. XXXI. §. II. D. de donation. Cumque & cesset fictio unitatis inter matrem & filium, cum istius fundamentum sit Patria potestas, indeque oriundum jus acquirendi per liberos, cumque porro filius de patre singulariter meritis pro extraneo habetur, facile patet, quare & in his casibus donatio valeat. Imo, cum hodie Patria potestas ex Jure Naturali magis aestimetur, illudque jus antiquum per liberos acquirendi cesset, ego certe non dubitarem, quin iis accederem, qui filiumfamilias valide cum patre contrahere, & sic etiam hunc illi donare cum effectu autumant, idemque juris esse in filiofamilias, qui patri donat, asserunt. adde JVS PROVINC. SAXON. Lib. I. art. X. & SVEVICVM art. CXVIII. & CCLXII. CARPZOV. Lib. VI. Resp. CXVIII. n. 12. 14. & 18. it. P. II. Const. XII. Def. XXII. n. 9.



*n. 9. BEYER. Jur. German. Lib. I. cap. XXVI. pos. XLI. sq.*

Aphor. XVII.

ANTE ACCEPTATIONEM SUBSISTIT)  
Non ideo solum, quia jura proniora sunt ad liberandum, quam ad obligandum, sed etiam, quia ignorantis & inviti conditionem meliorem reddere possumus vid. *STRUVIUM Exerc. XL. tb. VIII.* Idem juris esse in donatione piæ causæ facta, testatur *BERGER. Oec. Jur. p. m. 275.* In reliquis vero casibus acceptatio eatenus necessaria est, ut ne quidem sufficiat sola scientia, rem alterum velle donare, nullaque ante acceptationem oria-  
tur actio. Quare nec quicquam operabitur, si post mortem donatoris donatarius, qui non acceptavit, rem donatam petit. Quod naturæ pactorum omnino convenit, quæ perfectæ prius dici nequeunt, quam ex utraque parte mutuus ad-  
est consensus, isque sufficienter declaratus, adde *WERNHER. P. I. Obs. CLVII.*

Aphor. XVIII.

OMNIUM BONORUM PRAESENTIVM ET FUTURORVM ) Verum, qui hanc donationem fieri posse negant, & contra leges, & contra experientiam pugnant. vid. *L. XXXIV. §. IV. & V. C. de donation. L. VIII. C. de revocand. donat. L. V. C. de inofficios. donat.* Experientia vero abunde testatur, maxime inter rusticos invaluisse consuetudinem, ut in liberos vel extraneum etiam per donationem inter vivos bona sua transferant, si-  
bique quandam competentiam reservent, quam  
vo-

vocant den Groß-Vater, vid. STRYCKII *Diff. de jure avor.* Præterea Germanis ab antiquissimis temporibus solenne fuit, ut omnem substantiam suam per pacta, dum adhuc viverent, in alium titulo etiam lucrativo transferrent. Conf. BEYERUM *Delineat. Jur. Civil. tit. D. de donat. pos. V. not. c.* WERNHER. *P. IV. Obs. VIII.* Quam autem dissentientes ex Jure Romano afferunt rationem, quod ejusmodi donatio facultatem testandi auferret, ea primo haut concludens est, siquidem Jure Romano non omnia negotia, quæ testamenti factionem impediunt, prohibita sunt, ut videre est in arrogatione. Deinde Romani non præcise pacta, quæ testamenti factioni obsunt, invalida judicant, conf. WISSENBACH. *ad tit. D. de donat.* HARPRECHT. *ad §. XII. J. de donat.* STRYCK. *Cautel. Contract. Sect. III. cap. IX. §. IV. & Usu Modern. Pand. tit. de Donation.* Denique moribus nostris, ut supra monui, repugnat. Ne vero, qui omnia bona donat, postea ipse egeat, leges, quando sibi ipsi eo nomine pacto non prospexit, satis cavent, dum provideri jubent, ne donator liberalitate sua inops fieri periclitetur *Leg. L. de re judicat.*

SINE CONSENSU HEREDUM NEQVEANT DONARI ) Dicuntur autem bona avita, non quæ præsens possessor, nec, quæ pater ipsius acquisivit, sed quæ minimum ab avo quæsitæ, jure hereditario, nullo interveniente contractu, ad alienantem devoluta sunt. Erb-Etamm-Güther. Et sic immobilia solum bona huc pertinent. Per heredes

des vero soli descendentes alienantis intelliguntur. Donatio ipsa simplex & inter vivos esse debet. Cæterum nil interest, utrum judicialiter, an extrajudicialiter donatio facta sit. Ita rem ex interpretatione usuali & authentica explicat, & textum JVR. PROVINC. SAXON. *Lib. I. art. LII.* & JVR. PROV. SVEVIC. *cap. CCCVIII.* illustrat BEYER. *in Jur. German. Lib. II. cap. XI.* quem vel ideo conferre juvat, quo amica jurium Germanicorum hoc in argumento conspiratio & verus Juris antiqui sensus, a Lubecensibus quoque, Hamburgensibus, & Luneburgensibus per peculiaria statuta approbatus, eo magis innotescat.

Aphor. XIX.

CORAM JUDICE ) An competente? Hoc negant multi, quia donatio est actus voluntariæ jurisdictionis. Ut vero *L. XXVII. C. de donation.* ad quam provocare solent, opinioni parum præsidii affert, siquidem inde hoc solum eluceat, donationem rite esse insinuandam, ita e contrario *L. XXXII. C. Eod.* perspicuum exhibet testimonium, competentem judicem esse eligendum. Nec obstat, actum voluntariæ jurisdictionis donationem esse. Nam ejusmodi actus, si causæ cognitionem prærequirunt, competentiam judicis desiderare, res expedita est. Causam vero in immodica donatione cognoscendam, & ad personam donantis æque, ut necessaria vitæ subsidia retineat, ac ad personam donatarii, an honestate morum præditus sit, respiciendum esse, nemo inficias ire potest. De jure Germanico rem minus dubii habere existimo, si-

T

qui-

quidem bona immobilia transferri nequeunt absque resignatione judiciali, quæ certe coram competente iudice fieri debet *CARPZOV. P. II. Const. XII. def. XIX.* Mobilia vero sua bona omnia, vel immodice tamen, qui donat, omnino in ea causa est, ut iudici occasionem suppeditet, cum cura inquirendi, ne profusio & prodigalitas subsit, neve postea egeat. Quod iterum ab alio iudice, nisi qui personas & facultates donantis & donatarii novit, cum effectu peragi nequit. add. *WERNHER. P. V. Obs. CXXIX. P. IX. Obs. I.* Cæterum insinuationis necessitas omnino extendenda erit ad eum casum, quando quis, ut fraudem legi inferat, donationem immodicam dividit, quamvis alias plures donationes diverso tempore factæ non connumerentur, sed singulæ valeant *L. XXXIV. §. III. C. de donation.* Cumque generatim insinuatio a legis præceptione, quæ simul, ne alia ratione subsistat donatio, prohibet, derivanda sit, in privatorum arbitrio haut positum est, ut isti necessitati renunciare, vel juramento donationem validam reddere possint *CARPZOV. d. l. def. XIV.* Renunciatio enim in iis solum admittitur, quæ legis permissivæ sunt. Contra prohibitivam legem nec renunciatio valet, nec juramentum *L. V. C. de Legib.*

**QVAE CITRA INSINUATIONEM VALENT)**  
 Ut vero insinuationis necessitas solummodo restringenda est ad donationes inter vivos proprie ita dictas, nec ideo insinuatione opus est in donatione mortis causa, quæ ad ultimas voluntates acce-



accedit, ut & in donatione remuneratoria, quæ instar tituli onerosi est, ita in donationibus quoque inter vivos insinuatio cessat, quando metus profusionis vel læsionis non subest. Sic & impune omittitur in donatione annuæ quantitatis ad personam restricta, quia eventus incertus est, & uno alterove anno mors alterutrius sequi potest. Quod secus, si ex utraque parte mentio heredum injicitur *L. XXXIV. §. IV. C. de donation.* In donatione vero a Principe facta vel ideo insinuandi necessitas cessat, quia ipse Princeps legibus est solutus.

Aphor. XXI.

SED INOFFICIOSA ) Ad ejus itaque revocationem concessa est querela inofficiosæ donationis, & quidem exemplo querelæ inofficiosi testamenti. Solebant enim parentes, postquam ipsis imposita esset necessitas liberos vel heredes instituendi, vel exhæredandi, immodica donatione querelam inofficiosi testamenti eludere, & liberis, præter inane heredis nomen, nil amplius relinquere. Huic itaque fraudi, ut obviam irent leges, remedium illud revocandi donationes, quæ legitimæ gravamen inferrent, introduxerunt. Non tamen argumentatio a querela inofficiosi testamenti ad querelam inofficiosæ donationis simpliciter valet. Nam totam donationem non facit irritam, sed solum usque ad legitimam. Imo ne quidem locum habet, nisi integrum quis patrimonium donatione exhausit, cum, læsione ex portione in alios translata intuitu legitimæ oriunda, actio magis supple-



toria locum habeat, add. late VINNIVM *Sel. quaest. jur. Lib. II. cap. XXXIII.*

OB INGRATITVDINEM DONATARI) Quæ tamen prægnans legibusque approbata esse debet. Ob simplicem ingratitudinem, quando beneficia beneficiis non pensamus, nulla datur actio, sed ut in benefactorem injurii finis, requiritur, vid. BÖCLERI *Diss. de actione ingrati.* SCHLITIVM *Diss. de eo, quod justum est circa ingratitudinem §. VIII. seq.* Neve quævis injuria, sed ea solum, quæ famæ, bonis vel vitæ donatoris præjudicium infert, donatarium emolumento privet, leges ipsæ jam prospexerunt, vid. *L. fin. C. de revocand. donat.* eoque ipso privatorum arbitrium hoc in argumento restrinxerunt. Cæterum ipsa actio hæc revocatoria personam donatoris & donarii non excedit. Ex parte ejus enim sapit vindictam ob injuriam illatam, quam morte interveniente, si animum vindicandi nondum declaravit, remisisse videtur. Ex parte hujus vero delictum præsupponit, ob quod heredes puniri nequeunt *L. XXII. C. de poen.* Præterea etiam ingratulus dici nequit, nisi qui ab eo, contra quem peccat, beneficium accepit. Cumque heredi nihil tributum sit, ne tunc quidem ille ista actione tenebitur, quando ipse donatorem injuria affecit add. *L. X. C. de revocand. donat.*

ET POSTMODVM IPSI NASCANTVR LIBERI) Præsupponit tamen allegata lex, quam pro opinione sua citant interpretes, specialem istum casum, donatorem tempore donationis animum

num procreandi liberos deposuisse, ejusque rei intuitu liberos sustulisse. Sed per usualem interpretationem indistincte juris esse, autumant, ut supervenientia liberorum irritam faciat donationem, cum nemo præsumatur, successiones alienas propriis præferre voluisse. At enim vero, si dicendum, quod res est, videtur hæc extensio analogiæ juris adversa esse. Non ideo solum, quod lex de certis personis & certo casu disponens extensionem regulariter non admittat, sed & præterea supervenientia liberorum in eo, qui animum liberos procreandi adhuc retinet, ad non cogitata referri nequeat. add. VINNII *Quest. Jur. Lib. II. cap. XXXII.* Quod vero liberis supernatis integrum sit, donationem usque ad legitimam revocare, & rationi & juri conveniens est.

### Aphor. XXII.

MODVS, SI NON IMPLEATUR) Et quidem in totum. Nam si maxima ex parte modum adjectum implevit donatarius, actio revocatoria cessat. Quamvis enim lex commissoria ejusmodi donationi tacite insit, illique in emtione venditione adhuc locus sit, utut emtor partem pretii solverit *L. IV. §. I. de Lege Commiss.* jus tamen canonicum hunc rigorem temperat, & his, qui promissionem suam saltem ex maxima parte impleverunt, poenam remittit, *cap. IX. X. de poen.* LEYSER. *Spec. CCCCXXXV. med. IV.* Ut vero, si res donatario jam tradita sit, actio revocatoria datur, ita & donatori ejusque heredibus, si donatio adhuc promissa, recte quoque conceditur exceptio

nondum impleti modi *L. CLVI. §. I. de Regul. Jur.* quando donatarius modum adjectum imple-  
re neque paratus est, neque cautionem eo nomine  
offert. *L. XL. §. fin. L. LXXX. D. de condition.  
& demonstr.*

### Aphor. XXIII.

OB INSIGNIA BENE MERITA ) Hanc ne-  
cessariam esse, & ad eam faciendam donatorem  
ipso jure obligari, ita quidem, ut & actione peti  
possit, existimant BRUNNEMANN. ad *L. I. de do-  
nation. STRUVIUS Exerc. ad Pandect. XL. §.  
XVII.* Nec leges desunt, ad quas provocant, ni-  
mirum *L. XXVII. D. de donation. L. XXXIV.  
§. I. Eod. L. XXV. §. XI. de petit. hered. L. I.  
de extraordinar. cognit.* Sed confundunt remu-  
nerationem meriti, quæ ex grato animo proficisci-  
tur, cum mercede præstanda illi, qui operas nobis  
præstitit. Hæc necessitatis est, illa semper volun-  
tatis. Ad hanc jure civili obligamur, ad illam ju-  
re naturali. Hanc exigere possumus, illam expe-  
ctare debemus. Et certe tantum abest, ut actio ci-  
vilis ad remunerandum bene merita comparata sit,  
quin potius diserte denegetur in *L. XXV. §. XI. de  
heredit. petit.* & remuneratio pudori saltem ejus,  
qui bene merita accepit, relinquatur. Præterea  
his ipsa de remuneratione excitata exitum non ha-  
bebit, cum non possit non judex hæsitare, quid  
quantumve determinandum sit. add. LEYSER.  
*Spec. CCCCXXXIV. med. X.* Cæterum, ut per  
bene merita hic singularia intelligamus beneficia,  
ad quæ quis jure non est obligatus, res ipsa docet.  
Quic-

Quicquid enim jure ab aliquo exigere possum, id, ut remuneratione compensem, ne naturaliter quidem sum obligatus. Quare consultum non solum erit, ut in instrumento donationis sigillatim exprimatur, quibus meritis donator ad liberalitatem sit commotus *STRYCK. Caut. Contr. Sect. III. cap. IX. §. III.* Sed etiam præterea nulli dubio obnoxium, quod vera & simplex donatio subsit, si quis officia, quæ jure exigere poterat, compensat.

OB ALIQUAM CAUSAM REVOCARI) Varia sunt privilegia, quæ in favorem donationum remuneratoriæ sunt introducta. Præterea enim, quod insinuatione non indigeant, quodque revocari non possint, id quoque statutum, ut præsumantur, *BRUNNEMANN. ad L. XII. §. VIII. Mand. ut valeant inter conjuges L. VII. §. II. de donation. inter vir. & uxar.* ut & inter patrem & filium subsistant, ut querelæ inofficiosæ donationis non subjaceant.

#### Aphor. XXIV.

INTER VIRVM ET VXOREM SVNT PROHIBITAE) In cujus prohibitionis ratione genuina detegenda multi sunt, qui frustra desudant. Vera & unica ratio enim alia non fuit, quam quod moribus Romanorum antiquis uxor in potestatem mariti veniret, atque sic fictio unitatis inter conjuges intercederet, ea vero ratione eodem modo, ac donatio inter patrem & filium, inter conjuges donatio esset prohibita, vid. *HEINECCIUM Antiq. Roman. Lib. I. cap. X.* Sed ut ipsa prohibitio



solummodo ad veras & simplices donationes pertinebat, eamque ob causam, & donatio remuneratoria *L. VII. §. II. L. XXXII. §. IX. & XIV. de donat. inter vir. & uxor.* ut & donatio mortis causa *L. IX. in fin. L. X. Eod.* omnino valebat, ita certe fictione unitatis cessante ipsa donatio simplex subsistebat. Indeque procul dubio est, quod ejusmodi donatio ante mortem non revocata valeret *L. XIII. §. I. L. XXXII. §. II. L. XXV. C. de donation.* Præterea, ut invalida esset donatio, hæc duo conjunctim requirebantur, ut donans pauperior, donatarius vero locupletior esset factus. Imò hoc adhuc requirebant, ut donatio esset alicujus momenti. Quæ omnia, si probe expendamus, nos fere movent, ut ipsam regulam per tot limitationes destrui, nec casum quendam facile existere posse existimemus, quo conjux emolumento ex donatione a conjuge facta privetur, nisi quatenus directo in præjudicium tertii tendit, v. c. si in fraudem creditorum fiat.

NON FUIT FACTVS LOCUPLETIOR) Ut itaque donatio non subsistat, duo requirunt, donantem factum esse pauperiorem, & donatarium locupletiozem. Altero deficiente donatio valida est. Sic cum illi, qui rem alienam donat, ex suo nihil decedat, hæc donatio minimum conditionem usucapiendi confert in donatarium *L. V. §. VIII. L. XXV. de donat. inter vir. & uxor.* Deinde ex eodem fundamento conjugem legatum vel hereditatem repudiare posse, ut conjugi accrescat, ex *L. V. §. XIII. L. XXXI. §. VII. Eod.* colligunt. Et



Et certum fit omnino & evidens, Pomponium Ictum in ista lege opinionem illam suam facere. Sed aperte contradicit Ulpianus in *L. III. §. XIII. Eod.* & Julianus in *L. IV. D. Eod.* & donationem invalidam pronunciant, si donaturum mihi jussissem uxori meae dare. Quam decisionem crederem illi præferendam esse, cum in effectu idem sit, utrum, quod acquirere possum, remittam, an tantumdem donem. Utut vero alteri ex suo aliquid decedat, alter tamen fieri debet locupletior. Quare subsistit donatio miserationis causa facta *L. IV. L. V. §. I. Eod.* dignitatis consequendae causa, item ad oblationem Dei *L. V. §. XI. & penult. L. XL. seq. Eod.*

### Aphor. XXV.

DONATIO MORTIS CAUSA) Quorsum etiam in Saxonia Electorali referunt, quando alter conjugum domum vel aliam rem immobilem sua pecunia acquirit, alteram vero de eadem re secum simul investiri curat, wenn sie einander in die halbe Lehn nehmen, und das Grund-Stück zur Helfte in Lehn reichen lassen. Hoc enim peculiare negotium naturam mortis causa donationis sapere, indeque unice conficiendum esse, singulari Dissertat. docuit ROMANVS sub tit. *de dimidia investitura rei immobilis allodialis inter conjuges.*

### Aphor. XXVI.

ANTE MORTEM NON FVERINT REVOCA-  
TAE) Revocatio tamen non præsumitur, sed, ut in *L. XXXII. §. IV. de donation. inter vir. & uxor.* statutum est, evidenter apparere debet, de-  
fun-

functum revocasse donationem. In dubio enim jura procliviora sunt ad comprobendam donationem. Interim voluntatem revocandi non verbis solum, sed & factis declarari posse, inde apparet, quando *L. XII. C. Eod.* eam ex alienatione rei donatæ colligit. Aliud exemplum vide in *LEYSERI Spec. CCCXII. med. VIII.*

### Tit. XI.

De Personis, quæ possunt transferre dominium, sive de iis, qui possunt alienare vel non: & per quas personas cuique acquiritur.

### Aphor. I.

**C**ERTA REQUISITA OBSERVANDA) Non alia tamen, quam, quæ in alienatione bonorum pupillorum & minorum leges pro forma præscribunt. Habent enim furiosi & mente capti ubique jura minorum, nec dubium ideo esse potest, quin iisdem solennitatibus bona eorum alienanda sint, quas minorum bonis alienandis adhiberi fas est. *WERNHER. P. III. Obs. XCIII.* Putant tamen nonnulli, subsistere contractus qualescunque furiosi & mente capti absque solennitatibus, si modo negotium judicialiter vel in præsentia consanguineorum aliorumque honestorum virorum expediatur, cum priori in casu præsumptio dilucidi intervalli oriatur, nec temere existimandum sit, judicem rite omnia non ponderasse, causamque debito modo non cognovisse, atque ideo fides judicialis sustineri debeat; in casu autem posteriori-

steriori præsentia honestorum virorum omnem præsumptionem, tum temporis furiosum rationis usu caruisse, excludat. At enim vero præsupponendum est sine dubio, constare jam aliunde, quod furor non sit perpetuus, quodque amentia aliquando cessaverit. Quodsi enim contrarium notum est, ista præsumptio pro intervallo vix fundamentum sufficiens habebit. Et sic, nisi alia concurrant adminicula, sola judicialis auctoritas, solaque præsentia honestorum virorum haut operabitur, ut furorem & amentiam, quæ ante & post negotium adest, abfuisse eo solo momento existimemus, quo contractum judicialiter, vel adhibitis aliis honestis viris, celebrabat furiosus & mente captus. Ita respondimus Mens. Novembr. 1736.

### Aphor. II.

**HAEC ENIM ALIENATIO REVOCATUR)** per actionem Paulianam, quam Prætor creditoribus maxime chirographariis concessit, qui per alienationem læsi sunt. Ut tamen cum effectu instituere possint hanc actionem, requiritur I) alienationem positivam adesse & aliquid ex patrimonio debitoris in alium translatum esse. Quicquid debitor non acquisivit, utut in fraudem creditorum, huc non pertinet. Quod enim nondum acquisitum est, in eo etiam dominium non competit. Præsupponit tamen alienatio dominium vel jus in re. Soli igitur fisco ob repudiationem in ejus præjudicium factam actio revocatoria conceditur *L.XI. de jure fisci* II) alienationem factam esse animo defraudandi creditores, & debitorem postea solvendo

liberi rerum instar patri omnia acquirerent absque ulla distinctione. Nec enim ullum inter peculium profectitium & adventitium erat discrimen, sed utrumque patri acquirebatur ea ratione, ut ne quidem emancipato filio quicquam esset restituendum. Quam ob rem DIONYSIVS HALICARN. *Lib. VIII. Antiquit.* testatur, liberis Romanorum nihil proprii fuisse vivo patre. Ast successu temporis filiis concessa est sub nomine peculii separatam a patris rationibus pecuniam habendi facultas. Quicquid enim ex militia vel occasione militiæ acquirebant, sibi plene acquirebant. Idem privilegium tributum acquæstui ex militia togata. Prioris peculii jam meminit JUVENALIS *Satyr. ultim.* Posterius memorat Papinianus in *L. LII. §. VIII. pro socio.* Adventitium vero peculium habendi jus jam ex speciali lege filio ab Hadriano & Antonino Pio concessum esse videtur. Conf. *Leg. L. ad Sctum Trebellian. L. LII. de acquir. vel omittend. hered.* Postea Constantinus M. bona materna a patris dispositione excepit, vid. *L. I. C. de bon. matern.* Idem ad nuptialia & sponsalitia lucra extensum in *L. I. L. IV. & V. C. de bon. quæ liber.* Demum Justinianus in *L. VI. C. Eod.* omnem doctrinam de peculio ordine digessit, ut sic res eo rediret; quod filius peculium castrense & quasi castrense pleno jure acquireret, ejusque intuitu pro patrefamilias haberetur, acquæstus ex re patris vel occasione patris ad hunc pleno jure spectaret, adventitii peculii proprietas filii esset, patri autem ususfructus acquireretur. Tandem & filiis jus datum est,



est, aliunde, quam ex re patris acquisita sibi solis sub nomine peculii adventitii irregularis vindicandi.

#### Aphor. IV.

EX RE PATRIS) vel intuitu patris, si v. c. quis patri donaturus filio donet. Idque in dubio semper factum videtur, si filius ejus ætatis nondum sit, ut ejus merita præcedere potuerint. Quod tamen eo extendi posse non credo, tanquam patri etiam pecunia lustrica acquiratur. Quod facit LAVTERBACH. *Compend. Dig. tit. de pecul.* Hic enim satis perspicua est donantis intentio, quod infanti memoriam sui commendare velit. Generatim vero, quando verosimilia adfunt argumenta, infanti magis, quam patri donationem fieri, hic acquæstus ad peculium adventitium erit referendus. Idque, quod ad pecuniam lustricam attinet, usus fori satis confirmat, qui liberis non solum ejus intuitu hypothecam tacitam in bonis patris & quidem a tempore baptismi concedit WERNHER. *P. I. obs. XIX.* CARPZOV. *P. II. Const. XXIV. def. ult.* MEVIVS *P. IX. Decis. LXIII.* Sed & concursu creditorum moto extantem vindicare, consumptam condicere permittit, quod fieri non posset, si pars esset peculii profectitii, add. TITIVM in der Probe des geistl. Rechts *Lib. III. cap. II. §. XXV.*

PATRIS EST) Et sic filio nihil plane juris in peculio profectitio competit, nisi quod administrando industriam exercere, & ex justa causa donare possit *L. VII. pr. D. de donationib.* Eoque nomine inventa est contra patrem actio de peculio, ut pro quantitate peculii eos, qui cum filio intui-

tu



tu peculii profectitii contraxerunt, indemnes præstet. Quæ tamen hodie paulo rarior, quia liberi nostri vix negotiari solent, nisi se simul a patris familia separent. Hoc vero facto, filius ipse, non vero pater de negotiatione sua respondere debet. Ut igitur peculium profectitium pleno jure ad patrem perinet, ita nec filius unquam hoc peculium suum facit, sed mortuo patre conferre, vivo autem patre emancipatus patri restituere debet. Hoc tamen in posteriori casu est singulare, quod pater, qui non expresse ademit peculium, illud donasse censeatur *L. XXXI, §. II. D. de donation.* Eaque omnia hodie apud nos usu etiam servantur. Illud autem, quod ex *L. III. §. IV. D. de minor.* jus singulare deducunt, filium nempe, publicatis bonis patris, præcipuum habere peculium profectitium, hodie vix usum habebit, siquidem poena confiscationis hodie non nisi in crimine perduellionis frequentetur, hoc vero casu poena etiam liberos perduellium teneat, *WISSENBACH. ad Digest. P. I. Diff. XXIX. §. XVII.*

Aphor. V.

*VSUMFRUCTUM PATRI ACQVIRIT*) Isque, cum legalis sit *L. VI. pr. C. de bon. qua liber.* hoc efficit, ut pater non a cautionis solum præstatione immunis sit, sed ejus jus quoque ita radicatum, ut ipsi nulla interverti possit ratione, quod ad bona attinet, quæ liberis a matre necessario relinquenda sunt. *Nov. CXVII. cap. I. AUTHENT. Excipitur. C. de bon. qua liber.* Ut sic ne gravamen quidem legitimæ bona mente illatum cum effectum habere possit, ut patri ususfructus intuitu legitimæ adimatur, quem

quem alias ratione bonorum extra legitimam restringere fas est. BERGER. *Resol. Lauterbach. p m. 241.* BRUNNEMANN. *ad L. XXV. C. de inoffic. testam.* Competit autem hic ususfructus patri vi Patriæ Potestatis. Indeque est, quod Jure Romano duret ad dies vitæ *L. IV. C. de bon. quæ liberis*, quodque e contrario emancipatione amittatur *L. fin. C. ad Sctum Tertull.* nisi quod pater in præmium emancipationis dimidium ususfructus retinere possit *§. II. J. per quas person. cuique acquiritur.* Quod hodie tamen vel ideo applicari nequit, quia Patria Potestas onere educandi absolvitur, & sic ususfructus etiam ad hoc onus sese refert, eamque ob rem, simulac liberi ex patria potestate exeunt, omnia bona ipsis restituenda sunt *Land-Recht Lib. I. art. XI.* Ut mirum omnino sit, quando Doctores, quo Juris Romani vigorem in hoc argumento conservent, inter emancipationem expressam & tacitam distinguunt, & illius intuitu Juris Romani dispositionem admittunt. vid. BERGER. *Oec. Jur. Lib. II. Tit. II. §. XXXIII. n. 9.* cum tamen Germani nunquam patri eam tribuerint potestatem, quæ Romanis propria erat, emancipatio præterea moribus nostris plane non conveniat, & demum clara lex de restituendis bonis adsit, hæc vero ipsa optima illa ratione innitatur, quod ususfructus patri in compensationem alimentorum cedat, add. THOMASII *Diff. de quasi emancipatione Germ.* Quo vero argumento de peculio adventitio faciamus satis, id addamus necesse est, patri præter usumfructum quoque com-  
petere

petere legitimam administrationem *L. fin. §. III. C. de bon. quæ liber.* Sed cum hujus administrationis indolem supra jam ad *tit. XVIII. apbor. I.* investigaverimus, hoc loco solum monemus, facultatem disponendi de bonis adventitiis, eaque ob necessitatem vel utilitatem alienandi, ultra casus in lege expressos, non esse extendendam. Diserte enim *L. VIII. §. IV. & V. C. Eod.* extra causas enumeratas alienationem tam stricte prohibent, ut dubium superesse nequeat, quin nullitate laborent, quæ pater peculii adventitii intuitu invitis legibus gessit, filiusque sui juris factus alienationem revocare possit. Nec placet limitatio *BRUNNEMANNI ad L. I. C. de bon. matern. n. 14.* quod filius patris heres factus alienationem hanc rati habere, factumque patris agnoscere debeat, cum obligatio heredis neutiquam eo extendi possit, ut & ea, quæ nulliter gesta sunt, valida esse sinat. Et ita responderunt Scabini Jenenses Mens. Nov 1736.

**PLENA PROPRIETAS AD FILIUM FAMILIAS PERTINET**) Quod vocant peculium adventitium irregulare. Hoc vero, cum ad filium pleno jure spectet, patris dispositioni plane non subest, sed minorenni filio peculiaris tutor vel curator constituitur, qui administrationem suscipiat. Volens tamen pater suscipere quidem potest administrationem, sed nullis ideo privilegiis est munitus, cum potius ad ea omnia obligetur, ad quæ alias tutor vel curator administrans est obligatus.

**A PRINCIPE, EJUSVE VXORE**) Verum ex allegata *L. VII. C. de bon. quæ liber.* aperte constat,  
U stat,

stat, donata a Principe referri ad peculium castrense. Multum vero interest, cui speciei ea annumeres, cum de peculio castrensi filio testari liceat, non de adventitio irregulari *H V B E R. ad Dig. tit. de pecul. §. II. in fin.*

### Aphor. VI.

**ARMATAE MILITIAE)** Illum tamen acquæstum intellige, qui militiam instruit. Ea vero qualitas in bona immobilia non cadit. Quare in se nec peculio castrensi accedunt. Quia tamen peculium pro universitate habetur *L. XX. §. X. D. de heredit. petit.* in universalibus vero res in locum pretii succedit, juris etiam est, ut per indirectum res ex peculio castrensi emta eodem jure, quo ipsum peculium, censeatur *L. I. C. de castrens. peculio.*

**PLENO JURE AD FILIOS PERTINET)** Id est, filius hujus peculii intuitu habetur pro patrefamilias, utitur jure separationis *L. VII. C. de castrens. pecul. L. I. §. IX. D. de separation.* gaudet beneficio competentiae *L. VI. & XVIII. de re judic.* oneri collationis hoc peculium non subest *L. I. §. 15. D. L. fin. C. de collat.* filius cum patre ejus intuitu agit *L. IV. D. de judic.* Verbo, & proprietatem & usumfructum cum liberrima dispositione inter vivos & mortis causa habet *pr. §. quib. non est permiff. fac. testam. L. III. C. de castrens. pecul.* Unica differentia inter peculium castrense & quasi castrense, hæc est a modo testandi desumpta, quod de illo filiusfamilias jure militari omis-  
sis solennitatibus, de hoc non nisi jure communi,  
&



& secundum normam a legibus præscriptam testetur. §. VI. *J. de militar. testament.*

Aphor. VII.

**DOMINIS SVIS ACQUIRUNT**) Cum Auctor noster de acquæstu per servos & liberos nimis vage loquatur, confusionis evitandæ causa sequentes propositiones sollicite sunt distinguendæ. I) Verum est, patrem per liberos, dominum per servos, ut & dominum jurisdictionalem per homines proprios acquirere. II) Falsum est, id indistincte fieri. III) Falsum est, acquæstum, qui Germanis cognitus est, cum acquæstu Romanorum convenire. Nam liberi utrique parentum operis suis acquirunt, quamdiu in familia paterna vivunt. Homines proprii domino jurisdictionali acquirunt per operas & præstationes tam personales, quam reales. Servi nostri vi pacti dominis acquirunt operis suis, quamdiu in famulatio sunt. Omnis itaque acquæstus in Germania absolvitur emolumentis, quæ ex operis proveniunt, ad quas præstandas vel filius, vel servus ob peculiarem societatis paternæ vel herilis nexum, homo vero proprius ob vinculum, quo prædio domini adstringitur, obligatus est. Id, quod præterea acquirunt sive ex contractu, sive ex testamento, sibi solis acquirunt. Inde vero patet, quam late acquæstus Germanorum a Romanorum discedat, siquidem apud Romanos dominium patris & domini, quod liberorum & servorum intuitu exercebant, hos in ea conditione vivere jubebat, ut nil proprii inquam habere possent, sed iidem ipsi omne lucrum, sive ex stipula-



tione, & donatione, sive ex legato vel testamento, obveniret, patri vel domino relinquere debebant. Nec alia servorum unquam conditio fuit, liberorum vero conditionem postea meliorem factam esse, ex iis, quæ supra monui, colligere licet.

### Aphor. VIII.

**NOBIS ACQUIRATUR**) Romanis olim vix alius acquæstus, qui ex facto tertii provenerit, cognitus fuit, quam si persona tertia acquirentis juri esset subjecta. Cæterum regulam servabant; per extraneam personam liberam nihil acquiri posse, nullamque, nisi inter ipsos contrahentes, nasci obligationem §. IV. *J. de inutil. stipulat. L. III. C. Eod.* Quapropter vel fictione quadam utebantur, eum, qui acquireret, dominum esse. Idque usu veniebat in tutore, & procuratore, vid. BÖHMERT *Dissert. de dominio litis*, vel cessione jus ab alio acquisitum in alium transferendum esse credebant. Verum hanc subtilitatem Germani antè receptionem Juris Romani feliciter ignorarunt, & adhuc hodie ignorant, ut sic nostris moribus plane non conveniat, sed tertio etiam inscio & ignoranti per tertium obligatio & actio valide acquiratur SCHILTER. *Exercit. XXXIII. ib. XXXI.*

### Tit. XII.

De domini natura & effectu ejusque divisionibus, ac in specie Emphyteusi & superficie.

### Aphor. I.

**POTISSIMUM CONSISTIT**) Imo potissimum consistit in facultate, rem suam a quovis

vis possessore vindicandi, cum, ut Auctor noster ipse fatetur, reliqui effectus dominii, quæ naturam ejus solum constituunt, salva dominii essentia abesse possint. Idque nos ipsi supra jam probatum dedimus.

Aphor. II.

VEL RESTRICTA) Ista restrictio, qua dominus facultate disponendi de re sua, eam transmittendi ad heredes cujuscunque generis, & omnem utilitatem ex re percipiendi, vel in totum vel pro parte, privatur, ex triplici fonte dependet. Vel enim lex restringit. Cujus rei exempla occurrunt in alienatione bonorum pupillorum & minorum, Ecclesiasticorum, civitatis, prodigorum, rei dotalis, obæratæ debitoris, &c. Vel pacto interveniente, dominus juribus suis renunciat, eorumque tertium participem reddit. Quod facile probatur exemplo feudi, emphyteuseos, superficiei, unionis prolium, pactorum successiorum. Vel testator effectus dominii limitat. Idque fit v. c. in fideicommissis familiæ, vel etiam, quando proprietatem & usumfructum dividit. Præterea vero in restrictione effectuum dominii vel id agitur, ut alter omnem proprietatem retineat, nec tamen reliquis dominii effectibus utatur, vel id etiam agitur, ut alter partem solum proprietatis, eamque nudam, habeat, alter vero partem proprietatis cum emolumento consequatur. Quod fundamentum est distinctionis dominii in plenum & minus plenum, directum & utile, cujus naturam & differentiam jam supra ad *Tit. I. Lib. II.* perscrutati sumus. Resque

omnis eo redit, quod dominus directus ex sua parte dominium utile, dominus utilis ex sua parte dominium directum intervertere nequeat, neve hoc fiat, & dominus directus potius jus suum conseruet, dominus utilis certas præstationes in se recipiat, quibus ipsis fatetur, dominum directum partem proprietatis sibi retinuisse.

### Aphor. III.

**EMPHYTEUSIS**) Ut in quovis negotio probe ab invicem distinguenda veniunt essentialia, naturalia, & accidentalia; ita & in Emphyteusi hæc invicem discernere maximam habebit utilitatem. Sunt autem essentialia, quæ dant esse rei, id est, efficiunt, ut negotium hoc, non aliud adsit, ipsum negotium ideo ab aliis distinguunt, & formam ejus constituunt. Quare necessario & præcise adesse debent, si vero desint, negotium in aliam speciem degenerat. Naturalia sunt, quæ regulariter adesse præsumuntur, nec prius absunt, quam pacto contrario abesse jubeantur. Accidentalibus nunquam adsunt per se, sed pactis efficiendum est, ut negotio accedant. Ad essentialia itaque Emphyteuseos pertinet I) ut Emphyteuta fiat dominus utilis, II) & quidem rei immobilis, III) legem meliorationis in se recipiat, IV) Canonem uniformem in recognitionem domini directi solvat. Ex priori fluit, quod jus domini directi disponendo vel alienando non possit intervertere, quod tamen jus habeat rem a quovis possessore vindicandi, jus etiam, omnem utilitatem ex re vi domini percipiendi, quodque præterea Emphyteusin nemo constituere

stitueret possit, nisi qui ipse dominium habet. Ex secundo fuit, quod Emphytheusis non constituitur in re mobili. Ex tertio recte inferitur, quod omnis res, quæ culturam recipit, in Emphyteusin dari possit, quod Emphyteuta impensas meliorationis causa factas ex suo subministrare debeat, quod jus suum ob deteriorationem fundi amittat. Ex quarto denique facile deducitur, quod canon difformis Emphyteusi oblit, quod fructibus non sit proportionatus, sed in re minima consistere possit, quod canonis solutio non sit divisibilis, quod quilibet Emphyteuseos sit capax, qui canonem exsolvere, & dominium recognoscere potest, quod cessatio solutionis canonis nexui inter Dominum Emphyteuseos & Emphyteutam sit adversa. Ad naturalia Emphyteuseos inter alia pertinet, 1) ut ad heredes quoscunque transeat, 2) ut laudemium Emphyteuta pro receptione solvat, ubi id consuetudine est introductum. Alias enim laudemii præstatio ad accidentalalia magis pertinet.

#### Aphor. IV.

AGER ET DOMVS) Olim solum in agris civitatum publicis, & quidem incultis. Habet enim Emphytheusis originem ab instituto Romanorum, quo agros devictarum gentium provincialibus sub lege meliorationis cum onere exsolvendi canonis in recognitionem dominii concedebant. Postquam autem Zeno Imperator ipsum hoc negotium in certam formam redegerat, privati quoque agros remotiores in Emphyteusin dare solebant. Quod post varia temporum intervalla ad omnes agros etiam satis cultos, imò & ad prædia urbana tra-



ctum est. vid. PETR. BURMANNUM *de vectigal. popul. Roman.* SCHILTER. *Exerc. XVI. tb. LXXVI. seqq.* STRYCK. *us. Modern. D. tit. si ager vectigal. petat. §. III.*

CONSTITUITUR HOC JVS) Ut Emphyteusis jus reale producat, hæc tria conjunctim adsint, necesse est. Primo legitima constitutio aut per titulum dominii translativum, aut per ultimam voluntatem. Secundo nexus Emphyteutici, interveniente contractu Emphyteutico, introductio. Tertio rei Emphyteuticæ traditio. Prius enim non sufficit, quia titulis dominii translativis id magis inest, ut res pleno jure in alium transferatur, quam, ut accipiens dominium tantum utile acquirat. Alterum nondum sufficit, quia ex contractu obligatio solum personalis ad rem tradendam nascitur, jus autem reale non transfertur. Ergo præterea traditio accedat, ut Emphyteuta dominium utile acquirat.

CONTRACTV EMPHYTEUTICO) qui, ut suo loco videbimus, contractibus consensualibus annumeratur, atque sic ad sui essentiam scripturam, quamvis hæc conventionem partium formalibus negotii annumerari possit, non requirit. Nec aliud ex *L. I. C. de jur. Emphyteut.* evincitur, cum verba textus enunciativa, non dispositiva, esse per se constet. Nullum etiam fundamentum habet distinctio inter Emphyteusin secularem & ecclesiasticam, si scripturæ necessitatem consideres, cum sententiam illam, in Ecclesiastica minimum emphyteusi scripturam ad formam negotii pertinere



re *Novell. VII. pr. NOVELL. CXX. cap. V.* parum juvet. Sed omnis hæc de scriptura in Emphyteusos constitutione adhibenda doctrina ex confusione jurium Roman. & Germanicorum promanasse videtur. Germanorum enim moribus invaluit, ut fere de re immobili in alium transferenda nunquam consensum interponerent, quin simul probationis causa accederet scriptura.

PRAESCRIPTIONE ACQUIRITUR) Quæ præscriptio, ut omnibus requisitis, quæ alias præscriptioni locum faciunt, munita esse debet, ita quoque sigillatim præsupponit, possessorem, ut emphyteutam, fundum possedisse; quod an præsumi possit, si per tempus lege definitum canonem uniformem, qui cum fructibus non habet proportionem, exsolvit, inter Doctores non convenit. Nos MEVIO quidem, qui in *Decis. CLXXXVIII. P. III.* ex sola solutione canonis uniformis emphyteusim induci negat, accedimus, cum & pro agro locato canon uniformis præstari possit. Quod si vero canon iste fructibus non sit proportionatus, prægnantem pro Emphyteusi oriri præsumtionem, omnino credimus, cum primis, quia in hoc uno fere Emphyteusis ab aliis bonis censiticis & conductis sese distinguat add. WERNHER. *P. IV. obs. LXXXVI.* Quod in Saxonia Elector. per *CONSTIT. ELECT. XL. P. II.* expressa lege statutum. Quare, ne domino agri ista præsumptio aliquando obstet, neve illi probatio, agrum potius conductum esse, desit, id agat, ut statis temporibus canonem augeat vel minuat. Ejusmodi enim difformitas id efficit, ut, conducta

U 5

ma-

magis, quam Emphyteutica prædia esse censeantur WERNHER. *P. I. obs. LXXV.* Quam bene autem sibi ista ratione dominus agri consulat, inde facile patet, quia prædia emphyteutica revocari nequeunt pro lubitu, bene vero prædia conducta SCHILTER. *Pr. Jur. Rom. Exerc. XVI. §. LXXXVI.* SECKENDORF im Deutschen Fürsten-Staat *P. III. §. II. §. V.*

### Aphor. V.

LEGITIMIS SUCCESSORIBUS) Hoc tamen naturale solum esse, & pactis mutari posse, & nos supra diximus, & Auctor recte monet. Verum in Emphyteusi Ecclesiastica thesis invertenda est. Hujus enim natura non patitur, ut ultra nepotes extendatur successio NOVELL. *VII. cap. VII. pr.* Atque ideo peculiari pacto opus est, ut in perpetuum duret NOVELL. *LV. & CXX. cap. VI. AVTHENT. perpetua C. de SS. Eccles.* Ratio vero ipsa, quod Emphyteusis secularis ad omnes heredes transeat, partim ex voluntate legislatoris, partim inde petenda est, quia omnis Emphyteuta, cujuscunque sexus vel qualitatis sit, ex solutione canonis dominium recognoscere potest. Quo ipso luculentum simul sese inter feuda & emphyteusin sistit discrimen, cum in feudo regulariter illi solum succedunt, qui a primo acquirente descendunt, & qui pacto sibi prospexerunt. Feudum tamen non statim subesse, etiamsi emphyteusis concessa sit zum Lehn, recte monet LEYSER. *Spec. CII. med. VII.* Vox enim Lehen adeo late patet, ut omnia bona, quæ quis alterius beneficio possidet,

det, qui sibi in concessione jus aliquod reservavit, sub se comprehendat HORN. *Jurispr. Feudal. cap. II. §. III.* Imo licet investitura actus, die Belehnung accedat, feudum non statim adest, cum & de censiticis & emphyteuticis prædiis investitura fieri soleat, vid. late LVDWIGII *Jus Clientel. Germanor. STRUVII Syntagm. Jur. Feud. c. II. §. X. n. 3.*

### Aphor. VII.

EMPHYTEUTAE JVS IN EO CONSISTIT)  
Facile, quid Emphyteutæ in re emphyteuticaria juris competat, & quænam incommoda eum sequantur, ex natura domini utilis deduxeris. Vi domini enim rem vindicat, de eadem disponit tam inter vivos, quam mortis causa, eam ad quoscunque generis heredes transmittit, omnia emolumenta ex eadem ipsa percipit tam ordinaria, quam extraordinaria, sed & onera vi correlatorum subit, imo & casum, ut dominus, sentit, sterilitatem solus fert. Quemadmodum autem dominium utile indicat, adesse alium dominum, qui partem proprietatis sibi retinuit, sic ipse emphyteuta proprietatis partem sibi concessam ita exerceat, ne jus domini directi pereat. Quo fit, ut ejus dispositio de Emphyteusi sit restricta, nec effectum habeat, intuitu domini directi, cujus consensus deest. Sed & dominium utile præsupponit, rem adesse, quæ commodum affert. Quare si tota res Emphyteuticaria perit, cessat dominium utile, & cessat etiam procul dubio obligatio onera ferendi, atque dominus magis directus omne damnum fert. *L. I. & II.*

*C. de*

*C. de jur. emphyteut.* Addunt alii, hanc obligationem expirare, si emphyteuta re emphyteutica plane non potuit uti v. c. propter bellum BRVN-  
NEMANN. *ad d. L. I. C. Eod.* quod in se spectatum ratione non caret, cum res sic civiliter minimum extincta sit, rei vero extinctæ dominium recognosci nequeat. Sed æquitas omnino suadet, ut dispiciamus, an usus rei in perpetuum, an vero ad tempus solum intercipiatur. Posteriori enim in casu damnum adhuc Emphyteuta ferre debet.

### Aphor. VIII.

DOMINI CONSENSVS QUIDEM SIT RE-  
QUIRENDVS ) Cujus dispositionis ratio ex antea dictis constat. Consistit enim in interesse domini, cui invito neque dominium directum interver-  
ti, neque novus emphyteuta obtrudi potest, maxime cum justas dissentienti dominus habere possit causas, quare novum emphyteutam non admittat. Utut enim domino integrum non sit, ipsam alienationem dissensu suo irritam facere, cum jus alienandi, salvo semper jure suo, emphyteutæ concesserit, in novo tamen Emphyteuta occurrere possunt qualitates, quæ eum inhabilem reddunt, ut contractui emphyteutico satisfaciat. Et sic juris omnino est, quod emphyteuta in omnibus alienationibus consensum domini requirere debeat, etiamsi non vendat, sed donet, permutet, in dotem vel in solutum det. Qui enim istam consensum requirendi necessitatem ad emtionem venditionem restringunt, vim inferunt claræ *Leg. III. C. de jur. Emphyteut.* dispositioni generali, dumque ad leges Pan-



Pandectarum provocant, obliviscuntur certe, antiqua ista jura per leges Codicis esse sublata. vid. VINNIVM *Select. quest. jur. Lib. II. cap. II.* LEYSER. *Spec. CV. med. II.* Nolumus tamen cum iis litigare, qui in alienationibus, extra casum venditionis, denunciationem domino solum in vim simplicis certiorationis fieri autumant, quo de novo emphyteuta deliberare possit, cum nobis sufficiat, emphyteutam irrequisito domino alienare non posse. Quod autem alienationem per emtionem venditionem attinet, peculiaris adhuc ratio adest, cur domino prius denuncianda sit. Leges enim domino concedunt jus Protimiseos, ejusque arbitrio relinquunt, utrum eo intra duos menses a tempore denunciationis uti velit. *L. fin. C. de jur. Emphyteut.* Et hoc jus, sicuti domino solum competit, quando emtio venditio extraneo fit. BERGER. *Oec. Jur. Lib. III. Tit. V. §. XIV. not. 2.* cum eorum intuitu, qui in Emphyteusi ex natura contractus succedunt, ejusmodi alienatio proprie non sit alienatio, sed juris jam competentis anticipatio, ita nec extra casum venditionis unquam exerceri potest. Ita enim allegatam *L. fin. C. de jur. emphyteut.* recte explicat BACCHOVIVS *ad Treutler. Vol. I. Disp. XXIX. §. XIII. lit. E.* & a dubiis aliorum vindicat FRANZKIVS *de Laudem. cap. IX. n. 90. seq.* Nam ex ipsa lege apparet, domino impositam esse necessitatem, ut easdem conditiones præstet, quas ille recepit, in quem emphyteusis transfertur. Facile vero patet, id in reliquis alienationibus, si permutatio, donatio, dotis datio, inter-



intercedit, fieri non posse. Semper enim hic alienantis interest, quis rem accipiat. In sola emptione venditione pretium solum attenditur, & perinde est, quis illud solvat. Conf. BERGER. *Elect. Discept. Forens. Supplement. ad. P. II. p. 1236.*

### Aphor. IX.

ABSQUE CONSENSU DOMINI ) Per pignoris enim constitutionem domini jus non intervertitur. Et quamvis alienatio sequi possit, salvum tamen manet jus domini emphyteutici, extraneum excludendi, & pretio soluto fundum sibi iterum vindicandi. Ut sic nihil interesse possit, siue emphyteuta sponte sua & ex voluntate, an coactus & ex necessitate fundum alienet. Interim hoc negotium neutiquam eo extendendum, ut dominus non consentiens obligetur ad relucendum pignus, si emphyteusis ad eum revertitur. Juris enim est, ut resolutio jure dantis jus etiam accipientis expiret, quod expressis verbis ratione pignoris in emphyteusi constituti approbat *d. L. XXXI. D. de pignor.*

### Aphor. X.

LAudemium SOLVERE TENETUR ) Est igitur laudemium certa pecunia pro receptione novi emphyteutæ domino ex consuetudine plerumque, nonnunquam ex pacto exsolvenda. Omne itaque fundamentum laudemii ex consuetudine vel pacto dependet. Nec ideo ad certam regulam redigi possunt casus, in quibus debetur, nec quantitas ubique eadem est, nec ratione personarum, quæ laudemium præstant, jura conveniunt. Aliquando mutato solum emphyteuta, alibi etiam muta-

to

to Emphyteuseos domino exsolvitur. Alibi ob alienationes inter vivos, alibi ob successionem vel testamentariam vel legalem præstatur. Mox in majori summa mox in minori summa pro singulis centenis solvitur. Merito itaque ad statuta localia, observantiam & intentionem paciscentium est respiciendum. Id generale est, quod a casu ad casum in dubio non possit extendi, sed ubique strictam interpretationem desideret, WERNHER. *P. III. obs. XCII.* quod, quia pro receptione & investitura solvitur, non debeatur, nisi novus possessor receptus, investitus & possessio in eum translata sit. WERNHER. *P. V. obs. XCVI. P. VI. obs. CCCCLVI.* quod in determinanda laudæ laudemii quantitate pro singulis centenis, si emptio venditio interveniat, pretium rei, de quo partes convenerunt, spectandum, BERGER. *Elect. Discept. forens. p. 1325.* &, si simulationem intercessisse præsumi possit, juramento veritas indicanda sit. FRANZKIVS *de laudem. cap. XXIV. n. 29.* In reliquis alienationibus spectatur æstimatio, quæ nunc est CARPZOV. *Lib. I. Resp. XC.* BERGER. *Oec. Jur. p. 701. n. 10.* quod porro in eadem moneta sit exsolvendum, in qua pretium ex determinatione contrahentium solutum *Lib. fin. C. de jur. Emphyteut.* Denique, quod in alienationibus necessariis & sub hasta ob æs alienum factis cesset, partim, quod emptor jure obstringi nequeat, ut plus solvat, quam promisit, partim, quod venditor hic de damno vitando certet. LEYSER. *Spec. CIV. med. VIII.* Cæterum integram de laudemio

mio doctrinam exhaustit FRANZKIVS *pecul. tract.* Conferri tamen etiam merentur, quæ de Jure Germanico in hoc argumento edisseruit BEYER. *Jur. German. Lib. I. cap. XXIII.*

### Aphor. XI.

RENVNCIATIONE SEV CESSIONE) Renunciationem, cessionemq; emphyteuseos, cui similis est derelictio, invito domino fieri non posse, Auctor ait. Et sic ex ejus suffragio Emphyteuta jus prædium emphyteuticum refutandi, vel deferendo prædium se ab obligatione præstandi canonem liberandi, non habebit. Quod etiam, sufficientem habere videtur rationem. Nam, qui, dum contrariam opinionem defendunt, argumentum ab exemplo, nempe a refutatione feudi, quæ invito etiam domino fieri potest, desumunt, negare non possunt, emphyteusin & feudum non in omnibus convenire. Præterea tritissima res est, neminem invita altera parte ab obligatione personali recedere posse. Lex vero, quæ hanc facultatem emphyteutæ concederet, deest. Sed Praxis nihilominus cum SCHILTERO *Exerc. XVI. §. LXXXVIII. seq.* sententiam Auctoris opinioni contrariam amplectitur, & unicum casum, si fundus a fisco in emphyteusia acceptus est, ex *L. III. C. de fund. patrim.* excipit.

### Aphor. XIII.

SI CANON NON SOLVATUR) Canon, ut diximus, signum est, plenum dominium in Emphyteutam non esse translatum. Ejusque exsolutio jus domini directi conservat. Quare solutio-

tionis canonis cessatio non potest non in contemptum domini vergere. Atque ideo jura constituerent, ut, qui in exsolvendo canone negligens esset, emphyteusi privaretur. Ut tamen hæc poena locum habeat, primo requiritur, ut emphyteuta vel dolose, vel ex crassa negligentia, canonis solutionem deneget. Sola culpa per se privationem non operatur. Multo minus poena locum habet, quando justam Emphyteuta intermissionis allegare potest causam, v. c. sterilitatem, incendium, aliumque casum fortuitum. LEYSER. *Spec. CIII. med. II. seqq.* Eodem modo cessabit, si Emphyteuta exceptione compensationis tutus est. Deinde requiritur, Emphyteutam solutionem canonis in totum intermittere. Quod si partem solvat, expelli nequit. Est enim ratio expellendi Emphyteutam non interesse aliquod pecuniarium, sed contemptus domini directi, & malitia Emphyteutæ, qui differendo vel denegando solutionem jus domini directi intervertere velle creditur. CARPZOV. *P. II. Const. XLVIII. def. IV.* BACCHOV. *ad Treutler, Vol. I. Disp. XXIX. §. XII. lit. B.* Qui vero partem solvit, eo ipso dominium recognoscit, seque in ea causa non esse, ut jus domini directi intervertere studeat, aperte declarat.

NEC POTEST PROPRIA AVCTORITATE EXPELLERE) Non itaque ipso jure amittitur emphyteusis, sed actione privatoria opus est, & sufficienti causæ cognitione, cum expediti juris sit, ut prius inquirere debeat iudex, solutio, utrum ex dolo, an ex culpa, utrum ex contemptu, an ex  
X  
justa



justa causa, cessaverit. Ipsa vero actio cum ad vindicandam injuriam tendat, non heredibus solum domini, si hic ante declarationem mortuus sit, non competit, sed etiam ab Emphyteuta, per oblationem canonis & moræ purgationem, impediri potest. Imo ipse dominus, qui post actionem jam institutam canonem ejusque partem accipit, injuriam tacite remisisse censetur, nisi sit protestatus. *L. XVII. §. VI. D. de injur. GOTHOFREDVS ad L. XI. §. I. Eod.*

#### Aphor. XIV.

MELIORATIONES REPETERE) Si nempe Emphyteusis culpa Emphyteutæ finitur. Sin citra ejus culpam, & commodum in dominum redundet, hic, ne cum alterius damno fiat locupletior, Emphyteutam indemnem præstare debet. Ut ut vero meliorationes repetere nequeat Emphyteuta, qui semel in actione privatoria succubuit, potest tamen ex capite deteriorationis conventus a poena privationis se liberare, si ex altera parte res melior extet. Tum enim deteriorationes cum meliorationibus recte compensat. *L. XI. in fin. de negot. gest. L. XLV. §. XII. de jur. fisc.*

#### Aphor. XV.

POSSESSORI NIHIL PROSIT) Cujus opinionis fundamentum denuo aliunde non repetendum, quam quod canon exsolvatur in recognitionem domini, quæ ipsa est individua. *VOETIVS ad tit. D. si ager vectig. §. XXXVIII.*

Aph.



Aphor. XVI.

DIFFERT AB EMPHYTEVSI CENSUS) Isque est vel reservativus vel constitutivus. Ille dicitur, quando quis in venditione rei suæ, pleno jure in alium translata, censum reservat, annuatim præstandum. Invaluit vero ea ratione, ut qui prædii sui, quantumvis boni, ob pretii magnitudinem non inveniret exoptatum emtorem, emtori, qui vilius pretium offerret, rem ea lege pro viiori pretio venderet, ut quotannis censum in compensationem lucrisolveret. Hic est, quando quis certam pecuniæ summam alteri ea lege vendit, ut quotannis loco usurarum certum censum exsolvat. Et hunc censum mutuum paliatum continere, facile patet. Natales vero debet piis Clericorum fraudibus, qui prohibitionem Juris Canonici de non sumendis usuris novo hoc nomine eludebant. Ipsum enim negotium, quo census constituitur, merito mutuum, venditorem pecuniæ creditorem, ejus denique emtorem debitorem dixeris. Nec dubitarunt ideo Legislatores nostri, quin in ORDINAT. POLITIC. *de anno 1548. tit. von wucherlichen Contracten*, ea, quæ de mutuo reperirent constituta, ad contractum hunc censiticum applicarent, eundemque poenis usurariæ pravitatis subesse statuerent. Cæterum posterioris generis census sæpe ita constituitur, ut rei debitoris, perpetui oneris instar, inhæreat, nec unquam redimi possit, ipsæque leges adeo ejusmodi negotio favent, ut creditori, orto super facultatibus concursu, jus prioritatis præ aliis concedant,

& annuos census in prima classe exsolvi jubeant. Quod jus singulare exorbitans merito dixeris, & cum gravi aliorum creditorum damno conjunctum. Ex qua causa id ipsum procul dubio sustulit Elector Saxo in ORDINAT. PROC. RECOGN. Tit. XLII. §. VIII.

CADUCITATIS POENA LOCVM HABET) Potest tamen in locum poenæ caducitatis pacto alia poena substitui, & consensu partium effici, ut census fiat promobilis, daß der Zinsmann Rückscher Zins geben muß. Cujus indoles ea est, ut census ob moram censitæ in dies crescat, & canon v. c. unius Imperialis certo die exsolvendus secundo post moram die duorum, tertio die trium Imperialium sit. Meminit hujus census JVS PROVINC. SAXONIC. Lib. I. art. LIV. Hodie paulo rarior est, CARPZOV, P. II. Constit. XXXVIII. def. XXV. locum tamen habet in quibusdam Westphaliæ locis. vid. ESBACH ad Carpz. d. I. & add. ADRIAN. BEIERI tr. de censibus promobilibus.

BONA CENSITICA) id est ejus generis bona, quorum penes possessorem plenum dominium est. Sunt enim in Germania præterea bona censitica, quorum dominium penes concedentem manet, ab ipsis bonis Romanorum emphyteuticis distinguenda, & ex pactis inter dominum concedentem, & possessorem initis dijudicanda. Ab antiquis enim temporibus mos invaluit apud nostrates, ut domini jurisdictionales servis manumissis & rusticis prædia sua, sub onere certi census exsolvendi  
uten-

utenda fruenda, concederent. Quod cum fieret vel ad tempus, vel in perpetuum, occasionem dedit distinctioni inter prædia censitica simplicia, sive revocabilia, & hæreditaria, sive perpetua. Ipseque porro census aut fructibus erat proportionatus, aut non. Id si fiebat, prædium sigillatim vocabatur *lassiticum*, ejusque usus plerumque ad certum usque & determinatum tempus concedebatur, nec a prædio conducto multum differt. Census vero, qui proportionem cum fructibus non habebat, in prædiis locum sibi vindicabat, quorum usum dominus absque temporis mentione concedere solebat. Isque tam varia ratione prædiis impositus est, ut innumera prædiorum censiticorum diversissimæ naturæ enata sit multitudo. Conf. ZIEGLER. *de prædiis censitic. ruralib.* & add. LVDVIGII *Jus Clientel. in German.* In hoc autem omnia ista prædia olim convenere, quod censita præter jus utendi fruendi nihil juris in iis consequeretur. Peculiaris tamen ususfructus Germanici natura, quem de proprietate aliquid sibi vindicasse, & dominio, quod utile vocant, fere similem fuisse, alibi dixi, post temporum intervalla effecit, ut Doctores Juris Romani, patriarum rerum incuriosi, ea, quæ de Emphyteusi Romana disposita sunt, ad prædia Germanorum censitica applicarent, horumque naturam plane singularem ita obscurarent, ut vix amplius ab Emphyteusi possint distingui. Quod argumentum ipse latius prosecutus sum in *Introduct. ad Jus Saxon. P. III. Sect. II. Ex. III.* per tot.

## Aphor. XVII.

JVS SUPERFICIEI) Vt clarior fiat indoles superficiesiei, ejusque ab Emphyteusi differentia, cum leges alias eandem potestatem, easdemque actiones superficiario ac emphyteutæ attribuant L. XVI. §. ult. D. de pignorat. action. etiam contra ipsum dominum L. I. §. I. si ager vectigal. junct. L. I. §. IV. D. de superficieb. definitionem juris superficiesiei rectius ita formabis, quod sit dominium utile competens in eo, quod fundo alieno inædificatum vel impositum est. Nam inde apparet, dominium hic ita esse divisum, ut dominus soli plenum retineat dominium in ipso solo, nec in hoc superficiario ullum competat jus, nisi quatenus superficiarius solo ad superficiem habendam indiget. Neque enim jus in solum superficiario simpliciter concedere, neque absolute denegare possumus. Cum eo in casu non posset consequens esse, quin superficiario jus esset omnia emolumenta ex fundo percipiendi, quod tamen nemo serio affirmabit, hoc autem in casu superficies ipsa inutilis futura esset. Certe qui in solo suo aliquid ædificari, vel illi aliquid imponi permittit, permittit simul fodere, infigere, plantare, fundamentum ponere, idque indoli negotii competit. Cæterum, qui superficiem concedit, jus solum concedit, omnia emolumenta ex eo, quod solo inædificatum vel impositum est, percipiendi, eoque utendi eo fine, ut superficiem habere possit, sibi vero proprietatem cum spe consolidationis extincta superficie conservat. Inde vero puto evidens simul esse,



esse, quod superficiario omnia liceant in superficie, quodque jure suo de illa, irrequisito domini directi consensu, disponere possit, modo caveat, ne ipsum jus domini, quod in solo sibi retinuit, intervertat. Certe *L. I. §. VII. de superficieb.* superficiem tradi, legari, donari permittit. Nec enim hic domini soli quicquam interest cum nihilominus illæsum maneat jus, post superficiem interitum solum sibi soli vindicandi. Quo vero domino soli eo facilius jus suum conservent, solent illi pactis efficere, ut superficiarius certum exsolvat solarium, *Grund-Boden-Zins*, quod per se superficiem non inest. *HERTIVS de jure superficiem Sect. II. §. V.* Inde vero ulterius consequitur, quod superficiarius, sive superficiem absque consensu domini alienet, sive exsolutionem solaris omittat, actionem privatoriam timere non debeat. Ut sic dubium non sit, quin superficies ab emphyteusi quam maxime differat. Dominus enim directus superficiem actione privatoria non utitur, jus protiniseos, quando superficies alienatur, non exercet. Dominus vero superficiem utilis jus solum habet utendi fruendi fundo, quatenus absque eo superficies esse nequit. Quæ omnia in emphyteusi secus esse, ex supra dictis clare elucet.

### Aphor. XX.

**VEL CONDUCTIONE.)** De hac opinione valde dubito, quod fundamentum habeat, & locatione conductione jus superficiem eo effectu constitui posse, ut superficiarius dominium utile ha-



beat, persuadere mihi vix possum. Locationem enim dominium haut mutare, & indoli hujus contractus convenit, & ex *L. XXXIX. D. Locati* aperte constat. Et quamvis superficiario, qui superficiem ad non modicum tempus conduxit, quasi in rem actionem, sive interdictum uti possidetis, prætor polliceatur contra tertium, qui prohibet, ne quis superficie utatur. *L. I. §. I. in fin. & §. III. de superfic.* hoc tamen non ea intentione fit, tanquam Prætor superficiario simul dominium concedere vellet, cum clare potius in *L. II. Eod.* fateatur, conductorem in ædibus superficiariis proprietatem non consequi, sed sublevare solum voluit conductorem, ne actiones sibi a domino cedituraret amplius. Quapropter nec opus esse distinctione existimo, inter superficiem expresse & tacite per locationem constitutam, ea intentione excogitata, ut non in illo, bene tamen hoc in casu dominium utile in superficiarium transiret, de qua vid. *SCHLEVOGTII Diff. de solario & superficie præstando §. XI.* Hoc enim fatentur omnes, superficiarium nunquam dominio utili frui, nisi dominus fundi jus ædificandi de suo differtis verbis concedat. Quod, si fit, quid opus fingere tacitam locationem?

### Aphor. XXII.

ASSERERE NON DUBITO) Ego vero causam adesse puto, cur priorem sententiam magis veram & naturæ negotii conformem credamus. Non quidem ob argumentum ab usufructu petitum. Nam utut superficie vocari consueverit servitus,

vitus, id tamen fit eo solum sensu, quo omne id servitutem nominamus, quod nobis molestum est, *HERTIUS allegat. Dissert. Sect. I. §. XIV.* Et præterea superficiario plus juris competere, quam usufructuario, per se patet. Sed ex ea maxime ratione, quia opinio Auctoris domini directi spem consolidationis intervertit, eaque facultate superficiario concessa, ut, extincta priori superficie, novam fundo imponere posset, inutile futurum esset jus soli, quod dominus sibi reservavit. Nec rationem diversitatis sufficientem video, cur melior hic sit superficiarii, quam emphyteutæ conditio, cujus jus interitu rei, in quam Emphyteusis constituta est, expirare supra diximus. Eo firmiori itaque fundamento innititur argumentum, ab Emphyteusi ad superficiem deductum, quo certius est, hanc argumentandi rationem in legibus, quas supra allegavimus, approbatam esse. Quare, quousque ex legibus vel natura negotii diversitas utriusque negotii demonstrari nequit, idem juris in utroque esse, firmiter concludo.

*Aphor. XXIII.*

**JVS FEVDI**) Quod consistit in dominio utili rei cujusdam, sub lege fidelitatis, & præstandorum servitiorum concessæ. Causa prima, quæ, rem suam alteri sub ea conditione concedere, suavit, hæc fuit, ne deessent, qui domini directi vitam, jura, & existimationem, & possessiones armis etiam, si id videretur necesse, defenderent. Omnisque ideo concessio feudi olim ad militaria maxime servitia respexit. Postea vero idem illud

negotium ad alia servitiorum genera traxerunt contrahentes; ita tamen, ut eorum intuitu possessor fidelitatem specialem promitteret. Quo factum est, ut qualitatibus illis præditus esse deberet Vasallus, quas servitii genus promissum efflagitaret. Ut sic differentia specifica feudi & Emphyteuseos in eo solo fere posita sit, quod nexus feudalis ad præstanda servitia & fidem singularem, emphyteuticus vero ad legem meliorationis & exsolvendum canonem obliget. Sed negotium feudale adeo late patet, ut peculiarem Jurisprudentiæ partem constituat, a Jurisprudentia civili sollicitè distinguendam.

### Tit. XIII.

De actione ex dominio singulari fluente, sive rei vindicatione.

### Aphor. I.

**S** E V V I N D I C A T I O N E ) Hoc generale nomen est, omnibus actionibus realibus applicatum, §. XV. *J. de action.* & ab antiquo modo procedendi apud Romanos in judicio desumptum. Actione enim reali instituta, pugna quædam fictitia seu imaginaria inter litigantes intercedebat, id, quod manum conferere, vel vindicias facere vocabant, Romani. Vel si mavis, ideo vindicationes nominare consueverant Romani actiones reales, quia ipsum judicium reale antecedere debebat lis de vindiciis, ut constaret, cujus esse deberent vindiciæ, id est, quem possidere, quem petere

tere oporteret, ceu rem accurate more suo explicat  
HEINECCIUS *Antiquit. Roman. Lib. IV. Tit. VI. §. XXIV.* Et hinc videmus, ipsam actionem quoque confessoriam, ex jure servitutis oriundam, vindicationibus annumeratam esse, cum & hic vindiciis opus esset, vid. *Rubric. tit. Digesti si servitus vindicetur.* Plane aliter concipiendæ erant actionum personalium formulæ. His enim institutis actor & reus invicem dicebant, alter agebat, alter negabat, & postea sponsione sese provocabant, accedente verborum solenni conceptione & formularum cantilena. Quare generale nomen condictionum his actionibus fuit tributum. Vide EUNDEM *D. tit. §. XXXI.* Nos his tricis non indigemus, sed hoc potius inter reales & personales actiones novimus intercedere discrimen, quod illæ ob rem, quæ jam nostra est, contra quemvis possessorem, eo effectui instituantur, ut jus nostrum reale iudex salvum, atque ideo nos dominos, heredes declaret, remque ipsam ad nos cum exclusione aliorum pertinere, ideoque ejus possessorem eandem nobis cum omni causa restituere debere, sententiam dicat, hæ vero, nempe personales, ob rem, quæ nostra nondum est, sed vi antecedentis promissi demum nostram fieri cupimus, contra eum competant, qui promittendo ad rei præstationem sese obligavit.

### Aphor. II

EX DOMINIO COMPETENS ) Et quidem  
qualicumque sive plenum, sive minus plenum, sive  
revocabile, sive irrevocabile sit. Hoc enim essen-  
tiam



tiam domini ingredi, ut dominus uti possit rei vindicatione, alibi jam diximus. Ut tamen dominium in actu sit, neve dominus ejus exercitium ad tempus in alium transtulerit, necesse est. Nam qui dominium naturale solum habet v. c. uxor in dotē, durante matrimonio, liberi in bonis adventitiis durante patria potestate, rei vindicationem non exercet. §. XXIX. *f. de Rer. divis.*

REI CORPORALIS) Quod non eo sensu dicitur, tanquam ob res incorporales sive jura nulla actio in rem sit comparata, sed eo solum fine, ut, quemadmodum rerum incorporalium non verum, sed quasi est dominium, ita earum quoque non vera, sed quasi sit vindicatio. Nam & servitutes vindicari posse, supra diximus.

### Aphor. III.

SEV DOMINIUM PROBARE) Ubi non sufficit probare possessionem. Sed hæc jus aliquod temporarium contra dominum solum spondet. Quando vero incidenter non principaliter de dominio controvertitur, qui possessionem justam probavit, dominium probasse censetur. Nec sufficit probare iustum titulum & bonam fidem, cum res in possidentem possit etiam transferri a non domino, qui, cum ipse dominium non habet, præter conditionem usucapiendi quid amplius in possessorem transferre nequit. Reliqua vero usucapionis requisita, si adsint, dominium inde sufficienter probatur. Nisi itaque quis usucapionem docere possit, vel lex possessorem statim post rei acquisitionem dominum verum & plenum declaret; quod



quod fit in iis, qui a fisco emerunt §. ult. *J. de usucap.* vel nisi vi juris singularis statutum sit, ut res ex alicujus pecunia emptā in locum pecuniæ succedat; ejusque dominium dominus pecuniæ acquirat, quale quid in universitatibus rerum, & quibusdam singularibus, v. c. in re, a tutore, pecunia pupillari empta, locum habere diximus; opus omnino est, ut, qui se dominum esse præten- dit, dominium auctoris sui probet *L. XX. D. de acquir. rer. domin.* Quam probationem tamen merito diabolicam dixeris, eoque nomine beneficium Prætoris Romani grata mente recoles, qui per fictionem eum, qui bona fide & justo titulo possidet, tamdiu pro domino habet, donec possessor rei firmitus jus deduxerit, qua de re infra videbimus.

#### Aphor. IV.

CONTRA POSSESSOREM) & quidem qualemcunque, qui tenet rem, eandemque restituendi facultatem habet *L. IX. D. de Rei vindic.* etiam si naturalis sit, & cum animo rem sibi habendi non possideat, modo tamen litem cum vindicante super ipsa re suscipiat. Potest enim actionem evitare per exceptionem nominationis sive laudationis, qua declarat, se rem non suo, sed alieno nomine, possidere, ante Lit. Contestat. oppositam. *L. II. C. ubi in rem agi.* Liti vero, quando se semel obtulit, necessitatem, eam usque ad finem continuandi, & domino rem restituendi, in se transfert. Fictus enim dicitur possessor, eandemque obligationem, quam verus possessor, agnoscere debet. Nec alia ratione verus & fictus possessor

feſſor ab invicem differunt, niſi quod contra eum, qui dolo deſit poſſidere (nam & hunc fictum eſſe poſſeſſorem, ex Auctore conſtat) juretur in litem *L. LXVIII. de Rei vindic.* Ex moribus tamen quarundam provinciarum poſſeſſor tertius indiſtincte dominum ſupervenientem & vindicantem repellere, huncque ad eum ablegare poteſt, cui prius rem titulo ad transferendum dominium non habili conceſſerat, ut cum eo agat. Indeque enatum eſt proverbium, *Hand muß Hand wahren*, de quo confer *STRYCK. in uſ. Mod. tit. de Rei vindic. §. IX. ſqq. HERTIVM de Paroem. Jur. Lib. I. paroem. XVIII.*

### Aphor. V.

**ACTIO IN FACTVM**) Habent quidem actiones in factum varias ſignificationes. Vel enim denotant actiones, quæ certo nomine demonſtrari nequeunt, ſed in factum ipſum, & ſecundum id, quod actum eſt, concipiuntur, & huc pertinent actiones præſcriptis verbis, quæ ex contractibus innominatis proveniunt. Vel denotant actiones utiles, quæ non ex verbis legum, ſed ex mente potius legiſlatoris, per interpretationem extenſivam ob paritatem rationis eliciuntur. Vel denotant actiones, quæ ex ſola æquitate ob defectum aliarum actionum præter mentem legiſlatoris in ſubſidium introductæ ſunt. Facile vero patet, poſteriorum ſignificatum huius loci eſſe, cum actio in factum contradiftinguatur actioni utili & directæ. Huius diverſæ denominationis rationem vero mirum in modum illuſtrat *§. ult. J. ad L.*

*L. Aquil.* Inde enim apparet, directas actiones ex ipsis legum verbis fluere, utiles, quatenus actionibus in factum contradistinguuntur, non ex verbis, sed ex ratione legis derivari, actiones denique in factum in sensu generali sumtas neque ex verbis neque ex ratione legis provenire, sed ex æquitate esse introductas.

Aphor. VI.

ET DESCRIBENDA IN LIBELLO) Quam necessitatem ipsa actionis indoles imponit, cum per se pateat, eam felicem vix posse habere exitum, nisi iudici exponatur, quodnam sit objectum litis, & qua in re actor dominium sibi asserat. Descriptione enim omissa, non possunt non, finito jam processu, de re in iudicium deducta novæ exoriri lites. Ipsa vero hæc ratio adeo late patet, ut in oculos statim incurrat, actorem, quocunque etiam iudicio experiatur, sive reale, sive personale illud sit, nunquam secure descriptionem & designationem objecti litis omittere posse. Ut sic merito ex allegata *L. VI. D. de Rei vindic.* regula generalis formanda sit; in quavis actione actorem de eo esse debere sollicitum, ut de subiecto litis specificè constet, nec generaliter petat, nisi natura rei vel lex generale petitum admittat. Nam v. c. in universalibus, puta hereditatis, peculii, dotis vindicatione generaliter petiisse sufficit: Imo & in singularibus incertæ partis vindicatio locum habet, si certa pars demonstrari nequeat, v. c. in iudicio communi dividundo.

VT FRUCTVS ) modo tamen actor fructus perceptos in specie petit. Nam de non petitis iudicem, qui sententia sua actorem dominum declarat, non debere esse sollicitum, colligunt ex *L. XXV. §. VIII. de edilit. Edict.* Tanti enim Praxis non habet monitum Legislatorum, vi cuius iudex, quæ desunt advocatis, supplere, eosque in rectam viam deducere debet, *ibid. tit. C. ut, quæ desint advocat.* ut locum illi relinquat, sed ea, quæ officio iudicis pedanei, quem hodie tamen non habemus, conveniebant, hodie etiam recte applicari credit. Quam Praxeos cum analogia juris pugnam alii dum vident, alia via incedendum, atque petitori, qui de fructibus non cogitavit, quemque ideo iudex in rectam viam ex officio non deduxit, post rem judicatam, separatam fructuum causa concedendam esse actionem existimant BRUNNEM. ad *L. IV. C. Deposit. n. 4.* Verum hi nimis liberales sunt, & auctoritatem rei judicatæ evertunt. Quapropter optime sibi consulat actor, qui, dum fructus in sententia esse omissos, videt, remedio suspensivo utitur. Vid. CARPZOVIVM *Lib. II. Resp. LXXIX.* BERGER. *Oec. Jur. p. 293. not. 9.* De reliquo, quod restitutionem fructuum attinet, confer ea, quæ supra diximus ad *L. II. Tit. I. §. LIV. & Tit. IX. §. XXIX.*

### Aphor. VIII.

IMPENSAS ) Argumentum hoc de restituendis impensis, cum sæpius occurrat, terminos hoc loco explicare ab instituto haud esse alienum existimo. Ut vero perpetua inter bonæ, & malæ fidei



fidei possessorem servanda est differentia, ita præmonere juvat, bonæ fidei possessorem eum dici, qui rem a non domino accipit, ignorans, rem alienam esse, sicque in justa opinione, se rei dominum acquirere, est constitutus. Malæ autem fidei possessor, ut & prædo, rem alienam scientes invadunt, & utrique & dolus, & culpa imputari potest, quod in re aliquid temere suscipiant, quam tamen alienam esse intelligebant; cum e contrario bonæ fidei possessori nihil imputari possit. Non tamen in omnibus prædo & malæ fidei possessor coincidunt. Prædo enim nunquam titulum habet, sed vi vel furtim rem alienam sciens invadit. Malæ autem fidei possessor titulum etiam habere potest, quatenus rem a non domino sciens accipit & doli particeps fit. Ut sic constet, omnem quidem prædonem esse malæ fidei possessorem, non vero omnem malæ fidei possessorem prædonem. Inter utrumque etiam multum interesse, si restitutionem fructuum & impensarum spectes, partim ex iis, quæ habet Auctor, partim ex argumento de hereditatis petitione, de quo suo loco, abunde constat. Quod autem ad impensas attinet in rem alienam factas, distinguendæ prius veniunt illæ, quæ fructuum percipiendorum causa fiunt, ab iis, quæ in rem ipsam fiunt. Illæ, ut cum fructibus compensentur, naturale est, cum ratio dictitet, ut eum sequantur incommoda, qui habet commodum. Eiusmodi impensas itaque dominus nunquam restituit, nisi quatenus ex fructibus aliquid ad eum pervenit, servato tamen inter malæ fidei possessorem

Y

&



& prædonem discrimine, quod Auctor suppeditat. Has e contrario impensas vel necessarias esse, vel utiles, vel voluptuarias, constat. Istæ rem conservant & ab interitu vindicant. Indeque fit, ut domino obligatio imponatur eas restituendi, cum & ipse eas impendere debuisset, si rem habuisset. Illæ rem meliorem & ad usum magis habilem efficiunt. Et eas bonæ quidem fidei possessor repetit, modo tamen res ipsa domino vindicanti restituenda melior adhuc extet, nec bonæ fidei possessor jam impensas ex fructibus perceptis iterum lucratus sit, ceu claræ *L. XLVIII. L. LXXV. de Rei vindic. & L. XVI. C. de Evict.* verba docent. Hæ denique, nempe voluptuariae, ad delectationem spectant, nec rei utilitatem afferunt, aut eam meliorem efficiunt. In natura itaque eas tollere lex permittit solum, quando res inde aliquid detrimenti non capit, salvo tamen jure offerendi, domino vindicanti competente, ut tantum solvat possessori, quantum habiturus est his rebus ablatiis *L. XXXVIII. de Rei vindic.*

### Aphor. X.

PROTESTATUS FVERIT ) Protestatio enim jus protestantis solum conservat, novum jus non tribuit. In casibus vero ab Auctore allegatis, excepta Saxonia Electorali, protestatione nequidem opus est, sed qui bona fide emit, cum non in propriam utilitatem emat, sed in utilitatem ipsius domini, cujus res alias sine dubio peritura fuisset, negotia domini gessisse videtur, eoque nomine dominum ad restitutionem ejus quod impendit, obligat.

ligat. Hoc tamen addam, necesse est, vi privilegii nonnunquam Judæis concessum esse, ut res ab aliis emtas bona fide non nisi accepto pretio restituant. Præterea etiam dominus, qui, ut rem recuperaret, præmium proposuit, ex pacto obligatus est, ut *μυνιτρον* exsolvat.

Aphor. XI.

QVI PLENVM DOMINIUM HABET) Nil interesse, sive quis plenum, sive minus plenum dominium habeat, ut actione rei vindicatoria utatur, inde jam constat, quod essentia dominiū absolvi-  
tur facultate rem vindicandi. Nec ideo dominus directus solum contra dominum utilem, sed & hic contra dominum directum recte experietur. Et de Emphyteuta quidem & superficiario Auctor non dubitat, nec dubitare potest, cum claræ extant leges in *L. I. in fin. D. si ager vectigal. L. I. §. IV. D. de superficieb.* Hoc autem mirum est, quando Auctor in *Syntagm. Jur. Feud. cap. VIII. §. IX.* Vasallo contra dominum directum actionem denegat. Nam & vasallum dominum esse feudi nemo negat, & dominum directum, dum per investituram jus reale in Vasallum transfert, se ipsum obligare, quod turbare nolit limites dominiū utilis, res ipsa docet. Quare dubio procul idem juris esse debet in feudo, ac in Emphyteusi & superficie, add. *FINCKELTHAVS. Disp. Feud. VII. cap. III. ILTERVM de feud. Imper. cap. IX. §. XLVIII. SCHILTER. Jur. feud. Alemann. cap. IV. §. I.*

## Aphor. XVI.

EX AEQVITATE) Fundamentum hujus actionis ex fictione quadam Prætoris dependet, qua æque ac aliis arcanis utebatur ad destruendam juris Civilis efficaciam, quam aperte tollere non poterat. Est autem fictio, ut TITIVS eam definit in *Jur. Privat. Lib. I. cap. IX. §. III.* assumptio falsi pro vero, scienter & aperte facta, mediante qua, ultro aliqua legis dispositio proponitur. Ejusque effectus in jure is est, ut tantum operetur in casu ficto, quantum veritas in casu vero. Quemadmodum vero triplex fictio in Jurisprudencia Romana occurrit, affirmativa, qua fingitur, aliquid esse, quod re ipsa non est, negativa, qua fingitur, aliquid non esse, quod tamen est, translativa denique, qua fingitur aliquid alio modo esse, quam quo est, ita sigillatim Prætor triplicem hanc fictionem ad argumentum de dominio applicavit, ut veritatem destrueret, iisque quos hæc veritas incommodo & damno afficiebat, succurreret. Primo enim cum illi, qui dominium rei acquisiverat, lex rei vindicationem denegaret, nisi ipse usuccepisset rem, vel auctorem suum dominum fuisse, demonstrare posset, Prætor, cui hoc iniquum videbatur, quando bonæ fidei possessori res esset cum alio, qui tam firmo jure non possideret, affirmativa fictione succurrebat, tanquam rem usuccepisset, utut possessionem ejus per tempus lege definitum non habuisset. Modo itaque haberet dominium putativum, & possessio ejus munita esset requisitis usucapionis, utut tempus non accessisset,

fisset, Prætor illi actionem concedebat contra quemvis infirmiori jure possidentem. Hoc ipso itaque difficilem illam probationem dominii evitabat dominus vindicans, dum sufficeret, ut fundamentum dominii poneret in præsumpta usucapione. Confer. BERGERI *Diss. de maturand. dominii probatione per usucapionem.*

CONTRA POSSESSOREM) Eum nempe, qui infirmiori jure possidet. Sic cessat, si res sit cum possessore, qui pari jure possidet, quando v. c. rem a diverso vel eodem non domino bona fide & justo titulo accepit *L. IX. §. IV. de Publ. in rem act. L. LXXII. de Rei vind.* Tritum enim est, in pari causa meliorem esse rationem possidentis. Multo magis itaque cessat, si bonæ fidei possessor, qui nondum usucepit rem, cum domino concurrat *L. XVI. & XVII. D. de Publ. in rem action.* Nam firmitus jus est domini, quam bonæ fidei possessoris. Usucapione vero completa hic illum recte excludit STRYCK. *de action. investig. Sect. III. membr. II. ax. I.*

### Aphor. XVIII.

NON SUPERVENERIT) Licet enim in *cap. fin. X. de præscript.* bona fides semper requiratur, id tamen intelligendum est de eo casu, quando quis verum dominum excludere cupit. Hic vero bonæ fidei possessor non verum dominum, quippe cui cedere debet, sed infirmiori jure possidentem excludit, atque ideo exceptio de mala fide est de jure tertii.



## Aphor. XX.

**ACTIO RESCISSORIA**) Quæ actio sese fundat in fictione Prætoris negativa, tanquam res, quæ jure civili jam usucapta est, usucapta non sit. Tendit enim ad id, ut, rescissa usucapione, absens dominus declaretur, & res, ac si usucapta non esset, restituatur. Ratio vero fingendi hæc erat, quod absens agere non potuisset, & sic æquitati conveniret, ut non valenti agere non curreret præscriptio. Re ipsa tamen hæc actio cum restitutione in integrum ex capite absentiae coincidit, & sic, ut usucapio iterum rescindatur, necesse est. Restat tertia actio realis Prætoris nempe Pauliana, quæ datur creditoribus, ad revocanda bona in fraudem eorum a debitore alienata, eoque tendit, ut rescissa alienatione, perinde, ac si nunquam alienatio intercessisset, res restituatur. Fundamentum vero hujus actionis est fictio quædam translativa, ac si res in fraudem creditorum alienata non in emptorem, sed in ipsos creditores esset translata.

## Tit. XIV.

## De Actione ad exhibendum.

## Aphor. I.

**RES ANTEA EXHIBEATUR**) Differunt in jure vocabula edere & exhibere. Illud ad actiones & instrumenta, hoc ad omnes reliquas res pertinet. Illud significat in copia dare, hoc rem præsentem sistere. Illud fit ad litem quamcunque



cunque instruendam, hoc ad actionem maxime realem præparandam. Exinde itaque, quod exhibere rem præsentem in judicio sistere significet, respectu mobilium rerum solum actionem ad exhibendum locum habere autumant, cum primis, quia, qui hac actione utitur, argumenta seu notas rei dicere debet *L. III. D. ad exhibendum*, quod immobilium intuitu fieri nequit. Verum leges notas rerum immobilium juste ignorari tolerant *d. L. III. §. VII. D. Eod.* & quamvis res immobilis proprie exhiberi, id est, occulta in loco judicii conspicienda dari nequeat THOMAS. *Not. ad Tit. D. ad exhibend.* ad rem tamen immobilem ostendendam & actorem in rem præsentem ducendum, ne quis actione utatur, nil impedit. Nec alter habet, cur contradicat, cum omne fundamentum hujus actionis in eo sit positum, quemlibet ad id, quod sibi non nocet, & alteri prodest, posse compelli. Quæ cum ita sint, nolo cum SCHILTERO *Exerc. XX. tb. IX.* omnem huic actioni usum in foris nostris denegare. Quamvis enim necesse non sit, ut hodie, qui actione reali experiri cupit, præparatorio utatur judicio, possunt tamen casus existere, ne cum effectu vindicatio locum habeat, antequam res ipsa exhibita sit, v. c. si gemma mea alterius annulo sit inclusa. Interim ubique præsupponitur, ut ejus, qui actione ad exhibendum utitur, perfecte intersit, rem exhiberi. *L. III. §. XI. ad exhibend.* Jus imperfectum enim quod ex regulis honesti & decori descendit, nullam producit actionem.

Cujus interest) Quapropter necesse est, ut ad exhibendum agens interesse suum summariter minimum demonstret, atque iudex desuper cognoscat. *L. III. §. IX. ad exhibendum.* Probato vero interesse, nisi possessor adeo liquidam habeat exceptionem, quæ agentem in continenti repellit, exhibitionem reus declinare nequit, & exceptio in directum iudicium differtur *L. III. §. XIII. Eod.* Si denique dubium sit, an actoris intersit, reus iuramentum calumniæ recte defert.

Ut in publicum proferatur) Quid vero, si reus se possidere neget? Tum actor quidem possessionem probare debet, probatione autem feliciter peracta poenam inficiationis & mendacii incurrit reus, idque præjudicii sentit, quod iudex ipsi rem auferat, ejusque possessionem in actorem transferat, salva facultate petitorium instituendi reo relicta *L. ult. D. de Rei vindic.* Quam poenam quidem hodie, nisi legibus expresse approbata sit, usum habere negant. Verum, ut ubique locum haberet, eo magis esset optandum, quo certius constat, mendacii crimen nostratibus æque ac Romanis cognitum esse, & quo magis Reipublicæ interest, ne mendacia in alterius damnum concepta impunitate gaudeant *STRYCK. lsf. Mod. Dig. tit. de Rei vind. §. VI. BERGER. El. Disc. Forens. p. 470. sqq.*

### Aphor. III.

Ad exhibendas tabulas testamenti) Quæ actio beneficio Prætoris introducta, (quo nomine sigillatim interdictum vocatur,) ab actione ad exhibendum in eo maxime differt, quod  
ibi

ibi præsupponatur alicujus interesse, ex jure reali vel personali rem exhiberi, hic vero sufficiat, etiam si alio nomine solum interfit, v. c. heredi, qui nondum adiit hereditatem, legatario, qui sibi aliquid relictum putat *L. III. §. VIII. D. ad exhibendum.*

## Tit. XV.

De dominio universali seu Jure hereditario, ac in specie de testamentis & ultimis voluntatibus.

## Aphor. I.

**I**N UNIVERSITATE RERUM) Duplex in jure nostro occurrit universitas, altera personarum, altera rerum. De illa jam egimus supra, ejusque jura perspeximus. Hæc iterum duplex est, vel facti vel juris. Prior facti hominis constituitur, v. c. grex, bibliotheca. Posterior a lege est, v. c. peculium, hereditas jacens. Et hujus natura eo redit, ut hominis instar crescat & decrescat, augmentum & diminutionem recipiat, *L. XX. D. de heredit. petit.* ut cum surrogato naturam communicet, resque v. c. pecunia hereditaria comparata in locum pretii, pretium in locum rei succedat, ut demum cum omni commodo & incommodo in alium transeat ipso jure. *L. XXXVII. de acqu. hered. L. I. D. si ager vestigal.* Quæ omnia in universitate rerum, quæ facti est, secus se habent.

→ QVOD DEFUNCTVS HABVIT) Et sic dominium rerum hereditariarum, aliaque jura defuncti,

actiones tam personales, quam reales, itemque exceptiones sub se complectitur, quatenus in heredes hæc omnia sunt transitoria. Quæ enim cum defuncti persona expirant, cum herede non communicantur *L. III. §. ult. quib. mod. ususfr. amitt. L. VII. D. de exception. L. I. §. XLIII. de aqu. quotid. & æstiv. L. LXVIII. de Regul. jur.* Par ratio est eorum, quæ in facto consistunt. *L. XXIII. D. de acqu. possess.*

SUCCEDANT) Inde facile patet, nullam esse viventis hereditatem. *L. I. D. de hered. vel. action. vendit.* neminique dominium rerum hereditariarum competere, nisi post mortem ejus, a quò hereditas descendit. Sed postquam jus novum quasdam personas ita heredes necessarios effecit, ut certa bonorum pars ipsis præcise sit salva relinquenda, hos jam vivo eo, cujus hereditatem sperant, istius partis intuitu dominium aliquod habere, leges ipsæ agnoscunt. Exemplo sunt liberi. Hi enim vivo patre legitimæ intuitu domini existimantur *§. II. §. de hered. qualit. & differ.* Quare, licet ex bonis paternis aliquid vivo patre subtrahant, non tamen puniuntur ut fures *§. XII. §. de furt.* Et negotia inter vivos a patre celebrata, quatenus legitimæ præjudicio sunt, non valent, sed revocationi subsunt. Quod exemplo inofficiosæ donationis ex *L. I. & VII. D. de inoffic. donation.* NOVELL. XCII. inofficiosæ dotis, inofficiosæ venditionis, inofficiosæ divisionis paternæ *L. fin. C. famil. heretisc. Nov. XVIII. cap. VII.* demonstrari potest.

Aph.



Aphor. IV.

**TESTAMENTUM EST**) Testamentum, si principia Jurisprudentiæ Romanæ paulo penitus inspicias, est lex privati hominis heredi dicta de eo, quod post mortem fieri velit. Certe in Legibus XII. Tabul. jam erat dispositum: Uti paterfamilias legassit super pecunia tutelave rei suæ, ita jus esto. Et diserte de testamento, quod lex sit, PRISCUS testatur in *Excerpt. de legation. p. 62.* add. CICERON. *Philipp. II. cap. XLII.* nec non NOVELL. *XXII. cap. II.* in qua testator legem ferre dicitur. Inde autem varia deducuntur. Primo enim testamentum legis instar mutationi subest, revocatur licite, legemque testator legi ita recte superaddit, ut posterior solum valeat QVINCTILIAN. *Declam. CCCVIII.* quo sensu etiam ultimum vocari consuevit judicium, quod scilicet prius non valeat, quam morte confirmatum *L. XVIII. D. de inoffic. testam. L. XXVI. D. de Legat. III. L. XIX. C. de inoffic. testam.* Deinde testatores non nisi formulis legislatorum utebantur, & directis verbis, ut ne legatum quidem subsisteret, nisi imperative relictum *L. II. C. Commun. de legat. P. XV. C. de testam.* Porro olim testamenta in pace non nisi in Comitibus, præmissa solenni rogatione fiebant §. I. *J. de testam. ordinand.* GELLIUS *Noct. Attic. Lib. V. cap. XIV.* Sed & ulterius rationem inde facile desumimus, quare neque omnibus testari permissum fuerit, neque omnes ad testimonium testamentarium dicendum convocari potuerint, cum &abilitas testatoris & testis



testis ex jure suffragii in comitiis dijudicanda sit. Addamus & hoc, quod ex eadem ratione falsa causa adjecta neque testamentum neque legatum vitiet. Liberrime igitur legem privatam suam legislatoris instar condebat testator, hoc tamen ubique adhibito temperamento, ut neque contra Jus Naturale impingeret, neque a Jure Communi recederet. Ad utrumque enim, ut legem suam accommodaret, erat necesse. Quamvis vero sequiori ætate privatim etiam testari licuerit, adeo multæ tamen antiqui juris in testamentis privatis remanserunt reliquæ, ut vix accuratum de variis legum Romanarum dispositionibus ferre possimus judicium, nisi antiquam testamenta condendi rationem ante oculos habeamus.

### Aphor. V.

ULTIMAM VOLUNTATEM DECLARAT )  
 Libertas enim consensus, quæ in testatore summa esse debet *L. I. C. de SS. Ecclesiis*, violentam coactionem neutiquam admittit, eritque sine dubio testatoris hoc in casu nulla voluntas, ut non possit non ipsum testamentum corruere *L. IX. pr. L. XXXII. D. de heredit. petit.* eorum scilicet intuitu, quæ invitus scripsit. Quodsi enim præterea testamento sponte quædam adjecerit, ea non statim corrumpunt. Et sic si testator in tali testamento coheredes sponte instituerit, testamentum omnino subsistet. Idem dicendum esse puto, si legata & alia capitula sponte addidit. Conf. *NOVELL. CXV. cap. III. in fin.* Quæ vero de dolo & vi diximus, recte applicantur ad importunas flagi-

flagitationes & sollicitationes, ungestümme Anhalten. Quamvis enim leges blanditiis uti, affectionibus judicia provocare, maritali sermone uxorem placare permittant, importunitas tamen adhibita aequae libertatem voluntatis impedit, ac violentia, siquidem, qui continuis precibus, flagitationibus, clamoribus, persuasionibus ita fatigatur, ut demum pertaesus & a molestiis se liberaturus heredem nominet, quem sollicitator suggerit, sponte voluntatem declarasse dici nequeat. Quare in *CONSTIT. ELECT. SAXON. V. P. III.* utrumque, nempe harte Worte und ungestümme Anhalten recte conjungitur, & liberati testandi adversum judicatur add. *WERNHER. P. II. obs. CCCCVII. P. III. obs. LXXXIV.* Nec dubium est, quin super vim metumque adhibitum juramentum recte deferatur. Quod quidem *CARPZOVIVS ad d. Constit. def. XIV.* *MOLLER. Lib. III. Semestr. cap. XLII.* *MARTINI ad ord. Proc. Sax. Tit. XVIII. n. 71.* negant, sed infirmis admodum rationibus. Quamvis enim delinquere & poenam criminalem incurrere videatur, qui vim & metum adhibet, notum tamen est, juramenti delationem locum habere, quando ex delicto civiliter agimus. Altera vero ratio *Carpzovii*, quod relationem tale juramentum non admittat, vel ideo incongrua est, quia ea admissa nulla juramenti delatio super factis propriis usum haberet. add. *WERNHER. P. I. obs. CXCII.* *STRYCK. Cautel. Testam. cap. II. §. IX.* *BERGER. Elect. Disc. Forens. tit. XVIII. obs. III. n. 2. p. 521.*

AL-

ALTERIVS INTERROGATIO VITIAT TESTAMENTVM ) Quatenus nempe indiscrete concepta nec ad certam personam directa est, verbo: quando heredis vel legatarii nomen non suggeritur. At enim vero suggestio libertatem voluntatis omnino impedit, & præterea cum essentia testamenti nuncupativi pugnat, cum nomen heredis voce testatoris nuncupandum sit, ut ipsum testamentum subsistat *L. XXIX. C. de testam. ORDIN. MAXIMIL. I. de anno 1512. tit. von Testamenten.* Accedit & hoc, quod de seria testatoris voluntate certo constare debeat, *L. LXXVI. de Regul. jur.* Quapropter sigillatim testamentum, ubi testator interroganti simpliciter per vocem *Ja* annuerat, irritum declararunt Lipsienses apud *CARPZOVIVM P. III. Const. V. def. VI.* & Vitembergenses apud *BERGERVM Cent. III. Conf. XLIV.* ut & Helmstadienses apud *LEYSERVM Spec. CCCLXXI. med. XIV.* Quod si vero de testatoris voluntate jam aliunde constet, illeque postea in præsentia testium, eum in finem, ut actui testandi intersint, consentiente testatore convocatorum, interrogatus respondeat, testamentum omnino validum erit *RICHTER. Decis. XXVII. n. 4. CARPZOV. P. III. Const. III. def. XXVII. & Const. V. def. IV. LEYSER. d. Spec. med. XV.*

### Aphor. VI.

PROHIBENTVR VERO ) Quas prohibitiones omnes fere ex ritu testandi antiquo facile deduxeris. Nam impuberibus in comitiis locus non erat.

erat. Furiosi quoque & prodigi, qui furioso per omnia æquiparabatur, nulla ibi habebatur ratio. Quamvis non erres, si his ideo testamenti factionem interdictam dicas, quia nullum iis erat animi iudicium. Surdi etiam & muti ad Comitiam non accedebant, cum nec rogationem audire, nec suffragium dare possent. Par olim ratio fuit foeminarum, quæ ab accessu ad Comitiam exclusæ testamentum non condebant. add. THOMASII *Diss. de sensu Legis Decemvir. testament.* Postea vero facultas testandi cum foeminis communicata fuit, si tamen sui essent juris, & auctorem tutorem adhiberent VLPIANVS *Fragment. tit. XX. lb. XV.* quod ultimum hodie adhuc vi iurium quorundam statutariorum maxime Hamburgi & Lubecz usu servari cognitum est. Porro, etiam cum furioso, tempore intervalli testamenti erat factio L. IX. C. *qui testam. fac. poss.* Cum surdis & mutis quoque hanc facultatem communicavit Justinianus, hac distinctione adhibita, ut, qui natura surdus & mutus simul esset, non testaretur, infortunio mutus & surdus factus, in scriptis testamentum conderet. Sin vero morbus esset discretus, ille quidem, qui audiret, in scriptis, qui e contrario loqueretur, nuncupative voluntatem suam exponeret L. X. C. *Eod.*

PROPTER DEFECTVM JUDICII) Hæc ratio, postquam testamenta privatim condere permissum fuit, omnino est in subsidium vocanda, ut habilitatem testatoris dijudicemus. Nam in eo, qui testatur, maxime integritas mentis L. II. *qui testa-*



*testament. fac.* & certus atque deliberatus animus requiritur §. I. *J. de milit. testam.* Inde vero generatim inferri potest, testamentum ejus, qui usum rationis habet, omnino valere, tametsi vigor animi & judicii non adsit *L. IV. C. qui testam. fac. poss.* ultimum vero ejus elogium, qui defectu rationis laborat, nullius esse efficaciae. Sic nil obstat, ne homo stupidus & simplex, *HEIGIVS P. II. qu. XXXVIII. n. 30. STRYCK. Cautel. testament. cap. III. §. XXV. LYNCKER. Resol. CCCCLI.* itemque moribundus *L. XV. & XXIX. C. de testam.* valide testetur. Sed furiosus, ut & agonizans, qui rationis usum jam amisit, testando nihil agit.

CERTIS SOLENNITATIBVS ) Non itaque simpliciter a testamenti factione coecus excludatur, cum nec forsan a jure Comitiorum excluderetur, sed, ut præter consueta formalia & hæc solennia servaret, Legislator jussit. Ut I) octavum testem vel Notarium adhiberet, vel, si mavis (nam alia quoque præter solenne testamentum dantur ultimæ voluntates,) numero testium, qui alias requiritur, unum semper superadderet, & sic v. c. in codicillo sex testes, in legato relinquendo iterum sex testes rogaret. II) ut heredem non solum nominaret, sed etiam designaret. Haud tamen inde sequitur, coecum non posse in scriptis testari. Nam ex ipsa *L. VIII. C. qui testam. fac. pos. & §. IX. Ordin. Notar.* patet, coeco datam esse licentiam, ut voluntatem suam sive in testamenti sive in codicilli tenore compositam, cui velit, scriben-



scribendam tradat, postea vero convocatis testibus & Notario, re, cujus causa vocati sunt, patefacta, chartulam promat. Quo tamen facto res ipsa docet, ad integritatem testamenti & excludendas insidias testamentum a testibus postea subscribendum coeco prælegendum esse.

Aphor. VII.

MONACHI) Olim Episcopis solum potestas testamento sibi heredem faciendi adempta fuit, quatenus ex bonis Ecclesiæ acquirebant *L. XLII. §. I. C. de Episc. & Cleric.* Reliqui clerici salvam habebant testamenti factionem. *L. XX. C. Eod. L. XXXIII. C. de SS. Eccles.* Jure tamen Justiniano susceptio schematis & ordinis monastici hunc habuit effectum, ut dominium rerum suarum monachus transferret ad monasterium. Cujus rei rationem hanc reddit Urbanus II. in *can. XIX. qu. III. cap. III.* quod jus monasterii habeat effectum Patriæ Potestatis. Ut tamen monachus facultate testandi privetur, professio ipsa facta esse debet. Tum enim demum habetur pro mortuo. Et sic in anno Novitiatus recte adhuc testamentum condit. Præterea professio neque liberis intuitu legitimæ *Nov. CXXIII. cap. XXXVIII.* neque uxori intuitu dotis aut donationis propter nuptias præjudicium infert *NOVELL. V. cap. V.*

NE PERMITTENTE QUIDEM PATRE)  
Ex quo dura admodum filiorum familias apud Romanos conditio apparet, insimulque evidens fit, liberos deterioris conditionis fuisse, quam servos.

Z

Nam

Nam hi de peculio, permittente domino, valide testabantur, memoratque Plinius passim in Epistolis suis de se ipso, se delectatum esse iudicio suo, dum servis suis morientibus facultatem testandi daret. Durae igitur istius dispositionis, quæ filiorum familias intuitu obtinebat, rationem plerumque in eo ponunt, quod testamenti factio non ab arbitrio patris, sed a lege publica dependerit. Verum sic etiam servis non potuisset concedi testamenti factio. Quare merito ipsam rationem a rigido Patriæ potestatis jure derivabis. Eatenus autem nullum est filii familias testamentum, ut & inutile maneat, tametsi postea sui juris factus decedat *Pr. J. quib. non est permiff. fac. testament.* nisi voluntatem de novo adhibitis omnibus solennitatibus repetierit. Cumque satis constet, id unicum, quod filius familias patris potestati sit subjectus, testamenti factionem impedire, facile patet, cum ne de peculio quidem adventitio irregulari posse testari, neque piæ causæ aliquid relinquere, neque etiam per clausulam codicillarem defectum supplere.

### Aphor. VIII.

PRODICI) Hujus prohibitionis rationem neque tuto in prohibita prodigis bonorum administratione pones, cum ea admissa nec minor concedere posset testamentum, neque commode a metu derivabis, ne amicos amicasque suas homines dissoluti & leves heredes scribant. Inde enim procul dubio error enatus est, tanquam subsisteret prodigi testamentum, in quo posteritati bene consuluit.

luit. Confer BRUNNEMANN. *Cent. V. Decis. XXIII.* RICHTER. *P. I. Decis. XLIII.* HUBERVM *Prælection. ad tit. D. qui testam. facer. poss.* Sed vera ratio hæc est, quia furiosi & prodigi pari passu ambulant *L. XII. §. fin. D. de tutor. vel curat. dand.*

**HÆRETICI**) Hos tamen inter Protestantes testari posse, recte asserit STRYCK. *Caut. testam. cap. III. §. LXI.* Ut enim hæresis per se non crimen est, ita nec diversitati religionis ea efficacia inest, ut juribus hominum ideo quis sit privandus. Certe hæreticus sacris Protestantium non addictus ut peregrinus recte testatur. Quare ne Judæis quidem, utur Christianæ religionis infensis hostibus, testamenti factio denegatur.

**TESTAMENTVM CONDERE (POSSUNT)** Ratio diversitatis inde facili desumitur, quod olim bona damnatorum ad mortem fisco vindicabantur, secus ac nostris moribus. Conf. LUDER. MENCKENII *Diff. de testament. faction. damnat. ad mortem Jure Civili denegata, moribus asserta.*

### Aphor. IX.

**TESTAMENTVM JUDICIALE**) Potius testamentum in publicum & privatum distinxeris. Præter testamentum enim judiciale datur etiam testamentum Principi oblatum, quod, præter oblationem a testatore vel etiam ejus procuratore, ad hunc actum instructo, STRYCK. *Cautel. Testament. cap. VIII.* factam, alias solennitates non requirit *L. XIX. C. de testament.*

**IPSE TESTATOR**) Sed cur non procurator?

Forſan, quia Judex eſt inſtar ſeptem teſtium, & ſic naturæ rei conveniat, ut, quemadmodum teſtes teſtatoſem præſentem videre debent, judex etiam eum videre debeat. Aſt infirmam eſſe hanc rationem, ſtatim patet. Forſan igitur evitandæ fraudis ergo præſentia teſtatoris requiritur. Certe, ſi fraus appareat, teſtamentum infirmabitur. Quid vero, ſi doli ſuſpicio non adeſt. Tum nil obſtare video, ne recipiatur teſtamentum, a præcûſatore, qui ſpeciali mandato inſtructus eſt, oblatum. STRYCK. *diſt. loc.* Cui quidem contradixit BARTHIVS *Differt. de Teſtam. Comiti oblato.* Sed Stryckii deſenſionem ſuſcepit SCHLITTE *Diff. de negot. in perſon. propria explicand. cap. III. §. II. ſq.*

PRO TRIBUNALI SEDENTI, PRÆSENTE ACTUARIO) Inde facile colliges, fide publica teſtamentum non inniti, quod vel judici in ædibus privatis, vel judici ſoli, vel Actuario tantum oblatum eſt. Verum, de iſta neceſſitate, ut judex pro tribunali ſedeat, vel ideo dubito, quia actus ipſe eſt voluntariæ jurisdiſtionis, qui nullam cauſæ cognitionem deſiderat ENGELBRECHT. *Compend. Jurisprud. Tit. qui teſtam. fac. poſſ. §. IV.* Deinde uſus fori extra Saxoniam etiam ſolius judicis præſentiam admittit CARPZOV. *P. III. Conſt. III. deſ. XXXII.* RICHTER. *P. I. Deciſ. XXX.* BERGER. *Oecon. Jur. p. 338. n. 5.* Quam & Praxis Saxonica non reſpuit, ſi neceſſitas ambages non tolerat. Imo & tum actuario ſoli inſi-  
 nationem fieri poſſe, ex DECIS. ELECT. XLV. diſcimus, Plane, ſi & judicis & actuarii officium in unam perſonam cadat, forſan, quando judex actuario  
 vices



vices suas delegat, vel alicui universa jurisdictio mandata est, huic soli testamentum insinuare sufficit WERNHER. *P. I. obs. XXVI.* LEYSER. *Spec. CCCLVI. med. III.*

AD ACTA REPONAT) Sed, modo sigillo judiciali muniatur, adhuc fide publica sustinebitur, tametsi postea testatori ultimam voluntatem reddat judex, isque eam inter chartas suas privatae asservet. Sufficit enim, actum ipsum judiciali auctoritate esse peractum. Nec documentum judiciale vim suam amittit, etiamsi in privati scriniis repositum inveniat. Quod in Saxonia lege publica confirmatum est, modo sigillum reperiatur illaesum, & voluntatis mutatio probari nequeat DECIS. ELECT. XLIV.

DVAE PERSONAE) Leges Saxoniae Electoralis ita disponunt, necessariam esse judicis, Actuarii, & unius Scabini, vel Actuarii & duorum Scabinorum praesentiam, nisi Actuarius & judex in una persona concurrat, tum enim unum praeterea Scabinum adhibere sufficit DECIS. ELECT. LXXIII.

VEL IN SCRIPTO OFFERT) Quid vero, si testator neque scribere neque legere possit, & tamen scriptum testamentum offerat. Tum adhuc opus est praelectione, ut constet, anne aliquid contra testatoris voluntatem testamento sit insertum. STRYCK. *Cautel. Testam. cap. XIII. §. XXI.* BÖHMER. *Diss. de testamento non praelecto.* Quamvis enim alii ex silentio L. XXI. C. de testam. colligi posse existimant, tuto praelectionem in testamento



imperiti literarum omitti, ipsa tamen natura negotii, quod omnem fraudem hic præcavere jubet, exigere videtur, ut de voluntate testatoris certam scientiam sibi iudex acquirit. Quare nec dubito, quin prælectio in testamento quoque privato, quod imperitus literarum in scripturam redigi jussit, adhibenda sit, & insimul usum insignem præstet cautela, ut testibus præsentibus testamenti inspiciendi copia detur STRYCK. *d. tr. cap. IV. §. VII.* Hoc certe fatentur omnes, qui etiam prælectionis necessitatem remittunt, nil magis conferre ad seriam testatoris voluntatem colligendam, quam si de prælectione constet.

JUDICEM BIVSQUE ACTUARIUM ADESSE) Quid, si Sculteto pagano testamentum fuerit insinuaturn? Non subsistet testamentum. Iudex enim requiritur, qui jurisdictionem habet, utut competentia ejus haut desideretur. Nostri autem Sculteti pagani jurisdictionem non habent. Quid si parochum cum testibus duobus elegerit testator, ut coram eis testamentum conderet? Tolerat tale testamentum Jus Canonicum in *c. X. x. de testament.* validumque judicatur in terris Pontificiæ religioni addictis. Cleri enim interest, ut ob legata ad pias causas subsistant testamenta absque multis solennitatibus, eamque ob causam jam ante receptionem Juris Romani Germanis rem testamentariam commendarunt, vid. SCHILTER. *Exerc. XIV.* Cumque facile præviderent, moribundo adstiturum parochum, voluntatem ultimam coram hoc & duobus testibus, quorum copia facile quoque

que haberi poterat, ratam esse voluerunt. Sed post juris Romani receptionem hic testandi modus exolevit fere. Certe vim judicialis testamenti voluntas ea ratione declarata habere nequit, cum parochus jurisdictionem non habeat. Nisi igitur in aliqua provincia consuetudo tale testamentum confirmet, nullius id erit efficaciae.

Aphor. X.

**CERTIS SOLENNITATIBVS ADHIBITIS)**  
Quarum vix aliam rationem, quam, quæ ab antiquo testandi apud Romanos modo desumitur, dari poteris. Nam quod uno contextu fieri debeat testamentum, id inde est, quia comitia, in quibus olim testamenta condebantur, non poterant ex parte differri in alium diem **NICOLAUS GRACCHVS** *de Comit. Veter. Roman. p. 5.* Numerus quoque septenarius testium ideo invaluit, quia olim populus per quinque curias ad Comitia vocabatur. Sextus vero & septimus in locum Libripendis & Antestati surrogabatur. Hi enim olim in testamento per æs & librum adhibebantur. Nec jam deerit ratio, quare solenni rogatione testis ad testimonium dicendum vocandus erat. Ipsa denique qualitas testium a jure suffragii in Comitibus derivanda est. Et hæc sunt, quæ antiqui juris formulam indicant. Alia tamen solennia v. c. testium signa ex jure Prætorio superaddita sunt. Alia denique ex Constitutionibus Principum accesserunt, & Justiniano natales debent. Conf. **L. XXVIII. sq. C. de testament.** ut sic forma testamenti privati solennis externa ex vario jure Roma-

no mixta sit, quod non diffitetur Justinianus in  
tit. *J. de testam. ordinand.*

### Aphor. XI.

**DE HOC ACTU TESTENTUR**) Non enim eo fine adhibentur, ut testimonium de voluntate testatoris ferant, sed ne testamentum solennitate careat. Quare etiam nil interest, quamam lingua testamentum scriptum sit, & an testes eam intelligant, modo ipse testator eam intelligat *L. XX. §. IX. D. qui testam. fac. poss.* Quæ omnia secus in testamento nuncupativo, cum de eo facto testes post mortem testatoris deponere debeant *L. ult. in fin. C. de testament.*

**ID SUBSCRIBAT**) Olim quoque, si testator integrum non scripsisset testamentum, nomen tamen heredis per ejus vel testium manum erat exprimendum *L. XXIX. C. de testam. ordinand.* Quod postea ita mutatum per *NOVELL. CXIX. cap. IX.* ut sola subscriptio sufficeret, quamvis suadendum sit testatori, ut fraudis omnis evitandæ causa non testamento solum, sed singulis potius testamenti paginis nomen subscribat.

**SIGNENT ET SUBSCRIBANT**) Possunt tamen omnes uno annulo signare testamentum *§. V. J. de testament.* & alieno etiam annulo uti, imo, si annulo vel signaculo instructi non sint, alium characterem adhibere *L. XXII. D. qui testam. fac. poss. add. REC. IMPER. de anno 1512. tit. Von Testamenten §. VII. in fin.* Subscriptionem autem alteri committi non posse, colligunt ex *L. XXX. D. qui testam. fac. poss.* Nec aliud evincitur ex *L.*

*L. ult. C. de testament.* quippe quæ aperte cum casum loquitur, ubi testium, qui scribere queunt, copia fieri nequit, & ubi testibus omnibus de voluntate testatoris, quem heredem scripserit, constet. Quare consultum est, ut testator tali in casu, si testis rogatus scribere nequeat, nuncupative ultimum elogium condar STRYCK. *Cautel. Testam. cap. XV. §. XXXVIII.* Cæterum subscriptio & subscriptio conjunctim requiritur. *L. XXII. §. IV. qui testam. fac. poss.* Quamvis enim existiment alii, Jure prætorio testamentum ab uno alterove teste tantum signatum subsistere, cum Prætor olim præter testium signacula quid ulterius ad testamenti validitatem haud desideraverit §. II. *J. de Testament. ordinand.* Docet tamen allegatus titulus, antiquam testandi rationem sublatam ei vero aliam ex Jure Civili & Prætorio mixtam substitutam esse. Quapropter ista sententia fundamento destituitur, nec dubium erit, quin ejusmodi testamentum signatum solum nullitate laboraret STRYCK. *de Success. ab intest. Disp. IX. cap. IV. §. LI.*

(VNICO CONTEXTU FIAT) Quod tamen non ad actum scripturæ, sed ad solennitatis interpositionem, zu des Testaments Vollziehung pertinet. Adeoque validitati testamenti non obest, etiamsi testator voluntatem suam per intervalla in chartam conjiciat, vel ab alio scribi curet. Id solum caveat, ut omnes solennitates uno contextu adhibeat, id est, in præsentia testium omnium cum in finem advocatorum, prævia rogatione, voluntatem



subscriptio & subsignatione perficiendam curet, & sic neque ad subscriptionem properet, antequam omnes testes præsentes sint, nec quemquam ex testibus, nisi absolutis omnibus, quæ ad solennitatem pertinent, discedere sinat *L. XX. §. VIII. qui testament. fac. poss.* Quæ cum ita sint, nil obstat, ne contractus in ipso testamento celebretur. *STRYCK. Cautel. Testam. cap. XV. §. XL.* Præterea actus naturalis, medicinalis, morbus vel symptoma contingens, sive in testatoris, sive in testium persona, actum non interrumpit *L. XXVIII. C. de testam.* Par ratio est actuum, qui a solitaria testatoris dispositione dependent. v. c. si inter testandum pignus per modum legati constituat *L. XXVI. de pignorat. act.* Quod autem diximus, nil obesse, ne quis in testamento scripto contractum celebret, id ad testamentum nuncupativum applicari nequit, cum hic natura rei postulet, ut testator uno contextu & voluntatem suam coram testibus exponat, & solennitates adhibeat. *STRYCK. dict. loc.*

### Aphor. XII.

OMNIA ALIA SOLENNIA IN HOC REQUIRUNTUR) Et hinc facile patet, testes non solum testatorem videre & loquentem audire debere, quippe quod in *L. XXI. §. I. C. de testament.* expressis verbis disponitur, sed etiam rogationem testium specialem ad actum testandi fieri, eosque, quem in finem advocentur, scire debere. Néc aliud, existimo, evinci posse ex *L. XXVI. C. de testament.* Ibi enim remittitur solum solennitas



tas verborum, quæ olim teste *L. III. C. Theod. de testam.* si scriptum perficiendum esset testamentum, in rogatione testium adhibenda erat, non vero inde sequitur, rogationem testium specialem in testamento nuncupativo plane cessare. Præterea & hæc ad validitatem testamenti nuncupativi requiruntur, ut omnia palam fiant, & clare exprimantur *L. XXI. §. I. D. qui testam fac. poss.* Nam ad testamentum nuncupativum testes non solennitatis solum, sed & probationis causa adhibentur, ut mortuo testatore de ejus voluntate testimonium ferre possint, quamvis non præcise omnes probationis gratia producendi sint, sed duos adesse, qui de ipsa voluntate ultima ejusque solennitate deponunt, sufficiat, cum alia ratio sit condendi, alia probandi testamenti *MEVIVS P. IV. Decis. XIII.* Interim ex prioribus sequitur, testes non solum linguam testatoris intelligere debere, sed testatorem quoque heredem palam nuncupare debere, ut ejus nomen audiant testes. Et sic testamentum nuncupativum mysticam siue implicitam heredis institutionem, quæ per relationem ad schedulam certam fit, omnino respuit. Id enim, quod palam fieri debet, per relationem ad aliud expediri non potest. *L. III. & XL. D. de Jur. fisci.* Eaque sententia approbata est in *L. XXIX. C. de testam. & Ordinat. Maximiliani I. de anno 1512. tit. von Testamenten §. aber die Form.* ut sic parum consulant heredi & testatori, qui contrariam sententiam fovent vid. *STRYCK. de Cautel. testam. cap. XVI. §. XXV.*

IN

In testamento scripto vero mysticam heredem instituendi rationem locum habere, absque fundamento BERGER. in *Oecon. Jur.* p. 350. n. 6. negat, cum eam leges ipsæ disertis verbis admittant, vid. *L. XXXVIII. D. de condit. & demonstr. L. LXXVII. de hered. instit. L. XXV. D. de rebus dub.* add. SCHILTER. *Exercit. XXXVIII. §. XLIII. in addition.*

IN IP SO ACTU TESTANDI ) Quod quidem omnino consultum erit, cum sic non possit deesse probatio, testatorem vere & solenniter voluntatem suam exposuisse. Est tamen hoc in casu necesse, ut testibus ante discessum prælegatur testatoris ultimum elogium. vid. *Constit. Maximilian. de anno 1512. d. tit. §. XXXVII.* BÖHMER *Dissert. de testament. non prælect.* quo certiores fiant, alia in scripturam non esse redacta, quam quæ testator verbis protulit. Interim scriptura accedens ex testamento nuncupativo scriptum non facit, cum non ad scripturam subsequentem, sed ad actum ipsum testandi respiciendum sit. Et sic quoque validitati testamenti nuncupativi nihil decessit, etiamsi instrumentum super actu testandi confectum defectu quodam in formalibus laboret, modo ex depositione testium de voluntate testatoris constet. Id enim, quod ab actu plane abesse potest, si vitiose adsit, actum ipsum non vitiat STRYCK. *Cautel. testament. cap. XV. §. XLVII.* Et ita etiam judicarunt Scabini Jenenses Mens. Martii 1736.

Aphor. XIII.

CUM QVIBVS TESTAMENTI FACTIO EST) vel si mavis, qui olim juris Comitiorum participes erant. Nam mulier testamenti factionem tam activam, quam passivam habet, nec tamen testis ad testamentum evocari potest. Ex eadem itaque ratione abesse jubebatur, qui surdus, mutus, impubes, ille, cui bonis interdictum erat; furiosus item excludebatur.

TESTIS, QVI EST IN PATRIA POTE-  
STATE) De inhabilitate testium a conjunctione desumpta sequentes regulas formant, earumque subsidio rem omnem conficere student. I) Conjunctio testium inter se, etiamsi cum Patria potestate sit conjuncta, testamentum non vitiat, quia hic nulla fraudis suspicio adest *L. XVII. D. qui testam. fac. §. VIII. §. de testam. ordinand.* Pater enim & filius in Jure Romano pro una quidem habentur persona, sed tum demum, quando inter se negotium celebrant, non vero, si ad tertium referuntur. Unicus tamen hic casus est exceptus, si testis & testator in eadem patris potestate sint *LAVTERBACH. Diff. de singul. fratr. jurib. membr. II. §. II. n. 7* II) Conjunctio testium cum testatore tunc testamentum vitiat, quando cum patria potestate est conjuncta *§. IX. §. de testam.* III) Conjunctio testium cum herede semper vitiat testamentum, quamvis cum patria potestate intuitu heredis non sit conjuncta. Semper enim subesse putant periculum, ne testes heredis causa testatorem inducant, ut in ejus gratiam disponat. Verum hac  
regu-

regula §. X. *§. de testam. ordinand.* non est conformis. Quatuor enim casus, qui in allegato textu occurrunt, ubique vinculum patriæ potestatis præsupponunt, docetque ipse contextus, de aliis consanguineis legislatorem non cogitare.

NON VERO PROHIBENTUR LEGATARIJ)  
Olim nil obstabat, ne ipse heres in scripto testamento testis adhiberetur. Ipsa enim antiqua testandi ratio ita comparata erat, ut testis rogatus nesciret omnino, utrum ipsi quicquam in testamento esset relictum. Quod ex *VLPIANI Fragment. Tit. XX.* docui in *Constit. omissis Manip. II. obs. V.* Sed noluerunt postea Legislatores heredem ad testimonium admittere, quia, sublato antiquo mancipationis actu, omne negotium testamentarium agebatur inter testatorem & heredem. Legatarios vero & fideicommissarios, utut & his obstare videatur, quod testes in propria causa sint, non demum Justinianus, ut ipse gloriatur in §. XI. *§. de testam. ordinand.* testes in testamento, in quo ipsis aliquid adscriptum erat, adhiberi permisit; sed idem jus jam obtinuit tempore Trebatii *L. XIV. D. de reb. dub.* sub Nerone *SÆTONIUS cap. XVI.* sub Trajano *PLINIUS Lib. II. Epist. ult.* Eandem sententiam fovit Scævola *L. III. §. III. Cod. Theod. de testam.* ut & *VLPIANUS L. XX. pr. D. qui testam. fac. poss.* Demum Zeno Imperator publica lege corroboravit *L. XXII. C. de testament.* Conf. *Comment. ad Constit. omiss. loc. alleg.* Cumque rationem, cur legatarius & fideicommissarius testis esse possit, Justinianus inde derivet,



river, quia non successores juris sunt, facile patet, nihil hic interesse, five testator voluntatem suam in scriptis relinquat, five nuncupative testetur  
**STRYCK. Cautel. testam. cap. XV. §. XLVIII.**

**Aphor. XIV.**

**IN ISTO LOCO, VBI TESTAMENTUM CONFICITUR**) Idem asserit **MYNSINGER. Lib. I. obs. XIX. sq. GAIL. Lib. II. obs. CXXIII. A SANDE Lib. IV. rer. judicat. Tit. I. Def. XII.** Quorum sententiam alii quidem admittunt de rebus mobilibus, quæ personam, cujus ossibus cohærent, sequi solent. Immobiliū vero intuitu ad leges loci, ubi sita sunt, testatorem in condendo testamento respicere debere existimant. Sed recte distinguit **VINNIVS Lib. II. Select. question. cap. XIX.** inter formam seu ritum disponendi, & rem ipsam, de qua disponitur. Quæ enim in rem concepta sunt statuta, rem quoque afficiunt, eamque, ubicunque est, legibus ejus loci, ubi est, subficiunt. Quæ vero statuta actus tantum solennitatem determinant, neque rem afficiunt, neque personam, quæ de re disponit, sed formam solummodo actus determinant. In omnibus autem actibus valide expediendis ad solennia loci, ubi geruntur, respiciendum est **L. FI. D. de Eviction.**

**Tit.**



## Tit. XVI.

## De testamento militari &amp; aliis minus solennibus, seu privilegiatis testamentis.

**A**D RVBRICAM) Testamenta minus solennia non eo in sensu ita nominantur, tanquam solennitas omnis in iis condendis cessaret, sed in ea potius significatione, ut non eas solennitates præcise requirant, quæ in testamento condendo regulariter adhibenda sunt. Nam omne testamentum minus solenne expressam legis dispositionem præsupponit. Nec ideo aliæ solennitates cessant, quam quas lex remisit. Imo præterea eæ solennitates adhibendæ sunt, quæ lex in locum earum, quas remisit, surrogavit.

## Aphor. I.

IN EXPEDITIONE OCCUPATI) Rationem privilegii testamenti militaris alii cum Triboniano *vi princ. §. de testam. milit.* in imperitia militum collocant, alii a statu expeditionis derivant, qui tot solennia non admittit, quæ in otio & pace adhiberi possunt, & ideo *L. unic. pr. de bonor. poss. ex testam. milit.* in subsidium vocant, alii denique a statu militari Romanorum, qui militem lectum non mercenarium habebant, deducunt, ut sic præmium esset, quo cives ad militiam subeundam allicerentur THOMASIVS *Dissert. de prim. initiis success. testam. §. XVIII.* Sed, quod ad priorem attinet rationem, utut eam Vlpianus quoque in *L. I. D. de testam. milit.* suam faciat, nec aliam ipsi

ipsi privilegii conditores loquantur, vera tamen non est; cum certissimum sit, olim multos castra secutos esse, qui juris scientia excellabant. Tertia vera est, si jus Romanum ante tempora Justiniani spectes. Nam tum temporis privilegium omnibus militibus datum esse, ob ipsam conditionem, in qua vivebant, ut jure privilegiato testarentur, atque ideo nullam locum sibi vindicasse distinctionem, nec temporis nec loci, ubi essent constituti, sive in expeditione, sive alibi, sive in hybernis, in stativis, in ædibus, ex textu *VLPIANI*, qui *Fragment. Tit. XXIII. §. X.* extat, docui ipse in *Constit. omiss. Manip. II. obs. VI.* Et olim quidem in procinctu solum stantes & ad prælium ituri jure militari, non tamen omnibus solennitatibus remissis, sed adhibitis tribus vel quatuor testibus, heredem nuncupare poterant *VELLEJVS PATERCVL. Lib. II. cap. V.* postea vero a Cæsare, Tito, Domitiano, aliisque statutum, ut militis rata esset voluntas, quoquo modo testamentum fecisset, modo de herede constaret, eumque in finem probationis gratia, si miles heredem nuncuparet, testes adhiberentur. *L. I. pr. D. de testam. milit. L. XXIV. D. Eod. §. I. §. Eod. add. L. unic. D. de bonor. possess. ex testam. milit.* Secunda denique ratio ad testamenta militum temporibus Justiniani pertinet. Nam ille *pr. §. de testam. milit. & L. XVII. C. Eod.* privilegium restrinxit magis, atque voluit, ut, cum olim miles indistincto jure militari testari posset, nunc miles solum in expeditione constitutus, respectu habito ad periculum, quod quovis

momento subire deberet, privilegiatum conderet testamentum, in castris vero constitutus, duos adhiberet testes, in loco degens, ubi nullum immineret periculum, jure Communi voluntatem ultimam exponeret, quod confirmavit *Maximilianus I. loco* ab Auctore allegato.

### Aphor. II.

**INTRA ANNUM TANTVM)** post missionem scilicet honestam & causariam. Ignominiosa missio privilegium statim irritum faciebat. Conf. de missionibus his *LIPSII Tract. de milit. Veter. Rom.* Cæterum si miles intra annum moritur, testamentum adhuc jure militari valet. Sin annum supervivit, aliud testamentum cum omni solennitate condere debet. Sin missus & iterum cinctus, & quidem intra annum, testamentum adhuc valet. Si post annum, voluntatem de novo declarare debet.

**EXTENDITVR QVOQVE)** Militem enim proprie quidem nominamus, qui in numerum relatus est, & castra sequitur, sed in sensu juris privilegio militum gaudent omnes illi, qui castra sequuntur, iisque eutilitatem aliquam afferunt. Certe in his, si testamentum condunt, eadem ratio adest, quæ privilegium ratione modi testandi produxit.

### Aphor. IV.

**FIAT MILES)** Sed si accurate loqui amas, potius dixeris, militis, qui ante militiam non jure testatus est, testamentum valere, non ideo, quod tale testamentum per declarationem convalescat, sed

sed quia miles, ut miles, voluntatem noviter exposuit. Hoc enim, ut ex Auctore constat, omnino requiritur, quamvis leges fingant, testamentum tale non ante militiam, sed in ipsa militia factum esse. Cæterum, qui, dum jure militari testari potest, jure communi testamentum conficere incipit, ante vero, quam omnes solennitates adhibere potuerit, moritur, timere tamen non debet, ne testamentum irritum fiat. Nam nihilominus valebit jure militari *L. III. D. de testam. milit.* modo ratione voluntatis perfectum sit. Quod alias in testamento juris Communis secus est, quippe quod tam ratione voluntatis, quam ratione solennitatum perfectum esse debet.

**Aphor. VI.**

**SI SEPTEM HABERI NEQUEANT**) Ergo hodie hoc privilegium non adeo magni erit momenti, quia copia testium plerumque & ruri haberi potest. Hoc tamen hodie adhuc habebit utilitatem, quando *d. l. fin. C. de testament.* permittit, ut in testamento ruri confecto omnes testes testamentum proprio chirographo signare non debeant, sed pro imperito literarum alter testium subscribere possit. Sicut nec hoc omittendum est, quod ille, qui testamento ejusmodi coram quinque testibus condito objicit, plures testes eo momento, quo solennitas peracta est, haberi potuisse, id ipsum probare sine dubio debeat, cum sæpius, qui ruri degunt, vel agricultura operam dant, vel in urbe negotiationis causa sunt, ut eos conveniendi non detur locus.



## Aphor. VII.

AD EO QVE SI ) Tu nota, ad validitatem testamenti parentum inter liberos hæc requiri, ut præter voluntatis declarationem I) liberi heredes instituantur STRYCK. *Cautel. testam. cap. X. §. X.* II) inter solos liberos dispositio fiat vid. Aph. seq. III) annus & dies addatur AVTH. *quod sine C. de testament.* IV) omnia literis integris scribantur BÖHMER. *Diff. de script. non legib. cap. III.* V) nomina liberorum specialiter exprimantur *d. authent.* VI) integrum testamentum testator vel sua manu scribat, & tum valet, etiamsi non subscripsit, modo de seria, certa & constanti voluntate non sit dubium, vel ab extraneo scriptum subscribat. Quod enim in NOVELL. CVII. cap. I. statutum, ut parentes propria manu filiorum nomina & cætera scribant, id postea per NOVELL. CXIX. cap. IX. mutatum est vid. STRYCK. *Cautel. Testam. cap. X. §. XX.*

## Aphor. VIII.

SI DVO TESTES ADHIBITI) Sed non desunt, qui, si persona extranea admiscetur, nullos testes cum SCHILTERO *Exercit. XXXVIII. §. CXXIV.* desiderant. Sunt etiam, qui quinque testes adhiberi volunt cum BRUNNEMANNO *ad auth. quod sine C. de testam. n. 18.* Sed prior sententia cum NOVELL. CVII. cap. I. pugnat, quippe in qua testium adhibendorum mentio fit. Atque hæc testes adhibendi necessitas imposita alios movit, ut ad numerum quinarium respicerent, cum



cum in materia ultimarum voluntatum testium appellatione non duo intelligantur, sed quinque minimum desiderentur. Usu tamen fori, minimum Saxonici, invaluit, ut duo testes sufficerent, vid. CARPZOV. *P. III. Const. IV. def. XX.* BERGER. *P. I. Resp. CCLVI.* Idem placere Helmstädiensibus testatur LEYSER. *Spec. CCCLXVII. med. VI.*

EXHAEREDATIO VERO LIBERORVM )  
Cujus opinionis rationem hanc reddit Auctor  
*Syntagm. Jur. Civ. Ex. XXXII. ib. XIX. in fin.* ne, quod in favorem liberorum introductum est, in eorum odium detorqueatur. Verum privilegiata testandi ratio parentum potius, quam liberorum, favorem respicit. Cumque parentibus obligatio sit imposita, ut liberos vel heredes instituunt, vel exheredes scribant, certe, quia institutio in testamento minus solenni fieri potest, exheredatio etiam recte fiet, cum primis deficiente lege prohibitiva STRYCK. *Cautel. testam. cap. X. §. XVIII.*

Aphor. IX.

QVISQUE CAPERE DEBEAT ) Et hic vel patris vel liberorum subscriptio sufficit Nov. *XVIII. cap. VII.* Imo cautela est, ut utrorumque subscriptio adhibeatur, quo ipsa divisio pacti instar valeat, nec ex capite lésionis facile revocetur. Caveant tamen parentes, ne legitimam lædant, *L. fin. C. famil. hercisc.* neve heredes liberos instituunt, cum in eo testamentum parentum inter liberos & divisio paterna essentialiter differant.

Aphor. XI.

PESTIS IN LOCO TANTVM GRASSETVR)

Nec immerito. Nam facile ex *L. VIII. C. de testament.* apparet, privilegium non testatoris, sed testium magis rationem habere, quorum copia & numerus pestis tempore uno momento non facile potest haberi. Quapropter privilegium recte extenditur ad omnes morbos contagiosos, qui terrorem incutiunt. De eo vero, an sufficiat, pestem grassari in loco, utrum necesse sit, ut domus testatoris infecta sit, Doctores Saxonici non conveniunt, ut ex Auctore constat. Sed si res ex principiis Jurisprudentiæ Saxonæ Electoralis conficienda est, ob expressum textum in *Constit. Elect. IV. P. III.* Carpzovii sententia erit præferenda. add. *PHILIPPI ad Decis. Elect. XLII. obs. II.* *WERNHER. P. V. obs. LXXIV.*

### Aphor. XII.

**VOLENT VALERE**) Sed absque lege, ceu fuisse demonstrat *STRYCK. Cautel. testam. cap. XIV. per tot.* Certe extra legis dispositionem jura specialia de casu ad casum non sunt extendenda. Quare etiam *CORNELIUS VAN ECK pecul. Dissert.* negat, parturientis mulieris testamentum privilegiatum esse posse. Quam opinionem quidem iniquam dicit *LEYSER. Spec. XIV. med. V.* & parturientis testamentum, in quo condendo foeminæ solum testes adhibitæ sunt, valere debere contendit, cum necessitas non habeat legem, & tempore partus virorum præsentiam regulæ decori impediant. Verum sola necessitas id operari non poterit, ut a lege recedamus, cum alias eo prætextu in aliis quoque casibus vis legum facile everti possit.

Aph.

**Aphor. XIII.**

ETSI TESTES NON ADSINT) Quæ sententia c. XI. x. *de testam.* omnino conformis est, ut ratio adjecta, & canones conciliorum, ad quos provocat Pontifex, indicant. STRYCK. in *Not. ad Brunnem. Jus Eccles. Lib. II. cap. XII. §. IV.* Servatque ideo usus fori hanc opinionem, quod talis dispositio, nullis testibus intervenientibus, modo voluntas probari possit, subsistat LYNCKER. *Cent. III. Decis. CCXXVI.* STRYCK. *Cautel. testam. cap. XII. §. III.* WERNHER. *P. I. obs. XXI.* Indequæ sine dubio est, quod lis, si heres voluntatem defuncti neget, inficiando crescat. Cæterum piæ causæ relictum id censetur, ad quod relinquendum testatorem singularis pietatis ratio movit, quæ ipsa tamen, cum sæpius a superstitione proveniat, ipsam dispositionem satis impiam plus simplici vice producit.

**Tit. XVII.**

De heredum institutione in genere, & in specie de liberis & posthumis, ut & parentibus & fratribus sororibusve instituendis vel exheredandis.

**Aphor. I.**

**T**OTIVS TESTAMENTI APPELLATUR) Atque sic testamenta omnem vim ex institutione heredis accipiunt. Quare olim hæc ipsa institutio prius peragenda erat, quam

testator de reliquis testamenti capitulis voluntatem suam exponeret. *PAVLVS Lib. III. Sententiar. Tit. VI. §. II.* Quod tamen postea mutatum, utque testatoris magis voluntas, quam scripturae ordo inspiceretur, dispositum est. Quamvis constitutionem ipsam merito desideres, quod docui in *Const. omiss. Manip. III. obs. VIII.* Utut itaque testamentum, in quo heres non est institutus, non possit non corruiere, non tamen hodie præcise requiritur, ut verbis dispositivis & directis fiat institutio, sed qualiacunque verba sufficiunt, quibus testator voluntatem suam heredis intuitu declarat, per expressam *L. XV. C. de testamentis.* Sic verba communia etiam haben, behalten, vermachen, theilen, de institutione accipiuntur *CARPZOV. P. III. Const. IX. def. VII. BERGER. P. I. Resp. LXXVIII. WERNHER. P. III. obs. CCXXVI. P. VII. obs. XIX. LEYSER. Spec. CCCLX. med. I. seq.* Quæ cum ita sint, nec institutis nocebit, quod sint in conditione positi, utut antiquo jure id ipsum institutionem non operaretur *L. VIII. si quis omiss. caus. L. CXIV. §. XIII. de hered. instituend.* Erant autem illi in conditione positi, qui non expresse instituti, sed sub conditione nominati, alio herede substituto v. c. Si Sejus heres non erit, Sempronius heres esto. Hic enim non Sejus, sed Sempronius heres institutus, Sejus autem in conditione positus est.

### Aphor. II.

**REQUIRITVR**) Præter requisita ab Auctore enumerata id etiam agere debet testator, I) ut de bonis



bonis disponat, quæ suæ dispositioni sunt subjecta II) ut de universis bonis disponat. Nam legibus adversum erat, ut quis pro parte testatus, pro parte intestatus decederet *L. LV. de Legat. I. L. VII. de Reg. Jur.* Quare etiamsi heres ex certa re solum institutus sit, nec tamen testator in reliqua hereditate coheredem scripserit, ille totam capit hereditatem *L. I. §. IV. de hered. instit. §. V. J. Eod.* Ex eodem principio id etiam profluxit, quod jus accrescendi locum habeat inter plures coheredes & collegatarios, si unius portio vacet. Multum tamen interest, ut hoc in casu, ubi institutio in certa re facta est, dijudicemus, quem institutus respectum sustineat, utrum heredis, an legatarii. Sed otium nobis in hoc argumento jam fecit LEYSER. *Spec. CCCLXI. per tot.* qui omnem rem his regulis conficit: Quoties is, qui in re singulari heres scriptus est, coherede alio vel simpliciter vel in parte certa dato concurrit cum coherede & simul consideratur, toties legatarii tantum juribus fruitur. Quando vero sine coherede illo solus, aut intuitu extraneorum spectatur, tum in omnibus pro herede est habendus. Et sic si coheres adiit hereditatem, locum non habet jus accrescendi. Sin coheres deficit, is, cui singularis res est adscripta jure accrescendi omnem capiet hereditatem. III) Ut tempus institutioni non adjiciat, neque ut terminum ex quo, neque ut terminum ad quem. Ibi enim iterum obstaret regula, quod nemo pro parte testatus, pro parte intestatus decedere possit. Hic obest ratio, quod semel heres fa-



ctus non possit desinere heres esse. Tempus itaque detrahitur, nisi ea intentione a testatore adjectum sit, ut tempore elapso hereditas per modum fideicommissi restituatur.

DE CERTA TESTATORIS VOLUNTATE CONSTET) Hoc est, ex certa scientia & animi sententia facta sit. Quare I) error in persona omnino vitiat institutionem *L. IX. D. L. VII. C. de hered. instituend.* quando ita comparatus est, ut ex aliis indiciis haut colligi possit, de quo herede testator cogitaverit. Neque enim falsa demonstratio per se, neque error solus in nomine heredis invalidam reddit institutionem §. XXIX. *seq. J. de Legat. L. XXX. D. de testament. tutel.* Imo ne demonstratio quidem contumeliosa institutioni obest *L. XLVIII. §. I. D. de hered. instituend.* II) testator denominationem heredis tertio committere, & voluntatem suam in alterius arbitrium aperte conferre non potest *L. XXXII. de heredib. instituend.* Quod quidem Jure Canonico secus esse volunt, atque in *cap. XIII. X. de testament.* testatori cuicunque voluntatem suam voluntati alterius committendi facultatem concedi existimant. Sed fallunt. Loquitur enim capitulum de dispositionibus clericorum, nec tamen de omnibus, sed de iis solum, quæ ad pias causas respiciunt, & de bonis clericorum non patrimonialibus conceptæ sunt BÖHMER. *Jur. Eccles. Protestant. Lib. III. Tit. XXVI. §. L.*

NON SIT CAPTATORIA) Quæ dicitur, quando institutionis conditio ad secretum alienæ

VO-

voluntatis confertur, id est, si quis hereditatem pollicetur ea conditione, si heres eum vel alium heredem instituat *L. LXX. de hered. instit.* Quare semper in futurum, non in præteritum fit. *L. LXXI. Eod.* Si tamen quid video, Romani captatorias institutiones ideo damnant, quia pactum successorium sub iis latet, quod contra bonos Romanorum mores est. Hæc vero ratione in Germania, ubi pacta successoria valida sunt, non deerunt institutiones captatoriæ, maxime in testamentis reciprocis conjugum & pactis dotalibus.

DE CERTA HEREDIS PERSONA INDE CONSTET) Et ita quidem, ut institutio possit habere effectum. Quamvis enim tot instituere testator possit heredes, quot velit, in infinitum, ut loquitur *§. IV. §. de hered. instituend.* res ipsa tamen docet, semper eo respiciendum esse, utrum voluntas exitum invenire possit. Nihil enim ageret sine dubio testator, qui totum mundum institueret. Generatim itaque incertitudo inextricabilis vitiat testamentum. Si tamen heredis persona ex eventu, vel ex probabili testatoris voluntate fieri possit certa, valebit institutio. add. *§. XXV. §. de legat.* Sic pauperibus generatim institutis leges pauperes in loco, quo vixit testator, intelligunt *L. XLVI. & XLIX. C. de Episc. & Cleric.* institutionem Sancti, Ecclesiæ, quæ ab eo nominatur, prodesse jubent *L. XXVI. C. de SS. Eccles.*

### Aphor. III.

NECESSARIO INSTITVENDI VEL EXHEREDANDI) Olim ex Legibus XII. Tabularum

rum liberum Patrisfamilias ubique erat arbitrium, quid de facultatibus suis statuere vellet, liberosque pro lubitu præterire, instituere vel exheredare poterat *L. XI. D. de liber. & posthum.* Atque hanc legislatariam potestatem etiam memorat C I C E R O *Lib. I. de Oratore cap. XXXVIII.* Hoc solum interpretatione prudentum invaluit, ut pater, qui liberos suos sine justa causa præteriisset, moraliter furiosus, ejusque voluntas ultima inofficiosa diceretur. Postea cautum est Legibus, ut pater filios suos, quos in potestate habebat, vel institueret, vel nominatim exheredaret *VLP IANVS Fragment. tit. XXI. §. XXII.* Hac itaque ratione, ut de neglecto officio paterno liberi quererentur, non amplius erat necesse, cum ob præteritionem testamentum ipso jure fieret nullum. Verum hucusque neque matri exheredandi liberos imposita erat necessitas, quippe cujus silentium instar exheredationis erat *§. VII. J. de exhered. liber.* neque pater filiarum intuitu eandem observare debebat formam, quam respicere debebat, ubi de exheredandis filiis cogitabat. Filias enim inter cæteros, id est generatim non addito nomine exheredare poterat. Demum *L. IV. C. de liber. præter.* hanc inter masculos & foeminas sustulit differentiam. Denique discrimen inter patrem & matrem, liberos, qui in potestate essent, & emancipatos, intercedere noluit *NOVELLA CXV. cap. III.* regulamque struxit generalem, liberorum exheredationem nullam esse, si causa justa, eaque lege approbata, non esset addita, iniquam vero & inofficiosam, si ex præ-

præscripto legum exhæredatio quidem facta esset, heres tamen causam additam probare non posset. Quod utrumque eum habebat effectum, ut testamentum quoad heredis institutionem corrueret. Idque ad ascendentes etiam suo modo, ut & ad fratres & sorores per *NOVELL. XXII. cap. XXXVII.* applicatum est.

#### Aphor. IV.

(CUIUSCUNQUE GRADVS SINT) Imo & posthumorum habenda est ratio, quod jure antiquo fecus, cum, ex principiis Stoicorum, pro parte viscerum maternorum habiti, ne jure hominum quidem uterentur. Sunt tamen postea & jura hominum & jura liberorum iis tributa, quod alibi dixi. Et quamvis leges præcisam eos instituendi necessitatem haut imponant testatori, volunt tamen, ut post testamentum confectum nati voluntatem ultimam rumpant. Idque sine distinctione, siue post humatum patrem, siue post testamentum conditum nascerentur, siue denique juris intellectu per successionem in locum patris, per adoptionem vel legitimisationem patri quasi agnascerentur. Alii enim posthumi legitimi sunt, alii Aquiliani, alii Vellejani, alii Juliani, alii denique Corneliani, de quibus egimus in *Constit. omiss. Manip. III. obs. VII. add. STRAÛCK. de Cautel. testamentor. cap. XVI. §. VII.* Ne igitur deesset formula, tum posthumos eventualiter instituendi, tum hoc ipso præcavendi, ne testamentum rumperetur, varias veteres excogitarunt formulas, quas vide in *L. XXIX. de liber. & posthum. instituend.* Sed post *L. XV.*



*L. XV. C. de testament. & L. ult. C. de postb. hered. instituend.* quæ verborum solennitatem tollunt, & voluntatem magis testatoris inspiciendam jubent, nil intererit, quibus verbis utatur testator, modo posthumos instituat.

### Aphor. V.

FORMA EXHEREDATIONIS.) Ut subsistat exheredatio, sequentia requiruntur I) verba dispositiva, quæ dubium de intentione exheredationis non relinquunt. Quare sub conditione institutus, sub contraria non censetur exheredatus *L. XVIII. pr. de honor. possess. contra tabul. L. III. §. I. de liber. & posthum. heredib.* nisi hoc expresse dixerit testator *L. IV. C. de substit. & instit. L. LXXXVI. de hered. instituend.* II) verbis expressis, non silentio III) deliberato animo *L. XIX. C. de inoffic. testam.* Nocebit tamen exheredatio ex calore iracundiæ facta, si pater voluntatem non revocaverit. IV) ut fiat in testamento. *§. III. f. de Codicill.* Utrum tamen solenne vel minus solenne sit, nil interest. V) A tota hereditate. In parte institutus queri non potest. VI) Ex causa iusta legibus approbata, & expresse adjecta *NOVELL. CXV. cap. III.*

CAUSA INSERTIVÆ.) Alia itaque causa, quam Novella non approbat, nullam & injustam facit exheredationem, modo tamen hæc non sit facta bona mente *L. XII. §. II. de bon. libert.* Hanc enim leges disertis verbis permittunt *L. XLVII. Eod.* Sunt autem duo casus in legibus sigillatim approbati, in quibus talis exheredatio subsistit. Alter



ter est in *L. XVI. §. II. de Curator. furios.* ubi patri filium furiosum & prodigum præterire, & nepotes ex eo heredes scribere permittitur. Alter est in *L. XII. de bon. libert. & L. XVIII. de liber. & posthum.* ubi facultas conceditur patri filium impuberem prætereundi, heredemque extraneum instituendi, lege dicta, ut filio, puberi facto, hereditatem restituat. Verum dubium non est, extra hos casus etiam valere exheredationem bona mente factam, cum *d. L. XLVII. de bon. libert.* generalis, & ubique paritas rationis, ut pater filio consulat magis, quam præjudicium inferat, subsit, præterea etiam leges reliquæ allegatæ alios casus non excludant. Quæ cum ita sint, exheredationem filii obæratæ bona mente factam subsistere *CARPZOV. P. III. Const. IX. def. XI. & LEYSER. Spec. CCCLVIII. med. I. sq.* recte defendunt. Eundemque in modum *JCti Jenenses* responderunt interrogati *Mens. Novembr. 1736.*

**COMPREHENDUNTUR**) Aliæ itaque & diversæ causæ propter expressam legis dispositionem exheredationem non operantur. *WERNHER. P. IV. obs. CXLI.* Quæ vero sub expressis comprehenduntur, eidem omnino locum faciunt. Et sic, quod de filio cum noverca concumbente asseritur, recte ad filiam, quæ rem cum vitrico habet, applicatur. Perinde etiam est, si filius ipse, si per alium, patrem injuria afficiat. Præterea etiam legibus provincialibus nonnunquam causis in *Novella* enumeratis aliæ superadditæ reperiuntur. Sic in *Saxonia Electorali* parentibus exheredatio in totum

totum permittitur, si liberi non obstante crebriori dehortatione matrimonium invitis parentibus copula carnali consummant, quoad dimidiam vero legitimæ, si benedictio sacerdotalis accesserit BERGER. *Oec. Jur. p. m. 372. n. 5.*

MODO EIVSMODI SINT INJURIAE) Generatim Doctores atrocem injuriam exheredationi locum facere dicunt. Unde autem atrocitas æstimanda sit, non conveniunt invicem. Nam omnis injuria, quæ parentibus infertur, per se atrox est §. IX. *J. de injur. L. I. §. II. D. de obsequ. parent.* Sed facile colligimus ex Novella, subintelligi injuriam, quæ atrox est ex aliis etiam causis, quam persona patris, id est, quæ in extraneo etiam talis est. Quamvis non præcise requiratur, ut patri a filio crimen contra leges patratum objiciatur LEYSER. *Spec. CCCLVII. med. I.*

### Aphor. VIII.

NON AUTEM HAEC FORMA REQUIRITUR) Id facile concesserim, I) fratrum intuitu jus antiquum, quod hoc in casu mutatum non reperitur, observandum, sic vero non opus esse, ut causa exprimatur II) testamentum totum corrumpere, si ex lite de inofficioso testamento mota frater victor redeat. Quod autem addunt, fratre exheredato causam adjectam non ab herede instituto probandam, sed ab exheredato, quod gratus fuerit, judici fidem faciendam esse, id omni fundamento caret. Nam pro fratre certe non militat solum præsumptio delicti exclusiva, sed & causa non adest, quare heredem affirmantem, fratrem ingratum

tum

tum fuisse, ab onere probandi liberemus. Conf. *GRIBNERI Diss. an fratres instituta querela in officios. testam. probare debeant, se gratos fuisse.*

Tit. XVIII.

De heredibus extraneis instituendis, & de conditionibus institutionum.

Aphor. II.

**P**RO RATA INTER OMNES DIVIDITUR) Romani, quoties totum in partes dividere volebant, totum vocabant assem, partes uncias. Unus assis juxta legalem computationem duodecim partes habebat. Uncia erat duodecima pars. Sextans five sexta pars assis duas habebat uncias. Quadrans, five quarta assis portio tres uncias, unde etiam triuncium dicitur. Triens erat tertia assis pars, & faciebat quatuor uncias. Quicumque quinque uncias indicabat, semis erat dimidium assis, septunx septem, bes octo habebat duodecimas, Dodrans novem, Dextans decem unciis constabat. Deunx denique, quasi demta ex asse uncia, undecim assis partes constituebat. Ad hanc itaque assis divisionem testatores quoque in dividenda hereditate debebant respicere; Et tot quidem partes constituere, quot vellent, ita tamen, ut totum implerent. In hereditate enim, seu successionem in universum jus defuncti, nil superesse poterat, de quo testator non disposuisset. Quapropter, si divisisset ita, ut assem partes non attingerent, reliquum accrescebat pro portione hereditaria. Sin vero plures, quam duodecim, fecisset partes, id, quod assem egrediebatur,

B b

tur, pro rata iterum decreſcebat. Nihilquē intererat, ſive teſtator omnibus heredibus partes adſcripſiſſet, ſive quibusdam ſolum, & in reliquis partium mentionem non feciſſet. Quodſi tamen per partes quibusdam heredibus adſcriptas hereditas jam ita eſſet exhausta, ut nil ſuper eſſet, quod reliqui abſque mentione partium inſtituti dividerent, Romani exiſtimabant, teſtatoſem ad dupondium acceſſiſſe, id eſt voluiſſe, ut ex una aſſe duæ fierent aſſes, ſive viginti quatuor uncia, ut ſic heredes partes adſcriptas pro dimidia, alteram dimidiam heredes abſque mentione partium inſtituti caperent.

### Aphor. III.

**PRO NON ADJECTO HABETVR**) Rejeſto itaque temporis vitio manet inſtitutio, ac ſi pure facta fuiſſet. Nam adjeſtioni diei ut termini a quo obſtat regula: Nemo pro parte teſtatus & pro parte inteſtatus decedere poteſt. Adjeſtioneſm vero diei ut termini ad quem, impedit regula: Qui ſemel heres factus eſt, non poteſt deſinere eſſe heres. Ut autem dies omni fideicommiſſo tacite in eſt, ita & tum, ſi clauſula codicillaris adjeſta ſit, diſpoſitionem valere, atque inſtitutionem directam in fideicommiſſariam ſlecti debere, exiſtimant.

**VT CONDITIO SE HABET**) Et ſic omnes hos caſus ſub unica hac regula comprehendere facile; Inſtitutio in diem incertum facta pro conditionata habetur. In utroque igitur caſu obligatio adest ad expectandum, hac tamen notata differentia, quod ante conditionem exiſtentem nuda ſpes adſit, nec actio naſcatur, adeoque etiam morte heredis



redis ante conditionis existentiam, ipsa spes expiret, atque jus transmissionis ad heredes exulet. Die vero adjecto actio statim nascitur, ita tamen, ut cum effectu demum post diem instituatur, sic vero ad heredes transmittatur.

### Aphor. V.

ALIA MIXTA) Probat hanc distinctionem Praxis. Sed rationibus rite subductis multa moneri possunt. Certe, si per casum intelligis fatum aliquod Stoicum, quod Romanorum JCtos cogitasse admodum probabile est, nulla conditio erit casualis, cum fatum necessitatem secum habeat. Sin casum de divina providentia accipis, non erit conditio potestativa.

### Aphor. VI.

INSTITUTIO SUSPENDITUR) modo tamen conditio extrinsecus adjecta sit. Sunt enim conditiones, quæ ex natura rei insunt, quasque tacitas vocare solemus. Sic in promissione fructuum annuorum jam est conditio, si nascantur. Similes his sunt illæ, quæ ob legem dispositivam negotio insunt, ut, promissioni dotis, conditio, si nupseris. Inter has vero & proprias conditiones hæc intercedit differentia, quod hic obligatio ante eventum non adsit, ibi vero res statim debere incipiat, suspensa interim actione, donec conditio sequatur. Sic vero tacita conditio institutionem non facit conditionalem, licet exprimatur *L. XXI. L. XLVII. L. XCIX. de condit. & demonstrat. L. XLVIII. de verb. oblig.*



IMPLERI POSSIT) Sed licet impleri possit, jure tamen novo nihilominus habebitur pro non adjecta, cum gravamen legitimæ contineat, & sic ob dispositionem *L. XXXII. & XXXVI. §. I. C. de inoffic. testam.* detrahenda sit. Plane in bonis, quæ liberis præter legitimam relinquuntur, quia in his habentur pro extraneis, quamlibet conditionem locum habere, dubio caret *BRUNNEM. ad L. IV. C. de instit. & substitut.*

### Aphor. VII.

CAVTIO ADMITTITUR) Eaque Jure Pandectarum coheredem adesse præsupponit, cui præstetur, cum impossibilem *L. IV. §. I. D. de condit. institut.* conditionem negativam judicet, si quis solus institutus sit. Sed jure Novellarum eam etiam substitutis & heredibus ab intestato præstandam esse, discimus ex *NOVELL. XXII. cap. XLIV. §. ult.*

SUB CONDITIONE POSSIBILI) Si itaque certo constet, factum præstari non posse, quod testator prohibuit, cautione plane non est opus, cum revera non sit conditio, ubi eventus certus est. Non itaque vitiat institutionem, sed hereditas pure relicta censetur *Leg. L. §. I. D. de hered. instituend.* Sigillatim itaque, quando testator instituerit sub conditione: Si Titio non nupseris, & mortuo testatore Titius jam diem obierit supremum, conditio amplius expectari nequit. vid. *L. CVI. D. de condit. & demonstrat.*

Aph.

Aphor. VIII.

EX PATRVI CONSILIO ET AVCTORITA-  
TE ) Hac itaque ratione conditiones, quæ liber-  
tati matrimoniorum obstabant, olim reprobatae  
*L. XXII. LXXII. & L. C. de condit. & demonstrat.*  
in duplici casu valide adjiciebantur, I) in odium  
secundarum nuptiarum, *d. Nov. XXII. cap. XLIX.*  
quod olim apud Romanos magnum fuisse, aliunde  
jam constat. II) Si bona testatoris fuisset inten-  
tio, ut heredi vel legatario consuleret præcavendo,  
ne imprudenter matrimonium iniret.

Aphor. IX.

EAM ADIMPLETVRS ) Cæterum, quousque  
pendet conditio, vel curator bonorum constituitur,  
qui hereditatem administrat, vel etiam heredi sub  
cautione possessio conceditur, ex jure prætorio. De  
jure enim civili cautio ab herede non accipitur, nisi  
sit in possessione hereditatis *L. XII. qui satisd. co-  
guntur.* Existente conditione, heredis institutio  
habetur pro pura, & conditionis existentia ad tem-  
pus mortis retrotrahitur. Sic vero heres scriptus  
omnia, sigillatim quoque fructus pendente condi-  
tione perceptos, consequitur. *ZIEGLER. Diss. de  
condit. §. CXXXI. sq.* modo hereditatem acqui-  
rat. Nam ipso jure hereditas ad eum non transit  
*L. XIII. D. de condition. instit.* præterquam ad  
heredem suum, & eum, qui sub cautione jam adiit.  
Sin plane deficiat conditio, & heres in possessione  
fuerit, omnia idem ille restituit.

CONDITIO EXTITISSE INTELLIGITVR)  
Paucis nota: Casualis conditio impleri potest quan-

docunque, *L. VII. C. de institut. & substit.* nisi ad certum tempus sit restricta *L. XCI. de condit. & demonstr.* Potestativa non nisi post mortem testatoris, ut tamen etiam sciat heres, sub hac conditione se heredem esse scriptum *L. II. D. Eod.* Idem juris est in mixta. Et sic ejus impletio ante mortem testatoris heredi non prodest, modo tamen impletio sit reiterabilis. Alias enim sufficit, si quoquo modo impleta sit *L. X. sq. D. de condit. instit. L. VII. C. de institut. & substit.* Cæterum casuali & potestativa, (si heres hanc, cum possit, implere nolit) deficiente, heredis institutio evanescit. Alias, quoad potestativam & mixtam distinguunt, utrum impedimentum, ne conditio impleatur, ex facto tertii oriatur, an oriatur a mero casu. Ibi, si v. c. Caja nuptias renuat, conditionem habent pro impleta *L. III. L. XI. L. XXXI. de condition. & demonstrat.* cum testator supposuisse videatur, tertium consensurum esse. Hic si v. c. servus, qui vi conditionis manumittendus erat, moriatur, heredis institutionem iterum evanescere existimant. *d. L. XXXI. & L. XCIV. D. Eod.* Sed certe posteriori huic opinioni graviter obstat *L. LIV. §. I. & II. D. de Legat. I.* quippe quæ disertis verbis legatum, sub conditione, ut servus manumitteretur, relictum, deberi tamen ait, tametsi mors servi impedivisset manumissionem, addita ratione, quod per heredem non stetisset, quo minus ad libertatem perveniret servus. Sed tamen Praxis memoratam distinctionem approbat.

Aph.

Aphor. XI.

HABENTUR PRO NON SCRIPTIS) Quia heres, cui ignorantia conditio additur, in eam non consentiit, ultima tamen voluntas ita interpretanda est, ut exitum habeat. Quod in actibus inter vivos secus, quippe quos conditio impossibilis adjecta ideo vitiat, quia res agitur inter præsentes & consentientes, qui, dum impossibilia in contractum deducunt, seriam paciscendi intentionem habuisse haud videntur. Sunt tamen, & conditionibus impossibilibus, ultimæ voluntati adjectis, sequentes casus probe distinguendi. Aut conditio impossibilis absolute talis, cui etiam derisoria æquiparatur *L. XIV. L. XXVII. de condit. instit. L. CXIII. §. ult. de Legat. I.* adjicitur institutioni extranei heredis. Eaque institutionem non vitiat. *L. VI. L. XV. de condit. instit. L. IV. §. I. de stat. liber.* si testatorem sanæ mentis fuisse constet *L. XXVII. §. I. de condition. instit.* Aut ejusmodi conditio adjicitur filio heredi instituto. Et institutio plane non valet, atque testamentum nullum fit *L. XV. Eod.* Aut adjicitur conditio secundum quid impossibilis, id est, quæ non omnibus, sed quibusdam solum, impossibilis est. *L. LXXXIII. de condit. & demonstrat.* Et hæc si deficit, institutionem etiam cessare facit, modo tamen testator non sciverit, heredem hanc conditionem implere non posse. Alias enim adhuc pro impossibili habetur, & institutio subsistit *d. L. IV. §. I. de stat. liber.* Aut conditio perplexa adjicitur, id est, quæ exitum non habet, & contradictionem involvit v. c. si Titius heres erit, Sejus heres esto: Si Sejus heres erit, Titius heres esto.



esto. Et hæ vitiant institutionem, quia nulla apparet voluntas, & dum alter alterum expectat, neuter heres est. *L. XVI. D. de condition. institut.* Quamvis, si rationes recte subducantur, id potius testatorem voluisse probabile sit, ut Titius & Sejus simul sint heredes, nec unus absque altero. vid. *THOMASII Vernunftlehre cap. III. §. LXXV.*

## Tit. XIX.

## De Substitutionibus.

## Aphor. I.

**P**ER SUBSTITUTIONEM). Cujus originem apte satis collocabis in cura Romanorum pro conservandis sacris domesticis, quæ interire facile nollent. Jam supra enim diximus, eam ob causam Romanos adoptiones quoque frequentasse, ut post mortem non deessent, qui sacra domestica continuarent. Idem substitutionibus efficere conati sunt, maxime, cum durus iste aditæ hereditatis effectus, ut heres ultra vires hereditatis responderet creditoribus, facile detertere posset heredem institutum, ne adiret hereditatem, in qua æs alienum latitare poterat. Multa itaque testamenta hoc ipso fiebant destituta, ex quibus heres non esset. Quo sacra domestica non poterant non perire. Quare per surrogationem heredis secundi in locum primi sibi consulebant Romani, imo in subsidium ipsos servos instituebant, ut demum, si nemo alius adiret, tamen esset, qui necessarius fieret heres. Paulo rariores postea erant substitutiones, cum leges heredi jus deliberandi & beneficium inventarii

con-



concessisset. Hodie vero, ubi substitutiones fieri videmus, eos plerumque alium habere finem, simul elucet, quod ex infra dicendis patebit.

### Aphor. II.

ALIA DIRECTA, ALIA OBLIQUA) Quæ ita a se invicem differunt. Illa fit verbis directis & imperativis, hæc precativis. Illa in testamento, hæc etiam in codicillis. Illa totam hereditatem in substitutum devolvit, hæc heredi instituto detractionem quartæ Trebellianicæ permittit. Illa fit eo fine, ne testamentum destituatur, & sic substitutus nil capit, nisi heres primus deficiat; hæc fit ea intentione, ut heres primus adeat, & secundo hereditatem restituat. Ibi heres hereditatem accipit beneficio testatoris, hic beneficio heredis primi. Sed & hoc demum inter utramque interest, quod directa, simulac heres institutus hereditatem adiit, expiret *L. XLV. de vulgar. & pupill. substit.* obliqua autem semper duret. Cæterum, si dubia res sit, quam substitutionem testator cogitaverit, leges magis pro directa, quam obliqua præsumunt *c. I. de testam. in 610. STRYCK. Cautel. testament. cap. XXIII. membr. I. §. V.* Quia tamen allegatum capitulum præsumptionem illam ita restringit, si conveniat verbis & personis institutis, facile patet, eam ipsam conjecturas contrarias admittere, vide exempla apud *LEYSERVM Spec. CCCLXII. med. II.*

### Aphor. III.

AD CUIUS EXEMPLUM) Paucis nota, inter vulgarem substitutionem & reliquas species hoc in-

primis intercedere discrimen, quod in illa leges, neque in testatore, neque in herede, peculiares qualitates desiderent, sed, a quocunque testatore, cuicunque heredi eam fieri permittant, cum e contrario & pupillaris & quasi pupillaris, ut & militaris vel testatoris vel heredis vel utriusque respiciant qualitates. Porro vulgaris ea sola fit intentione, ne heres desit, reliquæ vero alium etiam finem habent adjunctum.

#### Aphor. IV.

REPETITAE CENSENTUR) Primario quidem voluntas testatoris, etiam præsumta, est inspicienda *L. IX. L. XXIV. de vulgar. & pupill. substit.* *L. XXIII. sqq. ad Sclum Trebell. L. CXXIV. de Legat. I.* Non tamen pigebit, has memoriae mandare regulas I) heredes ex disparibus partibus scriptos sibi que absque mentione partium substitutos, in tantum videri substitutos, in quantum sunt instituti *L. XXIV. D. de vulg. & pupill. subst. L. I. C. de substitut. impuber.* Idque verum esse, siue, substitutis sibi invicem coheredibus, portio deficiens obveniat jure substitutionis siue jure accrescendi, late docui in *Constit. omiss. Manip. II. obs. IX.* II) substitutum substituti esse etiam substitutum instituti, si nempe heredi instituto, coherede substituto dato, alius iterum substitutus sit. Qua in re olim quidem gravis inter Juratorum sectas intercessit dissensio, variaeque excogitatae sunt distinctiones, quas vide in *alleg. Constit. omiss. Manip. II. obs. X.* Sed omnem litem sustulerunt Severus & Antoninus vi Rescripti, cujus summam exhibet Justinia-

stinianus in §. III. 7. de vulgar. substit. III) Testatorem plus dilexisse substitutum, quam heredes ab intestato. *L. II. §. III. D. Eod.* Quare ne heres quidem ab intestato admittitur, etiamsi heres minor institutus contra aditionem hereditatis restituitur in integrum, sed hereditas nihilominus devolvitur in substitutum VINNIVS *L. I. Select. Qu. jur. cap. XIV.*

## Aphor. V.

VULGARIS SUBSTITUTIO) Quæ iterum recte dividitur in simplicem & reciprocam. In illa heredi primo secundus substituitur. In hac coheres coheredi. Quo minorem vero utilitatem illa hodie habet, ob rationem substitutionis deficientem, eo majus emolumentum afferet reciproca, quippe qua omnes de jure accrescendi lites, si unus heredis portio vacet, commode evitari possunt.

## Aphor. VI.

HERES NON ERIT) Imo & hoc attendendum, an heredis heres possit admitti ad hereditatem. Tum enim hic substitutum adhuc excludit. Certe heredes sui etiam non aditam hereditatem acquirunt, & extra ordinem ad heredes iterum transmittunt. Quare, si modo heres suus institutus testatori superstes fuerit, & iterum heredes relinquat, ad substitutum hereditas non pertinebit. STRUVIUS *Exerc. XXXIII. tb. XVII.*

COMPREHENDIT ETIAM ALTERVM) Quod in dubium quidem vocat HYBERVS *Praelect. ad tit. de vulg. & pupill. substit. §. I.* Sed  
infr-

infirma ratione, quod odiosa non sint extendenda. Nam cum leges in testatore præsumant, quod substitutum magis dilexerit, quam heredes ab intestato, certe hi melius excludi non possunt, quam si unus casus alterum sub se comprehendat, vid. STRYCK. *de Cautel. testam. cap. XVIII. membr. I. §. IX.*

### Aphor. VIII.

QVA PATRESFAMILIAS). Unicum hujus substitutionis fundamentum est patria potestas, quæ requiritur tempore conditi testamenti & mortis *L. XLI. §. II. de vulgar. & pupill. substitut.* Quare mater ita non substituit, ne hodie quidem. Quamvis enim nostro ævo æqualis parentum in liberos sit potestas, jus tamen illud substituendi patri proprium cum doctrina de testamentis locum sibi in foris nostris vi expressæ receptionis vindicavit. Porro, ut liberi in potestate patris immediate existant, requiritur. Et sic nepoti, patre intermedio vivo, ab avo ita substitui nequit. Finis interim hujus substitutionis est, ne filius impubes, penes quem non erat testamenti factio, intestatus moriatur. Quare iterum ultra pubertatem facta non valet. *L. VII. L. XIV. de vulg. & pupill. substitut.* In effectu autem, quantumvis ratione solennitatum unum solum adsit testamentum, duo hæc substitutio continet testamenta. Alterum sibi pater condit, in quo filium heredem instituit, alterum vi Patriæ potestatis condit filio. Hoc sequela est prioris, & sic pater sibi ipsi prius facere debet testamentum *L. I. in fin. D. Eod.* Inter utrumque testamentum vero hæc intercedit differentia, quod patris testamentum per-



perpetuum sit, filii adepta pubertate exspiret. add. MERILLIVM *Lib. III. obs. cap. XII.* Quod autem diximus, patrem sibi prius testamentum condere debere, id intelligendum de casu, quando diversis temporibus sibi heredem scribit, & filio pupillariter substituit. Si eodem tempore & uno contextu utrumque fiat, nil interest, etiamsi pater filio prius, quam sibi de herede prospiciat *L. II. §. V. de vulg. & pupill. substit.*

## Aphor. IX.

SVBINTELLIGITVR ETIAM ILLA) Quod hunc producit effectum, ut, siue filius heres sit, siue non, substitutus admittatur, hic quidem in tota hereditate tam patris, quam filii, ibi in patris solum hereditate.

## Aphor. XII.

HEREDEM SCRIBAT ET FILIOFAMILIAS) Inde vero est, quod substitutio evanescat, si patris testamentum exitu careat *L. II. §. I. L. X. §. IV. de vulgar. & pupill. substit.* Quod tamen ex NOVELL. CXV. cap. III. ita temperandum, ut heredis institutio solum corruat intuitu patris, reliquis capitulis in salvo manentibus, & sic etiam salva substitutione. Sicut & ad hujus conservationem sufficit, ut patri heres suus existat, etiamsi a paterna hereditate abstineat *L. XLI. de acquir. vel omitt. hered.*

## Aphor. XIII.

MATRI NIHILOMINVS LEGITIMAM DEBERI) Quod olim pater in herede, quem filio suo



suo daret, nominando, neque matrem, neque alios filio ab intestato successuros, respicere debebat, inde est, quia jure suo testabatur, & ad legitimam uxori aliisque relinquendam non erat obligatus. Sed hoc nostris vel ideo visum est iniquum, quia pater non sibi solum, sed & filio testamentum condidit, qui posterior tamen legitimam matri minimum relinquere debebat. Quare substitutionem salva eorum, quibus jure debebatur, legitima, fieri debere judicarunt.

### Aphor. XIV.

PUBERTATE SUI HEREDIS) Et hic sufficit, ut filius ultimum anni decimi quarti diem attigerit. Nam in testamenti factione, quæ puberi conceditur, ultima dies coepta habetur pro completa *L. V. D. qui testam. fac. poss. BACCHOV. ad §. ult. §. de pupill. substitut.*

NISI FIDEICOMMISSVM SUBSTIT) Tunc enim, quia omnis substitutio pupillaris ita explicanda est, ut ne ultra pubertatem extendatur, & liberis post pubertatem testamenti factionem adimat. *L. XIV. de vulgar. & pupill. substitut.* substitutionem quoad patris bona valere dicunt, ut tamen salva sit filio legitima, & integra quartam Trebellianicam deducendi facultas *CARPZOV. P. III. Const. VIII. def. XIX.* Verum tamen, dum in *§. VIII. §. de pupill. substit.* pubertate filiæ substitutio evanescere dicatur, vero magis est simile, omnem vim substitutionis post pubertatem cessare, nec in vim fideicommissi sustineri posse, maxime, cum *L. VIII. C. de impuber. & al. substitut.*  
quam

quam pro sententia sua allegare solent Doctores, de dispositione militis solum loquatur, & præterea *L. LXXVI. ad Scum Trebell.* quæ novum præsidium dissentientibus afferre videtur, casum contineat, ex præsumpta patris voluntate ita explicandum, ut codicillos ab intestato facere, & quem ex substitutione directâ heredem esse ratio juris non pateretur, ex fideicommissio tamen, quod jure facere poterat, scribere voluisset. add. VINNIVM *ad S. ult. J. de pupill. substit.* & WERNHER. *P. I. obs. CCCVI.*

## Aphor. XV.

SEV QVASI PUPILLARIS) Hujus substitutionis, quæ exemplaris dicitur, quia ad exemplum pupillaris est introducta, ut & Justinianeâ, ab auctore, vi *L. IX. C. de vulg. & pupill. subst.* unicum fundamentum est pietas, humanitas, seu providentia parentum. Quare cuilibet parentum permittitur hac ratione substituendi facultas. Ut sic erret STRUVIUS *Exerc. XXXIII. th. XXXV.* quando ad Patriam potestatem respiciendum, & patri hic quoque primas esse deferendas existimet. Nam ratio, quod patris voluntas matris voluntati præferatur, vera solum est in iis negotiis, quæ a patre privative dependent, non in iis, ubi æquale parentum jus est. Nec mere theoretica est hæc observatio, sed usum præstat in quæstione, quid juris sit, si plures parentes substituerunt, & substituto hereditas deferatur. Ex mente enim Struvii substitutus a patre in paternis, & substitutus a matre in maternis, non intuitu bonorum solum, a substituentibus in filium trans-

mis-

missorum, sed & intuitu bonorum, filio propriorum, ita succederet. Sed verius est, in filii bonis omnes æqualiter succedere, cum omnium æquale sit jus succedendi.

### Aphor. XVII.

NECESSARIO SUBSTITVENDI) Nimirum. in hac substitutione ordo successionis præcise est servandus, ita quidem, ut ex pluribus in pari gradu existentibus unus substitui possit, salva tamen reliquis legitima.

### Aphor. XVIII.

COMMVNIS EST SENTENTIA) Cum tamen non desint, qui recedente impedimento ipso jure substitutionem expirare existimant, cautela erit pro substituente, ut ad casum reversi impedimenti substitutionem expresse extendat. Quamvis enim hoc ipso facultatem testandi, si cesset impedimentum, liberis non adimat, efficit tamen, ut, si liberi intermedio tempore non testentur, substitutio duret STRYCK. *Cautel. testam. C. XVIII. membr. III. §. XXII.*

### Aphor. XIX.

PRIVILEGIATA SUBSTITVTIO) Eaque compendiosa etiam & breviloqua dicitur, quia miles unica formula: si heres meus quacunque ratione decesserit, substitutionem absolvit. A reliquis autem substitutionibus hanc differre per se patet. Miles enim, qui testaturus ad observantiam juris Civilis non adstringitur, nec regulas in substitutionibus expediendis præscriptas servat.

Tit.

Tit. XX.

Quibus modis testamenta infirmentur.

Aphor. I.

**D**ONEC RUMPATUR, IRRITUMQUE FIAT) Testamenta variis modis infirmari, ex titulo ipso constat. Icti tamen Romani, qui in locutionibus admodum accurati erant, pro diversitate circumstantiarum testamento infirmato aliud dabant nomen. Si itaque vitium adesset in essentialibus & solemnitatibus vel externis vel internis, testamentum dicebant nullum. Si novo testamento revocaretur, vel posthumus agnasceretur, ruptum nominabant. Si testator capite diminueretur, testamentum fiebat irritum. Si querela inofficiosi impugnaretur, dicebatur rescisum. Si denique ex testamento heres non esset, vocabatur destitutum.

IPSO JURE NULLUM EST) Omnis nullitas, sive in forma testamenti externa, sive in ejus forma interna reperiat, testamentum vitiat, nec operabitur clausula cassatoria, ut testamentum nullum subsistat, cum testator in condenda lege privata adstrictus sit ad observantiam legis publicæ *Coccejus Diff. de clausul. testament. cap. III. n. 92. sq.* Clausula vero codicillaris testamento, cui nonnulla solennia desunt, adjecta, efficit, ut valeat instar codicilli, si modo eas adhibuerit testator solennitates, quæ ad validitatem Codicilli desiderantur. *Stryck. de Cautel. Testament. cap. XXIII.* Cæterum inter nullitates testamenti & hoc in effectu

Cc

discri-



discrimen intercedit, quod omissa forma externa totum corruat testamentum, si vitiosa sit heredis institutio, hæc solum infirmetur, reliquis capitulis testamenti salvis.

### Aphor. II.

**QVOD ILLVD VITIAT, ACCIDIT**) Quod generatim fit, quando tempore mortis testatoris heredes adsunt, qui debebant institui, sed non instituti sint, quia tempore testamenti vel non existebant, vel existebant quidem, necessario autem instituendi non erant. Sigillatim vero, si posthumus agnoscitur, testamentum in totum rumpitur, nec in ulla parte subsistit. Nam **NOVELL. CXV. cap. III.** jus antiquum hoc in casu non correxit, vid. **VINNIVM ad §. I. J. de exheredat. liberor.**

### Aphor. III.

**REALI MUTATIONI VOLUNTATIS**) Atque hic nihil interesse dicunt, siue simplex sit testamentum, siue reciprocum, cum nihilominus in posteriori casu libera cuilibet testatori manere debeat facultas a voluntate iterum recedendi, **L. XXII. pr. de Legat. III.** etiamsi clausula de non revocando addita sit **L. YNCKER. Resp. XXXVII. n. 12.** nisi in vim pacti hæc adjectio sit facta, **RICHTER. Decis. XXII. n. 20.** quod tamen non facile esset præsumendum **L. EYSER. Spec. CCCLIX. med. IX.** Sed, quemadmodum testamenta reciproca Romanis plane incognita, & nullius momenti erant **L. XV. C. de pact.** Germani vero ea præsertim inter conjuges ab antiquissimis temporibus ita appro-  
ba-



barunt, ut vim pacti successorii haberent, crederem ego, revocationem testamenti reciproci, si res ex principiis domesticis decidenda esset, ab uno testatore, altero invito, vix locum habere. Nam si ve dicas cum SCHILTERO *Exerc. XXIX. th. LIV. sqq.* pactum tacitum successorium subesse, si ve naturam testamentorum in subsidium voces, perinde erit. Ibi enim indoles pacti revocationem impedit. Hic, ne altera pars recedat, vel hoc unum prohibebit, quod testamentum reciprocum adsit, ex quo unicuique vi mutuae dispositionis jus quæsitum nascitur. MEVIUS *ad Jus Lubecens. P. II. Tit. I. art. X. n. 32.*

NON SIT EXPRESSE REVOCATA) Et recte quidem, quamvis non desint Doctores, quos magno numero citat WERNHER. *P. I. obs. CCV.* qui contrariam defendunt sententiam. Horum enim rationes facile refelluntur per ea, quæ ex instituto laudatus WERNHERVS *d. l.* disputat. add. STRYCK. *de Cautel. testam. cap. XXIV. §. LIII. seqq.* Idem iudicium esto de clausula juratoria priori testamento addita. Nam nec hæc impedit testamenti prioris revocationem. COCEJVS *de clausul. testamentor. cap. II. in fin.* Totam res facile conficitur ex natura legum. Testatorem enim legislatorem esse, supra probatum dedimus. Nemo vero sibi ipsi legem dicere potest, a qua non possit iterum pro lubitu recedere, maxime, si addas, heredi instituto nullum adhuc jus quæsitum esse, sed hoc demum incipere a morte testatoris. Et quidni revocaretur testamentum, cum

tamen donatio mortis causa revocari possit, utut in consentientem & acceptantem collata. Sigillatim, si juramentum accesserit testamento, testator quidem, absque causa justa a priori sententia recedens, violare potest conscientiam, nova tamen ideo priori testamento non additur efficacia, cum iusjurandum novam non producat, sed veterem solum confirmet obligationem.

SIT JURE PERFECTUM) id est consummatum, non ratione voluntatis solum, sed & ratione solennitatum. Sed & eo respiciendum, anne testator utrumque valere voluerit. Utut enim utrumque jure directo non valeat, valet tamen posterius jure directo, prius jure fideicommissario §. I. J. quib. mod. testam. infirm. L. XII. §. I. D. de injust. rupt. Præterea etiam requiritur, ut posterius post mortem testatoris integrum adhuc existat. Cancellato enim eo vel deleto prius reviviscit.

#### Aphor. IV.

INVOLVCRUM TESTAMENTI ESSE RESIGNATUM) Nec sufficere, credo, ut mutatio voluntatis præsumatur, quando testator, qui antea nuncupativum condiderat testamentum, idque in scripturam redigi curaverat, hanc scripturam cancellat vel incidit. Quamvis enim BACCHOV. *ad Treutler Vol. II. Disp. X. tb. VII.* defendat, facto hoc testatorem voluntatem mutatam satis declarare, haut tamen ignoramus, scripturam ad essentiam testamenti nuncupativi non pertinere, sed melioris solum probationis gratia accedere, ut sic, nisi alia indicia mutatae voluntatis adsint, ex sola ista cancellatione

tione sufficiens vix desumi possit pro mutatione conjectura BRUNNEMANN. *ad §. VII. §. quib. mod. testament. infirmant.*

### Aphor. V.

NUDA REVOCATIO) id est, quæ non habet conjunctam novi heredis institutionem. Nam testamentum nuda voluntate non ordinatur, & sic quoque nuda voluntate non revocatur. Sed, quid his tricis opus sit, non video, cum faciliori negotio testator rem omnem abolitione testamenti conficere possit.

### Aphor. VI.

CAPITIS DIMINUTIONE) Requirebant Romani in testatore habilitatem tempore conditi testamenti & tempore mortis. Sigillatim, qui utroque tempore liber, civis, aut paterfamilias non erat, valide non testabatur. Et si vel post testamentum conditum, cum antea habilis esset, in statum servitutis, peregrinitatis vel familiæ veniret, testamentum jure conditum fiebat irritum, nec ullum jure Civili proditum erat remedium, ut convalesceret testamentum, etiamsi testator tempore mortis iterum priorem recepisset conditionem. Quare Prætor hoc in casu, adhibita fictione, ac si, qui tempore testamenti conditi & tempore mortis habilis fuisset, semper fuisset habilis, jus civile emendabat. *§. VI. §. quib. mod. test. infirm.* Sed parum abest, quin totam hanc doctrinam hodie nullius usus esse dicam. Minimam enim capitis diminutionem hodie testamentum non infirmare, fatetur Auctor.

Servos Romanos non habemus. Peregrini vero recte testantur. Quodsi vero cum status mutatione confiscatio bonorum sit conjuncta, alia certe adest ratio, cur testamentum non subsistat.

### Aphor. VII.

REPUDIANT HEREDITATEM ) Fit igitur cum totum testamentum inefficax. Nam errant, qui legatariis & fideicommissariis eo in casu, si heres repudiat, ex *NOVELLA I. cap. I.* facultatem esse adeundi hereditatem, colligunt, cum citata lex de eo solum loquatur casu, si heres adiit, & intra annum legata solvere renuit.

### Tit. XXI.

De inofficiosis testamentis, ut & de legitima.

### Aphor. I.

TANQVAM INOFFICIOSVM, QUERELA RESCINDITVR ) Olim itaque liberi non tam exheredati (nam liberos pater jure exheredes scribebat) sed præteriti plane, querela inofficiosi utebantur testamenti, quæ, ut *BYNCKERSHOECK Lib. II. obs. XII.* demonstrat, moribus invaluit, vel potius interpretatione prudentum, qui, dum *Lex XII. Tabularum* furiosi testamentum invalidum judicaret, liberis, patrem furoris quasi arguere, eoque colore uti permittebant, testatorem, qui de liberis, quorum causa tamen acquireret unusquisque, non cogitaret, sanæ mentis haut fuisse. Sic vero injuriam sibi præteritione illatam vindicabant



cabant liberi, quo etiam fit, ut ad exemplum aliarum actionum, quæ ad vindictam tendunt, hæc querela heredibus non detur, utque, qui in lite succumbit, omnibus reliquis commodis, quæ ex testamento sperabat, privetur *L. XXIV. de his, quæ ut indign.* Ipsa vero ratio denominationis repetenda est a recepta a JCtis distinctione inter beneficium, officium & servitium. Nam hoc obligationem perfectam, illud obligationem imperfectam inter propinquos, istud obligationem imperfectam inter extraneos præsupponit, ut sic inofficiosum testamentum sit, in quo heredes proprii contra pietatem & officium prætereuntur, ipsumque ideo introductum remedium querela potius quam actio dicatur. Conf. HEINECCII *Diff. de lev. not. macula.* Verum hodie, postquam liberos, aliosque, quibus legitima debetur portio, citra nullitatis vitium testator præterire nequeat, sed vel instituere, vel ex præscripto legum exheredes scribere debeat, præteritio æque, ac omissio formæ in institutione vel exheredatione adhibendæ, testamentum ipso jure nullum facit. Sic vero non opus est querela inofficiosi testamenti, nisi inique facta sit exheredatio. Multumque interest, quo utaris remedio. Nullitatis enim remedium perpetuum est, in heredes transit, defunctum injuria non afficit, quæ secus in querela inofficiosi testamenti, quippe quæ intra quinquennium ab adita hereditate computandum expirat *L. VIII. §. X. D. L. penult. C. de inoffic. testam.* non præparata a defuncto ad heredes non transmittitur, & periculum affert actori, qui victoriam ex lite non reportat.



## Aphor. III.

SINT INSTITUTI HEREDES ) Ut vero relinquatur titulo institutionis honorabili, vi *NOVELL. CXV. cap. III. pr. & cap. IV. pr.* requirunt, cum olim sufficeret, eam quocunque titulo, legati etiam, fideicommissi, donati, esse relictam *§. VI. §. de inoffic. testam.* Idque ipsum hodie adhuc, in fratribus obtinere existimant, cum eorum in gratiam jus antiquum non reperiat correctum. Sed si græcum Novellæ & authenticum textum inspicias, nil invenies, quod correctionem juris antiqui indicet. vid. *HORNBERGIVM ZV VACH in Novell. ex Græc. idiom. convers. Nov. CXV. cap. III.* add. *STRAUCHII Exerc. IV. ad L. Decis. Justin. cap. III. & Diff. IX. ad Jus Justinian. §. XXXVIII.* Aliud quidem usuali interpretatione invaluit in Saxonia, & leges ipsæ communem interpretandi rationem sequuntur *P. III. Const. Elect. IX.* Agnoscunt tamen Doctores Saxonici, sigillatim *BERGER. Oec. Jur. p. m. 373. not. I.* Juri Romano magis conformem esse sententiam, quæ, quemcunque titulum, sub quo legitima relinquitur, ad excludendam querelam inofficiosi sufficere, statuitur. Parumque abest, quin Praxin extra Saxoniam cum theoria amice conspirare credamus, per ea, quæ tradit *LEYSER. Spec. CCCLVI.*

AD SUPPLEMENTVM AGENDVM ERIT ) Quæ actio denuo mere persecutoria rei, bonæ fidei, perpetua, & ad heredes transitoria est. In eo vero utraq; actio convenit, ut legitimam portionem, quam

quam lex assignat, conservare intendat. Quapropter ne execrationes quidem testamento a parentibus adjectæ has actiones impediunt. An vero in conscientia obligent, judica ex iis, quæ in utramque partem disputant STRYCKII pater & filius, ille in *Cautel. testament. cap. XXIV. §. LXXV. hic in Diff. de execrationibus testat. cap. II. & LEYSER. Spec. XCIII. med. V.*

Aphor. IV.

LEGIBVS DEBITA PORTIO) Et quidem bonorum defuncti, non simpliciter hereditatis, quod alibi jam diximus. Ita vero privilegiata est, ut illis, quibus a lege assignatur, neque interverti, neque ullo gravamine affici possit. Sed si conditionem, diem, modum, testator adjiciat, si fideicommisso, si remissione inventarii aut juratæ specificationis, si æstimatione bonorum legitimam oneret, nihil agit, & onus detrahatur L. XXXII. & XXXVI. C. de inoffic. testam. Imo ne usufructu quidem gravari, eaque lege relinqui potest, ut pater vel maritus jure suo, quod intuitu usufructus habet, privetur NOVELL. CXVII. cap. I. BRUNNEMANN. ad L. XXV. C. de inoffic. testam. BERGER. Resolut. Lauterb. p. m. 241. Invenit tamen Socinus cautelam, qua adhibita re ipsa gravari potest legitima, si nempe testator eum, cui legitima debetur, ultra legitimam instituit, sed simul onus, quod totam hereditatem afficit, ea lege imponit, ut nisi heres subeat onus, usque ad legitimam exheres sit. vid. STRYCK. Caut. testam. cap. XVII. membr. III. §. XV. Tolerat

hanc cautelam Praxis, quamvis appareat facile, eam in fraudem legis esse inventam.

QUARTA PARS) ad exemplum forsan quartæ Falcidiæ. Nam legitimæ & Falcidiæ nomina promiscuæ fere sunt significationis, ceu præclare docet SCHULTING. *Jurispr. Ante Justin. ad Pauli recept. sentent. Lib. III. Tit. VIII.* Imo Romani ubique in hereditatibus eo respexisse videntur, ut heres non omni privaretur hereditate, sed quarta potius ipsi esset salva. Heredi enim ab intestato legitimam in quarta parte, heredi testamentario quartam Falcidiam, heredi fiduciario quartam Trebellianicam salvam esse voluerunt. Aliam vero ratione legitimæ computandi rationem iniit NOVELLA XVIII. cap. I. a qua tamen denuo leges provinciales hinc inde recesserunt, ut in definienda legitimæ quantitate primario leges domesticæ in subsidium vocandæ sint.

### Aphor. VI.

NON NUMERENTUR) Sed revera hic adest communis opinio contra communem opinionem, ceu ostendit BERLICH. *P. III. Decis. III. n. 7. seq.* Ipsamque quæstionem ita ambiguam judicat ANTONINVS CUEHVS in *tract. de legitima sub fin. p. 29.* ut non dubitet asserere, iudicis arbitrium in utramque partem absque nota liberum esse. Verum, qui rem ex legibus conficere student, varia incedunt via. Alii liberos inique exheredatos computandos esse, juste exheredatos non connumerandos existimant BÖHMER. *Jur. Digestor. tit. de inoffic. testam. §. VI.* Alii putant, exheredatum

atum quidem non computari ad legitimam augendam, ejus tamen portionem reliquis accrescere  
*I V B E R. Præl. ad D. tit. de inoffic. testam. n. 14.*  
*V I S S E N B A C H. ad Pand. P. I. Disp. XVII. th. II.* Ego facile assentior iis, qui exheredatum connumerant. Nisi enim hoc fieret, exheredatio repius reliquis inferret damnum, qui nihil deliquerunt. Certe, si quinque cum exheredato fissent liberi, qui dimidiam accepissent conjunctim, dem ipsi, si exheredatus pro mortuo haberetur umerusque liberorum per fictionem ad quatuor rembra reduceretur, nunc conjunctim plus, quam ientem capere non possent, & sic re ipsa, si singulos spectes, tantum non consequerentur, quam lex iis assignabat.

### Aphor. VIII.

**EX BONIS TESTATORIS PROfecta sVNT** ieneratim in legitimam non imputantur, quæ jure proprio heredes possident v. c. feudum, peculium astrense. E contrario ea imputantur, quæ oneri collationis subsunt, de quibus suo loco. Sic vero ubi procul etiam imputatur portio conjugis statutaria, si conjux cum liberis defuncti concurrat. Imo nonnunquam, ut in Saxonia per **C O N S T I T. E L E C T. XX. P. III.** ad legitimam augendam idua propria conferre debet bona, si in portione statutaria succedere velit. *W E R N H E R P. V. obs. XLVIII.*

### Aphor. IX.

**TEMPVS MORTIS**) Imo potius, si vivus pater bona



bona sua alienaverit, eoque ipso legitimæ præjudicium intulerit, alienatio quoque eousque, quousque legitimam gravat, revocatur, quod supra jam diximus. add. THOMASII *Dissert. de legitima viventis.*

### Aphor. X.

AGNITIONEM VOLUNTATIS TESTATORIS) Sponte vel legatum accipiendo, vel alterius nomine exigendo. Nam secus esse dicunt, si quis officii causa, quod declinare nequit, alterius causa agat. Verum his distinctionibus hodie non videtur opus esse, cum post NOVELL. CXV. cap. III. & IV. querela inofficiosi testamenti non totum faciat corruere testamentum, sed heredis solum institutionem vitiet, ea vero ratione nil obstat, ne filius legatum accipiat, & nihilominus querela inofficiosi utatur. Facile vero apparet, per hanc Novellæ dispositionem vim regulæ juris antiqui illatam esse, vi cuius nemo pro parte testatus, pro parte intestatus decedere poterat. Nam, dum heredis solum institutio corrumpitur, & in locum extranei heres ab intestato succedit, ea tamen lege, ut reliqua testamenti capitula agnoscat, fieri non potest, quin successio pro parte testata, pro parte intestata existat. Cum vero id querela inofficiosi efficiat, ut hereditas rescisso testamento ab intestato obtineatur L. XIX. D. de inoffic. testam. non absque sufficienti ratione inde alios inferre puto, victoriam omnibus ab intestato successuris, quamvis querelam non habeant, prodesse. Id enim præterea cum L. VI. §. I. D. Eod. convenit, & in aliis  
tam



tam gravibus nititur rationibus, ut non dubitem, quin assentiar WERNHERO, qui *P. I. obs. CCLXX.* id egit ex instituto, ut & hanc firmaret sententiam, & dubiis simul satisfaceret,

Tit. XXII.

De his, quibus ut indignis hereditas auferitur.

Aphor. I.

**I**NDIGNOS REDDUNT HEREDITATE )  
Præsupponit hoc juris Romani argumentum, herede vel legatario capaci aliquid esse relictum, alterutrum vero aliquod delictum, a lege vel testatore in specie notatum, committere, quod cum hereditate vel legato indignum reddit, & fisco jus, emolumentum poenæ loco auferendi, tribuit, si hereditas vel legatum indigno re ipsa deferatur *L. XXV. §. I. de his, quæ ut indign.* Alia ratio est eorum, quæ pro non scriptis habentur. Sub his intelliguntur, quæ ab initio inutiliter in testamento scribebantur, dum vel heres aut legatarius incapax esset, vel res in eam perveniret causam, a qua initium habere non poterat. Hoc enim cum habebat effectum, ut id, quod scriptum esset, vel penes heredem maneret, vel coheredibus aut collegatariis, accresceret, *L. unic. §. II. sqq. de caduc. tollend.* Ab his iterum distinguebantur caduca, quando conditio hereditati vel legato adscripta deficiebat. *BRUNNEM. ad d. L. unic. de caduc. tollend.* quippe quæ iterum fisco cedebant ex *Lege Papia Poppæa.* Verum Justinianus nomen & materiam cadu-

caducorum delevit, &, cum olim fisco cederent, nunc pro non scriptis magis haberi, & apud eos, a quibus relicta sunt, manere jussit. Confer. *Commentar. ad Constit. omiss. Manip. II. obs. I.* Idemque adhuc hodie juris esse, omnes uno fere ore juris interpretes fatentur. Ipsa interim exempla eorum, quæ pro non scriptis habentur, & ut indignis auferuntur, Compendia Juris abunde enumerant. Ad ea sigillatim spectant, quæ quis sibi ipsi adscripsit. Sed hoc exemplum, quod attinet, usus Practicus hodie poenam cessare facit, si bona fides scribentis & seria testatoris intentio doceri possit, vid. præjudicia apud LEYSERVM *Spec. CCCXCVII med. IV.* Posterius colligunt ex testatoris subscriptione *L. XIV. pr. de his, quæ pro non script.* Et hanc, etiamsi generalis sit, intuitu filii subsistere existimant, intuitu extranei specialem desiderant *L. I. §. VIII. ad Cornel. de fals.* Sed crederem ego, consultum omnino esse, ut ille, qui jussu testatoris sibi aliquid adscribit, testimonium a testatore in subscriptione perhiberi curet, id jussu ejus factum esse. Ut vero doctrina de his, quæ pro non scriptis habentur, in usu est, ita & hodie, quæ ut indignis auferuntur, fisco cedunt, ceu rationibus evicit SCHILTER. *Exercit. XXXVIII. §. CLXXXII.* quamvis dissentiant CARPZOVIVS *Quest. Crim. CXXXV. n. 39. sq.* BEYER. *Delin. Pandect. ad tit. de adimend. legat. §. XVII.* Id tamen fateamur necesse est, ea, quæ in *L. IX. pr. & §. I. de his, quæ ut indign.* recensentur, male ad ea referri, quæ fiscus occupandi jus habet, atque ex ipsa lege

cvi

evidens esse, quod pro non scriptis potius habenda sint, vid. BRUNNEMANNVM *ad d. leg.* Cæterum, quæcunque fiseus sibi vindicat, non tamen sine præcedente legitimo processu capit *L. V. C. de jur. fisc.* nec absque onere, quod adjectum erat WISSENBACH. *ad Digest. P. II. Diff. VII. §. IX.*

NON VINDICAVÉRIT ) Cujus ratio procul dubio inde derivanda, ne heredibus ab ultione desistentibus cædes defuncti impunita relinqueretur, cum moris olim esset, post solennem demum accusationem contra reum procedere. Cum itaque hæc ratio hodie, ubi magistratus ex officio procedere solet, cesset, merito assentior CARPZOVIO, qui in *Pr. Crim. qu. XXXIV. n. 12. sq. & P. IV. Const. XL. def. X.* contra HEIGIUM *Lib. II. qu. XXXIV.* non usum dispositionis defendit, hoc tamen adhibito temperamento, ut heredi, si magistratus delictum plane ignoret, necessitatem denunciandi injungat. add. SCHILTER. *Exerc. XXXVIII. tb. CLXXIX. & WERNHER. P. I. obs. CLV.*

SI QVIS INJUSTE ) An vero injuste impugnaverit, prius constare nequit, quam finito processu. Quare, qui in impugnatione non persistit, sed ante sententiam voluntatem mutat, non punitur. *L. XIII. §. IX. de jur. fisc.* Deinde & hoc observandum est discrimen, quod ille quidem, qui ipsam defuncti voluntatem impugnat, puniatur, non vero ille, qui testamentum jure & solenniter factum negat *L. XXIV. de his, quæ ut indign. poenam subeat*, tametsi testator eum ob hanc causam indignum judi-

judicaverit. Id enim testator efficere non potest, ut jus commune non valeat, eaque propter voluntatem suam juri Communi ubique conformasse censetur *L. VIII. §. I. de jur. Codicill.* LEYSER. *Spec. CCCXCVIII. med. II. sq.*

Tit. XXIII.

De heredum qualitate & differentia,  
ut & de acquirenda vel omittenda hereditate,  
ejusdemque transmissione,  
nec non de jure accrescendi  
& de apertura testamenti.

Aphor. II.

**N**ECCESSARIUS EST SERVVS) Necessarios heredes, qui, sive vellent, sive nollent, hereditatem adirent, urgens æs alienum introduxit. Cum enim heredes extranei, ob durum aditæ hereditatis effectum, dum eo ipso se omnibus defuncti creditoribus obligarent, ut & ultra hereditatem tenerentur, hereditatem ipsam omitterent magis, testamentumque efficerent destitutum, creditores nunc bona defuncti nomine possidere incipiebant, & mox sequebatur hasta publica. Quod ignominiosum valde veteribus videbatur *L. XXIII. D. qui & ex quib. caus. manumitt.* CICERO *oration. pro Quintil. cap. XV.* maxime cum & bona proscriptorum ita venirent, ut sic honesti viri ad hastam publicam non facile accederent CORNEL. NEPOS *in Attico cap. VI.* Quo igitur hanc contume-



tumeliam evitarent Romani, servum, si alius heres deficeret, nominabant heredem, ut ille, ex necessitate vel satisfaceret creditoribus, vel, si nolle, pateretur tamen bona defuncti suo nomine venire, cæterum libertatem consequeretur §. I. & II. J. *Cui & ex quib. caus. manumitt. non licet.* Sed facile patet, hoc juris Romani caput nullius hodie usus esse, siquidem nec servos Romanos habemus, nec hæreditatis aditio hodie post introductum beneficium deliberandi & inventarii periculosa est.

### Aphor. III.

ISTI SUI HEREDES) Sui heredes illi olim nominabantur, qui domestici heredes erant, & vivo quoque patre quodammodo domini existimabantur, verbo, liberi, modo tamen 1) essent in potestate defuncti, & 2) proximi gradu, ut nemo eis ordine antecederet. Atq; hi ipsi etiam necessarii olim erant, quia sive vellent, sive nollent, tam ex testamento, quam ab intestato, heredes fiebant, quamvis rationibus recte subductis facile appareat, necessariam hanc ex testamento succedendi rationem, antiquæ Jurisprudentiæ eo minus convenire, quo certius est, parentes potuisse liberos pro lubitu exheredare. Ut sic merito necessitas succedendi ad successionem ab intestato restringenda fuisset in §. II. J. *de hered. qual. & differ.* Imo ne jure novo quidem, testamento a patre confecto, ultra legitimam est extendenda, cum de bonis, quæ extra legitimam sunt, libera cuivis disponendi relicta sit facultas. Verum his subtilitatibus hodie non amplius est opus. Nam cessat jus fuitatis, eo quidem effectū, ut & li-

D d

beri



beri emancipati in legitima heredes sint instituen-  
di. *NOVELL. CXV. cap. III.* Et sic necessarij  
quidem sunt heredes liberi, quatenus a parentibus  
ab hereditate excludi non possunt, parentibus etiam  
ab intestato mortuis hereditatem omnem ipso jure  
acquirunt, eamque etiam non aditam ad heredes  
iterum transmittunt, non tamen amplius necessa-  
rij sunt, & inviti heredes fiunt. Durum enim vide-  
batur, ob defuncti parentis infortunium liberos su-  
perstites quasi infamiam contrahere. Ejusque  
rei intuitu Prætor ipsis volentibus hereditate absti-  
nere permisit *L. LVII. D. de acquir. hered.*

#### Aphor. IV.

DEBEANT PROBARE, FILIVM SE IM-  
MISCUISSE ) De eo plurimi dubitant, an juste  
creditoribus imponatur onus probandi, quod fili-  
us se immiscuerit. Fit enim, ut diximus, etiam  
jure novo ipso jure heres. Et sic ulteriori proba-  
tione non opus esse videtur, qua, filium heredem  
esse, demonstretur, reique magis convenire, ut fili-  
us, se beneficio abstinendi usum esse, probet. Ve-  
rum, post introductum abstinendi beneficium, fi-  
lius quidem heres est, non tamen aliter, quam si o-  
misso beneficio abstinendi se immiscuerit *L.*  
*XLVII. de acquir. vel omitt. hered.* Nec sufficit,  
ut creditor demonstret, filium heredem esse de jure.  
Hoc enim nondum obligat, ut filius de factis de-  
functi respondeat, sed demonstrandum etiam est,  
filium heredem esse de facto. Quod certe, nisi im-  
mixtio doceatur, probari nequit. Ergo & hanc  
creditores probare debent, nisi ut Auctor monuit,  
præ-

præsumtio contra filium militet. Quo igitur hæc contra filium allegari nequeat, caveat filius, ne absque protestatione, se alio, quam heredis, nomine res hereditarias suscipere, in hereditate permaneat *L. XX. §. I. de acquir. vel omittend. hered.* neve postea facta protestationi contraria committat, quæ animum heredis necessario involvunt.

#### Aphor. IV.

**VEL ACQUIRERE ET SUSCIPERE**) Defertur quidem hereditas ipso jure, ut opus non sit peculiari traditione. Non vero heres institutus prius pro herede habetur, quam hereditatem adiit, quamvis aditio, ob effectum unitatis personæ, quam inter defunctum & heredem inducit, ad tempus mortis retrahatur *L. LIV. de acquir. vel omitt. hered. L. CXXXVIII. pr. L. CXCH. de reg. Jur.* Interim, ante aditionem hereditatis, nemo extraneus eam ad heredes transmittit, nisi I) intra tempus deliberandi, quod jure novo concessum, decesserit *L. XIX. C. de jur. deliber.* II) ex justa causa hereditatem adire non potuit *L. LXXXVI. pr. de acquir. vel omittend. hered.* III) filius emancipatus heres ante apertas tabulas vel ante aditionem moriatur, quippe cui ex beneficio Theodosii hoc privilegium concessum in *L. un. C. de his, qui ante apert. tab.* Sed postquam omne per jus novum inter emancipatos & suos discrimen sublatum est, dubium non erit, quin emancipatus quoque ipso jure transmittat hereditatem.

#### Aphor. V.

**ANIMO ET VOLUNTATE PURE DECLARATA**)

D d a

Erat

Erat olim aditio actus legitimus, qui I) non nisi certa verborum solennitate, & per cretionem, ut veteres loqui amant, peragi poterat *VLP IANVS Fragment. Tit. XXII. §. XXVII. sqq.* Infans itaque, furiosus, mutus adire non poterat, vid. *L. LXIII. D. de acquir. vel omitt. hered.* Præterea II) a præsentē expedienda erat, non per procuratorem *L. X. C. Eod.* imo ne pupillus quidem per tutorem adibat *L. V. C. de jur. deliber.* III) Pure debebat fieri *L. LI. §. ult. de acquir. vel omitt. hered. L. LXXVII. de Regul. Jur.* Verum hæ solennitates per *L. XVII. C. de jur. deliber.* sunt sublatae, utque heres etiam sub conditione adire posset, permisit prætor, *L. VI. de bonor. poss. sec. tabul.* Quid quod ne dubium quidem sit, quin & de jure novo post introductum beneficium deliberandi conditionata hereditatis aditio locum habeat, cum ipsa aditio per beneficium inventarii alia non sit, quam conditionata, si hereditas sit solvendo, add. *L. ult. C. de jur. deliber.* Igitur hodie sola agnitio, quæ verbis tantum, seu ut *L. VI. C. Eod.* loquitur, sola animi destinatione fit, sufficit, ut dominium rerum hereditariarum in heredem transferatur *L. XIV. C. Eod.* Quod autem ad possessionem hereditatis attinet, eam heres non acquirit, nisi naturaliter apprehensa sit *L. III. §. V. L. XXIII. D. de acquir. vel amittend. poss.* quamvis id iterum in heredibus suis secus sit, quippe qui etiam ignorantes heredes sunt. *HAHN ad Wesenbec. tit. de acquir. vel omitt. hered. n. 7.*

ALIO ANIMO ADMINISTRARE) Quem  
in

in finem protestationem consulto adhiberi dixi, ne ob præsumptionem aditæ hereditatis juramento locus dandus sit. Verum & hac protestatione demum opus videtur, si quis sciat, se heredem esse, alias enim pro negotiorum gestore potius habebitur. Et sic facile assentior LEYSERO, qui *Spec. CCCLXX. med. VIII.* negat, præsumptionem aditæ hereditatis esse contra uxorem, quæ post mortem mariti in bonis ejus manet, illaque administrat, cum in regula non sit heres mariti, magisque præsumi possit, eam, non animo heredis, sed custodiæ & juris sui causa, administrasse.

### Aphor. VII.

INTELLIGIT, QUID AGIT) Id certe negari non potest, eum, qui hereditatem adit, in ea esse debere causa, ut animum adeundi habeat: Forſan tamen, si effectum aditionis respicias, qui in obligatione heredis ad præstanda facta defuncti consistit, quæſtionem de iis, qui adire possunt, faciliori negotio dijudicaveris, si substituas regulam, eum, qui cum effectu adire vult, facultatem sese obligandi habere debere, & sic, qui plane se obligare nequit, nec adire posse, ab eo vero, qui nonnisi certa forma observata obligationem recipit, illam ipsam formam præciſe adhibendam esse.

### Aphor. VIII.

JUSSUM PATRIS) Verum hæc legum Romanarum dispositio antiquum jus patrisfamilias acquirendi per filium respicit. Quod, cum nostris moribus haud conveniat, nil obſtabit, ne filius,

Dd 3

qui



qui in potestate patris est, vel consentiente patre, vel si hic nolit, solus adeat. Imo cum, quæ filio ex ultimis voluntatibus obveniunt, patri minimum quoad usumfructum acquirantur, patri etiam facultas non erit deneganda, ut dissentiente etiam filio adeat. Conf. *L. fin. C. de bon. quæ liber. L. IV. L. XI. & XV. C. de jur. deliber.*

### Aphor. IX.

NON SUSCIPIEBATUR) Tempus tamen hoc novem dierum, ut ex NOVELLA CXV. cap. V. §. I. constat, unice in favorem heredum est introductum, ne intra hoc spatium convenirentur, aut quocunque modo creditores eosdem inquietarent, quo tempus & iusta defuncto persolvendi & lugendi suppeteret. Quare nil obstabat, ne ipsi heredes, si vellent, hereditatem ante nonum diem susciperent. Alia vero ratio est spatii triginta dierum, quod Germani post mortem defuncti ab omni strepitu vacuum voluerunt. Hoc enim in lege prohibitiva nittur, quæ tum creditores excludit, ne actiones prosequantur, tum heredi interdicit, ne adeat & hereditatem administret. Quemadmodum igitur hoc spatium eum in finem concessum est, ut peragi possit obsignatio rerum hereditariarum & sepultura, ita præterea durante spatio omnia tranquilla & quieta in ædibus atque rebus defuncti esse debent, nec quicquam immutari & suscipi potest, nisi quod opus est fieri ad custodiendam conservandamque hereditatem & alendam familiam. Nam & uxor, & liberi, & famuli intra tricesimum alimenta adhuc ex massa hereditatis capiunt, & quicquid interim



terim accrescit, hereditati accrescit, quamvis jus cum defuncti persona alias expiret. v. c. in usufructu, de quibus late egit HORNIVS *Diff. Spec. de tricesimo.*

### Aphor. X.

OMNE DEFUNCTI JVS ) Verbo inducit aditio unitatem personæ inter defunctum & heredem, tam active, quam passive, etiam ratione jurium, quæ morte defuncti non finiuntur. In commoda igitur & incommoda succedit heres, & facta defuncti ubique præstat, modo tamen I) licita sint. In poenalibus enim non succedit; II) negotium de jure subsistat, & nullitate non laboret. Quæ enim contra legem prohibitivam suscipiuntur, tantum abest, ut obligationem ullo modo producant, quin potius per se efficaciam non habeant. Non obest igitur filio heredis nomen, quando pater vivus legitimæ præjudicium intulit, vel, quando bona adventitia extra casus in lege expressos alienavit, sed nihilominus filius hic suo jure utitur.

NON NISI APPREHENSIONE ACQUIRITUR ) Utut autem heres extraneus possessionem ipsam absque apprehensione non acquirat, jus tamen possessionis per verbalem etiam aditionem, & solo animo consequitur, & in jus occupandi, adipiscendi, & recuperandi possessionem succedit MEVIVS *P. III. Decis. CCCXXVIII.* BRUNNEM. *ad L. XXIII. de acquir. vel amittend. possess.* Potest igitur tertius quidem possessionem occupatione intervertere, sed heredi adeunti rem occupatam nihilominus restituere debet, maxime, eum heres

adeundo hereditatem jam tum a morte defuncto successisse intelligatur. Conf. LEYSER, *Spec. CCCLXXI. med. IV. sq.*

### Aphor. XI.

REPUDIARE HEREDITATEM) nondum acquisitam & aditam. Post acquisitionem repudiatio locum amplius non habet, cum semel heres factus se creditoribus obligaverit *L. X. C. de jur. deliber. L. XI. si certum petat.* Minoribus tamen contra aditionem dabatur restitutio in integrum, si læsionem docere possent. Reliqui eo minori fundamento sibi succurri postulabant, cum facultatem deliberandi haberent, sibi que imputare deberent, quod vel beneficio non essent usi, vel temere damnosam hereditatem suscepissent. Et sic ubique ultra vires hereditatis post acquisitionem obligabantur. Postea tamen Hadrianus vi privilegii ex clausula Prætoris generalis majoribus quoque viginti annis restitutionem contra aditam hereditatem concessit. Demum Gordianus militibus in genere contra aditionem veniam dedit *L. fin. pr. C. de jur. liber. add. L. XII. C. de testam. milit.* Denique Justinianus heredibus omnibus facultatem dedit, ut sub conditione, beneficio inventarii, hereditatem adire possent, si hereditas esset solvendo, *d. L. fin. C. de jur. deliber.* ut sic, si æs alienum rerum hereditatarum substantiam superaret, vel repudiandi hereditatem haberent veniam, vel ultra vires hereditatis tamen haut tenerentur. Caterum, ut aditio non statim præsumitur in eo, qui jus succedendi non habet, ita nec repudiatio præ-

præsumitur in eo, qui jure heres est, sed requirit illa declarationem, vel talia facta, ex quibus de animo omittendi dilucide constat. Sic vero solus consensus tacitus vel non factum non sufficit. *BERGER Diff. de omiss. heredit. nisi lapsus triginta annorum accedat L. VII. C. de petition. heredit.*

### Aphor. XII.

**CERTO TEMPORE)** Nempe, si nemo adesset, qui aditionem urgeret, liberum erat intra triginta annos adire hereditatem *L. VII. C. de petit. hered.* alias anni vel novem mensium spatium præfigebatur *L. ult. §. XIII. de jur. deliberand.* Hoc autem beneficium supervacuum esse videtur, postquam Justinianus meliori beneficio, inventarii nempe, heredibus consuluit. Verum tamen non sustulit ideo legislator prius, sed prudentiæ potius & arbitrio heredis reliquit, quoniam uti vellet. Cumq; tota materia testamentaria ex Jure Romano ad nostrates transiit, crederem ego, posse heredem hodie etiam ad beneficium deliberandi confugere, & beneficium inventarii omittere. Quod quidem negat *THOMASIVS in Not. ad Pand. tit. de jur. deliber. & ad Inst. tit. de hered. qual. & differ.* Sed dubiis ejus satisfecit *WERNHER. P. VII. obs. I.* & in Saxonia hoc ipsum beneficium publica lege est approbatum per *DECIS. NOV. ELECT. LVII.*

### Aphor. XIII.

**MAGIS SALVTARE BENEFICIUM)** Pro-  
ducit nempe hos maxime effectus, I) ut separatio  
Dd 5 bono-

bonorum defuncti & heredis inducatur II) confusio jurium impediatur, III) heres ultra hereditatis vires non teneatur IV) res ipsæ hereditariæ creditorum periculo pereant *L. fin. C. de jur. deliber.* Neglectum e contrario heredem onerat, ut ob confusionem jurium & actionum integra debita exsolvere debeat *NOVELL. L. cap. I.*

### Aphor. XIV.

**LEGITIME INVENTARIUM CONFICIENDI**) Hodie his requisitis non adeo stricte insistimus, sed Notarium adhibere, & omnia legitime consignare solemus *MEVIVS P. II. Decis. CLVL. BRUNNEMANN. ad L. fin. C. de jur. deliber.* Sive tamen solenni modo, sive alias ex more consueto, inventarium conficiatur, obsignatio judicialis inventarium præcedere debet, *CARPZOV. P. III. Const. III. def. X.* vel a iudice rei sitæ, si bona immobilia adsint, vel, his deficientibus, a iudice ratione personæ competente peragenda. Hoc enim requisitum, omissum licet a Justiniano in *L. ult. C. de jur. deliber.* & a *STRYCKIO Us. Mod. D. d. tit. §. III.* pro superfluo judicatum, recta ratio addere jubet, cum facile pateat, absque ea nullam inventarii fidem esse *HORNIVS Diff. de die tricesimo §. XVIII.* Non itaque heres, neglecta obsignatione, evitabit necessitatem, jurejurando consignationem suam corroborandi, omnemque suspicionem rei amotæ removendi. Imo nec id juris iis, quorum interest, denegari poterit, ut, etiamsi omnia solennia in conficiendo inventario sint observata, heredi tamen juramentum super omissis



missis deferre possint, cum id ipsum *L. fin. §. X. C. de jure deliberandi* expresse approbatum sit. Verum hoc in casu tamen heredem prius ob præsumptionem, quod omnia absque fraude gesta sint, suspicione onerandum esse existimarem, quod nonnulla omiserit. *MEVIUS P. IV. Decis. XCII.*

**Aphor. XV.**

**JURATAM SPECIFICATIONEM EDAT)**  
Ad cujus editionem heres semper admittitur, nisi hereditatem, quam cum beneficio deliberandi adiit, elapso spatio demum repudiet, atque dolum committat *DECIS. ELECT. LVII.* Interim vereor, ne *BRUNNEMANNVS ad L. ult. C. de jur. deliber. n. 60. & SCHÖPFFER. in Synops. Pandect. tit. de jur. deliber. n. 17.* nimis liberaliter de consuetudine Germaniæ universali, vi cujus specificatio jurata in locum inventarii succedat, testimonium perhibeant. Certe ipsi Saxones eam non nisi per argumentum ex *JUR. PROVINC. Lib. I. art. VI.* eliciunt, & præterea agnoscunt, gravi eandem creditores afficere damno. Est etiam eadem ipsa, ne quid dissimulemus, ex parte heredis periculi plena, qui, dum rerum, quæ sequuntur, incuriosus, hereditatem administrare incipit, conscientiam postea facile onerare potest, si quas forsitan res hereditarias non adeo magni momenti, earumque quantitatem, qualitatem & id generis alia memoria non adeo sollicite commendaverit. Quapropter, nisi statuta vel consuetudines juratam specificationem approbent, merito usus eidem denegabitur. Sed non abs re erit, mentionem injicere quæ-



quæstionis, anne testator confectionem inventarii heredi remittere, eumque a jurata specificatione liberare possit. Non dubitant Doctores, quin hæc facultas testatori concedenda sit, eaque remissio cum effectu heredem liberet, arg. *L. ult. C. arbitr. tutel.* Sed & restringunt istam testatoris legem ad eum casum, si remissio non in præjudicium coheredum, legatariorum, aliorumque, qui beneficio testatoris ex hereditate aliquid capiunt, tendat. Quod ipsum ratione non caret, cum illi, cui plus licet, emolumentum ex hereditate plane non assignare, non potest non minus licere. Sic vero apparet, id juris testatori haut concedi posse, ut remissionem in præjudicium creditorum, aliorumque, quibus jus aliquod quæsitum est in bonis defuncti, extendat. Plane in priori etiam casu solennitas solum inventarii & jurandi necessitas remissa videtur, nec iis, quorum interest, substantiam bonorum indicari, facultas adempta, jure postulandi, ut heres consignationem exhibeat. Super qua deinde, si dolose heredem quædam omisisse suspicio adsit, juramentum heredi posse deferri rationis est. vid. BERGER. *Oec. Jur. Lib. II. Tit. IV. §. L. not. 9.* Ita etiam judicavit Scabinatus Jenensis Mens. Nov. 1736.

### Aphor. XVII.

RELIIQVIS COHEREDIBVS) idque, modo coheres partem suam agnoverit, ex necessitate, etiam ignoranti & invito *L. XXXI. L. LIII. §. I. de acquirend. vel omittend. heredit.* ita quidem, ut ne testator quidem jus accrescendi prohibere possit,

fit, nisi in locum heredis deficientis alium substituerit. Quod juris argumentum ex principio, hereditatem pro parte testatam, pro parte intestatam esse non posse, facile deducitur. Sed & hoc patet, præsupponi hic testamentum. Quo vero & ratio juris accrescendi in hereditatibus, quæ ab intestato deferuntur, patefiat, in subsidium vocandum est principium: Successionem fieri in universum jus defuncti, ita quidem, ut proximior semper excludat remotiorem.

Aphor. XVIII. & XIX.

Omne jus accrescendi ex testamento præsupponit conjunctionem, cujus tria genera esse, ex *L. XLII. de verbor. signif. & L. LXXXIX. de Legat. III.* discimus. Quæ ipsa Auctor perspicue satis exposuit. Nec res ullum dubium habet, vel ullam difficultatem, quando duo saltem, vel re, vel verbis, vel mixtim, conjuncti sunt. Si enim uterque partem suam acceptat, res dividitur. Sin unus deficit, deficientis portio alteri accrescit, & quia partem capit ex persona deficientis, non ex persona propria, onus quoque, quod emolumento cohæsit, agnoscere debet. Plus tamen difficultatis res habet, si quis forsan subtilitate sua ita sibi placeat, ut unam eandemque rem pluribus, partim re, partim verbis, partim mixtim conjunctis relinqueat. Hanc igitur difficultatem, ut tollant Doctores, doctrinæ gratia re conjunctos signo O. O, verbis, conjunctos O - O mixtim conjunctos OXO notare, atque fundamenti loco præstruere solent, re vel verbis conjunctos esse collegas, non vero mix-

mixtim conjunctos. Tum vero regulas has formant I) Uno herede deficiente portionem ejus accrescere tantum collegæ. II) Sin collegam non habeat, portionem ejus accrescere omnibus, ita tamen, ut collegæ habeantur pro una persona. III) Collegis portionem accrescere cum onere, reliquis sine onere. His vero rite pensatis de casibus ab Auctore allegatis quilibet facile judicare poterit.

### Aphor. XX.

SOLENNIS APERTURA) Hic actus solennis non quidem ad substantiam & validitatem intrinsicam testamenti pertinet, nec omiſſa hac publicatione testamentum vitatur SCHILTER. *Exercit. XXXVIII. tb. CLXX. STRYCK. Us. Mod. ad tit. Dig. testament. quemadm. aperiant. §. IV.* Pertinet tamen ad veritatem & integritatem testamenti, ut constet omnibus, an omnia solenniter & bona fide in actu testandi gesta sint. Quare iis, quorum interest, ea facultas denegari non poterit, ut publicationem solenniter fieri desiderent LEY-SER. *Spec. CCCLXXIII. med. II.*

RECOGNOSCAN) Non tamen nocet testamenti validitati, si quidem testes jam sint mortui. Imo ne quidem, si omnes mortui sint, nisi testamentum forſan fuerit nuncupativum. Magistratus enim nihiloscius aperit, & signa testium tamdiu habentur pro incorruptis, donec contrarium probetur, add. SCHILTER. *d. I. §. CLXXIV. ZOESIVM ad. tit. D. testamenta quemadmod. aperiantur. n. 4.* Si tamen vivant adhuc vel omnes, vel quidam testes, eos ad recognitionem  
figil-

figillorum citari fas est, imo, si recognoscere nolint, tabulæ ipsæ non suspectæ solum, sed &, si de dolo testis convinci nequeat, procul dubio invalidæ erunt, vid. *L. I. in fin. D. testament. quemadmod. aperiantur.*

Tit. XXIV.

De Legatis.

Aphor. I.

**E**ST VERO LEGATVM ) Quemadmodum  
testamentum Romanis lex erat, de eo, quod  
quis post mortem suam fieri vellet, ita legatum,  
quod testator adscribebat, re ipsa pars legis  
privatæ erat, vi cuius testator heredi imponebat  
necessitatem, ut alteri aliquid præstaret. Inde vero  
natura legatorum antiqua facile dijudicari  
potest. Nam I) non nisi verbis imperativis &  
directis relinqui poterant *L. LXXV. §. fin. de condit. & demonstr.* variasque jubendi formulas  
habebant veteres, quæ & ipsæ diversum simul  
producebant effectum. Erat autem legatum per  
vindicationem adhibita formula: Cajo do lego, quo  
ipso legatario facultas rem legatam a quovis  
possessione vindicandi competebat *VLPIAN Frag. T. XXIV. §. II.*  
Erat legatum per damnationem, quod formula:  
Heres meus damnas esto, expediebatur, eo fine,  
ut lis inficiando cresceret in duplum. *PAVLVS Recept. sentent. Lib. I. Tit. XIX. §. I.*  
Erat legatum sinendi modo per formulam: heres meus  
sinat Titium sumere, cuius effectum tamen ignorant  
eruditi vid. *CAJ I Instit. Lib. II. Tit. V. §. VI.*  
ibi-



ibique SCHVLTINGIVM. Erat denique legatum per præceptionem, verbis his ad legatarium directis: Lucius Titius hanc rem præcipito, quod prælegatum dicebatur, cohæredibus præprimis utile, ULPIANVS *Fragm. Tit. XXIV. §. VI.* II) Non nisi ab herede præstanda relinquebantur *§. I. §. de Legat. L. CXVI. pr. de Legat. I.* III) heredi ipsi, si cohæredem non haberet, legari non poterat *d. L. CXVI. §. I. de Legat. I.* IV) Legatarius præstationem legati ab herede expectare debebat, propria auctoritate occupare non poterat *L. I. §. II. quod legat.* Quamvis enim Leges legatum ipso jure acquiri dicant *L. VIII. de Legat. II.* id tamen de dominio solum intelligendum est & jure, possessio autem legati absque facto heredis non transit. Quare etiam, nisi heres adeat hereditatem, legatum non debetur. Verum enim vero, si id, quod n. IV. diximus, excipias, novo jure longe aliam viam ingressi sunt legislatores, ut legato sua constet validitas. Noluerunt enim verborum conceptionem respici, sed qualiacunque sufficere jusserunt verba, imo & nutum, modo de voluntate testatoris constaret. *§. III. §. de Legat. L. I. C. Communia de legat. L. XXI. pr. de Legat. III.* Permiserunt insuper, ut omnibus iis testator legati præstationem injungeret, quos ex propriis suis bonis honorasset, ea vero ratione legatum ab ipso legatario præstandum relinqueret *L. I. pr. L. XXXVII. §. III. de Legat. III. L. LXXIV. de Legat. I.* modo non plus oneraret eum, qui præstare debebat, quam ille honoratus esset *L. I. §. XVII. ad Scitum Trebell.* Por-



ro & uni heredi, etiamsi coheredem non habeat, legatum tamen relinqui posse, ex §. IX. *J. de fideic. heredit.* constat.

**DONATIO QVAEDAM**) quia a liberalitate testatoris proficiscitur. Nam in reliquis a donationibus quam maxime differt, cum neque acceptationem requirat, sed ignoranti quoque utile sit, nec ita firmum jus tribuat legatario, ut testator facultatem revocandi sibi ademisse censeatur. Verum & differt ab hereditate. Heres enim titulo universalis in omnia jura defuncti succedit, in testamento solum instituitur, & simul oneris participes fit. Legatarius vero titulo singulari acquirit, onus non agnoscit, & ex Codicillo etiam legatum capit.

### Aphor. II.

**TESTAMENTI FACIENDI**) ut tamen jus legatum in Codicillis relinquiendi non excludatur, & e contrario legatum non assignetur, nisi in ultima voluntate, quæ quinque testium præsentia munita est §. ult. *J. de fideicommiss. L. XXII. C. de fideicommiss.* Valet tamen legatum etiam absque testibus relictum, si ejus præstationem testator heredi præsentis injunxerit *L. ult. C. de Codicill.*

### Aphor. III.

**ALIAM REM VEL FACTVM PRAESTARE JVBETVR**) Sic etiam nil obest, ne testator heredi, ut propriam suam rem legatario præstet, injungat. *L. LXVII. §. VIII. de legat. II.* Imo & aliena res olim legari poterat, a sciente testatore, hanc rem esse alienam. Idque cum habebat

effectum, ut heres vel eam redimeret, vel ejus æstimationem præstaret §. IV. *f. de Legat.* Dissentit tamen Pontifex in *cap. fin. x. de testament.* Sed Jus Romanum non intellexit, eumque ejus esse sensum credidit, tanquam dominus rei alienæ invitus cogi possit ad rem vendendam. Quare apte satis judicat BÖHMER. *Jur. Eccles. Lib. III. Tit. XXVI. §. LV.* falli eos, qui legatum rei alienæ de Jure Canonico non subsistere dicunt. Dum enim Pontifex Jus Civile emendat, ubi emendatione non erat opus, re ipsa id jus non correxit. Add. VINNIUM *Select. qu. Lib. II. cap. XXVI.* Anne vero testator legare potest rem legatarii? Negant leges, cum, quod proprium jam legatarii est, amplius ejus fieri non possit §. X. *f. de Legat.* modo tamen testator vel tertius aliud forsan jus in re legatarii non habeat. Tum enim valere poterit legatum instar remissionis, ut sic Interpretes regulam forment: Tantum videri cuique in re sua legatum, quantum in ea jus habuit testator vel tertius COCCJEVS *Diss. de legat. rei propr. & alien. cap. III.*

#### Aphor. IV.

EXEGERIT) Secus itaque est, si non testator ipse sua sponte exegerit, sed debitor testatori sponte obtulerit. Hoc enim in casu tantum abest, ut legatum censeatur ademptum, ut potius adhuc peti possit L. XI. §. XIII. *D. de Legat. III.*

EAM LVERE TENETVR) Sic vero nullum creditori, pignus retinendi, jus conceditur, ut erronee existimat ANIANVS *ad Paul. Recept. Sentent.*

*tent. L. III. tit. VI. §. VIII. qui cum sibi sensum §. V. 7. de Legat. fingit, tanquam re, creditori obligata, legata, semper id actum videatur, ut creditor pignus retinere, & pecuniam debitam ab heredibus debitoris nihilominus exigere possit. Conf. Constit. omiss. Manip. III. obs. III. Nam probe discernendi sunt casus. Aut enim res creditori obligata legatur tertio, aut ipsi creditori. Ibi legatum subsistit tanquam legatum rei alienæ, eo effectu, ut heres eam luere & tertio tradere debeat, si sciverit testator, rem esse obligatam L. LVII. D. de Legat. I. L. VI. C. de fideic. Hic vero creditor pignus retinet, & heres illi debitum nihilominus exsolvit L. LXXXV. D. de Legat. I. L. XVI. C. de Legat.*

## Aphor. V.

SI MODO FUTURA EST, RECTE LEGATUR ) Quod legatum, ut Interpretes *ad §. VII. 7. de Legat.* docent, ratione transmissionis pro puro habetur, ut legatarius illud transmittat ad heredes, licet ante natos fructus moriatur. L. XCIX. D. de condition. & demonstrat. Ratione obligationis autem, quam heres recipit, est conditionale. Unde si simpliciter fructus legati, tantum debetur, quantum nascitur. Sin certa quantitas, loco demonstrative adjecto, tum debetur quantitas, utut nihil nascatur, & heres quantitatem aliunde supplere debet. Si denique quantitas, loco restrictive addito, tum, si nil nascitur, nil debet heres. Alias tantum præstat, quantum nascitur, non tamen plus, quam legatum est.

Ecce

Aph.

## Aphor. VI.

SEQVENS DISTINCTIO OBSERVANDA EST) Quemadmodum a legato annuo, quod in singulos annos vel menses præstandum relinquitur, probe discernendum venit legatum certæ summæ, cujus solutio in aliquot terminos est divisa, cum posterius semper unum legatum sit, prius plura legata contineat *L. IV. D. de annuis & mensr. legat.* ita multum etiam discriminis inter ipsa legata annua intercedit. Aut enim temporalia sunt, ad vitam legatarii restricta, aut perpetua & heredibus simul, vel etiam corpori mystico, quod non moritur, relicta. Ibi legatum ratione primi anni a morte testatoris computandi est purum, quia ipso iurè ad legatarium venit, & sic ad heredes transmittitur, ratione sequentium annorum est conditionatum. & præsupponit, legatarium vivere *L. IV. D. Eod.* quamvis sufficiat, legatarium sub ingressum anni vixisse *L. VIII. D. Eod.* Deinde non unum est legatum, sed plura continet. Sic vero una præscriptione non expirat, sed singulis annis nova præscriptio currere incipit. *L. VII. §. VI. D. de præscript. 30. annor.* Hinc, si per quinquaginta annos non esset petatum, peti tamen adhuc potest tum ratione præteriti, quatenus præscriptio XXX. annorum nondum est impleta, tum ratione futuri, quia præscriptio hic ne quidem est inchoata *BARTHOLDI Diff. de jur. initii cap. III. §. XVII.* Hic vero, nimirum in legato annuo perpetuo, conditio cessat, cum per se purum sit, præterea plura non continet legata, sed unum est, &



& una quoque præscriptione tollitur *L. XX. D. quand. dies legat.* add. BÖHMER. *Jur. Eccles. Protest. tit. de præscript. §. II. sqq.*

### Aphor. VII.

TESTATOR DISPONERE POTEST) Per se itaque patet, prius deducendum esse æs alienum *L. fin. D. de usufr. legat.* Deinde id etiam agere debet testator, ne dodrantis æstimationem excedat usufructus. Quartam enim heres salvam habere debet. Quare & hic, si hujus quartæ immemor fuerit testator, quartam fructuum quotannis deducit *L. I. §. IX. D. ad L. Falcid.* In ipso interim usufructu legato legatarius plus juris non consequitur, quam usufructuario de jure competit, etiamsi testator usumfructum legaverit, data usufructuario libera facultate, de re disponendi. Quod enim ait CARPZOV. *P. III. Const. XIII. def. XI.* posse hoc in casu usufructuarium alienare, id cum natura usufructus pugnat, cui prohibitio de alienatione inest *L. IX. C. de Usufr.* Merito igitur libera illa dispositio intelligenda est pro subtrata materia, atque de tali dispositione explicanda, quæ naturæ usufructus convenit, & proprietarii jus non intervertit. LEYSER. *Spec. CVI. med. I.* Modo tamen testatoris voluntas non adeo manifesta sit ut appareat, plus eum relinquere voluisse, quam solam utendi fruendi facultatem. Voluntatem enim testatoris potius, quam verba inspicere jubet *L. III. C. de liber. prat.* & sic etiam vox usufructus posthaberi potest, si de mente testatoris constet *L. XV. D. de aur. argent.* CARP-



zov. P. III. Const. XIII. def. X. LEYSER. Spec. CCCLXXXIV. med. I.

HEREDI A SE INSTITUTO) Cujus ratio non aliunde petenda est, quam quod testator heredem, quem honoravit, in rebus etiam propriis gravare possit.

ALTER VERO PLENVM VSUMFRUCTVM) Quod quidem alii cum CARPZOVIO P. III. Const. XIII. def. VII. in dubium vocant, cum testator, nisi aliud clare dixerit, jurium dispositioni se conformasse censeatur. Sed sufficiens adest ratio, cur Autoris nostri sententiæ, quam & HERTIVS *Diss. de servitut. facto constitut. Sect. III. obs. I.* suam facit, accedamus. Decisio enim Juris Romani, quæ in *L. VI. de usufr. ear. rer. & L. XIX. de Usufr. legat.* extat, ex natura verborum directorum sive solennium, quibus olim utebantur testatores, quæque stricte sequi solebant Jcti, desumpta est. Ut ut igitur testator eo forsan proposito alii fundum simpliciter, alii usumfructum fundi ejusdem legasset, quia tamen non addidit, fundum simpliciter legatum alterum habere debere, deducto usufructu §. I. 3. *de Usufr.* fundus vero simpliciter positus usumfructum jam includit hunc ipsum Jcti cum utroque communicare non dubitarunt. Verum enim vero neminem fugit, sublata esse solennia verborum, legemque judici dictam, ut secundum præsumtam testatoris voluntatem judicet. Sic vero, si a formulis discesseris, non aliter judicare poterit, quam alteri proprietatem nudam, alteri usumfructum assignando. Sed

Sed & hoc addendum, ipsos Romanos subintelle-  
xisse casum, ubi eadem res alteri simpliciter, alteri  
cum usufructu sub eodem titulo erat relicta. Nam  
diversus si adesset in alterutro titulus v. c. Titius  
in fundo Tusculano heres esto. Mevio usum-  
fructum fundi Tusculani do lego; ille partem u-  
susfructus non capiebat, ut Auctor recte monet.

### Aphor. IX.

DE DOTE LEGATA ) Alia ratio est dotis le-  
gatae, alia dotis praelegatae. Ibi intelligitur dos vir-  
gini ratione futuri, & sub conditione tacita, si nu-  
ptiae sequantur, relicta. Idque legatum conditionale  
esse, & nuptiis non secutis non deberi ex *L. LXXI,*  
*§. III. de condition. & demonstrat.* constat, nisi  
I) filiae dos relicta, ut cum sororibus jam dotatis  
exaequetur. Dos enim profectitia instar alimen-  
torum erat, eamque pater filiae debebat, etiamsi haec  
non nupsisset viro. Quod adhuc hodie ad dotem  
ex feudo constituendam recte applicatur. II) In  
favorem legatariae nuptiarum mentio sit adje-  
cta. Quod autem attinet praelegatum dotis, id  
praesupponit restitutionem dotis, ab uxore marito  
illatae. Idque primo intuitu efficaciam ullam ha-  
bere non videtur, cum uxori dos etiam non pra-  
legata ex bonis mariti restituenda sit. Verum  
enim vero plenius est legatum, quam de dote actio  
*§. XV. §. de legat.* Nam efficit illud I) ut uxor  
dotem in re mobili consistentem, quam antea post  
annum demum petere poterat, nunc statim exi-  
gere possit, II) ut impensae in dotem a marito fa-  
ctae ab heredibus ejus non possint repeti *L. II. &*

Ec 4

IV.

*IV. D. de dot. praeleg.* III) ut uxor non debeat probare illationem dotis, quatenus cum liberis concurrat *LVDOVICI Diff. de probat. illat. dot.* IV) ut heres dotem restituere debeat, etiamsi uxor dotem ne intulerit quidem. Quod vero tum demum procedit, si certa quantitas in legato sit expressa. Nam si simpliciter dos, quam non accepit maritus, legata sit, inutile est legatum §. XV. *J. de Legat.*

### Aphor. X.

DE PRAELEGATIS ILLUD QVAERITVR) Praelegatum illud dicitur, quando testator uni ex pluribus heredibus certam rem praecipuam assignat. Idque tam expresse, quam tacite fieri potest. *L. LXXXVI. de Legat. II. L. XVIII. C. famil. hercisc.* modo de animo praelegandi, praesumpto minimum, constet. Quare ex simplici divisione inter coheredes facta non praesumitur. *L. XX. §. III. D. famil. hercisc.* Multum vero interest, quo animo testator praelegatum reliquerit. Nam regulariter istiusmodi coheres, qui & partem hereditatis, & praelegatum capit, duplicem personam repraesentat, alteram heredis, alteram legatarii. Eo respectu rem cum onere acquirit, & in jura defuncti tam activa, quam passiva succedit. Hoc rem suam facit absque onere.

### Aphor. XI.

IN GENERE SIT RELICTVM) Genus, quod praemonendum duxi, Jctis idem est, quod Logici spe-

speciem vocant, species vero illis individuum nominatur. Quod autem legatum generis attinet, id ipsum, cum electionem speciei tacite concedat, ita semper capiendum est, ut, quisquis eligat, mediocritatem servet. Si enim legatario concessa electio, ille non potest eligere optimum *L. II. §. I. De option. leg. L. XXXVII. pr. D. de Legat. I.* nisi id sigillatim ipsi concesserit testator, ut optimum eligat, quod optionis legatum vocatur. *L. IX. §. I. D. de dol. mal.* Si heredi electio permessa, ille non debet eligere pessimum *L. CX. D. de Legat. I.* Imo etiamsi optio legata, ita tamen, ut electio in arbitrium tertii conferatur, & hic mediocritatem tenere debet. *L. III. §. I. C. Commun. de legat.* Idem juris est, si legatarius in subsidium, deficiente arbitrio, optat. Quid vero, si genus legatum, & species in hereditate non extet? Tum aut genus determinationem habet a facto hominis, & legatum sine dubio erit inutile, cum heres speciem ad minimum redigere possit. *L. LXXI. pr. de Legat. I. L. XXIV. §. III. Eod.* aut determinationem habet a natura, & validum est legatum *L. LXXXIV. §. III. de Legat. I.*

## Aphor. XII.

IN EA PRAESTANDAE ERUNT) etiamsi locis adjectus sit, ex quo desumenda sit quantitas. Nam regulariter hoc demonstrationis causa solum factum esse, & heredi consilium solum suppeditatum videtur, unde desumat *L. XIII. D. de tritic. vin. & oleo legat.* Quodsi vero appareat, qualitatem & quantitatem ad certum locum determinatam



esse, plus non debetur, quam ibi reperitur *L. V. Eod.*

### Aphor. XIII.

**CIRCA QVAE TAMEN NOTANDVM**) Instrumentum denotat omne id, quod quærendorum, cõgendorum, & conservandorum fructuum causa paratum est, vel quod ad possessionem fundi exercendam facit *L. VIII. L. XII. §. I. de instruct. vel instrum. leg.* Instructus fundus complectitur ea, quæ ad usum perpetuum destinata sunt. Habetur vero instrumentum cum fundo simul legatum pro accessorio fundi, ut sic, re principali pereunte, nec instrumentum debeatur, nisi fundus & instrumentum in legato sit. Tum enim utrumque pro principali habetur, & alterum debetur, etiamsi alterum perierit. *§. XVII. J. de Legat. L. I. L. V. D. de instruct.* Sed quis non videt, hæc omnia antiquam formularum cantilenam sapere, apud nos vero vix vocabula his distinctionibus inservientia reperiri.

### Aphor. XIV.

**PENUS LEGATA CONTINENTVR**) Ut penus in *L. IV. §. III. D. de pen. legat.* generis omnis dicitur, ita & ejus sensus Jure Romano tam late patet, ut ne in vernacula quidem reperiatur vocabulum, quod legatum penus exhaurat. Putant alii, sufficere verba: *Allerhand Vorrath von Essen und Trinken, STRYCK. Us. Mod. D. d. tit. §. II. BÖHMER. Jur. Digest. eod. tit. §. II.* Sed certe carbones & ligna huc trahi nequeunt.

BER-



BERGERVS *Oec. Jur. Lib. II. Tit. IV. §. XXVII.* substituit Küche und Keller = Borrath. LEYSER. *Spec. CCCLXXXIX. med. II.* voces, Hof = Speise, Victualien, Ordnung adhiberi posse putat. Sed & ipse iterum fatetur, latius patere vocem penus his omnibus. Dum itaque vocabulum non habemus, quod rem designat, forsan nec habebimus legatum penus. Certe optime agit testator, qui non multum desudat in verbo quodam generali inveniando, sed rem ipsam & voluntatem clare exprimit.

### Aphor. XV.

SUPPELLECTILIS NOMINE VENIT) Was man zur täglichen Nothdurfft vor sich und seine Familie im Hause braucht. Et sic etiam vasa aurea & argentea, quæ olim, ubi seculi severitas talem luxum non admittebat *L. I. D. de suppellect. legat.* excepta erant hodie ex genio seculi ad suppellectilem referri debent. CARPZOV. *Lib. VI. Resp. XXXIV. n. 40.* Cum igitur eo respiciendum sit, an suppellex communi usui inservierit, per se patet, sub tali legato non comprehendi, quæ ad artificis genus spectant *L. VI. D. Eod.* nec ea, quæ splendoris & ornatus gratia in ædibus reperiuntur. Unde vereor, ne vocabulum Haußrath, quod nostrates adhibent, latius pateat legato suppellectilis. Nec commode adhibebimus vocem Meublen, cum utraque vox in propria significatione de iis etiam rebus accipi soleat, quæ usui quotidiano non inserviunt. Certe cum, qui legat den Haußrath oder die Meublen, easque voces ad

ad suppellectilem, quotidianis usibus destinatam, restringi cupit, id clare exprimere debere existimo.

### Aphor. XVI.

**PERPETVA EST DISTINCTIO**) Hinc recte formant regulam generalem: Sub legato auri & argenti eam solum speciem contineri, quæ pretium commune habet, non eam, quæ habet pretium eminens. Quodsi tamen testator forsan aliud aurum vel argentum, quam signatum, non relinquat, huc legatum erit trahendum **BRUNNE-MANN. ad L. XIX. D. de aur. argent.**

**ORNAMENTI, QVO ORNATIOR**) De unguentis, an sub uno alterove horum legatorum contineantur, non conveniunt Doctores. Et ea quidem, quibus valetudinis causa utimur, ad neutrum genus referri posse, per se patet. **L. XXV. §. XII. D. de aur. argent.** Non tamen ideo simpliciter unguenta excludenda sunt. Nam non Romanæ solum mulieres unguentis ornatus & voluptatis causa utebantur, & ancillas unctrices alebant; sed & nostratibus solenne nonnunquam est, ut nonnisi unctæ in publicum prodeant, quamvis bene valeant. Quare non dubito, quin & unguenta sub legato mundi contineri possint.

**NIHIL REFERT**) Imo aliquid interesse putat **STRYCK. de jur. vestiar. cap. V. n. 7. sqq.** utrum vestes, an vestimenta legentur. Hoc enim casu omnes vestes deberi asserit, quas testator habuit, sive quotidianæ, sive festivæ fuerint. Ibi heredem præstatione necessariarum vestium liberari ait, ut tamen ad qualitatem personæ legatarii re-  
spi-

spiciat. Quid si vestes non adsint, pannus tamen scissus & nondum confectus reperiatur? Legatario tum nihil debetur, cum panis forma adhuc desit, nec ideo vestis dici possit SCHILTER *Exerc. XXXIX. §. C.*

### Aphor. XVII.

PER TOTVM VITAE TEMPVS DEBEBVNTVR) An & sumtus funeris? Negat CARPZOV. *P. II. Const. XLVI. def. XXIII.* Nec immerito. Vinculum enim praestandi alimenta cessat a momento mortis. Qui tamen ex legis necessitate alimenta debet, & sumtus funeris suppeditat. Cæterum legatum alimentorum maximum in jure nostro habet favorem. Nam I) ut Auctor monet, ad pubertatem usque relictum non nisi adepta plena pubertate cessat, simpliciter vero relictum per totum vitae tempus debetur. II) Indigno, cui alias hereditas aufertur, alimentorum tamen legatum non adimitur *L. XI. de aliment. leg.* III) legatarius jus tacitæ hypothecæ habet in bonis heredis IV) Legatis in genere ademptis, hoc tamen ademptum non censetur *L. XVIII. §. III. Eod.* V) Causæ alimentorum summarie expediuntur. Quæ cum aliis vide in BÖHMERS *Jur. Dig. tit. de aliment. legat.*

### Aphor. XVIII.

QVAM IN IPSO DEBITO) Quod varia ratione contingere potest. Nam ex conditionalis legato fit purum; Exceptio, quæ credito perpetuo obstabat, corrumpitur; Chirographo amisso creditor

tor agere potest ex testamento; loco actionis personalis oritur realis, &c.

VITIARI NON DEBET) Secus itaque est, si quantitatem non expresserit, & generatim, quicquid Titius debet, Titio legaverit. Cum enim, si Titius nil debet, non appareat, quantum legatum sit, legatum inutile est. *L. LXXV. §. I. de Legat. I.* Quid vero, si tertio, quod tertius debet, leget testator? quod legatum sigillatim nominis legatum vocatur. Tum subsistit legatum, modo tertius aliquid debeat. Sin nihil debet, etiamsi quantitas adjecta sit, legatum exitum habere non potest, cum heres; qui alias, si aliquid deberetur, obligatus esset, ad cedendam actionem, hanc ipsam, quam contra tertium ipse instituere non potest, in legatarium transferre nequeat *d. L. LXXV. §. II. de Legat. I.*

IN DUBIO NON PRAESUMITVR) Quemadmodum hic casus subintelligendus est, debitorem simpliciter absque mentione debiti legasse, ita e contrario, etiamsi simpliciter legatum sit, debitum tamen voluntarium ex contractu oriundum a debito necessario, quod ex legis dispositione debetur, videtur distinguendum, eo effectum, ut illud quidem legati nomine, salvo debito priori, exsolvendum sit, hoc autem legatum debitum prius absorbeat. Quamvis enim SCHILTER *Exerc. XXXIX. §. XX. sqq.* hanc distinctionem non admittat; est tamen eadem ipsa in legibus fundata. Nam verbi causa legatum dotis, quam pater filiae promisit, dotem absorbet *L. XXII. §. III. D. solut. matrim.*

Le-



Legatum, a defuncto conjugii relictum, in portionem, quæ ipsi ex prædefuncti conjugis bonis debetur, imputari jubet **AVTHENT. Præterea C. Unde Vir & Uxor.** Itidem, si quid uxori in testamento legatum sit, id in donationem propter nuptias imputabitur **AVTHENT. Dos data C. de donat. ante nupt.** Plura exempla vide apud **LEXER. Spec. CCCXCIII. med. III. sq.**

## Aphor. XX.

**RELINQUUNTUR AUTEM LEGATA**) Quæ hic de conditione & infra de die dicuntur, jam supra explicata sunt ad *tit. XVIII. Lib. II.*

## Aphor. XXII.

**INSTAR LEGATI CONDITIONALIS EST**) Recte Auctor legata poenæ legatis conditionalibus annumerat. Neque enim **BYNCKERSHOECKIUS**, qui in *Diss. de legat. poen. nomine relict.* id ex instituto agit, ut naturam hujus legati ex Antiquitatibus eruat, rem conficit, dum illud tale semper fuisse credit, quando testator heredi factum aliquod illicitum injunxisset, quoque magis hoc fieret, simul imperasset, ut legatum certum solveret, nisi faceret. Neque opus est, ut cum **GUNDLINGIO** in *Diss. de principe herede scripto cap. VI. §. XXXII.* obscuritatem, quæ hoc juris argumentum premit, Triboniano imputemus, ejusque incuriam in excerptendis antiquis Commentationibus accusamus. Nam, nisi me omnia fallunt, clare docui in *Comment. ad Constit. omiss. Manip. III, obs. IX.* legatum poenæ speciem legati condi-



ditionalis fuisse, vel potius poenam, a testatore expressam, ab herede, legati nomine, tertio exsolvendam, eo casu, si conditionibus adjectis non satisfaceret. Et sic, pro diversitate conditionis, vel possibilis vel impossibilis adjectæ, legatum poenæ vel validum vel inefficax erit. Certe testatori competiisse facultatem, ut negligentiam heredis poena adjecta coerceret, ex *L. I. §. VIII. D. ad L. Falcid. L. XXIV. D. quand. dies legat. L. XXVII. D. de condit. & demonstrat.* facile probatur. Ut autem voluntas testatoris tum demum servanda est, quando possibilia injungit, ita e contrario incassum laborabit, si poena adjecta heredem ad impossibilia facienda obligari posse existimet. Quæ cum ita sint, legatum poenæ hodie adhuc locum habere posse, quis facile dubitabit!

### Aphor. XXIV.

DE VOLUNTATE TESTATORIS ET IPSA RE CONSTET.) Demonstratio in genere dicitur specialis rei vel personæ descriptio. Ex quo simul patet, quare non noceat legato, si error commissus sit in speciali descriptione, cum nihilo secius tam persona, quam res, in genere certa esse possit. Et si hæc certitudo adsit, vel minimum ex eventu certitudo haberi possit, voluntati testatoris omnino standum est, cum non omnis incertitudo, sed inextricabilis solum, legata vitiet *L. I. C. de incert. person.* Non itaque nocet error in nomine, cognomine, prænومine legatarii, *§. XXX. j. de legat. L. XXXIII. sqq. de condit. & demonstr.*  
nisi

nisi tanta existat æquivocatio, ut, de quo testator cogitaverit, plane ignoremus *L. XXX. D. de testam. tut.* Non nocet error in rei qualitatibus, non descriptio falsa, nisi I) testator se in tali demonstratione, ut in causa adæquata, fundaverit, eaque propter unice legaverit *L. V. C. de testam. L. IV. C. de hered. instit.* II) demonstrationem a loco desumserit, res vero in eo loco non reperitur, *L. CVIII. §. X. D. de legat. I. L. VIII. §. II. de Legat. II.*

### Aphor. XXVI.

LEGATUM TAMEN VALET) Primo, quia testator legislatorem agit, quem legi falsam causam adjicere posse, nec tamen legem hoc ipso vitari, notissimum est. Deinde quia ratio legandi legato non cohæret, id est, causa nulla requiritur, sed legatum ex liberalitate provenit. Verum inde etiam patet, falsam causam non posse non legatum vitare, quando testator in ea se præcise fundat, certoque constat, causam adjectam unice movisse testatorem, ut alicui legatum relinqueret. Idque juris esse, quotiescunque causa respicit consanguinitatem, ex *L. IV. C. de hered. instituend.* colligunt. Vid. HARPRECHT ad §. XXXI. 3. de legat. n. 4. sq.

### Aphor. XXVII.

STATIM CAPIT) Id est, modus non suspendit acquisitionem legati, ut conditio, sed dies statim cedit & venit, ipsumque legatum ad heredes transmittitur, modo hi etiam modum adimplere

F f

pos-

possint. Nam modus legatarium necessitate onerat aliquid faciendi vel omittendi. Potest autem factum ita comparatum esse, ut artem vel peculiarum legatarii industriam præsupponat. Quo igitur securus præstetur heres & tertius, de adimplerutione modi, eo nomine legatarius cavere debet, nec prius ipsi legatum præstatur *L. XL. §. fin. L. LXXX. de condit. & demonstr.* Quod si autem modus in favorem ipsius legatarii adjectus sit, & inde commodum aliquod in tertium non redundet, cautio ipsa cessat, cum inodus, ut consilium, adjectus censeatur *L. LXXI. de Eod.*

### Aphor. XXVIII.

IPSO JURE) Non tamen possessio. Et sic factum heredis eo fine requiritur, ut possessionem nanciscatur legatarius. Inde vero est, quod post mortem testatoris quidem statim omne commodum & periculum rei legatæ sit legatarii, quatenus res legata culpa heredis deterior non est facta. Quia vero legatarius fidei solum post mortem testatoris, & vere demum post aditam hereditatem acquirit legatum, simul patet ratio, cur legatum exspiret, si heres hereditatem repudiet.

### Aphor. XXXI.

TRES ACTIONES) Ita vero utitur legatarius his actionibus, ut dispiciat prius, an species, an vero genus, quantitas, vel factum legatum sit. In posteriori enim casu cum herede solum agit personaliter, ob aditionem hereditatis, actione ex testamento. Priori casu res aut extat penes heredem,

dem, aut non extat. Ibi actione reali, nempe rei vindicatione, recte utitur. Hic iterum contra heredem actionem personalem instituit, si modo heres solvendo existat. Sin secus, contra tertium possessorem rectius utitur actione hypothecaria.

### Aphor. XXXIII.

CAVERE DEBET IS) Et quidem semper realiter. *L. I. §. I. Ut legat. caus.* & possessio bonorum immobilium non sufficit, quia periculum semper certum est, resque ipsa urget, ut tanta sit legatarii securitas, quanta sufficit ad suspicionem tollendam. Potest tamen testator ipse hanc cautionem omnino heredi remittere *L. fin. pr. D. Eod. L. XXIV. C. Eod.* Imo & lex quasdam personas ab hujus cautionis præstatione immunes facit. Nam non liberi solum fideicommissio, sive reciproco, sive descendentibus suis restituendo, gravati non cavent. *L. VI. §. I. C. ad Sc. Trebell.* BERGER. *in Select. fideicommiss. capitib. quest. VIII.* quod tamen ad fideicommissum, extraneis restituendum, applicari nequit, ut docet LEYSER. *Spec. CCCCVII. med. I.* Sed & parentes fideicommissio liberis restituendo gravati a cautione liberat *d. L. VI. C. ad Sc. Trebell.* nisi ad secunda vota transeant NOVELL. *XXII. cap. XLI.* vel manifestum dissipationis periculum adsit. Idque ultimum generatim statuere licet, sive testamento, sive lege, a cautione liber esse jussus, bona dilapidare incipiat.

IN POSSESSIONEM RERUM HEREDITARIARUM) Et quidem pro quantitate ejus, quod relictum est NOV. *LIII. cap. IV.* Videtur ta-



men hæc missio in subsidium solum locum habere, si alia ratione legatario cautum non sit *L. I. §. XVII. Quod legator.* Cumque legatario jus tacitæ hypothecæ jam competat, quando hæc sufficit, illi missioni, quæ & ipsa præter jus pignoris quid amplius non tribuit. *L. III. & V. C. ut in possession. legat.* nullus videtur relinquendus locus. Non tamen ideo ipsa missio supervacua haberi potest hodie, siquidem hypotheca tacita solum competit in bonis defuncti, quæ aliis legata non sunt. Et sic certe missio, si hereditas legatis exhausta est, utilitatem omnino habebit.

### Aphor. XXXIV.

**CORAM QVINQUE TESTIBVS)** Qua de re tamen, ut testes adhibere necesse sit in adimendo legato, merito dubitabis, ob *L. III. §. XI. D. de adimend. vel transfer. legat.* siquidem ibi nuda voluntate legata adimi asserat *J. C. ut add. L. XXVI. C. de fideic.* Sic vero, quando in scriptis fit revocatio, hoc unum sufficiet, ut de scriptura constet. *STRYCK. Us. Modern. Dig. tit. eod. §. II.* Oretenus tamen, si quis adimat legatum, consilii omnino erit, ut duos adhibeat testes, non solennitatis, sed probationis gratia, quo de voluntate contraria legatarius possit convinci. *CARPZOV. P. III. Const. XIII. def. XIX. STRYCK ad Lauterbach. tit. de adimend. vel transfer. legat. p. 803. WERNHER. P. I. Obs. CCC.* Quapropter nec opus erit ad habilitatem testium, quæ alias in re testamentaria desideratur, respicere. Quamvis negare nolim, tutius agere eos, qui coram quinque testi-



testibus revocant, quo res ipsa minori dubio subsit.

MVTATA VOLVNTAS COLLIGITVR) Idque inde etiam colligunt, si inimicitia, eaque capitalis inter testatorem & legatarium postea oriatur, nec reconciliatio interveniat *L. III. §. fin. L. IV. L. XXXI. §. II. de adimend. vel transferend. legat.* Non enim quamlibet inimicitiam ad hoc sufficere, ut legatum habeatur revocatum, leges citataeclare loquuntur.

NON EX NECESSITATE) De eo quidem, quod legatum, titulo lucrativo in alium a vivo testatore translatum, revocatum censeridebeat, nemo dubitat ob expressam *L. XVII. D. de adimend. legat.* Nam hoc facto adhuc ademtum esse intelligitur, etiamsi donatio ne jure quidem valeat *L. XXIV. §. I. D. Eod.* Quod ad alienationem vero, titulo oneroso factam, attinet, pugna inter vereres intercessisse videtur. Certe *PAVLVS Recept. Sentent. Lib. IV. Tit. I. §. IX.* generatim asserit, venditione extingui legatum & fideicommissum. Idemque ille, si servus legatus, postea alienatus, & a testatore iterum redemptus sit, nihilominus legatario actionem denegat *L. XV. D. de adimend. legat.* Verum Celsus Ictus, alique, legata, alienatione, quæ non esset voluntaria, adimi, negarunt, In eadem opinione fuit *VLPIANVS* in *L. XI. §. XII. de Legat. III.* Hancque posteriorem sententiam publica lege fuisse approbatam ex *§. XII. J. de Legat.* clare elucet, add. *Comment. ad Constit. omiss. Manip. III. obs. IV.*

CORRUIT ETIAM ) Imo & corruere legatum putant, si post testamentum factum liberi supernascentur, quod verum omnino est. Sed ex *L. VIII. C. de revocand. donat.* argumento minus apto deducitur, cum illatio a donationibus ad legatum non procedat universaliter, multumque differentiae inter utrumque negotium interfit. Vera itaque ratio est, quia per agnationem posthumi totum rumpitur testamentum. Unde simul evidens est, legato nihil nocere, si testamentum pro parte, nempe intuitu heredis institutionis solum, corruat.

Tit. . XXV.

De Lege Falcidia.

Aphor. I.

**V**T SCILICET HEREDES ) Verum quam maxime dubium est, utrum testatori an heredi magis faveant leges. Nam utriusque interest, ut quarta heredi salva sit. Testatoris, ne ultima voluntas destituatur, heredis, ne omni emolumento excidat. *§. I. §. de L. Falcid. NOVELL. I.* Sed, si dicendum quod res est, plus favoris ipse testator habere videtur, cum ipsi integrum sit, detractionem Falcidiae prohibere.

PERTINET HAEC QUARTA AD HEREDEM ) Eumque I) titulo universalis succedentem, quatenus II) gravatus est ad praestanda, per titulum singularem, mortis causa, relicta, & quatenus III) quartam non habet salvam. Ex priori membro fluit, a) nihil

nihil interesse, utrum unus, an plures heredes sint instituti. Nam in singulis heredibus ratio Falcidia est habenda *L. LXXVII. D. ad L. Falcid.*

b) Successores singulares, v. c. legatarium gravatum vel fideicommissarium non detrahere hanc quartam ex sua persona. Per consequentiam tamen, si ipsis prius ab herede aliquid deductum sit, ut integrum legatum non habeant, iis, quibus testator a legatario ulterius legavit, id ipsum, quod heres sibi retinuit, pro rata iterum imputare possunt, nisi testator expresse voluerit, ut integrum exsolverent legatum. Ex secundo membro fluit, nullum emolumentum in aliquem mortis causa transire posse, quod Falcidiam non admittat, si heres gravatus sit. In legatis itaque, prælegatis, fideicommissis particularibus, mortis causa donationibus & capionibus locum habet. Ex tertio denique membro infertur, pluribus coheredibus nominatis eum, qui alterius deficientis portionem vacantem jure accrescendi acquirit, legatis non exhaustam, non deducere posse quartam, etiamsi pro sua parte gravatus sit. *L. LXXVIII. D. de L. Falcid.* ne duplex lucrum habeat, alterum ex jure accrescendi, alterum ex deductione quartæ. Quod tamen secus est, si coheredis portio gravata accrescit. Tum enim ex persona deficientis recte quartam deducit.

## Aphor. II.

QVAE FUIT TEMPORE MORTIS ) Et sic  
I) quicquid post mortem hereditati accrescit, heredi indistincte cedit, nec in quartam Falcidiam im-

putatur. II) Quia hereditas non intelligitur, nisi deducto ære alieno, id etiam prius deducendum est, etiamsi defunctus ipsius heredis debitor fuerit. Non enim dici potest hoc debitum confusum, quia quantitas spectanda est, quæ fuit tempore mortis. Cumque tempore mortis heres vere nondum erat heres, recte prius, quod sibi debetur, deducit *L. XV. §. III. L. LXXXVII. §. II. D. de L. Falcid.* Eadem ratione deducit ea legata, quæ, nisi relicta fuissent, peti tamen tanquam æs alienum potuissent, v. c. prælegatum dotis. Ut vero & patrimonium defuncti & legata secundum pretium commune æstimauntur *L. LXIII. pr. Eod.* ita e contrario maximum oritur dubium, quomodo computatio fiat, si legatum sit incertæ æstimationis v. c. annuum & alimentorum. Distinguunt leges. Aut tale legatum est perpetuum, v. c. Reipublicæ, aut legatario & heredibus relictum, aut est temporale, & cum persona legatarii exspirat. Priori in casu ex *L. III. in fin. ad L. Falcid.* tantum videtur legatum, quantum sufficit sorti, ad usuras trientes, id est 4. pro 100. ejus summæ, quæ legata est, colligendas. Et sic si viginti quotannis assignati, id sortem efficit quingentorum Imperialium, qua quantitate si gravetur heres, quartam respectu ad hanc habito recte deducet. Posteriori vero in casu in subsidium vocanda est *L. LXVIII. ad L. Falcid.* quæ jam per se satis clara est add. *STRYCKII Us. Modern. Digest. d. titul. §. IX. HYBERI Prælect. ad eund. tit. §. III.*

Aphor.



## Aphor. III.

SI PER ERROREM) Id est facti *L. IX. C. ad L. Falcid.* Secus, si ex errore juris solvit. Error enim juris non operatur conditionem indebiti *L. X. C. de jur. & fact. ignor.* nisi forsan persona talis sit, cui jus ignorare permittitur. Multo magis sibi præjudicium infert heres, qui sciens, se esse gravatum, sibi que jus esse deducere quartam, integrum exsolvit legatum. Nam & reliquorum legatariorum intuitu jus deducendi quartam amittit. Ut sic omnino consultum sit, protestationem pro conservando jure ratione reliquorum addere, si forsan aliis causis heres inductus uni ex legatariis exsolutione integri legati gratiam facere velit.

## Aphor. IV.

SI TESTATOR DIXERIT) Id certum est, leges expressam testatoris prohibitionem requirere. Dubiam enim prohibitionem non sufficere, ex *AVTHENT. Sed cum testator C. ad L. Falcid.* cognoscimus. Et sic, quousque verba testatoris in alium sensum trahi possunt, heredi detractio quartæ non videtur interdicta *CARPZOV. Lib. VI. Resp. XXX.* Quapropter nec sub jussu, ut integra legata exsolvat heres, statim latet prohibitio, ne deducat, cum jussus accipi possit salvo jure heredis. Quodsi tamen prohibitio verbis testatoris per necessariam consequentiam insit, quorsum spectat casus in *NOVELL. CXIX. C. XI.* quando testator alienationem rei immobilis legatæ interdixit, omnino standum erit testatoris voluntati.



**INVENTARIUM NON CONFECERIT**) Imo generatim; si heres culpa sua se ipsum beneficio juris indignum reddat, quod præter casum ab Auctore allegatum etiam fit, quando hereditatem expilavit *Nov. I. cap. II.* item quando a iudice admonitus intra annum legata præstare neglexit *NOVELL. I. cap. IV. AVTHENT. Hoc amplius C. de fideicommiss.* quando alias dolose egit, ut legata interciderent *L. LIX. pr. ad L. Falcid.* Insuper, quod neglectam inventarii confectionem attinet, non desunt, qui *NOVELL. I.* poenamque in ea statutam ob generalitatem textus ad omnes omnino heredes, ipsosque liberos pertinere ajunt, vid. *VINNIVM Select. quest. jur. Lib. II. cap. XXVIII.* Verum hanc opinionem vel ideo admitti non posse existimo, quia quarta hereditatis pars liberis ipso jure debetur, quæ ne quidem a vivo patre ipsis adimi potest, nisi ex causa a legibus approbata; Post mortem ejus vero multo minus auferri poterit, quo certius est, eos etiam ipso jure in legitima minimum esse heredes. Idque crederem tamdiu tenendum esse, quamdiu lex poenalis expressa non extat. Minori dubio subest, quod neque legitimi neque extranei heredes, jus deducendi quartam, ob neglectam inventarii confectionem, in iis provinciis amittant, in quibus inventarii defectum jurata specificatio supplet.

**MORAM COMMISERIT**) Quod, ut mihi videtur, non male ex dict. *NOVELL. CXXXI. cap. XII.* infertur. Certe expressis verbis heredem emolumento solum privat, si admonitus altera vice moram

moram in exsolvendo legato committat. Cæterum regula extat in *L. I. §. V. D. de L. Falcid.* quod heres etiam ab iis, quæ Deo legata sunt, quartam detrahere possit.

**RATIONE QUARTAE DETRAHERET**) Id est, damnum, quod ex prohibita deductione quartæ oritur, heredis tantum est, nec hic ideo reliquos legatarios, quibus quartam deducit, gravare, vel iis hoc ipsum emolumentum, quod amisit, imputare potest. Nemini enim ex illis plus detrahit, quam detrahere potuisset, si quartam a privilegiato legato deducere non prohibitus fuisset *STRYCK. Cautel. testam. cap. XXII. membr. III. §. ult.*

**Tit. XXVI.**

**De fideicommissio universalis, seu de fideicommissariis hereditatibus & SCto Trebelliano.**

**Aphor. I.**

**FIDEICOMMISSVM**) Fideicommissa omnia olim jure nitebantur imperfecto. Nam testator non dicebat heredi legem, sed cum rogabat, ejusque pudori relinquebat, ut alteri aliquid præstaret. Rogatio vero jus imperfectum tantummodo producebat, & sic in heredis erat arbitrio, an præstare vellet fideicommissum nec ne. Quapropter etiam fiduciarius vocabatur heres ille, cui restitutio esset injuncta, cum testator fiduciam poneret in eo de implendo, ob quod esset rogatus. Ille vero, cui restitutio facienda, fideicommissarius heres nominabatur. Sigillatim fideicommissa hæc

videntur eum in finem inventa, ut illi, quibus directo ob quendam defectum jure civili hereditas vel legatum relinqui non poterat, ex testamento aliquid caperent, quod non filet §. I. *f. de fideicom. hered.* Verum hoc in argumento plura postea mutata sunt capitula. Nam primo plenam fideicommissis conciliavit efficaciam Augustus, voluitque, ut heres rogatus ea præcise præstaret æque ac si jussus intervenisset. Quem in finem quibusdam magistratibus extra ordinem concessa est cognitio de fideicommissis. Duos Claudius constituit Prætores fideicommissarios S V E T O N I U S *in Claudio cap. XXIII.* Unum deinde detraxit T R A J A N U S *L. II. §. XXXII. de Orig. Jur.* Consules vero cum iis concurrentem habebant jurisdictionem, ut de majoribus quantitatibus cognoscerent V L P I A N U S *Fragment. Tit. XXV. §. XII.* Imo eousque progressi sunt Romanorum legislatores, ut &, cum alias heredi libera concederetur adeundi hereditatem facultas, fiduciarium heredem cogerent ad additionem §. VII. *f. de fideic. heredit.* Secundo dispositum est, ut talis sit fideicommissarius heres fiduciario substituendus, qui directo institui potest *L. LXVII. §. fin. D. ad Sc. l. Trebell.* Tercio tamen etiam invaluit, ut non præcise fideicommissum testamento relinqueretur, sed quælibet ultima voluntas, etiam Codicillus, modo quinque testes adessent, sufficeret *L. XXII. C. de fideic.* Imo & testatori permittebatur, ut heredis præsentis fidei aliquid restituendum committeret, testibus non adhibitis, & heredi fideicommissum neganti jura-

men-

mentum, quod ideo, quia solus notitiam rei haberet, præcise præstaret, deferri posset *L. ult. C. Eod.* Quamvis solius heredis fidem hac in re sequi non semper satis consultum sit.

**VEL PARS EIVS**) Subtili quadam distinctione Romani partem hereditatis quotam a parte hereditatis quanta distinguebant, eo effectū, ut fideicommissarius universalis, qui vel integram hereditatem vel ejus partem quotam caperet, eam jure hereditario cum omni onere annexo haberet, & jure universalis succederet, fideicommissarius particularis vero, cui pars quanta esset restituenda, hanc instar legati absque onere & jure singulari caperet, cum tale fideicommissum legato in omnibus sit exæquatum *L. I. pr. D. de Legat. I. L. II. C. Commun. de legat.* Ut sic in effectū multum inter utramque fideicommissi speciem intersit.

**VERBIS PRECATIVIS**) Qua in re quidem perinde est, qualia verba adhibeat testator, modo talia sint, quæ vel explicite vel implicite restitutionem hereditatis denotent *L. LXXVI. D. ad Scñm Trebell. §. VIII. 3. de injust. rupt.* Quapropter & tacita voluntas sufficit, *L. LXVII. §. IX. de Legat. H. L. CXV. & CXVIII. de Legat. I.* imo & nuntus, si quæstio antecedens idoneis verbis absque suggestionem prolata sit, admittitur *L. XXI. de Legat. III.* Ut autem, quod dixi, generatim tenendum est, verba ita esse debere comparata, ut seriam testatoris de rebus hereditariis restituendis voluntatem indicent, & certum quid determinent, ita e contrario facile patet, neque verba mere enunc-

cia-



ciativa fideicommissum facere *L. XXXVIII. §. III. L. LXVIII. §. I. de Legat. III.* STRYCK. *Cautel. testam. cap. XXI. membr. I. §. XXIX.* neque simplicem commendationem sufficere. *L. LXXVIII. §. VIII. ad Sc. Trebell. L. LXXVII. §. XXIV. de Legat. II.* BERGER. *Supplem. ad Elect. Discept. Forens. Part. I. p. 745.* quamvis haut diffitendum sit, & commendationem tum fideicommissum operari posse, si commendans certum quid expresse- rit, eaque ratione de voluntate testatoris constet, quod legibus & præjudicio comprobatur LEYSER. *Spec. CCC. med. III.* Quæ cum ita sint, & hoc non potest non elucere, nudo præcepto de non alienando non inesse fideicommissum. Non enim esse potest fideicommissum absque herede fideicom- missario. Quodsi igitur testator non expressit, cujus in favorem alienatio debeat esse interdicta, heres fideicommissarius non adest, & sic certitudo voluntatis iterum deficit, add. *L. XXXVIII. §. IV. L. XCIII. pr. de Legat. III.*

HEREDITATEM EIVSVE PARTEM) qua- tenus fideicommittentis arbitrio subjacet. Ea enim, quæ in bonis quidem defuncti sunt, sed tertio simul obnoxia, qui jam jus aliquod quæsitum in iis ha- bet, fideicommissum non admittunt. Et sic etiam legitima fideicommisso gravari nequit, nisi per in- directum, si testator cautela Socini utatur, de qua jam egimus supra.

ALTERI RESTITVENDA) Imo si originem fideicommissorum spectes, non ex ultimis solum voluntatibus, sed nonnunquam etiam ex pacto na- tales deducunt. Unde enata est distinctio inter fidei-



fideicommissa per ultimam voluntatem & per conventionem constituta. Et quamvis dubium sit, anne Romanis etiam hæc distinctio fuerit cognita, cum *L. I. §. I. de Legat. III. L. I. §. V. L. VI. §. I. ad Sctum Trebell. L. ult. C. de reb. alienis non alienand.* quas LYNCKERVS in *Anal. ad Dig. p. 345. & in Emend. ad b. l. p. 44.* aliique allegant, rem ipsam perspicue non loquantur, dubium tamen non est, quin Germanis eo frequentiora sint ejusmodi pacta, quo certius constat, iis principium Juris Romani, quod pacta successoria damnat, nunquam arrisisse. Add. KNIPSCHILD. *de fideic. famil. nobil. cap. XXVI. n. 25. sq.* Convenit autem in his utrumque genus, quod, ne spes heredi, qui fideicommissum sperat, intercipiatur, possessor inventarium rerum hereditariarum, quæ fideicommisso obnoxia sunt, conficere CARPZOV. *P. III. Const. VIII. def. XXXIX.* cautionem, quatenus lege vel testamento non est remissa, (conf. quæ supra diximus ad *Lib. II. Tit. XXIV. §. XXXII.*) de restituendo præstare, & rationes de ipsa administratione reddere debeat, salvo jure percipiendi fructus, si ex certo die restituendum sit fideicommissum. Præterea servandus est ordo successionis, quem vel testator præscripsit, vel de quo partes convenerunt. Demum jus alienandi possessor non habet, quatenus jus successoris intervertitur. In eo tamen differunt, quod in conventionali neque quarta Trebellianica, de qua infra, neque jus accrescendi locum sibi vindicet, atque, si donatio intervenierit, insinuatio judicialis nonnunquam accedere debeat, quæ omnia

omnia in fideicommissio ultima voluntate constituto secus. Add. HARPRECHT. *Tr. Acad. de remed. L. fin. C. de fideic. cap. V. §. XIX. & XLI.* STRYCK. *de Cautel. testam. cap. XXI. membr. I. §. XXVI.*

### Aphor. II.

NE ALIENETUR RES EXTRA FAMILIAM)  
Imo, hæc clausula de non alienando extra familiam omni fideicommissio familiæ per se jam inest. Multum tamen interesse credunt, utrum expresse adjecta sit, an tacite subintelligatur. Priori enim in casu id voluisse testatorem credunt, ut ipso jure alienatio nulla sit, & translationem dominii impediatur, sic vero proximior statim rem alienatam revocare possit, cum e contrario, clausula illa non adjecta, alienatio demum post mortem alienantis revocari queat. Fundamentum vero hujus distinctionis ex *L. LXIX. §. III. D. de Legat. II.* desumunt. Sed falluntur. Nam neque lex allegata revocationem statim concedit, neque proximi actionem prius habere possunt, quam ad fideicommissum vocantur, quod demum fit post alienantis mortem. Alii præsidio hujus legis stipati distinctionem inter alienationem voluntariam, & eam, quæ ob æs alienum fit necessario, formant, eo effectum, ut ibi revocatio statim, hic post mortem alienantis fieri possit. Verum nec hoc ex textu probatur. Et generatim convenit analogiæ juris, ut, quousque durat jus alienantis, eousque proximi a petendo fideicommissio excludantur; Ejus vero jure resoluto, resolvatur etiam jus accipientis, isque demum revocet, qui ad successionem vocatur. Majorem igitur utilitatem habebit,

bebit quæstio, an, qui revocant fideicommissum, pretium possessori bonæ fidei restituere debeant? Quod merito negamus, quando fiduciarius sui solum gratia alienavit, cum jus successorum nulla ratione intervertere, nec, quod beneficio testatoris aut legis absque onere obtinere debebant, onere gravare potuerit. Quodsi vero alienatio fideicommissi peragatur ob causam aliquam necessariam & æs aliquod alienum, quod ipsi rei inhærebat, quodque ideo tanquam onus reale ad quosvis possesores ita transibat, ut & hi obligationem, æs alienum istud exsolvendi, suscipere deberent, dubium non est, quin illi possessori fideicommissi pretium refundere debeant. vid. KNIPSCHILD. *de fideicommiss. famil. cap. XIII.*

FAMILIA VOCATUR) Et sic durat etiam fideicommissum, quousque quis ex familia superest. Cum ultimo vero ex familia ipsum fideicommissum evanescit, eo quidem effectum, ut & valide de ipso fideicommisso disponat, STRYCK. *Cautel. testament. cap. XXI. membr. II. §. XXIII.* Non tamen etiam deneganda est iis, quorum interest, facultas, communi & unanimi consensu fideicommissum tollendi, quotiescunque tertii non simul interest, vid. LEYSER. *Spec. CCCCIII. med. III. seq.*

### Aphor. III.

DISPOSITIONI JURIS COMMUNIS) Fœminæ tamen semper exclusæ sunt a successione in fideicommisso familiæ, nec, nisi in subsidium, si masculi, per quos familia conservatur, desint, aut si

G g

ulti-

ultimus possessor jure suo, de fideicommissio disponendi, usus non sit, vocantur, modo & ipsæ successionis sint capaces. Nam v. c. si fideicommissum in feudo sit constitutum, id potius domino directo apertum fit add. STRYCK. *cit. loc. membr. II. §. IX. & XIV.*

#### Aphor. IV.

GRAVATI PROXIMITAS SPECTATUR) Si nempe testator expresse de modo succedendi ita statuit, quippe cujus arbitrio hæc res relinquitur. In dubio semper ea servanda est regula: In capessendis fideicommissis familiæ spectandam esse proximitatem ultimi possessoris, non fideicommittentis. PEREGRINVS *de fideicommiss. art. XX.* BERGER. *P. I. Resp. CLV. n. 4.*

#### Aphor. VI.

CVM ACCESSIONIBVS) Ut igitur commodum habet heres fideicommissarius, ita & hereditas periculo ejus jacet, nec heres fiduciarius diminuta hereditate ulterius quid restituit, quam quod superest. Imo ne quidem de culpa levi respondet heres fiduciarius, sed de dolo solum & culpa lata L. XXII. §. III. *ad Sc̄tum Trebell.* Cessat tamen omnis alienandi hereditatem facultas citra necessitatem vel voluntatem testatoris. Vid. BÖHMER. *Jur. Digest. d. tit. §. XXX. sqq.*

#### Aphor. VII.

QVAE VOCATUR TREBELLIANICA) Hoc quidem certissimum est, heredi fiduciario, ut aliis qui-



quibuscunque, quartam debere esse salvam. Sed opus est, ut hoc argumentum ipsamque fideicommissorum rationem paulisper illustremus. Jure nempe antiquo duplex quidem in fideicommissio aderat persona, altera, quæ restitueret, altera, cui restitutio fieret. Sed tamen heres fideicommissarius jure stricto non erat heres *L. XLVII. §. I. ad L. Falcid.* nec creditores aut legatarii cum herede fideicommissario agere poterant, cum jus directæ actionis semper salvum maneret contra heredem fiduciarium. Postea vero Scto Trebelliano actiones etiam utiles datæ sunt contra eum, cui hereditas esset restituta. Verum sic heredi fiduciario nondum erat satis prospectum. Poterat enim in hereditate latere æs alienum, & sic sapius accidebat, ut hereditatem non adiret fiduciarius, eoque extingueretur fideicommissum. Permittebat ideo Sctum Pegasianum, ut fiduciarius quartam posset retinere partem. Sed hoc Sctum filebat de actionibus hereditariis. Cumque Sctum Trebellianum actiones directas contra fiduciarium non sustulisset, sed exceptionem solum illi contra creditores dedisset, quod hereditas jam restituta esset, necessitas fere cogebat heredem, qui ex Scto Pegasiano adiret hereditatem, ut stipulationibus, quas partis & pro parte vocabant, interpositis, onera hereditaria cum herede fideicommissario communicaret. Itaque integrum erat heredi fiduciario, utrum ex Scto Trebelliano, an ex Scto Pegasiano vellet adire hereditatem. Id facere solebat, si quartam haberet salvam, hoc, si hereditas restitutione fidei-



commissi nimis esset gravata. Sed nusquam satis tutus erat. Illo enim in casu, quamvis quartam haberet salvam, nesciebat tamen, anne tantum *as* alienum lateret, quod omne lucrum iterum absorberet. Hoc in casu anceps hærere debebat, anne fideicommissarius mutuas obligationes reciperet. Quare demum, ne heres fiduciarius omni lucro excideret, neve fideicommissarii spes emolumenti, ex restitutione hereditatis oriundi, facto heredis fiduciarii, qui non adiret hereditatem, interceptetur, omnis res transfuso Scto Pegasiano in Trebellianum sic composita est, I) ut heres fiduciarius semper salvam haberet quartam II) ut onera hereditaria ipso jure transmitteret pro rata in fideicommissarium III) ut nunc prior cogeretur semper ad adeundam hereditatem, alias amitteret quartam, & fideicommissario jus esset, in subsidium hereditatem adeundi, vid. late tit. *J. de fideic. hered.* & Nov. I. cap. I. §. I.

NON POTEST DETRAHERE) Mansit enim hic adhuc salva juris antiqui ratio, quod heres fideicommissarius non esset heres, Jus deducendi quartam autem jus heredis esset.

### Aphor. VIII.

UTRAQUE DEDUCI POTEST) Sed valde vereor, ne hæc ipsa doctrina genuino fundamento nitatur. Nam negari neutiquam potest, quartam hanc in gratiam eorum heredum esse introductam, quibus de jure testator certam hereditatis partem relinquere non debebat, quique nimis gravati ob nullum vel minimum lucrum hereditatem adire

re-

recusabant. Verum, dum leges liberis jam ita prospexerant, ut pater ipsis legitimam necessario relinquere deberet, salva patri relicta facultate, de reliquis bonis extra legitimam disponendi, certe ratio nulla est, quare fideicommisso, salva tamen legitima, gravati, præter eam, adhuc Trebellianicam deducere debeant, cum sic duplicem quartam acquirant, quam una solum vice ipsis salvam esse debere leges jubent. Verum enim vero Praxis approbat Jus Canonicum, cujus tamen dispositionem æquitate omni destitui, non rationibus solum pluribus probavit VINNIVS *Lib. II. Select. quest. cap. XXIX.* cui adstipulantur HOTTOMANN. *quest. illustr. IV.* DONELLVS *Lib. VII. cap. ult.* BACCHOV. *ad Treutler. Vol. II. Diff. XIV. th. II.* sed & ipsi Pontificii Doctores agnoscunt. vid. GAIL. *Lib. II. obs. CXXI.* PEREZ *ad Cod. tit. ad Scilum Trebell. n. 11.* Eos præterea, qui hanc juris Canonici doctrinam cum jure antiquo Romano convenire putant, profligavit MAESTERTIVS *Lib. II. de justit. Leg. Roman. cap. XLVIII.* Cumque FACHINAEVS *Lib. V. Controv. cap. II.* novo argumento pro hac sententia ex Nov. XXXIX. *cap. I.* uteretur, VINNIVS *cit. loc.* mascule contrarium defendit. Ut ideo mirum sit, quosdam, qui Praxin sequuntur, eo usque procedere, ut ipsis ne quidem sufficiat, & legitimæ & Trebellianæ deductionem in fideicommisso conditionato præcipere, sed & idem juris esse in fideicommisso pure relicto asserant, vid. GONZALEZ TELLEZ *ad C. XVI. x. de testam. n. 23.* SCHILTER. *Exerc. XL.*

§. XXII. SANDE *Lib. IV. tit. VII. def. V.*

RIDICVLVM AESTIMETVR) Licebit tamen rogare Fabri assecclas, ne risu excipiant limitationem regulæ suæ, a prohibitione patris desumptam. Patri enim extra legitimam liberrimum datur de bonis suis statuendi arbitrium. Neque hoc in *L. VI. C. ad Sctum Trebell.* imminuitur, quippe in qua de ipsa legitima, quæ secundum jus Justinianum sub Falcidia & Trebellianica continetur, agitur. Quibus verbis ipse utitur LEYSERVS *Spec. CCCCIV. med. V.* quæ ideo integra allegare volui, quia nostram sententiam in priori observatione adductam non parum juvant.

### Aphor. IX.

QVAE QVOVIS ALIO IVRE) Qua in re quarta Trebellianica a quarta Falcidia differt. Ratio differentiae vero eo redit, quia in directa heredis institutione testator magis dilexisse praesumitur heredem, quam legatarium, cum titulus institutionis sit honorabilis. In fideicommissaria autem hereditate magis fideicommissarium, quam fiduciarium, cum hoc solum, tanquam instrumento hereditatis transferendæ, utatur, vid. ZOESIVM *ad tit. Dig. de Scto Trebell. in fin.* DONELLVM *Lib. VIII. cap. XXVI. lit. b.*

IMPVTARI NON POSSE) Quod quidem iterum confirmat *cap. XXI. X. de testament.* Sed *L. VI. C. ad Sctum Trebell.* non obitare, ne pater filios jubeat, ut fructus in Trebellianicam impurent, fatetur SCHILTER. *Exerc. XL. tb. XXIV.* & LEYSER. *d. l. med. VI.* cum iste textus de legitima,

gitima, non de Falcidia & Trebellianica loquatur.

## Aphor. XI.

**SUNT VERO CASVS**) Generatim quarta Trebellianica iisdem casibus cessat, quibus cessat Falcidia, hoc tamen casu addito, si heres fiduciarius adire nolit §. VII. *f. de fideic. hered. L. III. pr. ad Scđum Trebell.* Verum tamen & hoc dubium est, an heres fiduciarius amittat quartam, si inventarium facere neglexerit. Nam deest expressa lex, quam tamen in poenalibus semper desideramus, ut sic argumentum, ex **NOVELL. I. cap. II.** deductum, commode huc trahi nequeat, cum expresse ibi amissionem Falcidiæ solum heredi imminere dicatur, qui inventarium non confecit.

## Tit. XXVII.

De fideicommissis particularibus,  
seu singularibus.

## Aphor. II.

**ESSENTIA MANEAT DIVERSA**) Sed vereor, ne alia, quam nominalis solum, vel a formula desumpta remaneat differentia. In effectu enim eatenus exæquata sunt legata & fideicommissa, ut, quamvis olim legatum a legatario relinquere non posset **CAJVS Instit. Lib. II. Tit. VII. §. III.** cum iniquum videretur, id, quod alicui semel donatum esset, ipsi iterum adimere, quod fecus in fideicommissis *pr. f. de singul. reb. per fideic. relict.* jure novo nec hac in re quicquam diffe-



rentiæ remaneat, sed a legatario legatum tam per verba directæ, quam per verba precativa valide relinquatur.

## Tit. XXVIII.

### De Codicillis.

#### Aphor. I.

**S**VNT VERO CODICILLI ) Ita definitionem format Auctor ex suffragio Practicorum, qui hanc in *L. ult. C. de Codicill.* huic ultimæ voluntati præscriptam existimant formam, ut coram quinque testibus, quos tamen probationis solum gratia adhiberi, & sic etiam foeminas admitti dicunt, declaretur. Sed late docet BÖHMER *Diff. de Codicill. sine testib. valid.* id ipsum ex hac lege neutiquam posse inferri. Et, si dicendum, quod res est, ipsa Codicillorum origo, quam accurate indicat *pr. 7. de Codicillis*, dubitare non finit, quin Codicilli absque omni solennitate subsistant. Erant enim epistolæ simplices ad heredem scriptæ de eo, quod heredes post mortem scribentis facere deberent. Quare non eadem solum formula, qua epistolæ concipiebantur v. c. Lucio Titio heredi salutem BRISSONIVS *de formul. cap. VIII. p. 686. sq.* sed etiam Codicillos diserte epistolas vocat *L. LXXXIX. pr. D. de Legat. II. L. XLI. §. II. D. de Legat. III.* Sigillatim vero verbis precativis utebantur scribentes, ut sic proxime ad fideicommissum accederent Codicilli. Conf. *L. XIII. §. I. D. de Jur. Codicill. L. I. §. ult. C. de Codicill.* Heredem igitur jam adesse præsupponebat



nebat Codicillus, nec ideo nova in Codicillis fieri poterat heredis institutio. Cessabat exheredatio, hereditatis ademptio, substitutio, nova conditio, verbo: In codicillo nihil mutare poterat scribens, quæ heredis institutionem respiciebant. Nec hac in re quicquam postea mutatum est, ut sic nec videatur ratione solemnitatum aliquid mutatum esse conf. *§. fin. J. de Codicill.* quamvis postea hoc admissum sit, ut nuncupative vel alia forma, vim epistolæ non habente, heredi aliquid injungeretur.

DECLARATA ) Ex communi itaque opinione hanc formam desiderant Codicilli, ut I) adhibeantur quinque testes, qui tamen non debent esse rogati, nec habiles, modo in probatione fidem habeant. Quodsi tamen coram duobus vel nullis testibus testari licet, nec Codicillus solennitatem requirit. Sin præter numerum testium ordinarium unus adhuc adhibendus sit v. c. in testamento coeci, in Codicillo quoque numero quinario sextus addendus II) ut testes subscribant Codicillo scripto III) ut unitas actus observetur. Idque, ut dixi, colligunt ex *L. ult. C. de Codicill.*

### Aphor. III.

VEL TESTAMENTO ) Sunt itaque Codicilli vel testamentarii, vel ab intestato, qui in effectu ita differunt, quod illi subsistant una cum testamento, hi propria auctoritate. Omnem itaque priores vim & efficaciam ex testamento habent *L. III. §. II. de jur. Codicillor. L. V. §. XIV. de bis, quæ ut indign.* Et sic etiam non valebant, nisi in ipso testamento, si antea confecti, confir-

mati reperirentur, *L. V. D. de jure Codicillor.* sin-  
 postea confecti, & directo præter ea, quæ ad insti-  
 tutionem heredis pertinebant, aliquid dispone-  
 rent, v. c. de legatis, de tutela, de libertatibus,  
 minimum antecederet solenni quadam formula,  
 cujus exempla sunt in *L. LVI. pr. D. de fideic.*  
*libertat.* & *L. XVIII. D. de jur. Codicill.* jussi es-  
 sent valere. Verum hanc confirmandi necessita-  
 tem, quod priores Codicillos attinet, sustulerunt  
 Severus & Antoninus, eosque valere voluerunt,  
 quousque non appareret, testatorem a priori volun-  
 tate recessisse. §. *L. 3. de Codicill.* Eandemque  
 confirmationem cessare etiam in iis, qui post te-  
 stamentum conficiebantur, etiamsi directo quid in  
 illis dispositum esset, docui in *Const. omiss. Manip.*  
*III. observ. X.*

### Aphor. IV.

VIM ITAQUE HABET) Paucis nota, clau-  
 sulam [codicillarem, suppositis requisitis, in Codi-  
 cillo observandis, testamento adjectam, supplere  
 defectum in solennitatibus, neutiquam vero defe-  
 ctum, qui ipsam voluntatem subsistere, testatorem  
 testamentum condere, heredem ex ultimo elogio  
 aliquod emolumentum capere prohibet. Add.  
*STRYCKIUM de Cautel. testament. cap. XXIII.*  
*§. XXXI.*

Tit. XXIX.

De Executoribus testamentariis.

Aphor. I.

**Q**VI DICUNTUR EXECUTORES TESTAMENTARII ) Imo causam habent Doctores, ut executoribus testamentariis addant executores conventionales, legitimos & dativos. vid. LAUTERBACH. *Diff. de executor. ultim. voluntat.* Testamentarium Auctor describit. Conventionalis duplici ratione existere potest, vel ex promissione, vivo testatori facta, quale exemplum in *L. XII. §. XVII. & L. XIII. D. Mandati* occurrit, vel ex conventionione cum heredibus, legatariis, aliisque, quorum interest, post mortem testatoris inita. Leges deinde in legata pia inspectionem concedunt Episcopo *L. XXVIII. & XLIX. C. de Episc. & Cleric.* NOVELL. CXXXI. cap. XI. Generatim supremum ultimarum voluntatum executores magistratum constituunt *L. I. pr. Si quis omiss. caus. testam.* Dativum denique magistratus ipse denominat.

Aphor. III.

OFFICIUM HUIJUSMODI EXECUTORIS ) Testamentarii nimirum executoris officium in genere consistit in eo, ut curet, quo ultima defuncti voluntas expleatur. *C. XIX. §. de testam.* Quare neque jurisdictionem exercere, neque litibus heredum aut legatariorum sese immiscere potest, sed rem custodit, administrat, & sententiam iudicis expectat. Qui conventionione constitutus est, quid possit

possit expedire, ex formula conventionis dispicere debet. Potest enim constitui ut simplex mandatararius, potest etiam eligi, ut arbiter, quo lites laudo simul finiat. A lege vocatus, ut voluntatem in uno alterove capitulo exequatur, ulterius inspectionem extendere nequit. Magistratus denique servat quidem & exequitur ultimam voluntatem, sed etiam, quod nemo alius executor facere potest, ex præsumpta testatoris voluntate vel alia iusta ex causa ab iis, quæ expresse constituta sunt, recedit. Conf. LEYSER. *Spec. CCCLXXIV.*

### Aphor. V.

**NIHIL SVSCIPIAT**) Quod intellige de casu, si plures conjunctim a testatore, per conventionem, aut a magistratu sint constituti. Nam potest etiam fieri, ut officium testamentarii & conventionalis, alterutrius & legitimi collidat. Ea-que occasione, qui ab omnibus, quorum interest, constituitur, testamentario præfertur, nec hujus dissensum curat, quod ex *L. CXX. §. I. de legat. I. L. LXXXVIII. §. XIV. de legat. II. L. XI. C. de fideicommiss.* probat LEYSER. *cit. loc. medit. II. sqq.* Magistratus vero, quicquid dissentiat testamentarius vel alius executor, officio suo satisfacit.

### Tit. XXX.

### De hereditatibus ab intestato.

### Aphor. I.

**Q**UOS LEX VOCAT) Et ita quidem vocat, ut succedant secundum iura loci, ubi hereditas sita est. Quod immobilium intuitu



tu caret difficultate. Quod ad mobilia vero, jura domicilii, quod defunctus habuit, spectanda sunt. *STRYCK. de Succession. ab intest. Diff. I. cap. IV. §. II. sq.* Idem juris est in nominibus, etiamsi extra locum domicilii contracta sint, cum mobilibus adnumerentur, & in his successio ex statutis domicilii dijudicetur, utut alibi reperiantur. *CARPZOV. P. III. Constit. XII. def. XIV.* Quod si vero defunctus forum privilegiatum habuerit, successio magis secundum jura provinciae, quam secundum leges loci fit, ubi habitavit *LEYSER, Spec. CCCCXXI. med. VII.* nisi simul jura civitatis sit adeptus. Ita enim temperandam esse censeo istam regulam. Confer. *WERNHER. P. IV. obs. CXLII.* Si denique defunctus certo in loco sedem fortunarum non constituerit, quoad successionem in bona mobilia locum originis spectandum esse docet *HARTMANN. PISTORIS obs. LV. n. 4. & 12.*

### Aphor. II.

*FISCO CEDEBAT*) Late & accurate hunc ordinem succedendi antiquum prosequitur triginta duorum *CAJVS in Instit. Lib. II. Tit. VIII.* *PAVLVS Recept. Sentent. Lib. IV. Tit. VIII.* *ULPIANVS Fragment. Tit. XXVI.* horumque dogmata cum legibus Mosaicis confert *AVCTOR Collat. Leg. Mosaic. & Roman. Tit. XVI.* Res eo redit. Vocabantur primo sui, id est, omnes liberi absque distinctione sexus & gradus, qui in potestate morientis fuerant. Plane vero excludebantur emancipati, quippe extraneorum loco, postquam per eman-



emancipationem omne jus fuitatis & agnationis amiserant, habiti §. III. 3. *de hered. qualit. & different.* Deinde vocabantur agnati, qui erant cognati per virilis sexus personas cognatione testatori juncti, absque discrimine quidem sexus, juxta proximitatem tamen gradus, & habita præprimis consanguineorum, fratris nempe & sororis, ratione. Quamvis successioni agnatarum mox præjudicium inferret Lex Voconia, quæ eas generatim a successione legitima excludebat, ut ne unica quidem filia hereditatem capere posset. Deficientibus agnatis vocabantur gentiles, ab agnatis ita distincti, ut hi peculiarem, quæ ex universa quadam gente derivaretur, constituerent familiam, illi omnes dicerentur, qui unius ejusdemque gentis, unius ejusdemque nominis, quamvis ex diversis familiis, essent. Sic vero hic servabatur ordo, ut primo venirent agnati ejusdem stirpis, ejusdemque agnominis, deinde agnati ejusdem familiæ, ejusdemque cognominis, denique gentiles ejusdem nominis, secundum proximitatem gradus. Postea demum fisci vocabatur. Ex quo constat, nullam olim neque emancipatorum neque cognatorum, five per foeminas conjunctorum, five mares essent, five foeminae, legitimam fuisse successionem. Qui vero factum sit, ut cognati per temporum intervalla successionis fierent capaces, vide cum iis, quæ totum hoc argumentum illustrent in *Constit. omiff. Manip. IV. obs. II.*

#### Aphor. IV.

PATER IPSORVM) Hæc generalis regula est, ut

ut parentes liberos excludant in successione majorum STRYCK. *de succession. ab intestat. Diff. I. cap. II. §. XXV.* Casus tamen quidam adsunt, ubi nepotes avo succedere possunt, etiamsi pater eorum, tempore mortis avi, adhuc superstes sit. Conf. COCCIJM *de succession. Nepot. Sect. I. §. VII.*

### Aphor. V.

JURE REPRESENTATIONIS ) five transmissionis & devolutæ successionis. In linea enim descendente jus representationis locum habet in infinitum, nec proximior remotiorem ex alia stirpe excludit, siquidem remotiores non jure suo, sed jure parentum in eos translato, succedunt. Indeque etiam est, quod non in capita succedant, sed in stirpes, atque portione parentibus debita contenti esse debeant.

### Aphor. VII.

DISTINGUENDUM EST ) Paucis nota: Patri communi liberi diversi matrimonii succedunt æqualiter, proprio parenti singuli separatim, si bona respicias, quæ pleno jure ad parentem spectabant, & sic sine dubio etiam exclusis unilateralibus succedunt in iis, quæ parenti eorum obvennerunt ex bonis defuncti conjugis ex pacto, lege, statuto, consuetudine. Omnia enim, quæ parens proprio jure acquisivit, & bonis suis semel immiscuit, rebus ejus hereditariis recte adnumerantur. Sed e contrario nihil juris competere potest liberis diversi matrimonii in bonis, quæ parenti ex priori ma-

matrimonio non proprio, sed ususfructus forsitan jure, obvenerunt; Cum liberi prioris matrimonii in his bonis, jam ad se devolutivis, dominium retinuerint, nec ideo ea rebus hereditariis adnumerari possint. Multum tamen hoc in argumento refert, ut respiciamus, anne liberis diversi matrimonii vel per pacta dotalia, vel per unionem prolium sit prospectum. His ipsis enim eosdem vel ad successionem, quæ jure non debebatur, admitti, vel a successionem, quam sperabant, excludi experientia docet.

ASSIGNATUR) Quod optimo consilio ad evitandas inextricabiles de jure separationis bonorum lites est constitutum, & aliquibus in locis eo usque extensum, ut ne secundas nuptias quidem benedictione sacerdotali perficere liceat prius, quam successio in ordinem redacta sit, judiciali auctoritate interveniente. Idque eum effectum habet, ut primo liberi prioris matrimonii ejus intuitu, quod ab eorum parente provenit, securi præstentur, vero deinde id, quod ab altero parente alias demum post mortem ejus sperabant, quasi per anticipationem successionis, iis vivo parente tradatur. Sic vero similes fiunt liberis separatis, denen abgefundenen Kindern, quibus Hamburgenses & Lubecenses portionem hereditariam assignant, quosque hoc ipso a futura successionem excludunt.

### Aphor. IIX.

NEC NON ADOPTIVIS) Adoptionem enim, qualiscunque sit, jura successionis operari, & adoptivis jus legitimorum liberorum tribuere, certo certius

certius est. Quamvis alibi jam demonstratum sit, hoc solum procedere in bonis, quæ patris dispositioni & arbitrio subsunt, & in quibus tertio nondum jus aliquod quæsitum est. Nam successio, quam pactum vel lex defert, adoptione interverti nequit. Idem juris est in legitimatis, sive matrimonio interveniente, sive Principis rescripto peracta sit legitimatio. Nam ne Princeps quidem legitimatos potest reddere capaces successionis, quam tertius ex pacto vel providentia expectat. Quæ omnia suo loco indicavimus.

### Aphor. IX.

EX FOEMINA HONESTA) Excepta matre illustri, quæ liberos legitimos habet. Nam vi *L. V. C. ad Scum Orphitian.* mulieribus ingenuis & illustribus castitatis observatio præcipuum debitum est, & sic in illis nominari spurios satis injuriosum, satisque acerbum, & temporibus Justiniani indignum erat. Lex sane, si ulla in toto codice, ridicula. Sed veritus forsitan est Justinianus, ne spurii plures hereditatem uxoris Theodoræ, foeminae olim quovis scorto vilioris, captarent. Quare non dubitavit, quin istam legem, ipsi pudicitiae, quam semper colendam censet, dedicaret.

DISTINGUENDUM EST) Præterea vero, cum Jus Canonicum ea, quæ de naturalibus liberis disposuit Jus Romanum, ad spurios traxerit, qui tamen, tanquam sine patre nati a naturalibus, qui patrem noverunt, quam maxime sese distinguebant, & hoc loco præsupponendum est, spurios patri haud succedere posse, nisi certus ille sit,

H h

vel



vel dum concubitus confessus, vel dum sententia  
judicis pro patre spurii declaratus est. STRYCK.  
*de success. ab intest.* Diff. I. cap. II. tb. LIII. vid.  
tamen quæ dixi in *Introd. ad Jus Saxon. P. III.*  
*Secl. I. Ex. IX. §. II.*

NEQUE PATRI NEQUE MATRI ) Sive ex  
concubitu, quem quis cum conjugata, sive ex con-  
cubitu, quem maritus cum soluta exercuit, nati sint.  
Quamvis enim de ultimo casu dubitet ANTON.  
FABER. in *Cod. Lib. VI. Tit. XXXI. d. VIII. ob*  
*L. VI. §. I. D. ad L. Jul. de adult.* facile tamen  
patet, id ex principio Juris Romani, quo adulteri-  
um violatio thori conjugalis erat, derivandum es-  
se. Nobis autem adulterium dicitur violatio fidei  
conjugalis, & sine dubio ab utroque conjugum com-  
mitti potest. Certe, sive hunc, sive illum casum co-  
gites, damnatus adest complexus. Ex hoc vero na-  
tos Jus Romanum novum absque distinctione a suc-  
cessionem excludit add. STRYCK. *de success. ab in-*  
*test. Diff. I. cap. II. §. LVII. & Diff. III. cap. I.*  
*§. XXXIX.* WERNHER. *P. VI. obs. CCCXVII.*

ALIMENTA TAMEN NECESSARIA) Quod,  
dubito, an ex Jure Romano possit defendi. Nam  
NOVELLA LXXXIX. cap. ult. & AUTHENT.  
*Ex complexu C. de incest. nupt.* alimenta adulterinis  
& incestuosis simpliciter denegant. Et quamvis  
non desint, qui hanc dispositionem de alimentis  
solum lautioribus explicent BRUNNEMANN. *ad. d.*  
*auth.* non tamen video, qui fieri potuerit, ut in-  
cestuosi sigillatim liberi ex parentum bonis alimen-  
ta naturalia caperent, cum bona ipsa incestuoso-  
rum



rum in fiscum redigerentur **AVTH.** *Inestas C. de incest. nupt.* Imo, quod Jus Canonicum attinet, ne hoc quidem incestuosis, sed adulterinis solum in *C. V. X. de eo. qui dux. in matr.* prospicit, ut alimenta ex bonis parentum capiant. Interim, cum hodie confiscatio bonorum in prædicto casu cesset, veraque ratio præstandi alimenta hæc unica sit, ne fame pereant liberi, non inde solum infertur, naturalia sufficere alimenta, sed & per se patet, in subsidium ejusmodi liberos ex publico, exemplo aliorum pauperum, esse alendos.

### Aphor. X.

**OBVENIANT RES EXPEDITORIAE)** Sunt vero res expeditoriæ, quibus defunctus olim in expeditione bellica usus est, easque Henricus Aucups iis, qui militiæ, & clypei militaris capaces erant, præcipuas esse jussit vid. **GVNDLINGII** *Diss. de Henrico Aucupe.* Quare, quod ad personas attinet, quæ in his rebus succedunt, facile patet, ingenuis solum Germanorum successionem utilem fuisse, **BEYER.** *Spec. Jur. German. Lib. II. cap. XIV. §. IX.* res ipsas vero si spectes, aliæ non erunt referendæ ad Heergevettam, nisi quæ militiam instruunt, quibusque miles, qui castra sequitur, carere nequit, uti sigillatim ex catalogo earum, quas recenset **JVS PROV. SAXON. Lib. I. art. XXII.** apparet. Unde recte infertur, neque cives, neque rusticos, regulariter Heergevettam relinquere, **WERNHER. P. VI. Obs. CCCCXXII.** neque clericos hujus successionis esse capaces **JVS PROV. SAXON. Lib. I. art. XXVII. WERNHER. P. VIII. obs. CCCCII.** quamvis de civibus gravis

oriatur dubitandi ratio, cum post temporum intervalla & cum his jus militiae sit communicatum, ejusque intuitu citra ineptitudinem defendi possit, cives ex ipsa Henricianae constitutionis intentione ad successionem in res expeditorias admittendos esse, Conf. GUNDLING. *d. Diff.* FINCKELTHAVS *Observ.* XXIII. Quodsi enim huic extensioni mutatam militiae Germanicae faciem, quodque in locum militis lecti successerit mercenarius, opponere velles, id ipsum etiam obstaret nobilibus, ne res expeditorias caperent. Deinde & id ex antiqua hujus negotii natura commode elicitur, res, quae expeditioni bellicae non inserviunt, nec Heergewetticis annumerari posse, & sic quoque ne usum quidem quotidianum & defuncto proprium efficere, ut res aliqua ad illas referatur WERNHER. *P. VI. obs.* CCCCLXXVI. Verum enim vero, si dicendum quod res est, plus hoc in argumento tribuimus consuetudini, quam rationi dispositionis. Illa vero tam varia est, ut fere ubique, sive de personis, rerum expeditoriarum capacibus, sive de rebus ipsis Heergewetticis judicare velimus, ad id respicere debeamus, quod in quolibet loco usu veniat. Nam ne hoc quidem universale est, ut fiscus demum, si nemo ex agnatis superfit, Heergewettam sibi vindicet, sed consuetudo iterum variat. Id tamen fateamur necesse est, I) Jus successionis in rebus Heergewetticis, quia ex lege est, ultima voluntate non posse interverti CARPZOV. *P. III. Const.* XXXVIII. *def.* XXXIV. II) Illi tamen intra annum & diem  
præ-

præscribi *JVS PROV. SAXON. Lib. I. art. XXVIII. HEIGIVS P.I. quest. XVI. FINCKELTHAVS. observ. LXXXIII.*

SEV BONA UTENSILIA) Hujus etiam successionis introducendæ peculiaris fuit ratio, quæ mutata hodie facie rerum, locum sibi haud vindicat. Nam filiabus successio in bona utensilia, quæ in ornamento & mundo muliebri consistunt, in compensationem exclusionis a successione in bonis immobilibus, cujus tamen hodie post receptionem juris Romani omnino sunt capaces, videtur concessa *JVS PROV. SAXON. Lib. I. art. XVII. BERGER. Diff. de legitima mariti. cap. III. §. XVII.* Hoc tamen singulare est, quod clerici filii etiam, si tempore mortis defuncti in ordine jam sint constituti, cum filiabus in gerada succedant, *JVS PROV. SAXON. Lib. I. art. V.* quod forsan eo fine factum, ut æquo animo exclusionem a successione in rebus expeditoriis ferrent. Cæterum cum sæpius ipsa bona utensilia integram hereditatis substantiam exhauriant, optimo consilio est constitutum, ut filiae eandem imputent in legitimam, quam salvam habere debent ab intestato successuri. *CONSTIT. ELECT. SAX. XI. P. III. add. HARTVNGII Diff. de Comput. ger. in legitimam.* Quas autem diximus, res expeditorias non posse adimi ultima voluntate, easdemque præscriptioni annali subesse, id ad bona utensilia quoque trahamus necesse est. Nec hoc præterea omittendum, hoc in argumento denuo usum & consuetudinem ubique in subsidium esse vocandum.

ATTENDI DEBET) Res omnis huc redit, ut ad bona utensilia regulariter referantur I) mobilia solum JVS PROV. SAXON. *L. I. art. XXXI. & Lib. III. art. LXXVI.* Res vel natura vel lege immobiles huc non pertinent *d. JVS PROV. Lib. I. art. LVIII. JVS WEICHBILD. art. XXIII.* II) istæ res debent esse ad proprium uxoris usum destinatæ, III) & ab ea titulo legitimo atque ad transferendum dominium habili acquisitæ, IV) dispositioni liberæ subjectæ, & V) ab uxore naturaliter simul possessæ CARPZOV. *Lib. I. Resp. XCIV. COLER. P. I. Decis. LX.* add. quæ de hoc argumento dixi in *Introd. ad Jus Saxon. P. III. Sect. I. Ex. IX. §. V. sqq.* Sigillatim rerum utensilium accuratum catalogum exhibet BEYER. *Delin. Jur. Germ. Lib. II. cap. XV. §. XXIII. sqq.*

### Aphor. IX.

ASCENDENTES PRIMI GRADVS AEQUALITER) In successione ascendentium, quod præmonendum duxi, proximior semper excludit remotiorem, nec jus repræsentationis sibi locum vindicat. Ipsum autem modum succedendi quod attinet, pater quidem primo & mater æqualiter admittuntur, sed distinguendum tamen est peculium profectitium ab aliis filii bonis, quæ aliunde acquisivit. Peculium enim profectitium patri manet præcipuum, & in adventitio, quatenus patri de jure Romano etiam post mortem filii familias, quem in potestate habuerat, ususfructus debebatur, mater, reliquique omnes, qui cum patre simul admittebantur, in parte proprietatis solum succedebant.



bant. NOVELL. CXVIII. cap. II. Sin deficientibus primi gradus parentibus successio ad avitam lineam devolvatur, omnesque sunt in eodem gradu, eademque linea, successio fit in capita. In diversis demum lineis, si reperiantur, in lineas ita succedunt, ut dimidia pars paternæ, dimidia maternæ lineæ cedat *d. NOVELL. CXVIII.*

ATTENDITUR HIC, VNDE BONA PRO-  
VENERINT) De eo tamen, an hæc doctorum opinio laturæ rei, & intentioni NOVELLAE CXVIII. conveniat, merito dubitabis. Simulac enim bona ad filium devoluta sunt, inque ejus dominium pervenerunt, neque paterna neque materna amplius sunt, sed filio propria. Præterea, si originis bonorum hic habenda esset ratio, nescio, qui fieri posset, ut dispositio *d. Nov. cap. II.* quæ bona filii inter ascendentes æqualiter dividi jubet, subsisteret. Deniq; admittitur distinctio bonorum, fieri non posset, quin sæpius fundamentum successionis ascendentium ordinandæ corrueret, cum posito casu, filium bona solum paterna, & avum paternum cum matre heredes, relinquere, avus, utut remotior, excludere deberet matrem, ut proximior.

### Aphor. XIII.

SOLI ASCENDENTES SVCCEDVNT) Mater tamen & avia geradam habent præcipuam, eademque ipsæ, si filia præter geradam alia bona non relinquat, patri inde debent legitimam STRYCK. *Success. ab intest. Diff. II. cap. III. §. I. sq.*



## Aphor. XIV.

**NATURALIBVS ET LEGITIMIS SIMVL)** Generatim, quousque ratio diversitatis dari non potest, successio ascendentium & descendentium est reciproca. Unde patet I) non succedere parentes liberis unitis, quia hi uniuntur eo solum fine, ut parentibus æqualiter succedant. II) Non succedere patrem adoptivum minus plene adoptatis, quia adoptio minus plena unice in favorem adoptati, ut jura successionis haberet, est inventa, III) non succedere arrogatorem filio arrogato impuberi, quia effectus arrogationis durante impubertate pendet.

## Aphor. XV.

**DIFFERENTIA OMNINO SVBLATA)** In successione tamen collateralium respiciendum est I) ad jus representationis, quippe quod Jus Romanum in linea collateralis ita admittit, ut fratrum liberi in locum patris ascendant. Inde vero fluit, quod fratrum liberi de Jure Communi etiam defuncti patrum, quamvis in æquali gradu constitutum, excludant. Dum enim illi in locum patris premortui ascendant, in secundo jam constituti sunt gradu, patruus vero defuncti tertium tantum gradum occupat, & sic remotior est. Nec respectus parentelæ patruo aliquid commodi hic affert. Nam iste respectus in matrimonialibus quidem, non vero in successione, locum sibi vindicat. II) Duplicitas vinculi in subsidium vocanda est. Fratres enim bilaterales excludunt unilaterales, imo & hi

& hi a fratrum germanorum liberis, qui soli concurrunt invicem, excluduntur jure repræsentationis, siquidem hoc ipso, dum locum patris occupant, in pari gradu cum unilateralibus constituuntur, & ob duplicitatem vinculi unilateralibus præferuntur. Præterea, si fratrum Germanorum liberi cum fratrum unilaterialium liberis concurrunt, ne opus quidem est jure repræsentationis, cum jam in pari gradu constituti, ob vinculi duplicitatem, unilaterialium liberos excludant. STRYCK. *Success. ab intest. Diff. III. cap. I. §. XII. sqq.* Verum hoc repræsentationis jus, atque hæc duplicitas vinculi ultra fratres eorumque liberos ad reliquos collaterales non extenditur. Quare hic semper regula servanda, quod proximior excludat remotiorem, ipsaque successio in infinitum procedat, cum §. *fin. J. de success. cognat.* ab usu recesserit.

### Aphor. XVI.

REMOTIOREM EXCLVDIT) Et e contrario omnes collaterales, qui sunt in pari gradu, simul admittuntur, ut sic dubium non sit, quin fratrum germanorum liberi, cum fratribus unilaterialibus concurrentes, æqualiter succedant CONST. ELECT. XVIII. P. III. quamvis Saxones præterea regulam servant: Die halbe Geburt tritt einen Grad weiter, eoque ipso fratres germani fratres unilaterales excludant d. CONSTIT. ELECT. XVIII.

MUTATVM VIDERI POSSET) Sed rationem dubitandi, de ipsa veritate, quod iste Recessus Imperii in Saxonia exulet, non video, siquidem certo certius est, Georgium, Ducem Saxoniae juris

domestici observantiam, interposita protestatione, contra legem Imperii conservasse, quod ne ipse quidem Recessus Imperii silet. Ut mirum sit, CARPZOVIVM *P. III. Const. XVIII. def. II. n. 10.* de re indubitata dubitasse. add. BERLICH. *P. III. Concl. XXIV. n. 17.* COLER. *Decis. LXXXIV. n. 9.*

### Aphor. XIX.

ITA, VT IN BONIS) Quem successionis ordinem in præsumpta parentum voluntate collocare solent, cum eos voluisse probabile sit, bona a se profecta ad eos magis liberos, quos generarunt, quam privignos, pervenire. Verum in Saxonia Elect. hæc bonorum diversitas non attenditur. CONST. ELECT. *XIV. P. III.*

### Aphor. XXIII.

IDEM IUS EST) Generatim de legitimatis (iis exceptis, qui per subsequens matrimonium legitimantur, quippe in quibus duplicitas vinculi adest) de perfecte adoptatis (nam minus plene adoptatis non succeditur, quia fundamentum successionis est patria potestas) & de illegitimis (quatenus ex damnato concubitu non sunt nati) notandum est, censeri eos unilaterialium jure, ut sic, quæ in successione bilateralium & unilaterahum reciproca obtinent, huc etiam applicari debeant.

### Aphor. XXV.

RES EXPEDITORIAS) Unde regula nascitur generalis, juri, res expeditorias occupandi, fisco in subsidium competenti, prius locum non esse, quam masculus agnatus deficiat.

GERA-

GERADAM PRAECIPVAM HABENT.) Quæ sigillatim vocatur, die Niffelgerade, a qua die volle Gerade, quæ uxori, & filiis debetur, quam maxime differt. Quid ad utramque referatur, ut dixi, exposuit BEYER. *Jur. German. Lib. II. cap. XV. §. XXIII. sqq.* Conferri etiam meretur Responsum Facultatis Juridicæ Vitteberg. quod extat apud WERNHER. *P. V. obs. CCXXXVI. & Supplem. Vol. VII. p. 647.* Quod si vero cognata geradam sibi vindicat, marito defunctæ uxoris debet inde ein gemacht. Bette mit Vorhängen, einen Tisch mit einem Tischtuche, eine Bank mit einem Pfuhle, einen Stuhl mit einem Küssen, vid. *Introd. ad Jus Saxon. P. III. Sect. I. Ex. IX. §. V.*

ALIQUAS RES RETINET.) Imo nonnunquam peculiari statuto cognatas excludit. Sic Lipsiæ & Wittebergæ maritus geradam capit, & cognatis quasdam res inde solum debet BERGER. *Oec. Jur. Lib. II. Tit. IV. §. XI.* Alia hujus generis statuta citat BEYER. *Jur. Germ. Lib. II. cap. XV. §. XLVII.* Dresdæ quoque statutum est, quod omnes filios civici ordinis, si filia desit, capaces reddit successionis geradicæ. IDEM. *d. l. §. XLVIII. add. WERNHER. P. I. obs. CXLIV.* Quo ipso veritas ista satis superque comprobatur, in definienda successione geradica unice ad usum & consuetudinem esse respiciendum.

### Aphor. XXVI.

ADMITTUNTUR QVOQUE CONJUGES )  
Olim non admittebantur, nisi deficientibus cognatis



tis, ex Edicto Prætoris unde vir & uxor, ejus vero beneficio integram capiebant hereditatem atque fiscum excludebant *L. unic. D. unde vir & uxor.* modo agnoscerent bonorum possessionem intra legitimum tempus, & matrimonium tempore mortis conjugis adhuc subsisteret. Nam divortio facto, successio quoque deficiebat. STRYCK. *de success. ab intest.* Diff. IV. cap. I. §. VI. sqq. In omnia alia ixit Jus novum, & conjuges, adhibito quodam temperamento, de quo Auctor, admisit cum cognatis, conjugi tamen simul onus imposuit, ut, quæ alias ipsi in testamento defuncti conjugis relicta essent emolumenta, in portionem suam imputaret NOVELL. LIII. cap. VI. NOVELL. CXVII. cap. V. Non tamen ideo successio Prætoria videtur sublata. Nam si conjux, deficientibus cognatis, ad successionem adspirat, merito alio remedio deficiente refugium in Edicto Prætoris quæret. WERNHER. P. II. obs. CCCCLXXXV.

LABORET INOPIA) Quænam autem hic consideretur inopia, inter Doctores non convenit. Non absque ratione tamen putat LEYSER. *Spec. CCCXXIV. med. I. sqq.* ad id respiciendum esse, utrum conjux se de suo honeste, hoc est, dignitati suæ & vitæ consuetudini convenienter, possit sustentare.

USUMFRUCTUM TANTUM) quatenus concurrat cum liberis, quos ex defuncto habet. Sin liberi communes non adsint, & conjux cum privignis concurrat, rationi NOVELL. CXVII. convenit, ut pleno jure succedat. add. LEYSER. *d. l. med. VIII. sqq.* Aph.



## Aphor. XXVII.

CONSCENSIONEM THALAMI) Quod intellige de casu, quando cum cognatis concurrat. Sin deficientibus cognatis cum filio, ad hujus exclusionem sufficit matrimonium consensu puro esse celebratum. Nam hoc in casu successio ex Jure Civili unice est æstimanda, quod consensionis thalami necessitatem, quæ ex jure Germanico est, plane nescit WERNHER. *P. III. obs. XXXIII.*

OMNIA MOBILIA) Salva tamen liberorum legitima CARPZOV. *P. III. Const. XXIII. def. XVIII.* Idem juris est, si cum parentibus concurrat. Quod tamen ad collaterales neutiquam est extendendum, cum iis ne jure Communi quidem legitima debeatur, nisi turpis vel infamis persona ipsis prælata sit. Interim tamen non collaterales solum, sed & reliqui heredes omnes ab intestato, maritum a successione illa legali excludent, si adulterium commiserit, modo tamen pars innocens conquesta sit de adulterio, dum in vivis erat. Morte ejus enim interveniente omnis actio, quia ad vindictam tendit, expirat, add. WERNHER. *P. IV. obs. CCVIII.* Cæterum non incongrue queritur, anne conjux ex statuto succedens pro herede haberi & onera hereditaria simul ferre debeat. Negant Vitembergenses apud WERNHER. *P. I. obs. CCCXX.* Affirmant Lipsienses teste EODEM *n. 5.* Mediam viam sectatur LEYSER. *Spec. CCCCXXV. med. I.* & conjugem, cui pars hereditatis quota ex statuto obvenit, oneribus hereditatis subjicit, eam vero, cui res singularis assignatur,

tur, pro legatario magis habet. Cui iudicio & meam sententiam adscribo.

OBVENIT MARITO) Tres de hoc argumento, an maritus in subsidium, si mobilia desint, quartam partem ex immobilibus uxoris bonis capiat, Doctorum sententias commemorat BERGER. *in Resol. Lauterbachian. p. m. 594.* Prima est CARPZOVII qui *P. III. Const. XXII. def. XXIV.* maritum plane repellit. Altera est BERLICHII, qui aliorum auctoritate stipatus in *P. III. Concl. XXIX. n. 69.* maritum inopem admittit, cui accedit WERNHER. *P. III. obs. XXX.* remque ob silentium legum patriarum ex Jure Romano faciendam putat. Tertia est RICHTERI & STRUVII, ex quibus ille in *tr. de Success. ab intest. Sect. IV. membr. II. n. 57.* hic vero in *Syntagm. Jur. Civil. Exerc. XXXVIII. tb. XL.* maritum indistincte quartam habere debere salvam adstruit. Hancque sententiam & BERGERVS quoque sigillatim in *Diff. de legitima mariti Cap. III. tb. VI. sqq.* defendit, nec silere possum, eandem ipsam Ictos Jenenses constanti adhuc usu servare, sæpiusque in hunc modum, me interprete, respondisse. Nec immerito. Jus enim Romanum in hac lite dirimenda parum utilitatis habebit, sed omnis conjugum reciproca successio ex communione bonorum inter conjuges apud nos est residua, & certe nulla sufficiens ratio dari potest, cur non idem jus concedendum sit marito, uxoris heredi statutorio, quod uxori in bonis mariti defuncti non denegamus. Uxorem vero portionem suam indistincte  
salvam

salvam habere debere, res tritissima est. Cæterum, quæ hereditati mobiliari imputentur, dixi in *Introd. ad Jus Saxon. P. III. Sect. I. Ex. IX. §. XII.*

### Aphor. XXVIII.

ILLATA CONFERRE) Igitur Saxones uxorem, quæ in portione statutaria succedere cupit, oneri, propria etiam bona conferendi, subjiciunt. Sed jus Commune collationis onus, quod res uxoris proprias attinet, ignorat. Nam NOVELL. LIII. cap. VI. id solum jubet, ut conjux, quæ legati titulo accepit, ex testamento, in portionem legalem imputet. Quare, ubi lege vel statuto collationis onus non est injunctum, conjux portionem sine dubio absque tali onere accipit ZIEGLER *Diss. de success. conjug. statut. §. XXVI. sqq. Et quest. V.* Imposita vero conferendi necessitate maritus quoque, qui portionem sibi vindicat, conferre debebit, quæ sua sunt, quod ratio correlatorum præcipit CARPZOV. *P. III. Const. XX. def. XXVII.* BERGER. *Resol. Lauterbach. p. m. 584.* WERNHER. *P. VII. obs. CX.* In quem modum quoque Juri Jenenses pronunciare solent.

### Aphor. XXIX.

MORGENGABE) Duplex Saxonibus cognita est Morgengaba. Altera est sponsalitia largitas, vel potius pretium delibatae virginitatis, quod Neomaritus uxori post primum concubitum exsolvere solet, JUS PROVINC. SAXON. *Lib. I. art. XX. & WEICHBILD. art. XXII. ibique Glossatores. add. BEYER. Jur. German. Lib. II. cap. XVI.*

**XVI. §. XIV.** *LANGRISCHII Diff. de Morgengaba Zittaviensi.* Verum hæc Morgengaba non est hujus loci, utut Auctor eam cum altera, de qua hic sermo est, confundere videatur. Hic Morgengaba complectitur omnis generis pecudes femellas, quæ viduæ nobili ex bonis defuncti sunt præcipuæ, vid. *CARPZOV. P. III. Const. XXXIII. Def. XX.* add. *JVS PROV. SAXON. Lib. I. art. XXIV.* & quæ addidit *STRUV. ad Anton. Matth. de Succession. pag. 412.*

**MVSSTHEIL)** Quod complectitur omnis generis esculenta, quæ tempore mortis mariti in ejus domo & cellis adsunt, & intra tricesimum post diem mortis non consumuntur *JVS PROV. SAXON. Lib. I. art. XXIV. CONST. ELECT. XXXVI. P. III.* Igitur sub iis non comprehenduntur, quæ tempore mortis nondum collecta erant, utut intra trigesimum nascantur. Sigillatim, quid ad cibaria referatur, exponit *BEYER. Jur. German. Lib. II. cap. XVII.* Hoc singulare est, quod vidua dimidiam solum cibariorum partem capiat, altera dimidia heredibus maneat. Quapropter nec integrum est viduæ, citra heredum consensum de his cibariis statuere. *CONSTIT. ELECT. XXXV. P. III.* add. *Introd. ad Jus Saxon. P. III. Sect. I. Ex. IX. §. XIII.* In definiendis vero iis, quæ ad comestibilia pertinent, eo respiciendum est, an usui domus & familiæ inserviant, vid. *CARPZOV. P. III. Const. XXXV. def. I.* ut sic quoque ne præcise quidem requiratur, comestibilia in domo mariti esse reposita, sed & perinde sit,



fit, quando alio in loco asservantur WERNHER. P. III. obs. CCXXI.

CONTENTA ERIT) Non tamen ideo cessat jus petendi morgengabam & comestibilia, cum hæc omnia satis ab invicem distincta sint, nec alterum ab altero dependeat, CARPZOV. Lib. VI. Resp. LVIII. in fin. VERNHER. P. VIII. Observ. CCCCXVIII.

DONORVM NUPTIALIVM) De his sic tenet, quod regulariter marito, ut heredi mobiliari, cedant, quousque qualitatem geradicam non habent, cum hoc in casu filiabus vel cognatis debeantur. Sin maritus uxore superstite moriatur, de donis nuptialibus, quæ supersunt, uxori dimidia debetur. Sunt tamen & hic attendenda statuta & consuetudines. Præterea etiam, conventionem interveniente, donis nuptialibus qualitas rerum dotalium conciliari potest. add. *Introd. ad Jus Saxon. P. I. Ex. IV. §. XXXII.*

### Aphor. XXXII.

NEC VXOR SUPERSIT) Nec etiam ex speciali juris dispositione quis in subsidium ad successionem vocetur. Sic fiscum excludit nonnunquam Collegium, cujus membrum defunctus fuit, L. I. sqq. C. de hered. decurion. Ecclesia, quando parochus absque heredibus decedit L. XX. C. de Episc. & Cleric. Alia exempla vide in L. un. C. de liberal. imper. soc. NOVELL. CXV. cap. III. §. XII.

FISCO) De eo quidem, quod in Saxonia, & secundum alia provinciarum particularia jura, ma-



gistratibus, qui mero gaudent imperio, jus fisci, & per consequentiam jus occupandi hereditatem vacantem competat, nemo dubitat; quod in compensationem oneris, cum exercitio jurisdictionis criminalis conjuncti, concessum videtur. Verum nec hoc dubium est, quin ejusmodi magistratus in Saxonia hereditatem jure retorsionis sibi vindicare possit. BERGERVS enim, qui in *Oec. Jur. p.m. 474.* Principi solum jus per retorsionem retinendi hereditatem tribuit, contra expressam legem in *CONSTIT. ELECT. XXXVIII. Part. III.* sententiam dicit, quamvis alias, ne quid dissimulemus, jus retorsionis ad jura subditorum neutiquam pertineat.

*CEDIT*) Et quidem cum onere subeundi obligationes hereditarias, cum hoc jus devolutionis titulum universalem constituat. *STRYCK. de success. ab intest. Disp. V. cap. I. §. XLVII. add. THOMASII Diss. de princip. mod. acquir. fisco competent.*

## Tit. XXXI.

### De Bonorum Possessionibus.

#### Aphor. I.

**V**ETERIS JURIS CIVILIS GRATIA) Praetores itaque, qui id sibi commissum putabant, ut stricti juris duritiem aequitate temperarent, huic instituto id optime convenire existimabant, ut, quam directo emendare vix possent legum civilium dispositionem, callide tamen everterent, sub praetextu aequitatis. Quem in finem eos fictionibus, exceptionibus & restitutionibus in  
inte-

integrum usos esse, alibi diximus. Accessit his omnibus consilium, novum negotio ad destruendum vigorem legum apto tribuendi nomen. Cumque Jus Civile partim successionem ab intestato nimium quantum restringeret, testamentariam partim miris solennitatibus circumscriberet, & sapissime testamentorum etiam jure factorum validitatem, superveniente, vel in testatore vel in herede, juris impedimento, infirmatam, restituendi remedia silet, nec tamen prætor heredem, qui ipso jure talis non erat, facere posset, bonorum possessionem magis illi, cui æquitas assistebat, tribuere, quam eum, qui ob strictum jus hereditatem dimittere cogebatur, omni emolumento privare voluit. Hoc ipso vero effecit, ut, concessa bonorum, a defuncto relictorum, possessione, possessor ipse pro justo interim possessore hereditatis haberetur, auctoritate Prætoris suffultus *L. XI. de acquir. vel omittend. poss.* accedente vero deinde usucapione, dominium omnium rerum, ipsumque jus verum hereditarium acquireret. *MERILLIVS ad Instit. tit. de bonor. poss.* §. III. Quem itaque Prætor heredem se facere non posse simulabat, re ipsa heredem fecit. Atque in effectum inter bonorum possessionem & hereditarium jus nil interest, cum & heres & bonorum possessor deberet voluntatem succedendi declarare, uterque etiam personam defuncti sustineret, & onera hereditaria ferret. Hoc solum singulare est, quod bonorum possessionem intra statuta tempora petere deberet, qui eam agnosceret, & Prætor prius nonnunquam causam summarie cognosceret.

**BONORVM ITAQVE POSSESSIO EST JVS)** Igitur non actualem rei detentionem, sed jus possidendi denotat, ut quis esse possit bonorum possessor, etiamsi res hereditarias non possideret. Quo nomine distinguenda venit a possessione rerum. Hæc enim facti, illa juris, hæc actualis est, illa mentalis. Imo & bonorum possessio subtili ratione distinguenda venit a possessione bonorum. Illa enim hereditatem indicat beneficio Prætoris oblatam, hæc missionem in bona debitoris a Præ-tore factam involvit.

### Aphor. II.

**IN EDICTALEM ET DECRETALEM)** Plures inter utramque speciem Doctores cumulare solent differentias. Rem tamen omnem feliciter confici posse, existimo, modo pro certo habeamus, Edictalem ex certa Prætoris Edicti parte stabili & perpetuo jure deferri ad imitationem successionis legitimæ juris Civilis, eoque effectui, quo ipsa defertur hereditas civilis. Sic v. c. tam firmo jure emancipatus parentibus jure Prætorio, quam liberi sui ex lege iisdem succedunt. Decretalis vero præsupponit legitimum adesse contradictorem, contra quem Prætor ad successionem vocatum, prævia causæ cognitione, tamdiu tuetur in possessione, donec legitimus contradictor jus suum deduxerit ad liquidum. Cæterum utraque est vel testamentaria, vel ab intestato. Illa vel datur secundum tabulas testamenti, & jus civile confirmat, vel conceditur contra tabulas, estque juris antiqui correctoria. Hæc prospicit ab intestato successu-  
ris,

ris, quibus impedimentum aliquod juris obest, ne capiant hereditatem. Porro utraque & edictalis & decretalis datur vel cum re vel sine re. Illa locum habet, quando nemo contradicit, ipsiusque juris hereditarii bonorum possessorem ita participem reddit, ut sine ullo obstaculo jure fruatur suo. Hæc adhibetur, quando adest, qui hereditatem jure possideri posse negat, atque ideo possessionem solum, id est, jus sine exercitio, eventualiter concedit. Verum nec hoc silentio prætereundum est, edictalem bonorum possessionem sigillatim vel ordinariam esse vel extraordinariam. Illa Prætorum auctorem habet, hæc ex constitutionibus novis Imperatorum dependet, qui, ne leges antiquas directo mutare velle viderentur, bonorum magis possessionem, quam hereditatem, concedere volebant, eamque Prætor edicto postea confirmavit. Et sic in effectu inter utramque nil interest. Occurrit exemplum extraordinariæ bonorum possessionis in *L. ult. C. de Curat. furios.* in *L. ult. C. unde liberi.* Pertinet huc etiam successio, quæ ex singulari legis dispositione Collegio Decurionum, naviculariorum, cohortalium militum, fabricensium defertur.

### Aphor. III.

NON FACILE VSV OBTINET) Illæ nempe bonorum possessiones, quæ introductæ sunt juris Civilis supplendi causa, quæque ab intestato successuris, quos lex non vocabat v. c. liberis emancipatis, cognatis, prospiciebant, vel ideo cessant, quia istæ personæ jure proprio ex dispositione No-



vellarum succedunt. Et sic etiam non multum operabitur bonorum possessio contra tabulas, quæ, emancipatis præteritis, jus contra testamentum petendi bonorum possessionem dabat. Ex jure novo enim emancipatus testamentum, in quo præteritus est, jure suo impugnat. Hoc tamen forsitan utilitatem præstabit, quod filius institutus ex persona fratris præteriti, qui in præteritionem consensit, possit impugnare testamentum, in quo coheres extraneus simul scriptus est *L. III §. XI. L. ult. D. de bonor. possess. contr. tabul.* Usus etiam præstabit bonorum possessio juris Civilis confirmatoria, quamvis enim & liberi, & cognati, & agnati jam jure Civili vocentur, facilior tamen ipsis per remedium possessorium quorum bonorum hereditatem occupandi conceditur via. Usus habebit bonorum possessio, in eorum gratiam inventa, qui ab intestato quidem succedere possent, sed ob impedimentum juris excluduntur. Utilitatem præstabit bonorum possessio secundum tabulas, si jure stricto testamentum ob superveniens vitium in persona testatoris vel heredis, aliaque ratione irritum sit, tempore tamen mortis testatoris vitium illud iterum cessavit, v. c. si posthumus præteritus ante patrem iterum moriatur. vid. *STRYCK. de success. ab intestat. Diff. IX. cap. IV.* ubi hunc aliosque casus plenissime illustrat. Nec usus adimendus est bonorum possessioni extraordinariæ. Imo & ipsa illa bonorum possessio, quæ Jus Civile supplet, omnibus iis in casibus locum habebit, de quibus ordinandis Jus Novum non cogita-



gitavit, v. c. si conjuges, deficientibus cognatis, succedere volunt. Ut sic satis superque constet, hoc juris argumentum sicco pede non esse transeundum, iisque tuto fidem haberi non posse, qui, omnem bonorum possessionem post Novellarum Jus ab usu recessisse, sibi erronee persuadent.

#### Aphor. IV.

CAUSAE COGNITIONE) Ipsa hæc decretalis bonorum possessio ob favorem nascituri, quem Romani in favorabilibus pronato habebant, est introducta. Quam regulam cum & hodie servemus, dubium non est, quin & ipsa hæc bonorum possessio sibi locum vindicet. Primario usum habere potest in causis, ubi de successione feudali agitur, ut & de successione in territorio. Quo major vero suspicio adest, posse viduam hoc beneficio abuti, eo majori præcautione & circumspectione leges existimarunt procedendum esse, ne vel vidua justo citius mittatur, vel partum supponat. Magistratus itaque cognoscit primo de ipsa veritate graviditatis, eoque nomine inspectio ventris prius præcedit, peragenda ab artis peritis, in quibus eligendis & eos audire fas est, quorum maxime interest *L. I. §. X. de ventr. inspic.* Deinde etiam, ne vidua partum alienum subiciat, istæ quoque præcautiones adhibendæ sunt, quas tempore partus observandas esse jubet *d. L. I. §. X. Eod.* Nec dici potest, hæc hodie locum non habere, cum certe, an vidua nobilis prægnans sit, successorum feudalium scire maximopere interfit. Ipsasque illas præcautiones, quæ allegato loco occurrunt,

& sana ratio & æquitas commendat. Vid. HAHN. *ad Wesenbec. tit. de ventr. inspic.* SCHILTER. *Exerc. XXXVI. tb. CXXV.* BEYER. *ad tit. D. de ventr. inspiciend.*

ABORTUM MULIER FECERIT) Quo in casu res quidem possessæ restituendæ sunt proximis heredibus; Quia tamen mulieri hic nihil imputari potest, ad alimenta, quæ per hoc tempus bona fide percepit, restituenda non obligatur, *L. III. D. de ventr. in possess. mittend. L. V. §. III. D. de Carbon. Edict.* Quod secus est, si appareat postea, eam non esse prægnantem. Siquidem tum non exmittitur solum, sed & omnes interim perceptos fructus cum sumtibus restituit, *L. I. §. IV. sqq. si mul. ventr. nomin.* ipsaque actio contra viduam famosa est. *L. XV. & XVI. D. de his, qui notant. infam.* Imo & integrum est iis, quorum interest, eo nomine cautionem a vidua exigere *L. I. pr. Si ventr. nomin. mulier. in poss.* Quodsi tamen bona fide mulier se crediderit prægnantem, idque ipsum per iuramentum asserere possit, nemlich, daß sie nicht anders gewußt und geglaubet, als daß sie schwanger sey, mit hin solche Schwangerschaft nicht gefährlicher weise vorgegeben habe, ista non solum actio cessat, sed mulier ne alimenta quidem restituit *L. I. §. VII. D. si mulier ventr. nomin.*

### Aphor. VI.

MITTITUR IN POSSESSIONEM) Et quidem ex Edicto Carboniano. Quod tamen præsupponit, pupillum probabiliter saltem & præsum-  
tive

tive probare posse, se esse legitimum STRYCK. *de success. ab intest.* Diff. IX. cap. VII. §. XVI. Facile vero hanc missionem obtinebit, si, justas nuptias patrem cum matre celebrasse, demonstrare queat, cum exinde præsumtio pro legitima natiuitate oriatur. Sic vero quæstio status, ut altioris indaginis, in petitorio pertractanda est, ad annos pubertatis ideo differendo, quia impubes filius legitimam in iudicio standi personam non habet. Imo, ipso petitorio instituto, pupillus, præsumptione, quam allegavimus, munitus, partes rei sustinebit, onere probandi illegitimam natiuitatem in adversarium translato L. VI. §. VI. de Carbonian. Edict.

IN TEMPVS PUBERTATIS) Quod tamen fieri solum debet, si causa admodum dubia sit. Sin probationes pupillo in promptu sint, quibus, calumniose sibi status quæstionem moveri, demonstrare possit, quæstio status, cujus discussio, in longius tempus dilata, illi noxia foret, statim est dirimenda L. III. §. V. de Carbon. Edict.

### Tit. XXXII.

De divisione hereditatis & collatione bonorum.

### Aphor. II.

ÆQVALES PARTES CONSTITVUNTUR) Et sic etiam, si ex inæquali divisione quis læsus sit, hæc læsio erit reparanda, etiam si per sortem contigerit STRYCK. *de Cautel. Contr. Sect. III. cap. IV. §. XVI.* Sed juvat divisionem, judiciali

auctoritate peractam, ab extrajudiciali distinguere. In illo casu cessat restitutio ob lationem *L. XXXVI. d. Famil. hercisc. CARPZOV. P. II. Const. XXIV. def. IV.* In hoc læsio etiam minima reparatur, si in rebus ipsis dividendis contigerit. Sin in æstimatione rerum, læsio ultra dimidium adesse debet. Rem perspicue loquitur BÖHMER. *Jur. Digest. ad tit. famil. hercisc.* Non tamen ideo divisio rescinditur, sed corrigitur solum *L. III. C. Commun. utriusque judic. L. XXXV. de minorib.*

MINOR VERO ELIGERE ET OPTARE )  
 Quod jus optandi vocant das Kühr-Recht. Sat antiquum hoc jus est, & in Jure Canonico *cap. I. X. de parochi* fundatum. Imo jam Patres olim hunc commendarunt dividendi modum, vid. AMBROSIVM *L. I. de Abrahamo cap. III.* AVGVSTINVM *de Civitate Dei Lib. XVI. cap. XX.* Non tamen facile hoc optandi jus universale in Germania dixeris cum GAILLO *L. II. Obs. CXVI. n. 17.* & WEHNERO *in observ. Pract. verbo Theilungs, Kühr.* Plura enim Germaniæ loca citat LEYSER. *Spec. CXV. med. VI.* quæ jus optionis ignorant. Consuetudine itaque innititur, quod probat BEYER. *in Diff. Major dividit, minor eligit.* Quæ ab eo, qui jus optionis præten- dit, probanda est. Nec dubium oritur, quin pater nihilofecius hoc jus prohibere possit. BEYER. *d. l. cap. IV. §. II. & Jur. German. Lib. II. cap. XIII.* Quod Saxoniam attinet, ibi hoc jus omnino viget, & publica lege approbatum est. Non  
 ta-



tamen ita obtinet, ut majores eo usi sunt. Nam licet ex *JUR. PROV. SAXON. Lib. III. art. XXIX.* juncto *SPECVL. SVEVIC. cap. CCLXVI.* & *JUR. WEICHILD. art. XXVI.* satis appareat, nihil interesse, siue duo, siue tres, aut plures, adsint coheredes ab intestato (in successione enim testamentariis locum non habet, *WERNHER. P. IX. obs. CCXXXIX.*) Elector tamen Saxo in *CONST. ELECT. XV. P. III.* id ipsum jus sub his conditionibus solum admittit, ut I) locum habeat, si duo coheredes ab intestato adsint, II) jus transmissionis ad heredes cesset, III) concurrente masculo cum foemina, hæc indistincte cum Curatore dividat, masculus eligat. add. *Introd. ad Jus Saxon. P. III. Sect. I. Exerc. IX. §. XXII.*

### Aphor. III.

*DIVISIONEM NON RECIPIT*) Generatim notandum, in hereditate occurrere posse. I) Res, quæ in hereditate quidem reperiuntur, sed ad hereditatem non pertinent. Hæ non dividendæ, sed domino suo restituendæ sunt. II) Res, quæ per se jam & ipso jure divisæ sunt, & sic divisione non indigent, quorsum spectant nomina *L. II. §. V. L. IV. pr. D. & L. VI. C. famil. erciso.* Cum tamen & solutio & exactio partium sua habeat incommoda, judex etiam officium suum interponere, & credita atque debita singulis pro solido adjudicare potest. Ut autem, cui nomina activa sunt assignata, partim suo, partim coheredum nomine, ut cessionarius, agere debet,  
ita



ita creditoribus, quando alter coheredum nomina passiva in se recepit, hoc non est damno, cum pactis debitorum jus creditoris non possit immi-  
nui. Recte igitur, quousque novatio non inter-  
venit, contra omnes coheredes agunt pro rata  
STRYCK. *Caut. Contr. Sect. III. cap. IV. n. V.*  
III) Res, quæ divisionem non recipiunt, quorsum  
pertinent jura individua. Accrescunt tamen, si præ-  
dio cohæreant, illi, qui per divisionem prædii do-  
minus fit. Pertinent huc etiam instrumenta. Hæc  
enim custodienda accipit superior præ inferiore,  
senior præ juniore, mas præ foemina. Sin omnes  
coheredes æquales sunt, vel communi suffragio,  
vel sorte, eligendus est, qui custodiat. FRANZKIVS  
*ad tit. famil. hercisc. n. 22. add. LBYSER. Spec.*  
*CXVI. med. IX. sqq.* Optimum tamen erit  
consilium, ut in loco judicii deponantur MEVIVS  
*P. V. Decis. CCCXXX. add. L. IV. §. III. L. V.*  
*D. famil. hercisc.* IV) Res, quæ dividi non de-  
bent, ob legem prohibitivam, quorsum pertinent  
venena, libri magici, & similia, quæ non dividen-  
da, sed corrumpenda esse habetur in *L. IV. §. I.*  
*famil. hercisc.* Verum hic, credo, primario respi-  
ciendum esse, an ne metus adsit, ne ad malum finem  
adhibeantur. V) Res, quæ naturaliter quidem  
individuae sunt, & sine detrimento atque imminu-  
tione æstimationis in partes dispesci nequeunt, ci-  
vilitate tamen divisionem recipiunt. Et in his, ni-  
sico immunes magis conservare, fructusque inde  
provenientes distribuere inter se velint coheredes,  
notanda est regula, quod vel, taxatione prævia,  
uni

uni ex coheredibus, ex communi reliquorum suffragio, adjudicandæ, vel, si dissentiant in pretio, plus licitanti attribuendæ, *L. I. C. Commun. utriusque judicii*, vel, si uterque coheres licitans idem pretium offerat, sorte adhibita, in unum transferendæ, *L. II. pr. C. quand. & quib. quart. pars L. V. D. famil. hercisc.* vel denique, si res exitum nulla ratione haberi possit, a iudice in unius personam conferendæ sint. *L. LV. D. Famil. herciscund.* ita quidem, ut ubique reliquis coheredibus pretium pro rata persolvatur. Multum tamen interest, utrum licitatio ex heredum consensu, an iis dissentientibus, adhibeatur. Ibi enim solemnia, quæ in subhastationibus communiter requiruntur, tam accurate non observantur, *PHILIPPI de subhastation. cap. III. comm. I. n. 17.* nec extraneus facile admittitur. Hic vero omnia legitime fiant, necesse est. Cæterum, ubi res inter solos coheredes agitur, in adjudicandis rebus ratio habetur ejus, ad quem jam major pars alicujus rei pertinet. *LAVTERBACH. Colleg. Theor. Pract. tit. commun. divid. §. XV. BRUNNEMANN. ad L. XXXIV. §. II. C. de donat.* imo & præferatur ille, a cujus majoribus prædium est profectum *L. XXII. C. de administr. tutor. L. XXXV. de minor.* Sic & liberi in retinendis rebus hereditariis paternis potiores sunt, si divisio inter eos & viduam peragatur. *SCHILTER. Ex. XX. ib. LXXXIII. BRUNNEMANN. ad L. XVI. D. de reb. auct. judic. n. 5. STRYCK. de success. ab intest. Diff. IV. cap. III. §. XXXVIII.* Denique cohe-

coheredes, qui coheredi rem hereditariam addi-  
cunt, æstimatione interveniente, re ipsa venditio-  
nem celebrant *L. I. C. commun. utriusque judic.*  
*L. III. C. commun. divid.* Sic vero coheres co-  
heredi ad evictionem præstandam obligatur. *L.*  
*XXV. §. XXI. famil. ercisc.* *L. LXVL. §. ult. de*  
*evict.* Idque etiam fieri debet, quando pater bo-  
na sua inter liberos dividit. *L. LXXVII. §. VIII.*  
*de Legat. II.* STRYCK. *Uf. Mod. Digest. tit. famil.*  
*hercisc. §. IX.* Quod si vero testator extraneis he-  
redibus assignavit certam rem, cessat evictionis  
præstatio, vid. tamen *§. IV. 7. de Legat. L. X. C. Eod.*  
Aphor. IV.

TANTUM IN HEREDITATIS DIVISIONE  
DETRAHATUR ) Prima occasio heredes obli-  
gandi ad collationem, ab illis temporibus derivan-  
da est, ubi Prætor emancipatos, qui olim pro ex-  
traneis plane heredibus habebantur, ad successio-  
nem in bonis paternis vocabat. Nam, cum ea  
inter liberos, qui in potestate manserant, & eman-  
cipatos, intercederet differentia, ut illi omnia patri,  
hi omnia sibi, acquirerent, æquum videbatur Præto-  
ri, ut emancipati, ad successionem admitti, & emo-  
lumentum, quod liberi sui per acquæstum paternæ  
hereditati attulerant, participes facti, ea etiam con-  
ferrent, quæ ipsi acquisivissent sibi solis. Atque  
ideo bona quoque adventitia emancipatorum col-  
lationis oneri suberant. *L. I. pr. D. de collat.* HY-  
BER. *Prælect. ad d. titul. §. II.* Ipsa ratio colla-  
tionis desumebatur a naturali æquitate, quæ æqua-  
litatem inter liberos suadebat. Quamvis vero post  
tem-

temporum intervalla adventitiorum collatio deficeret *L. XXI. C. de collat.* cum & sui liberi ejusmodi bonorum proprietatem sibi acquirerent, salvo solum patri usufructu §. *I. 3. per quas person.* ea vero ratione omnia bona, quæ liberis tam emancipatis, quam suis, propria essent, a collationis onere eximerentur; Ipsa tamen ratio collationis, ut æqualitas inter liberos conservaretur, *L. XVII. C. de Collat.* effecit, ut generaliter onus conferendi ad omnia illa applicaretur bona, quæ liberi, vel sui, vel emancipati, vivis parentibus, ex re parentum, acquisivissent.

### Aphor. V.

**PATERNAM HEREDITATEM REPUDI-  
VERINT**) Posse nepotes ex beneficio Prætoris paterna hereditate abstinere, & solius avi hereditatem amplecti, dubio non subest, ob *L. ult. C. unde liber.* vid. **COCCEJUM De success. nepot. Sect. III. §. fin.** Inde vero facile infertur, nepotes avi hereditatem, non ex persona patris, quippe quem non repræsentant, cum ex ejus persona non succedant, sed jure proprio acquirere. Et sic quoque apparet, eos ad conferenda ea, quæ pater eorum ab avo accepit, non esse obligatos, nisi quatenus ad ipsos jam aliquid pervenit, ex iis, quæ pater eorum conferre debebat, iique inde locupletiores facti sunt. Erronea igitur est distinctio, in Praxi recepta, quod in casu allegato nepotes patris conferenda conferre non debeant, quando reliqui coheredes etiam defuncti nepotis sunt, oneri collationis vero eximere se non possint, quando cum defun-



defuncti liberis primi gradus succedunt. Nam in utroque casu non jure repræsentationis, sed jure proprio, succedunt, nec ideo onus collationis, personæ patris cohærens, subire debent. Sic vero, qui abstinet paterna hereditate, nunquam ad collationem obstringitur. STRYCK. *de success. ab intest.* Diff. XL. cap. II. §. XV. Cæterum, quæ de hoc argumento WERNHERVM inter & BASTINELLERVM in utramque partem disputata sunt, vid. apud VERNHERVM P. VI. Obs. CCCXCIX.

### Aphor. VI.

EXPRESSE REMISERIT.) Verum ex ipsis exemplis subjectis patet, hoc sufficere, ut de remissione oneris conferendi ex patris voluntate constet. Non enim captanda est vox *expressim*, quæ in NOVELL. XVIII. cap. VI. occurrit, cum alias extra dubium positum sit, in ultimis voluntatibus iliquidas conjecturas sibi vindicare locum, & præsumtam testatoris voluntatem respiciendam esse. L. XXIV. *de reb. dub.* Imo, hanc ipsam in collationis argumento non cessare, non obscure ex L. XXXIX. §. I. *Famil. ercisc.* colligimus. add. BACHOV. *ad Treutler.* Vol. II. Disp. XVII. §. IV. CARPZOV. P. III. *Const.* XI. def. XXIV. MEVIVS P. I. *Decis.* LXXXIV. Interim tamen facile concedo, liquidas conjecturas adesse, & in dubio, remissionem factam non esse, præsumi debere. Ergo pater per hoc, quod uni liberorum collationem imposuit, ceteris eandem remisisse non videtur. Alios casus vid. apud LEYSER. *Spec.* CCCXIII. *med.*



*med. IV. sqq.* Plane, licet pater expresse collationem remiserit, id tamen legitimæ fraudi esse non debet. BRUNNEMANN. *ad L. X. §. III. de Collat.* BERGER. *P. I. Resp. CCLXXXIX.*

### Aphor. VIII.

SUBJECTA SVNT OMNIA) Ea quidem ratione, ut, ex quorundam opinione, si jura antiqua spectes, ipsa res accepta conferenda sit. Sed vereor, ne nimis liberaliter hoc asserant, cum textus, qui præcise collationem injungat, vix extet, magisque *L. I. §. XII. D. de collat.* regulam suppeditet, filium satis contulisse videri, si tantum in bonis paternis remittat, quantum alter ex collatione habere debet. Unde forte vero magis est simile, & olim æstimationem rei solum fuisse conferendam. Hodie certe ista necessitas rem ipsam conferendi cessat.

NUPTIARVM TEMPORE) Sive filia, sive filius, ea accipiat, cum & illa & hic inde fiat locupletior. Huc enim primario est respiciendum, ut quis onus collationis subeat. *L. I. §. XXIII. de Collat.* add. *L. XVII. C. de postlimin. revers.* Quæ vero ornamenta & vestimenta, liberi, in sacris paternis adhuc constituti, acceperunt, alimentorum loco sunt, nec ideo collationi obnoxia *L. V. §. XII. de agnosc. & alend. lib.* *L. CCXXXIV. §. ult. de Verbor. Signific.* add. STRYCK. *de success. ab intest.* *Diff. XI. cap. IV. §. X. & Diff. de jur. vestiar. cap. V. n. 43.* Ex eadem ratione, quod liberi locupletiores non fiant, sumtus convivii nuptialis non sunt conferendi, quippe qui præterea patri

magis, quam filiæ aut genero, honori sunt. **CARP-  
ZOV. P. III. Const. XI. def. XXI. STRYCK. d. tr.  
de success. ab intest. d. l. §. VIII.** Quodsi tamen  
locupletiores inde forsan fiant liberi, onus confe-  
rendi non cessabit. Casum exhibet **LÉY SER.  
Spec. CCCCXIV. med. IV.** Imo ex eodem fun-  
damento dona nuptialia conferenda esse, quæ a  
patre profecta sunt, dubitari nequit.

### Aphor. V.

**NON CONFERENDA VENIUNT**) Ut gene-  
ratim ea solum conferenda sunt, quæ a patre vivo  
ex bonis patris in liberos sunt profecta, & ex qui-  
bus locupletiores facti sunt, ita e contrario, I) quæ  
mortis causa acquiruntur **L. XVI. C. de collation.**  
ut & prælegata **L. XXXIX. §. I. D. famil. ber-  
ciscund. non conferuntur**, conferri non debent  
II) quæ ad liberos proprio jure spectant, quorum  
& hodie pertinent bona adventitia **L. fin. C. de  
collat.** collationi non subsunt.

**MILITATVM ABEVNTI FILIO DATA**)  
Est quidem peculium castrense & quasi castrense  
quam maxime favorabile, cum ejus intuitu filius  
pro patrefamilias habeatur, nec onus conferendi  
agnoscere debeat, etiamsi a patre ipso profectum  
sit. Sed enim vero hoc ipsum privilegium reliquis  
liberis non debet esse fraudi, quando legitimam  
minuit. Est enim legitimæ favor major omnino  
quam militiæ & studiorum, cum illa ex naturali  
ratione debeatur, nec ideo pater arbitrium suum  
ad ejus læsionem extendere possit **STRYCK. de  
success. ab intestat. Diss. XI. cap. III. §. XXII.**  
**RICH.**

**RICHTER.** *ad authent. habita Disp. V. p. 118. n. 5.* Id, quod in Saxonia Electorali expressa lege est confirmatum per **DECIS. L.** Deinde, si pater filio ad dignitatem, vel militarem, vel civilem, vel Ecclesiasticam consequendam, aliquid de suo subministrat, quæ emolumentum habet annexum, filiumque locupletiores reddit, hoc ipsum, quod a patre datum est ejus nomine, a collatione non eximitur **L. XXX. §. II. C. de inoffic. testam. STRVV. Syntagm. Jur. Civil. Exerc. XXXVII. §. XXIX.** Quod tamen ad ea subsidia non est extendendum, quæ ad nudam dignitatem obtinendam faciunt **L. I. §. XVI. de Collat. L. XX. §. VI. Famil. hercisc. LEYSER. Spec. CCCCXI. med. III. sq.**

**SUMTVS IN STVDIA EROGATI**) Sub quibus, & sumtus promotionis, & sumtus peregrinationis, recte comprehenduntur. Sigillatim posteriores sumtus collationis oneri haud subesse, ex **Leg. L. D. famil. hercisc.** recte defendunt **CARPZOV. P. III. Const. XI. def. XVIII. n. 4. & 5. STRYCK. de success. ab intestato Diff. XI. cap. III. §. XV. PHILIPPI ad Decis. Elect. L. Obs. II. n. 10.** Imo & æs alienum, studiorum causa, vivo patre, conflatum, ex hereditate paterna solvendum est, quatenus modum non excedit **STRVV. Exerc. XXXVII. §. XXX. ZOESIVS ad tit. D. de Collat. n. 36.** Quod tamen neutiquam extendendum est ad sumtus, quos filius post mortem patris fecit, ut & illi ex communi massa sint exsolvendi, quod vult **STRVVIVS alleg. loc. tb. XXIX.** Nam nunc res amplius non agitur inter patrem &

filium, sed inter fratres & coheredes, qui sibi invicem ad sumtus studiorum subministrandos nulla ratione sunt obligati. Nec rem conficit argumentum, a societate universalis desumptum, in qua fratres, qui paternam hereditatem communem habent, esse dicunt. Pingunt enim hanc societatem, & societatem rei universalis cum societate universalis commiscant. *L. XXXIX. §. III. D. Famil. hercisc. add. STRYCK. de success. ab intest. Diss. XI. cap. III. §. XII.* Interim cum ipsum fundamentum immunitatis ab onere conferendi sumtus studiorum, partim in præsumpta parentum voluntate, partim in promotione utilitatis publicæ, nitatur, facile colligimus inde, altero ex his cessante, collationi omnino locum esse.

ALIO MODO CONSTET ) Pater itaque generatim ea, quæ sua natura collationi exempta sunt, collationi tamen subicere potest *L. I. C. de collation.* Id tamen voluisse patrem, neutiquam præsumitur. Quapropter, ut mentem expresse declararet, omnino requiritur. Et sic, quod protestatione efficit, non statim sola sumtuum consignatione efficere potest. *FINCKELTHAVS observ. XI. per tot.* Imo, si vel maxime protestatus sit, atque expresse collationem jusserit, non tamen ideo, ubi de sumtibus studiorum restituendis sermo est, filius conferre debet, quæ in victum & amictum impendit modice, & secundum conditionem, in qua pater vivit, cum certe his sumtibus opus fuisset, etiamsi filius domi mansisset, iidemque ipsi dubio procul ad alimenta pertineant, quæ pater filio denega-



negare non potuisset, qui ipse non habebat, unde se aleret, add. BERGER. *Oec. Jur. Lib. II. Tit. IV. §. LI. not. 8.* & STRYCK. *de success. ab intestat. Diff. XI. cap. III. §. XVIII.*

### Aphor. XII.

EXTRANEOS EXTENDITVR ) Res ipsa satis certa est, ascendentes & collaterales æque ac extraneos onus collationis subire non debere. Dubito vero, an id ex ratione, quam Auctor cum aliis allegat, derivari commode possit, cum & probabile sit, in dubio liberos voluisse, ut parentes æqualiter succederent, & collaterales sese invicem etiam æquali affectu prosecutos esse. Quare forsan ad ipsam occasionem legis, quæ collationem iussit, recurrendum erit, ut ratio diversitatis dari possit. Cæterum legibus effici posse, ut & extranei onus collationis subeant, præter exemplum, ab Auctore adductum, varia testantur statuta localia, quæ præsertim collationis onus conjugibus, qui cum liberis simul succedunt, imponere ideo non dubitant, quia naturæ communionis bonorum, quæ multis in locis adhuc viget, omnino convenit, ut conjux succedens propria conferat bona. Possunt tamen conjuges, si hanc collationem sibi damnosam sentiant fore, juri succedendi renunciare, atque illata repetere.



## Tit. XXXIII.

De hereditatis petitione, querela inofficiosa & actione familiæ heriscundæ.

## Aphor. I.

**R**EMEDIUM PRAEPARATORIVM ) Quia scilicet testamentaria dispositio, in qua heres ab intestato rite exheredatus est, obstat, ne hereditatem recta via obtineamus. Eaque propter querela prius inofficiosi testamenti utimur, ut impedimentum removeamus. In effectu itaque cum ipsa hereditatis petitione coincidit, cum eum habeat finem, ut iudex, remoto prius impedimento, heredem nos declaret, & jus ideo hereditarium nostrum confirmet. Ut vero de ipsa hujus actionis indole plura addamus, ob ea, quæ *ad Tit. XXI.* hujus libri præoccupavimus, vix est necesse.

## Aphor. VI.

SEU JUS HEREDITARIUM ) Cum vero nulla viventis sit hereditas, facile patet, id eum, qui hac actione experiri cupit, primario agere debere, ut mortem ejus, de cujus successione quæritur, probet. *STRYCK. de action. investig. Sect. II. membr. III. §. VII.* Quæ quidem probatio, maxime, ubi de morte absentis probanda sermo est, plerumque multum difficultatis habet, nisi præsumptio pro morte absentis capi possit. Quod fieri, quando, annum ætatis septuagesimum a natalitatis tempore præ-

præteriisse, demonstrari potest, CARPZOVIVS docet *P. III. Const. XV. def. LVII.* Equidem negare non possumus, & deficiente illa præsumptione, adeo exactam de morte absentis haud requiri probationem, sed nonnunquam, si præsertim alia adminicula accedunt, unum testem sufficere posse, quod ipsum argumentum late prosequitur LEYSER. *Spec. XCV.* Verum enim vero, plerumque plane ignoramus, ubi locorum absens degerit. Quapropter melius sibi prospicere possunt, qui hereditatem absentis expectant, quando judicem de administratione bonorum, sub cautione, sibi committenda, adeunt. Tum enim sufficit, probare consanguinitatem, & proximitatem gradus. Nec poterit iudex hanc administrationem denegare illi, qui ad ejus susceptionem legitime se offert. Quade re jam plura diximus *ad tit. XXVIII. Lib. I.*

EST ACTIO IN REM) Cui triginta demum annis præscribitur *L. VII. C. de hereditat. petit.* Non desunt quidem, qui, liberos heredes non nisi lapsu nonaginta annorum excludi, autumant, ex quorum numero & ipse Auctor, noster eminet, qui eundem errorem errat in *Synt. Jur. Civil. Exerc. X. tb. LXXX.* Sed, quod a bonorum possessione ex *L. I. pr. & §. XI. D. de Success. Edict.* desumunt argumentum, omnino spurium est. Ut enim Prætor liberos ad possessionem bonorum vocet, primo ex Edicto unde liberi, deinde, si intra legitimum tempus eam non agnoverint, ex Edicto unde legitimi, demum iterata vice ex Edicto unde cognati, a bonorum possessione ad heredi-

tatem consequendam fieri illationem, vel ideo tolerari nequit, quia ad illam adipiscendam centum solum dies, ad hereditatem vero consequendam triginta anni proponuntur. vid. late, & ex instituto contra istum errorem differentem, LUDOVICI in *Diff. de prescriptione nonagenaria*.

### Aphor. VII.

VEL EX TESTAMENTO, VEL AB INTESTATO) Ille itaque sese fundat in testamento, hic in propinquitate sanguinis. Ut vero uterque, si possessio ipsi a tertio erepta sit, eo primario respicere debet, anne ad interdictum quorum bonorum confugere possit, quo possessionem hereditatis adipiscatur, de quo infra videbimus, ita sigillatim heredi testamentario utile ad eum effectum erit remedium ex *L. final. C. de Edict. D. Hadrian. tollend.* vi cuius ex testamento, quod nullo visibili laborat vitio, possessionem hereditatis facili negotio nanciscitur. Cæterum, si jam de propinquitate sanguinis probanda sermo sit, non quidem operosa requiritur probatio, cum & indicia, & præsumptiones, testes de auditu, domestici, parentes, de credulitate deponentes, admittantur MASCARDVS *de probation. Vol. I. Concl. CCCCIX. n. 2.* FARINACIUS *de testib. Tit. VII. quest. LXIX.* MEYRVS *ad Jus Lubec. P. II. Tit. II. art. XXXII. n. 12. add. c. HI. X. qui matrimon. accus. can. VIII. caus. XXXV. qu. VI.* ut tamen de gradu cognationis iudici fides fiat, omnino necesse est.

PARTEM HEREDITATIS PETIT ) *Quæ actio*

actio ab hereditatis petitione in effectu sese non distinguit. Et sic sine dubio in eo etiam conveniunt, quod, sicuti in petitione totius hereditatis generale petendum de restituenda hereditate sufficit, ita etiam non sit necesse, ut pars hereditatis determinata in petito exprimatur. *L. I. §. V. D. Si pars heredit. petat.* Nam iudex & partem hereditatis pro indiviso restitui jubere potest *L. VII. D. Eod.* add. *PHILIPPI ad Instit. Lib. IV. Eclog. LVI. n. 14.* Recte tamen monet *LEYSER. Spec. XCIV. med. VIII.* parte indeterminata expressa, dimidiam subintelligi non posse, quamvis forsati filius, qui, dum pater viduam prægnantem relinquit, portionis quantitatem in actione non exprimit, ægre ferre non debeat, quando iudex ipsi quartam solum partem adjudicat, cum *L. III. D. si pars heredit. petat.* expresse jubeat, tres partes, cum tergemini nasci possent, salvas conservari. Non enim desunt, qui usum hujus legis hodiernum defendunt. Sed, ne quid dissimulem, jam alii viderunt, peculiarem tergemini favorem istam legis dispositionem produxisse, morisque fuisse Romæ, ut, ob bellum repræsentativum, a Ter-geminis Horatiis cum Albanis feliciter confectum, cujus *LIVIVS L. I. Histor.* meminit, tergemini non solum alimenta ex publico decernerentur, sed & Prætor, qui ventrem in possessionem mitteret, tergemini, qui forte nascerentur, prospiceret. Quapropter usum istius legis, ratione cessante, magni faciendum esse, vix credo.



## Aphor. VIII.

TOTAM HEREDITATEM) Non itaque datur hereditatis petitio contra eum, qui titulo singulari possidet. *L. VII. C. de heredit. petit.* sed rei magis vindicatione experiundum est *L. XXV. §. XVII. D. Eod.* Permittunt tamen leges, ut, qui incertus est actor, quo jure reus possideat, possit uti remedio quodam præparatorio, reumque ad titulum edendum cogere *L. XI. C. Eod.* Verum hodie non actori solum conceditur utriusque actionis cumulatio STRUV. *Exerc. X. th. LL. BÖHMER. de action. Sect. II. cap. III. §. XVI.* Sed & præterea, cum hodie officium judicis non amplius ita sit mercenarium, ut præcise sententiam ad verba libelli componere debeat, nil certe obstabit, ne, errore commissio ab avvocato, eam actionem institutam existimet, quæ actori maxime prodest, atque ideo libellum sustineat add. *L. LXVI. D. de judic. c. VI. §. Eod.*

PRO POSSESSORE HABEATUR) Ficti hi dicuntur possessores, & ad æstimationem litis, sive ad id, quod interest, præstandum obligantur. Ut tamen in eo, qui liti se offert, requiritur, litem ab eo esse contestatam *L. XXV. D. de rei vindic.* Ita & liberatur ille, qui dolo desit possidere, quando verus possessor judicium accipere vult, & petentis nihil interfit. Præterea variatio quidem petenti permittitur, illeque, relicta actione, contra fictum possessorem instituta, cum vero possessore agere potest, cessat tamen plane actio contra posteriorem, si prior litis æstimationem jam præstitit



tit L. XLVI. de Rei Vindic. L. I. C. Commun. utriusque judic.

### Aphor. IX.

UT RES HEREDITARIAS ) Hæc condemnatio ut cum effectu fieri possit, actor non probare solum debet, reum vel vere vel fidei possidere, quod tamen probatum intelligitur, si demonstret actor, reum hereditatem occupasse, sed & insuper fidem judici facere tenetur, reum possidere hereditatem, id est, res, quas defunctus possedit. Hac enim probatione deficiente, res hereditaria dici nequit L. X. §. IV. de heredit. petit. Si igitur actor officio suo ubique satisfecerit, possessori restitutio secundum inventarium, vel juratam specificationem, quæ hodie plerumque vim inventarii habet, peragenda injungitur. Idque in libello petere sufficit, cum actio ipsa, ut universalis, petitum specificum non admittat.

FACTVS EST LOCUPLETIOR ) Regulas de onere restituendi fructus & accensiones, qua ratione in bonæ aut malæ fidei possessore locum habeat, jam ad tit. de acquir. rer. domin. indicavimus. Quid vero alterutri juris competat, quando impensas in rem restituendam fecit, ad tit. de Rei Vindicat. exposuimus, quibus adde, quæ de hoc argumento disseruit BERGER. Diff. de fructibus & expensis quod bonæ & malæ fidei possessorem. Hoc loco solum denuo monebimus, bonæ fidei possessorem haberi pro domino, omniaque illi licere, quæ domino permittuntur, quamdiu in bona fide est. Et sic ipsi non imputabitur, si quid dilata-

dilapidavit, perdidit, donavit, alienavit, cum re sua abusus sit, & de re, tanquam dominus, disposuerit. *L. XXV. §. XI. D. de heredit. petit.* Nunquam igitur casum præstat, si ex rebus, ad hereditatem pertinentibus, aliquid periit. Ne quidem post litem contestatam, nisi culpa ejus accesserit. Quod enim alii defendunt, litis contestationem bonæ fidei possessorem constituere in mala fide, id universale non est. Nam non cogitur bonæ fidei possessor, ut jus suum temere indefensum relinquat *L. XL. D. Eod.* Quapropter leges etiam jubent, in bonæ fidei possessore, ad eum effectum, ut constet, an de rebus, quæ perierunt, respondere debeat, respiciendum esse ad tempus demum rei judicatæ *L. XXXVI. §. IV. D. Eod.* quo nondum existente, non est in mora. Quodsi vero post litem contestatam culpa ejus accesserit, omnino tenetur *L. XXXI. §. III. D. Eod.* cum e contrario malæ fidei possessor, qui sciens rem alienam invadit, vel sibi acquirit, semper & indistincte de casu teneatur, siquidem omni tempore ipsi mora imputari potest. *L. XX. §. ult. L. XXV. §. II. L. XL. D. Eod.* Quamvis enim alii hic malæ fidei possessorem & prædonem distinguendum esse putent, eo effectum, ut ille casum non præstet, bene tamen hic, in hoc ipso tamen argumento, ubi de hereditate sermo est, vix aliquam ista distinctio, quæ in aliis juris capitibus non est negligenda, utilitatem habebit. Titulus enim heredis, qui hic unus est, venire debet vel ex testamento, vel a lege. Qui neutro jure se heredem esse intelligit, absque titulo possidet. Sic autem hic non erit malæ fidei possessor,

essor, qui non simul est prædo, id est, possessor absque titulo add. HYBERI *Praelect. ad. D. tit. de hered. petit. §. XIII.*

### Aphor. XIII.

FAMILIAE ERCISCUNDÆ) Est autem familiam erciscere idem ac hereditatem dividere. Familia enim, ut ex Legibus XII. Tabularum discimus, olim significabat hereditatem. Eriscere autem componitur ex erctum indivisum, & cio, divido.

ACTIO) Eaque cum duobus illis judiciis de finibus regundis, & communi dividundo, hoc singulare habet, quod I) sit judicium divisorium II) generale, quia petitum specificum ob varias præstationes generales & rationum redditionem non admittit, III) duplex, quia quilibet ex litigantibus actoris & rei vices sustinere potest. Cuilibet enim coheredi, etiam reliquis invitis, ad divisionem provocare licet *L. XLIII. D. famil. hercisc.* Qui tamen prior provocat, actoris vices sustinet, cum judicii ordo exigat, ut distinctæ sint partes actoris & rei. Quare, si duo forsan simul provocent, atque incertum sit, quis prior provocaverit, res sorte dirimenda est. *L. XIII. & XIV. de judic.* I) mixtum. Nam oritur partim ex jure in re, jure scilicet hereditario, ejusque nomine petitum eo dirigitur, ut res hereditariæ dividantur, partim ex jure ad rem, nimirum ex quasi contractu, cum coheres, qui hereditatem communem administrat, cum reliquis quasi contrahere, seque ad rationum redditionem obligare videatur, quo nomine actor etiam petit, ut commoda communice, damna refarciat, de impensis quoque judicium accipiat.

Aph.

## Aphor. XIV.

DOMINIVM, SEV JVS HEREDITARIVM) Regulariter quidem judicium familiæ herciscundæ locum habet inter coheredes, qui se invicem ut heredes agnoscunt, *L. XXXVI. L. LI. D. famil. hercisc.* Quare non facile quæstio oriri poterit de ipso jure hereditario ejusque probatione. Quod si vero ipsa qualitas heredis in dubium vocetur, tum judicium familiæ herciscundæ sibi locum non vindicat, sed lis principaliter de jure hereditario ipso est movenda, atque hereditatis petitio instituenda, nisi actor, qui ad divisionem provocare vult, simul partem hereditatis possideat. Nam tum quidem judicio familiæ herciscundæ utitur, sed simul in ipso hoc judicio probat, se esse coheredem *L. L. §. I. Famil. hercisc.*

## Aphor. XV.

DIVISIONEM PETERE) Nec de jure Romano, ut certum aliquod tempus a morte defuncti præterlabatur, expectare debet. Novem enim illi dies, quos *NOVELL. CXV. cap. V. §. I.* luctui dandos esse censuit, non in odium heredum, sed in odium creditorum, ne lugentibus molestiam inferant, introducti sunt. Quod de jure Germanico tamen secus esse credo, cum triginta illi dies, a morte defuncti computandi, quos ab omni strepitu immunes esse jubent leges patriæ, in lege prohibitiva magis nitantur, ut alibi demonstravi. Cæterum cum divisio hereditatis sit species alienationis, nemo certe, nisi, qui facultatem habet  
alie-



alienandi, ad divisionem provocare, nec, si provocet, alia ratione felicem sibi successum promittere poterit, quam si adhibeatur forma, alienationibus rerum suarum a lege præscripta. Quare minor tutoris auctoritate & magistratus decreto indiget. Si tamen ad divisionem rei communis provocent alii, quibus hæc facultas indistincte a lege concessa est, divisio ipsa, utut coheres sit minor, nullas desiderat solemnitates, & per se subsistit, *L. XVII. C. de prædiis & aliis reb. minor.* Indequè est, quod alienatio quoque fundi dotalis, quam maritus alias peragere non potest, subsistat, si fundus dotalis communis fuerit, & ex coheredibus aliquis ad divisionem provocaverit *L. LXXVIII. §. IV. de jur. dot. L. I. pr. D. L. II. C. de fund. dotal.*

Tit. XXXIV.

De successione extraordinaria anomala ex pactis, seu successione conventionali.

Aphor. I.

**A**BSQUE EJUS CONSENSU) Romæ igitur non simpliciter pacta successoria erant prohibita, sed tum solum, quando de hereditate ipsorum paciscentium sermo esset. Dispositiva igitur de hereditate tertii, & quidem incerti omnino tolerabantur. *L. III. §. II. D. pro soc. ut* & de hereditate certi, qui simul consentiret. Quo ipso tamen posteriori in casu facultas revocandi consensum non erat exclusa, ipsumque pactum tum demum efficaciam nanciscebatur,



tur, quando tertius consentiens in voluntate illa usque ad mortem perseverabat *L. fin. C. de pact.* Ipsa vero ratio, cur Romani paciscendi de hereditatibus licentiam tam arctis limitibus circumscripserint, neutiquam inde est petenda, tanquam pacta, quibus testandi libertas adimeretur, moribus Romanorum fuissent contraria. Falsam enim esse hanc rationem, jam supra ad *tit. de donationibus* demonstravi. Unice igitur derivanda est prohibitio a voto captandæ mortis, & metu insidiarum, quæ ex istis pactis oriebantur contra vitam eorum, de quorum hereditate pacta essent inita. Eamque ipsam rationem clare loquitur *L. XXX. C. de pact.* Veram autem eam esse, inde satis patet, quod nulla unquam Respublica, præter Romanam, tot protulerit heredipetas, totque impias fraudes & improbitates, quibus uterentur illi, qui, se successuros, certo sciebant, ad promovendam spem suam. Harum itaque artium Romani probe gnari non pacta solum successoria damnabant, sed & ex eadem ratione ne facile quidem illi, qui proximam spem succedendi habebat, educationem pupilli committebant. Imo ne dubitabant quidem, quin patrem arrogatorem ideo a successione arrogati excluderent. add. LEYSER. *Spec. XLIII. med. I. sqq.* Artes vero varias heredipetarum detexit IDEM *Spec. CCCLXXV.*

USV TAMEN ALIUD INTRODUCTUM EST)  
Imo potius Germanis fides antiquior testamentis fuit, TACITVS *de morib. German. cap. XX.* pactaque illi successoria frequentarunt prius, quam testa-

testamenti factio iis innotesceret. Hanc enim piis clericorum fraudibus sub prætectu, ut morituri per legata ad pias causas animæ prospicerent, (legata enim ista majoribus nomine *des Seelengeräthes* veniebant) fuisse promotam, rerum Germanicarum scriptores, patrique juris interpretes non silent. vid. SCHILTER. *Exerc. XI. §. XXV.* Nec periculum unquam fuit, ut, qui spem succedendi tertio faceret, pacto interveniente, heredem ad delinquendum, votumque captandæ mortis, invitaret. Sed scelus hoc feliciter ignorarunt majores nostri. Quapropter ab antiquissimis temporibus pacta successoria frequentarunt, hujusque instituti post juris Romani receptionem ita fuerunt tenaces, ut nec hodie ejusmodi pacta ab usu recedere sinant. Quod tot exempla pactorum dotalium, unionum prolium, inter privatos testantur, ut veritatem, qui contrarium defenderet, non posset non negare. add. STRYCK. *de success. ab intestat. Diff. VIII. cap. I.* STRVV. *Exerc. XXXVIII. §. XLVII.* SCHILTER. *Ex. VIII. §. XL.* BERGER. *Oec. Jur. Lib. II. Tit. IV. §. XLVIII. not. I.* Illustres vero personas sibi & olim & hodie pactis successoriis prospexisse, experientia satis confirmat.

### Aphor. II.

INTER PRINCIPES ET ILLUSTRÉS PERSONAS) Sed cur non inter quoscunque, etiam inter privatos? Certe facultas, de futura successione paciscendi, nullibi est restricta STRYCK. *de Cautel. Contr. Sect. III. cap. VI. §. XII.* Cur

non sigillatim inter Nobiles imperii mediatos? quod  
 ægre alias admittunt. *BRUNNEMANN. ad L.*  
*IX. C. de Pact. n. XL.* cum tamen vel ipsa con-  
 iuncta manus, in feudis mediatis obvia, a pacto  
 confraternitatis fere nominetenus solum sese di-  
 stinguat. add. *LEYSER. Spec. XLIV. Coroll. I.*  
 Cur porro nonnisi Imperatoris auctoritate acce-  
 dente? Cum tamen, si super allodio incantur,  
 quod fieri posse, nemo negabit, nulla appareat ra-  
 tio impetrandi consensus. Quare sic tenet: Cuili-  
 bet, & privato, & illustri, de mutua successione,  
 quousque ius tertii non intervertitur, pacisci licet.  
 Interest vero, utrum de successione in bonis, libe-  
 re dispositioni subjectis, an de successione feudali,  
 conveniant partes. Ibi necessitas consensum im-  
 petrandi non adest. Hic, si de feudo mediato  
 sermo sit, dominus directus, sin. de feudo Imperii,  
 Imperator consentire debet. Et quamvis hunc  
 Imperatoris consensum olim plus una vice negle-  
 xerint Status Imperii, est tamen, post *CAPITULA-  
 TIONEM Josephinam & Carolinam*, quæ *art. VI.*  
 ejusmodi pacta generatim confirmant, nullum ho-  
 die dubium, quin, quæ ante hanc Imperii legem  
 incita sint pacta, omnino valeant. Sed, quæ no-  
 viter incuntur, non Imperatoris solum confirma-  
 tione indigent speciali, verum etiam Statuum Im-  
 perii, reliquorum consensum efflagitant, postquam  
*art. XI. CAPITUL. CAROL.* semel statutum, ut  
 fenda Imperii vacantia, nonnisi ex Statuum suf-  
 fragio, denuo concederentur in feudum. Quod  
 autem illimitata statibus de allodiis paciscendi

competat facultas, ex iisdem legibus constat, add. *id.* CAPITVL. art. XXXVIII. & XXXIX.

SUCCEDANT) Quo ipso satis distinguuntur a societatibus vel unionibus hereditariis, Erb-Ver-einigungen, quippe quæ mutuam solum defensionem loquuntur, absque spe succedendi, & a pactis Ganerbinatus, quæ finem & mutuæ defensionis & mutuæ successionis respiciunt. Non tamen ideo pacta confraternitatis semper reciprocum successionis pactum continent, ceu patet exemplo domus Brandenburgicæ & Megapolitanæ. Id vero invaluit, ut, cum jus quæsitum ex pacto habeant, qui successionem expectant, subditi unius domus alteri eventualiter homagium præstare debeant. add. STRYCK. *de Success. ab intest.* Diff. VIII. per tot. Imò præter homagium hoc eventuale BEYERVS *Jur. German. Lib. III. cap. XV. III. posit. ult.* & has cautelas, in confraternitatibus Principum adhibendas, commendat, ut I) bona omnia, confraternitati destinata, accurate designentur, II) ut subditorum consensus utrinque impetretur, III) ut facultas, bona conventa propria auctoritate occupandi, paciscentibus tribuatur, IV) ut vicini Principes potentiores sponsores & executores constituentur.

ET HOSTILES INCURSIONES DEFENDANT) Hæc prima & impulsiva causa pactorum Ganerbinatus fuit. Docet enim STRYCK. *de succession. ab intestat.* Diff. VIII. & BEYER. *Diff. de violat. securitat. domestic.* §. XIX. & XX. vigente adhuc prisca diffidationum & bellorum pri-



vatorum licentia, familias foedera defensiva, cum spe successionis in castra & ditiones communes, celebrasse, quæ ab ipsa hac succedendi spe nomen mutuarentur, cum Ganerbe sit allgemein Erbe. Verum tamen post pacem publicam ratio horum pactorum primaria cessavit, & emolumentum solum successionis remansit. Cæterum hoc emolumentum non omnia Ganerbiorum bona afficit, sed ea solum, quibus Ganerbica qualitas superinducitur pacto. add. BEYER *Jur. German. Lib. III. cap. XVII.*

### Aphor. III.

IN PRISTINO VIGORE CONSERVANDO )  
Non itaque eo tendunt, ut novum jus acquiramus, sed ideo inventa sunt, ut ordinem successionis magis ad juris communis dispositionem & statum ordinarium revocemus. Unde profunt vel contra successoris paciscentis delictum, vel contra statuti aut consuetudinis rigorem STRYCK. *de success. ab intest. Diss. VIII. cap. III. §. IX. sqq.* STRYV. *Exerc. X. th. XI.* Cum his tamen non confundenda sunt pacta successoria restitutiva, quæ, quamvis & hunc finem possint habere adjunctum, ut ipsa bona conventa conserventur familiæ, & iis, qui & alias de jure communi in iisdem bonis succederent, primario tamen ad excludendas certas personas, quibus jure debebatur hereditas, faciunt, & possessorem obligant ad restitutionem hereditatis, illi faciendam, quem paciscentes primi præ aliis heredibus elegerunt. Pertinent huc sigillatim fideicommissa familiæ, quæ foc-



foeminas excludunt, bona majoratus, quæ seniori familiæ deferuntur, bona primogenituræ, quæ, exclusis secundogenitis, primogenitus sibi vindicat.

Aphor. V.

NON PERTINENTIA) Sed tamen pertinet renunciatio non ad ea solum bona, quæ tempore renunciationis aderant, sed etiam ad eam hereditatem, quam is, cujus successioni renunciatum fuit, postea acquisivit LEYSER. *Spec. XLV. med. VI.*

TESTAMENTO PATER RELIQUIT) Distinguunt igitur pacta renunciativa in ea, quæ ineuntur cum illo, de cujus hereditate futura quæritur v. c. cum patre vel matre, & ea, quæ cum illo ineuntur, qui futurus esset coheres. Hæc fratribus quidem & sororibus proficua credunt, non illa, quia patrem & matrem, juri ex renunciatione quæsito, iterum renunciare, & renunciantem nihil secius in testamento heredem instituere posse, existimant. STRVV. *Exercit. XXXVIII. tb. L.* Eamque remissionem tacite quoque fieri posse defendit WERNHER. *P. I. Obs. CLXI.* Imo eoque progrediuntur alii, ut & renunciationem, patri vel matri, in favorem tamen fratrum aut sororum, factam, a patre solo remitti, eumque, non obstante renunciatione, heredem instituere posse renunciantem, autumant BRUNNEMANN. *ad L. fin. D. de suis & legit. hered.* MEVIVS *P. III. Decis. CLXXI. add. STRYCK. de succession. ab intest. Diff. VIII. cap. X. §. L.* Sed enim vereor, ne nimis inconsiderate juris Romani argumentum de pactis successoriis dispositivis huic opinio-

ni admisceatur. Mihi ita videtur. Naturam pactorum, ex qua in Germania dubio procul pacta etiam renunciativa dijudicanda sunt, ad jura renunciata nemini concedere regressum, nisi tertio ex renunciatione jus aliquod quæsitum nondum enatum sit. Et sic certe, si renunciatio in gratiam eorum, vel iis ipsis, facta sit, qui futuri erant coheredes, non video, quo modo jus quæsitum ipsis possit interverti.

LEGITIMA DEBETUR) Auctor itaque, & hic, & *Exercit. XXXVIII. thes. L.* cui etiam ad stipulatur WERNHER. *P. VII. Obs. CVII.* in ea opinione est: Renunciationem successionis ab intestato, generatim factam, non prohibere, ne nihilominus renunciens legitimam petat. Verum hic iterum juris Romani dispositionem confundunt cum moribus patriis. Nam pacta renunciativa in legibus Romanis plane improbantur, & invalida declarantur *L. XVI. de suis & legitim. hered.* Nec ideo mirum est, quando *L. XXXV. §. II. C. de inoffic. testament.* quam allegare solent dissentientes asserit, filium, in paterno testamento legitimæ intuitu gravatum, sive agnoscat onus, sive expresse declaret, se nolle petere id, quod deest, nihilominus petere posse legitimæ supplementum. Verum pacta renunciativa moribus Germanicis, non antiquis solum, sed & hodiernis, sustinentur, SPECVL. SAXON. *L. I. art. XIII.* Et sic non potest non valida esse renunciatio, etsi filia neque congruam dotem, neque legitimam habeat, STRYCK. *de success. ab intest. Diff. VIII. cap. X. §. XXIV.*

§. XXIV. *sqq.* MEVIVS *ad Jus Lubecens.* P. II. Tit. I. Rubr. n. 64. & 66. Quorum sententia eo lubentius accedo, quo certius est, nullo jure patrem esse obligatum, ut præter legitimam liberis aliquid relinquat. Cum igitur de reliquis bonis pro libitu disponere possit, ne opus quidem esse videtur renunciatione liberorum. Si tamen fiat, ita sine dubio intelligenda est, ut effectum habeat. Hunc vero habebit, si de bonis, in quibus renunciante jus successionis competebat, accipiatur, nec ad ea bona restringatur, quæ adimi potuissent renunciante, etiamsi abdicatio ejus non adfuisset.

ET QUIDEM JURATA ) Quod quidem simplicitati majorum nostrorum non convenit, cum nullibi in legibus antiquis ista necessitas adhibendi juramenti præscripta sit, sed ex iisdem renunciatio, facta simpliciter, subsistat: Nec desunt, qui pacta renunciativa injurata valida prædicant SCHILTER. *Exerc. VIII. tb. XL.* add. COLERVM *Decis. German. XXXVIII. P. I.* STRYCK. *de success. ab intestat. Disp. VIII. cap. X. §. XXIII.* Postquam vero semel Jus Canonicum facilitati hominum prospexit, qui se temere sæpius induci patiuntur, ut lucro futuro renuncient, & præterea intentioni Pontificis omnino convescit, ut indistincte juramentum accedat, quisquis ille sit, qui renunciat, nemo forte negabit, tutius omnino esse, ut juramentum, & ea quidem ratione, ut communi opinioni satisfaciamus, accedat, id est, actu corporali peragatur. vid. LEYSER. *Spec. XLV. med. II. sqq.* In Saxonia tamen Electorali ma-

sculi injurata renunciatio valet *CONSTIT. ELECT. XXXV. P. III.* imo & necessitatem jurandi, foeminis impositam, ad filiam solum renunciantem, restringendam esse, putat *BERGER. Oecon. Jur. Lib. II. Tit. IV, §. XLVIII. not. 5.* Sed & idem statim addit, consilii utique esse, ut secundum jus Canonicum indistincte iusjurandum adhibeatur.

*SVISQVE HEREDIBVS RENUNCI AVERIT*) Mater enim renunciavit in eum eventum, si heres ab intestato sit futura. Quodsi igitur ante patrem moriatur, conditio illa tacita deficit, sub qua renunciatio facta, atque hæc, cum concidat, nec heredes amplius obligabit *CARPZOV. P. III. Const. XXXV. def. XI. KELLENBENZ. de renunciat. success. qu. XXXIII.* Inde cautelam commendat *STRYCK. Cautel. Contr. Sect. I. cap. V. §. X.* ut casus ita exprimatur: *Solte ich auch gleich vor meinen Vater mit Tode abgehen; so sollen doch meine Kinder und Erben von der väterlichen Erbschafft ausgeschlossen seyn.* Hoc ipso enim futurum est, ut, nepotes, si matris heredes sint, ejus factum agnoscere, & avita hereditate abstinere debeant; Quamvis ipsis matris renunciatio non noceat, si ejus hereditatem repudient. Tunc enim, non ex persona matris, sed proprio jure, avo succedere, ejusque hereditatem petere possunt.

*SUCCEDIT FILIA PATRI*) Quod intellige tamen de casu, quando frater decessit absque prole. Hac existente, renunciatio durat. Quisque enim regulariter non tantum suo, sed & heredum nomine, pacisci & contrahere censetur *L. XIII.*

*C. de*



*C. de contrab. & committ. stipulat. add. WERNER. P. VIII. obs. CCCCXLVII.*

DISPOSITUM EST) Nec absque ratione. Nam propter enormem læsionem illa solum negotia rescinduntur, quæ mutuas habent præstationes, in negotiis vero unilateralibus hæc ratio cessat. Et præterea læsionem postea urgere nequit, qui, dum paciscebatur, eam facile prævidere poterat. Accedit & hoc, quod filia, quæ ante renunciationem jam sibi ex bonis paternis emolumenta acquisivit, nihil restituere debeat, si post renunciationem hereditas paterna decrescat.

Tit. XXXV.

De Jure pignoris.

Aphor. I.

PIGNUS AB HYPOTHECA DISTINGUITUR) Primo differebant, quod pignus, contractu interveniente, qui actionem sui nominis produceret, constitueretur, hypotheca pacto nudo, ex quo actio non oriretur. Deinde, pignore constituto, possessio ejus ad creditorem transit, hypotheca penes debitorem manet, *L. IX. §. II. D. de pignorat. action.* nisi forsan adjecta sit clausula constituti possessorii, quæ id operatur, ut, re licet penes debitorem manente, vera tamen possessio in creditorem transferatur, ipseque debitor creditoris magis, quam suo nomine, possideat, atque ideo creditori remedia possessoria competant *MEVIVS P. V. Decis. CLIX. sq.* Verum, postquam Prætor ex hypotheca etiam actionem concessit, ho-



die inter hanc & pignus non alia, quam nominalis, differentia remanet, quod & Veteres ]Cri fatentur in *L. V. §. I. de pignor.* Nam utrumque negotium jus reale tribuit, nec hoc demum a traditione, sed ab antiquitate temporis, vigorem mutuatur. Quapropter, hypotheca constituta in re quadam, quæ postea pignoris loco alii tradita est, illa nihilominus præfertur *L. XII. D. qui potior. in pignor.* Lubecenses tamen & Hamburgenses juris Germanici antiqui, quod pignus absque traditione ignorabat, dispositionem servant, eumque, cui pignus, quod in re mobili consistit, traditum est, nudo hypothecario, utut tempore priori, præferunt. vid. *JVS LVBECENS. P. III. Tit. IV. art. V. STATVT. HAMBURG. P. II. Tit. IV. art. II.*

### Aphor. II.

**IN SECVKITATEM SVI CREDITI** Eaque propter creditor, de jure Romano, neque fructus suos facit, si pignus aut hypothecam possideat, neque casum præstat, nisi culpa præcesserit *L. XXX. D. de pignor. action.* quia dominium in eum non transit. Alia tamen ratio juris Germanici antiqui fuit. *COLER. Lib. I. Decis. VII. n. 29.* Quamvis enim ea *JVR. PROV. SAXON. Lib. III. art. V.* ut & *SVEVICI cap. CCLIV. §. III.* non fuerit sententia, ut creditori facultatem, pignus perpetuo possidendi, & de eo libere disponendi, concederet, eumque, si pignus periret, ad ejus æstimationem præstandam obligaret, id tamen voluit, ut creditor fructus ex pignore suos faceret, a rationum redditione liber esset, atque, si pignus interiret, etiam absque

absque creditoris culpa, jus pignoris amitteret. add. Jvs PROV. SAX. *Lib. II. art. XXIV. & LX.* Verum huic dispositioni postea in Saxonia Electorali per *CONSTIT. XXVI. Part. II.* derogatum, atque Juris Romani dispositio approbata est. Quamvis juri antiquo in reliqua Saxonia usum tribuat *CARPZOV. ad d. Const. def. III.* eo quidem effectu, ut, pecudibus pignoris loco traditis, de quibus sigillatim loquitur Jus antiquum, creditor cum fructus suos faciat, tum casum etiam sentiat.

### Aphor. IV.

**DVPLICI MODO**) Præterea non expresse solum, sed etiam tacite, constituitur. Nam dum v. c. lex locatori in rebus inquilini pignus concedit *L. IV. D. L. ult. C. In quib. caus. pign.* non opus est, ut inter locatorem & conductorem expresse conveniat de jure pignoris, sed illatio bonorum in rem conductam sufficit. Imo generatim, ubi apparet, consensisse debitorem, ut res suæ in creditoris securitatem cedant, negotium subsistet *HYBER. Praelect. ad D. tit. de pignor. §. V.* Constituitur etiam pignus ultima voluntate v. c. legatario *L. XXVI. pr. de pignor. action.*

### Aphor. VI.

**ALIENANDI POTESTATEM HABENT**) Est enim oppignoratio proxima via ad alienationem, & qui pignus constituit, consentit etiam tacite, ut creditor, si mora in solvendo & reluendo accedat, pignus distrahere possit *L. XII. C. de contrah. & committ. stipul.* Sic vero fieri non potest non,

non, quin illi, cui alienatio prohibita est, prohibita quoque sit oppignoratio, ille vero, qui non, nisi adhibita certa forma, alienat, hanc etiam in oppignoratione observare debeat. Cumque hac ratione valida ubique & efficax ab alienatione ad oppignorationem fieri possit argumentatio, dubium non est, quin & illæ solum res, quæ alienari possunt, nexum pignoris recipiant, maxime cum nec alias finis oppignorationis locum habere, & creditor securus præstari possit. Quapropter etiam creditor, quotiescunque resciscit, rem, quam oppignoratam tenet, debitoris non esse, actionem instituere poterit contra debitorem, ut aliam rem tradat *L. XXXII. de pignorat. action.* etiamsi debitor solvendo sit, cum plus cautionis in re sit, quam in persona *L. XXV. de Regul. Jur.* Nec obstat *L. LIV. D. de fidejussor.* quæ creditori actionem solum ad interesse concedit. Creditoris enim maximopere interest, ut novum pignus consequatur, & jus reale conservet. Sic vero lex ista proficua magis creditori, quam noxia est, add. *SCHILTER. Exerc. XXVI. §. ult.*

### Aphor. VII.

ABSQUE JUDICIALI INSINUATIONE)  
Verum hoc postea mutatum in ORDIN. PROC. RECOGN. *tit. XLVI. §. II.* quippe quæ regulam format, omnes hypothecarum judicialium, sive in feudis, sive in allodiis, constitutæ sint, translationes & cessiones judicialiter peragendas esse. add. quæ dixi in *Introd. ad Jus. Saxon. P. III. Sect. I. Ex. IV. §. V. & Exerc. VI. §. X.*

NON

NON POSSUNT OPPIGNORARI PROPRIO NOMINE) Non itaque simpliciter pignus rei alienæ inutile est, sed non valet ad eum effectum, ut perfecte satisfiat obligationi per translationem juris realis, cum non dominus jus veri domini, qui rem suam vindicat, intervertere, & creditorem, ut rem alienam retineat, obligare nequeat. Ceterum pignoris constitutio in re aliena valet inter contrahentes, ut cum effectu de pignore, post exsolutum debitum restituendo, actio detur, eamque creditor, de dominio, tanquam de jure tertii, excipiens, elidere non possit. Et ita intelligendæ sunt *L. IX. §. IV. de pignor. act.* & *L. V. C. si alien. res pignor. det.* quæ pignus in re aliena subsistere perhibent. Doctores vero, istis, quas allegavimus, rationibus, commoti, regulam formant generalem: Quotiescunque de personis contrahentibus tantum obligandis agitur, res aliena objectum potest esse contractus, per quem dominium non transfertur, salvo tamen semper jure domini veri supervenientis. Quoties vero de jure in re, cum effectu transferendo, quæritur, res aliena objectum contractus esse nequit. Sed & id addamus, necesse est, posse pignus in re aliena constitutum, omnino, ex parte etiam veri domini, effectum sortiri, si hic oppignorantis, non domini, heres fiat, quia, dum in jura defuncti succedit, ejus etiam facta præstare debeat *L. XXII. D. de pignor.* *L. V. C. si alien. res pign.* add. *L. XLI. D. de pignor. action.* ibique **GOTHOFRIDVM in Notis.**

Aph.



## Aphor. VIII.

OMNIA DEBITORIS BONA ) Si ab iis dis-  
 cesseris, quæ ex præsumta debitoris voluntate  
 excepta, & in subsidium solum, si alia bona defint,  
 obligata videntur v. c. supellex necessaria, it quæ  
 quotidiano usui inserviunt *L. VI. sqq. D. de pignor.*  
 ibique BRUNNEMANN. ut & ab iis, quæ ex  
 speciali juris ratione oppignorari non possunt v. c.  
 arma militum *L. XIV. §. I. D. de re militar.* in-  
 strumenta rustica de Jure Romano *L. VIII. &*  
*AVTH. agricultores C. quæ res pign. obligar.*  
 (nam de jure hodierno & hæc & studiosorum li-  
 bri, quos alii etiam excipiunt, sæpius oppignorantur  
 add. STRUV. *Exerc. XXVI. th. XVI. in fin.*  
 COLER. *de process. Execut. P. II. cap. III. n. 148.*)  
 regula, ab Auctore suppeditata, omnino vera, &  
 præsumtio est contra debitorem, eum omnia  
 bona oppignorare voluisse, licet non omnia sigil-  
 latim exprefferit *L. IX. C. quæ res pign. obligar.*  
 Et sic hypotheca præsentia & futura bona afficit,  
 etiamsi verba præsentis temporis sint adhibita  
 LETSER. *Spec. CCXXIII. med. V.* Imò idem  
 juris est in hypotheca, qua corpus aliquod, seu u-  
 niversitas rerum, obligatur. Nam & has res,  
 quæ postea universitati accedunt, pignori obligat.  
 De taberna certe & grege res expedita est, cum  
 clara extet *L. XXXIV. D. de pignor.* Sed nec ra-  
 tio adest, cur cum BRUNNEMANNO ad d. *Leg.*  
 & BACCHOVIO *de pignor. Lib. II. cap. V. in*  
*fin.* legem hanc ad casus expressos solum restrin-  
 gamus, siquidem, universitate in genere oppigno-  
 rata,



rata, semper adsit eadem universitas, licet aucta  
reperiatur. add. LEYSER. *d. Spec. med. VI.* An  
vero sub generali hypotheca nomina etiam com-  
prehendere licet? Affirmant omnes, si generalia  
verba adhibuerunt contrahentes. Negant plures,  
si mentio solum bonorum mobilium & immobi-  
lium facta sit. STRYCK. *Caut. Contr. Sect. II.*  
*cap. IV. §. XV.* BRUNNEMANN. ad *L. I. D. de*  
*pignor. n. 5.* ex ratione, quod nomina neque ad  
res mobiles, neque ad res immobiles proprie per-  
tineant, sed proprium genus rerum constituent  
*L. XV. §. II. D. de re judic.* ibique BRUNNE-  
MANN add. etiam WERNHER. *P. V. Observ.*  
*XXX.* Sed enim vero notissimum est, de Jure  
Romano nomina analogice vel ad res mobiles,  
vel ad res immobiles, referri. Præterea, nec ipso  
jure Romano enarratio specierum præcedentem  
generalem locutionem restringit *L. XII. §. XLVI.*  
*de instr. vel instrum. leg.* Quare non dubitant  
Saxones, quin sub generali hypotheca nomina  
quoque comprehendant, vid. BERGER. *Oecon.*  
*Jur. Lib. II. Tit. V. §. IX. n. I.*

## Aphor. IX.

(CONFIRMATIO JUDICIS) Generatim ex  
re est, ut distinctionem inter pignus publicum &  
privatum, ejusque usum, tam de jure Romano,  
quam de jure hodierno, exhaustiamus. Privatum  
extrajudicialiter, publicum, vel judicialiter, vel de  
jure Communi coram tribus testibus masculis con-  
stituitur *L. XI. C. qui potior. in pign.* Judiciale  
iterum vel voluntarium est, vel necessarium. Ne-  
cessa-

cessarium contra contumaces debitores, qui vel iudicium subterfugiunt, vel, quod extremum in iurisdictione est, denegant, decernitur, de quo intra videbimus *Aphor. XII.* Voluntarium vero, siue a iudice confirmatum, siue coram tribus testibus constitutum sit, eundem producit effectum, & creditori jus reale tribuit, ea quidem efficacia, ut, quamvis idem jus privato pignori non denegandum sit, publica tamen hypotheca, siue prior, siue posterior, tempore sit, privatæ præferatur *L. XI. C. qui potior. in pignor.* Quod vero mores nostros attinet, qui ad oppignorationem magistratus consensum requirunt, pignus quidem privatum, in re mobili constitutum, jus reale tribuit, ex antiquitate temporis dijudicandum, eoque respectu etiam publico posteriori præfertur, in re immobili constituto, ut hoc generale sit, & bona etiam mobilia afficiat. Extrajudiciale vero, in re immobili constitutum, jus reale non producit, efficit tamen, ut creditores istiusmodi hypothecarii nudis chirographariis præferantur, & locum sibi inter personaliter privilegiatos primum vindicent *RICHTER. de Jur. & privileg. credit. cap. V. n. 39. SCHILTER. Exerc. XXXIII. §. XII. & XIII.* imo, si inter se concurrant, non promiscue, sed ex antiquitate temporis id, quod ipsis debetur, capiant. *LEYSER. Spec. CCXXX. med. II.* Idemque sine dubio dicendum de iis, qui hypothecam, tribus testibus munitam, acquisiverunt. Sic vero illi demum, quibus, consensu magistratus interveniente, pignus in re immobili concessum est,

est, jure reali fruuntur, cum effectu, ut aliis personaliter privilegiatis, & chirographariis præferri possint. Quod in Saxonia Electorali novo jure ad omnes omnino hypothecas, in re immobili constituendas, extensum est, ea intentione, ut, si magistratus consensus desit, ne personali privilegio quidem utantur, etiamsi vel maxime testes, vel instrumenta publica, a Notario confecta, accesserint. Vid. quæ dixi in *Introd. ad Jus Saxon. P. III. Sect. I. Ex. IV. tb. IV.* Quid, quod ne judiciales quidem hypothecæ effectum habeant, nisi competens magistratus ratione rei sitæ consensum interposuerit. *ibid.* Hunc tamen & alibi, ubi iudicis auctoritas accedere debet, efflagitandum esse, ne pignus effectum amittat, inde facile colligimus, quia ratio impetrandi consensus ea plerumque est, ut iudex causam prius cognoscat, & consensum interponendo id agat, ut securitatem actu creditor consequatur, fides vero publice interposita conservetur. Quod nemo efficere facile potest, nisi qui facultates debitoris compertas habet.

### Aphor. X.

PACTVM ANTICHRESEOS) Mirus Doctorum de effectu pacti antichretici est dissensus, si jus creditoris percipiendi fructus, ejusque obligationem reddendi rationes respicias. Si res ex principiis juris Germanici, quod fieri omnino deberet, unice esset conficienda, subtilitatibus illis vix indigeremus, cum jam ab aliis juris patrii Interpretibus abunde evictum sit, pignus frugiferum, credi-

tori traditum, siue id expresse inter partes actum esset, siue siluissent, cum jure percipiendi fructus irrevocabiliter, ad eum transiisse, nullamque creditorem obligationem recepisse de rationibus reddendis. Confer. STRYCK. *Us. Modern. Digest. tit. de pignorat. action. §. II.* THOMASIVM *Diss. de Us. Practic. Differ. inter emtionem cum pacto de retrovend. Et contr. pignor. cap. III. §. V. sq.* GYNDLINGII *Dissert. de oppignorat. territor.* Jus vero Romanum, si spectemus, rem omnem eo redire puto, ut pro certo habeamus, creditori, etiamsi ipsi res esset tradita, nullum jus fructus percipiendi competiisse, eumque, si nihilominus perciperet, obligatum fuisse, ut rationes redderet: Quod enim pignus ipsi in securitatem crediti tantum cedat, res est, nullis dubiis obnoxia. Quo igitur fructus jure perciperet, eosque & emolumenta in vicem usurarum consequeretur, pacto peculiari & expresse opus erat. Hoc ipso vero tacitam locationem conductionem contrahi, aperte loquitur *L. XIV. C. de Usur.* Et sic cognitu non est difficile, nullum jus debitori fuisse, de fructuum excessu conquerendi, & creditorem restitutione ejus, quod ultra legitimum usurarum modum perceperat, onerandi. Non enim, ut allegata lex loquitur, illicitum fœnus contractum, sed vilius conducta res videtur, add. *L. XVII. C. de Usur.* Quæ cum ita sint, primo patet, errare eos, qui, adhibita distinctione inter antichresin expressam & tacitam, doctrinam de obligatione restituendi excessum usurarum, conficere student, quod faciunt



TABOR *de altero tanto* P. III. art. XII. tb. VII.  
 LAVTERBACH. *Diff. de jur. antichret. tb. LIII.*  
 aliique plures, cum nulla jure Romano detur anti-  
 chresis tacita, vid. late VINNIUM *Lib. II. Select.*  
*quest. jur. cap. VII.* Deinde errant, quando an-  
 tichresi, expresse constituta, fructus certos ab in-  
 certis distinguunt, ibique creditorem ad rationum  
 redditionem & excessus restitutionem damnant,  
 non hic. vid. STRYCK. *Cautel. Contr. Sect. II.*  
*cap. IV. §. XXIII. sqq.* Nam sufficiens hic dari  
 non potest diversitatis ratio. Quodsi enim fun-  
 damentum rationum redditionis in excessu usura-  
 rum, qui usurariam pravitatem continet, collo-  
 candum est, quod asserunt omnes, ubique eadem  
 aderit ratio, siue certi, siue incerti, fuerint fructus.  
 Sic vero rectius defenditur, in utroque casu cessare  
 rationum redditionem. Nec quicquam operabitur  
 lex Imperii in ORD. POLIT. *de anno 1577. tit. XVII.*  
*§. VIII.* quæ alias omnem usurariam pravitatem  
 damnat, ut opinionem nostram deferamus. Nam  
 antichreticum pactum non est usurarium pactum,  
 sed locatio. Et si ad foenus illicitum referri posset,  
 cur non eodem modo exigimus rationum redditi-  
 onem, ubi incerti sunt fructus, cum hic sæpius major  
 adhuc latere possit usuraria pravitas, quam si fructus  
 certi sint. Vix igitur cohæret ista de efficacia pacti  
 antichretici Philosophia, quamvis in Praxi appro-  
 bata sit, ita quidem, ut, si debitor prius probave-  
 rit excessum usurarum, creditor obligetur ad ra-  
 tionum redditionem. Add. plura notatu digna,  
 quæ Praxin respiciunt, ex LEYSERI *Spec. CLVII.*



Interim, quo creditor eo melius sibi prospiciat, consultum est, ut expressis verbis locationem conductionem celebret, eaque occasione paciscatur, sibi jus esse, mercedem, quotannis exsolvendam, compensandi cum usuris. Plus enim sic habebit utilitatis, quam ex emtione rei oppignoratae cum pacto de retrovendendo, cum fieri non possit, quin periculum rei simul recipiat, nisi iterum debitorem ad periculum suscipiendum, pacto interveniente, obliget. add. STRYCK. *Cautel. Contr. Sect. II. cap. IV. §. XXV. sq.*

### Aphor. XI.

ILLICITUM EST PACTUM SEU LEX COMMISSORIA ) Traxit hoc pactum dubio procul originem suam ab antiquis pignoribus fiduciariis, quando nempe, pecuniae sumendae gratia, rem certam solenniter manciperent, vel in jure cederent, ea lege, ut, soluta intra certum tempus pecunia, res remanciperetur, non soluta, res pleno jure creditori committeretur. Nec, si dicendum quod res est, pactum tale per se iniquitatem habet, cum damnum, quod quis sua, non alterius culpa aut dolo, incurrit, sentire nemo videatur. Docuit etiam late JACOBVS GOTHOFREDVS *ad L. un. C. Theodos. de lege Commissor. rescind.* ante Constantini Magni legem prohibitivam commissorium pactum in pignoribus aequae ac aliis contractibus licitum fuisse. Quae cum ita sint, injustitiae nota inuri nequit domibus illis, publica auctoritate alicubi, pecuniae sumendae causa, institutis, denen öffentlichen Leihhäusern, data simul licentia, ut pigno-

pignorum, in securitatem crediti datorum, si debitor neque ea justo tempore reluat, neque contractum renovari, & in longius produci curet, ipso jure acquirant dominium. De Jure vero Canonico, feudali & Germanico, res expedita est, pactum commissorium in pignoribus illicitum haberi *c. 7. X. de pignor.* ibique GONZALEZ TELLEZ *I. Feud. XXVII. ORDIN. POLIT. de anno 1577. tit. XX. §. V.* add. GOTHOFREDVM A JENA *de Lege Commiss.* MENCKEN. *Diss. de lege commissoria in jure reprobata.*

**IUSTO PRETIO CONSTITUTO**) Circumspectus itaque sit iudex, ne vel pacto de retrovendendo adjecto legi fraus fiat. Nam hic in dijudicanda justitia pretii non præcise ad læsionem ultra dimidium est respiciendum, sed ad veram magis æstimationem, quæ tempore initi pacti aderat. Siquidem ratio prohibiti pacti commissorii, in *L. III. C. de pact. pignor.* hæc est, ne debitores miseri res pretiosas pro modica pecuniæ summa obligent, & in angustiis constituti necessum habeant, omnia, quæ exiguntur, etiam cum substantiæ suæ interitu promittere. Verbo: dispiciat iudex, anne sub pacto de retrovendendo usuraria pravitas lateat. Nam foenus immodicum a veris etiam emtionibus venditionibus abesse debet *L. XIII. §. XXVI. de action. emt.* Nec dubitat ideo **RECESSVS IMPERII de anno 1548. Tit. XVII. §. I. & VII.** quin sigillatim retrovenditionis contractum inter negotia referat, quæ usurariam pravitatem continere possunt, atque, si

Mm 3

talis

talibus deprehendatur, ut illicita, reprobanda sunt. Exemplum tectæ istiusmodi usurariæ pravitatis refert LEYSER. *Spec. CLVIII. med. V. & in Corollar.*

### Aphor. XII.

**PIGNUS JUDICIALE**) Inter pignus itaque judiciale & prætorium hæc intercedebat differentia, quod judiciale constitueretur, exequendi judicati causa, si debitor sententiæ non satis faceret. *L. XV. de re judic.* atque cum jure reali possessionem in creditorem transferret, antecedente emissionem debitoris; prætorium vero, contumaciæ coercendæ causa, locum haberet, quando vel ad judicium vocatus non veniret, vel cautionis præstationem recusaret, idque operaretur nudam detentionem *L. XV. de damn. infect.* *L. X. pr. ut in possess. legator.* Verum hodie hæc distinctio nullius est usus, partim, quod cesset distinctio inter judicem & Prætozem, partim, quod, qui judiciali auctoritate pignus consequitur, quocunque id fiat modo, jus reale acquirat, unice ex antiquitate temporis æstimandum.

### Aphor. XIV.

**PIGNUS LEGALE**) Non itaque pignus legale est absque lege, & præter hanc non est fingenda hypotheca tacita. Quamvis diffiteri non possimus, varia pignorum legalium exempla ex Praxi hodierna opinioni magis Doctorum, quam legi, originem debere, sic vero solido destitui fundamento, cum ea jurium singularium sit indoles, ut ultra casus expressos extendi nequeant. Non  
ta-

tamen ideo hypothecæ legales unice ex Legibus Romanis sunt petendæ, sed & jura provincialia & consuetudines in subsidium vocari, fas est.

PROPTER TRIBUTA ) Atque hæc hypotheca generalis est, & omnia debitoris bona ita afficit, ut & ex alia re, quam cui onus cohæret, fisco satisfieri debeat, modo fundus tributarius prius executiatur RICTER *de jur. & privileg. credit. cap. II. membr. V.* SCHILTER. *Ex. XXXIII. tb. XXIX.* BERGER. *Cent. III. Conf. LXXXIX. & Elect. Disc. Forens. tit. XLII. obs. IX. n. 2.*

A MARITO UXORI PRAESTANDA ) Ut varia esse possunt capita, ex quibus maritus uxori debet, ita diversa quoque diversorum est ratio. Nam quod dotem attinet, ejus intuitu gaudet hypotheca cum privilegio prælationis, omnesque creditores reliqui, etiamsi anteriorem expressam habeant hypothecam, illi cedere debent, quod clare loquuntur *L. XII. C. qui potior. in pign. L. XXX. C. de jur. dot. NOVELL. XCVII. cap. IV. NOVELL. CIX. cap. I.* Sed recte usus fori hoc admodum exorbitans jus ita temperat, ut uxor tacitis hypothecariis solum præferatur, iis, qui anteriorem hypothecam expressam habent, postponatur. FABER. *in Cod. Lib. VII. Tit. XXIV. def. III.* STRUV. *Exerc. XLIV. §. XLIX.* Eodem privilegio gaudet dotalitium uxori constitutum MEVIVS *P. I. Decis. CLXXIII.* modo dotem absorbeat, & in ejus locum succedat. Ob bona paraphernalia jus solum tacitæ hypothecæ absque prælatione competit uxori *L. ult. C. de pactis.* Idem di-



cendum de donatione propter nuptias, quatenus merum lucrum non continet, add. LEYSER. *Spec. CCXXVI. med. VII. sqq.*

IN REFECTIIONEM DOMVS CREDIDIT) Modo I) nominatim pecunia ad refectiionem data, II) ædificium refectum, III) refectio necessaria fuerit, & IV) res refecta adhuc extet *L. VI. D. qui pot. in pign.* BRUNNEMANN. ad *L. I. D. in quib. caus. pign.* HUBER. *Prælect. ad D. eod. tit. VIII.* Et sic, si pecunia eo nomine non data, licet probetur, eam in fundi utilitatem versam esse, cessat tamen privilegium *L. V. §. XVII. de tribut. action.*

AD EMENDAM, VEL NOVITER EXTRUENDAM) Ratio enim privilegii, quod priori in casu competebat, derivanda est ab interesse Reipublicæ, cui expedit, ut ædes fartæ tectæque conserventur. Si quis ædificium emat, dispar plane adest ratio. Et *d. L. XVII. C. de pignor.* utique expresse negat, ideo hypothecam competere tacitam. Nec aliud evincitur ex *NOVELL. XCVII. cap. III.* Recte enim monet BACCHOV. ad *Trentler. Vol. II. Disp. XXIV. §. VII.* Justinianum hac in Novella ratione crediti ad rem conservandam jus novum ordinasse, ratione crediti ad rem emendam jus antiquum ex *L. VII. C. qui potior. in pignor.* confirmasse. Deinde etiam cum, qui ad ædificandum & extruendum credidit, nullam sibi asserere posse hypothecam legalem, evincit BRUNNEMANN. ad *L. I. in quib. caus. pign. vel hypoth.* BERGER. *Elect. Disc. Forens. p. 1468.*



n. 2. Cæterum his creditoribus personale competere privilegium, ad eum effectum, ut nudis præferantur chirographariis, ex *L. XXXIV. D. de reb. auct. judic. possidend.* recte colligunt.

### Aphor. XV.

**CUM FISCO CONTRAXERVNT**) In horum tamen bonis fiscus regulariter tacitam hypothecam non habet, nisi quatenus bona post contractum sunt acquisita *L. XXVIII. D. de jur. Fisci.* In his ipsis bonis vero tam pingue est jus hypothecæ, ut & cum jure prælationis sit conjunctum *BRUNNEMANN de Concurf. Credit. cap. V. §. XXXVIII.* Quod, an eodem modo ad bona eorum, qui cum Ecclesia & piis causis contrahunt, applicari possit, valde dubium est, cum lex specialis ea de re non extet, nec tamen privilegium, lege tacente, cuidam possit tribui. Imo ne de hypotheca quidem Ecclesiarum & piarum causarum tacita in bonis administratorum lex expressa prostat, quamvis in Praxi fisci privilegium ad Ecclesias per interpretationem extensivam trahere *ZIEGLER. ad Ordin. Prov. Saxon. Tit. XLV.* neve argumentum desit, id ipsum ab exemplo pupilli, cui hypotheca in bonis tutoris competit, desumere soleant, cum administratores Ecclesiarum & piorum locorum tutoribus æquiparentur; cum tamen *Clement. II. de relig. dom.* istam comparationem ultra juramenti præstationem, inventarii correctionem & rationum redditionem, non extendat. De civitatibus, earumque jure taciti pignoris in bonis administratorum extat *L. ult. C. quo quisque ordin.*

DE LATÆ TUTELÆ) Vel potius, cum hodie nemo tutelam suscipiat prius, quam a magistratu confirmatus est, a die confirmatæ tutelæ. Cæterum, qui hanc hypothecam cum jure prælationis conjunctam credunt, omnino errant. Nam *L. XX. C. de administr. tutor. & NOVELL. CXVIII. cap. V. in fin.* tale privilegium nescit, Jure vero Digestorum, ne hypotheca quidem, sed jus personale solum, pupillis tributum est, ut ex *L. ult. de tutel. & ration. distrab. L. XIX. §. I. de reb. auctor. judic. possid. junct. L. IX. C. qui potior. in pignor.* apparet. add. STRUV. *Exerc. XLIV. th. XLIX.* BERGER. *Elect. Discept. Forens. p. 1490.*

IN BONIS PARENTIS SUPERSTITIS) Hanc hypothecam Leges nonnisi ratione dotis maternæ concedunt *L. VI. §. IV. C. de bon. que liber. L. VIII. §. III. sq. de secund. nupt.* ratione cæterorum adventitiorum hypothecæ jus plane denegant, *d. L. VI. §. 2. cap. de bon. que liber.* Secus Jure Saxonico. Praxin itaque extra Saxoniam, quæ præter legem hoc pignoris jus liberis ratione adventitiorum tribuit, solido destitui fundamento, vix negari potest.

### Aphor. XVI.

IN INVECTIS ET ILLATIS) Præsupponitur tamen, res istas eo fine inventas & illatas esse, ut perpetuo, id est, ad finitam usque locationem, ibi maneant *L. VII. D. in quib. caus. pign. vel hypotec.*

### Aphor. XVII.

A QUOVIS POSSESSORE PETIT) Multum tamen interest, utrum hac actione contra ipsum debi-

debitorem utamur, an contra tertium. Illo in casu I) sufficit, probare creditorem, debitorem rem oppignoratam possidere, arg. *L. XLI. de pignor. act.* si modo de ipsa oppignoratione ex obligatione vera antecedente constet, cum sufficiat, rem a debitore oppignoratam esse. Sed, si cum tertio rei oppignoratae possessore res sit, actor probare debet legitimam oppignorationem, & praeterea, rem bona fide a debitore fuisse possessam, si tertius a debitore causam habeat. Sin non habeat, dominium debitoris tempore oppignorationis probare debet *L. XVIII. de pignor. & hypoth. L. IX. §. IV. D. de Public. in rem act.* BÖHMER. *de action. Sect. II. cap. III. §. XCIX.* Imo, si lis sit cum tertio possessore, qui & ipse rem pignoris titulo possidet, tempus hypothecae constitutae exprimendum est, ut constet, quis prior tempore fuerit. Porro II) in illo casu petitum alternative formari potest, ut vel debitum solvat, vel pignus tradat, quod contra tertium possessorem non procedit. Nam obligatio, ut debitum solvatur, haeret in persona debitoris, non tertii possessoris, qui cum creditore non contraxit. Quamvis igiturolvere possit, si velit, quo possessionem rei sibi conservet, solutio tamen haec solum in arbitrio possessoris est, non in actione creditoris *L. XVI. §. III. de pignor. & hypoth.* BACCHOV. *de pignor. Lib. III. cap. XII. n. 8.* Solent tamen ex aequitate ejusmodi libellum alternativum sustinere Doctores, vid. BÖHMER. *Diff. de libell. alternat. cap. III. §. VI.* Id, quod expressa lege in Saxonia Electorali iudiciis

cibus injunctum est. vid. ORDIN. PROC. RECOGN. Tit. V. §. II. Imo nec refragari videtur ipsum jus Civile & Canonicum Conf. L. II. C. Si unus ex plur. hered. c. V. §. de Pignor. III) Nonnunquam tertius possessor urgere potest exceptionem excussionis, de quo mox videbimus. Plures differentias vide in BÖHMERI Jur. Digest. tit. de pignor. & hypoth. §. X. sqq.

### Aphor. XX.

ET EXCVSSI) Imo in alio sensu debitor quoque, a creditore actione reali hypothecaria conventus, exceptione excussionis utitur, si specialem hypothecam creditori constituerit, addita generali, & creditor jam, prætermissa speciali, aliam rem ex bonis debitoris persequitur L. II. C. qui potior. in pignor. MEVIUS P. IV. Decis. XLVIII. PISTORIS P. III. qu. XIII. n. 8. Ea enim præprimis inter generalem & specialem hypothecam intercedit differentia, quod ibi creditor eligere possit, ex qua re commodius suum consequatur, salva etiam variatione MEVIUS P. VII. Decis. CCLXXXIII. hic vero electio & variatio cesset. Si vero utraque species jungatur, nisi inter partes de clausula, salvo jure variandi, conveniat, id actum videtur, ut specialis hypotheca principaliter obligata, generalis vero in subsidium addita sit BRUNNEMANN, ad d. L. II. C. qui potior. in pign. Quod quidem ab aliis, sigillatim a CARPZOVIO P. II. Constit. XXIII. def. XIX. n. 13. sq. & a BERGERO in Elect. Disceptat. Forens. p. 1630. negari, eosque defendere, video, allegatam legem  
tertio



tertio solum possessori, qui de rebus debitoris, generali hypotheca subjectis, quædam tenet, prospicere, non debitori. Verum ubique certe par adest ratio, nec genuina disparitas allegari potest. Creditor ergo sibi recte contra debitorem prospicit, quando eum renunciare exceptioni excutiendæ prius hypothecæ specialis curat. Creditor tamen, qui jam hypothecam generalem tacitam ex lege habet constitutam, si præterea de speciali hypotheca acquirenda sollicitus fuit, ad hanc prius excutiendam obligatus non videtur, cum probabile non sit, eum hoc ipso conditionem suam deteriore facere, & arbitrio eligendi ex rebus, in genere obligatis, unde suum consequatur, quod jus ipsi expresse concedit *L. VIII. D. de distract. pignor.* renunciare voluisse, vid. *LEYSER. Spec. CCXXV. med. VII.*

IN SPECIALI HYPOTHECA PROCEDERE)  
Qua de re inter Doctores tamen non convenit, quamvis plurimi sint, qui cum Auctore faciunt, add. *WERNHERVM P. I. Obs. CXXX. P. V. Obs. XXXVI.* Et quod mirum est, utraque pars opinionem suam auctoritate *NOVELL. CXII. cap. I.* corroborare studet. Omnis controversia igitur de sensu hujus legis agitur. Sed vereor, ne causam perdant, qui excussionis exceptionem possessori hypothecæ specialis concedunt. Nam, si quid video, Novella regulam proponit: de re litigiosa neminem cum tertio possessore agere posse, nondum excusso debitore principali. Deinde vero limitationem addit, nisi specialis rei istius hy-  
po-



potheca accesserit. Sic vero rem litigiosam ab hypotheca speciali in re litigiosa clare distinguit. add. HAHN. *ad Wesenbec. tit. de distract. pignor.* §. I. BERGER. *Elect. Discept. Forens. p. 1479.* HYBER. *Praelect. ad Dig. tit. de pignor. & hypoth.* §. IX. THOMASIVM *ad STRAVCH. Diff. XXII. thes. III.*

NOTORIE NON SIT SOLVENDO) Id quod sine dubio existit tunc, quando concursus creditorum contra debitorem excitatus est. Quia, etiamsi, moto concursu, incertum sit, annon creditori inde satisfieri possit, certum tamen omnino est, debitorem solvendo esse desiisse MEVIVS *P. V. Decis. CXCVII.* vid. BERGER. *P. I. Supplement. ad Elect. Disc. Forens. p. 653.*

COMPARAVERIT) Nec præter scientiam hic amplius quid requiritur. Ex ea enim dolus resultat & consequitur. Leges vero generatim concedunt, ut contra tertium doli participem actio revocatoria institui possit ab eo, qui jus etiam personale tantum ex pacto quæsitum rei istius intuitu habebat *I. I. D. & C. de his, quæ in fraud. credit.*

CONSTITVTVM POSSESSORIVM) Id enim eum effectum habet, ut veram possessionem in creditorem transferat, & debitor tanquam nomine creditoris rem pignori obnoxiam possideat. Quapropter creditori remedia possessoria non sunt deneganda MEVIVS *P. V. Decis. CLIX. sq.* nec locum sibi vindicare potest exceptio excussionis GAIL. *Lib. II. Obs. VII.*

SIT APPPOSITVM) Operatur enim hoc pactum,

ctum, ut alienatio, contra illud suscepta, nulla sit, nec effectum transmittendi dominii habeat, cum res in tertium transeat cum sua causa add. *L. V. C. si mancip. ita fuer. alienat. L. fin. C. de reb. alien. non alienand.* add. STRYCK. *Cautel. Contract. Sect. II. cap. IX. §. XVI.* Interim consultum est, ut expresse adjiciatur lex commissoria, scilicet contractum ipso jure debere esse nullum, si contra pactum res distracta fuerit IDEM *d. tr. Sect. I. cap. III. §. XXXIII.*

## Aphor. XXI.

AVCTORITATE JUDICIS OPVS EST) Generatim quidem privata bonorum debitoris occupatio crediti amissione punitur. *L. XIII. D. quod met. caus. L. VII. C. unde vi.* Sed cessat hæc poena, si debitor pacto ingrediendi facultatem concedat *L. III. D. de pign.* cum volenti non fiat injuria. Verum tamen, quia pactum hoc veram possessionem in creditorem non transfert, nisi auctoritas magistratus accesserit, utile omnino est, ut creditor a debitore declarationem addi curet, quod possessionis occupationem, privata auctoritate factam, legitimam agnoscere velit. Ut autem creditor, resistente debitore, fundum tamen ingrediendi jus acquirat, nullo pacto effici potest, cum id ipsa bonis moribus, & quieti publicæ adversum sit BRUNNEMANN. *ad d. L. III. C. de pignorib. CARPZOV. Lib. I. Resp. V. n. 17.* Recte igitur vi dejectus contra dejicientem utitur actione spoli, ad eum effectum, ut, rejecta in petitorium quæstione de jure dejicientis, in pristinam possessionem

sionem restituatur, ut sæpius responderunt Scabini Jenenses. Id tamen negare nolo, posse judicem imploratum ob tale pactum celeriter procedere, atque debitorem, reservatis ejus exceptionibus ad reconventionem, expellere *COLER. de process. Execut. P. II. cap. V. n. 54.*

### Aphor. XXIV.

**JVS DISTRAHENDI** ) Si nempe debitor in mora solvendi vel per diem, solutioni destinatum, vel prævia interpellatione, si tempus solutioni dictum non est, constitutus sit *L. VII. L. XIV. C. de distract. pignor.* Erat autem in creditoris arbitrio olim positum, utrum extrajudicialiter pignus distrahere vellet, an judicialiter contra debitorem experiri. Hic nullis ambagibus opus, sed, si debitor, de solutione peragenda admonitus, adhuc moram neceret, ad venditionem publicam iudex progrediebatur. Ibi intererat, utrum pactum debitorem inter & creditorem intercessisset de pignore vendendo, an conventum esset, ne venderetur, an denique plane nihil de distractione dixissent. Isto in casu creditor, elapso spatio, solutioni destinato, confestim pignus distrahendi habebat facultatem *§. I. J. quib. alien. lic.* Illo in casu trina denunciatione de instanti venditione, per congrua intervalla debitori facienda, opus erat *L. IV. D. de pign. action.* Hoc denique in casu una sufficiebat denuntiatio, ut deinde post lapsum biennii venditio fieri posset. *L. fin. §. I. C. de jur. dom. impetrand.* Ceterum creditor vendens instar procuratoris erat, qui, ut nomine debitoris vende-

venderet, ex ipsa lege mandatum habebat. Quare I) bona fide in vendendo agere debebat, nec fraudem adhibere, alias tenebatur ad interesse *L. IV. & VII. C. de distract. pignor.* II) hyperocham, id est, id, quod post venditionem fundi in ejus pretio, deducta sorte, cum usuris & expensis, reliquum erat, restituere debebat. *L. XXIV. §. I. de pignor. act.* Et si dolose rem minoris venderet, actio pignoratitia locum habebat. *L. IV. C. si vend. pign. agat.* III) ad evictionem præstandam non erat obligatus *L. X. & XII. §. I. D. de distract. pign.* Sed mores nostri privatam pignoris venditionem vix tolerant, cum utriusque interfit, ut publica fiat auctoritate, ne vel debitor vel creditor pretio, justo minore, pro re soluto, damnum incurrat. Quare judicem adire solemus, ut debitori spatium legale, intra quod solutionem peragere commode possit, præstituat, accedente vero mora, debitorem ad videndum distrahi pignus, ceter, & postea, nisi debitor obligationi ex assse satisfaciat, pignus, prævia auctione vel subhastatione, plus licitanti adjudicet.

### Aphor. V.

REMITTENTIS PIGNUS) Fit hoc vel expresse vel tacite. Tacite creditor pignus remittit, quotiescunque tale ejus factum adest, quod directo facit ad conjecturam, pro facta remissione capiendam. Nam quousque adhuc capi potest interpretatio, quæ creditoris juri non nocet, ea semper est præferenda, maxime, cum renunciatio juris non facile præsumatur. Quamvis igitur ta-

Na

cite



cite remitti jus pignoris, dicunt, si creditor pignus reddat, *L. III. D. de pact. L. VII. C. de remiss. pignor.* si porro in alienationem pignoris consentiat *L. I. sqq. C. Eod.* si denique in oppignorationem consentiat *L. XII. pr. D. quib. mod. pign. vel hypothec. solvit.* ubique tamen non ad factum solum ipsum, sed ad intentionem magis, quam creditor præsumptive habuit, respiciendum est. Nam v. c. Qui pignus solum reddit ad certum usum, qui, retento pignore, instrumentum, super contractu pignoris confectum, reddit, jus pignoris neutiquam remittit. Sic porro creditori non nocet sola scientia, pignus a debitore vendi, *L. VIII. §. XV. Si pign. vel hypoth. solv.* nisi programma publicum præcesserit *L. VI. & VIII. C. de remiss. pignor.* Non nocet consensus, cum reservatione juris datus, *L. IV. §. I. quib. mod. pign. vel hypoth. solvit.* quod vel in ipso pretio, ex re oppignorata redacto, conservari potest. Non nocet etiam consensus, si alienatio non subsequatur *L. VIII. §. XII. Eod.* Imo expressus & purus consensus interveniens, si ipsa alienatio sit temporalis, & res, ex pacto, venditioni adjecto, ad debitorem revertatur, non facit cessare jus pignoris in perpetuum, sed idem illud jus iterum reviviscit, si res ad pristinum dominum fuerit reversa *L. XI. C. de remiss. pignor.* Sic denique consensus in oppignorationem ulteriorem, nisi aliud expresse actum, ita accipiendus est, ut creditori ipsum jus pignoris salvum maneat, & ratione temporis solum ille, in cujus gratiam consensit prior creditor, præferatur.

R▲-



RATIONE OBLIGATIONIS PRINCIPALIS ) Solvitur etiam præter casum ab Auctore allegatum I) Tempore, si tanquam terminus ad quem adjectum *L. VI. pr. D. quib. mod. pign. vel hypothec.* siue publicum, siue privatum pignus sit. Quod eatenus verum est, ut ne opus quidem sit clausula cassatoria, quam alias desiderat FINCKELTHAVS in *Append. observ. posthum. Obs. VII.* Nam huic opinioni obstat lex allegata, cui junge *L. IV. pr. de Servit. add. CARPZOV. P. II. Const. XXIII. def. XXXIV. BERLICH. P. I. Concl. LXVI.* Quapropter creditor id agat, ut vel debitorem post temporis lapsum statim interpellet judicialiter, vel ante lapsum renovationem consensus a iudice impetret LEYSER. *Spec. CCXXXIV. med. II.* II) Resoluto jure dantis, siue extincto jure debitoris ipsius, quod in re oppignorata habuit, modo tamen 1) ipso jure & per se resolvatur dominium debitoris, 2) non ex accidenti, 3) præter voluntatem debitoris *L. III. in fin. D. quib. mod. pign. vel hypothec. solvit. add. L. XLIII. § VIII. de edilit. edict.* & ea, quæ de hoc argumento late differit VINNIVS *Lib. II. Select. jur. quest. cap. V.*

PRAESCRIBI POSSIT ) Quæ sententia per se certa, & in *L. XIII. D. de usurpat. & usucap.* fundata est add. MYNSINGER. *Cent. I. Observ. XVI. CUIACIUM ad L. XVI. D. de usurpat.* Sed, rationes opinionis, quas afferre solent, rem vix conficiunt, ut solide & erudite demonstrat LEYSER. *Spec. XLV. med. IX.* Vera & unica

causa extat in *L. II. C. de praescript. XXX. annor.* quia scilicet nemo sibi ipsi titulum possessionis mutare, & rem, quam pignoris titulo tenet, ex alio titulo sibi habere potest. Præterea quoque lucem huic argumento foenerantur *L. XXXIII. §. I. L. XLIV. §. V. D. de usurpat. & usucap. L. III. §. XIX. L. XIX. §. I. D. de acquir. vel amitt. poss.* *L. II. §. I. pro hered.* Recte igitur Praxis hanc veritatem servat, quod actioni pignoratitiae ante solutionem debiti nunquam præscribatur, quicquid dissentiant *BRUNNEMANN. ad L. IX. de pignor. action. LYNCKER. in Analect. ad tit. D. quib. mod. pign. vel hypoth. solvit. §. XLIX. & VINNIVS Lib. II. Select. qu. jur. cap. VI.*

### Tit. XXXVI.

### De Jure possessionis.

#### Aphor. I. II. & III.

**P**ossessio sumitur vel in sensu Grammatico vel in sensu Juridico. Ibi consistit in nuda detentione corporali rei cujusdam, *L. I. D. de acquir. possess.* vocaturque nuda possessio, & eo respectu naturalis quoque ac in nudo facto consistere dicitur, *L. VII. §. XI. Commun. divid. L. XXXVIII. §. VII. de Verbor. obligat.* Talem habent depositarius, commodatarius, omnesque illi, qui alieno nomine possident. Hi tamen in sensu juris possessionem sibi adscribere nequeunt, nec ullos hæc ipsa possessio producit peculiares effectus. Quid, quod ne ad eum quidem effectum ille, qui rem solum detinet, pro possessore habeatur,

tur, ut actiones reales contra eum locum habeant, sed recte utitur exceptione laudationis, sive nominationis *L. II. C. ubi in rem.* sola fere actione ad exhibendum excepta, cum ejus intuitu lex simpliciter possessori imponat obligationem ad exhibendum *L. III. fin. D. ad exhibend.* Ex quibus facile patet, possessionem hanc naturalem, quæ facti solum est, inter jura in re referri non posse. Ast in sensu juridico possessio consistit in detentione rei, cum animo rem sibi habendi, & sigillatim civilis vocatur. Et de hac, quin sit species juris in re, dubitare non possumus. Quamvis enim alii hoc negent, commoti ea ratione, quod jura quis possit habere absque possessione *L. XII. §. I. de acquir. vel amitt. possess.* quodque alios effectus operetur proprietas, alios possessio; certissimum tamen est, eum, qui possessionem civilem semel acquisivit, nemini cedere debere, quousque pinguius jus, quod possessionis jus vincit, non demonstravit. Eoque nomine & remediis possessorii contra quemvis turbantem utitur. Cæterum ipsa possessio civilis & juridica, licet effectus ejus semper sit unus idemque, denuo tamen duplici iterum in sensu accipi, eique ideo diverso significatu naturalis possessio contradistingui solet. Nam qui animo, rem sibi habendi, eidem insistit, ille vel corpore & animo simul insistit, isque naturaliter possidere dicitur, dum possessio civilis cum naturali facto conjuncta est, vel animo tantum, eaque civilis vocatur *L. I. §. XXIV. de vi & vi armat. L. I. §. III. & XIII. D. & L. X. C. de acquir.*

*vel amittend. possess.* Porro possessor vel ita rei insistit, ut, tanquam dominus, quemvis alium excludat, quæ possessio denuo civilis appellatur *L. XXII. §. I. de noxal. act. L. XXVII. D. de usur.* vel rem solum ob aliud jus in re competens tenet, v. c. usufructuarius, creditor pignoratitius, isque naturaliter iterum possidet *L. XII. pr. L. XLIX. de acquir. vel amitt. poss. L. XXXVII. de acquir. rer. domin.* Ipsos vero hos significatus varios merito sectis antiquorum Jurisconsultorum adscribit MERILLIUS *Lib. II. Observ. cap. XXXI.*

#### Aphor. IV.

PERSONAS QUOD SPECTAT) Nempe, cum generatim possessio in sensu juridico non sit absque animo rem sibi possidendi, facile patet, neminem possessionem acquirere posse, nisi, qui animum possidendi habere potest. Furiosus igitur & infans possessionem non acquirit. Imo furiosus neque per se, neque per alium, olim possessionem acquirere poterat, cum vix admitterent Romani, ut alter per alterum acquireret. Sed, sublato hoc principio, nil obstat, ne per alium vel per curatorem acquirat, quod generale est in omnibus iis, qui per se possessionis non sunt capaces. *L. I. §. III. L. XXXII. §. II. de acquir. vel amitt. possess.* De infante quoque extat peculiaris *L. III. C. Eod.* ex qua apparet, quod infans res donatas acquirere possit, quamvis eam plerumque de acquisitione rerum mobilium explicare soleant. STRYCK. *Cautel. Contr. Sect. I. cap. II. §. VI.*

Aph.



## Aphor. V.

ACQVIRITVR POSSESSIO ) Acquiritur nempe corpore & animo simul *L. III. §. I. L. VIII. D. de acquir. vel amitt. possess.* Neque enim detentio sola jus possessionis operatur, neque animus rem sibi habendi absque apprehensione possessionem facit. Sic vero duo requiruntur I) factum apprehensionis, II) animus rem sibi possidendi. add. *L. XLI. de acquir. vel amitt. possess.* Indeque fluit, quod ne quidem solo animo absque facto interveniente quis causam possessionis sibi mutare possit v. c. si quis, qui nomine alieno hucusque possedit, jam suo nomine possidere velit. *L. II. C. de prescript. XXX. annor.* Quodsi vero tale factum accedat, ex quo constat, possessorem vel le causam possessionis suæ mutare, alterque acquiescat, & lapsus simul temporis accedat, id omnino efficit, ut possessionem ex nova causa acquiramus. Cæterum animus ex facto colligitur, modo tamen id ipsum ad apprehendendam possessionem directo tendat. Factum enim ambiguum, quodque aliam interpretationem admittit, non sufficit. *L. I. §. II. de peric. & commod. rei vend.* Præterea, ex apprehensione partis, possessionem totius fundi apprehensam esse, præsumitur *L. III. §. I. D. de acquir. vel amitt. possess.* modo tamen iterum pars non apprehensa vacans sit, eique nemo jam insistat, *L. XVIII. §. III. & IV. L. LII. §. I. D. Eod.* Nam apprehensio possessionis nil operatur, nisi possessio vacua sit, cum, si alius jam rei insistat, ex parte apprehendentis desit primarium possessionis



acquirendæ requisitum, facultas scilicet rem retinendi, eique insistendi. Indeque recte concludit LEYSER. *Spec. CCCCLII. med. IV.* cum, qui se in compossessionem mittit, vim facere. Verum & hoc inde generatim apparet, actum possessorium, qui, licet unicus sit, alias possessionem tribuit *L.I. §. IV. de aqu. quotid.* tum tamen effectum nullum producere, quando contradictus est. Quo etiam fit, ut actus, qui liti causam dedit, possessionem neutiquam tribuat MEY. *P. II. Decis. CLXXXVIII. P. III. Decis. XCI.* STRYCK. *de investigand. action. Sect. II. membr. II. §. VIII.* modo ad istum actum adversarii factum non simul concurrat. MEYIVS *P. VIII. Decis. LXIII.* Exemplum vid. apud WERNHERVM *P. II. Obs. CCCC.* Quæ cum ita sint, facile patet, non satis consulere Advocatos clientibus suis, qui de probanda possessione solliciti generatim possessionis mentionem faciunt, actuumque specialium enumerationem negligunt. Sigillatim, negligentes ea in re fuisse causarum patronos, animadverti, ubi de possessione vel quasi juris prohibendi, & exclusionis alterius ab usu alicujus juris, lis agitur. Credunt enim, id sufficere, quando articulos simpliciter ad exercitium juris dirigunt, cum tamen sigillatim probare debeant actus prohibitivos, cum alterius acquiescentia conjunctos, add. WERNHER. *P. I. Obs. LXXXVII.*

### Aphor. VI.

CONSERVATUR ) Facilius nempe retinetur  
possessio, quam acquiritur. Retinetur enim solo  
ani-

animo, etsi alter rem alterius nomine detineat *L. XLIV. sqq. de acquir. vel amitt. possess.* Imo cum possessio non nisi animo & corpore simul amittatur, nec nocet possessori furor superveniens *L. XXVII. D. Eod. L. IV. §. III. D. de usucap.* Quod vero diximus, animo conservari possessionem, id ita intelligendum est, si quis corpore ad possessionem reverti possit. Qui enim, dum alter possidet corpore, vim majorem veretur, & ideo reverti novult, retinere possessionem animo nequit, cum jam desit animus possidendi, absque quo possessio non continuatur, eoque in sensu coacta voluntas etiam voluntas est *L. VII. L. XXV. §. II. in fin. de acquir. vel amitt. possess.* Sic quoque, qui revertitur ad possessionem, nec tamen admittitur, possessor esse desinit *L. VI. §. I. D. Eod.* Idem dicendum est, si quis furto rem amittat *L. XV. Eod.*

### Aphor. VII.

(CONSISTIT IN GENERE) In specie autem possessio presumptionem operatur pro possidente, quod juste possideat, quousque contrarium non est probatum *L. II. C. de probat.* & sic I) ubi de dominio incidenter quaestio est, id ipsum ex possessione iusta recte probatur; II) in pari causa semper melior ratio est possidentis *L. X. de pignor. L. VIII. de condict. ob turpem caus. L. LXXII. de Rei Vindic. L. XXXI. §. fin. de action. emti.* II) in dubio pro possessore est pronunciandum. *L. CXXV. & CXXVIII. de Reg. Jur.* Sigillatim, quando petitorium iudicium tumultuarie motum est, reus,

qui possessionem probavit, in possessione recte defenditur, reservata actori facultate, petitorium rectius instituendi BERGER. *Elect. Proc. Possess.* §. XLII. WERNHER. *P. VI. Obs.* CCLXXVIII. Imo, generatim, cumulato cum possessorio judicio petitorio, si probationes proprietatis liquidæ haut sint, iudex super solo possessorio cognoscere potest CARPZOV. *Lib. I. Resp.* LXXI. BERGER. *d. l.* III) non tenetur possessor, ut titulum possessionis suæ edat *L. XI. C. de petit. hered. L. XXVIII. C. de Rei Vindic.* modo tamen possessor non exercere velit jus, cuius privatus per se & citra concessionem Principis non est capax, vel etiam actor & petitor jus suum non satis probavit MEVIVS *P. VI. Decis.* CLI. *P. VIII. Decis.* CCXLVIII. Nam in *L. XVI. C. de probat.* clare statutum est, ut tum possessor titulum edat. add. STRYCK. *Diff. de necessit. edendi titul. sue possessionis.* Frustra enim de possessorio quæritur, ubi de petitorio constat, cum id ipsum possessorium absorbeat *c. VI. de caus. possess. & propriet.* MENOCH. *de recuper. possess. remed.* XV. n. 367. Porro hoc jus possessoris est, quod fructus, si modo in bona fide fuerit, suos faciat, liberatur etiam possessor a cautionis judicialis præstatione. Quæ jam alibi indicavimus, & infra ulterius explicabimus.

ET PRECARIO POSSIDEAT) Quod Juri Romano omnino convenit, quo ad eum effectum, ut quis in possessione contra eum, qui non possidebat, tueretur a Præatore, requirebatur, possessionem vitiosam non esse *L. I. §. V. D. Uti possidet.* Quod-

Quodsi igitur altera pars probaret, possessorem vi, clam, vel precario possidere, ipsa possessio non proderat. Verum hodie multum interest, utrum quis utatur pro retinenda possessione judicio possessorio momentaneo, an possessorio judicio ordinario. Quamvis enim in utroque de sola possessione sermo sit, utrumque etiam se eo nomine a petitorio distinguat, in quo de ipso jure in re v. c. dominio agitur, ad victoriam tamen, in possessorio summarissimo sive momentaneo obtinendam, sufficit, ut actor demonstret, se possessorem esse, quia simplex factum possessionis respicit, cum e contrario in possessorio ordinario præterea requiratur, ut quis legitime possideat, & ex justo titulo. Hoc itaque exceptiones de vitiosa possessione admittit, quæ in illo plane cessant. Judex enim, dum hic solum factum spectat, insuper omnino habet, quo modo, bona an mala fide, quis possideat, & ipsam controversiam de ista qualitate in possessorium ordinarium rejicit, ne interim, dum de his qualitatibus disputatur, partes præsentaneæ possessionis obtentu ad arma veniant. PFANKUCH. *de possessor. summar. Lib. I. cap. VI. n. II.* BERGER. *Elect. Proc. Possess. tb. XXII.* WERNHER. *P. II. Obs. CCCCXXXIV.*

IN CONTINENTI) Quod tamen cum aliqua latitudine admittendum. Nam & is, qui, dum majorem vim adhibenti resistere nequit, atque ideo dejicitur, statim id agit, ut homines sibi adjungat, eorumque auxilio stipatus, post temporis aliquod inter-



tervallum redit, & vim adhibet, ut iterum dejiciat alterum, in continenti dejicere videtur.

### Aphor. IX.

**PER REMEDIA CONVENIENTIA** ) Nempe per remedia manutenentiæ, sive interdicta retinendæ possessionis, quæ hunc producant effectum, ut judex, modo ipsi de possessione fides fiat, possessorem contra turbantem defendere debeat. Caveat tamen possessor, ne causam proprietatis admisceat possessorio. Quamvis enim alias ex cumulatione petitorii & possessorii ista utilitas redundet, ut judex de alterutro pronunciare possit, hæc tamen cumulatio in interdictis solum, quæ ad adipiscendam vel recuperandam possessionem tendunt, non in interdictis retinendæ possessionis, locum sibi vindicare potest, siquidem illa etiam dantur iis, qui corpore non possident, & sic certo modo cum judiciis realibus coincidunt, hæc vero præsupponunt, ut quis actu possideat corpore. **BÖHMER. de actionib. Sect. III. §. IV. & V.** Quamvis, ut verum fateamur, ista possessorii & petitorii remedia cumulatio cum juris Civilis dispositione aperte pugnet *L. III. C. de interdict.* *L. III. C. de Rei Vindic.* magisque erroneis Juris Canonici principiis originem debeat, vid. **BÖHMER. Jur. Eccl. Protestant. Lib. II. Tit. XII. §. II. sqq.**

### Aphor. X.

**AMITTITUR POSSESSIO** ) Nempe amittitur animo iterum & corpore simul *L. VIII. D. de acquir.*



*acquir. vel amitt. possess.* Ita tamen in regula solum. Nam dantur casus, ubi solo animo, dantur etiam, ubi solo corpore possessio amittitur. Id fit, quando quis rem, quam hucusque suo nomine possedit, nunc ex pacto antecedente alieno nomine possidere incipit *L. III. §. VI. Eod.* quod sigillatim contingit ob constitutum possessorium. Hoc fit, quando quis invitus possessionem amittit. Dum enim derelinquere cogitur possessionem, intentio possidendi, quippe quæ in actum deduci nequit, inanis est. Sic possessionem rei, furto surreptæ, vel vi ablatae, amittimus *L. XV. D. Eod.* Eodem modo possessio nostra definit, si quis iudicis auctoritate in bona nostra missus est *L. XXX. §. II. Eod.* Pari ratione possessio nostra intervertitur, si depositarius, commodatarius furti faciendo causa rem nostram contrectet *L. III. §. XVIII. Eod.*

### Tit. XXXVII.

#### De interdictis, seu remediis possessoriiis.

#### Ad Rubricam.

**I**Nterdicta ab interdicens nomen habent. Praetor enim in causis, in quibus de possessione lis erat inter partes, cum illæ ipsæ sæpius ambages vix admitterent, summam cognoscebat, atque mox solenni formula interdicebat, hoc est, jubebat aliquid fieri, vel prohibebat. Dicta etiam ideo sunt remedia possessoria, cum ut  
pluri-

plurimum de possessione lis esset, quamvis etiam dentur interdicta, quæ ad causam proprietatis pertinent, eamque finiunt. Ipsa vero ratio, quod celeriter hic Prætor procederet, præter eam, quam allegavimus, & hæc erat, quia condemnato in causa principali nullum inferebatur præjudicium, sed salva semper de dominio & jure disputandi manebat facultas. Et licet postea sub Imperatoribus interdictorum formulæ sint sublatae *tot. tit. C. de formul.* id tamen ex ratione eorum peculiari remansit, quod ad exemplum eorum res agi deberet *L. III. C. de interdict.* id est, quod celerrime adhuc res expediretur, &, omisissis processus ordinarii solennitatibus, extra ordinem causa cognosceretur, *L. fin. C. Eod.* quo nomine etiam interdicta extraordinariis cognitionibus annumerantur. Neutiquam vero Jure Civili, quod jam dixi, proprietatis causa admisceri poterat possessorio. Sed hoc statutum erat, ut de causa possessorii ante petitorium fieret judicium, possessorium autem petitorio non præjudicaret. *L. XIV. §. fin. de except. rei judic.* Præterea & illi, qui causam proprietatis prius in judicium deduxerat, concedebatur facultas, illam iterum repudiandi, &, refussis expensis, ad possessorium confugiendi *L. XVIII. §. I. de vi armata.* Sed multa hic jus Canonicum contra juris Civilis rationem invexit, sigillatimque permisit, ut possit causa proprietatis cum causa possessionis cumulari *cap. V. x. de caus. propriet. & possess.* ut judex de alterutra possit pronunciare *c. II. sqq. Eod.* ut judici, etiam possessorio solum insti-

instituto, liceat de petitorio cognoscere, si de eo  
clare constet *cap. VI. Eod.*

**Aphor. I.**

**ET ORDINARIUM SEV PLENUM**) Differen-  
tiam præcipuam ratione medii concludendi jam su-  
pra indicavi. Id solum addam, optimam cautelam  
esse, ut, qui de possessione, maxime retinenda, agit,  
omni modo abtineat ab allegatione qualitatis pos-  
sessionis, & se unice in facto possessionis fundet, ne  
vel contra eum fiat præsumptio, quod possessorium  
ordinarium magis & petitorium elegerit, vel pars ad-  
versa occasionem arripiat, disceptationem de pro-  
prietate instituendi, judicemque inducat, ut super  
petitorio potius, quam possessorio cognoscat, eo ipso  
vero actor privilegium causæ possessoriae amittat.  
Et si ex re sua actor forsan putet, judici ex-  
ponendas esse possessionis qualitates, dum tamen  
jura petitorii allegat, protestetur simul, id fieri tan-  
tum pro coloranda possessione, non animo sese in  
petitorium intromittendi **CARPZOV. P. I. Const.**  
**XXVI. def. VII. n. 9.** Utut enim **WERNHERVS**  
**P. IV. Obs. LXXIX.** opinetur, allegationem ju-  
rium non in præjudicium actoris interpretandam,  
sed ex indole processus instituti eidem actori suc-  
currendum esse, ne privilegio causæ excidat, quod  
æquum omnino videtur, vix tamen hæc opinio  
omnium calculo approbatur, & sic consultius o-  
mnino est, ut vel abtineamus ab allegatione juri-  
um, vel minimum protestemur, ne noceat add.  
**LYDOVICI Einleit. zum Civil. Proc. cap. IX.**  
**S. XXIV cap. II. S. XIV.**

**CE-**

CELERITER AC SUMMARIE PROCEDITUR) Sigillatim de jure Romano I) admittuntur probationes leviores, seu demonstrationes nudæ, ita quidem comparatæ, ut judici fides fiat de facto possessionis II) exceptiones altioris indaginis, quæ non in continenti liquidæ fieri possunt, cessant, & ad proprietatis quæstionem rejiciuntur *L. ult. C. quor. bonor.* III) appellationes & remedia suspensiva contra sententiam, quæ alterum in possessione tueretur, locum sibi non vindicant. *L. VI. C. quor. appell. non recip. L. un. C. si de moment. poss. fuer. appell. L. VII. pr. D. de appellat. recip. vel non.* Verum tamen & hic de novo jus Canonicum quædam mutavit, & certo modo remedia suspensiva toleravit, quo de argumento infra, ubi de processu sermo est, plura dicemus. Conf. interim STRYCK. *de action. investig. Sect. II. membr. III. §. IX. & in Diss. de appellat. non suspens. cap. III. §. XX. sqq.* BERGER. *in Elect. Process. Possessorii.*

ORDINARIUM SEU PLENUM EST) Ut huic argumento faciamus satis, inquirendum adhuc est, quænam interdicta possessorii summarii, quænam ordinarii sint objectum. Plerique de omni possessione, sive adipiscenda, sive retinenda, sive recuperanda, in possessorio summario agi posse, contendunt. Alii, de adipiscenda possessione in ordinario agendum esse, putant. Alii omnia interdicta objectum ordinarii dicunt, solo interdicto retinendæ possessionis excepto, inter quos eminent BERGER. *in Elect. Proc. Possess. §. IV.* LYDOVICI *in*  
Dec



*der Einl. zum Civil-Proc. cap. II. §. XX. sqq.*  
Idque omnino verum esse, probat LEYSER. *Spec. CCCXCIX. med. I. sqq.*

VBI SCILICET OPVS LIBELLO ) Invaluit  
igitur in Praxi, ut possessorium ordinarium, simul-  
lac super possessione præsentanea iudex cognovit,  
instituat, & novus processus inchoetur, a capite  
ad calcem usque ad regulas artis accommodandus.  
Quod tamen analogiæ juris Romani non conve-  
nit. In iudicio enim summarissimo lis de pos-  
sessione non finitur, sed suspenditur solum, & præ-  
paratur per sententiam provisionalem & interlocu-  
toriam, quo melius constet, quisnam actoris  
partes in quæstione super possessione sustinere de-  
beat, quis rei. Hac vero ratione non opus esset,  
ut ad novum processum confugeremus, sed recte  
ageret ille, cui possessorium ordinarium reserva-  
tum est, si se statim ad probationem melioris pos-  
sessionis accingeret, BÖHMER. *de actionib. Sect.*  
*II. cap. IV. §. XV. & XVI.*

### Aphor. II.

MANDATA VEL CVM VEL SINE CLAUSV-  
LA ) Sunt hæc, quibus absolute aliquid sub poe-  
na injungitur, ea efficacia, ut admonitus vel pare-  
re & paritionem docere, vel videre debeat, se in  
poenam, mandato insertam, declarari. STRYCK.  
*Introd. ad Proc. cap. III. §. XIII.* Tam arcte  
vero ligant, ut vix aliam exceptionem, quam sub  
& obreptionis, admittant. FRIDERVS *de man-*  
*dat. Lib. II. cap. XV. §. II.* Cumque speciem  
executionis habeant, & contra non auditum in li-

Oo

mine



mine statim processus decernantur, facile patet, judicem ab iis, si causa justa desit, abstinere debere. Quare nec locus ipsis est, nisi in quatuor casibus, quos enumerat ORDIN. CAMER. P. II. Tit. XXIII. scilicet I) si quis directo contra legem prohibitivam peccet. II) Si damnum irreparabile immineat, III) si causa in perniciem Reipublicæ tendat. IV) Si causa moram non patiatur. Sed mandata cum clausula poenalia quidem sunt, potestatem vero relinquunt reo, ut in termino præfixo justas causas, cur parere non potuerit, alleget. Quas, si habeat, prævia cassatione mandati poenalis, id ipsum vim simplicis solum citationis retinet. Atque hæc mandata, cum damnum re ipsa non afferant reo, non facile sunt deneganda ORDIN. CAMERAL. d. l. add. TEXTOR. ad Rec. Imper. de anno 1654. Disp. VII. tb. XXI.

INHIBITIONES ) Sunt inhibitiones præcepta poenalia, plerumque prævio simplici monitorio, ut turbator sponte desistat, in contumaciam legitime decreta, quibus turbatio interdicitur, & turbatori restitutio rerum ablatarum, damni dati reparatio, expensarum exsolutio, & cautionis de non turbando præstatio injungitur, addito jussu, ut compareat, & paritionem doceat. Non multum itaque a mandatis sine clausula differunt, nisi quod monitorium eas præcedat plerumque, quando periculum non est in mora, vel de turbatione non liquido constet. Imo nec ad eas progreditur judex, nisi quis alterum in exercitio juris ex re judicata vel transactione quæsitum turbet, turbationi vim

vim admisceat, vi dejiciat, & actor prius factum turbativum demonstret. Conf. CARPZOV. *de Institutionibus*. KRAVSI Tr. *Synoptic. Proc. Saxon. Lib. II. cap. III. Sect. II.*

#### Aphor. IV.

**QVORVM BONORVM**) Quod interdictum cum hereditatis petitione in omnibus coincidit, solo modo procedendi excepto. Nam, ut ex *L. III. C. quor. bonor.* discimus, ratio interdicti in eo consistit, ne, qui ex pluribus, hereditatem captantibus, meliori, liquidiorique jure niti videtur, ab altero, cujus jura dubia adhuc & obscura sunt, & qui tamen possessionem rerum hereditariarum occupat, prior excludatur, ac molestias processus, sumtusque litis ferre obligetur cum dubio litis eventus. Jubeat itaque lex, ut Prætor eum, cujus jus hereditarium liquidum est, cujusque adversarii contradictio in altiori indagine consistit, frustrationibus ejusmodi amputatis, statim in possessionem mittat, & adversario judicium petitorium reservet. Quæ cum ita sint, facile patet, ab hereditatis petitione ad hoc interdictum ubique inferri posse, sigillatim I) jus petitoris ita liquidum debere esse, ut pro præsumtivo herede haberi possit, II) omnibus illis, quibus datur hereditatis petitio, dari quoque hoc interdictum. III) Dari solum contra eos, qui titulo universali possident, IV) dari tamen etiam heredi partiario contra coheredem. Et quamvis BEYER. in *Delineat. tit. D. Quor. bonor.* usum interdicti negare videatur, ob insignem tamen ejus æquitatem & utilitatem id ipsum utique admit-

tendum censeo PHILIPPI *Uf. Pr. Instit. Lib. IV. Ecl. LXXI. n. 14.* HAHN. *ad Wesenb. tit. Quor. bonor. n. 6.*  
Aphor. V.

PERTINET ETIAM HVC REMEDIUM) Duplicem enim hoc remedium habet utilitatem, dum heres partim possessionem rerum hereditariarum nanciscitur, partim onus agendi in adversarium devolvit. : Prospicit sigillatim heredibus, in testamento scriptis. Non tamen ab interdicto quorum bonorum videtur diversum esse, cum Prætor generatim possessionem hereditatis promittat illis, qui fortiores pro se juris hereditarii præsumptionem habent. Ut sic generatim inferri possit, cuicunque præsumptivo successori, sive per legem, sive per testamentum, vel scriptum, vel nuncupativum, in scripturam redactum, aut testium juramento expositum, sive per pactum vocetur. Verbo, ipsa æquitas, in qua remedium hoc & interdictum quorum bonorum nititur, jubet, ut usus illi in qualibet ultima voluntate relinquatur CARPZOV. *Lib. VI. Resp. XX.* WERNHER. *P. VII. obs. CII.* BRUNNEMANN. *ad L. fin. C. de Edict. D. Hadrian.* Cumque moribus nostris successio per pacta recte deferatur, nil obstat, ne ad hanc successionem istud interdictum trahamus. Ut vero felicem sibi actor promittere possit effectum, duo conjunctim requiruntur, I) militare pro eo præsumptionem juris hereditarii II) legitimum contradictorem non adesse. Præsumptio vero illa oritur ex productione ultimæ voluntatis vel pacti, quod nullo visibili vitio laborat, sive quod nullum ex ipsa

ipsa inspectione, lectione & scriptura, apparentem defectum habet. Quodsi igitur tale vitium visibile adsit, quod vel in forma ultimæ voluntatis externa, vel in forma interna occurrit, missio heredis locum non habet, invisibile autem eam non impedit. Conf. *L. II. C. de Edict. Divi Hadrian.* Legitimus contradictor est, qui, se res hereditarias iusto titulo tenere, dicit, Sed cum hodie permittatur, ut, qui omnia libelli capita ex documento probari potest, processu executivo utatur, BERGER. *Elect. Proc. Execut. § IX.* nec desit ratio, cur heredi, qui nititur in testamento non vitioso, processum istum denegemus LUDOVICI EINH. *zum Civil-Proc. cap. III. §. III.* rectius dixeris, legitimum contradictorem eum esse, qui exceptiones intentioni actoris directo contrarias & allegare, & in continenti probare potest, cum processus executivus exceptiones altioris indaginis non admittat. LEYSER. *Spec. D. med. VIII. sqq.*

### Aphor. VI.

SED PROPRIA AVCTORITATE OCCUPAVIT) Privata enim legati occupatio legatario vix permittitur, quanvis statim a morte testatoris fiat rei legatæ dominus. Posset enim heres ratione Falcidiæ damnum incurrere, vel ejus alia ratione interesse, legatum non apprehendi. Nam non unice ob quartam Falcidiam, sed ob quodvis interesse heredi hoc interdicto experiundi facultas datur v. c. si hereditas ære alieno gravata, si heredi electio concessa, si legato conditio adjecta sit BRUNNEMANN. *ad L. I. D. quod legat. n. 3.*



H A H N, *ad Wesenbec. tit. eod. n. 4.* Ut nec dubitem, quin contra STRAVCHIVM apud SCHILTER. *Exerc. XLVII. §. XXIX.* judicandum sit, qui interdicto contra donatarium mortis causa usum denegat. Nam *L. I. §. V. quod legator.* quam in subsidium vocat, plane alium casum exhibet, & præsupponit, rem donatam a donante in donatarium esse translatam, ubi dici nequit, donatarium propria auctoritate rem occupasse. Interim heres hoc interdicto tum demum utitur, quando legatarius ex hereditate, adhuc jacente, rem sibi sumsit. Post aditam enim hereditatem, si occupat, vim committit, & cum eo ex *L. VII. C. unde vi* ad eum effectum agi potest, ut legato plane excidat add. *L. LVI. de Legat. I.* Extra hunc casum vero heres actor, qui possessionem recuperat, cavere debet de restituendo legato, si postea de eo constiterit *L. II. §. I. D. quod legat.*

### Aphor. VII.

POSSESSIONEM ADIPISCENDARVM RERVVM )  
 Eo in casu, quando conductor res oppignoratas in alium locum clam transtulit, & ego sciam, ubi latitent. Nam, quatenus res oppignoratae adhuc in ipso fundo sunt, hoc interdicto non est opus. Utilitas ipsius interdicti perspicua satis est. Est enim in illo, tanquam remedio possessorio, expeditior probatio & faciliior via ad victoriam obtinendam. Nam iudicium principale, actio nempe Serviana, ordinaria causæ cognitione absolvitur, jus pignoris, eo electo, probare debet actor, illeque ipse exceptiones altioris indaginis admittere debet. Sed



Sed interdictum de simplici & plano finitur, probationem tantum levem, ad illationem bonorum & factum oppignorationis directam, requirit, & exceptiones altioris indaginis ad petitorium remittit. Quod tamen recte restringitur ad eas exceptiones, quæ non fluunt ex ipsa natura negotii pignoratitii, & ex instrumento obligationis, vid. LEYSER. *Spec. DXI. med. III.*

CONTRA TERTIUM POSSESSOREM) Quod tamen ex Jure Romano defendi non potest, quippe quod, contra tertium hoc interdictum dari, expresse negat in *L. I. C. de Salvian. interd.* Multum vero desudant Doctores in conciliatione *L. I. §. I. D. Eod.* cum ista lege Codicis, cum una alteri contradicere videatur. Conf. JOH. DE WALTER *L. I. Obs. cap. XIV.* BERGER. *Resol. Lauterbach. ad tit. de Salvian. interd. in fin.* Sed salva res est. Neque enim Lex Digestorum expresse interdictum ad tertium possessorem extendit, neque permittit natura interdictorum, ut vocem *extranei*, quæ ibi occurrit, de quoquam alio, quam de debitore, accipiamus. Et, quicquid sit, est tamen procul dubio lex Digestorum ex lege Codicis explicanda. Quod vero Praxin hodiernam attinet, quæ interdictum contra tertium possessorem admittit, ea fundamentum habet in Jure Canonico, quod, actionem de spolio, de qua infra, contra tertium institui posse, expresse disponit.

### Aphor. VIII.

VTI POSSIDETIS) Quod interdictum ipsum  
O o 4 illud

illud possessorium iudicium est, ubi de possessione qualificata, & civili quaeritur, cum Praetor possessionem non tuetur, cui vitium vis, clandestinitatis vel precarii opponitur, & ab excipiente probatur. Hac vero probatione deficiente, actorem, qui de possessione per actus possessorios, & de turbatione fidem facit, defendit, & exceptiones, quae ipsum jus & petitorium tangunt, nisi in continenti liquidae sint, rejicit ad iudicium proprietatis. *L. I. §. III. D. uti possid. SCHILTER. Exerc. XLVII. §. LXI.* Ab hoc igitur, ut possessorium summarium rite distinguatur, omnino necesse est, quod jam dixi. Nam hic agitur de simplici facto possessionis, eoque probato, alteri possessorium ordinarium, in quo de meliori possessione iudici fidem facere possit, reservatur, possessione vero meliori probata, demum ad iudicium proprietatis, ubi de jure ipso sermo est, fit progressus. Praeterea Doctores & hanc inter possessorium ordinarium & summarium, putant, intercedere differentiam, quod hoc non admittat petitum de praestanda cautione de non amplius turbando. *CARPZOV. Lib. I. Resp. XV. n. 13.* Verum haec ipsa cautio ex interpretum magis sententia & usu fori, quam ex certa lege deducta videtur. Cumque eo tendat, ut possessor contra ulteriorem turbationem securus praestetur, possessoris autem in utroque iudicio eo nomine intersit, nulla apparet diversitatis ratio. Quare, rectius defenditur, tale petitum ad utrumque possessorium pertinere, iudicemque respicere debere nihilominus, quale possessorium actor

actor elegerit WERNHER. *P. I. Obf. CCXC.*  
BERGER. *Elect. Proc. Possess. tb. XXX.*

### Aphor. XI.

INTERDICTVM DE SUPERFICIEBVS )  
Quod tamen cum interdicto, uti possidetis. per omnia convenit, *L. I. §. II. de superfici. b.* vel potius ejus species est. Quare etiam in foro rarissime ex hoc interdicto agitur, sed, ubi de turbatione possessionis sermo est, Practici ubique recurrere solent ad interdictum uti possidetis STRYCK. *de action. investig. Sect. II. membr. II. §. XIII.* Ipsam vero superficiei indolem jam supra indicavimus.

### Aphor. XII.

RATIONE SERVITVTVM ) Sunt & hæc interdicta species interdicti uti possidetis, eoque tendunt, ut non solum servitutibus absque turbatione uti, sed & eas reficere liceat *L. III. §. XI. de itinere actuque privat.* Ideo autem his remediis possessoriiis videbatur opus, quia proprie rerum incorporaliū nulla erat possessio. Sunt vero hæc interdicta mixta, & quæstionem juris admixtam habent. Nam, qui iis utitur, demonstrare non solum debet, se hoc anno usum esse servitutis, sed & sibi servitutem, vel jus reficiendi competere *L. III. §. XIII. sq. Eod.*

### Aphor. XIII.

DE AQUAEDUCTV ) De his omnibus interdictis notandum, quod ad unum finem tendant, & solummodo a diversitate aquæ, quam ducere licebat,

bat, diversa nomina habeant. Nec hic quaestio de jure admiscebatur, sed factum sufficebat, quo quis aquam duxerat. Unicum interdictum de aqua, ex castello ducenda, de quo Aphor. XV. loquitur, mixtum erat, cum privato citra Principis concessionem ex receptaculo publico aquarum aquam ducere non liceret, isque ideo concessionem, a Principe factam, demonstrandi onus in se recipere deberet *L. I. §. fin. de aqu. cottid. & astiv.* Posses huc hodie referre turres & ædificia publica, Wasser-Künste, intra quæ aqua per regulas hydraulicas in altum tollitur, ut deinde per canales cum civibus communicetur. Verum tamen hodie usus aquarum vix amplius a concessione Principis dependet, quare generatim, qui his interdictis utitur, id solum agere debet, ut factum possessionis, & factum turbativum demonstret, quo in possessione tueatur.

### Aphor. XXI.

QVOD VI AUT CLAM) Præsupponit hoc interdictum, aliquid absque permissione antecedente vel privati *L. III. §. III. Quod vi aut clam.* vel principis *L. III. §. IV. Eod.* in re privati, nulla necessitatis vel utilitatis publicæ ratione exigente *L. VII. §. IV. sq. Eod.* vi aut clam factum esse. Sigillatim in gratiam eorum inventum est, qui alteri, novum opus in sui præjudiciū facienti, nunciaverant, si nunciatus nihilominus opus perfecisset, eumque habebat effectum, ut destruendum iterum esset opus *L. I. pr. §. I. sqq. Eod.* Præterea tamen ex paritate rationis extenditur ad casum, si  
quis



quis contra prohibitionem fecit *L. I. §. V. Eod.* si quis, vi externa adhibita, destruxit *L. VII. §. V. L. XVI. §. I. Eod.* si quis fecit aliquid, dum scire poterat, sibi controversiam de opere futuram, isque sigillatim clam facere dicitur *in L. IV. Eod.* Non tamen, quia famosum est, ob vim adhibitam, contra tertium possessorem, nec contra heredem, nisi ad eum effectum datur, ut patientiam tollendi operis præstet, cum & ipse faciens impensam præstare debeat, *L. XVI D. Eod.*

### Aphor. XXII.

INTERDICTUM VNDE VI ) Hoc interdictum iterum famosum est, & ob atrocitatem facinoris infamia minimum facti afficit, eoque tendit, ut, qui vi vel armata, vel metu armorum adhibito, ex re immobili, quam vel civiliter vel naturaliter, corpore vel animo possidebat, dejectus esset, possessionem cum omni causa, id est, cum fructibus, accessionibus, præstatione damni, casus & interesse recuperaret. *L. I. pr. §. I. sqq. de vi & vi armati.* Contra tertium tamen non dabatur hoc interdictum, sed res ipsa potius vindicanda erat *L. VII. D. Eod.* Sed, utut jure Digestorum hoc interdicto solum uteretur, qui vi esset dejectus, jure tamen Codicis & sigillatim in *L. V. & L. fin. C. unde vi L. fin. C. de acquir. possess.* hoc interdictum ad quamvis iniquam possessionis immobilium privationem extensum est, etiamsi vis non accesserit v. c. si per errorem aut incuriam domini loca alius mala fide possideat, vel per injuriam judicis, aut ejus collusionem possessionem ami-



amiserit, vel quis possessionem, a procutatore vel alio, qui nomine domini possidebat, derelictam, mala fide occupaverit. Nec tamen opus est, ut ex textibus allegatis cum *MENOCIO de recuper. possess. remed. II. sqq.* nova remedia erua-  
mus, sed in genere tenendum est, quemvis, inique vel dolose possessione sua privatum, restituendum esse *BÖHMER. de action. Sect. II. cap. IV. §. XXXVII.*

**QVOD IS, QVI DEJECIT**) Præsupponitur vero, dejicientem rem alienam invasisse? Sic vero forsan, qui rem propriam, ab alio injuste possessam, invadit propria auctoritate, id licite peraget? Minime. Sed hic ipse, quia leges non permit-  
tunt, ut via facti jus nostrum persequamur, amis-  
sione juris sui, si quod in re habet, punitur *L. XIII. D. quod met. caus. L. VII. C. unde vi.* Æquissima est hæc dispositio, nec majoribus no-  
stris fuit incognita *JVS PROV. SAXON. Lib. III. art. IV. SCHILTER. Exerc. XI. §. XIII.* Imo præterea hos invasores, ob læsam securitatem pu-  
blicam, puniendos esse ex *JVR. PROV. SAXON. Lib. I. art. LIII. L. III. art. XXXII. JVR. PROV. SVEV. cap. CLXXVII. CLXXIX. CLXXXIV.* colligimus, add. *CARPZOV. P. IV. Const. XXXVIII. def. II. LEYSER. Spec. DVII. med. XII. sqq.* Recte igitur hanc juris Romani dispositionem ho-  
die in usum deducunt Doctores. Conf. *STRUVIVM de vindict. privat. MEV. P. I. Decis. XCV. BRVNNEMANN. ad L. XIII. D. quod met. caus.* Saxones vero hanc dispositionem ne-  
gligere,

gligere, reique solum, reservata proprietatis quaestione, restitutionem injungere, perhibet CARPZOV. *d. loc.* Sed in omnia alia eunt BERGER. *Elect. Discept. Forens. Tit. V. Obs. VI. p. 152.* HORN. *Diff. de die tricesimo §. L. WERNHER. P. I. Obs. CCIII.* Et recte, cum ista poena Legibus quoque Imperii sit approbata RECESS. IMPER. *de anno 1521. Rubr. Wie es in Irrung der Possession & de anno 1572. Rubr. Cammergericht §. XVI.* Interim, qui VVERNHERO potuerit venire in mentem, ut *Supplem. Vol. VII. Observ. p. 214.* statuit, poenam illam locum solum habere, si invasæ essent res alienæ, non video, quia *L. VII. C. unde vi* disertis verbis de invasione rei propriæ loquitur, dominumque amissione domini puniendum jubet.

### Aphor. XXIII.

REMEDIUM EX JURE CANON.) Quod, rationibus rite subductis, idem illud interdictum Juris Romani, quod contra eum, qui, vi adhibita, dejicit, vel inique alienam possessionem suam facit, dici meretur. Nec enim aliud in allegato canone egit Jus Canonicum, quam, ut ea, quæ in Jure Romano de Interdicto unde vi proponuntur, ad casum propositum applicaret, &, quod Jure Codicis jam factum erat, actionem omnibus iis, qui inique possessione sua essent privati, concederet. Nam, qui alium sibi canonis sensum fingunt, omnino errant. Illudque novum remedium de spolio, ante omnia restituendo, quatenus singulares in Praxi producit effectus, tantum abest, ut con-

conforme sit Juri Canonico, quin re ipsa, repugnante & invito hoc jure, sit constructum, quod dilucide probat ZIEGLER. *in Comment. ad c. redintegranda* add. EJVSDM *Praelect. ad tit. X. de restitut. spoliator.* & BÖHMERI *Jus Eccl. Protest. Lib. II. tit. XIII. §. VII.* Quodsi enim jam tum temporis, quo canon iste innotuit, ea actionis spoliū fuisset efficacia, quæ nunc est, nescio ego, qui factum sit, ut post varia demum temporis intervalla Innocentius III. Pontifex in *cap. XVIII. X. de restit. spoliat.* interdictum unde vi contra tertium possessorem dejectionis consciū concederet. Et hoc etiam est, quod Jus Canonicum addidit Juri Romano. Reliqua omnia opinioni Interpretum originem debent. Horum tamen sententiam, ut contrahamus in summam, actionem de spolio concedunt, quotiescunque per actum illicitum possessio aliena sive rei mobilis, sive immobilis, sive juris, quocunque modo intervertitur, eo quidem effectu, ut perpetua sit, & contra omnem possidentem, sive dejectionis consciū, sive ignarum, etiamsi illi reverentia debeatur, locum sibi vindicet, ipseque ille, qui vitiose vel alio modo rem detinet, ad rem, spoliato ante omnia restituendam, compellatur, spoliatus vero, ex alio capite a detentore conventus, judicium nunquam ante restitutionem suscipere debeat, eoque nomine, licet de spolio actionem ipse spoliatus non instituerit, spolium tamen in diversa plane causa per modum exceptionis, litis ingressum impediens, obicere possit *c. II. X. de ord.*

*ord. cognit.* modo tamen spoliatus, sive agat, sive excipiat, ipsam spoli existentiā intra quindecim dies probet *c. I. de restitut. spoliat.* in 6to. Nec hic quicquam interest, spoliāntem ius liquido demonstrare posse, nec ne. Nam indistincte, quia illicite egit spoliāns, sibi que privato ausu ius dixit, restitutio ipsi iniungitur, etiamsi prædo sit, quī spoliatus est *cap. V. X. de restit. spoliat.* quod ultimum & Juri Romano omnino convenit §. VI. *J. de interdict. l. XIV. de vi & vi armat.* Ut sic fundamento destituatur sententia contraria, quam defendit MENOCH. *de recuper. possess. remed. l. n. 113.* STRAVCH. *Recitat. public. ad l. VIII. de vi & vi armat.* HOPPIVS *ad D. §. VI. J. de Interdict.*

### Aphor. XXIV.

LEGITIMA PROHIBITIO ) Fiebat illa Romæ vel extrajudicialiter vel judicialiter. Ibi iterum vel nudis verbis, quando quis vel domino præsentī, vel, si ille copiam sui non faceret, fabris reliquisque operariis nunciaret *L. XX. §. I. quod vi aut clam,* vel interveniente symbolo, nempe per lapilli jactum *L. V. §. X. de nov. oper. nunciat.* quam speciem BRUNNEMANN. *ad d. Leg. V.* minus recte de dissectione materiæ, ad ædificandum paratæ, explicat. SCHILTER. *Exerc. XLII. tb. XVI. sqq.* Dissectio enim materiæ tertia species erat nunciationis, quæ fiebat per manum, & realis erat. Judicialis nunciatio fiebat, interveniente imploratione iudicis, ut prohiberet, ne opus perficeretur. Nam, perfecto iam opere, inepte plane



plane nunciabatur *L. I. §. I. de oper. nov. nunciat.* Verbalis nunciatio vero hodie plerumque erit inefficax. Melius itaque sibi consulit, qui per judicem nunciat, & mandatum inhibitorium impetrat. Nam vim privatam adhibere, quod pro defensione juris nostri alias licet *L. XXVII. pr. de servit. pred. urban. L. I. §. V. Quod vi aut clam,* hoc in casu regulariter prohibitum est, nisi hæc tria concurrant, I) ut opus novum in loco, cujus is, qui prohibet, possessor est, fiat, II) ut vis in continenti adhibeatur, III) ut judicis auxilium nondum imploraverit nuncians. *LEYSER. Spec. CCCCXXVI. med. III. sqq.* Si vel unum desit, vis illicita committitur, imo & poena fractæ pacis publicæ, maxime, si, coadunatis hominibus, disjectio fiat, locum habere potest, *ZIEGLER. de jurib. majest. Lib. I. cap. XXXIII. §. XXXVIII.* Ita etiam nuper responderunt JCi Jenenses.

**CVI PROPTER JVS IN RE INTEREST)**  
Sive itaque dominus sit, sive jus servitutis aut pignoris habeat, recte nunciat. De eo tamen, qui servitutem personalem habet, JCi Veteres non conveniunt. Labeo & Marcellus negat in *L. I. pr. si ususfr. petat.* Julianus affirmat in *L. un. §. IV. de remission.* Ulpianus media via incedit, & in *L. I. §. XX. de nov. oper. nunciat.* usufructuario, qui suo nomine nunciare vult, jus nunciandi denegat. Sin nomine proprietarii, tanquam procurator, concedit. Verum cum hoc in casu mandato expresso non sit opus, & statim in usufructus concessione mandatum adesse videatur, omnia



omnia ea agendi, sine quibus fundi substantia conservari nequit, facile patet, theoreticam magis, quam practicam esse hanc observationem, add. SCHILTER. *Exerc. XLII. §. IX.*

DE JURE CONSTITERIT ) Judex itaque causam summarie cognoscit, & primo in jus nunciantis inquirat. Quo facto, si frivolam fuisse nunciationem sentit, statim repellit nunciantem, & nunciatum perficere opus permittit *L. V. §. XIII. de oper. nov. nunciat.* Sin dubium sit, resque ex utraque parte ambiguitatem habeat, in arbitrio judicis est positum, utrum novi operis perfectionem prohibere, an nunciatum ad cautionem de demoliendo, si de jure alterius certior tandem constet, admittere velit. *L. unic. C. Eod.* Quod ultimum sigillatim fit, si vel Reipublicæ vel nuncianti maximopere inter sit, ut opus continuetur. *L. V. §. XI. & XII. D. Eod.* Et quamvis æquitas jubeat, ut nuncians super cautionis præstatione audiatur, ipsi tamen vix alia exceptio proderit, quam damni irreparabilis. add. CARPZOV. *Lib. I. Resp. VII. n. 13. sqq.* Si denique nunciantis jus vel liquidum vel admodum verisimile deprehendit, simpliciter injungit, ut nunciatus ab ædificando desistat, nec ad cautionem eum admittit BACHOV. *ad Treutler. Vol. II. Disp. XVIII. §. III.* MEIER. *in Colleg. Argentor. tit. de nov. oper. nunciat. §. XV.*

## Lib. III.

## De Jure ad rem &amp; obligatione.

## Tit. I.

De jure ad rem, & obligatione  
in genere.

## Aphor. I.

**E**X FACTO SVO OBLIGATAM ) Jura, quia  
qualitates sunt, per se non subsistunt, sed  
subjectum, cui insunt, desiderant; quod est  
vel res vel persona. Si itaque jus rei cohaeret, jus  
in re adest, ipsaque res obligata est, eo effectum, ut  
ubique reperiat, ille, cui jus competit, id  
ipsum persequi possit. Secus itaque est, si perso-  
na solum obligata sit. Tum enim jus ad rem  
solum adest, eo effectum, ut persona obligata præ-  
stet id, quod in obligatione est. Ipsa vero obli-  
gatio est ex lege, quæ vel immediate vel media-  
te imponit necessitatem, aliquid præstandi. Im-  
mediata obligatio, quatenus inter personas est,  
non præcise factum aliquod obligatorium præ-  
supponit, sed adesse etiam potest, etiamsi nullum  
factum intervenerit. Ex quo fonte sigillatim ac-  
tio ad exhibendum fluit. Lex enim hic ad æ-  
quitatem magis naturalem respicit, & ad regulam  
honestatis: quod tibi non nocet, & alteri prodest,  
ad id potes compelli, eamque ita approbat, ut exter-  
na obligatio inde oriatur. Nonnunquam factum  
quidem præsupponit, sed denuo id factum, tan-  
quam causam solum remotam, seu conditionem  
fine

sine qua non, considerat, ut nempe inde obligatio non per se & proxime, sed quasi per consequentiam, fluat, ne quis cum alterius damno fiat locupletior. Ex quo fonte iterum actiones in factum, pleræque conditiones, ut & obligationes ex quasi contractu, deducuntur. Mediata obligatio per factum aliquod obligatorium, cui lex vim obligandi tribuit, sive licitum sit, sive illicitum, contrahitur. Sic vero incipit vel a conventionione, vel a delicto. Sunt enim pacta servanda. Et, qui delinquit, ipso facto se ad poenam obligat. Atque hujus obligationis fundamentum fere unica hac regula absolvitur: Quæ ab initio sunt voluntatis, accedente facto obligatorio, fiunt necessitatis.

### Aphor. II.

EST JURIS VINCULUM ) Paulo obscurius hic Auctor cum aliis loquitur. Res eo redit. Ante legem nulla est obligatio. Post legem statim adest obligatio. Cum itaque efficiat lex, ut, quæ antea meri arbitrii erant, nunc circumscribantur necessitate, merito dixeris, obligationem esse necessitatem, a lege vel mediate, vel immediate impositam, aliquid præstandi, omittendi vel patiendi. Inde vero & hoc patet, nullam esse obligationem, nisi quam lex agnoscit, nec alia ratione quem obligationem in se recipere, quam quatenus ad præscriptum legis, observata forma, factum accommodavit. Quando enim lex negotium, certa forma adhibita, expediri jubet, ea neglecta, negotium ipsum non est obligatorium.

## Aphor. IV.

IN SPECIE VOTVM) Pollicitatio igitur & votum contra naturam pactorum, quæ mutuum consensum efflagitant, ex sola promissione, absque acceptatione obligant. Utrumque tamen negotium præsupponit factum aliquod licitum, animo deliberato, ex justa causa, & a persona, quæ sui juris est, & factum præstare potest, promissum. Et a voto sigillatim abesse debet opinio meriti STRYCK. *ad Brunnem. Jus Eccles. Lib. I. cap. VII. §. I.* Votum etiam personam solum afficit, non rem. *L. II. pr. D. de pollicit.* Nec heredes ex voto obligantur, nisi res ipsa in voto sit. *L. II. §. I. Eod.* Imo id etiam, credo, statuendum esse de pollicitatione, ut ubique respiciamus, utrum persona solum, an res in obligatione sit, & hic quidem, non vero ibi, obligationem ad heredes extendamus. Cæterum istiusmodi promissio, quæ vires patrimonii respicit, donationi æquiparatur, ideoque donator non tenetur, quam in quantum facere potest, add. *L. IX. D. Eod.*

## Aphor. V. &amp; VI.

Juri naturali omnino convenit, ut omne pactum servetur, si modo verus, liber, & mutuus consensus in idem placitum adsit, promittens ipse voluntatem & facultatem sese obligendi habeat, ipsumque pactum de re honesta concipiatur. Sed cum istud Juris Naturalis decretum universale sit, & Legislatoris humani providentiam non excludat, qua, ferente ita salute Reipublicæ, negotiis subditorum



torum peculiarem formam præscribit, cognitu-  
haut est difficile, pacta, quæ de Jure Naturæ vere  
obligant, in Rebuspublicis, tamen non semper in  
foro externo producere obligationem, sed tum-  
demum, si formam, negotio præscriptam, observa-  
verint paciscentes. Idque in se spectatum nul-  
lam habet iniquitatem. Quare nec Romanorum  
Legislatorum institutum vituperationem meretur,  
quando pacta mox, si ex præscripto legum, & ad-  
hibitis solemnitatibus, essent celebrata, efficacia,  
mox, si forma neglecta esset, irrita declarabant.  
Nil aliud enim est pactum nudum, quam cui for-  
ma legalis deerat, quodque ideo in foro obliga-  
tionem & actionem non producebat, eique con-  
tradistinguebatur contractus, qui ex forma præ-  
scripta esset celebratus, eoque nomine obligabat.  
Postea tamen vis obligandi etiam cum quibusdam  
pactis communicata est, quatenus vel peculiari le-  
ge per se subsistebant, vel ex contractu antec-  
dente, cui tanquam accessorium adjiciebantur.  
Sic vero enata est distinctio inter pacta nuda  
& non nuda, eaque vel legitima, vel adjecta,

*Aphor. VII.*

EST OBLIGATIO, QUAE DISTINGUITUR)  
Obligationem de Jure Naturali esse vel perfectam,  
vel imperfectam, per se patet. Sed imperfecta vir-  
tus est, & in foro effectus non producit, nec ob-  
denegationem locum facit actioni, nisi quatenus a  
lege agnita, & in perfectam mutata est, quod  
diversa ratione factum esse in Jurisprudencia Ro-  
mana, alibi jam docui. At sola æquitas per se,



neque apud Germanos, actiones producit. Et, quando in variis casibus apud nos actiones, quæ in æquitate nituntur, admittimus, quas Jus Romanum nescit, id non inde est, tanquam sola æquitas sufficeret, sed magis a dispositione, vel juris Germanici, vel Canonici, quod præter Jus Romanum sequi solemus, dependet. Verum, nec, ubi perfecta de Jure Naturæ adesse videtur obligatio, Jus Civile statim actionem concedit, sed, quod diximus, nonnunquam auxilium denegat in foro, si, quæ a lege civili superaddita sunt negotiis, formalia, desunt. Imo, de Jure Romano multa videmus negotia ordinata, ipsisque obligationem tributam esse, quæ ne præsidium quidem in Jure Naturali inveniunt. Sic verbi causa jure antiquo, qui ad contrahendum dolose inductus, qui metu ad paciscendum coactus erat, nihilominus obligabatur. Denique leges Civiles obligationem legis Naturalis nonnunquam pure confirmant. Inde vero in Jure nostro varii illi obligationis conceptus, & significatus oriuntur. Naturalis enim dicitur, quæ inter illos quidem, qui in statu naturali vivunt, vim cogendi externam operatur, vis autem ei in jure Civili non est superaddita. *L. LXXXIV. §. I. de Regul. jur.* Ejusque exemplum de Jure Romano est in pacto nudo. Non vero plane vim obligandi adimit, ut promittens etiam in conscientia securus præstetur, sed denegat solum coactionem externam. Indeque etiam est, quod ipso jure Civili stricto illi, qui sponte præstitit, quod naturaliter debebat, denegaretur

garetur repetitio *L. X. de Oblig. & action. L. XXVI. §. XII. de condict. indeb.* Plures tamen ex Jure Prætorio, quod æquitatis naturalis fere ubique memor erat, accepit effectus, quos vide in *BÖHMERI Jur. Digest. ad tit. de oblig. & actione §. IV.* Civilis erat, quæ auxilio Juris naturalis destituta, in solo jure Civili stricto nititur *§. III. J. de Except.* Exemplum ejus occurrit in obligatione, metu contracta *L. XXI. §. V. D. quod met. caus. add. GYNDLINGII Diff. de efficientia metus cap. III. §. IV. sqq.* Hæc, nostris moribus incognita, Romæ opinionibus prudentum originem debebat, usu fori roboratis, sed Prætorum iterum artibus vigorem amisit, sigillatim per novum restitutionis in integrum inventum in figmentum & fabulam fere abiit. Mixta denique est, quæ ex Jure Naturali & Civili conjunctim oritur, dum utrumque ei actionem & exactionem concedit.

**Aphor. VIII. sqq.**

**CONSTAT OMNIS CONVENTIO CONSENSU**) In genere enim omnis conventio est duorum vel plurium, qui voluntatem & facultatem se obligandi habent, in idem placitum honestum consensus, rite & specificè declaratus. Inde varia eliciuntur. 1) Omnes paciscentes ita debere esse comparatos, ut in se spectati consentire possint, nec natura nec lege eos impediri. Non itaque paciscitur infans *L. XVIII. §. III. de Jur. deliberand.* non furiosus, non mente captus *L. I. §. XII. de obligat. & act. §. VIII. J. de inutil. stipul.* non ebrius *STRYCK. de Contract. Contrah.*

*Señ. I. capp. II. . XII, Non prodigus L. XL. de Regul. Jur. L. XII. §. fin. de curator. dat. II)* Non sufficere, quem posse pacisci, sed, & facultatem paciscendi, & se obligandi, cum habere debere. Non enim valet pactum, nisi, quatenus leges permittunt, ut quis se paciscendo obligare possit. Unde olim in servos & filios familias nulla cadebat obligatio, quamvis uterque olim tertium domino & patri obligare, & jure novo filius familias etiam sibi obligationem acquirere poterat. Eodem modo pupilli quoque & minores suam conditionem paciscendo meliorem quidem, non vero deteriore reddebant, quæ juris capita jam alibi pervestigavimus. III) Impediri efficaciam pacti per ea, quæ consensum impediunt. Consensus vero non adest, quando paciscentes non idem intelligunt, non idem volunt. Et sic dolus, sic metus, sic error in substantialibus consensui obest. IV) Consensum debere esse specificum, ad certum objectum directum. Indeterminata locutio, indiscreta promissio non obligat. V) Consensum esse debere mutuum. Unius enim promissio absque alterius acceptance non obligat, nec obligat prius, quam acceptatio categorica adsit *L. LV. in obligat. & action.* VI) Consensum debere rite esse declaratum. Quod fit, vel verbis, vel factis. Nonnunquam tamen lex consensum præsumit magis, & fingit, quam requirit. De quo infra videbimus. VII) Consensum debere esse certum & indubitatum, & susceptum denique VIII) de re, in nostra potestate posita.

Aph.

**Aphor. XIII.**

**SEV ACTU, SEV POTENTIA**) Valet itaque pactum de re sperata, ut & de spe. Rem speratam nominamus, quæ ex operatione naturæ existere debet v. c. fructus. Et de ea pactum simpliciter valet. Spem vocamus, cujus existentia a solo casu & fortuna dependet. Et de ea pactum obligationem operatur, vel simpliciter, quando non certam rem speravimus, vel secundum quid, si existat res, quam speravimus. Adde **STRYCK. Cautel. Contr. Sect. I. cap. III. §. IV.**

**IN COMMERCIO**) Quæ itaque commercium hominum & privatorum plane effugiunt, nec pacti objectum unquam esse possunt. De iis, quæ in quorundam solum commercio esse non possunt, licet cum ea persona pacisci, quæ possessionis & dominii hujus rei capax esse potest.

**POSSIBILIA**) Impossibilium nulla est obligatio, modo tamen impossibilitas adfuerit tempore contractus. Sin superveniat ex culpa promittentis, hic non liberatur, sed interesse præstare debet. **MEVIVS P. III. Decis. CCCLXVIII. BRUNNE-MANN. ad L. V. D. de reb. credit.**

**HONESTA ET LICITA**) Deest nempe vis coactiva, ut promittens factum inhonestum impleat. Non tamen tale pactum liberat a poena, ad quam uterque, & promittens, & acceptans, se obligat. Præterea tamen, & hoc addam, necesse est, facta debere esse propria. **§. III. §. de inutil. stipul.** Factum enim alienum nemo promittere, sed se obligare solum potest, ad diligentiam præ-



standam, ut alter faciat. Porro debent esse utilia acceptanti. Pacta enim utilitatis humanæ causa ineuntur. Si igitur nulla ex iis in alterum utilitas redundat, promittens ad ea servanda non obligatur. Denique esse debent privati arbitrii. Legem prohibitivam pactionibus immutare non licet. *L. V. §. XIV. L. XXXVIII. de pact.* Imo generatim pactum contra legem, etsi de re conceptum, non valet. Esse autem leges prohibitivas, quæ & pactiones de rebus interdiciunt, discimus ex *L. V. C. de procurat. L. XV. §. ult. C. de pact.*

### Tit. II.

### De pactis in specie.

#### Aphor. I.

**P**RODUCAT EFFICACIAM) Ita communiter. Et certe negari nequit, Germanos semper æquitatis & simplicitatis Juris Naturalis magis memores fuisse, quam Romanos. Præterea & hoc dandum est, eosdem differentiam istam inter pacta & contractus, Romanis propriam, eo in sensu, quo his veniebat, cum ipsa formularum cantilena, istius distinctionis unico fere fundamento, feliciter ignorare. Verum enim vero, si dicendum, quod res est, vereor omnino, ne nimis liberaliter Interpretes asserant, Germanis omne pactum, quod in simplicibus conventionum finibus subsistit, obligatorium esse. Nam habent Germani etiam peculiare pactorum formas, in variis negotiis, valide perficiendis, præcise adhi-



adhibendas, & plus simplici vice promissis nudis, utut omnibus requisitis, quæ Jus naturæ postulat, munitis, præsidium in foro denegant. Mox publicam auctoritatem & causæ cognitionem accedi, mox juramento contractum perfici jubent. Ut non dubitem, quin pacta nostris quoque moribus in simplicia & legitima distinguenda sint, posteriora vero non valeant, nisi forma, quam lex præscribit, ipsis superaddita sit.

**ADHVC EST NOTANDA)** Ut igitur demum constet, in quonam contractus a pacto sese distinxerint Jure Romano, paucis tene: Contractus vocatos fuisse, qui habebant nomen & causam. Nomen habere dicebantur, quia actionem sui nominis, ratione formulæ agendi in albo Prætoris ordinatam, producebant. Causam habebant ideo, quia solemni quodam ritu & conceptis verbis iniebantur, adhibitis formulis, in perficiendo negotio præscriptis. Quæcunque ergo conventio nec actionem sui nominis producebat, nec solemniter iniebatur, pactum erat. Sed tamen ab his contractus innominati iterum distinguebantur. Erant enim origine sua pacta nuda. Nam neque nomen specificum neque causam habebant. Sed tamen, si, qui quid promississet, id alteri parti præstitisset, a traditione & implemento ipso negotium, tanquam ex re, obligationem assumebat, eo effectum, ut alter contrahentium etiam cogi posset ad implendum. Et eo respectu suo modo nomen habebant, non specificum quidem, sed generale,

rale, five circumscriptitium, ut actio, uti vocabunt eam Romani, præscriptis verbis oriretur.

### Aphor. V.

#### VEL DE NATURALIBVS CONTRACTVVM)

Hæc ipsa observatio de substantialibus, naturalibus, & quod addendum, de accidentalibus negotiorum, in doctrina conventionum insignem habet utilitatem. Substantialia enim essentiam negotiorum ita ingrediuntur, ut unice differentiam specificam conventionum inter se constituent, atque, cum salvo negotio abesse nequeant, quotiescunque absunt, vel ipsum negotium invalidum efficiant, vel, si contrahentium consensu abesse jubeantur, ipsum negotium in aliud plane diversum degenerare faciant. Naturalia essentiam negotii non ingrediuntur, nec, si absunt, contractum in aliam formam transmutant, negotio tamen ipso ita cohærent, ut, etiamsi partes nihil de iis dixerint, tacite tamen de iis cogitasse, & se ad ea obligasse videantur ex natura negotii, ideoque opus fit, ut, si ea agnoscere nolint, pacto peculiari interveniente, se ab obligatione liberent. Accidentalibus denique nec ad essentiam negotii pertinent, nec negotio cohærent, sed, ut adsint, pactis effici solet, quæ duplicem plerumque finem habent, ut nimirum, vel contrahentes sibi invicem obligationem, quæ contractui per se inest, remittant, vel se fortius obligent, & contraventioni tempestive occurrant, quantumque fieri potest, damnum avertant. Huc vero quam maxime Jurisprudentia cautelarum pertinet, quam STRYCKIUS in gratiam

am contrahentium, testatorum, & eorum, qui jurare necesse habent, peculiaribus Commentariis illustravit. Sunt enim cautelæ nihil aliud, quam consilia & regulæ prudentiæ, ad avertendum damnum adhibitæ SCHILTER. *Exerc. I. §. II. sq.* atque arbitrio privatorum simpliciter relictæ, modo tamen a fraude & cavillationibus abstineant, nec alterius contrahentis decipiendi causa iisdem utantur STRYCK. *de Cautel. Contract. Sect. I. cap. I. §. VIII. sq.* De cautelis enim, ad hunc finem comparatis, & similibus iis, quas COPOLLA damnando instituto publici juris fecit, recte asserunt Doctores, quod in hac vita ad gloriam, in futuro ad gehennam ædificent BRUNNE-MANN. *in Proc. Inquis. cap VIII. membr. I. n. 57.*

### Aphor. VI.

ALIA CONTRACTVS FORMA EXPRESSIVR) His in casibus tamen negotium, inter partes gestum, non ex natura contractus, ejus nomen expresserunt, sed ex natura contractus, qui revera subest, dijudicandum venit. Simulationem enim conventiones non admittunt eo effectū, ut plus valeat, quod simulate, quam quod vere gestum est. *L. LIV. D. de obligat. & actionib.* Nam in duplici solum casu simulatio præfertur veritati, 1) si pactum initum sit, alio nomine adhibito, de re, quæ ob antiquitatem toleratur magis, quam approbatur. Sic v. g. Emptio venditio geradæ, uno nummo facta, quamvis re ipsa donatio subsit, tamen ut emptio venditio valet, 2) si  
res

res alio modo non possit habere effectum. Exemplum est in *L. LXVI. de jur. dot.* Alias negotium, quod geri simulabatur, ipso jure nullum est *L. VI. C. si certum petat. L. XXI. C. de transact. L. LVI. de judic.* & id solum, quod vere gestum est, subsistit, quatenus non tendit in fraudem legis prohibitivæ *L. III. & IX. C. de contrab. emtion.* add. COCCÉJVM *Diff. de simulatione.* Verum hæc locum solum habent inter ipsos paciscentes. Nam, si tertii interesse concurrat, pactum, ejus decipiendi causa initum, nihilominus servandum est, quatenus tertio prodest. *L. XXX. C. de transact. L. IV. C. de revoc. donat. L. LXXXIV. de jur. dot. LEYSER. Spec. XLII. med. V.*

### Aphor. VII.

FORMET, AUGMENT, MINVAT) Caveant vero ubique partes, qui pactis ejusmodi sibi propiciunt, atque utilitatem, quæ naturæ negotii adversa est, quærunt, ne obscure loquantur. Nam, quamvis, si sensus dubiam admittat interpretationem, leges velint, ut non præcise verbis inhæreamus, sed ad id, quod actum est inter partes, sive ad intentionem, respiciamus *L. XXXIII. de contrab. emtion. L. III. de reb. credit. L. CXXV. de verbor. significat.* si tamen ambiguitas exitum invenire non possit, contra eum fit interpretatio, qui clarius loqui debuisset *L. XCIX. pr. de Verbor. Obligat.* Quisnam vero sit ille, qui clarius loqui debuisset, inter Doctores non convenit. BÖHMERVVS in pec. *Diff. de interpretat.*



*rat. fac. contra eum, qui clarius loqui debuiss.*  
eum nominat, qui extraordinariam & singularem  
quærit utilitatem. LEYSER. *Spec. XLI. med. IV.*  
contra eum pronunciat, qui verba pacti concepit,  
aut mentem explicare debuit, idque tamen ob-  
scure fecit. Sed, si quid video, vera inter Viros  
Illustres non intercedit pugna. Non enim neces-  
se est, ut quis mentem explicare studeat, nisi, qui  
aliquid, quod contractui per se non inest, paci-  
scitur, vel se obligationi, quam ex natura negotii  
suscipere debebat, subducere intendit, eoque ipso  
singularem & extraordinariam utilitatem quærit.  
Nam & de hoc casu *L. XXXIX. de pact. L.*  
*XXXIV. de contrab. emtion. L. XXXVIII. §.*  
*XVIII. de Verbor. Oblig.* quas allegat LEYSER,  
explicandas esse, certo certius est. Cæterum com-  
modum, atque emolumentum, quod ex pacto ad-  
jecto sperat paciscens, regulariter ad ejus heredes  
transit. Quilibet enim pro se & heredibus paci-  
sci præsumitur *L. XVII. L. LII. §. I. de pact.*  
omneque pactum in dubio reale magis, & succes-  
soribus proficuum, quam personale, esse videtur,  
etiamsi paciscentes de se tantum sint locuti, ut sic,  
ne heredes emolumenti participes fiant, pacto effici  
debeat. *d. L. XVII. §. III. de Pact.* Quod  
tamen tamdiu solum verum est, quamdiu de con-  
traria paciscentium voluntate non constat, nec ta-  
le negotium inter paciscentes ordinatum est, quod  
natura sua personam non egreditur. Sic, quæ  
ad personas expresse restringuntur, vel ad dies  
vitæ solum conceduntur, procul dubio expirant.

Pari



Pari ratione, ubi personæ industria est electa, vel, ubi lex personæ solum commodum assignat, heres & successor exceptus est.

Tit. III.

De Contractibus in genere.

Aphor. II.

**I**N PROPRIOS ET QUASI CONTRACTVS)  
 Hi contractus non ratione obligationis sunt diversi, diversum tamen obligationis habent fundamentum. Quamvis enim in utraque specie a consensu incipiat obligatio, proprii tamen verum, id est, expressum, vel tacitum ex utraque parte, quasi contractus ex altera parte verum, ex altera fictum, sive præsumtum consensum præsupponunt. Verus consensus expresse per verba, vel signa, quibus homines regulariter ad consensum declarandum utuntur, interponitur. Tacitus consensus æque verus est consensus, qui tamen colligitur ex factis, ad consensum inferendum aptis, aut ex silentio, iis in casibus, quibus alicui a lege necessitas contradicendi, & contrariam voluntatem declarandi, erat imposita. Cæterum uterque consensus voluntatem & facultatem consentiendi in contrahente prærequirit, ut sic certo certius sit, eum, qui expresse consentire nequit, nec tacite consentire posse. Plane alia ratio est ficti, sive præsumti consensus. Ille enim non est consensus, sed talis esse fingitur solum. *L. IV. D. de pact. L. VII. D. in quib. caus. pign. tacit.* Caditque idem ille in eos etiam, qui neque voluntatem neque facultatem

tem consentiendi habent, v. c. in infantem, in furiosum. Obligat quoque absentem & ignorantem. add. *L. XLVI. de obligat. & action. L. LXVI. in fin. de obligat. L. I. §. XV. de possess.* Est autem iste consensus ex lege, quæ, dum præsupponit, aliquem alterius non consentientis, absentis vel ignorantis, utilitatem gerere, præsumit etiam, eum, cujus utilitas promovetur, non dissensurum, neve hic ipse cum alterius damno locupletior fiat, obligationem quasi ex ipsa re oriundam imponit. Quod fundamentum est quasi contractuum, uti vocantur in Jure Romano. Ut sic erent omnino, qui, taciti & præsumti consensus eandem esse naturam, autumant. Nam præterea, quod in modo declarandi, in personis contrahentibus, in diversitate obligationis, aliisque pluribus, magna sit differentia, effectus etiam utriusque consensus diversus est, cum tacitus consensus, ut diximus, proprium & verum, præsumtus vero quasi contractum producat. Idque ipsum argumentum late prosequitur THOMASIVS *Jurisprud. div. Lib. II. cap. VII. n. 24. sqq.*

#### Aphor. IV.

IN BONÆ FIDEI ET STRICTI JURIS)  
Quod hanc distinctionem attinet, in eo omnes conveniunt, usum ejusdem in dijudicandis innumeris juris Romani capitibus sat insignem esse, remque eo redire, quod in bonæ fidei contractibus alter alteri non in id tantum obligetur, quod expresse placuit, sed æquitatem naturalem quoque in iis, quæ non expressa sunt, agnoscere, de mora, in

Q q

præ-

præstando commissa, respondere, & usuras solvere debeat, ideo vero judicem ex officio æquitatem in decidenda controversia respicere posse; Cum e contrario in stricti juris contractibus, nil, nisi quod expresse scriptum, vel ore nuncupatum est, præstandum sit, nec judex hic ultra conventionis verba quid adjudicet. Verum enim vero, quinam contractus ad hanc illamve classem pertineant, & quodnam verum distinctionis fundamentum sit, non una Interpretum sententia est. Qui differentiam ab antiquis formulis repetunt, quas Prætor, lite de quodam negotio existente, præscribebat iudicibus pedaneis, conf. HEINECCII *Antiquit. Rom. ad tit. J. de action.* non errant quidem, sed argumento ipsi non satisfaciunt, cum adhuc res maneat indecisa, quinam contractus stricti juris, quinam bonæ fidei fuerint. Nam de eo jam constare debebat, antequam formula litem decidendi præscriberetur. Qui ad obligationem bilateralem confugiunt, & inde qualitatem bonæ fidei derivant, omnesque ideo contractus bilaterales bonæ fidei, unilaterales stricti juris nominant, illi non vident, negotia, ob quæ conditiones locum habent, unilateralia quidem esse, & tamen ex bono & æquo æstimari, ac in sola æquitate præsidium invenire, vid. *L. XIV. L. XV. pr. L. LXVI. D. de condict. indebit. L. XXXII. de reb. credit. L. III. §. VII. L. V. §. III. de condict. caus. data caus. non secut.* Quapropter rectius cum BÖHMERO *in tr. de action. Sect. I. cap. III. §. XX. sqq.* dixeris, istam distinctionem desumendam

dam esse a diverſitate negotiorum, quæ Romæ, vel ita, ut naturalis ratio exigere videbatur, inter contrahentes expediebantur, vel ſecundum formam & indolem, quam à ſolo jure Romano acceperant, perficiebantur. In quibusdam enim negotiis, quæ apud omnes gentes obtinebant, omnem rem ex æquitate æſtimabant, eademque naturales præſtationes habere, & ex bona fide descendere, dicebant *L. VIII. D. de capit. min. L. LVII. de contrah. emt.* In aliis certam verborum ſolemnitatem, & formularum cantilenam adhibendam, injungebant; eaque, cum juri Romano, qua tali, propria erant, id etiam ſingulare habebant, ut omnis vis obligandi ex formula dependeret, ad hanc unice reſpiceretur, & promittens ultra id, quod in formula erat, vix condemnaretur. Illa igitur bonæ fidei, hæc ſtricti juris dicebantur. Illa naturalibus, hæc civilibus & ſolemnibus conventionibus annumerabantur. Ipſa autem illa civilia negotia, vel verbis ſolemnibus ore nuncupatis, vel per ſcripturam expreſſis, perficiebantur, cœu ex *L. II. D. de oblig. & action.* clare conſtat. Ad ea pertinebat ſigillatim ſtipulatio, acceptilatio, ſponſio, dotis dictio. Ad hæc nominum obligatio. Sic vero apparet, in uſu diſtinctionis illius dijudicando unice ad id reſpiciendum eſſe, anne negotium Romæ ex concepta formula, an ex conſenſu magis, quam ex ſcriptura, aut verborum cantilena, obligationem produxerit.



## Aphor. V.

ALIQUANDO ACTIO CONTRARIA) Ea generatim tendit ad indemnitatem consequendam, si alter contrahentium ob conservandam rem, quam restituere debebat danti, vel ob factum, quod in utilitatem alterius expediebat, impensas fecit, quas ex natura negotii de suo subministrare non debebat, aut alias, dum res alterius curabat, damnum perpeffus est.

## Aphor. VI.

REM ALIENAM) Potest enim, ut diximus alibi, objectum conventionum esse, quæ non tendunt ad translationem dominii. Et eatenus, salvo jure dominii veri, subsistit conventio inter contrahentes, ut sibi invicem, ubi de re restituenda agitur, non possint objicere exceptionem deficientis dominii. Dominium autem rei alienæ nemo in alium potest transferre, quia ipse dominium non habet. Quia tamen, qui bona fide rem tenet, dominus putativus est, dubitari nequit, quin rem alienam quoad effectum usucapionis in alium transferre possit, atque domino vero, si tempus legitimum effluxerit, exceptio præscriptionis obstet.

QUI NOBISCUM CONTRACTUM INIT) Non itaque contra tertium possessorem, cum ille ex contractu nobis non sit obligatus, bene tamen contra heredem, qui in jura defuncti, tam activa, quam passiva, succedit, ejusque facta præstare debet. Quod eatenus verum est, ut, etiamsi con-  
tra-



tractus vel expresse ad personam restrictus sit, vel ob naturam negotii aut legis dispositionem personam non egrediatur, heredes tamen obligentur ad præstandam rem, quæ in obligatione erat, atque respondere debeant de dolo & culpa defuncti, omnique damno inde proveniente.

### Aphor. VIII.

NE DOLVS PRAESTETVR) Ratione futuri, cum tale pactum invitet ad delinquendum, de dolo præterito transigere omnino licet, quia hic agitur de renunciatione actionis, ex dolo oriundæ, quod nullibi prohibitum.

### Aphor. X.

LATAM, LEVEM, ET LEVISSIMAM) Ut culpa in genere est omissio diligentiae debitæ, proæresi carens, ita culpa eodem modo, ut diligentia, suos habet gradus. In dijudicandis vero gradibus diligentiae ad tres maxime Patrum familias classes respiciebant Romani. Diligentissimam enim rerum suarum curam gerunt Patresfamilias avari, mediocrem, homines parci & frugales, minimam dissoluti. Primò itaque gradu non observato, culpa dicebatur levissima, secundo, levis, tertio, lata.

### Aphor. XIV.

QVAENAM CULPA IN CONTRACTIBVS SIT PRAESTANDA) In hoc argumento verbis legum non semper inherere possumus, cum Icti plus simplici vice exactam & exactissimam diligentiam promiscue usurparint, & aliquando omnis culpæ præstationem injunxerint, ubi tamen levis

solum præstanda erat v. c. in *L. XIII. C. Mandat. in L. IV. & IX. & L. XXVIII. D. de damn. infect.* Necesse itaque est, ut leges pro substrata materia explicemus, & magis ad naturam ipsius negotii respiciamus. Et hoc quidem certo certius est, omnem illum, qui se ingerit sponte, ut alterius negotia gerat, vi *L. XXXVI. De Reg. Jur. L. VIII. §. ult. ad L. Aquil.* qui, dum pecularem artem profitetur, alterum ad contrahendum inducit per *L. XVII. §. III. D. Commod.* qui denique negotium expediendum in se suscipit, quod singularem peritiam & præcautionem requirit ob *L. XIII. L. XXI. C. mandat. L. XXV. §. VII. Locat.* omnem culpam præstare, & de omni culpa respondere debere. Cæterum juvat ad modum utilitatis, ex negotio perceptæ, respicere, hasque memoriæ mandare regulas. I) Quoties in contractu unius solum subest utilitas, qui utilitatem habet, omnem culpam præstat, qui nullam inde habet, latam solum culpam, solo mandato, & tutelæ administratione excepta. Nam, & mandatarius & tutor, officia patrisfamilias diligentis explere, & ideo de culpa levi respondere debet *L. XXI. C. Mand. L. VII. C. arbitr. tut. L. XXXIII. D. de administ. & peric. tutor.* II) Quoties in contractu utriusque utilitas adest, uterque sibi invicem de culpa levi respondet regulariter, in abstracto sumpta, id est, ut nullo personæ, quæ ad contrahendum accessit, habito respectu, respiciendum sit potius ad eam diligentiam, quam diligentes patresfamilias in rebus suis conservandis & custodiendis

endis communiter adhibere solent. In illo vero casu, ubi liberum contrahentis est arbitrium, eligendi, cum quo paciscatur, majorem diligentiam exigere nequit, quam ille, cum quo contraxit, in rebus suis adhibet, & sic etiam hic de culpa solum levi in concreto respondet. Exemplum est in societate. *S. ult. §. de societat.*

### Aphor. XXI.

**CUI DEBETUR**) Imo crederem ego, hanc regulam, qua res perire dicitur ei, cui debetur, adeo generalem esse, ut in omnibus contractibus citra discrimen locum habeat. Nam nec ab illa, quam Auctor supra suppeditavit, & vi cuius res perit suo domino, diversa est, siquidem in contractibus, in quibus de transferendo dominio agimus, ille pro domino habetur, cui res promissa est, simulac contractus perfectionem suam habet, quod, in contractibus memoratis post consensum pure interpositum fieri, per se patet. Unica tamen est exceptio, quæ dominum a necessitate, ferendi casum, liberat, quando nimirum, qui ad rei restitutionem vel traditionem jam obligatus est, moram committit. Is enim moræ est effectus, quod res debita post moram sit periculo debitoris. *L. XXXVII. D. Mand. L. XII. §. III. Depos. L. XXIII. sqq. L. LXXXII. §. I. de Verb. Oblig. L. fin. C. de peric. & commod. rei vend.* Quam ipsam exceptionem limitatio, quæ in *L. XIV. §. fin. Depos.* occurrit, si res nempe æque periisset apud creditorem, haut evertit, cum præsumptio semper adsit pro creditore, cum potuisse & voluisse

de re ita disponere, ut peritura non fuisset. Quapropter debitor procul dubio probationem in se suscipere debet contrariam, quo ab obligatione præstandi casum se liberet.

### Aphor. XXII.

**SI INTER CONTRAHENTES PLACVERIT)**  
 Hoc tamen in casu, quando quis pacto in se casum recipit, consultum est, ut clare exprimi curet, utrum de omni casu, an de insolitis, an de iis solum, quæ utplurimum contingere solent, respondere velit. Nam me quidem non fugit, esse plerosque, qui, etiamsi quis casus in se expresse receperit, eum tamen a præstatione casuum insolitorum, qui non singulis annis, sed rarissime eveniunt, liberandum censent, ex ea ratione, quod de his probabiliter non cogitaverit. WERNHER. P. II. Obs. CCCCXX. Neve absque lege loqui videantur, varios pro confirmanda opinione juris Romani textus cumulant. Sigillatim in subsidium vocant L. LXXVIII. §. ult. D. de contrab. emtion. L. IV. §. penult. Si quis caut. in jud. L. X. §. I. D. de ann. leg. L. VI. C. de pignor. act. Sed prior textus, tantum abest, ut sententiam adjuvet, ut potius eidem contrarietur. Et ex reliquarum legum inspectione patet, eam vim vix illis inesse, ut ad præsens argumentum fieri possit illatio, quod jam docuit VINNIVS Lib. II. Sel. qu. juris cap. I. Quod autem addunt, pacta non esse extendenda ad non cogitata, id facilius admitterem, nisi pro certo haberem, non posse non ipsam vocabuli casus vim & proprietatem contrahentes admonere, ut de insolitis cogitent.



tent. Ea vero ratione argumentum, a non cogitationis desumptum, inefficax est.

### Aphor. XXIII.

**CASVI INTERVENERIT**) Verum tum re ipsa casus non adest. Dum enim casus in inopinato eventu consistere dicitur, quem humana diligentia & providentia non potuit prævidere, vel evertere, certe casus dici nequit eventus, cui dolus aut negligentia nostra dedit occasionem.

**QVASI EMTAM HABERET**) Solet æstimatio rei variis negotiis, & conventionibus adjici, diverso tamen fine. Nonnunquam ideo accedit, ut alter rem pro justo pretio pleno jure habeat. Aliquando ea solum intentione additur, ut litibus obviam eamus, ubi res ex contractu antecedente restituenda venit, quæ culpa contrahentis non amplius extat. Eoque nomine utiliter adhibetur in omnibus conventionibus, quæ ad transferendum dominium non sunt comparatæ. Inde vero satis constat, æstimationem non ubique producere effectum, ut, qui rem habet, casum quoque & periculum rei suscipere debeat. Sed de eo, ut sigillatim inter partes conveniat, necesse est, ubi non agitur de dominio transferendo, cum his in negotiis æstimatio taxationis solum gratia facta videatur. In negotiis vero, mediantibus quibus dominium transferimus, æstimatio venditionis magis, & periculi transmittendi gratia facta, censetur, ut sic, qui eo extendi novult æstimationem, protestari magis debeat, se nolle obligari ad periculum *L. I. §. I. D. de æstimat. act. L. X. pr. D. de jur. dot.* STRYCK.

Qq 5

de



*de Cautel. Contr. Sect. II. cap. II. §. X. Sect. III. cap. VIII. §. X.*

### Aphor. XXV.

DVAS NOTAMVS REGVLAS ) Imo, argumentum de ignorantia juris & facti unice eo redire, videtur, ut statuamus I) Ignorantiam invincibilem, quæ, admota licet cura, dispelli nequivisset, nemini nocere. II) Ignorantiam vincibilem, quam, adhibita attentione & diligentia, discutere potuissemus & debuissimus, nemini prodesse, nisi, ubi de implendo negotio agitur, alter de lucro captando, alter de damno vitando certet, *L. XLI. §. I. de Regul. jur.* vel de poena ob contraventionem legis, quæ actum naturaliter indifferentem illicitum declarat, advenæ & peregrinanti dictitanda, sermo est *GAIL. Lib. II. obs. XLVIII. n. 26. sq. LEYSER. Spec. CCLXXXIX. med. VI.* Sic facile patet, quod nemini ignorantia juris universalis, subdito, & iis etiam, quibus alias jura in *L. IX. pr. & §. I. D. L. I. C. de jur. & fact. ignorant.* tum minimum, si peritiores consulere facile potuissent, ignorantia juris provincialis, illi, qui proprii facti est oblitus, hujus ignorantia non profit, & cur e contrario factum alienum tuto ignoremus.

### Aphor. XXIX.

DILATIO ALIQUA INDVLGENDA) Quod generatim etiam fieri debet, si quis obligationem an se recepit, cui implendæ certus dies non est præstitutus. Tum enim ante interpellationem hominis

nis

nis nemo in mora constituitur, *L. XXXII. de usur.* ut sic quoque in conditionali debito post conditionis existentiam interpellatione opus sit. Quamvis enim conditio existens obligationem existere faciat, quæ antea non aderat, non tamen debitorem statim morosum facit, cum nec hunc effectum pura obligatio statim producat.

### Aphor. XXX.

**DIES ADJICITUR**) Generatim obligatio pura ex die certo, ex die incerto, ad diem, conditionata & sub modo, ita differunt. In pura obligatione dies statim cedit & venit, id est, res vel factum non solum debere incipit, sed actio quoque & exactio statim locum habet. In obligatione ex die certo dies cedit quidem a tempore promissionis, id est, obligatio jam adest, non tamen ante diei existentiam venit, id est, ante diem actio non nascitur, quamvis, quod ante diem præstitum est, repeti nequeat §. II. *J. de Verb. Oblig. L. CCXIII. de verb. signif. L. X. & XVII. de conditione indubit.* Obligatio ad diem jure antiquo perpetua erat, ipsaque actio, elapso etiam tempore, concessa, quæ tamen ob dolum petentis exceptione elidi poterat. Id, quod ex natura actuum legitimorum est derivandum, siquidem promissiones Romani stipulatione & solemni formula expedire solebant. Quare hodie merito cessat hæc juris Romani dispositio. In obligatione ex die incerto & conditionata ante diei & conditionis existentiam neque obligatio neque actio adest, sed nuda enascitur spes §. IV. *J. de Verb. Oblig.* quæ tamen ad expectan-

pectandum minimum obligat, etiam eo effectu, ut nec promittens liberam de objecto pacti habeat disponendi facultatem. Existens tamen conditio ad initium actus retrahitur *L. LXXVIII. pr. de Verbor. Obligat. L. XVIII. de Regul. jur.* In eadem ipsa tamen obligatione conditionata præsupponendum est, I) re ipsa adesse conditionem, quæ incertum eventum continet. Sin certum sit, conditionem vel natura, vel ob legis prohibitionem, impleri non posse, negotium ipsum vitatur. Sin certum sit, conditioni alterum contravenire non posse, negotium statim subsistit. II) Conditionem eo intentione adjectam esse, ut negotium suspendat. Sin id egerint partes, ut, conditione existente, negotium resolvatur, obligatio statim adest, & promissum quoque implendum est. Obligatio denique sub modo, id est, cui finalis causa adjecta est, vim conditionis resolutionis habet. Atque ideo statim agi potest ad implendum, negotium vero, si modus non impleatur, resolvitur *L. I. C. de donation. quæ sub mod.* & si tertii intersit, modum impleri, cautio ab accipiente est præstanda.

### Aphor. XXXII.

CERTA POENA CONTRACTUI ADJICITUR )  
Idque duplici maxime fine. Vel, ut, præstita poena, obligatio, ex contractu alias oriunda, cesset, vel ut, salva obligatione, mora coerceatur. Inter utramque multum discriminis intercedere, per se patet. Priori in casu tamen denuo interest, utrum creditor in sui favorem solum poenam sit stipulatus,

tus, an debitor magis sese ab obligatione liberandi causa poenam promiserit. Ibi penes creditorem electio est, poenamne persequi, an ad implendum agere velit. Poena vero electa, rem debitam amplius petere nequit, & vice versa *L. V. §. I. si quis caution. in judic.* Hic sine dubio cessat electio, & debitori integrum est, præstatione poenæ obligationem irritam facere. Res autem plane aliter sese habet in posteriori casu, quando per poenam mora solum coercetur, quia tum obligationi ex negotio principali nihil decedit. Quod vero attinet ad litem super quæstione, an poena conventionalis legitimum usurarum modum excedere possit? in hac decidenda procul dubio dispiciendum est, utrum factum, an species, aut quantitas, in obligatione sit. Primo in casu quæstio ipsa inutilis videtur, cum poena conventionalis succedat in locum interesse, quod, quia æstimationem damni emergentis, & lucri cessantis, continet *L. XIII. Rem ratam haber.* ad modum usurarum componi nequit. Idem dicendum esse puto, si species objectum contractus sit. Sin autem quantitatem quis promiserit, & poena adjiciatur, leges diserte, poenam legitimum usurarum modum egredi posse, negant *L. XV. C. de usur.* Idque ad omnes conventiones, ex quibus quantitas præstanda est, etiam si bilaterales sint, applicandum esse, censeo, cum nec dubitent Juris Romani conditores, quin emtionem venditionem sub prohibitione comprehendant *L. XIII. §. XXIII. de action. emti.*



## Aphor. XXXIII.

IN VIDENTIS AUT EMTORIS ARBITRIUM ) De quo asserto tamen merito dubitabis. Pretii enim determinationem in arbitrium contrahentis conferri, expresse vetat *L. VII. pr. L. XXXV. §. I. D. de contrah. emtion.* Quamvis vix prohibitum reperiatur, ne accidentia pretii determinati in arbitrium promissoris conferamus. Nec prohibitum est, ut quantitas pretii per relationem ad aliud determinetur *d. L. VII. de contrah. emtion.* Cæterum quando arbitrium tertii eligimus, jure Romano certa persona denominanda est *L. fin. C. Eod.* Moribus tamen & hoc pactum toleratur, quo convenit, ut uterque contrahentium arbitratores postea eligat *SCHILTER. Exerc. XXIII. §. XVIII.* Eaque conventio frequens est inter mercatores, ut placeat, tantum solvendum esse, quanti rem duo prudentes mercatores aestimaverint.

## Tit. IV.

De contractibus propriis iisque nominatis, nec non de realibus in genere, ac in specie de mutuo.

## Aphor. II.

**L**ICET RES NON TRADITA ) Ita de moribus hodiernis, quippe quibus ad producendam obligationem præter consensum regulariter aliquid non requiritur. Sed, ut ex omni pacto, si inter partes convenerit, firma oritur obligatio.



ligatio, ita & ille, qui promisit tantum, se velle mutuo dare, vel pignus constituere, de implendo promisso conveniri potest, licet ipsum negotium, de quo paciscentes mutuam dederunt fidem, prius perfectum non sit, quam traditio, scriptura accesserit, eoque nomine pactum de dando mutuo, de emendo, ab ipso mutuo, & emtione venditione distinguendum veniat. At enim vero Jure Romano contractus demum obligationem capiebant, si traditio rei, verborum, vel scripturae solennitas peracta fuisset, nec antea actio ulla locum habebat. Sigillatim igitur reales ex rei traditione subsistebant. Unde re non contrahebatur obligatio, nisi quatenus datum esset *L. XVII. pr. de pact.* Nec valebat conventio, ut undecim redderes, si ego decem dedissem *L. XI. de reb. credit.* Nec pactione nuda creditum fiebat *L. XXXIV. pr. Mandat.*

### Aphor. III.

ET PIGNVS) Omnes itaque hi contractus ex rei demum traditione perficiuntur, hac differentia, quod in mutuo rei tradatur dominium, in commodato rei gratuitus usus, in deposito rei custodia, in pignore securitas in re.

### Aphor. IV.

VT ACCIPIENTIS FIAT) Involvit itaque alienationem, atque dominium rei & periculum in accipientem transfert, quod absque omni fundamento cum SALMASIO negat OISELIUS in *Not. ad Caji Instit. Lib. II. Tit. IX. §. I.* Nam  
I) pe-

I) pecunia mutuo datur, ut ex mea fiat tua §. I. *J. de obligat. qua re contrab.* II) Pecunia dicitur alienari in *L. XVI. & XLI. de reb. credit.* III) mutuum non præstat usum accipienti, nisi rem consumat. IV) Pecuniam creditam a creditore vindicari posse, Leges negant, periculum vero & commodum in re mutuo data debitoris esse; expresse affirmant add. SCHULTINGII *Jurispr. Ante-Justin. p. 147.*

### Aphor. V.

QVAM SPECIE) Sed quid opus his difficultatibus, quæ obscuritate rem ipsam involvunt. Tu nota: Rem fungibilem esse, quæ utilitatem non affert, nisi usu consumatur. Quod autem dicitur, pondere, numero & mensura constare, id inde est, quia non aliter in commercium venit, nec aliter certum individuum fit, nisi numero, pondere, & mensura BÖHMER. *tr. de action. Sect. II. cap. VIII. §. III.* Interim tamen re fungibili data non statim contrahitur mutuum, sed id agere debent partes expresse, ut alter rem fungibilem, ut fungibilem, accipiat, eamque usu consumendi facultatem acquirat. Nam res fungibilis etiam, ut certa species, dari, lexque accipienti dici potest, ne consumat THOMASIVS *Diss. de pretio affect. in res fungib. non cadent. cap. I. §. XVI.* In dubio tamen, modo partes de dominio transferendo cogitent, utut in ipso titulo dissentiant, mutuum tamen subsistit. Quando vero de dominio transferendo inter eosdem adsit dissensus, negotium invalidum est. Quod ad reli-  
quas

quas conventiones omnes recte applicatur ob *L. XVIII. pr. de reb. cred. L. XXXVI. de acquir. rer. dom. HERTIVS de conv. domin. transl. §. XVII.*

### Aphor. VI.

**ADMINISTRARE ET ALIENARE**) Id, quod ex principio, supra suppeditato, quod nempe mutuum alienationem involvat, immediate fluit, & præterea ex *L. II. §. IV. D. L. IV. C. b. tit.* clare elucet. Ut sic generatim ab alienatione ad mutationem recte inferatur. Sic sigillatim res aliena mutuo dari nequit *L. XI. in fin. L. XIII. de reb. credit.* Pupilli quoque mutuum non valet *L. XIX. §. I. Eod.*

### Aphor. VII.

**PERSONAS MUTVO ACCIPIENTES**) Generatim requiritur, ut se obligare possint, & quidem sigillatim ex mutuo. Nam id unum non sufficit, quem facultatem sese obligandi habere, sed & requiritur, leges obligationi ex mutuo intuitu hujus vel illius personæ efficaciam non detrahere. Exemplum est in Aphor. VIII. Aliud in *L. XII. §. XI. D. Mandat.* occurrit, in qua ei, qui sciens homini perdituro, vel hujus mandato meretrici, pecuniam credidit, actio denegatur, Quam dispositionem tamen, quia de adolescente loquitur, de minorennem solum accipiendam esse, Interpretes recte statuunt, cum præterea hanc restrictionem clara *L. III. §. VI. D. de in rem vers.* maximopere fulciat.

Rr

PBR

PER L. CIVITAS) Quæ lex, an ad alia civitatis negotia applicari possit, non satis expeditum est. Negat LAVTERBACH. in *Diss. ad d. legem*. Affirmat BORNIVS *Diss. de conduct. certi ex mutuo ex contractu administrator. contr. civit. compet. cap. VII. §. I.* Quod omnino verum est, modo cum LEYSERO *Spec. CXXXI. med. I.* distinguas negotia civitatis, quæ solo consensu perficiuntur, ab iis, ubi civitas ex traditione rei, vel acceptione pecuniæ aut alius rei, obligatur. Ibi enim de versione in rem lis oriri nequit. Hic vero, si se non ipsa civitas, sed administrator civitatem obligavit, justum est, ut prior ex facto alieno non obligetur, quam probata versione in rem; *L. VII. §. I. C. quod cum eo, qui in alien. potest.*

IN UTILITATEM VNIVERSITATIS VERSAM) Imo ex re est, ut generalem hic substituamus regulam: Neminem ex negotio, ab alio ejus nomine gesto, si obligatio ex acceptione rei vel pecuniæ deducitur, cum effectu posse conveniri, quam versione prius probata. Ea itaque probanda est, si tutor nomine pupilli mutuum accepit *L. III. C. quand. ex fact. tutor.* si administrator Ecclesiæ mutuo sumsit pecuniam nomine Ecclesiæ BÖHMER. *Jur. Eccl. Protest. Lib. III. Tit. XVI. §. XL.* si socius eo nomine socium obligare vult *L. LXXXII. pro soc.* Imo ne mandans quidem aliter obligatur, si mandatarius limites mandati, mutuum contrahendo, egressus est. *L. XXVII. Mandat. L. X. C. de procur. L. fin. D. de exer.*



*exercit. action.* Cum vero omnino æquum sit, ut teneatur ille ex versione, qui non contraxit ipse, quo cum alterius damno non fiat locupletior, nec liberabit se ab obligatione, qui absque forma, a legibus præscripta, contraxit, & pecuniam accepit mutuo. Quare & minor atque pupillus, cui soli credita est pecunia, tenetur, versione probata *L. II. C. si advers. credit.* Hoc tamen addam, necesse est, probationem illam versionis in rem admodum difficilem esse, nec enim sufficit confessio ejus, in chirographo facta, ceu demonstrat *LEX SER. Spec. CXXXI. med. LX.* Quare, qui cum administratore solo contraxit, caveat, ne statim experiatur contra ipsum dominum; sed potius cum administratore agat. Nam hic, ut se a restitutione liberet, vel ipse proclivis erit ad suppeditanda subsidia, quæ probationem de versione, in utilitatem domini vel universitatis facta, facilem magis reddunt. Optimum vero consilium est, ut, qui universitatem vel minorem ex mutuo obligare vult, adhibita forma, a legibus præscripta, contractum perficiat, add. *STRYCK. Caut. Contr. Sect. II. cap. I.*

### Aphor. VIII.

*EX SETO MACEDONIANO*) Quod privilegium tamen non liberorum; sed patris est, ne ex mutuo a filiofamilias, qui adhuc sub potestate ejus vivit, conveniatur, nec filius eo aliter, quam ex persona patris, utitur. Quapropter filiusfamilias, a patria potestate liberatus, ob *L. III. §. ult. de Scto Maced.* vel qui, sub patria potestate constitutus,

Rr 2

pro-



propria tamen bona habet vi *L. I. in fin. L. II. D. L. VII. §. I. C. Eod.* omnino obligatur. Imo, & sui juris factus, cum effectu debitum, quod filiusfamilias contraxit, agnoscit expresse & tacite. Et hic quidem, si partes debiti ipse solvit, integrum debitum, si pignus dedit, pro quantitate pignoris debitum agnovisse videtur, ut facile ex natura oppositionis deducitur, si *L. II. & IX. D. Eod.* invicem conferamus, add. *BERGER. Resol. Lauterb. ad d. tit. qu. V.* Quo tamen Senatus Consultum exceptio effectum habeat, requiritur I) a creditore sciente datam esse pecuniam, quamvis & scientia unius creditoris alteri, qui correus est credendi, noceat *COCCEJVS Jur. Civil. Controv. tit. de Scto Maced. qu. II.* Qui ignoravit, se filiofamilias credere, nec ignorantiam facile vincere potuit, excusatur *L. III. pr. L. VII. §. VII. L. XIX. Eod.* II) datam esse pecuniam ab eo, qui mutuo ipse dare poterat, nec, si dare potest, beneficio restitutionis in integrum utitur. *L. III. §. II. Eod.* Contra hos enim Sctum non prodest. III) Pecuniam mutuo esse datam. De hoc enim casu agit solum Sctum *L. III. §. III. Eod.* Quod si vero appareat, fraudem legi esse quaesitam, recte existimo, Sctum applicari posse. Pertinet huc sigillatim contractus mohatrae, qui dicitur realis, quo quis rem carius emit pecunia credita, & eandem mox revendit pecunia numerata, ut, quam mutuo habere non poterat pecuniam, sub his involucris acciperet, vid. *ZIEGLER. Diss. de contract. Mohatra.*

P A -

**PATRIS CONSENSU**) Perinde vero est, siue ab initio consentiat, siue postea ratihabeat *L. XII. D. L. ult. C. de Scto Macedon.* Imo & tacite consentire potest, quando vel sciens non contradicit *L. IV. C. Eod.* vel absque protestatione de futuro solvit, & filii sui creditores securos reddit *BRVN-NEMANN. ad L. ult. Quod cum eo, qui in alien. potest.* Quod tamen procul dubio intelligendum est de casu, si pater sapius solvendo consuetudinem solvendi contraxerit. Nam ex eo, quod pater filio unum debitum contrahenti adsensit, in reliqua debita eum consensisse, dici nequit.

**QVOD PATER EX PIETATE**) Nimis late Doctores hoc in casu patris obligationem extendunt. Sigillatim *SCHÖPFFER pecul. Diff. de sumtib. studior. cap. II.* etiam iudicis arbitrium admittit, ut dispiciat, anne, si pater filium studiis incumbere nolit, capacitas tamen filii suadeat, ut nihilofecius literis sese mancipet, perspecta vero hac capacitate, patris dissensum salutis publicæ, quæ per literas promoveretur, postponat, illumque ad sumtus studiorum subministrandos cogat. Verum, si dicendum, quod res est, non video causam, ex qua patri dissentienti necessitas illa imponi possit. Non enim hoc sufficit, ut salutem publicam prævertamus, cum & Reipublicæ intersit, ut ad opificia, artificia & mercaturam accedant homines emunctiorum narium.

### Aphor. X.

**EADEM QUANTITAS REDDATUR**) Mutuum enim sua natura Romæ gratuitum erat. Nec

R r 3

pactum

pactum quidem de usuris præstandis valebat *L. XI. §. I. de reb. credit.* sed stipulatione opus erat peculiari *L. XXIV. præscript. verb.* quam adeo naturæ mutui adversari credebant Romani, ut negotium ipsum in foenus degeneraret; quod semper odio prosecuti sunt. Postea quidem pactum de usuris, tanquam adjectum, tolerarunt. *NOVELL. XXXII.* Habet tamen mutuum gratuitum nihilominus pecuniaria privilegia. Quorum primum est, quod in concursu creditorum præferatur foeneratio *L. VII. §. II. Depos. L. XXIV. §. II. de reb. auctor. judic. possid.* secundum vero, quod, si minori soli absque usuris mutuum datum, creditor non debeat probare versionem in rem, sed minor potius docere, se læsum esse ex acceptione mutui *L. II. C. si advers. credit. BERGER. Elect. Disc. Forens. P. I. p. 36.*

IN EODEM GENERE REDDAT) Qua in re, ut mutuum a multis aliis contractibus, ex quibus res in specie restituenda venit, sese distinguit, ita etiam a contractu vitalitio, *Aliments, Unterhalt, Versorgung*-Contract differt. Per hunc enim contractum id agitur, ut quis vel omnium bonorum, vel certæ bonorum partis dominium in tertium transferat, qui loco alimentorum ad dies vitæ usuras solitis majores præstet, atque usurarum excessum cum ipsa sorte post mortem creditoris compenset. Quo nomine etiam hic contractus sese ab usuraria pravitate distinguit, cum aleam contineat, &, quousque alimenta præstari debeant, incertum sit. Necesse tamen est, ut probabilis

bilis vitæ terminus attendatur, & ejus respectu annua præstatio augeatur vel minuatur *L. LXVIII ad L. Falcid.*

**QUALITATIS SEV BONITATIS**) In mutuo itaque pecuniario respiciendum est ad pecuniæ materiam, Korn, quantitatem, Schrot und Gewicht, & formam Schlag und Gepräge. Ut enim naturæ mutui, quando pecunia restituenda est, satisfiat, debitor tantundem quod ad materiam, pondus & formam, reddere debet, & valor inspicendus est, qui fuit tempore contractus *L. III. D. de reb. credit.* Incrementum itaque valoris debitor deducit, quia creditor alias plus consequeretur, quam dedit, decrementum debitor supplet, quia creditor alias minus reciperet. Quod æquitati quam maxime convenit. Decrescente enim monetæ pretio, pretium rerum intenditur, acrescente, imminuitur. *BERGER. Resol. Lauterb. ad tit. de reb. credit. p. m. 169.*

**IN SPECIE RESTITVANTVR**) Sed nihilofecius consultum est, ut ad omnes lites evitandas in chirographo æstimatio cujusque thaleri simul exprimatur *STRYCK. de probat. vers. credit. cap. I. §. XII.*

### Aphor. XI.

**CONDICTIO CERTI**) Quam tamen, nonnisi elapso tempore, restitutioni præstituto, possumus instituere. Imo, nec creditor, cujus forsan ratione usurarum interest, oblatum mutuum recipere debet invitus. Si de tempore non convenerit inter partes, interpellatio præcedere, & debitori spatium



creditor concedere debet, ut solutionem procurare possit. Quod spatium, nisi in chirographo sit expressum, (id quod semper utiliter fit, eo modo, daß das Capital ein halb, ein viertel Jahr, oder sechs Wochen vorher aufgefündiget werden solle,) creditor a iudice, pro quantitate debiti, determinandum curet, quo moram debitoris probandi non desit occasio.

### Tit. V.

### De Commodato.

#### Aphor. III.

**Q**UOD VSV NON ABSUMITVR) Et sic species regulariter requiritur. Nil tamen obstat, ne res etiam fungibilis objectum sit commodati, modo non detur, ut fungibilis, id est, ea conditione, ne usu consumatur. Posse enim & pecuniam commodari dicis causa, pro forma, simulate, ad ostentationem & pompam, docet BRUCKNER. *Diff. de eo, quod sit dicis causa.*

#### Aphor. IV.

AD VSVM CERTVM) In quo differt a precario, quod incerti usus causa conceditur, tamdiu, quamdiu is, qui concedit, patitur *L. I. pr. de precar.* Est itaque genus liberalitatis & ex beneplacito concedentis dependens, magisque ad donationes accedit. Quamvis enim in *L. XXIII. de Regul. jur.* precarium contractibus annumeretur, id tamen non absolute fit, sed secundum quid, ratio-

ne



ne præstationis doli & culpæ. Inde vero satis apparet, illam similitudinem precarii cum commodato, quam adstruit *L. I. §. III. de precar.* non esse nimis extendendam. Nam I) Commodatum, ut diximus, ad certum finem datur, non precarium, per consequentiam etiam II) illud ante finitum usum revocari nequit, hoc vero omni momento est revocabile *L. I. §. II. L. II. §. I. Eod.* modo tamen non revocetur statim post traditionem, & sic usus vel plane intercipiatur, vel damnum alteri inferatur. III) Commodatarius omnem, ille, qui precarium habet, minimam solum diligentiam præstat *L. VIII. §. III. Eod.* IV) Precarium morte dantis expirat *L. XII. §. I. Eod.* Ex eo interim, quod diximus, commodatum concedi ad certum usum, facile colligimus I) Commodantem retinere dominium, & sic quoque facultatem, rem a quovis tertio possessore vindicandi. Quod tamen Jus Lubecense & Hamburgense, quod ad tertium bonæ fidei possessorem, ob favorem commerciorum, limitat, & commodantem ad commodatarium, ut cum eo personaliter agat, ablegat MEVIVS *ad Jus Lubec. Lib. III. tit. II. art. I. SCHILTER. Ex. XXV. §. V. sqq.* II) Commodatarium non posse adhibere rem ad alium usum. Si id nihilominus fiat, furtum usus committitur, & jure Romano duplicatum pretium, quod pro usu rei habere potuisset commodans, præstandum est *L. XII. §. fin. L. XLVI. §. I. D. de furt.* Imo & hodie commodantem ad interesse præstandum agere, vel ob abusum commoda-

tum revocare posse, pro certo habeo, cum abusus juris mereatur privationem juris. III) Rem commodatam ad usum habilem esse, & si damnum habeat commodatarius, commodantem de eo respondere debere *L. XVIII. §. III. Commod.*

GRATIS) In quo se iterum distinguit a locatione conductione. Admittit tamen honorarium, nec naturam mutat, modo honorarium arbitrio commodantis relinquatur, nec partes de eo sigillatim conveniant. Cæterum patet quoque exinde, in hoc contractu commodatarii solum utilitatem versari, quapropter ad omnem tenetur diligentiam *L. V. §. II. Commod.* Ex quo tamen vix colliges, obligatum esse commodatarium, ut in periculo communi res commodatas suis præferat, quod alias SCHILTER, LAVTERBACH, pluresque alii defendunt, & *L. V. §. IV. Commod.* in subsidium vocant. Sed vereor, ne otiosa sit hæc observatio, quamcunque etiam adhibeas distinctionem. Nam certe de casu commodatarius non tenetur. Periculum itaque, quod absque ejus culpa existit, cum restitutione commodati vix onerabit. Sin culpa commodatarii præcesserit, tenebitur omnino. Sed vix credo, eum hoc in casu ad illum posse adspirare stultitiæ gradum, ut res commodatas, si pretiosiores suis sint, negligat, suas, si vilioris pretii sint commodatæ, periculo exponat.

FINITO VSV IN SPECIE) Nisi perierit absque ejus culpa. Sin culpa sua, æstimationem præstat *L. XVII. §. fin. Commod.* Quando extat, præcise

præcise restituere debet. Nec enim prætextu alterius debiti eam retinet, *L. fin. C. Eod.* nec commodanti exceptionem dominii deficientis efficaciter objicit, cum illa sit de jure tertii. Exceptio tamen dominii competentis liberare poterit a restitutione, si probabile sit jus commodatarii.

## Aphor. V.

ITA CONVENERIT) Quod tamen ex æstimatione rei non statim inferitur, quippe quæ, ut alibi dixi, accedere potest, litis magis de pretio rei restituendæ, quæ non extat, evitandæ, quam dominii transferendi causa. Et, prius semper factum esse, præsumitur in dubio, ubi de contractu, per quem dominium non transfertur, sermo est. Id igitur nominatim agant partes, ut effectum dominii & periculi transferendi æstimationi concilient.

## Aphor. VI.

FINITO VSV) Non igitur ante finitum usum repetitur res, nisi necessitas quædam improvisa superveniat, quæ efficit, ut commodans re sua amplius carere nequeat. Nemo enim rei suæ usum facile concedit, nisi, qui existimat, se re non indigere. Quodsi postea, se errasse, intelligat, commodatum vel ideo revocare poterit, quia res in eum pervenit statum, unde initium habere non potuit *STRVV. decis. Sabbath. cap. V. decis. I.* Quod in omnibus pactis evenire, ut, mutata plane rerum facie, obligatio evanescat, si rei dominium non est translatum, certo certius est, cum subintelligi semper soleat clausula: rebus sic stantibus. *COCCEJVS Diss. de clausul. reb. sic stantibus.*

Aph.

## Aphor. VII.

NECESSARIAS IMPENSAS ) Non itaque quascunque repetit, sed eas solum, quæ ad perpetuam rei conservationem faciunt, Naturali enim ratione, quia gratis usum rei habet, modicas de suo ferre debet. *L. XVIII. §. II. Commod.* In dijudicanda autem quaestione, utrum magnæ, an modicæ fuerint impensæ, æquitas naturalis in subsidium vocanda est, ea quidem ratione, ut dispiciamus ad locarium, quod alias, si rei usus non gratis concessus fuisset, commodans exigere potuisset. Quæ enim locarium excedunt, magnæ dici merentur.

## Tit. VI.

## De Deposito.

## Aphor. III.

POTIVS EST MANDATVM ) Verum hoc indistincte affirmare non possumus. Cum enim in sensu juridico custodia rei, non præcise rem ita clausam habere, ut auferri nequeat, sed potius cavere, ne res deterior fiat, & damni quid patiatur, significet, depositum certe in rem æque mobilem ac immobilem cadit. Et ideo vero prius, si custodia rei immobilis concredita sit, mandatum non adest, quam administratione rei simul commissa. Multumque interest, utrum, depositum, an mandatum, subesse, statuas, cum depositarius latam solum, mandatarius vero levem culpam præstet.

Aph.



## Aphor. IV.

IN EVM FINEM) Requiritur nempe, ut primario custodiæ causa res tradatur, id est, totum negotium unice custodiæ causa, gratuito peragenda, suscipiatur. Nam, si compenset deponens custodiam mercede, locatio conductio magis adest *L. I. §. VIII. & IX. Depof.* quamvis æque, ut in commodato, modica remuneratio, quæ ab arbitrio deponentis dependet, intervenire possit, vid. *STRYCK. de Cautel. Contr. Sect. II. cap. III. §. VIII.* Et si id non principaliter agitur, ut custodiam rei quis suscipiat, sed magis, ut, alium contractum celebraturi, de custodia rei simul suscipienda conveniant, facile patet, tum non depositum contrahi, sed id magis agi, ut major diligentia præstetur ab accipiente, quam ex natura contractus alias præstanda erat.

NISI HOC IPSI PERMITTATUR) Quæ conventio tamen adeo naturam depositi mutat, ut nomine solum depositum, quod irregulare vocant Doctores, re ipsa alius contractus, nempe quatenus usus vel res fungibilis, vel non fungibilis, conceditur, vel commodatum, vel mutuum, adfit, & ex harum conventionum natura res omnis æstimanda sit. Imo, nec dubium est, quin privilegium depositi, simulac præter custodiam aliquid accipienti permittitur, vel etiam ejus officium compensatur, statim cesset. Nam depositum, in se spectatum, prioritate gaudet in concursu, compensationis exceptionem non admittit, periculum non transfert in depositarium, eundemque ad præstationem

nem



nem culpæ levis non adstringit. Quare cauti sint ipsi deponentes, ne, vel tacite, juri suo renuncient, quod sigillatim fit, si usuras accipiunt *L. VII. §. II. Depositi*. Quod autem dicunt, tacite depositum irregulare fieri, quando pecunia non obsignata traditur ob *L. XXV. §. I. Eod.* id tum demum admittendum censeo, quando in corpora nummorum non cadit pretium affectionis BRUNNEMANN. *ad L. III. C. Eod.*

### Aphor. V.

IN SPECIE RESTITVAT) Et quidem bona fide *L. XI. D. Depositi*. & illico ad beneplacitum deponentis *L. I. §. XXII. Eod.* Et hinc est, quod nullo modo depositarius restitutionem remorari possit, neque per oppositam exceptionem compensationis *L. XI. pr. C. Eod.* neque per exceptionem deficientis, vel sibi ipsi competentis, dominii *L. I. §. XXXIX. Eod. arg. L. XXV. C. Locat.* neque per impositionem arresti AVTHENT. *Sed jam cautum est. C. Depositi. NOVELL. LXXXVIII. cap. I.* Quod inde est, quia peculiarem hic contractus ex parte depositarii requirit fidem. Quapropter etiam, si dolose non restituit, infamis fit *L. X. C. Eod.* Imo, si tempore calamitatis, & ubi quis rei amittendæ periculo præsentis premitur, depositum contractum est, quod sigillatim miserabile dicitur, depositarius, qui se depositum accepisse, negat, in poenam inficiationis cadit, & in duplum condemnatur *§. XVII. §. de action.* Quæ poena, quamvis hodie forsan, iis in locis, ubi sigillatim non est approbata, cesser, ipsum tamen inficiant-

ciantem, si dolus & animus lucrificandi accedat, poena extraordinaria afficiendum esse, res ipsa postulat.

### Aphor. VI.

**PRAESTANDA PRAESTET**) Sigillatim quarri solet, an, si cista clausa & signata tradita sit depositario, hic de singulis rebus, in cista comprehensis, respondere debeat, etiamsi ignoret, quænam res sint inclusæ. Affirmat *L. I. §. XLI. D. Deposit.* si prius depositarius de singulis rebus judici fidem faciat. Mihi sequentes casus videntur distinguendi. Aut cista tempore restitutionis clausa adhuc & signata est, aut sigilla fracta, vel, vim adhibitam esse, apparet. Illo in casu deponenti, qui, res sibi abesse, asserit, vix fides erit habenda, nisi adsint indicia falsi. Hoc vero in casu ex desigillatione oritur perfidiæ præsumptio, quæ depositarium, si alia ratione non possit elidere hanc præsumptionem, juramenti purgatorii præstatione onerat. Quodsi vero depositarius homo levis notæ, deponens vero integræ vitæ sit, hic ad juramentum suppletorium & in litem admittitur add. *STRVV. Exerc. XXI. thes. XLI. STRYCK. de Cautel. Contract. Sect. II. cap. III. §. VII.*

### Aphor. X.

**REGULARITER EST PROHIBITA**) Quatenus a iudice, invitis etiam partibus, decernitur. Nam, volentibus partibus, iudex contradicendi ne jus quidem habet. Quo nomine sequestrum etiam in voluntarium & necessarium distinguitur. Quod autem

autem ultima species regulariter sit prohibita vid. *L. unic. C. de probibit. sequestr.* id inde est, quia possessione alterum privat, atque ingentes sumtus exposcit. Quare etiam, in causa possessionis, quæ dubia redditura partibus, ad eam non prius deveniendum est, quam si de possessione alterius certo non constet. De hac enim, si dubium non sit, de quo iudici, prævia causæ cognitione, facile constare potest, possessor potius mandatis poenalibus in possessione est tuendus *MEVIVS P. II. Decis. CCXXXIX.* Ex eadem ratione etiam *LEYSER. Spec. CLXXVII. med. III.* recte defendit, posse sequestrum, durante lite, alterutri litigantium, cuius jus valde liquidum apparet, restitui. Generatim itaque, ut iudex sequestrum decernere possit, requiritur, periculum adesse damni alicujus irreparabilis, alterutri litigantium imminentis. Quare facilior est via ad sequestrum rei mobilis vel infructuosæ, cum hic solum præcaveri soleat, ne in alium transferatur locum. De re vero immobili si sermo est, metus dilapidationis, armorum, vel iusta suspicio adesse debet, præjudicium irreparabile alterum alteri illaturum. Ut sic etiam puella, quæ duobus de matrimonio fidem dedit, in sequestrum dari possit *c. XIV. X. de sponsal. STRYCK. Us. Modern. tit. Depos. §. XV. & XVI.*

Tit. VII.

De Contractu pignoris.

Aphor. III.

**S**ECURVS SIT CREDITOR DE DEBITO)  
Indeque est, quod iure Romano re oppi-  
gnorata neque uti, neque aliquid ex pigno-  
re lucrari possit. *L. XXII. pr. §. I. & II. D. de pignorat. action.* potest tamen pignus sibi ob-  
ligatum alii iterum obligare *L. I. C. si pign. pign. det.* sed eo solum effectu, ut jus secundi credito-  
ris ulterius non daret, quam primi creditoris, cum,  
resoluto iure dantis, resolvatur quoque jus accipi-  
entis. Quo casu dubium, utrum debitor, qui pri-  
us oppignoravit, si reluere velit pignus, agere sta-  
tim possit personaliter cum creditoris creditore,  
ut pignus reddat, an creditorem suum convenire  
debeat, ut pignus liberet, vel actiones contra il-  
lum, qui pignus tenet, debitori cedat. Mihi sic  
videtur statuendum esse, directam actionem perso-  
nalem debitori contra secundum creditorem non  
competere ob expressam *L. XXVII. D. de pignor. action.* utilem tamen habebit absque cessione eo  
in casu, quando suus creditor, rem sibi oppigno-  
ratam, secundo creditori, ut rem debitoris, vi juris,  
quod ipsi comperebat, eaque intentione, ut debi-  
tori contra secundum creditorem, acquireret actio-  
nem, pignori iterum dedit. Et de hoc casu ac-  
cipio *L. XL. D. de pignorat. act. L. II. C. Si pign. pign. det.* Quodsi vero creditor primus rem op-  
pignoratam tanquam suam alteri dedit pignori,  
Ss actio-



actione personali debitorem contra creditorem secundum experiri posse, vix mihi persuaderi patior, cum naturæ actionis personalis haut conveniat, ut contra tertium detur. Quare rei vindicatione potius experiri debet, nisi æstimatione pignoris, a primo creditore præstita, contentus esse velit. Nec enim ulla in Jure Romano lex extat, ex qua, debitori actione personali contra creditorem secundum indistincte experiundi datam esse facultatem, probari possit add. SCHILTER. *Exerc. XXVI. ib. XI. BÖHMER. de action. Sect. II. cap. VIII. §. XXXIII.*

#### Aphor. IV.

SOLVTO DEBITO) Et quidem non idonee solum per nummos probos *L. XXIV. §. I. de pignor. action.* sed & totum debitum cum omnibus accessionibus *L. XI. §. III. Eod.* actu ipso solvere debet debitor. Quodsi vero creditor moram committat in accipiendo, nec tamen actio pignoratitia ante solutionem debiti nascatur, necesse habet debitor, ut ad depositum, quod juris vocant, confugiat, atque se per solennem oblationem & depositionem ex præscripto *L. X. C. de pignorat. action.* ab obligatione liberet. Requiritur enim I) citatio creditoris ad videndum deponi II) oblatio realis & totalis in forma & materia III) opportuno loco & tempore facta IV) obsignatio a præsentē iudice competente peragenda, V) depositio in loco iudicii, vid. BERGER. *Oec. Jur. Lib. III. Tit. XV. §. V.*

Aph.



## Aphor. V.

CONTRA CREDITOREM) Non itaque, ut dixi, contra tertium possessorem, nisi eum, qui rem oppignoratam, ut rem debitoris, a creditore pignori iterum accepit. Secus igitur est, si creditor vel pignus, ut suam rem, oppignoraverit, vel pignus distraxerit. Tum enim rei vindicatione opus. Quam enim in contrarium afferunt *L. II. C. Si pign. pign. dat.* illa de pignore alienato plane fileat. *L. III. C. si vendit. pign. agat.* actionem solum revocatoriam concedit contra eum, qui fraudis particeps pignus distractum emit. Nec Jus Canonicum novi quid statuit. Nam *c. VI. X. de pignor. action.* debitori quidem contra tertium agere permittit, id autem mediante actione pignoratitia fieri posse, neutiquam disponit add. BÖHMNERI *Jus Eccles. Protest. Lib. I. Tit. II. §. LXXII.* BERGER. *P. I. Supplem. ad Elect. Disc. Forens. p. 99. sqq. P. II. p. 215.*

## Aphor. VI.

NECESSARIO VEL UTILITER) De necessariis impensis res certa est, quod creditori restituendæ sint *L. VIII. pr. D. L. VII. C. de pignor. action.* Nec videtur prohibitio debitoris ius repetendi excludere, cum contra salutem publicam fiat, & Reipublicæ interfit, ut ædes ruinosæ fulciantur & reparentur STRYCK. *Us. Modern. Dig. tit. de negot. gest. §. ult. in fin.* Quod vero utiles impensas attinet, ut intra modum fiant, nec debitorem nimis onerent, requiritur. *L. XXV. D. de pignor.*

*pignor. action.* Qua in re tamen, cum necessario arbitrium judicis admittendum sit, isque impensas repetenti nimis favere possit, consultum omnino erit, ut debitor adjiciat contractui pactum, quod creditor absque suo consensu nil impendere debeat. vid. STRYCK. *Caut. Contr. Sect. II. cap. IV, §. XLIII.* & LEYSER. *Spec. CLVI. med. II.*

### Tit. VIII.

### De Stipulatione.

#### Aphor. I.

**S**TIPULATIO EST ) Stipulatio Romanis erat actus legitimus, per solennem interrogationem, & congruam, quæ interrogantis verbum repetebat, responsionem a præsentibus peractus. Quo ipso statim patet, nullius hoc juris Romani argumentum hodie esse usus. Quodsi tamen ab iis, quæ actuum legitimorum naturam & verborum solennitatem sapiunt, discesseris, ut sic remaneat pactum, sive consensus duorum vel plurium in idem placitum, certe omnino utilitatem habebunt ea, quæ in stipulationibus obvia ad pactorum naturam proxime accedunt.

#### Aphor. II.

**CONSTET CERTA CAUSA )** Consensum enim contrahentium specificum esse debere, & de certa re conceptum, jam supra dixi. Ubique itaque causa specialis debendi non subest, pactum nullam vim habet. Quamvis enim pactum, quod nihil certi determinat, obligationem naturalem habere possit, cum fundamentum obligationis ex  
utraq

utraq̃ue parte adfit; Jus tamen Civile ei ideo non assistit, quia istiusmodi pactum incertæ pollicitationis inextricabiles habet difficultates. Maluerunt itaque Jcti implementum harum promissionum cujuslibet pudori relinquere, quam actionem concedere. *L. CVIII. §. I. de Verb. Oblig. L. LVI. §. III. D. L. XVII. C. Mand.* Sola promissio dotis excepta est, quippe quam, utut generaliter conceptam, leges tolerant, & dotem, pro modo facultatum promittentis & dignitate mariti, determinandam censent *L. LXIX. §. IV. de jur. dot. L. III. C. de dot. promiss.*

### Aphor. III.

SPONSIONES) Rectius dixeris, sponsiones esse promissiones reciprocas, in eum casum factas, si eventus jam incertus, & utrique contrahentium ignotus, certus sit futurus. Hac enim ratione vides, naturam sponsionum eam esse, quod I) omnia requisita adesse debeant, quæ in pactis desiderantur. Sigillatim fiant bona fide, absque dolo & ambiguis aut sophisticis locutionibus. Alias enim vel plane nullam habebunt obligationem, vel interpretatio fiet contra eum, qui obscure locutus est, & juxta verborum proprietatem. Fiant etiam de re licita *L. XVII. §. fin. de præscr. verb.* II) Admittere sponsiones eas solum conditiones, quæ pactis adjici possunt. Sic vero non valebit sponsio, quæ vitæ, membrorum, vel famæ jacturam, quæ turpia, quæ derisoria præmii loco offert. III) Utrumque promittentem eventum nescire debere. Qui jam rei certam notitiam habet, & spondet ta-

S s 3

men,

men, in dolo est, nec valet negotium, nisi bona fide, se jam notitiam rei habere, confessus sit, alter vero nihilominus spondeat, quia tum pure donasse videtur. IV) Sponsiones æque de præteritis ac futuris fieri posse. V) Requiri quidem reciprocam promissionem, eam vero ex utraque parte æqualem quantitatem vix desiderare. VI) Non valere sponsiones, quatenus temerariæ sunt, & sic quoque de maxima bonorum parte conceptæ iudicis moderationem admittunt, ne sponsor egeat. add. LUDOVICI *Diss. de natur. & interpretat. Sponsionum.* FRIDERICVM HOHNDORFF *de sponsionibus.*

## Tit. IX.

## De Fidejussoribus.

## Aphor. I.

**E**ST FIDEJUSSIO) Fidejussio, si a solennitate stipulationis, quæ olim ad negotii efficaciam requirebatur, discesseris, est pactum accessorium, quo quis obligationem alterius principalem, quæ præstationem pecuniariam admittit, in securitatem creditoris ita recipit, ut in subsidium respondere velit. Differt itaque fidejussor & expromissor, cum posterior ipsam obligationem principalem ita in se derivet, ut, liberato plane debitore, se ipsum debitorem constituat. Deinde nomine quidem differunt fidejussor principalis, succedaneus, constitutor, mandator, ratione præstationis etiam fidejussor, & qui indemnitatem promittit. Omnium vero obligatio est subsidia-  
ria. Nam succedaneus fidejussor accedit in gratiam



tiam primi fidejussoris, qui indemnitatem promittit, de omni damno, quod vel creditor, vel fidejussor incurrit, respondet. Constitutor ex reiterata promissione ejus, quod pacto nudo quis erat pollicitus, accessorie obligatur. Mandator ex commendatione speciali, vel jussu, qui ipsam obligationem principalem inter creditorem & debitorem præcedit, obligatur, si debitor suæ obligationi haut satisfacit. Cæterum ex ipsa definitione infero. I) Nullam esse obligationem ex accessorio contractu, si nulla est ex principali. Et qui scivit, debitorem principalem non obligari, & intercedit tamen, non fidejubere, sed donare præsumitur *L. XXV. D. de fidejussor.* II) Fidejussorem accedere posse omni debito, quod interesse pecuniarium continet, sive ex contractu, sive ex delicto oriatur *L. VIII. §. V. L. LXX. §. V. D. Eod.* quousque legis prohibitio non obest, quale exemplum occurrit in *L. II. C. ne fidejuss. vel mand. dot. dent.* Sic vero per se patet, pro poena, quæ interesse pecuniarium excedit, recipienda, fidejussionem inutilem esse. III) Fidejussorem se non posse obligare pro majori summa præstanda, quam quæ est in obligatione principali. *STRYCK. Cautel. Contr. Sect. II. cap. VI. §. XXVIII.* IV) Posse tamen fidejussorem se obligare efficacius debitori ipso, cum sufficiat, creditori securitatem præstari. V) Fidejussoris obligationem extendi haut posse ulterius, quam quatenus obligationem in se recepit. Inde, si fidejussionem ad certum tempus restrinxit, & creditor post temporis lapsum a de-



bitore suum consequi non studet, fidejussio ratione futuri, & ejus intuitu, quod postea obligationi accessit, expirat *L. VII. C. de Locat. L. X. C. Mand.* Imo & ratione præteriti effectum amittit *L. XLIV. §. I. de Oblig. & action.* nisi creditor probet, debitorem jam, durante tempore fidejussionis, non solvendo factum esse *WERNHER. P. III. Obs. CVII.* vel interpellationem accessisse. *IDEM P. VII. Obs. XXXIV.* Quibus positis, facile patet, non opus esse protestatione, a fidejussore, se nolle amplius teneri, elapso tempore facienda, quod alias ipsi injungunt *LAVTERBACH. Compend. Jur. tit. de fidej. in fin. BEYER. Delin. Pandect. d. tit. §. XXX.* VI) Fidejussorem non posse prius conveniri, quam excusso debitore principali *NOVELL. IV. cap. I.* vel generatim, si probet creditor, debitorem desiisse esse solvendo, & quidem absque culpa ipsius creditoris *CARPZOV. P. II. Const. XVIII. def. XV.* VII) Formulas obligandi, in fidejussione adhibitas, si dubiæ sint significationis, ex natura tamen obligationis subsidiariæ ita explicandas esse, ne fidejussor damno afficiatur. Quapropter & formula, vi cuius fidejussor se, ut debitorem principalem, als ein Selbst-Schuldner, obligat, accipienda est de casu, si debitor principalis non solvat *CARPZOV. P. II. Const. XVII. def. IX.*

### Aphor. II.

**SVNT VERO INHABILES**) Eodem vero modo, quo foeminis, prohibetur etiam militibus & clericis, ne intercedant in *L. XXXI. C. Locat. NOVELL. CXXIII. cap. VI.* quod clericorum intuitu

intuitu approbat, *c. I. § penult. X. de fidejuss.* Dubitant tamen de harum dispositionum usu hodierno. Verum, quia causæ prohibitionis, ne milites a ministerio Reipublicæ, & Clerici a cultu divino & animarum cura abstrahantur, naturalem videntur habere rationem, consultius certe erit, ut nemo fidejussorem clericum vel militem facile recipiat.

**BENEFICIUM S. CTI VELLEJANI**) Hoc Sctum, tanquam moribus & rationibus jurium nostrorum contrarium, cum omnibus clausulis suis in Germania exulare debere, demonstrandum sibi sumsit *LVDWIGIVS Diff. de Scto Vellejan. exule.* Et, ne quid dissimilem, proxime accedit ad leges prohibitivas, ipsaque mulierum intercessio eatenus est reprobata in Jure Romano, ut ne obligationem quidem naturalem producat, ideoque mulieri condictio competat, si contra Sctum solvit *L. XL. D. de condict. indeb. L. XXXII. §. I. ad Sctum Vellej.* Ipsa vero prohibitionis ratio Romanis propria videtur, cum intercessio, quia absque progressu in publicum fieri haut poterat, mulieres non deceret, virilibusque officiis annumeraretur. Sed enim vero, post temporum intervalla, & dum sequiori ætate Legislatores vel veram rationem nescirent, vel eam ab aliis scire nollent, privilegium magis mulierum fuisse videtur, ne ex intercessione obligatio in eas caderet, si nollent; omnisque ratio ejus ab imbecillitate sexus desumta est, *L. XXI. ad Sct. Vellej.* & nostris etiam hoc Sctum sub his qualitatibus innotuit. Quapropter nec dubita-

runt Romani, quin mulieres Scto renunciare possint, absque omni solennitate vid. *L. fin. §. penult. D. Eod.* NOVELL. CXVIII. cap. V. præprimis vero *L. XXI. sqq. C. ad Sctum Vellejan.* Si tamen quid video, principium illud, intercessionem mulierum ob legem prohibitivam esse infirmam, Romani solum neglexerunt, quando mulier extranei obligationem recepisset. E contrario vero retinuerunt, quando in gratiam mariti uxor intercederet. Nam, nullatenus hoc negotium valere debere, constat ex NOVELL. CXXXIV. cap. VIII. & AUTHENT. *Si qua mulier C. ad Sctum Vellejan.* Quod etiam me movet, ut existimem, uxorem de Jure Romano non potuisse renunciare legi huic prohibitivæ. Imo nec hodie, recepto semel Jure Romano, simplicem authenticæ renunciationem subsistere posse, pro certo habeo. Quod autem, si jurato facta sit, valeat, id principiis Juris Canonici originem debet, quod omne juramentum servare jubet, si, salva salute æterna, servari possit.

### Aphor. III.

INTERCESSIONES PRO ALIO FACTAS )  
 Res omnis eo redit, ut statuamus: Mulierem ex nullo contractu, neque principali, neque accessorio, obligari, quem in aliorum favorem, qui pinguius privilegium non habent, celebrat, cum eventu dubio, ut damnum certo prævidere non possit. Sic I) perinde est, sive alienam obligationem veterem sive novam, accessorie vel principaliter, recipiat. II) Non tamen confugere potest ad Sctum,  
 si

si intercessio in proprium suum commodum fiat, vel obligatio ad eam principaliter spectet *L. II. C. ad Sctum Vellejan.* Nam in propriis contractibus non juvatur *L. X. L. XII. L. XIII. C. Eod.* Sic etiam cessat Sctum, si aliquid accipit, ut intercedat *L. XXIII. C. Eod.* nec opus est, ut, quod accipit, proportionem habeat cum fidejussionis summa, ceu vult *ZANGER. de Except. P. III. cap. XI. n. 145.* Nam leges non distinguunt, nec casus concipi potest, ut quis foeminae proportionatam summam offerat, cum ille, cujus tantæ sunt facultates, ut foeminam ex asse indemnem præstare possit, non opus habeat, ut pecuniam mutuo sumat. III) Non utitur Scto, si negotium, pro quo intercessit, sit magis favorabile, ut, puta, libertatis datio *L. XXIV. C. De Scto Vellej.* dotis promissio *L. XXV. C. Eod.* minorennitas creditoris, qui debitori inopi credit *L. XII. D. de minor.* IV) Non locum habet Sctum, si damnum certo prævidet, e. g. si donat *L. IV. §. I. D. ad Sctum Vellej.* si pignus reddit *L. VIII. pr. Eod.* si pro alio solvit *L. I. & IV. C. Eod.*

#### Aphor. IV.

NON OBTINET S C T V M ) Cum tota ratio Scti ab infirmitate & imbecillitate sexus desumi soleat, facile patet, semper cessare debere idem illud, quotiescunque damnum, in quod ob imbecillitatem sexus incidit, prætegere nequit. Cessat igitur, 1) si ab eo, pro quo fidejussit, indemnitas præstita sit *L. XV. sqq. ad Sctum Vellej.* 2) si pecunia accepta in rem ejus sit versa *NOVELL. CXXXIV.*



**CXXXIV. cap. VIII.** 3) si negotiationem exercet, 4) si callide versatur *L. V. in fin. L. XVIII. C. ad Sclum Vellej.* quod & fit, quando sæpius de privilegio admonita, & jam liberata ab obligatione, se nihilominus secunda vice obligat, 5) si, dum consiliariis propriis instructa est, infirmitatis præsidium allegare nequit **HERING. de fidejuss. cap. VII.**

**EDOCTA FVERIT)** Certioratio ipsa actus dicitur, quo rei alicujus ignotæ, quam tuto ignoramus, notitiam acquirimus. Eaque ideo utiliter in omnibus casibus adhibetur, quando quis non intelligit, nec intelligere debet jura, quibus renunciare cupit, vid. **STRYCK. Diff. de certiorat. jur. renunc.** Ut tamen ita fiat, quo effectum habere possit, omnino requiritur. Fiat itaque I) ab eo, qui ipse rei notitiam habet, II) in specie, III) verbis, quæ renunciãns intelligit. **STRYCK. Cancell. Contr. Sect. I. cap. V. §. VI. sqq.** Cave vero existimes, juramenti præstationem per se effectum certiorationis habere, & defectus certiorationis supplere. Sunt enim juramenti & certiorationis diversi fines. Id intervenit, ne quis tam facile promisso contraveniat. Hoc, ne quis ignorantiam jurium, quibus renunciavit, prætegat. vid. **STRYCK. d. Diff. cap. II. n. 14.** **MEVIVS ad Jus Lubec. Lib. I. Tit. V. art. VII. n. 121.**

**INTERCESSIO NON VALEAT)** Id vero ex lege prohibitiva esse, jam diximus, cujus ratio procul dubio in eo consistit, quia minis aut importunis flagitationibus maritorum ad intercedendum inducitur



ductæ censentur, eademque, minimum in gratiam mariti, cui contradicere non audent, se obligasse, præsumuntur. Inde recte inferunt Doctores. I) Non obligari mulierem, etiamsi beneficiorum suorum optime gnara fuerit, iisdemque jam sæpius erga alios creditores renunciarit LEYSER, *Spec. CLXXI. med. III.* II) Ne obligari quidem uxorem, quando in uno instrumento, tanquam correa debendi, una cum marito se principaliter obstrinxit, sed, subducta uxore, maritum solum teneri, WERNHER. *P. V. Obs. XLVI. P. VI. Obs. CCCLXIX.* Quare cautelam idem ille commendat creditoribus, ut uxorem solam, tanquam debitricem principalem; maritum vero, tanquam fidejussorem, cum renunciatione beneficii excussionis, accipiant. III) Et hoc inferri posse puto, renunciations mulierum Juri Romano haut esse conformes; cum earum intercessio non sit privati arbitrii, vid. *L. VII. §. XIV. L. XXXVIII. L. XLII. D. de pact.* Verum, hodie simplices quidem renunciations effectu suo destitui, Doctores existimant; juratæ tamen plenam vim tribuunt, modo tamen de Jure Saxonico Electorali juramentum actu corporali sit præstitum per *d. DECIS. ELECT. XXV.* cum alibi omnino sufficiat, juramentum qualicunque ratione accessisse, ceu recte defendit BRUNNEMANN. *Consil. LXXXIX.* ESBACH. *ad Carpzov. P. II. Const. XVI. def. VI.* SCHILTER. *Exerc. XXVIII. tb. XI.* Verum enim vero id addamus, necesse est, prohibitionem, ne uxor intercedat, non extendendam esse ad viduam, sed hæc ipsa,

ipsa, si æs alienum mariti, dum viveret, in se recepit, & post ejus mortem denuo obligationem agnovit, jure aliarum mulierum censetur, quæ ex repetita intercessione obligantur. MEVIVS *P. VII. Decis. CCXXIX.* BERGER. *Dec. Jur. p. 617.* STRYCK. *Cautel. Contract. Sect. II. cap. VI. §. VIII.*

### Aphor. V.

RATIONE SORTIS, QUAM USURARVM )  
Quod intellige de eo, qui fidejussit in omnem causam, ut clara *L. LIV. pr. Locat. L. LVI. §. II. de fidejuss.* docet. Qui vero simpliciter se obligavit, nisi usurarum tempore contracti debiti & initæ fidejussionis expresse facta sit mentio, de usuris non respondebit *L. LXVIII. §. I. de fidejuss.* BERGER. *Elect. Disc. Forens. Supplement. P. I. p. 833.* Quod non opus est, ut præcise ex natura negotiorum stricti juris derivemus, & ideo usum ejus hodiernum negemus, sed ipsa fidejussionis indoles nonnisi strictam interpretationem admittit, quia fidejussor de damno vitando ubique certat, sic vero naturale est, ut ultra intentionem suam non obligetur.

### Aphor. VI.

EXCVSSIONIS SEV ORDINIS ) Quæ exceptio olim, ubi stipulatione peragebatur negotium, fidejussori denegabatur, cum stipulatio, cum fidejussore inita, contractus principalis esset, vid. *L. II. L. V. & L. XIX. C. de fidejuss.* Sed postea intentionem magis fidejussoris, qui accedebat solum obligationi

nioni debitoris principalis, respexerunt Legislatores, & cum effectu fidejussoris obligationem subsidiariam esse jusserunt, quousque creditor suum a debitore principali consequi posset. Quotiescunque igitur creditor probare potest, debitorem vel solvere non posse, vel in ea causa esse, ut exactio multas habeat difficultates, & quasi aleam contineat, fidejussor tenetur. Non tamen ipso jure fidejussori competit beneficium, sed negere id ipsum debet fidejussor.

## Aphor. VII.

**BENEFICIUM DIVISIONIS**) Quod iterum olim cessabat, quia creditor cum singulis fidejussoribus stipulationem, & contractum principalem ratione integri debiti principalis inibat, ideoque singuli fidejussores, ut correi debendi, in solidum tenebantur. Verum denuo æquum visum est Legislatoribus, ut obligatio, a pluribus suscepta, inter eosdem pro rata divideretur, modo obligatio per se esset dividua, *HERING. de fidejussor. P. II. cap. XXVII. n. 92.*

## Aphor. VIII.

**BENEFICIUM CEDENDARVM ACTIONVM**) Quod in subsidium confidejussoribus concessum est, ut hoc ipso, si pro confidejussore solverent, contra eundem, quam non habebant, ex cessione, a creditore facta, acquirerent actionem. Recteque adhuc ad hoc beneficium provocant, etiam si eidem renunciaverint. Quamvis enim ad jura renunciata regulariter non detur regressus, credi-  
tor

tor tamen ex hac contraventione damnum non habet, sed regulam, quod tibi non nocet & alteri prodest, ad id potes compelli, agnoscere debet, *CARP. zov. P. II. Const. XVII. defin. XVII.* Contra confidejssores itaque, ut actionem haberet fidejssor, inventum est beneficium. Sed ob paritatem rationis fidejssor recte eodem utitur, ut cum ipso debitore agat, si forsan pro invito fidejsserit *L. XVII. L. XLI. §. I. de solut.* Imo, ipsa illa cessio utilitatem præstare potest, etiamsi jam alias contra debitorem actio competat, si nempe pinguior erat actio creditoris contra debitorem, quam remedium, quo fidejssor contra eundem uti poterat.

**SOLUTIONEM DENEGAT, VSQVE DVM)** Nam existimant interpretes, de cedendis actionibus sollicitum esse debere fidejssorem, antequam solvat, cum solutio ipsius creditoris jus & actionem extinguat. Sed enim vero, si dicendum quod res est, fidejssor, qui confidejssorem liberat, negotia ejus gerit, eoque nomine recte cum illo agit, & sic, etiamsi cedi sibi actiones non curet, sibi tamen actione negotiorum gestorum consulere potest. Atque hoc est, quod dicitur in *L. XXXVI. D. de fidejssor.* fidejssorem non simpliciter solvere, sed nomen potius debitoris emere.

### Aphor. IX.

**ACTIO MANDATI, VEL NEGOTIORVM GESTORVM).** Quatenus vel pro sciente *L. XIV. C. de fidej.* vel pro ignorante, fidejssit, & creditore ipsa satisfecit. Antequam vero debitorem liberavit, actionem regulariter non habet, quamvis



vis sufficiat, creditori quomodocunque satisfactum esse, ut sic etiam agere possit, tametsi, interveniente donatione, vel remissione debiti, in sui favorem facta, nil solverit *L. X. §. XIII. D. Mand.* Quicquid autem solvit de suo, tanquam sortem solvit, eoque nomine, licet usuras creditori cum sorte præstiterit, nihilominus usuras iterum exigit *L. XXXVII. D. de usur.* Ita responderunt Jcti Jenenses M. Januar. 1737.

Aphor. X.

CERTIS ETIAM CASIBVS) Si nempe debitor vel differat solutionem, vel bona dilapidare incipiat *L. XXXVIII. §. I. D. L. X. C. Mand.* Eadem ratione agit fidejussor, quando pro debito alieno ratione officii intercessit *L. XVI. de contr. tutel. action.*

Tit. X.

De duobus reis.

Aphor. II.

OMNIBVS CORREIS ONEROSA) Qui enim ex causa lucrativa, quod pluribus debetur, solidum exigit & accipit, sibi vigilare dicitur. Quæ distinctio tamen hodie usum non habet, sed correus correo semper communicat, quicquid accepit, licet nec socius sit, nec ita expresse convenerit *BERGER. Oec. Jur. Lib. III. tit. III. §. III. n. 4.*

Aphor. IV.

PRO RATA TANTVM SOLVAT) Quando obligatio ipsa dividua est. Ex correis delinquen-

Tt

di



di enim quilibet regulariter in solidum tenetur, si delictum ipsum & damnum datum divisionem non recipiat. Quod autem in correali obligatione ex contractu pluribus promissoribus beneficium divisionis concessum sit, id non simpliciter cessare facit obligationem correalem, sed circumspectus sit ille, cui promittitur, ut isti beneficio renunciari curet.

Lib. XI.

De Contractibus Consensualibus in genere, & in specie de emtione venditione.

Aphor. II.

**I**NITVS CONSENSV) Neque igitur scriptura neque arrha ad essentiam contractus emtionis venditionis pertinet, sed, ceu infra videbimus, illa probationis solum gratia accedit, hæc vero Jure Romano, ut ex *pr. §. de emtion. L. XVII. C. Eod.* plerumque interveniebat eo fine, ut licentia esset, arrha commissa, a contractu iterum recedendi. Hodie aliquando confirmationis causa additur, & signum est, contractum jam esse perfectum, nec licere amplius partibus a contractu discedere vid. THOMASII *Diff. de arrhis emtionum.*

Aphor. III.

ET ALIENARE QUEVNT) Verum & adde, quod in ementibus vendentibus figillatim emendi vendendique adesse debeatabilitas. Nam non lege solum, & testamento, sed & pacto, ut ge-  
ne-

neratim alienandi facultas, ita & emendi vendendique licentia restringi potest. Prohibet nominatim *L. XXXIV. §. fin. C. XLVI. de contrab. emtion.* ne tutores vel curatores pupillorum aut minorum res emant, ne sibi potius prospiciant. Arcentur ab emendo, qui aliquam potestatem habent *L. XLVII. D. Eod. L. XLVI. §. II. de jur. fisci.* Idem juris esse dicunt, si medicus ab ægroto vult emere, ob *L. III. D. de extraordin. cognition.* Sed ex inspectione legis unicuique patefit, casum ibi solum specialem de medico proponi, qui contra bonam fidem ægrotum, sub periculo amittendorum oculorum, ad vendendas possessiones compulerat. Quapropter lex ad medicos, qui bona fide emunt, neutiquam pertinet. Id tamen constat, clericis emtionem negotiatoriam sive mercaturam interdictam esse *c. XVI. x. de vit. & honest. Cleric.* Ex antiqua etiam consuetudine Nobiles in Germania, quia olim ingenuum decebat, ut militatum abiret, indignum statu ingenuitatis esse existimant, mercaturæ operam dare *HERTIVS de feud. Nobil. Sect. II.* At enimvero hæ prohibitiones ipsis facultatem, res in prædiis suis natas vendendi, non adimunt *ZIEGLER. de jur. majest. L. I. cap. XLI. §. XIII. sqq.* Denique subditis non licet, ut hostibus talia vendant, quæ ad instruendam militiam spectant *L. IV. & ult. C. de commerc. STRYCK. Us. Modern. tit. de contrab. emt. §. VII. sqq.*

Aphor. IV.

MAGIS CONTRARIUM SIT) Consensui et-

T t 2

iam

iam contraria sunt vis & metus. Et sic regulariter nemo cogi potest, ut emat vel vendat. *L. XIV. C. de contrab. emt. L. IX. C. de jud. L. XVI. C. de jur. deliber.* Nil tamen obstat, ne Princeps, salute Reipublicæ id exigente, necessitatem emendi vendendique civibus imponat, vid. *THOMASII Diss. de pretio affect. in res fungibil. non cad. cap. II. §. V.*

**QVAM ERROR**) Paucis nota: Error in substantialibus, sive circa ipsum contractum versetur, sive circa objectum, sive circa pretium, sive circa materiam, contractum vitiat *L. IX. pr. & §. II. de contrab. emtion.* Si in accidentalibus occurrat, id est, in illis, quæ emtor principaliter ante oculos non habuit, & sine quo nihilominus contracturus fuisset, emtio subsistit, ita tamen, ut pretium ad æquitatem redigatur, & actio ad id, quod interest, locum habeat *MENCKE Tract. Synopt. Pand. tit. de emt. vendit. WERNHER. P. IV. Obs. CC.*

### Aphor. V.

**QVAE DEBET ESSÉ**) Debet etiam ita esse comparata, ut contractus emtionis venditionis in eam cadat. Sic verbi gratia hinc inde prohibetur, ne pertinentias a fundo principali alienando separemus, cum Reipublicæ ratione onerum maximopere intersit, ne prædiorum partes distrahantur. Quod fundamentum est juris reuniendi pertinentias, de quo *BODINVS* egit *peculiari Dissert.* & plura notatu digna exhibet *LEYSER. Spec. C. per tot.* Sic libros improbos, magicos, atheos, hære-

hæreticos, blasphemos, commercio eximit *L. IV. §. I. Famil. ercisc. L. VI. §. I. L. VIII. §. V. C. de heret. res litigiosas L. II. de litigios. venena L. XXXV. §. II. de contrab. emtion.* Atque has res, quarum venditionem leges interdiciunt, ipse etiam venditor revocare potest. Sed, si prohibitio emtionis forsan ex pacto sit, neque venditor, neque, qui alienationem prohibuit, rem a tertio possessore revocare potest, nisi clausula commissoria pacto fuerit addita, ut ipso jure contractus debeat esse nullus, si res contra pactum distrahat *L. XIII. in fin. de pignor. action. junct. L. XX. §. ult. D. quib. mod. pign. solvat. add. L. V. C. si mancip. ita fuer. alien. L. fin. C. de reb. alien. non alienand.* STRYCK. *de Cautel. Contract.* Sect. I. cap. III. §. XXXIII. vel nisi tertius ille possessor sciens rem comparaverit CARPZOV. *P. II. Const. XXXII. def. XII.* WERNHER. *P. II. Obs. CCCCXXV.*

VEL AD CORPVS) Multum interest, quomodo res venditur, cum ratione quantitatis, tum respectu periculi & præstationum. Nempe, quando de quantitate vendita sermo est, primario ad id respiciendum, utrum illa restrictivæ, an modificativæ, an denique demonstrativæ adjecta sit. Istud fit, quando pretium in singulas mensuras statuitur. Illud fit, quando integrum quidem corpus emo, addito tamen modo, ut certa quantitas præstetur. Hoc fit, quando simpliciter ad corpus vel per aversionem emo, pretio in singulas mensuras non constituto. In primo casu emtio venditio



ante traditionem est imperfecta, & periculum ad venditorem adhuc spectat *L. II. C. de peric. & commod. rei vend.* quantitas quoque præcise præstanda est. In secundo casu emtio statim est perfecta, & periculum emtoris. Quantitas vero iterum a venditore præcise est præstanda, alias pretium minuitur. Major vero quantitas, si reperiatur, pretium non augetur, quia modum in sui favorem adjecit emtor *L. XIII. §. XIV. L. XXXVIII. D. de action. emti.* In tertio casu, ratione periculi idem juris est, quod in casu antecedente. Etsi vero quantitas, de qua cogitavi, non adsit, pretium tamen non minuitur, nec augetur, quia spem emi & totum *L. XXXV. §. V. de contrab. emtion.* add. STRYCK. *Cautel. Contr. Sect. II. cap. VIII. §. XXX. sqq.*

COHAESERIT REI VENDITAE ) Generalis itaque regula est: Fundo vendito, ea omnia, quæ fundi sunt, id est, vel pars ejus sunt, vel ad fundum pertinent, vendita censentur *L. XIII. §. XXXI. D. de action. emti.* Pertinent huc I) fructus *L. XIII. §. X. Eod.* quia pars fundi sunt. *L. XLIV. de Rei Vind.* II) Quæ perpetui usus causa in fundo sunt *L. XVII. §. VIII. Eod.* quamvis hoc fallat in instrumentis *ben denen Inventarien = Stücken LEYSER. Spec. CCX. med. X.* III) Pertinentiæ, quales iterum dicuntur, quæ actualiter ad rem venditam destinatae sunt, ut perpetuo ei cohæreant. Non itaque sola compossessio sufficit ad hanc qualitatem partibus prædiorum conciliandam, sed incorporatio requiritur *L. III. & V. C. de bon. vacantib.* Eaque vel expresse fit, quando pertinentiæ



tiae in libris censualibus, tanquam partes rei principali cohaerentes, commemorantur, & sigillatim onera imposita non habent, vel tacite, quando, accedente longo usu, possessor partem ad rem principalem ita destinavit, ut appareat, eum hanc partem separatam habere nolle. add. *LE YSER. Spec.*

*CI.* Quae cum ita sint, nec res vel jura, quae per se extra commercium sunt, fundo principali, cui cohaerent, vendito, excipiuntur, sed per consequentiam eum sequuntur v. c. templum, coemiterium, jus patronatus. vid. *L. XXIV. de contrah. emtion.* Venditor igitur, qui ex fundi accessionibus sibi quaedam retinere cupit, id agere debet, ut eas a contractu expresse eximat *arg. L. XCIX. de Verb. Oblig.* add. *L. XXXIX. de pact.*

Aphor. VI.

*IN PECUNIA NUMERATA*) Nil tamen obstat, ne & res pro re detur. Qua de re olim gravis inter JCtos intercessit dissensio, cujus meminit *L. I. D. de contrah. emt.* postea a Justiniano decisa in §. II. *J. de emt. vendit.* Res eo redit. Indubio, si partim res, partim pretium interveniat, emtio magis, quam permutatio praesumitur. *HUBER. Praelect. ad Dig. tit. de emtion. §. VI.* *SCHILTER. Ex. XXX. §. XX.* Alias a potiori fit denominatio. Imo & potest emtio esse, etiamsi res pro re absque interventione pretii detur, si partes res prius aestimaverint. Quare nec vilipendenda intentio partium, in quaestione dijudicanda, utrum emtionem an permutationem celebraverint. Nam certe in effectu multum interest, quem contractum

existimes adesse vid. BÖHMER. *Jur. Digest. tit. de contrab. emtion. §. XXI.*

DIFFICULTATEM AESTIMATIONVM RE-  
RVM) Inde satis constat, in rebus, quæ certam  
jam habent æstimationem, sive a lege, sive a ma-  
gistratu, quod pretium legitimum dicitur, adeo  
exactam observandam esse justitiam, ut & de læ-  
sione minima querela permittatur, quia hīs in ca-  
sibus determinatio pretii non est res privati arbi-  
trii. Sic vides, publica auctoritate limites poni  
cauponibus, lanionibus, pistoribus, aliisque opifi-  
cibus, quos in æstimatione esculentorum & po-  
tulentorum egredi nefas est.

### Aphor. VII.

QVAM SI SCRIPTURA) Quod actum esse  
colligimus, quando formula utuntur, daß ein  
schriftlicher Contract geschlossen worden. Mul-  
tum itaque interest, ut dispiciamus, quid partes  
egerint. Scriptura enim, quamvis accesserit, id  
tamen probationis solum causa factum censetur,  
siquidem jam majoribus nostris solenne fuit, ut  
de rebus immobilibus scriptura interveniente pa-  
ciscerentur, nec tamen ea essentiam negotii in-  
grederetur. Quare, si dissentiant post scripturam  
in iis, quæ scripta sunt, res tamen ex eo deciden-  
da est, de quo consensum interposuerunt. Nec  
obligationi quicquam decedit, etiamsi scriptura  
vitiosa sit. Quodsi vero de eo convenerunt, ut  
non, nisi scriptura interveniente, obligarentur, con-  
tractus ipse perfectus non est, nec obligationem  
producit, ante, quam scripturā absoluta, in mun-  
dum

dum redacta, prælecta, & subscripta sit *L. XVII. C. de fid. instrum.* ORDIN. Maximil. I. von Notarien de anno 1512. §. XVI. sq. STRYCK. Cautel. Contr. Sect. II. cap. VIII. §. II. sqq.

Aphor. VIII.

PRETIUM SOLVAT) Idque præcise, siue publica siue privata sit emptio *L. XV. §. VII. de re judic. L. V. §. I. de jur. fisc.* ita, ut nec cautionem, etsi maxime idoneam, venditori obtrudere, sed venditor potius, rem, quousque pretium non solutum, vel fides de eo habita est, sibi servare possit *L. XIII. §. VIII. de action. empt.* Imo ne hoc quidem emptori permittitur, ut sub prætextu evictionis pretium retinere, vel cautionem a venditore urgere possit, nisi vel consuetudo loci id exigat, vel ita conventum sit *L. VI. L. XXVII. pr. L. LVII. pr. de evict.* Quodsi vero jam tempore contractus evictio immineat, emptor a venditore recte urget satisfactionem, & ad hujus præstationem, si paratus sit venditor, emptor pretium nihilominus solvere debet *L. XXIV. C. de evict. L. XVIII. §. I. de petic. & comm. rei vend. CARPZOV. P. II. Const. XXXIV. def. XXXI.*

OB MORAM IN SOLVENDO COMMISSAM) Moram vero lex statim inducit, si res emptori tradita, isque hujus possessionem nactus est. Nisi enim venditor fidem de pretio habuerit, daß das Kaufgeld Terminweise bezahlet werden soll, & usuras sibi stipulatus non sit, emptor, qui rem habet, statim sine omni mora ad usuras obligatur, ne duplex lucrum ex re emta & pecunia sua, eodem

tempore sentiat *L. XIII. §. XX. D. L. V. C. de action. emt.* Inno, cum omnis ratio impositæ usuras exsolvendi obligationis in fructuum perceptione ponatur, ne opus quidem est, ut emtor possessionem rei acquisiverit, sed hoc sufficit, quod fructus perceperit. Quare etiam, licet vel maxime pretium ex justa causa, forsan ob evictionem, retineat emtor, solvit tamen usuras, si fructus ex re emta jam percipit BERGER. *P. I. Resp. CCXI.* nisi se per depositionem judicalem pretii ab hoc onere liberet.

### Aphor. IX.

ET OMNIBVS ACCESSIONIBVS) Venditoris obligatio eo redit, ut I) rem tradat præcise. Nam per præstationem interesse non liberatur, quousque res ipsa adhuc extat *§. II. J. de donat. L. VI. C. de rescind. vendit. HILLIGER. ad Donell. Lib. XIII. cap. II. lit. a.* II) Ut tradat possessionem vacuum. Quare, si alius forsan rei insistit titulo dominii, pignoris, vel alio, emtor de dolo recte agit, & conventus de solvendo pretio de dolo excipit, & venditor de omni interesse tenetur *L. VI. §. ult. D. L. XXX. §. ult. D. de action. emt. WERNHER. P. VIII. Obs. CCCCXLIII.* III) ut generatim omnes rei venditæ qualitates, quas emtorem scire interest, huic indicet *L. I. §. I. de action. emt.* Nam, emtio venditio, ut dicunt, lucem amat, & venditor, qui quicquam illorum reticet, insidiosè dissimulare dicitur *L. XLIII. §. II. de contrab. emtion. etiamsi ad corpus venderit. L. XXXIX. de action. emt.* Quare & onera



nera privata & extraordinaria reticere nequit, nisi velit respondere de eo, quod interest. Onera tamen publica, & solita, quæ rei inhærent, indicare non tenetur, quamvis æque de dolo teneatur, quando interrogatus de his oneribus fundum optimum maximum dixerit. IV) Ut rem tradat ad usum habilem & in debita qualitate *L. XI. §. V. D. de action. emt. L. XLV. D. de contrab. emtion.* WERNHER. *P. II. Obs. CCCCXXVII.*

### Aphor. X.

NON TAMEN TRANSFERATUR DOMINIUM) Regula generalis est: Perfecta emtione venditione commodum & periculum rei venditæ esse emtoris. Quamvis enim res tradita nondum sit, nec ideo rei vindicatione uti possit emtor, fit tamen eo effectû dominus naturalis, ut & fructus suos faciat, & casum sentiat, HUBER. *Prel. ad J. tit. de emt. vend. §. X. & Digress. Lib. IV. cap. VIII.* quatenus mora venditoris in tradendo non concurrat. Ut tamen hunc effectum habeat emtio venditio, omnino perfecta esse debet. Et quidem ita perfecta, ut inter partes & de pretio, & de re, jam convenerit, & consensus rite atque pute declaratus sit. Sed imperfecta licet emtione venditione, tum tamen periculum emtoris esse incipit, quando præfixo ad traditionem & consummationem die non venit, suaque culpa & mora in accipiendo efficit, ut perfici nequeat emtio venditio. Nam tum venditor de dolo solum & lata culpa tenetur *L. V. D. de peric. & commod. rei vend.* Imo venditor hoc in casu recte utitur remedio *L. I. §. III.*



§. III. *D. de peric. & commod. rei vendit.* & prævia denunciatione emtori facta, rem, maxime ad gustum & ad mensurationem venditam, derelinquit, seque ab ejus custodia liberat per effusionem, & abjectionem. Non tamen emptio venditio ob moram emtoris in accipiendo irrita fit, sed adhuc ad implementum agendum est. *L. XIV. C. de rescind. vendit.*

JUDICIALIS RESIGNATIO) Requiritur hæc resignatio generatim, si prædia immobilia veneant, eaque ipsa ab antiquo ritu derivanda videtur, quo civibus tempore Henrici Aucupis, præstito prius pro defendenda civitate juramento fidelitatis, prædia feudi instar concedebantur a magistratu civitatis. Tria autem complectitur resignatio I) ut alienans jus suum judicialiter resignet *Jvs PROV. SAXON. L. II. art. XXX.* II) ut rem immobilem judicialiter tradat. *Jvs WEICHBILD. art. LX. in fin.* III) ut sequatur investitura judicialis *Die Anweisung und Belehnung d. Jvs VVEICHBILD. art. XX.* Alibi, ut jure Lubecensi, actus peragitur per inscriptionem in librum civitatis publicum. Cæterum in Saxonia resignationem accedere debere semper, quando immobilia venduntur, lex publica in *DECIS. ELECT. LXI.* jubet. Quicquid vero hujus rei sit, non tamen ad eum effectum resignatio judicialis accedere debet, ut periculum & commodum fiat emtoris, sed hic nihilominus, perfecta ex consensu emptione venditione, utrumque suum facit, eoque nomine cum venditore agit; Sed id solummodo proprium est huic nego-

negotio, ut, quamdiu nondum accessit, emtoris jus solum personale sit, nec reale esse incipiat, traditione extrajudiciali peracta, atque facultatem, rem vindicandi, vel actione Publiciana contra tertium possessorem experiundi, vel hypothecam constituendi, producat. Quod Jure Romano secus est, cum, emtione venditione per simplicem traditionem consummata, emtor efficax omnino dominium acquirat, & venditoris dominium plane cesset, adeoque & ille, ut verus & civilis dominus, contra tertium agere possit. add. WERNHER. *P. III. Obs. XXV. P. II. Obs. CCCLXX. P. IX. Obs. LXXIX.*

### Aphor. XII.

ACTIO MUTUA EMTI VENDITI) : Quia vero contractus ipse bilateralis est, & obligationes utrinque directas producit, neque emtor neque venditor actione cum effectu utitur, nisi ex sua parte contractum adimpleverit, idque, quod in obligatione erat, prius præstiterit. Alias enim ipsi obstat exceptio non adimpleri contractus *L. XI. §. II. L. XIII. §. VIII. de action. emt. vendit.* quæ, cum ex natura negotii fluat, onus probandi in ipsum actorem devolvit, & in omnibus contractibus bilateralibus locum sibi vindicat. Cave tamen, quod incauti facere solent, cum hac exceptione confundas exceptionem præstandæ evictionis. Evictionis enim præstatio non per modum exceptionis urgeri potest, sed ea de re emtor cum venditore, interveniente actione ordinaria, agere debet, ut suo loco videbimus.

Aph.

## Aphor. XIII.

**ADDICTIO IN DIEM**) Quod pactum, quamvis alias in specie sit adjiciendum, in venditionibus tamen fiscalibus subintelligitur, iisque tacite inest *L. IV. C. de fide & jur. bast. publ. L. I. C. de vend. rer. civit.* Unde merito vapulat Praxis, quæ, meliori conditione oblata, emtorem priorem statim liberat. Nam pactum hoc venditoris arbitrio id ipsum relinquit, an velit meliorem conditionem oblatam acceptare. Ut sic prior emtor tamdiu maneat obligatus, quamdiu venditor cum secundo emtore contractum nondum perfecit add. *L. IX. D. de addict. in diem.*

**SEU MELIOREM CONDITIONEM**) Non itaque melior conditio æstimanda unice ex quantitate pretii, sed ex quovis emolumento, quod majorem conditione, a priori emtore oblata, utilitatem complectitur *L. IV. §. fin. L. V. L. XV. de addict. in diem.* Adest itaque melior conditio, si secundus emtor faciliorem, maturiorem, magis opportunam offert solutionem, si emit levioribus conditionibus.

**ACCEPTARE**) Multum vero interest, utrum sub conditione resolutive, an sub conditione suspensiva pactum sit initum. Id fit, quando convenit, ut meliore conditione ab emtione discedatur. Hoc, si pacti sunt, ut, nisi melior conditio offeratur, emtio perficiatur. Ibi dominium rei in emtorem statim transit. Hic, cum justus titulus desit, nec emtor rem cum animo sibi habendi possideat, ne usucapio quidem procedit. Ibi, con-

conditione meliori oblata, & a venditore acceptata, fingitur, emtionem nunquam fuisse celebratam, & sic emtor, qui interim possedit, fructus etiam perceptos restituit. Hic, quia re ipsa emtio perficitur, jure domini fructus perceptos irrevocabiliter suos facit. Ibi venditor, quia dominium non amisit, rem a primo venditore vindicat. Hic, quia dominium in emtorem transtulit, ad reddendum ex contractu actione personali utitur.

#### Aphor. XIV.

RES SIT INEMTA) Hoc pactum igitur simpliciter venditoris arbitrio relinquit, ratam an irritam emtionem velit, & sic etiam, non obstante lege commissoria, ad implendum tamen agere potest *L. III. §qq. D. de Lege Commiss.* In addictione vero in diem tum demum irrita fiebat emtio, si prior emtor novam conditionem, a tertio oblatam, præstare nollet. Deinde lex commissoria regulariter conditionem resolutivam continet, cum addictio in diem etiam sub suspensiva conditione iniretur. Cæterum moram emtoris in solvendo præsupponit lex commissoria, quæ certe adest, etiamsi vel maxime pars pretii interim soluta sit *L. IV. §. I. L. V. de Lege Commiss.* Et simulac mora adest, ipso jure res est inemta, nec ideo emtor invito venditore moram purgare potest: Cesante vero mora in solvendo, cessat lex commissoria. Quare & emtor omnino audiendus *L. fin. Eod.*

#### Aphor. XVI.

REDIMENDI) Quamvis igitur huic pacto econditio resolutiva inest, & emtor interim veredo-



dominus rei emtæ fiat, consultum tamen est, ut verba directæ & resolutiva adhibeantur, ita concepta, ut appareat, voluisse venditorem, ut res in emta sit, & retrovenditio cesset, simulac eam redimet. Nam id efficit, ut dominium rei venditæ ipso jure iterum consequatur, atque ideo rem venditam & redimendam a tertio quovis possessore redimere possit, cum alias actione solum personali ex pacto contra emtorem experiri debeat STRYCK de Cautel. Contr. Sect. II. cap. VIII. n. 55. WERNHER. P. IV. Obs. CXXX. P. IX. Obs. XXIV. Imo & effectum suum habebit clausula de re interim non alienanda vel oppignoranda, de qua jam alibi diximus.

### Aphor. XVII.

COMPETERE INCIPIT) Eo effectû, ut venditor jus reluendi per triginta annos exercere possit. Cæterum terminus a quo elapsus denuo currere non incipit, nec, si statim non experiatur venditor, tacite renovatus intelligi potest L. XLIV, §. I. de obligat. & act. LEYSER. Spec. CXCI. med. VIII.

### Aphor. XVIII.

VEL SI ITA CONVENERIT) Imo potius, tum demum pretium determinatum ab initio erit solvendum, si ita convenerit. Si de pretio partes nil dixerint, tantum reluens solvere debet, quanti res in præsens venire potest. Nam dum retrovenditio fit, novus omnino contractus, novaque emtio venditio celebratur, vid. L. LVIII. D. de pact.

BER-



BERLICH. *L. II. Concl. II. n. 39.* Plura argumenta in subsidium vocat LEYSER. *Spec. CXCI. med. IX.* Multum vero interest, utrum res retrovendenda veneat pretio, quo olim vendebatur, an æstimatio præsentis temporis spectetur. Hoc enim in casu de sumtibus & impensis non respondet reluens, quia re ipsa denuo emit. Ibi vero, quia reluit magis, emtori priori ratione sumtuum & impensarum indemnitatem præstat, quamvis in utroque casu res præcise restituenda sit cum fructibus pendentibus *L. II. C. de pact. inter emtor. & vendit.*

REI VENDITAE UTILITATEM) Ergo utiles quidem, non vero necessarias, quæ ad rei conservationem spectant, refundet. Has enim, quod attinet, naturale est, ut, qui commodum rei habet, incommodum etiam sentiat. Certe emtor tamdiu, quamdiu res non redimitur, dominus est, & fructus percipit, sic vero procul dubio suis sumtibus rem sarram rectamque conservare debet, cum & simplex usufructuarius id ipsum facere debeat, utut dominium non habeat *L. VII. C. de usufr.* Quodsi vero emtor rem in meliori statu, quam in quo eam accepit, vel in quo eam restituere debebat, reddit venditori, hic, ut æquitatem agnoscat, atque lucrum, quod alias cum alterius damno caperet, compenset, omnino rationis est. Sed, ut diximus, cessat restitutio impensarum, si veram rei æstimationem, quæ est tempore retrovenditionis, præstet venditor.

## Aphor. XX.

LEGE ET CONSVETVDINE ) Imo etiam testamento. Differt vero quam maxime jus protimiseos testamento vel lege constitutum a jure protimiseos conventionali. Hoc enim jus personale solum tribuit, nec vindicari potest res contra pactum in tertium jam translata. *L. II. C. de pact. inter emptor. & vendit. L. ult. §. ult. de contrah. emptio.* Nam pactum per se alienationem & translationem domini in tertium non impedit. *L. LXI. D. de pact.* Jus vero protimiseos legale & testamentarium facultatem tribuit, rem a tertio possessore retrahendi, & sic actionem realem parit. Quare etiam incongrue satis jus protimiseos conventionale & jus retractus Doctoribus in promiscua significatione venit, cum proprie jus retractus in jure repetendi rem venditam a tertio etiam possessore consistat *STRYCK. de success. ab intest. Diss. VI. cap. I. §. III.* Deinde jus protimiseos conventionale cedi potest, non vero jus retractus, quippe quod regulariter certam personæ qualitatem præsupponit, & in jure singulari consistit. Denique, qui ob retractum actione reali utitur, eam intra annum instituere debet, quod iterum secus in actione personali, quæ perpetua est.

SI EMTOR SCIVERIT PACTVM ) Nec absque ratione defenditur, hoc in casu, si tertius possessor pacti conscius sit, actionem contra eum dari. Nam non argumentum solum desumi potest ab actione Pauliana, quæ contra eum, qui dolose emit

emit in alterius fraudem, locum habet; sed etiam juris est, ut re duobus vendita, prior posteriori ob solam hujus scientiam præferatur. Quidnā igitur eodem modo judicium ferendum de eo, qui, non ignorans alteri jus Protimiseos competere, emit. vid. WERNHER. P. II. obs. CCCXXV. Sed, ne quid dissimulemus, consultum omnino est, ut, qui resciscit, venditorem pacto contravenire velle, tempestive protestetur, & jus suum conservet.

Aphor. XXII.

SOLVM EO CASV) Ut quis jure Protimiseos conventionali uti possit, duo requiruntur I) ut, quod Auctor monet, res vendatur extraneo. II) Ut, qui ad jus Protimiseos provocat, easdem præstationes implere possit, quas venditor ab extraneo expectat. Sic translata re in heredem proximum jus ideo cessat, quia non heres solum una cum venditore persona esse censetur, sed præterea etiam hoc negotium non alienationem, sed anticipationem juris successionis complectitur. Cumque in donatione, permutatione & aliis negotiis præter emtionem venditionem peculiare plerumque interveniant præstationes, quæ ab omnibus impleri nequeunt, merito inefficax dixeris jus Protimiseos, quando res alio potius, quam emtionis venditionis contractu interveniente, in tertium transfertur.

Aphor. XXIV.

LEGALE ET CONSVETVDINARIVM EST)  
Omnes species retractus legalis ab Auctore enu-

merata, si a jure protimiseos, quod domino directo in Emphyteusi vendenda competit, discesseris, in jure magis statutorio & locali, quam in communi & certo, in Germania nituntur. Nam ne gentilitius quidem retractus, qui ex capite consanguinitatis exercetur, universalis est. Certe Constitutio Friderici V. *Feud. XIII.* quæ & hanc & alias retractus species ordinat, adeo dubiæ auctoritatis est, ut vel nesciamus, qua in provincia vel civitate & cui populo data sit vid. HORN. *Jurispud. Feud. cap. I. §. XXV.* Ut sic rem acutangere videantur, qui retractus legalis hanc illamve speciem universaliter locum habere negant, eumque, qui retractum exercere cupit, si legis ipsius provincialis dispositio desit, oneri probandi subjiciunt, locum eundem habere.

### Aphor. XXV.

ALIVD RECEPTVM ) Exemplum refert WERNHER. *P. I. Obs. XXVII.* Sed & hoc loco recte monet, strictam hic semper, ceu alias fieri solet, ubi de consuetudine sermo est, tenendam esse interpretandi rationem. Indeque sufficere putat, oblationem verbalem esse factam, & sigillatim talem consuetudinem, quæ rusticos necessitate offerendi ea, quæ ad victum pertinent, onerat, ad alia, quæ esui potuique non inserviunt, extendi posse negat *P. VII. Obs. CL.*

### Aphor. XXVI.

PRIMVS LICITATOR PRAEFERTVR ) Sed jus hoc primæ licitationis, vi cujus sufficiebat, ut, qui



qui hoc jure innitebatur, ad idem pretium, quod posterior emtor obtulisset, se eo effectu offerret, ut alter licitans excluderetur, in Saxonia Electorali per ORDINAT. PROC. RECOGN. *Tit. XXXIX. §. XVI.* omnino sublatum est, cum varia ratione eodem abuterentur licitantes, imo fraudibus efficere studerent, ut jus primæ licitationis consequerentur. In Saxonia vero communi adhuc viget. Ut tamen, qui effectum sibi ex primo licito promittere vult, tum demum licitet, quando ultimum proclama peractum est, nec durante proclamatione primum pretium offerat, rei naturæ convenire putarunt nuper JCti Jenenses.

Aphor. XXVII.

VICINVS REM EXTRANEO VENDITAM) Vocant etiam hoc jus, das gespielde Recht, add. VVOLFRAM *Diff. de jur. congrui.* Si vero quid video, constitutio Friderici soli vicinitati jus Proximiseos non tribuit, sed præterea communionem aliquam, seu, ut uterque fundus, & qui retrahitur, & cujus intuitu retractus exercetur, unius prædii partes vel sint, vel olim fuerint, requirit.

Aphor. XXIX.

MUNICIPIBVS ET INCOLIS) Occurrit hujus juris vestigium in *L. unic. C. non licere habitator. metrocom. loca sua ad extran. conf.* Hodie vero hunc retractum consuetudine inniti, res certissima, nec tamen dubium est, quin jus tale civibus concessum ille recte exerceat, qui jus civitatis rite obtinuit, etsi alibi domicilium habeat vid. LEYSER. *Spec. CXCVI. med. IV. §§.*



## Aphor. XXX.

RETRACTVS GENTILITIVS SEV CONSANGVINITATIS ) Quod jus, non dubito, quin ex antiquo Germanorum instituto derivandum sit, quo, bona hereditaria sine heredum consensu vendere, fas non erat *Jvs PROV. SAXON. Lib. I. art. XXXIV. §. LII.* casu necessitatis excepto, quamvis & hoc in casu jus retrahendi locum sibi vindicabat. vid. *BÖHMER. Diff. de fundament. duplic. retract.* Postea necessitas, hunc adhibendi consensum, cessavit, hoc tamen reliquum mansit, ut retrahere possent consanguinei, non rogati de consensu dando, ipsum prædium hereditarium venditum, maxime, cum *Fridericus II. hoc jus retractus V. Feud. XIII.* confirmaret.

MODO PROPRIA BONA HABEANT ) Quod tamen, existimarem, nostro jure non requiri præcise. Certe *CONSTIT. ELECT. XXXII. P. II.* consanguineis permittit, ut, postquam resciverunt, venire bona hereditaria, deliberare possint, eo etiam sine, an expediat, pecuniam retrahendi causa mutuo sumere. Quod fieri neutiquam posset, si præcise de suo retrahere deberent. Et *STRYCKIUS de Success. ab intestat. Diff. VI. cap. II. §. XIV. sqq.* præjudicio hanc ipsam veritatem confirmat, quod propria bona retrahens habere non debeat. add. *VVERNHIER. P. X. Obs. CCLVIII.*

## Aphor. XXXI.

VENDITORI PROXIMIORES ) In Saxonia retractus gentilitius ad solos alienatoris liberos restrictus

strictus est, eoque fratres reliquique collaterales omnes excluduntur *P. II. Constit. XXXI.* Ubi vero hoc jus consanguineis generatim indultum est, ita quidem proximitas spectatur, ut & nasciturorum ratio haberi soleat *REINKING de retract. consanguin. qu. II. n. 46.* Sed tamen, ut jam concepti sint, omnino requiritur *BERGER. Oec. Jur. p. 662. VVERNHER. P. VI. Observ. CCCCXVIII.* Cumque hic unice proximitas gradus considerata sit, per se patet, non cessare solum jus retrahendi, si remotior prædium in proximiorum translatus vindicet, sed & hoc extra dubium esse credo, eum, qui ex capite consanguinitatis retrahit, gradum consanguinitatis minimum & jus hereditarium demonstrare debere, eo effectum, ut præsumptio oriatur pro proximitate, eaque dureret, quamdiu alius, se proximiorum esse, non monstravit. *LEYSER. Spec. CXCIII. mod. IV.*

Aphor. XXXIII.

LICET ENIM HAVT EXIERIT DE FAMILIA) Hanc Auctoris sententiam tamen de jure solum communi procedere puto, quod fundamentum retractus unice in proximitate sanguinis collocat. Verum aliter de jure Saxonico videtur statuendum. Nam si rite respiciamus *CONST. ELECT. XXXI. P. II.* ratio juris retractus unice ponitur in eo, ut talia bona in familia conserventur. Inde vero non inepte inferri potest, jus retractus, ad liberos in Saxonia restrictum, cessare, si uni ex familia bonum avitum sit venditum, cum sic extra familiam non fiat alienatio. Et ita ju-

dicasse olim JCtos Vitembergenses testatur VVERNHER. *P. V. Obs. CLIII.*

### Aphor. XXXIV.

AD ALIENATOREM PERVENERE) Sic patet, subintelligenda esse bona, quæ intuitu alienantis, non intuitu redimentis, avita sunt. Idque CONSTIT. ELECT. XXXI. P. II. convenire videtur, & in Praxi ita servatur. VVERNHER. *Supplem. Observ. Vol. VII. p. 163.* Olim tamen JCtis Saxonis aliam opinionem placuisse, eosque per bona avita ea etiam intellexisse, quæ a liberorum redimentium avo provenerunt, testatur IDEM *P. I. Obs. CLI.*

MODO PATERNA FVERINT) Hoc itaque, cum a peculiari consuetudine derivandum sit, ut jus retractus etiam in bonis paternis locum habeat, nescio, qui SCHILTERO in mentem venire poterit, ut *Exerc. XXX. §. CXXXVIII.* ex jure hoc consuetudinario argumentum deduceret, pro confirmanda opinione, quod jus retractus regulariter in omnibus bonis, tam avitis, quam paternis, & ab alienante noviter acquisitis, competeret. Merito igitur eligenda est opinio LYNCKERI, qui *Resol. CCXVIII.* negat, jus retractus in bonis paternis & noviter acquisitis locum habere, nisi id consuetudine sit introductum.

### Aphor. XXXV.

QVAE FIT PRETIO ET AESTIMATIONE) Placet, ut omnem doctrinam de negotiis, quæ retractum admittunt, vel non, regula includamus, quam

quam suppeditat LEYSERVS *Spec. CXCV. med. I.* hoc modo : Omnes istæ alienationes, in quibus singularis personæ acquirentis ratio non habetur, & alienantis peculiariter non interest, alium contrahentem intervenire, quarumque conditionem contrahens æque commode implere potest, retractum admittunt, reliquæ omnes non admittunt. Sic enim ratio incognita manere nequit, quare ibi solum retrahens jure suo uti possit, ubi res pretio, vel æstimatione interveniente, alienatur. Sed tamen in hoc etiam argumento consuetudo multum efficaciam sibi vindicat. Id vero plane, concipere nequeo, qui fieri possit, ut BERLIGH. *P. II. Concl. XXXIX. n. 70. & 80.* in locatione conductione retractui locum concedat. In locatione enim cessat alienatio, & per consequentiam cessare debet retractus, cum retrahere idem sit, ac rem alienatam sibi vindicare. Unde verior est sententia negans CARPZOVII *P. II. Const. XXXI. def. VIII.*

SENTENTIAM DISTINGVENTIVM ) Verum prius distinguenda subhastatio voluntaria a subhastatione necessaria. Auctoris enim decisio de posteriori subhastatione est intelligenda. Quæ vero ex voluntate partium fit, vel ideo indistincte retractum excludit, quia, qui alienationem approbat, juri retractus renunciat PHILIPPI *de Subhastation. cap. IV. comm. XII. n. 89.*

Aphor. XXXVI.

NON ADMITTIMVS ) Quod regulæ supra allegatæ omnino convenit. Retrahens enim im-

Uu 5

ple-



plere nequit conditiones transactionis, siquidem transactio præsupponat jus incertum, ejusque indolis sit, ut ab altera parte quid remittatur, ab altera quid præstetur, neutrum vero in retrahentem cadit. Posses tamen etiam dicere, jus retractus in iis solum rebus locum habere posse, quæ ad alienantem pertinuerunt, in transactione vero de eo non constat, & sic retrahens de præjudicio, sibi illato, conqueri nequit. Verum, ut facile patet, subintelligi ubique casum, quando de ipsa re, quam retractui obnoxiam credimus, transactio initur, ita, si aliud transactionis objectum adest, atque res ejusmodi per consequentiam solum in solutum datur, ego, retractum cessare, vix credo, defendi posse.

### Aphor. XXXVII.

INITIO ) In genere nota, in retractu emptio- nem priorem nullam declarari, eidemque aliam surrogari, mutatis solum personis, ita, ut retrahens in locum prioris emptoris succedat. Et sic cuncta eadem sunt, quæ erant antea, dum prior contractus celebraretur. Quapropter etiamsi æstimatio rei interim creverit, plus tamen non solvit retrahens, quam prior emptor solverat. Quodsi vero prior emptor non rem eandem, sed meliorem reddat, de meliorationibus retrahens omnino respondere debet.

### Aphor. XXXVIII.

INTRA ANNUM ET DIEM ) Si denunciatio non est facta. Si denunciatio facta illi, qui re-  
tra-



trahere potest, jus ipsum retractus expirat, si alienationem, sese ad idem offerendo, intra triginta dies non impediverit *V. Feud. XIII.*

PERFECTE NEGOTIVM SCIENTIBVS )  
Non igitur qualiscunque scientia sufficit, sed perfecta requiritur, id est, ille demum perfecte scit, qui præterea, quod alienationem sciat, genus etiam alienationis non ignorat, pretii quantitatem & alia contractus capitula *STRYCK. de success. ab intestat. Diff. VI. cap. IV. §. LIII. HORN. Jurispr. Feud. cap. XX. §. IX.* modo tamen supina negligentia non concurrat, & ignorantia vincibilis, quam certe difficulter declinabit, qui, palam celebrari emtionem venditionem, non ignorabat, & tamen per longam annorum seriem silebat. *LEYSER. Spec. CXCIV. med. IV.*

### Aphor. XXXIX.

SE EMERE NOLLE ) Vel maxime ambigua quidem est hæc locutio, cum, qui declarat, se jam emere nolle, non statim declarat, se intra tempora legitima retrahere nolle. Sed ea ambiguum tamen est ratio, ut, quoties penes eum, qui loquebatur, stetit, ut se clarius exprimeret, interpretatio contra eum fiat; quod hoc in argumento multo magis statuendum, quo certius est, eum, qui perspicue interrogatus, dubie responderet, ubi tamen clare loqui debebat, in culpa esse, ea vero ratione damnum, quod sua culpa contraxit, non sentire.

### Aphor. XL.

RE ADHVC INTEGRA ) Distingue sequentes casus. Aut emtio venditio adhuc imperfecta est, aut

aut perfecta, nondum tamen per traditionem consummata, aut denique consummata. Ibi, quia meri tractatus adsunt, unus contrahentium invito altero impune recedit, vid. tamen SCHILTER. *Exerc. XXX. §. CXXXIV.* In secundo casu utriusque dissensus requiritur, nec contractus, si alter promissa non implet, rescinditur *L. XIV. C. de rescind. vendit.* Si vero consensu utriusque rescissio fiat, idem est, ac si emptio venditio non esset celebrata, omniaque ex utraque parte in pristinum statum revocantur eo effectum, ut & omnia jura tertii, quæ per venditionem forsitan expirassent, reviviscant, v. c. jus pignoris. In tertio denique casu non simpliciter prohibetur, ne partes a contractu recedant. Dum vero recedunt, non prior emptio venditio rescinditur, sed novus potius contractus celebratur. Quam multum vero intersit, si hac vel illa ratione rescindatur venditio, id indicat BÖHMER. *Jur. Digest. ad tit. de rescindend. vend. §. XI.*

OB LAESIONEM) Et quidem eam, quæ contingit I) in pretio communi, quod ex hominum communi determinatione dependet, & ad punctum haberi nequit; In legali enim pretio contingens læsio, minima quoque, reparanda est, II) Absque dolo contrahentium interveniente, cum hic magis de dolo agatur *L. V. C. de rescind. vendit.* III) Ignorantibus iis, qui contrahunt, siquidem volens & sciens, se lædi, queri nequit. IV) In negotiis, quæ de re certæ æstimationis ineuntur, quapropter cessat in transactionibus, emtione spei, emtione universitatis juris, sponsonibus, verbo, in omnibus negotiis, quæ aleam continent. VL-

VLTRA DIMIDIUM) Tolerant itaque leges aliquam læsionem, quia in pretio, quod ab arbitrio hominum dependet, & ob circumstantias loci, temporis, periculi, raritatis, &c. quam maxime variat, circumventio omnis evitari, & qualiscunque læsionis reparatio vel ideo admitti nequit, quia alias vis fieret legi universali, quæ pacta & fidem datam servare jubet. Sed non tolerant læsionem ultra dimidium, eamque reparari volunt, quo & alteri legi, quæ ex alterius damno lucrum capere vetat, aliquo modo satisfiat. Crediderunt itaque Legislatores, Reipublicæ expedire, ut ob collisionem duorum præceptorum Juris Naturalis, læsio, quæ rescissionem contractus operaretur, & quæ validitati negotii haut obesset, determinaretur potius publica lege, quam arbitrio judicis relinqueretur. Sic vero scirent contrahentes, ob quam læsionem parata esset in foro civili actio. Quæ cum ita sint, facile patet, Legislatores humanos suo jure usos esse, vi cujus permittitur, ut propositiones Juris Naturalis universales circumscribere, & si collidunt inter se invicem, minori malo electo, majus avertere possint. Quod iniquitatem non continet, sed ad caput æquitatis hypotheticæ referri meretur, quam eligere potest Legislator humanus, quando ex æquitatis absolutæ observantia præjudicium Reipublicæ imminet, ceu late contra THOMASIVM, qui æquitatem *L. II. C. de resc. vendit.* cebrinam nominavit in *peculiari Dissert.* aliosque demonstravi in *Fundament. Jur. Nature & Gent. de observand. equalit. inter rem & pretium in contract. oneros.*

V E N.

**VENDOR**) Sed in genere nota, usum allegatæ legis in omnibus negotiis permutatoriis & onerosis, quæ obligationes mutuas & utrinque directas habent, conspicuum esse, quotiescunque alter contrahentium læsionem prævidere non potuit. Quod negat quidem **HUBERVS**, & extra casum venditionis rescissionem contractus ob læsionem non admittit *Praelect. ad tit. D. de rescind. vendit. §. III.* sed absque fundamento. Unum enim idemque in omnibus contractibus permutatoriis rescissionis est fundamentum, ne alter cum alterius gravi damno locupletior fiat.

**ALTERNATIVE**) Quod tamen præcise fieri non debet, sed hoc sufficit, ut ad contractus rescissionem petitum dirigatur, cum jam tacita insit conditio, si læsio non reparetur **BÖHMER. Diff. de libell. alternat. cap. III. §. II. seqq.**

**RESTITUTA RE VENDITA**) Quid vero, si res non amplius extet penes emtorem? Emtor nihilominus agit ad pretium refundendum, eo effectu, ut venditor vel refundat, vel offerendo id, quod plus æquo accepit, se ab obligatione liberet. Nam adest adhuc causa læsionis, & lucrum penes venditorem extat. Venditor autem actionem amittit, quia emtor, qui rem amisit, in lucro amplius non hæret. Nec obstat natura obligationis alternativæ, vi cuius alias, licet una res perierit, altera tamen peti potest. *L. II. §. III. D. de eo, quod cert. loc.* Hoc enim, ut fieri possit, requiritur conventio antecedens, qua se quis ad hoc vel illud præstandum obligavit. Ast nostro in casu con-



contrahentes sibi invicem non ex conventionem, sed ex æquitate, a lege certo modo agnita, obligati sunt, ne lucrum ex alterius damno habeant. Quod lucrum cessat, si res penes emtorem perit. add. *L. XXVI. §. IV. D. de noxalib. action.*

Tit. XII.

De Locatione Conductione.

Aphor. I.

**C**ERTO VSV REI ) Ergo in locatione conductione id non agitur, ut dominium transferamus. Idque in regula. Nam & hoc partes agere possunt, ut conductor periculum suscipiat, quæ locatio vocatur irregularis. Exemplum ejus occurrit in contractu Socidæ, quando pecudes locamus cum pacto de recipiendo periculo. Nonnunquam ex ipsa legis dispositione, qui operas locavit, periculum subit in re, cujus causa operas præstat, *L. XXXI. D. Locat.* Cave tamen existimes, in locatione in perpetuum, vel in longius tempus facta, id actum esse inter partes, ut dominium in conductorem transeat. Contra hos enim, qui tum alienationem subesse credunt, pugnant *L. XXXIX. D. Locat. L. II. C. de præscript. XXX. annor. L. I. §. XV. de exercit. action.* add. *LUDWIGII Jus Clientel. German. Sect. III. cap. I. §. VIII.* Id certissimum est, majores nostros sæpissime usum rei suæ perpetuum & in heredes transitorium aliis concessisse, prædiaque censitica hereditaria constituisse, nec tamen dominium transtulisse. Et eatenus etiam admitti potest præsumtio, quam



quam ex usu rei, in longius tempus concessio, capiunt Doctores, pro afferenda qualitate prædii censitica hæreditaria. Sed, quia, inter hæc & prædia emphyteutica Romanorum post juris Romani receptionem perpetuam servare differentiam, ex re sua non duxerint, Interpretes, factum est inde, ut ex longo rei usu pro uniformi canone concessio prædia emphyteutica præsumerent, quotiescunque, quid inter partes ab initio actum sit, non constaret, vid. SCHILTER. *Exerc. XLVII. §. LXII.* & adde, quæ supra diximus ad *Lib. II. Tit. XII.*

### Aphor. III.

**LOCANTVR RES**) In locatione conductione res venit, & factum. Rei conceditur usus, finito usu restituendæ. Non itaque valet hic contractus de rebus, quæ usum non præstant, nisi consumantur. Non valet de rebus, quarum usum alteri concedere, lex vetat. Varia prohibitionum exempla prostant in Jure Germanico, Pontificio & Romano, quæ Compendia exhibent. Factum deinde mercenarium & ita comparatum esse debet, ut certa mercede compensari soleat. Nam ob præstantiam operæ, quæ ingenio magis, quam corpore peragitur, facta aliquando certam æstimationem non recipiunt. Et, quamvis Romani, de his ipsis pacisci, nullibi prohibuerint, maluerunt tamen ejusmodi pacta contractibus innominatis annumerare, quam ex locatione conductione dijudicare, add. *L. II. & VII. D. præscript. verb.*

Aph.

## Aphor. IV.

**CERTA MERCES**) De qua in genere notandum, quod easdem qualitates exigat, quæ in pretio emtionis venditionis adesse debent *L. XXX. Locat. L. XXIII. Comm. divid.* Et sigillatim in locatione operarum pecunia numerata intervenire debeat. Quodsi enim aliud præstetur, vel etiam mercedis summa futuræ magis determinationi reservetur, contractus innominatus adest.

**ANNUA QUANTITATE**) Id itaque salva locatione conductione in locatione rerum fit, eo temperamento, ut res ista fungibilis ex fundo proveniat, & ejus quantitas ab initio determinetur. Sæpius vero hoc in casu negotium ita perficitur, ut quis culturam agri suscipiat, ea lege, ut fructus communes sint, & pro operis præstitis damnum & lucrum inter colonum & dominum partiatur. Quod negotium in coloniam partiariam degenerat, & ex societate atque locatione conductione mixtum est. Nam eatenus societas est, quatenus lucrum & damnum commune est. Ad locationem accedit, quia ad heredem quoque transit. Nec tamen actio pro socio, nec actio locati locum habet, sed tanquam ex innominato contractu præscriptis verbis agendum est. vid. *LAVTERBACHII Diss. de colono partiario.*

## Aphor. V.

**CONSENSU**) Cum itaque consensu perficiatur negotium, facile patet, invitum aliquem neque ad locandum adigi, neque facultatem locandi pro-

X x

hiberi

hiberi posse. Verum hic vel salus publica, vel peculiaris legis dispositio exceptionem parit. Ob publicam salutem interest, ut clerici, qui loco salarii reditus ex agris expectant, ad hos locandos compellantur, ne stiva familiarior sit libris biblicis BÖHMER. JUR. PAROCH. *Seß. V. cap. II. §. XV.* Aliud exemplum est in *L. XI. §. fin. de publican.* Sic etiam recte præcavet magistratus, ne quis inquilinum recipiat, a quo incendii periculum imminet, vel rem in suo habeat, quæ incendii metum auget. Privilegio porro muniti eruditi prohibere possunt, ne vicinus ædes locet opifici, qui opificium cum strepitu vel foetore exercet FINKELTHAVS *Obs. LXIV.* modo tamen eruditi prius ibi habitarent, vel cum opificibus in conducendis ædibus concurrant FABRI *Staats-Cankley, P. II. cap. VII. n. 16. sqq.* Est etiam in *ORDIN. POLIT. SAXON. Tit. XXXIII.* peculiaris dispositio, vi cuius rusticorum liberi dominis jurisdictionalibus operas locare tenentur, quod vocatur *der Dienst-Zwang*, & ex antiquo jure dominorum Germanicorum in servos derivandum est, vid. quæ dixi in *Introd. ad Jus Saxon. P. I. Ex. VI. §. IV. sqq.*

TACITE CONTINUATA CENSETUR ) Id est, locatio conductio iisdem conditionibus, quæ priori contractui inerant, renovata est, solo tempore excepto *L. XIII. §. XI. D. L. XVI. C. Locat.* Nam in prædiis rusticis solum in annum reconductio facta videtur, etiamsi prior locatio in plures annos facta esset, modo tamen, qui mercedem

dem solvit, eodem anno emolumentum percipere & re uti possit. Quoties enim res locata non singulis annis utilitatem præstat, æquum est, ut eoque reconductio duret, donec conductor utilitatem perceperit. Atque hanc dispositionem ad prædia urbana etiam extendendam puto. Quamvis enim alias, quia singulis momentis utilitas ex prædio urbano percipitur, reconductio, si de ea inter partes non convenerit, vel mores aliquid peculiare non introduxerint, pro eo tempore facta censeatur, quo conductor post locationem primam habitavit, & locatore patiente mansit. *L. XIII. §. XI. D. Locat.* æquitas tamen jubet, ut, quando fructus ex prædio urbano inæqualiter percipiuntur, relocatio duret ad tantum tempus, quantum fructibus percipiendis sufficit. add. *FRANZK. tit. D. Locat. n. 18. BRUNNEMANN. ad L. XIII. D. Locat. WERNHER. P. I. Obs. XVI. & CLXVIII.*

## Aphor. VIII.

TACITE INEST) Præsertim huc spectat obligatio locatoris de indemnitate præstanda, si vel rem non præstiterit ad usum habilem *L. XIX. §. I. D. Locat.* vel conductor impensas fecerit, quæ rem conservant. *L. LV. §. I. Eod.* vel onera realia ipsi fundo imposita exsolverit. Nam impensas, quas conductor suæ utilitatis causa fecit, non restituit locator, nisi conductor ipsi rem meliorem restituat. *L. XXV. D. de pignor. action.* *SCHILTER. Exerc. XXXI. ib. XXX.* Et onera personæ vel fructibus vel negotiationi imposita solus conductor ferre debet.



## Aphor. IX.

**FIDELITER EAS PRAESTARE DEBET**) Hoc est I) præcise. Nec enim præstando interesse, si factum ipsum adhuc præstari potest, invito locatore liberatur. II) Debita diligentia & cura, ita quidem, ut, qui tanquam artifex, vel tamen negotium summa præcautione expediendum suscipit, de omni culpa teneatur. Imo, si opus faciendum quis locavit, idem ipse, si vitio operis casus eveniat, de casu respondet *L. ult. D. Locat.* add. *L. XXXVI. in fin. L. LIX. Eod.* & quidem per quindecim annos *LEYSER. Spec. CCXII. med. III.*

## Aphor. X.

**INVITO CONDUCTORE RECEDIT**) Non tamen his in casibus propria auctoritate expellit conductorem, sed publica auctoritate & causæ cognitione opus est. Et potest quidem pacto interveniente locatori privatam expulsionem concedere, sed jure hoc locator tum demum uti, si conductor ipsi possessionem vacuum ultro relinquat. Sin resistit, adhuc causæ cognitione opus, nec vis privata adhibenda est.

**REFICIENDVS**) Refectio tamen I) necessaria, esse debet *L. XXXV. D. Loc.* II) nec fieri conductore inhabitante *L. XXVII. pr. Eod.* Quia vero causa hujus expulsionis temporaria est, jus inhabitandi, cessante causa, reviviscit *ZOBIVS ad tit. D. Locat. n. 35.*

**NON SOLVATUR**) Non tamen sufficit, solutionis terminum semel esse elapsum, sed iterata  
vice



vice conductor moram in solvendo committere debet. Nam ne præcise quidem ad biennium respiciendum est, de quo *L. LIV. §. I. Locat.* cum sufficiat, terminum solutioni esse præstitutum, & bina vice elapsum.

### Aphor. XI.

**CAUSAM HABET**) Generatim conductor hoc jure utitur, si vel usus promissus non præstetur, vel intercipiatur in totum. Si enim pro parte solum intercipitur, non migrat, sed remissionem pensionis urget. De metu spectrorum, an justa migrandi causa sit, dubitat *THOMASIVS Diff. de non rescind. locat. conduct. ob met. spectror.* Sed enim vero, missa lite de ipsa spectrorum existentia, satis causæ adesse existimo, quando migrat conductor, cui quietus rei usus ea ratione intercipitur, quamvis nesciat, spectrante an malevoli homines sub specie spectri quietem turbent, cum vel hoc sufficiat, periculum sanitatis vel vitæ subesse ex terrore & metu oriundum, quancunque denuum originem habeat.

**MAGNA STERILITAS**) Hæc vel ideo justa causa est, pensionis remissionem exigendi, quia locator in prædiis rusticis omnino præstare debet, ut conductor fructus percipere possit. Quamvis enim id non simpliciter fiat, cum multum spei subsit *L. XVIII. C. Locat.* fructus tamen regulariter, si debita cultura agri accedat, speramus, eorumque intuitu conductor mercedem promittebat, quam sine dubio non promississet, si scivisset antea, se fructus non percepturum. Sic vero res venit in

XX 3

eum

eum statum; a quo initium habere non potuit, quod omnes obligationes cessare facit. vid. *LEY-  
SER. Spec. CCXVII. med. VI.* Idque ad prædia  
etiam urbana applicari posse credo, si conductor  
principaliter ad certam utilitatem percipiendam re-  
spexit, quæ postea casu intervertitur. Nec con-  
queri potest locator, cum & idem ipse, si rem pos-  
sedisset, emolumento carere debuisset. Ut tamen  
remissio pensionis locum habeat, I) præsupponen-  
dum est, agi de locatione in singulos annos facta.  
Si ad plures annos facta, nec partes de remissione  
singulis annis facienda convenerint, quod facere  
possunt, conductor sterilitatem unius anni cum  
ubertate alterius anni compensare debet. *L. XV.  
§. IV. Locat.* ibique *BRUNNEMANN.* II) Ad-  
esse non debet culpa conductoris *L. XXV. §. II.  
Eod.* III) Calamitas extra consuetudinem &  
extra ipsam rem conductam supervenire debet *L.  
XV. §. II. & V. Eod.* & IV) contingere ante fru-  
ctuum separationem. Fructus autem tum procul  
dubio separati sunt, quando fundo non amplius  
cohærent. Hoc enim convenit *§. XXXVI. j. de  
Rer. Div. L. XXVI. §. I. D. de furt. STRYCK.  
Cautel. Contr. Sect. II. cap. IX. §. XXII.* Deni-  
que V) sterilitas magna esse debet. Quæ autem  
sit magna, regulis confici nequit, sed arbitrio &  
iudicio peritorum oeconomorum committendum  
est. Unde consultum, ut partes ab initio certi-  
quid determinent, ne postea litibus implicentur.  
Cautus etiam sit conductor, ne prius fructus in  
horreum deducat, quam in rem præsentem dedu-  
xerit peritos æstimatores. Aph.

## Aphor. XII.

UTI) An & sublocare? Affirmat *L. VI. C. de Locat. & cond.* Fit tamen periculo primi conductoris. Nec secundus conductor locatori primo ex ullo capite est obligatus, sed cum primo solum conductore agit. Ex æquitate tamen, si primus conductor non sit solvendo, locatori concedendum est, ut cum secundo conductore agat. Caveat itaque, qui rem locat, ne liberum conductori relinquat sublocandi arbitrium.

## Aphor. XIII.

PRAESTATIONE OPERARVM PROMISSARVM) Quodsi eas non præstat, id vel culpa locatoris, aut conductoris, vel casu evenit. Si, qui operas conduxit, ipse impediat locatorem, ne præstet, v. c. si familiam absque justa causa expellat, tunc nihilominus mercedem solvere debet integram *L. penult. §. I. D. Locat.* Si per locatorem stetit, quo minus præstaret, v. c. si absque causa aufugiat, non mercedem solum amittit integram, sed & de omni damno & interesse tenetur add. *L. XIX. §. IX. L. XXXVIII. pr. Eod.* Casus interveniens vel contingit in persona ejus, qui operas conduxit, qui v. c. moritur, tum, quia per locatorem non stetit, quo minus præstaret, ipseque tamen locator impeditus fuit, ne aliis operas locaret, integra iterum merces debetur *dd. LL.* vel contingit in persona locatoris, qui v. c. ægrotat, tum nihil debetur *L. XV. §. VI. Eod.* Multum tamen posteriori in casu æquitati dandum est, vid. WERN-

HER. P. IX. Obs. CVII. LEYSER. Spec. CCXII. med. V.

**MERCEDEM SOLVAT PRO OPERA**) Regulariter pro rata temporis, vel si integrum opus per averfionem locatum, finito opere *L. LXXX. §. I. ad L. Falcid.* Sed primario tamen respiciendum est ad id, de quo partes convenerunt. Sæpiissime enim & id agitur, ut merces singulis diebus, vel hebdomadibus, nach Tage oder Wochen Lohn, vel etiam post admenfurationem nach Ruthen Zahl solvatur.

#### Aphor. XIV.

**FINITA LOCATIONE RESTITVAT**) Non itaque recte restituit ante finitam locationem, sed nihilofecius integram, si iusta causa migrandi defit, pensionem præstat *L. XXIV. §. II. L. XV. L. LV. §. fin. Loc.* Ipsam vero rem restituere debet non deterioratam, in specie, & præcise. Nam non de damno solum respondet, & culpam præstat, sed etiam restitutionem per quæstionem dominii remorari nequit, & hanc post restitutionem ventilare debet *L. XXV. C. de Locat.* **MEVIVS P. III. Decif. CCCII.** Utitur tamen, si impensas fecit, jure retentionis. Et eodem modo locator, quousque conductor obligationi ex asse non satisfecit, in rebus illatis & fructibus jus pignoris exercet.

#### Aphor. XV.

**SUCCESSOR SINGULARIS**) Qualis quidem est, qui rem ex titulo singulari acquirit, sed tamen



men his annumerari nequeunt, qui, res suas, quas alii hucusque administrarunt, jam ipsi recuperant. Hi enim locationem ab administratore initam impugnare nequeunt.

**VT SERVET LOCATIONEM**) Quam maxime controversum esse hoc argumentum, neminem fugit. Si tamen res ex Legibus Romanis conficienda est, vereor, ne causam perdant, qui Auctoris sententiæ suum iudicium adscribunt. Nam *L. IX. C. de Locat.* ad quam provocant, plane alium casum loquitur, & si res vendita prius, quam conducta, emtorem conductori præfert. Ab hoc vero casu, si discesseris, rationis est, ut plus juris venditor in emtorem transferre non possit, quam ipse habet. Rei venditæ autem, cui conductor insistit, possessionem vacuum transferre nequit. Idque approbant **STATVT. HAMBURG. P. II. Tit. IX. §. XIII.** add. **ZOLLII Dissert. ad L. IX. C. de Locat.**

**CONDUCTIO FINITA**) Quæ decisio tamen vel ideo dubia videtur, quia istud jus pignoris retinendi solum facultatem tribuit, donec id, quod in obligatione est, præstiterit tertius possessor. Et sic, si alias vera est sententia, emtorem non stare debere locationi, conductor etiam ante finitum locationis tempus migrare debet, si emtor interesse præstat. Tutius itaque est, ut conductor cum hypothecæ constitutione pactum de non alienando conjungat, quo nulla fiat ipsa alienatio. vid. **STRYCK. Cant. Contr. Sect. II. cap. IX. §. XVI.**



## Tit. XIII.

## De Contractu Emphyteutico.

## Aphor. I.

**C**ONTRACTVS EMPHYTEVTICVS) Cum jam supra ad *Lib. II. Tit. XII.* indoles negotii Emphyteutici sufficienter exposita sit, hoc solum addam, formam peculiarem huic contractui demum a Zenone Imperatore in *L. I. C. de jur. Emphyteut.* datam esse, cum olim dubitarent prudentes, essetne annumerandus emtionibus venditionibus, an locationibus condutionibus. Et de utraque specie emphyteusis aliquid assumere, & de utraque nihilosecius differre, ipsa definitio docet. Adest pretium, sed plus simplici vice solvendum. Transfertur dominium, non tamen plenum & irrevocabile. Utilitas ex re conceditur, nec tamen merces cum fructibus proportionem habet. Sic vero litium evitandarum causa necesse erat, ut peculiarem formam ipse contractus emphyteuticus indueret. Quæ etiam causa fuit, ut postea de aliis etiam rebus conciperetur hic contractus, quæ olim in Emphyteusis non dabantur.

## Aphor. III.

**EIN ERBZINS BRIEF**) Accedit idem ille probationis solum gratia, & ad formam negotii non pertinet. Sæpiissime etiam vocatur ein Lehn-Brief, ipsaque emphyteusis ein Lehn. Quod si fit, indoli tamen Emphyteuseos nil detrahit, cum vox Lehn tam late pateat, ut de quacunque concess-

cessione vel collatione alicujus juris, in qua sibi concedens aliquod jus eminens reservavit, accipienda, & ideo in dijudicandis negotiis, quæ hac voce nominantur, non ad nomen, sed ad id respiciendum sit, quod inter partes actum est LEYSER. *Spec. CII. med. V. sq.*

## Tit. XIV.

## De Societate.

## Aphor. I.

**D**E RE) Et quidem honesta. Rerum enim inhonestarum nulla est societas *L. LIII. L. LVII. D. pro soc.* Non tamen omni effectui destituitur. Sed uterque contrahentium se non solum obligat ad poenam, verum etiam illi, qui ex hac societate læsus est, in solidum obligatur *L. XLIV. §. I. de adilit. Edict. L. XI. §. II. ad L. Aquil. LEYSER. Spec. CLXXXVII. med. I.*

## Aphor. III.

**VNIVERSORVM BONORVM)** Quæ ejus naturæ est, I) ut statim omnia communicata videantur ipso jure absque traditione vera *L. I. in fin. L. II. pro socio.* Si scilicet tempore contractus adsunt. Ea enim, quæ postea socius acquirit, communicanda nihilominus & inferenda sunt. Singillatim excepta sunt nomina & actiones, uni socio competentes. Nam, has prævia cessione communicandas esse, clare disponitur in *L. III. D. Eod.* quatin-

quamvis hic non præcise opus sit verbis & instrumentis, sed facta etiam sufficiant & conjectura, ex quibus voluntas cedentis & acceptatio socii apparet, siquidem nec hoc juri repugnat, cessionem tacite fieri *LENZ. de nomin. & action. cess. cap. V. n. 7.* II) Quicquid obvenit socio, sive ex titulo oneroso, sive ex titulo lucrativo, commune fit, imo &, si velit socius, turpe lucrum *L. XV. pro soc.* III) omnes expensæ, cujuscunque generis sunt, communi nomine fiunt, imo & debita socius cum socio communicat, modo post societatem initam conflata sint. Nec tamen IV) unus alteri rationes reddit. Sed forsan exempla hujusmodi societatis frequenter non occurrunt. Genuinum tamen exemplum adest iis in provinciis, in quibus plena inter conjuges bonorum communio valet. Hanc enim ex regulis societatis dijudicandam esse, recte monet *LEYSER. Spec. CLXXXIV. med. VII. sq.*

CERTAE ALICVIJS NEGOTIATIONIS)  
Verum societas negotiatoria, de qua in hoc titulo sermo est, rectius dividitur in universalem & particularem. Illa afficit bona omnia, quæ ex quæstu veniunt, & sic etiam ea solum inde erogantur, quæ ad quæstum spectant *L. VII. D. pro soc.* Hæc vero certam negotiationem respicit. Ultraque veto a collatione demum incipit, &, ut uterque socius re ipsa aliquid conferat, sive rem, sive operam, requirit. Quæ enim societas eo effectui initur, ut &, qui nihil confert, lucri particeps fiat, donatio magis, quam societas est. Sic vero soci-

focius, qua socius, antequam partem suam inferat, de lucro non participat. *L. II. C. pro socio.* Quamvis enim societas consensu iniri dicatur, id tamen ad eum solum effectum fit, ut actio nascatur ad implendam & perficiendam societatem per collationem. Ut vero ipsa societas adsit, & actio pro socio locum habeat, traditio rerum æque ac in emptione venditione requiritur.

#### Aphor. IV.

**CONSENSV**) Eoque nomine merito distinguenda venit a societate communio bonorum, in quam casu incidimus. Hæc enim per se societatem non introducit *L. XXXII. D. pro soc.* quamvis, si consensus postea ea intentione accesserit, ut res communis maneat, in societatem degeneret. *L. LII. §. VI. Eod.* Cæterum perinde est, sive expresse, sive tacite & ipso facto, per collationem ineatur societas, si a communione omnium bonorum discesseris, quæ præcise expresso consensu in eunda est. *L. III. §. I. L. IV. Eod.*

#### Aphor. V.

**TENETUR RESTITVERE**) Generatim, quicquid socio abest occasione societatis, id reliqui socii ferre debent pro parte. Sic & damnum, quod perpeffus est socius societatis causa peregre absens citra culpam suam, reliqui resarcire, eoque nomine de curatione vulneris, de salario medicis & chirurgis soluto, de rebus furto socio subreptis respondere debent.

**DIVISIO LUCRI**) Generatim ea est natura

[106154]



societatis, ut uterque conferat, & uterque de lucro & damno participet, Et quamvis pacto id ipsum mutari possit, ut uterque conferat, non tamen admittitur pactum, ut alter lucrum solus habeat, alter damnum solus ferat. *L. XXIX. §. II. pro socio.* Divisio ipsius lucri, si de partibus nil dixerint contrahentes, proportionata esse debet, ut ratio maxime habeatur ejus, quod collatum est, Ut sic, qui plus minusve contulit, plus quoque minusve de emolumento & damno participet. Præterea & eo respiciendum, an societas de sorte simul, ut communis fiat, an de utilitate solum, quæ ex sorte provenit, inita sit. Ibi enim & fors & damnum, quod in sorte contingit, commune fit. Hic damnum sentit in sorte proprietarius, & lucrum tamen commune est. *L. LII. §. II. L. LVIII. pro socio.* Sic utique id, quod actum est inter partes, considerandum venit *L. XXXIV. de Regul. jur.*

### Aphor. VI.

RATIONES REDDANTUR ) Quæ tamen adeo exactam probationem non desiderant, sed multa fidei & jurijurando ejus, qui administravit, relinquuntur, quia jus quasi fraternitatis inter socios viget *L. LXIII. pr. pro socio.* nisi impensa majores sint. *LEYSER. Spec. CLXXXIV. med. IX. sqq.* Cæterum actio pro socio unice eo tendit, ut socii invicem communicent, quod sibi invicem debent ex natura societatis, non vero societatem dissolvit *L. LXV. §. VI. pro soc.* Sed eo nomine communi dividendo agendum est. *L. I. D. Commun.*



*mun. divid.* Gaudent tamen socii beneficio competentiae, qualiscunque societas sit. Qui enim ad *L. XVI. de re judicata* provocant, ut hoc beneficium ad socium universalem restringant, illos *L. XXII. §. I. & L. LXIII. Eod.* docere poterat, priorem legem esse corruptam, cum probabile vix sit, ipsum Ulpianum, ex cujus Libris *L. XVI.* desumpta est, & principii Jurisprudentiae Romanae, quod societas jus fraternitatis in se habeat, & propriae suae sententiae in *D. L. LXIII.* adeo immemorem fuisse, ut in contrariam iret iterum sententiam add. *NOODT. ad tit. D. pro socio.*

### Aphor. VII.

*ITA CONVENERIT*) Admittit tamen societas vectigalium tale pactum, quod heredes obligat ad societatem continuandam, *L. LIX. pr. pro soc.* modo ipsi habiles sint, ad eandam operam praestandam, quae in defuncto electa erat. Quamvis vero heres non debeat manere in societate, actio tamen pro socio in heredem datur, quia ex contractu est *L. LXIII. §. VIII. Eod.*

*INVITO ALTERO*) Nulla enim societas in æternum coitio est. *L. LXX. D. pro socio.* Ut vero societatis contractus ubique bonam fidem requirit, ita sigillatim, qui dolose renunciat, ut lucrum speratum solus retineat, lucrum tamen communicare debet, nec tamen socii, ut & ipsi communicent, obligati sunt. *L. LXV. §. III. Eod.* Qui intempestive renunciat, ubi sociorum interest, ne societas dirimeretur, de interesse respondet. *d. L. LXV.* Sic & absenti socio facta renuncia-

tio societatem solum respectu renunciantis, non ratione reliquorum, solvit *L. XVII. §. I. Eod.*

### Aphor. VIII.

De acquæstu per socium, & quatenus inde obligatio oritur, distingue casus. Socius, qui proprio nomine contrahit, reliquos neque obligat, neque actionem iis contra tertium acquirit. *L. XIII. C. si certum petatur.* Socius, qui nomine societatis contrahit, vel ejus utilitatem contrahendo gerit, reliquis acquirit, & eosdem obligat *L. IV. §. I. de Exerc. act. L. LXXXII. pro socio.* Socii, qui conjunctim & communi consensu contrahunt, pro rata acquirunt & obligantur *L. fin. §. I. de edit. Edict.* & sic etiam beneficium divisionis, quod in priori casu cessat, ipsis competit LAVTERBACH. *Diff. de obligat. socior. quæ orit. ex contract. cum extran. init.* Socius denique, qui delinquit, reliquos non obligat, nisi vel hi ratihabuerint *arg. L. I. §. XIV. de vi & vi armat.* vel, ut id, quod ex maleficio quæsitum est, in societatis rationes conferretur, permiserint *L. LV. D. pro socio.*

### Tit. XV.

### De Mandato.

### Aphor. I.

**A**LIQVID GERENDVM) Et quidem principaliter. Sunt enim & alia negotia, in quibus aliquid in utilitatem alterius geritur, sed secundario solum, cum alium plane ipsa conventio finem habeat principalem, v. c. in societate,  
in

in deposito. Quapropter, ut sciamus, qualis conventio subsit, ad initium negotii, & quid principaliter inter partes actum sit, respicere juvat *L. VIII. pr. L. X. §. IV. D. Mand.*

### Aphor. II.

**FIDEM DANS**) Et hic quidem adeo singularem & exuberantem fidem requirunt leges, ut, qui perfide agit, infamia notetur. Quod dubio procul inde est, quia plerumque amicis & necessariis ex singulari fiducia aliquid gerendum committitur, res vero sanctissimas, fidem & amicitiam fallere, turpissimum est *L. VI. §. V. D. de his, qui notant. infam.*

### Aphor. III.

**NEGOTIA GERENDA**) Quæ domini præsentiam non præcise desiderant. Quare & hodie in criminalibus ex parte rei difficulter procurator admittitur. Ex eadem ratione olim actus legitimi apud Romanos per procuratorem expediri non poterant *L. CXXIII. de Regul. Jur.*

**EXPEDIRI NON POSSUNT**) Generali enim mandato, præter ea, quæ expressa sunt, id solum tacite inesse videtur, sine quo negotium commissum feliciter expediri nequit. Quod omnino rationis est, cum ille, qui vult finem, non possit & media velle. Eaque ipsa, ut mandatarius adhibeat, etiamsi de iis nihil dixerit mandans, omnino necesse est. Nam & tacite præscriptos fines custodiri jubet *L. V. D. L. X. C. Mand.* Exemplum vide in *L. XXXIII. §. V. L. XXXIV. L. LXII.*

L. LXX. D. L. XVII. C. & cap. penult. X.  
Eod.

SPECIALI OPVS HABENT MANDATO) Huc in genere pertinent omnes actus, qui ingens præjudicium continent, summamque circumspeditionem, ne noceant, prærequirunt. Quod maxime fit in negotiis judicialibus. Quam diversa tamen ratione Interpretes in definiendis ejusmodi negotiis, quæ speciale desiderant mandatum, dissentiant, late exponit G R I B N E R. *pecul. Dissert. de mandat. Special.*

#### Aphor. IV.

QVOD VOCANT, CVM LIBERA) Ibi igitur, restricta mandatarii potestas est ad ea, quæ ipsi expresse & tacite concessa sunt. Hic, mandatarium omnia ea facere posse, quæ ipse dominus, si præsens esset, facere posse & velle præsumi potest, ex L. LX. §. IV. D. & c. V. de mandat. in 6to. facile colligimus. Quod autem alii mandatum cum libera eo extendunt, ut & mandatarius eo instructus actus speciale mandatum desiderantes indistincte peragere possit, id admittere non possum. Nam certe tam insigne sæpius actui cohæret præjudicium, ut difficulter locum sibi vindicet præsumtio, dominum, si præsens fuisset, voluisse actum expedire. Quare in judicialibus minimum, si sigillatim actus præjudiciales sileat mandans in mandato, clausula cum libera non multum habebit ponderis. Conf. SVENDENDÖRFFER. *ad Fibig. cap. II. §. VI.* WERNHER. *P. I. Obs. CCXVI.*

Aph.



## Aphor. V.

AD POENAM OBLIGANTVR) Nec mandatum unquam excusat mandatarium vel poenam ejus mitigat, quatenus mandatum est *L. XI. §. III. de injur. L. V. C. de accusat. L. XXXVII. pr. ad L. Aquil.* Quodsi vero mandatum ab eo profiscitur, qui jubere potest, & sic jussum magis continet, poena mitigari solet *LEYSER. Spec. CLXIX. med. X. sq.*

HABET ACTIONEM) Generatim enim, ubi de conventionem super re turpi inita sermo est, omnis inter contrahentes actio privata cessat, quamvis uterque & Reipublicæ & læso respondere debeat, etiamsi mandatarius fines mandati excesserit *HERTIVS Diff. de obligatione mandantis & mandatarii contemplatione tertii §. XII. & XVIII.* Quando vero cum mandatario Respublica vel læsus agit, atque de turpitudine ipsa adhuc dubitatur, mandatario id omnino concedendum videtur, ut mandantem eum in finem evocare possit, ut assistat, & turpitudinem depellat *BERLICH. P. I. Decis. LXXV. n. 5. LEYSER. Spec. CLXXXIII. med. VI.*

## Aphor. VI.

MUTVO CONSENSV) Vel expresse vel tacito. Nam & hoc sufficit, ex factis de consensu constare *L. VI. §. II. L. XVIII. D. L. VI. C. Mand.* Sic, qui sciens patitur, negotia geri, mandasse videtur. Perinde quoque est, sive quis ab initio, sive ex postfacto consentiat, modo negotium nondum pe-

Xy 2

nitus



nitus absolutum sit *L. LX. de Regul. Jur.* Sed fingi etiam posse consensum, si ignorantis negotia geruntur, nec tamen mandatum in negotiorum gestionem degenerare, hoc ideo dubium videtur, quia sic nulla amplius inter mandatum & negotiorum gestionem intercederet differentia, quam tamen eo sollicitius servare debemus, quo certius est, mandatum plene obligare, negotiorum vero gestionem eatenus solum, quatenus negotia utiliter gesta sunt *L. X. §. I. de negot. gest.*

REMVNERATIO ) Et manet mandati natura salva, siue sponte offeratur, siue promissa sit antea, modo tamen indeterminate promissa sit. In utroque tamen casu, nisi pacto adjecto mandatum in aliam conventionis speciem transformarunt partes, vid. *L. VI. pr. D. Mand.* honorarium in iudicio peti nequit, iudicisque auxilium cessat *L. LVI. §. pen. L. XVII. C. Eod.* Hodie tamen mandatum iudiciale exceptum videtur, cum leges permittant, ut procurator iudicialis, siue promissum sit honorarium, siue non, jus perfectum, illud ipsum exigendi, concedant.

SOLIVS MANDANTIS CONTEMPLATIONE ) Sic certe, qui mandat, ut alteri pecuniam credas, non mandans est, sed intercessor, & ut fidejussor obligatur. Qui mandat, ut tertii negotia geras, re ipsa non sibi, sed illi, in ejus gratiam mandavit, actionem mandati acquirit LAVTERBACH. *Colleg. Theor. Pract. ad tit. Mandati §. IV.* Qui in tui ipsius gratiam mandat, ut hoc illudve facias, non mandat, sed consilium suppeditat.

Aph.

## Aphor. VII.

NEC EX EO OBLIGATUR) Nam, qui consilium dat, tui solum utilitatem respicit, ejusque, cum nihil intersit, ut tu in effectum deducas, quod suavit, res omnis ex tuo arbitrio dependet, modo tamen, qui consulit, a fraude sit alienus *L. XLVII. D. Mand. c. LXII. Regul. jur. in 6to.* peritiam artis non profiteatur, & consultus imprudens & imperitum consilium suppeditet. *LAVTERBACH. de Consil. P. II. cap. I. §. VI.* vel etiam crebris non utatur instigationibus. Idem juris est in commendatione *L. XII. §. XII. Mandat.* quod non obliget. Sed hoc etiam singulare, quod ne obliget quidem, etiamsi specialis sit, & commendans commendati qualitates quam maxime extollat, virumque bonum esse perhibeat *L. VII. §. X. de dolo malo.* Tum demum respondet commendans de commendatione, si dolus concurrat *L. VIII. de dolo malo DECIS. ELECT. SAX. XLII.* si indemnitatem disertis verbis promisit *STRYCK. de pericul. petent. cap. I. n. 51. sq. MEVIVS P. VIII. Decis. CXX.* si denique quis alterum muneri publico admoventum commendat *L. II. D. de fidejuss. & nomin. L. I. & II. C. de pericul. nomin.* Id quod etiam mercatores ad commendationes, ob fidem, novo mercatori faciendam, factas applicant *BÖHMER. Jur. Dig. tit. Mand. §. XI.*

## Aphor. VIII.

DILIGENTER ET BONA FIDE) Negligentiam itaque & dolum præstat. Et cum, qui perfide

de agit, infamiam contrahere, notissimi juris est, quod & dubio procul ad eum casum applicandum est, quando in negotio commisso suam magis, quam mandantis utilitatem, respicit, multo magis, quando pecuniam sibi concreditam in proprios usus convertit, quo in casu præterea ad usuras maximas obligatur *L. XXXVIII. de negot. gest.* Sed quem negligentiae gradum præstet, inter Doctores non convenit. Si ex regulis de præstatione culparum supra suppeditatis res esset conficienda, latam deberet præstare culpam. Sed exuberantia fidei, quæ in mandati contractu acquiritur, majorem diligentiae gradum requirit. Non tamen diligentiam exactissimam, sed sufficit, mandatarium officia boni & providi Patrisfamilias explere. Nam quod dicitur in *L. XIII. C. Mandati.* omnem culpam esse præstandam, id pro substrata materia & secundum naturam contractus explicandum est.

QVOD TAMEN SANO SENSU) Quamvis enim *L. X. C. de procur. L. XXVII. D. Eod.* disponat, eum, qui fines excedit, nullum domino præjudicium facere, id ipsum tamen ex æquitate & præsumta voluntate temperandum est. Adest præsumta voluntas, ut mandatarius ea facere possit, sine quibus scopum commode obtinere nequit, etiamsi certa media mandans præscripserit, *L. ult. §. fin. D. Mandat.* modo æquipollens licitum sit. Juber æquitas, ut tertio, qui bona fide cum mandatario, fines excedente, negotium gessit, succurramus primo, quando mandatarius egit contra voluntatem, sibi soli significatam, *HERTIUS de obli-*

*obligat. mandant. & mandat. contempl. tertii §. XI.* siquidem mandatum per secretam instructionem restringi nequit *LEYSER. Spec. CLXXVIII. med. V.* Æquum est, ut & tum tertio mandans obligetur, si, quod a mandatario gestum, fines mandati excedit, in utilitatem tamen mandantis vergit *L. XLIV. Mandat. LXII. sqq. de procurator.*

### Aphor. XII.

**TEMPESTIVA MANDATarii RENUNCIATIONE**) Permittitur itaque, ut alter altero invito a contractu recedere, & contrariam voluntatem declarare possit, eo effectū, ut, simulac contrariam hanc voluntatem alter plene rescivit, omnis obligatio ejus intuitu, quod postea gestum est, cesset. Prius enim, quam ad notitiam alterius pervenit contraria voluntas, in justa versatur ignorantia, quæ nocere non potest. Sic vero dubium non est, quin & mandans de iis, quæ ante revocationem plenariam gesta, & mandatarius de iis, quæ ante renunciationem plene significatam omissa sunt, respondere *L. XV. D. Mand. cap. XXXIII. de Rescript. LEYSER. Spec. CLXXX. med. IV.* præterea, quia bona fides in mandato ubique requiritur, si intempestive contraria voluntas declaratur, alter alteri indemnitatem & interesse præstare debeat. *L. XII. §. penult. D. Mand. L. XXVII. §. II. Eod.*

**POST MORTEM EJUS IMPLETUM**) Modo mandatum non fuerit in heredes directum, vel negotium ita comparatum sit, ut demum post mor-



tem mandatis adimpleri debeat *L. XII. §. XVII. L. XVIII. §. II. de donat. mort. caus.*

**SPECTASSE INTELLIGATUR**) Tenentur tamen heredes, ut a defuncto inchoata perficiant, si idonei sint *L. XI. pr. D. de fidejuss.* Quamvis vero sic appareat, morte alterutrius cessare mandatum, id tamen de continuatione mandati solum accipiendum est. Ex iis enim, quæ antea sunt gesta, obligatio ad heredes omnino transit.

### Tit. XVI.

#### De Contractu Chirographario.

#### Aphor. IV.

**V** **T** **Q** **V** **I** **S** **S** **C** **R** **I** **P** **T** **O** **C** **O** **N** **F** **E** **S** **S** **V** **S** **S** **I** **T**) Contractus chirographarii forma diversis temporibus alia atque alia fuit. Olim ex ipsa scriptura obligatio nascebatur. Postea non ex scriptura per se, sed lapsu temporis munita. Olim scriptura solennitatis causa adhibebatur. Postea probationis gratia. Olim non erat contractus specialis, sed modus generalis, quævis promissa confirmandi. Postea in mutuo solum & dotis promissione locum sibi vindicabat. Utque demum antiqua hujus contractus ratio ignota non maneat, paucis nota, cum ad negotia, verbis sollemnibus in scripturam redactis perficienda, Romanis propria, pertinuisse. Erat enim contractus, quo quis solenni stipulatione, in scripturam solennem redacta, se obligabat ad dandum vel faciendum id, quod jam ex alia causa, cujus mentio simul



simul in ipsa scriptura erat injicienda, debebat. Et hæc est scripturæ illæ proprietas, cujus meminit *L. II. D. de obligat. & action.* Fiebat itaque novationis causa, & eo fine, ut, quicquid alter deberet, nunc ex scriptura solenni præcise præstare deberet, nec ulla ipsi competeret exceptio, ipsaque etiam exceptio non numeratæ pecuniæ excluderetur, cui sollemnis confessio scripta, quod quis deberet, quodque pecuniam accepisset, obstaret *HEINECCIUS Antiquit. Rom. tit. de liter. obligat.* Verum hæc sollemnitas, & scriptura, quæ nominibus fieri dicebatur, jam tempore Justiniani ab usu recesserat. *pr. I. de liber. obligat.* Permiserunt autem postea Romanorum legislatores, ut in negotiis mutui & dotis, probationis gratia, scriptura accedere posset, cumque ea per se efficaciam non haberet, *L. XXV. §. fin. de probat.* sed, ut in aliis contractibus in scripturam redactis fieri solebat, præsumptionem solum operaretur veritatis, *L. XIV. C. de contrab. stipulat.* salva probatione in contrarium, jusserunt denique, ut, si accessisset negotiis memoratis, per accidens plene & efficaciter obligaret, si quis confessus esset, se pecuniam accepisse, & tamen intra biennium de pecunia non numerata non esset conquestus. *tot. tit. C. de non numer. pec. L. fin. C. de dote caut. non numer. Authent. cum habet C. Eod.* E contrario vero efficaciam huic scripturæ, biennio nondum elapso, catenus denegarunt, ut ne præsumptionem quidem pecuniæ numeratæ operaretur, sed creditor nu-

merationem factam esse, potius probare deberet *L. III. & X. C. de non numer. pecun.* etiamsi vel maxime debitor in ipso instrumento exceptioni non numeratae pecuniae renunciasset *СТРЪСК. Cautel. Contr. Sect. II. cap. VII. §. X. seqq.* modo non intra biennium debitum agnovisset *L. II. & IV. C. Eod.*

### Aphor. VI.

**INTRA BIENNIVM)** Paulo aliter se res habet in dote cauta non numerata. Nam ex *AVTHENT. si habet. C. de dot. caut.* constat, matrimonio intra biennium soluto, exceptionem annalem, post biennium, intra decennium tamen, soluto, trimestrem, postea nullius momenti esse.

**POST BIENNIVM ADMITTITVR)** De quo tamen, si ipsam formam contractus chirographarii supra expositam respicio, vehementer dubito. Et sigillatim ipse Justinianus in *pr. §. de liter. obligat.* ita subducit rationes, ut facile appareat, post biennium exceptionem N. N. P. simpliciter cessare debere. Nec est, quod distinguas hanc exceptionem, qua privilegiatam, ab eadem ipsa, qua non privilegiata. Hæc enim forma contractus est, ut plene & efficaciter obliget elapso biennio, præsertim, cum culpæ reus sit debitor, qui intra biennium non conqueritur, & sic damnum, quod sua culpa contrahit, non sentiat add. *ZOESIVM Dissert. de except. non numer. pecun. Conf. L. XIV. §. III. C. de non numer. pecun. NOVELL. CXXXVI. cap. VI.* Nec fundatam, credo, opinionem Doctorum, qui, excep-

ptio-

ptionem doli post biennium urgeri posse, docent. Quamvis enim perpetua dicatur in *L. V. §. ult. D. de dol. mal. & met. exception.* ratio tamen perpetuitatis, quatenus doli exceptio cum exceptione non numeratæ pecuniæ concurrat, cessat, quia in potestate rei est, utrum conventionem ex chirographo expectare velit WERNHER. *P. IV. Obs. XLVI.* Cæterum, ut cum effectu creditor debitoris exceptiones, contra chirographum excludat, caveat, ne causa debendi in scriptura omittatur. Quia enim literarum obligatio ad mutuum solum & dotem spectat, nisi hujus mentio fiat, debitor, ne exceptione deficientis causæ debendi utatur, vix impeditur STRYCK. *Cautel. Contr. Sect. II. cap. VII. §. IV.*

### Aphor. VII.

PARATAM HABET EXECUTIONEM ) Hic peculiaris effectus est chirographi, quem mores Saxonum, imo & RECESS. IMPER. de anno 1654. §. CLXXIV. approbant, ut processui executivo locum faciat, ejusque, qui manum suam agnoscit, exceptiones altioris indaginis, in reconventionem vel in separatum processum rejiciat, modo tamen ipsum chirographum iis requisitis instructum sit, quæ processum executivum producant. Sic sigillatim hic processus locum non habet, quando causa debendi in chirographo deest. Qua de re suo loco.

## Tit. XVII.

## De Contractibus innominatis.

## Aphor. I.

**N**EGOTIVM ALIQUOD CIVILE ) Jam alibi diximus, originetenus contractus innominatos Romanis pacta nuda fuisse, nec per se obligationem produxisse, nisi ex altera parte implementum jam accessisset. Tum enim obligatio non quidem ex consensu, sed ex ipsa datione vel facto oriebatur, respectu ejus, qui implevisset. Penes hunc enim stabat, utrum poenitere & implementum revocare, an contra alterum experiri vellet *L. V. pr. D. de condict. caus. dat. caus. non secut.* quamvis per se pateat, hanc electionem locum solum habere potuisse, ubi quis dederat. Sin fecerat, vel ideo, quia factum infectum fieri non poterat, revocatio cessabat, & simpliciter ad dandum vel faciendum actio parata erat. *L. IX. D. prescript. verb.* Sed omnis hæc observatio hodie usum non habet in foro, cum, consensu semel rite & legitime interposito, poenitentia omnis sit exclusa SCHILTER. *Exerc. XXXII. ib. XI.* STRYCK. *Cautel. Contr. Sect. III. cap. V. §. IV.*

## Aphor. II.

**VEL QVOD INCERTVM**) Contractus nominati, ut diximus alibi, illi erant, qui non nomen solum speciale, sed & causam habebant, & actionem sui nominis producebant. Non itaque nomen simplex contractum nominatum efficiebat, sed tum, si actionem peculiarem, cui certa formula



mula jam esset præscripta, produceret. Quæ cum ita sint, ob eundem defectum formulæ Romani non eos solum contractus, qui plane nullum speciale nomen recipiebant, sed & eos, qui nomen habebant speciale, sed actionem sui nominis non producebant, contractibus innominatis annumerarunt.

**FACIO VT FACIAS)** Hi itaque nomen solum circumscriptitium habent, & dividuntur in simplices & compositos. Fieri enim potest, ut quis det, ut alter det & faciat simul, ut quis faciat & det, ut alter tantum faciat vel det. Cæterum gravis inter Doctores est controversia, utrum, si alter ex parte sua implevit contractum, alter præcise addandum vel faciendum conveniri possit, vel huic potius integrum sit, an se per præstationem interesse liberare velit. Plures ita rem conficiunt, ut diversam dandi & faciendi obligationem statuunt, & ad faciendum aliquem præcise compelli posse negent. Sed errant, & quæstionem consilii cum quæstione juris confundunt. Certe naturæ pactorum non convenit, ut penes promittentem sit electio, quid præstare velit, sed præstare potius debet, quod in contractum est deductum. Nec enim creditori invito aliud pro alio obtrudi potest. Eligat itaque creditor, & dispiciat, an principalis obligatio possit in effectum deduci, & si possit, an expediat adhuc, ei inhærere, nec plus utilitatis ex obligatione subsidiaria ad interesse in eum redundet. Conf. THOMASII *Diss. an promissor facti liberetur, præstando id, quod interest.*

Aph.



## Aphor. III.

RES INCORRUPTA REDDATUR) Inde satis apparet, hunc contractum ex emtione, mandato & locatione mixtum esse, & ab omnibus tamen differre. Nam accipiens neque simpliciter tenetur ad pretium, nec alienum plane, sed suum etiam agit negotium, nec simpliciter operam locat. Vocatur ipse contractus *Der Trödel* = Contract, & maxime viget in locis, ubi peculiare hoc vitæ genus profitentur homines, qui viciatim res circumferunt pro certa mercede vendendas. Primario tamen respiciendum est ad id, quid partes egerint. Contractus æstimatorii tamen natura ea est, ut, qui rem vendendam pro certa mercede suscipit, plenus ejusdem fiat dominus, ejusdemque periculum sustineat. *L. I. §. I. de æstimat. BÖHMER. Diff. de translat. domin. in contr. æstim.*

## Aphor. V.

SÆV PERMUTATIO) Simplicissimum & antiquissimum hoc genus contractus est *L. I. de contrab. emt. vend.* & domini translationem involvit, reque ipsa ab emtione venditione non differt, imo in eandem ipsam degenerat, quando res non simpliciter, sed prævia æstimatione, permutantur. Distinctionem vero, qui permutationis & contractus do ut des, sibi fingunt, subtili admodum ratione permutationi proprium dicunt, ut species pro specie, contractui do ut des, ut genus pro specie detur, sed has aliasque ejusdem generis tricas expolit THOMASIVS *ad Strauch. Diff. XVI. tb. V.*  
Aph.

**Aphor. VI.**

**CAMBIVM DICI SOLET)** Omne negotium cambi-  
ale commerciorum & negotiationis causa primo  
inventum nostratibus ideo placuit, quia, cambio in-  
terveniente, commode pecuniam chartæ inscriptam,  
eodem modo, ac si nuntio vel aurigis concrederent,  
imo minori sumtu & periculo, de loco ad locum  
transferre possunt. Si quis enim alibi degens a-  
libi locorum pecuniam exsolui cupit, in loco, ubi  
degit, cum tertio contrahit, eumque obligat, ut so-  
lutionis peragenda curam suscipiat, eoque nomine  
cautionem scriptam, certis requisitis, quæ cambi-  
um efficiunt, munitam, sibi exhiberi studet, in qua  
ille, qui in loco, ubi solutio facienda, eandem per-  
agere debet, nominatus est. Hanc scripturam illi,  
cui solutio facienda est, mittit. Atque hic scripturam  
illi præsentat, qui in ea nominatus est, quo nunc so-  
lutionem faciat, & cambium reluat. Quatuor ita-  
que hic adsunt personæ I) Trassans, qui solutionem  
alibi faciendam suscipit, II) Remittens, qui cam-  
bium accipit transmittendum, III) Præsentans, qui  
solutionem expectat, IV) Acceptans, qui solutio-  
nem facit. Ipsa solutio fit periculo trassantis, nec ac-  
ceptans ad solutionem faciendam prius est obliga-  
tus, quam acceptavit cambium. Quod si nolit  
acceptare, quod facere potest, præsentans prote-  
statione jus contra trassantem conservare debet.  
Reliqua ex ordinationibus cambialibus discenda  
sunt. Interim cambia paratam habent executio-  
nem in ipsam ejus personam, qui ad solutionem  
se obligavit. Quare non dubitarunt nostrates,  
quia

quin ob insignem hanc utilitatem a debitoribus suis, ex quacunque causa deberent, cambium reciperent, eo fine, ut cum eo iuxta rigorem cambialem, si debito tempore haut solveret, agere possent.

### Aphor. IX.

**CVIVS FIT MENTIO**) Permittit itaque Lex allegata, ut in casu nominato efficax inter contrahentes oriatur obligatio. Præsupponitur tamen negotium, quod quis vi officii expedire non debebat, quodque leges pretio compensare non verant. Qui enim pecuniam aliamve rem accipit, quo officium faciat, vel non faciat, ille delinquit, & in crimen repetundarum, incidit. Sic etiam, qui Ecclesiasticum officium, pretio interveniente, emit, crimen Simoniae committit.

### Aphor. X.

**ASSECVRATIO**) Qui contractus æque ac contractus Bodmeriæ inter mercatores, qui negotiationem maritimam exercent, frequens est. Naturam prioris late exposuit **HERTIVS** *Diff. de Assesuratione*. Præmium, quod assessoratori pro suscepto mercium transvehendarum periculo constituitur, variat. Super ipso contractu confici solet instrumentum, quod vocatur *Die Pollice*, cujus formulam vide apud **STYPMANNVM** *de jur. maritim. P. IV. cap. VII. n. 425*. Contractus vero Bodmeriæ is est, quando quis domino navis mutuum dat, ut illud cum foenore convento restituat, si carina navis salva reversa sit. Recipit itaque creditor periculum, si navis pereat, ejusque intuitu sibi de mutuo usuras solitis majores stipulatur. Instru-  
mentum

mentum, quod super contractu conficitur, vocatur *der Byll-Brief* Conf. *BODINI Differt. de Bodmeria.*

### Aphor. XIV.

**ACTIO PRAESCRIPTIS VERBIS)** Quæ ideo hoc nomen generale habebat, quia ob deficientem formulam, communem & specialem agendi, semper, ubi de contractu innominato quæstio incidebat, præscribenda & ad factum accommodanda erat. Quod materiam dedit Ciceroni, ut *JCros* in foro ambulantes & litigaturis formulam agendi suppeditantes, verborum nominaret acupes, formularumque & actionum præcones. Dicitur etiam consueverunt istæ actiones in factum *H V B E R. ad tit. D. præscr. verb. §. III. & IV.* a quibus tamen in se spectatæ differunt. Nam actio in factum triplicem habet significationem. I) Tales dicuntur, quæ certo nomine demonstrari nequeunt, sed in factum ipsum & in id, quod actum est, concipiuntur, & hæ sunt ipsæ actiones præscriptis verbis. II) Ita nominantur actiones utiles, quæ ex verbis legum desumi non poterant, sed ex ejus ratione per interpretationem extensivam eliciebantur. III) Nomen illud commune est omnibus actionibus, quæ, ubi neque lex actionem suppeditaverat, neque ratio legis illationem permittebat, ex sola æquitate dependent, & in subsidium concessæ sunt.



## Tit. XVIII.

## De Quasi-Contractibus.

## Aphor. I.

**A**LTER ALTERI OBLIGATUR) Vel potius quasi contractus est obligatio, quæ nascitur ex alterius facto, in alterius vere non consentientis utilitatem suscepto. Omne enim fundamentum obligationis ex quasi contractu intuitu ejus, qui non consentit, consistit in utilitatis promotione, ob quam lex fingit, eum consensisse, cum probabile non sit, eum dissensurum, in cuius utilitatem factum alterius vergit. Non tamen prius ille obligatur, quam de utilitate constet. Indequè est, quod prius constare debeat, utrum alteri negotium utile sit, & sic, qui vere consentit, de facto & administratione negotii, atque, si male cesserit factum, de damno respondere debeat.

## Aphor. III.

**UTILITER GERENDO)** Hoc enim, quod quis utiliter gerat, sufficit. Quare nec error in persona ejus, cujus negotia geruntur, nocet *L. V. pr. §. I. L. IV. sq. de negot. gest. L. XXIX. D. Commun. divid.* Et si quis improbe & sui lucri causa ad alienum negotium accesserit, tamen obligat dominum, quatenus utilitatem habet *L. VI. §. III. de negot. gest.* multo magis obligat eum, si præter intentionem res felicem habeat successum *L. XLVIII. D. de usufr.* Imo generatim sufficit, ut quis utiliter gesserit, licet res effectum destituatur *L. X. §. I. de negot. gest.*

Aph.



## Aphor. IV.

**IGNORANTEM**) Pro quo & ille habetur, qui scit quidem, sed ob defectum animi vere consentire nequit. v. c. infans, prodigus, imo & ille, cuius contradictioni leges effectum non tribuunt, vel quia deliberato non agit, vel quia contradictio salutis publicæ est adversa *STRYCK. de Cautel. Contr. Sect. III. cap. I. §. II. & Us. Modern. Digest. tit. de negot. gestion. §. ult. in fin.*

## Aphor. VI.

**DILIGENTER**) Non tamen semper eandem culpam præstat negotiorum gestor. Regulariter levem. Quod inde est, quia se obtulit negotio. Si alii, qui jam ad negotia gerenda accesserat, se prætulit, levissimam. Si gerat negotium, quod absens gerere solitus non erat, casum. Si denique suscipiat negotia in re alias peritura, latam.

**IN QVIBUSDAM**) Regulariter, qui aliqua negotia suscepit, ad reliqua expedienda non obligatur, *L. XV. & XVI. D. de negot.* nisi vel sint connexa, vel alius adsit, qui omnia gerere velit *L. VI. §. XII. Eod.* Si tamen omnia suscepit, & aliqua utiliter gessit, in aliis damnum dedit, ignorans lucrum cum damno compensat, vel potius, si damnum superet lucrum, negotiorum gestor illud refarcit, si lucrum excedat damnum, ignorans negotiorum gestorem indemnem præstat *L. XI. in fin. D. Eod.*

## Aphor. VIII.

**RESTITVENDA DAMNA**) In genere negotiorum gestor repetit, quæ ipsi ob causam negotii gesti absunt *L. X. C. de negot. gest.* vel ab futura creduntur *L. XXVIII. D. Eod.* Sic ea, quæ erogavit, sortis loco habentur, ut & usuras restituere debeat ille, cujus negotia gesta sunt *L. XVIII. C. Eod.* Sic, si fidem interposuit, recte agit, ut liberetur.

## Aphor. IX.

**QVAE EST QVASI CONTRACTVS**) Non itaque confundenda ipsa tutela cum administratione tutelæ. Illa est munus publicum, & personam solum respicit. Hæc est quasi contractus, & actionem tutelæ directam & contrariam parit, ipsamque obligationem de tutelæ administratione respondendi in heredes devolvit.

## Aphor. X.

**COMMVNIVM ADMINISTRATIO**) Præsupponitur hic, plures unam rem pro indiviso communem, id est, in condominio habere, & alterum rem illam communem communi nomine administrare *L. VI. §. II. Commun. divid.*

## Aphor. XI.

**RESTITVENDIS**) Est itaque hæc actio mixta, natura sua realis & ex condominio profluens, admixtas tamen habens præstationes personales. Et id quidem, quod ad divisionem agamus, ex jure reali & condominio est. Eidemque facultati, ad divisionem provocandi, neque pactum contrarium, neque

neque prohibitio privati hominis, sigillatim testatoris, obest *L. XIV. §. II. D. Commun. divid. L. LIX. D. pro socio.* Reliquæ præstationes ex jure personali sunt, & ex natura societatis, vi cujus omne lucrum communicandum est, eo quidem effectu, ut, etiamsi quis suo nomine in re communi quid fecerit, lucrum nihilominus commune fiat, *L. VI. §. II. Commun. divid.* Sic etiam damnum regulariter communicatur. Solus tamen id ipsum fert, qui in propriam utilitatem aliquid in re communi suscipit *d. L. VI.* item ille, qui invito socio aliquid facit, cum in re communi semper melior sit ratio prohibentis. *L. XII. & XXVIII. D. Eod.* Quod posterius tamen fallit 1) si administrans quid facit, quod regulariter fieri solet, 2) si rem ad eum usum adhibet, ad quem ab initio erat destinata, *L. LXVIII. D. pro socio*, 3) si prohibentis nihil interfit, *LEYSER. Spec. CXVIII. med. IV. sqq.* 4) si rem communem meliorem facit. *L. XIII. §. I. de servitut. præd. urbanor.*

### Aphor. XVI.

INDEBITI SOLVTIO) Quæ fictum mutuum continet, eumque, qui ab eo, qui ex errore facti indebite solvit, ex errore indebite accipit, quamvis in mutuum non consentiat, nihilominus tanquam ex mutuo obligat, modo tamen, quod solvitur, non habeat obligationem naturalem. *L. XVI. pr. L. LXIV. D. de condiç.* Qui enim naturaliter & in conscientia obligatus est, quamvis jure civili actio ideo non detur, non tamen repetit, si solvit. *HEB-*

**TIVS** *Diff. de condict. indebit. civ. debit. natur.* nisi lex civilis obligationem quoque naturalem reprobaverit v. c. si mulier fidejubens solvit *L. XVI. in fin. ad SCtum Vellej. L. XL. sq. D. de condict. indeb.* Alias, si nullo modo obligatus est, recte repetit, nisi denuo nova debendi causa per accidens supervenerit. v. c. si, qui nil debet, ex transactione tamen, vel re judicata solutionem peragit *L. LVI. de re judic. L. LXV. §. I. de condict. indeb. L. I. C. Eod.*

### Aphor. XVII.

**PER ERROREM**) Qui ex parte tam solventis, quam accipientis adesse debet. Ut enim, qui sciens indebitum solvit, donat; ita, qui sciens indebitum accipit, furtum committit, & condictione furtiva tenetur *L. XVIII. de condict. furtiv.* Error facti esse, id est, qui solvit, putare debet, se jure perfecto esse obligatum & ex regulis iusti. Qui enim putat, se ex lege gratitudinis & ex officio humanitatis debere, & solvit, ille denuo donat *L. LII. L. LXV. §. II. de condict. indeb.*

### Aphor. XVIII.

**ERRORE COGNITO**) Qui de indebito agit, probare debet 1) solutionem, 2) se indebite solvisse, 3) per errorem, quæ omnia facti sunt. Cessat tamen probatio indebiti, si accipiens solutionem neget, eaque probetur *L. XXV. pr. D. de probat.* Si causa debendi in instrumenta super solutione dato non extet si præsumtio pro actore militet *d. L. XXV. §. I. de probat.* Cessat etiam indebito probato erroris ulterior probatio, cum ex solutione

ne



ne indebiti præsuntio oriatur pro solvente, ut ad iuramentum suppletorium possit admitti.

### Aphor. XIX.

**EA OBLIGATUR AD RESTITVENDVM )**  
 Diximus supra in contractibus innominatis, re quasi obligationem contrahi, eumque, qui dedisset, electionem habuisse, utrum ad implementum agere, an, implemento non secuto, id, quod dedisset, revocare vellet. Ob ultimum finem comparata est condictio causa data, causa non secuta, qua id, quod propter causam futuram datum erat, condicebatur, si causa, ob quam datum, non fuisset secuta. Nos itaque hac conditione supersedere possumus, cum poenitentiae in contractibus innominatis non detur locus. Quare in hoc uno forsan casu hæc condictio locum habebit, si quis non tam propter finem, quam ad finem consequendum aliquid dedit, vel etiam, si id, propter quod datum, interesse pecuniarium non admittit BEYER. *Posit. ad Dig. tit. de condict. caus. dat. pos. XIII. sqq.* Cæterum ex ipsa æquitate hanc conditionem esse, facile patet *L. XVI. §. I. de minor. L. XXV. D. rer. annot.* cum æque ac alia sequentes conditiones deducatur ex regula, quod nemo cum alterius damno fieri debeat locupletior *L. XXXII. de reb. credit.*

### Aphor. XX.

**ALTERI DEDIT )** Non itaque locum habet, si quis fecit, quia factum infectum fieri nequit, rei que natura non patiatur, ut prior status restituatur.



tur. Sive vero quis jam dederit, sive dare promiserit & cautionem interposuerit, sive dederit naturaliter, transferendo dominium, sive civiliter, alterum quacunque ratione locupletiores faciendo, perinde est.

### Aphor. XXII.

CONDICTIO SINE CAUSA) Est hæc condictio generalis, & omnes reliquas sub se completitur *L. I. §. II. L. IV. de condict. sine causa.* Sine causa enim penes aliquem est, I) quod ob causam accepit, quæ tamen non est secuta II) quod ex errore accepit ab eo, qui non obligatus erat, III) quod ex turpi vel injusta causa tenet. In sensu speciali autem de eo solum casu intelligitur, IV) quando quis rem habet ex aliâ causa, quam ex prioribus, atque in subsidium competit, si causa vel ab initio non adfuit vel adfuit quidem, sed finita & extincta est. Sic v. gr. qui a minore solo mutuum accipit pecuniam, sine causa accipit, quia ex mutuo in minorem non cadit obligatio; Item, qui soluto debito chirographum detinet, absque causa detinet. Alia exempla vid. in *L. II. L. fin. de condict. sine caus. L. XI. §. VI. de action. emt. vendit.*

### Aphor. XXIV.

HVC REFERRI POTEST) Nec tamen commodè huc refertur. Nam actio finium regundorum præsupponit dominos agrorum confines, ex quibus alter negligentia sua fecit, ut fines confunderentur. Hac vero ratione patet, non  
ex

ex quasi contractu, sed ex quasi delicto hanc actionem esse STRYCK. *us. Modern. Digestor. tit. Finitum reg. §. II.* Locum itaque habet, quando fines prædiorum privatorum confinium confusi sunt, ad fines pristinos restituendos, vel, si restitui nequeant, discernendos. Quapropter, qui de finibus regundis agit, de eo sollicitus esse debet, ut probet fines, quo restitui possint, vel demonstret minimum, fines confusos esse, quo iudex de novo eos discernere possit. Imo, ne iterum facile confundantur, iudex ipse curet, ne desint signa finalia, per quæ confusione obviatur. Quod, quomodo caute peragatur, late docet OETTINGER. *de jur. limit.*

### Aphor. XXVI.

EX FACTO RECEPTIONIS) Hanc obligationem, ut factum receptionis oneraret cauponem, vel nautam, ad rem restituendam, ipsa necessitas & utilitas introduxit, cum iter facientium intersit, ut res eorum salvæ sint, si fidem hominum, qui eiusmodi receptionem publice profitentur, sequi necesse habent. Indeque patet, neque illi hanc actionem prodesse, qui non peregrinatur, neque illi, qui aliis res suos concedit, qui extra professionem, quam habent, eas recipiunt, quamvis paritas rationis suadeat, ut extendatur obligatio ad magistros postarum & aurigas ordinarios STRYCK. *de action. forens. investig. Sect. I. membr. IX. §. XXXV.* Cæterum sive ipse caupo, nauta vel stabularius recipiat, sive per eum, cui id officii demandavit, perinde est. Liberat se tamen ab ob-

ligatione, si ante receptionem prædixerit, se obligari nolle. STRVV. *Exerc. VIII. tb. CXVII.*

### Aphor. XXVII.

**CVIVSLIBET CULPA CONTINGENS**) Re-  
cte haftenus. Nam omnem culpam caupo præ-  
stat, *L. III. §. I. D. Naut. caup. stabul.* imo &  
casum, qui in ipsa caupona existit. Merum ve-  
ro casum extrinsecus supervenientem ferre non de-  
bet. Interim refert, ut distinguamus, utrum ipse  
caupo damnum dederit, an ejus familia & inqui-  
lini, an denique hospes hospiti. Nam hoc de-  
mum in casu actio de recepto ex quasi contractu  
instituitur. In primo casu ex vero delicto, in  
secundo ex quasi delicto caupo tenetur.

### Tit. XIX.

De actionibus ratione gestorum ab a-  
liis contra nos competentibus.

### Aphor. I.

**G**ESTVM AB ALIIS AD NOS ATTINET) Ju-  
re civili antiquo nulla erat obligatio, nisi inter  
contrahentes. Et sic nemo ex alterius contra-  
ctu obligabatur. *§. X. §. de action. nec inde conve-*  
*niri poterat L. XI. de oblig. & action.* Hoc ta-  
men, uti in iis, qui in aliena potestate erant, fal-  
leret, cum pater & dominus ex contractu filii vel  
servi ad solvendum illud, quod in contractum esset  
deductum, peculiotenus tenerentur, ita sigillatim  
Prætori iniquum videbatur, ut iis in casibus, quan-  
do duæ personæ moraliter pro una haberentur,  
vel alter contrahendo alterius utilitatem promo-  
veret,

veret, deficeret actio, voluitque magis, ut, qui vel expresse, vel mandando vel jubendo, vel tacite ob versionem in rem ad contractum, concurreret, ex hoc ipso contractu obligaretur. Eumque in finem actiones, quas vocant adiectitiae qualitatis, quae jam ex contractu filii vel servi contra Patrem vel dominum competerent, ad reliqua per tertium gesta negotia applicavit. Sunt vero actiones adiectitiae qualitatis generatim non novae actiones, sed actionibus ex contractu alias oriundis adjiciebantur, ita quidem, ut actioni principali nomen adderetur, indicans, reum non ex proprio, sed ex alieno facto conveniri. v. c. si filius jussu patris emtionem celebrasset, actio emti venditi quod jussu contra patrem locum habebat.

### Aphor. II.

EX MANDATO PATRIS VEL DOMINI) Actio itaque quod jussu, si ab hac differentia discesseris, quod in liberam personam non jussus, sed mandatum cadat, ab actione, qua, qui cum mandatario contraxit, contra mandantem utitur, non differt, nam & filius vel servus jussu patris vel domini accurate sequi, nec fines excedere debet *L. III. D. quod jussu*. Imo hodie usus hujus actionis vel ideo cessabit, quia casus, qui olim supponebatur, filium vel servum ex jussu patris vel domini negotium proprio nomine in peculio profectitio gessisse, ob raritatem ejus generis peculii vix existet. Hac vero ratione, si filius jussu patris proprium hujus negotium expediat, directam contra ipsum patrem actio sibi locum vindicet.

Aph.



## Aphor. III.

IN NEGOTIVM EJVS IMPENSVM EST) Fundamentum hujus actionis in ipsa æquitate naturali nititur, ne quis cum alterius damno fiat locupletior. Nec dubium est, quin & hodie usum omnino præstet, modo denuo Romanis, quæ in hac actione eorum institutis propria erant, relinquant. Nam hi casum cogitabant, filium vel servum negotium domini vel patris in peculio gessisse *L. X. in fin. de in rem verso*. Hodie vero, quacunque ratione filius vel servus patris vel domini utilitatem negotium aliquod gerendo promoveat, pater vel dominus illi obligabitur, cum quo filius contraxit. Sic autem re ipsa hæc actio ab actione negotiorum gestorum non erit diversa.

## Aphor. V.

ALIQVEM PRAEPOSVERIMVS) Fundamentum tum exercitoria, tum institoria actionis est mandatum, nec ideo dubium, quin directo cum illo, qui alium negotiationi præfecit, ex hujus negotio ex præscripto mandati gesto agi possit *§. ult. j. quod cum eo, qui in alien.* Nec differunt exercitoria & institoria actio, nisi nomine & in mere accidentalibus. Illa enim nomen habet a præponente, hæc ab eo, qui negotiationi præpositus est. Illa de maritima, hæc de terrestri negotiatione concepta est. In hoc uno exercitoria actio majorem institoria habet favorem, quod & substitutio a magistro navis facta exerci-  
torem



tozem obliget *L. I. §. V. de exerc. action.* Institoris vero facta per substitutum gesta agnoscere non debet dominus SCHILTER. *Ex. XXVII. §. XLII. sqq.*

SECUNDVM MODVM PRAEPOSITIONIS) Idque natura mandati exigit, nec ideo modum egressus institor vel magister dominum obligat *L. I. §. XII. de exerc. action.* *L. V. §. XI. L. fin. C. de institor. act.* Sed cum id officii generatim commissum sit magistro & institori, ut negotiationi consulat, atque necesse habeant & contrahentes peregrinantes, ut fidem magistri & institoris sequantur, dominus omnino de damno respondere debet, si officium negligenter gessit, vel circa illud deliquit. *L. V. §. VIII. de instit. act.* vid. BÖHMERI *Diff. de discrimin. tempestat. marin. cap. I.* Reliqua delicta praepositi dominum non gravant, cum necesse sit, ut poena teneat suos auctores. Hoc etiam in negotiatione maritima singulare est, quod tacite magistro videantur concessa, sine quibus navigatio perfici nequit, ut sic obligetur etiam dominus ex mutuo navigationis causa contracto, si ea concurrant in ejusmodi mutuo, quæ adesse jubent *L. I. §. VIII. & IX. L. VII. §. I. L. final. D. de exercit. act. add. STRUVII Exerc. XX. tb. X.*

### Aphor. IX.

DOMINI NOMINE) Vel potius non tenetur amplius ex negotio, quod tanquam magister vel institor gessit, quodque ejus officium concernit. Quare dubium non est, quin e contrario  
ex

ex intercessione pro domino, ut & ex delicto, quod officium non respicit, omnino obligetur.

### Aphor. X.

NON OBLIGARI TRADUNT) Injustitiæ enim Jus Romanum hoc in capite arguit GROTIUS *cit. loc.* Sed absque sufficienti ratione. Interest enim rei mercatoriæ, ut lites brevi finiantur, nec in plures adversarios distringatur, qui cum uno contraxit. Præterea, qui pro reliquis solvit, de indemnitate præstanda cum sociis recte agit. Quo nomine civitates Hanseaticæ rectius forsan Jus Commune sequuntur, quam Belgæ id ipsum injustitiæ accusant.

### Aphor. XII.

LEGIS RHODIÆ DE JACTU) Legis Rhodiæ argumentum erat de re nautica, idque ob æquitatem adoptarunt Romani, ac sigillatim doctrinam de jactu suam fecerunt, quæ in regula nitebatur, ut omnium contributione refarciretur, quod pro omnibus datum esset, ne alter cum alterius damno fieret locupletior. Omnes leges Rhodias edidit VINNIVS in *Comment. ad Petri Peckii rem nauticam.* Et solent Belgæ, Germani, & maris Balthici emporia tantam facere earum autoritatem, ut in decidendis negotiis maritimis, si deficiat Jus Wisbyense, & Hanseaticum, quod principaliter venerantur, ad illas recurrant. Ipsas vero leges Belgarum & Germanorum nauticas vide in MARQVARDI *Append. ad Jus Mercator.*

PRO

PRO OMNIBUS DATUM EST) Cujus regulæ æquitas tam late patet, ut commode applicetur ad omnes casus, ubi quis in periculo communi damnum passus est, ut aliorum damnum averteretur v. c. si quid solvitur, ne deprædatio fiat communis, ut navis a piratis redimatur, si tempore incendii driuatur domus flammis nondum correpta, ut vicinæ domus conserventur. LAV-  
TERBACH. *Diff. de extensione Leg. Rhod. de jactu.* Ut vero in casu ab Auctore proposito contributio locum habeat, requiritur I) periculum commune adfuisse L. II. §. I. L. V. pr. L. IV. §. II. de L. Rhod. de jactu II) & quidem absque cujusquam culpa existens LOCCENIUS *de jur. marit. Lib. II. cap. VIII. n. 14. seqq.* III) dejectionem vel communi consensu, vel ex majoris partis suffragio & IV) quidem animo communem utilitatem promouendi factam, V) æquitatis porro rationem ita, ut res magis, quæ navem onerarent, quam, quæ in navi essent, dejicerentur, habitam, denique V) navem per jactum semel re ipsa servatam, aliorumque utilitatem promotam esse. L. VII. D. de L. Rhod. de jactu.

### Aphor. XIII.

VENIRE DEBENT OMNES) Modus contribuendi in regula generali nititur. Quicumque per jactum utilitatem sentit, & quidem in bonis, ex quibus locupletior fit, ille est obligatus ad contribuendum. Quod nostri ita effari solent, *Has veres geht über Schiff und Guth.* Quare dubium non est, quin ipsa quoque navis, imo & ve-  
ctura

ctura æstimanda sit, cum ex utriusque conservatio-  
 ne dominus navis locupletior fiat. Nec ejus in-  
 tuitu interest, si res vectorum in se spectatæ na-  
 vim oneraverint nec ne, cum sufficiat, easdem  
 servatas esse. Præterea patet, ne vestimen-  
 ta quidem, vel cibaria servata indistincte exi-  
 mi posse, sed & tum de iis contributionem  
 faciendam esse, quando negotiationis causa na-  
 vi illata sunt. Ipsa æstimatio de jure commu-  
 ni fit, ut amissarum rerum pretium confide-  
 retur, quo emtæ; servatarum, quo vendi possunt,  
 respiciamus. Sed aliter æstimant Belgæ & Bri-  
 tanni, dum, dimidio itineris jam confecto, rebus  
 jactu amissis pretium constituunt, quo vendi po-  
 tuissent, si ad locum destinatum peruenissent Loc-  
 CENIVS *d. tr. Lib. II. cap. VIII.* Denique JURE  
 WISBYCENSI *art. XXXVIII.* JURE HAN-  
 SEAT. *Tit. VIII. §. I.* JURE STATUT. HAM-  
 BURG. *P. II. Tit. XVI. art. II.* simpliciter  
 statutum, ut omnes res, & servatæ & amissæ eo  
 pretio æstimentur, quo vendi potuissent illic, quo  
 destinatæ terant. GROTIUS *Introd. ad Jus Bel-  
 gic. Lib. III. cap. XXIX. n. 15.* Quod æquitati  
 omnino convenit, cum illi, quorum res servatæ  
 sunt, lucrum non fecissent, nisi alter per jactum  
 res amisisset, sic vero naturale sit, ut partem lu-  
 cri communicent cum iis, qui damnum perpeffi  
 sunt.



Tit. XX.

De quibusdam pluribus contractibus  
communibus.

Aphor. I.

**C**ONDICTIO TRITICIARIA) De nomi-  
nis origine multa disputant THOMASIVS  
& HUBERVUS *ad tit. D. de condict. tritic.*

Est autem vero omnino simile, eam ab objecto, &  
quia prætor præprimis caput de tritico in Edicto  
pertractabat, nomen accepisse. Est vero & hæc  
&, quæ sequitur, condictio de eo, quod certo loco,  
actio ad interesse, & ad negotia stricti juris, si ex  
his vel certo tempore vel certo loco aliquid præ-  
standum esset, nec tamen præstaretur, pertinet. In  
his enim, cum ultra verba contrahentium iudex pro-  
cedere non posset, de jure Civili actio non daba-  
tur, qua interesse prosequeretur, qui ex violatio-  
ne contractus damnum incurreret. Quare Prætor  
ipsi ex æquitate succurrebat. Quæ cum ita sint,  
facile patet, nos, dum patimur, distinctionem in-  
ter bonæ fidei & stricti juris negotia usu destitui,  
actione triticiaria & de eo, quod certo loco, non  
indigere, sed ex ipso contractu æstimationem pe-  
tere posse. Triplex autem æstimatio fieri potest,  
si debitor statuto tempore non præstet. Vel enim  
res præstanda (ad pecuniam enim numeratam a-  
ctio non pertinet, quia tum mora obligationem  
præstandi usuras inducit) plane perit, & respi-  
cimus tempus interitus, vel deterior facta est, & re-  
spicimus tempus condemnationis, vel in utroque

Aaa

casu



casu mora commissa est, & respicimus ad tempus, quod inter moram & litis contestationem medium est. Sin certo loco alicujus rei præstatio, aut pecuniæ solutio, (nam in actione de eo, quo certo loco & hoc negotium venit) facta non fuisset, isque locus in gratiam creditoris sit adjectus, & damni emergentis & lucri cessantis habetur ratio. Si in gratiam debitoris, damnum solum præstare debet. Idque interesse pæque usurarum modum servat, neque mercatorum solum privilegium est. Sed id magis continet, quanti revera interest, & cum rationem naturalem habet, ab omnibus recte exposcitur, siquidem nec *tit. C. de sentent. que pro eo, quod interest, profer.* distinguit.

### Aphor. III.

ALIBI PETITUR ) Quod stricto jure fieri non poterat in negotiis stricti juris, cum ille, qui alibi peteret, quod alibi promissum esset, plus petitionem loco committeret, & causæ amittendæ periculum subiret. Huic itaque subtilitati obviam ivit Prætor, permisitque, ut in foro domicilii actio institui posset, etiamsi alibi solutio promissa. Non vero creditori solum datur, qui damnum perpeffus est, sed & debitori, qui in loco convento paratus est solvere, si ejus intersit, ut ibi præstet. *L. II. §. VIII. de eo. quod cert. loc.* modo debitor non fuerit in mora, tum enim nullam habet conquerendi causam.

### Aphor. IV.

ÆDILITIVM EDICTVM ) Ædiles apud Romanos

manos res ad Politiam spectantes, *Policey- und Markt-Sachen*, curabant, earumque nomine æque ac Prætores de causis justitiæ edicebant, absque imperio tamen, cum magistratibus minoribus annumerarentur. Sigillatim de emtionibus venditionibus privatis *L. I. §. III. de Ædil. Edict.* quibus omnes contractus mutuae præstationis ad transferendum dominium habiles æquiparabantur, *L. XIX. §. V. Eod.* edixerant: Venditorem rei venditæ qualitates emtori aperire debere, nisi illæ vel in oculos incurrerent, vel alias notæ essent, *L. I. §. I. L. XXXVIII. Eod.* absque distinctione, siue res mobiles essent, siue immobiles, siue vitium in re principali, siue in accessoria adesset *L. XXXII. XXXVIII. XLIX. LXIII. Eod.* Dolum vero venditoris reticentis actione redhibitoria vel quanti minoris coercebant, etiamsi negligentia emtoris in detegendo vitio latente concurrat, cum tamen dolum venditoris præponderet. *STRYCK. Us. Mod. Dig. tit. de adilit. Edict. §. VIII.* Inter utramque vero actionem hoc interest. Illa datur ob vitium, quod omnem usum rei tollit; Hæc ob vitium, quod rem non quidem in totum inhabilem reddit, impedit tamen, ne re ita uti possimus, uti cogitavimus. Illa tendit ad rescindendum contractum, hæc ad diminuendum pretium. Illa per sex menses durat, hæc annalis est.

NEC IN LOCATIONE) Quod inde esse dicunt, quod Ædilium nulla in negotiis locationis conductionis fuisset jurisdictio. Sed spuria est hæc ratio, cum alii jam viderint, in urbe Ædiles

cum Prætoribus in cognoscendis istiusmodi negotiis concurrentem habuisse jurisdictionem. Quare magis ideo Ædilitium Edictum in locationibus conductionibus exulat, quia contrahentibus per actionem locati conducti jam satis erat prospectum.

### Aphor. V.

VITIO MORBOVE AFFECTA SIT) Præterea tamen requiritur, ut vitium jam adsit tempore contractus *L. III. de ædilit. Edict.* Si tamen in rebus animatis vitium se exerat intra triduum post initum contractum, emtor præsumptione tutus est, quod jam tempore contractus extiterit. Quare venditor, rem fuisse sanam, probare debet. Sin post triduum sese exerat vitium, venditor præsumptionem pro se habet, rem sanam fuisse. Ergo emtor probet, vitium adfuisse tempore contractus *BRUNNEMANN. ad L. I. D. de ædilit. Edict.* In ovibus tamen, quæ putredine laborant, ex opilionum suffragio XIV. vel XV. septimanæ requiruntur, antequam certo de vitio constare possit. Et sic emtor, si intra hoc tempus oves putredine moriantur, præsumptione munitus est, morbum tempore contractus adfuisse *STRUVIUS Diff. de jur. ovium Sect. II. cap. II. §. I.*

### Aphor. XII.

IN PLVRIMIS CONTRACTIBVS) Regula est: In omnibus contractibus permutatoriis onerosis evictionem præstandam esse ab eo, qui proprio nomine & jure rem tradidit, etiamsi promissa  
non

non sit. In causis vero mere lucrativis cessat evictionis præstatio, nisi vel sit promissa *L. XVII. de obligat. & action.* vel tradens in dolo sit. *L. II. C. de Evict.* Sic diversa ratione in donatione & dotis datione evictio præstanda & non præstanda est. Præstatur in dote æstimato data. Præstatur etiam in, donatione remuneratoria. Cæterum nil interest, si res tota sive pro parte evincatur *L. I. L. XXXVI. L. LVI. §. II. de Eviction.* si tamen ex universitate juris acquisita singulæ res evincantur, cessat evictionis præstatio *L. V. D. L. I. C. de Evict. L. XXXV. §. VI. de contrahend. emt. vendit.*

#### Aphor. XIV.

PRETIUM RESTITUT, VNA CUM SUM-  
TIBVS ) Idque tum fit, quando ex ipsa natura negotii evictio præstanda est, siquidem tum venditor de omni damno tenetur. Quod si vero evictionis præstatio per pactum negotiis, quæ per se eam non producant, superaddita sit, id solum præstandum est, quod ob evictionem abest, nec plus nec minus. Sic etiam, quod pretium attinet, ibi respicimus tempus evictionis, hic tempus promissionis. Cæterum, quod sumtus attinet, qui simul restituendi sunt, casus præsupponendus est, quod res re ipsa evincatur. Alias enim, si actor causam perdat, & emtor victor ex lite redeat, sumtus huic non restituuntur, quia venditor calumniam actoris vel ideo præstare non debet, quod non poterit impedire, ne emtor processu temerario vexaretur.



## Aphor. XV.

**REQUITUR**) Requiritur, ut clarius rem omnem exprimamus, rem ex causa, quæ contractum antecedit, prævia sufficienti cognitione & ordine juris servato, per sententiam judicis definitivam esse evictam, eumque, a quo rem accepimus, admonitum legaliter de imminente evictione vel noluisse vel non potuisse evictionem avertere. Inde deducimus evictionis præstationem cessare, si res evincatur I) ex capite retractus legalis II) de facto & per casum fortuitum, nisi venditor promiserit, daß er die Sache wider Recht und Unrecht gewähren wolle, vid. *L. XI. pr. de evict.* **STRYCK.** *Diff. de principe evincente*, III) culpa ipsius possessoris, qui vel fatalia negligit, vel incompetentem judicem agnoscit, vel compromittit, vel transigit, vel de evictione imminente auctorem certiores non reddit.

**AUCTORI SVO DENUNCIET**) Fit hæc denunciatio eo fine, ut ille, a quo rem accepimus, veniat & nobis assistat *L. XXI. L. XXIII. C. de eviction.* Neutiquam vero finem hunc obtinebit denunciatus, nisi primo tempestive denunciaret, eoque tempore, ubi occasio adhuc adest, se defendendi, *L. XXIX. §. fin. D. Eod.* quod optime fit ante Litis Contestationem; & deinde denunciatum simul instruat de statu causæ. Quod produxit necessitatem ea communicandi denunciato, quæ hucusque ventilata sunt. Cæterum & denunciatio ab emptore facienda, & defensio a venditore suppeditanda voluntatis est, & ad jura partium



tium pertinet. Quare neque venditor assistit, nisi admonitus, etiamsi sciat, litem emtori motam esse, neque emtor post admonitionem præcise defensionem exigit. Uterque tamen in iis, quæ in favorem sui introducta sunt, negligens, sibi damnum infert. Emtor enim non denunciatis regressum contra venditorem amittit *L. VIII. C. Eod.* & venditor non assistens de evictionis præstatione, si culpam non admisit emtor, conventus, simpliciter respondet. Plane si veniat venditor, & obligationem assistendi & evictionem præstandi in dubium vocat, emtor actione ordinaria contra eum in foro competente experiri debet. *LEYSER. Spec. CCXXXVIII. med. VII.*

### Aphor. XVII.

**NE QVIS AD EVICTIONEM TENEATUR)**  
Id quod fit vel expresse, vel tacite. Hoc contingit, si quis sciens, ut Auctor monet, rem alienam comparat. Hoc ipso enim eatenus juri suo evictionis præstationem exigendi renunciassè videtur, ut ne pretium quidem citra pactum de ejus restitutione adjectum reposcere possit. *L. XXVII. C. de eviction..* Pertinet huc etiam casus, quando quis rem litigiosam sciens emit. Nam & tunc pacto opus est, ut evictio præstetur. *d. L. XXVII. C. de evict. L. VII. C. Commun. utriusque judic.*

### Aphor. XVIII.

**VT SIT NOMEN)** De cessione ipsa ejusque indole infra videbimus. Hic solummodo notamus, esse emtionem nominis revera emtionem spei.

In hac sufficit spes proxima, non vero præcise requiritur, ne spes fallat. Hinc etiam sufficit, nomen adesse & obligationem veram eine wahre hafte Schuld, etiamsi cedens efficere nequeat, ut nomen bonum sit eine tüchtige und exigible Schuld, ipsaque solutio actu fiat. Imo, etiamsi quis expresse de bonitate nominis præstanda stipulatus sit, obligatur tamen solum de præsentī, non de futuro, hoc est, sufficit, debitorem solvendo fuisse eo tempore, quo actio nata erat, utut postea solvendo esse desinat. Interim, si debitor solvendo non reperiatur, contra cedentem præsumitur, quod debitum inidoneum cesserit, BRUNNEMANN. *de cession. action. cap. V. n. 51. & Decis. LXXI. n. 3.*

### Aphor. XIX.

(VSVRAE PRAESTANDAE VENIUNT) Quæ in se spectatæ, quicquid dissentit Jus Canonicum, nihil iniquitatis habent. Justitia enim usurarum promissarum in eo consistit, quod nemo obligatus sit, ut alteri usum quantitatis creditæ gratis concedat. vid. *L. XIII. §. XX. D. de act. emt. vend.* & NOODT. *de fœnore & usur. Lib. II. cap. X. sqq.* Usurarum vero exactio, quæ ex mora debentur, citra promissionem, facile inde defenditur, quod rationis sit, ne alterius mora alteri noceat. Recte itaque tolerantur & compensatoriæ & punitoriæ usuræ. Lucratoriæ vero, sive mordaces, quæ compensationem legitimam usus concessi transcendunt, recte damnantur THOMASIVS *ad Strauch. Diff. XVIII. ib. XIII.*

Aph.

Aphor. XX.

PROPTER MORAM VSVRAE DEBEANTUR)  
Inter utramque tamen speciem hoc intercedit discrimen, quod compensatoriæ sive promissæ & cum ipsa sorte & separata actione peti possint, etiam sorte soluta; Punitoriæ vero & ob moram a iudicis magis officio dependeant, & non solum a iudice in sententiâ omissæ non debeantur, sed etiam sorte absque protestatione accepta remissæ censeantur. *L. XLIX. §. I. de action. emt. vend.* MEVIVS *P. I. Dec. CCXIX.* Sunt autem usuræ duplices ex mora. Moram enim inducit vel homo, & quidem aut diem solutioni certum præstituen- do, aut debitorem, cui dies præfixus non est, in- terpellando *L. XXXII. D. de usur. L. XIX. C. Mandat.* vel lēx immediate, cujus rei varia ad- sunt exempla in *L. XXIII. §. I. de usur. L. XIII. §. XX. de action. emti L. III. C. in quib. caus. restit.* Ut sic non errent, qui triplicem usura- rum fontem adstruunt, pactum, moram & legem. Et ex hoc posteriori fonte etiam ille obligatus est ad usuras, qui deliquit, & damnum alteri non restituit *L. VIII. §. I. L. XX. de Condict. indeb.* add. LEYSER. *Spec. CCXLIV. med. IV.* Quod autem ait SCHILTERVS *Exerc. XXXV. tb. XI.* hodie etiam ex sola æquitate usuras deberi, & hinc mutuum nunquam gratuitum præsumi, id cum Legibus Imperii pugnat vid. RECESS. *de anno 1600. §. CXXXIX. & de anno 1654. §. CXLVII.* BERGER. *Oec. Jur. p. 759. n. 5.* STRYCK, *Cancell. Contract. Sect. II. cap. I. §. XXV.*

## Aphor. XXI.

**UT SOLVM QVINCUNCES**) De Jure Romano antiquo vid. **NOODT. de foen. & usur. Lib. II. cap. I. seqq.** de Jure Romano novo **L. XXVI. C. de usur.** Sigillatim administratores, qui pecuniam eorum, quorum res administrabant, in suos convertunt usus, centesimas, id est 12. pro 100. exsolvunt. **L. I. C. de usur. pupillar. L. X. §. III. D. Mand. L. VIII. C. si cert. petat. L. VII. C. de administ. & peric. tutor.** In Imperio nostro præter hos casus, quando administratorum perfidia coercetur, quincunces solum permittæ sunt & videntur majores eo ipso prohibita, vid. **RECESS. IMPER. de anno. 1654. §. CXLVII.** Nec, existimamus, rem privati arbitrii esse, ut quincuncibus majores sibi invicem promittant, nisi lege provinciali vel consuetudine rebus judicatis firmata tale pactum toleretur. Sic in Saxonia Electorali in cambiis, & mutuo Principi dato, semisses usuræ permittuntur. vid. **Introd. ad Jus Saxon. P. III. Sect. II. Exerc. VI. §. XI.** Utut vero permittat Princeps usuras solitis majores, facile tamen patet, eas non ipso jure deberi, sed pacto nihilo secius efficere debent partes, ut exigere easdem possint **WERNHER P. II. Obs. CCXVII. P. VI. Obs. CCCCXXVIII.** Ita quoque **JCtos** Jenenses nuper judicasse memini. Plane, si extra casus toleratos quis usuras semisses accipit, in poenam quidem usurariae pravitatis non incurrit, **BERGER. P. II. Suppl. ad Elect. Disc. Forens.** pati tamen debet, ut, quod legitimam quantitatem excedit, sorti imputetur, quod,



quod, quomodo fiat, docet LEYSER. *Spec. CCXLVI. med. X.* In reliquis casibus, qui usurariam pravitatem committit, aliter atque aliter de Jure Romano vi *L. XX. C. ex quib. caus. infam. irrog.* de Jure Canonico vi *c. III. X. de usur. c. II. de usur. in 6to c. I. X. de sepult.* de Jure Imperii per RECESS. IMPER. *de ann. 1548. & 1577. tit. von Wucherlichen Contracten,* de Jure Saxonico punitur. *Conf. Introd. ad Jus Sax. d. l. §. XIII.* Ut vero poena locum habeat, pactum non sufficit, sed in actum deducta esse debet usuraria pravitas. Id enim exigit *cit. L. XX. C. ex quib. caus. infam. & RECESS. IMPER. de anno 1577. d. tit. XVII. §. VIII. add. MEVIVM P. VIII. Decis. CLXXXV. BERGER. Resol. Lauterbach. p. 500.*

Aphor. XXII.

ANATOCISMVS VOCARI SOLET) Isque est vel separatus vel conjunctus. Hoc fit, quando usurae sorti principali immiscentur. Illud, quando super usuris speciale chirographum sibi exhiberi curat creditor. Uterque prohibitus est, separatus vero toleratur eo in casu, si debitori nullum incommodum affertur v. c. si debitor dives, qui usurasolvere posset, ob proprium tamen commodum usuras tanquam sortem retinet MEVIVS P. IV. *Decis. CCXIII.* Ubique tamen anatocismus praesupponit eundem debitorem & creditorem, qui posterior adhuc adest, etiamsi cessio interveniat, cum cessionarius fiat procurator cedentis. Quotiescunque vero - I) debitori per novationem, sublata priori obligatione, novus debitor substituitur II) Tertius creditori satisfacit, & debitorem priorem

rem



rem sibi ob utilitatis ejus promotionem obligat, III) administratores pecuniæ alienæ usuras exactas non elocant, usuræ ubique naturam sortis inducunt, & usuras usurarum admittunt, vid. *L. XXXVII. D. de usur.*

IN ANNVIS REDITIBVS) Quo de asserto tamen merito dubitabis. Sunt enim annui reditus, ceu mox videbimus, veræ usuræ, & ideo leges, quæ de anatocismo & cursu usurarum ad alterum tantum disponunt, ad hos etiam reditus pertinent. vid. *LEYSER Spec. CCLII. med. II. seqq.* idque citra distinctionem, siue sint redimibiles, siue irredibimiles *WERNHER. P. III. Obs. LXXII.*

### Aphor. XXIII.

FVERINT SOLVTAE) Si ab iis, quæ de cursu usurarum ultra alterum tantum in Saxonia Electorali, in duobus casibus ab Auctore allegatis, ut & ab iis discefferis, quæ in favorem civitatum in *Nov. CLX.* constituta sunt, ut usuræ particulariter solutæ in sortem non imputentur, leges Romanæ indistincte ejusmodi cursum prohibent, siue particulariter solutæ, siue residuæ alterum tantum excedant, ita quidem, ut ne interesse quidem ulterius debeat per claram *L. un. C. de sentent. quæ pro eo, quod interest.* Nec certe magis privilegiati esse possunt reditus annui, cum usurarum rationem eos habere res dudum evicta sit. Quodque præterea Doctores statuunt, exceptas esse usuras de pecunia pupillari solvendas, usuras ex mora post interpellationem vel homi-

nis,

nis, vel judicis, vel legis, id absque lege defendunt.

### Aphor. XXIV.

RESPONDEANT QVINQUE) Et recte omnino, quacunque demum ratione constituentur. Nam supra jam ad *Lib. II. Tit. XII. §. XVI.* evicimus, censum constitutivum in fraudem legis prohibitivæ Juris Pontificii, ne usuras quis sibi de sorte stipularetur, esse inventum, & palliatum continere mutuum, unde merito hujus jure censebitur, nec præter legem peculiare ejus privilegium est fingendum. Et ne jus quidem prioritatis in concursu creditorum absque legis dispositione facile tuentur. Hoc singulare est, quod debitum hoc singulis annis cedat, nec una præscriptione tollatur *L. VII. §. ult. C. de præscript. XXX. vel XL. annor.* quod tamen, existimarem, de casu solum intelligendum esse, si non in perpetuum sunt constituti, cum alias & annuæ præstationes perpetuæ uni præscriptioni subsint BÖHMER. *Jur. Eccles. Protest. ad tit. de præscript. §. II. seqq.*

### Tit. XXI.

Quibus modis tollatur obligatio ex contractu.

### Aphor. III.

SOLVITIO STRICTE DICTA) Imo potius solutio in genere spectata quamcunque liberationem & satisfactionem denotat. *L. LIV. D. de solution.* Specialius autem de actuali præstatione

tionem ejus quod debemus accipitur, siue res, siue factum, siue quantitas, in obligationem deducta sit *L. LII. Eod.* Strictissime peragitur, pecunia numerata interveniente *L. XLIX. D. Eod.*

### Aphor. IV.

IPSE SOLVAT, QUI DEBET) Modo tamen liberam rerum suarum habeat administrationem, atque, quod solutum est, facere possit accipientis *L. XIV. §. VIII. de solution.* Est enim solutio titulus ad transferendum dominium habilis *L. XVII. L. XX. L. XCIV. Eod.* Hinc etiam minus recte solvitur res aliena, quamvis conditionem usucapiendi transferre possit solvens *L. LXXVIII. Eod.* Cæterum, si, qui libere non administrat, alias revera debet & solvit, & solutum tamen repetit, facile exceptione doli submovetur *L. XIV. §. VIII. Eod.* Pari ratione creditor, qui bona fide accipit, quod solvitur, vindicationem timere non debet, quando vel nummos consumsit, vel iidem apud eundem perierint.

### Aphor. VI.

VEL ALIIS HUIUSMODI CAUSIS) Generatim nota, minus recte tutori solvi sortem, bene tamen usuras, & redditus, cum horum intuitu legale jam habeat mandatum ad accipiendum & liberandum. Quod autem, qui sortem tutori solvit, non statim fiat securus, id inde est, quia tutoris auctoritas personam quidem pupilli integram reddit, non vero tutoris actiones legitimat.

Aph.

**Aphor. VII.**

**DIVERSAE SUMMAE DEBEANTUR**) Id est, si debitor debitas summas uno eodemque tempore haut acceperit, & super omnibus debitis novatio non accesserit. Alias enim particulariter non solvit. Hoc singulare est, quod debitum cum mercatore contractum, eine Buch-Schuld, utut non uno tempore acceptum, integrum tamen solvendum sit.

**VEL LEX**) Quæ & succurrit debitoribus, qui ob calamitatem publicam ad incytas redacti sunt vi **RECESS. IMPER. de anno 1654. §. CLXXII.**

**NECESSITATE IPSIUS REI**) Quæ adesse censetur I) Si id, quod promissum est certo tempore, ob moram debitoris creditori nunc usum amplius non præstet. Tum agit ad interesse II) Si res promissa non amplius extet, vel factum promissum ob impedimentum in persona debitoris contingens impleri nequeat. Tum iterum in subsidium rei æstimatio præstanda, vel factum per id, quod interest, compensandum est. III) Si quis pecuniam debet, nec tamen ob pecuniæ inopiam ex calamitate publica ortam satisfacere potest. Tum enim, si prædia possidet, quæ justo pretio vendere nequit, debitori permittitur datio in solutum, eo effectū, ut creditor prævia æstimatione speciem pro pecunia accipere debeat *d. REC. IMPER. de anno 1654. d. l.*

**Aphor. IX.**

**NON DICIMVS ID**) His in casibus videtur primo solutum in id, quod solvere ante omnia sole-



solemus, nempe in usuras. Postea in sortem, & quidem principaliter in eam, quam ex graviore causa debemus. Sin nulla causa prægraveret, in antiquiorem causam solutio facta intelligitur. Si denique nulla antiquior, in omne, quod debemus, pro rata. *L. I. L. V. §. II. L. XVIII. L. CIII. D. de solution.*

### Aphor. X.

IN DEBITIS ANTIQVIS) Non tamen ex solo temporis, etiam antiquissimi, lapsu, si semel creditor debitum existere probaverit, nisi præscriptio accesserit. Præsumitur vero v. c. ex cancellatione chirographi *L. XXIV. de probat.* si chirographum penes debitorem existat *L. XIV. seqq. C. de solut.*

### Aphor. XII.

HODIE QVIBVSCVNQVE VERBIS) Quod olim eo minori efficacia fiebat, quo certius est, nullum pactum nudum obligationem produxisse. Immo ne per acceptilationem quidem aliæ obligationes, quam verbales, tolli poterant, sed opus erat stipulatione Aquiliana, vi cuius aliæ obligationes prius in stipulationem deducerentur, quo stipulatione contraria tolli possent. Sed hodie omne pactum legitime initum, & sic etiam liberatorium, plenam producit obligationem, eo quidem effectu, ut, ubi de voluntate liberandi debitorem constat, ejus ne quidem acceptatio præcise requiratur, cum leges consensum & acceptationem magis præsumant, quam exigant, quod in pactis obli-

liga-



ligatoriis omnino secus, siquidem jura proniora semper sunt ad liberandum, quam ad obligandum.

**Aphor. XIII.**

**VEL MODVS OBLIGANDI MVTATVR)** Generatim novatio, qualiscunque sit, priorem obligationem perimit, utut non omnis novatio nexum inter creditorem & debitorem tollat. Nam &, si quod ex emto debebam, nunc ex stipulatione, quod sub conditione, nunc pure, quod ex antiquo chirographo, vel contractu pignoratitio, nunc ex novo debere incipio, prior qualitas cessat. Ut sic cautus debeat esse creditor, ne, si novam obligationem perficit, prioris privilegium amittat.

**AVT CREDITORIS PERSONA MVTATVR)** Ea quidem intentione, eoque effectu, ut nexus inter priorem debitorem & creditorem plane tollatur, novaque plane inter novum creditorem & debitorem introducatur. Nam sola interventio novæ personæ non statim tollit pristinam obligationem. Sic cessio nominis, quando creditor alium sibi substituit, qui suo nomine exigat debitum, non est novatio, sed cessionarius potius ex persona cedentis, salva obligatione, agit, quæ inter hunc & debitorem cessum jam aderat. Sic etiam assignatio, quando debitor suum debitorem sibi substituit, ut priori creditori satisfaciat, non est novatio, sed manet iterum obligatio inter creditorem & assignantem salva, nec ille contra hunc actionem amittit, si assignatarius non solvit. Igitur in ge-

nere notandum, novationem non præsumi, sed id nominatenus agere debent creditor & debitor prior, ut pristinam obligationem tollant, illeque, qui noviter accedit, omnem obligationem in se transferat §. III. *J. quib. mod. tollit. oblig. L. ult. C. de novat.* Quamvis non requiratur præcise, ut verba adhibeamus formalia, daß die vorige Obligation cassiret und aufgehoben seyn solle, sed sufficiat, ejusmodi facta adesse, quæ directo ad animum novandi inferendum spectant. Non enim præcise verba desiderat *cit. L. ult.* Sed ad voluntatem novandi respici jubet, quæ certe & verbis & factis exprimi potest *L. IV. pr. de pact.* SCHILTER. *Exercit. IX. §. XXIII. Ex. XXXVII. §. CXCI.* add. LEYSER. *Spec. DXXVI. med. VI. & Spec. DXXVII. med. IV.*

#### Aphor. XIV.

CESSIO NOMINIS ) Qui actus quidem ex parte cedentis re ipsa alienationem involvit, & cum effectu jus cedentis in cessionarium transfert, ut eo nomine, quæ de alienatione sunt statuta, ad nominis cessionem recte applicentur. Confer. STRYCKII *Diff. de jure non cessibili.* Respectu vero debitoris cessi priorem obligationem non mutat, sed hujus jura per omnia manent illæsa, nec quicquam illi ratione exceptionum actus inter cedentem & cessionarium præjudicat. Fit enim cessionarius procurator in rem suam, id est, quatenus nomen exigit, mandatarius cedentis est. Quia vero nomen ipsi simul cessum est, cedenti, quod exegit, non restituit, sed in suos usus convertit. THOMASIVS  
*Diff.*

*Diff. de exig. usu L. Anastas. §. VII. GUNDLINGIAN. P. VI. membr. II.* Quapropter non opus est, ut debitoris cessi consensus requiratur *L. III. C. de hered. vel action. vendit.* nec quicquam obstat, ne debitor etiam post cessionem cedenti cum effectu liberationis solvat, cum primis, quando facta cessio ipsi nondum denunciata est *d. L. III. C. Eod.* Post denunciationem vero factam cedenti solvere nequit. Nec tamen ad solutionem cessionario faciendam recte compellitur, quamdiu cessionarius non probavit, sibi cessionem factam esse. Conf. *LVDOVICI Diff. de legitim. ad caus.*

Aphor. XVI.

CONTRIBUTIO ) Requirit igitur compensatio I) mutuos debitores, quo nomine tertii debitum compensari nequit, & ne tutori quidem, nomine pupilli aliquid petenti, proprium debitum opponi *L. XXIII. D. de compensat.* Debitor tamen ex persona tertii, a quo causam habet, si alter debitor huic debeat, compensat, v. c. cessionarius ex persona cedentis, fidejussor ex persona debitoris principalis. II) Debita mutua, ut sic nihil intersit, siue ex contractu siue ex delicto proficiantur *L. V. & VIII. C. de compens. L. X. §. II. D. Eod. L. XXXVI. de dol. mal.* Perinde etiam est, siue ex contractu bonæ fidei, siue ex negotio stricti juris proveniant, quod late docui in *Comment. ad Constit. omiss. tit. 7. de action. §. XXXIX.* III) Debita ejusdem generis. Nam quantitas cum quantitate, species certæ æstimationis, cum specie, quæ pretium affectionis non reci-

B b b 2

pit

pit, compensatur *MEVIVS P. II. Decis. CXXXI. IV)* Debita ejusdem qualitatis. Liquidum enim cum illiquido, debitum conditionale vel in diem cum puro compensari nequit *L. VII. pr. D. L. fin. §. I. C. de compensat.* Caterum sufficit, verum debitum adesse, utut naturalem solum habeat obligationem *L. VI. D. Eod.*

### Aphor. XIX.

*IN CAUSIS TRIBUTORVM*) Alias si fiscus ex contractu agit, vel etiam ex delicto, quod interesse pecuniarium admittit, compensatio recte opponitur *L. XLVI. D. de jur. fisc. L. III. C. de compens.* Præsupponitur tamen casus, ut eadem statio debeat. Unde si Camera petit id, quod Accisa debet, non compensatur *WERNHER. P. IV. Obs. CIV.*

### Aphor. XX.

*IPSO JURE FIERI*) Id est, opposita exceptio compensationis non demum efficaciam habet, quando opponitur, sed effectus ejus retrotrahitur ad tempus, quo mutuum debitum aderat *§. XXX. J. de action. L. IV. C. de compensat.* Ab illo ipso enim momento vim habet solutionis, ut non usuræ solum desinant *L. VI. C. de solut.* sed & reliqui omnes effectus solutionis adsint. Quo sensu compensare idem esse dicitur ac solvere. Nec impedit ideo pactum, licet juratum, vi cuius quis solutionem promisit, ne debitor compenset, eum re ipsa solvat, modo tamen tum se non obligaverit ad solutionem præcisè faciendam, ubi jam  
com-



compensare poterat. In posteriori enim hoc casu compensationi renunciasse videtur, vid. MAESTERTIUM *de compensat. quest. XII.*

Aphor. XXI.

RETENTIO) Et errant utique, qui retentionem compensationem nominant temporalem. Jus enim retentionis est jus creditoris, rem debitoris permissu legis tamdiu possidendi, quamdiu debitum non exsolvit. Non itaque transfert dominium, nec obligationem tollit, sed jus pignoris tribuit BEYER. *Posit. ad D. tit. de compensat. §. XXXVII.* Interim patet, nemini jus esse retinendi, nisi cui leges id permittunt. Et eatenus etiam nil interest, siue causa retentionis ipsi rei, quæ detinetur, inhæreat, siue aliunde dependeat LUDOVICI *Diff. de jure retent. ex divers. etiam caus. compet.*

Aphor. XXIV.

OPE EXCEPTIONIS) Hoc in sensu exceptio dicitur defensio, quam a creditore conventus cum in finem objicit, ut intentionem creditoris excludat. Non itaque, quod alii putant, exceptio sola negatione absolvitur, sed assertionem contrariam continet, quo nomine a Litis Contestatione negativa satis distinguitur. Erant autem olim exceptiones vel juris vel facti. Quæ differentia a diversitate juris Civilis & Prætorii desumta est. Juris enim exceptio dicitur, quando reus se in æquitate Prætorii juris fundat, ut actionem subtili jure competentem excludat. Facti exceptio nomina-

Bbb 3

tur,



tur, quando reus se contra actorem, quem strictum quoque jus destituit, defendit. Parum vero in effectum inter utramque interesse, & res ipsa docet, & PAVLVS jam in *L. CXII. D. de Reg. Jur.* aperte loquitur.

### Tit. XXII.

### De in integrum restitutione.

#### Aphor. I.

**R**ESTITUTIONEM IN INTEGRUM ) Omne argumentum de restitutione in integrum, contra obligationem, quam quis ex conventionem in se susceperat, est ex jure Prætorio, & sub prætextu æquitatis eum in finem inventa, ut, qui ex obligatione jure Civili stricto subsistente læsi essent, remedium haberent, sese ab obligatione liberandi. Quamvis enim alias jus quoque strictum restitutionem in integrum non ignoret, quæ ideo civilis nominatur, & prætorix contradistinguitur, illa tamen ipsa non eum in finem, ut obligatio ex contractu cessaret, sed ideo introducta est, ut vel, qui poenam subiisset, priorem recuperaret statum *L. XXVII. D. de poen. tot. tit. D. de sentent. pass. & restit.* vel ex jurejurando legali aut sententia judicis in causa civili condemnatus pristinum jus consequeretur *L. XXXI. D. de jurejur. L. XXXIII. D. de re judic.* Quæ vero postea a Legislatoribus superadditæ sunt restitutiones, v. c. restitutio Reipublicæ in *L. III. C. de jur. Reip.* restitutio contra læsionem ultra dimidium in contractibus permutatoriis in *L. II. C. de rescind. ven-*

*vendit.* ad exemplum Prætoriarum invaluerunt. Interim tamen inter civiles & Prætorias ratione durationis magnum intercedit discrimen, dum illæ perpetuæ sint, & per XXX. annos durent, hæ breviori spatio finiantur. In genere vero Prætoriæ subsidium solum usum habent, si ipsum jus strictum remedia contractum rescindendi nescit. Ut ut sibi optime consulant, qui in casu, ubi remedium civile & Prætorium concurrunt, vel hoc præ illo eligunt, vel utrumque cumulant. Eligunt autem recte Prætorium, si pinguius est, & plus promittit. Sic minori ex emptione venditione læso plus omnino spondet remedium restitutionis in integrum, ex capite ætatis a Prætore concessum, & ob quamvis læsionem competens, quam querela de læsione ultra dimidium ex jure Codicis. De novo iterum minori in alienatione bonorum læso plus promittit restitutio in integrum, contra tertium, quocum contraxit, immediate & eo fine urgenda, ut rem iterum consequatur, quam actio contra tutorem. Cumulant deinde recte civile & Prætorium remedium, si incerti sint, quale competat. Conf. STRYCK. *de action. investig.* BÖHMER. *de action. Sect. III.*

OB LÆSIONEM FACTAM ) ex ipso negotio, contra quod restitutionem urgemus, profluentem *L. VII. §. I. D. de restit. in integr.* cum casus aut culpa superveniens restitutioni non faciat locum. Sic certe per se patet, læsionem prius probandam, quam restitutionem concedendam esse *L. XXXIX. de adopt.* quod absque causæ cogni-

tione fieri nequit *L. III. D. de restit. in integr.* Judex igitur de restitutione imploratus eam vix concedit, si appareat, læsionem non adesse. Imo si adsit, modica tamen sit, quia hic agitur de rescindendo contracto, ne eam quidem attendit *L. IV. D. Eod.* E contrario autem tum minus recte denegabit, si negotium gestum ita comparatum esse deprehendit, ut per se læsionem contineat *L. VII. §. III. de minor. STRVV. Ex. VIII. tb. XLVIII. MEY. P. VII. Decis. CCLXXXVII.*

### Aphor. II.

**RATIONE PERSONAE VEL REI**) Et hactenus nil interest, etiamsi læsio ab eo ipso, a quo restitutio petitur, proveniat *L. XVI. §. fin. L. XLII. de minor.* Consultum verò est, ut de restitutione, quæ actioni personali cohæret, judicem domicilii, de ea vero, quæ ex actione reali, vel in rem scripta provenit, judicem rei sitæ imploremus, cum facilius sit executio. Judex vero contractus de restitutione cognoscere nequit *L. II. C. ubi & apud quem ibique BRUNNEMANN*, quia forum contractus solum locum habet, quando de implendo contractu agimus, hic autem de rescindendo negotio sermo est.

### Aphor. III.

Ut constet, quare Prætor ex his maxime causis, quarum Auctor meminit, restitutionem in integrum concesserit, hoc moneamus necesse est, Romanos in conventionibus civilibus & stricti juris servasse regulam: Coactam voluntatem esse quoque

que voluntatem *L. XXI. §. V. D. quod met. caus.* cum e contrario in negotiis juris Gentium metus omnem actum vitaret, *GUNDLING. Diff. de efficient. met. cap. III.* Eodem modo, licet jus Naturæ ob dolum negotium redderet nullum, Romani tamen denuo in negotiis stricti juris non admittebant *L. XXXIV. de verbor. obligat.* Imo ne bonæ fidei quidem negotia nulla ob dolum declarabant, nisi quis fraudibus ad contrahendum esset inductus *L. VII. pr. D. de dol. mal. add. NOODT. de formul. emend. dol. mal.* Utrumque principium ex Stoica Philosophia hauserant, quæ in sapientem metum cadere posse negabat, *LIPSIVS in manud. ad Philos. Stoic. Lib. III. Diff. VI. & VII.* quæque stultum magis, quam sapientem, opinari tradebat, *Conf. BYDDER Diff. de error. Stoic. in Philos. Moral.* Sed utrumque etiam principiis Juris Naturalis, quæ in conventionibus & verum & liberum consensum requirunt, repugnabat. Quod Prætorem movebat, ut, cum tollere non posset legum dispositionem, obligationem tamen metu extortam & dolosas circumventiones per restitutionem in integrum invalidaret. Porro & Jure Civili stricto minorum conventiones absque curatore celebratæ subsistebant. Et licet postea læsionis evitandæ causa curatores acciperent, non tamen semper curatoris præsentia læsionem impediēbat. Quo nomine denuo minoribus læsis Prætor ex capite ætatis succurrere voluit *HEINECC. Antiquit. Lib. I. Tit. XXIII.* Deinde civili jure per emancipationem



& adoptionem filiusfamilias in servilem plane causam deducebatur *L. ult. C. de emancip. L. ult. C. de adoption. L. XCVIII. §. VIII. de solut.* & ideo jura privata & actiones stricti juris amittebat *L. II. L. V. §. II. L. VI. seqq. de capit. min.* Hæc igitur jura restituit Prætor. Denique Jure Civili strictè dicto & præsens contra absentem, & absens contra præsentem usucapionem rerum inchoare & perficere poterat, quo ipso absentes sæpissime lædebantur *L. XLIV. ex quib. caus. major.* cum tamen negligentia ipsis imputari non posset. Ob hanc itaque causam Prætor denuo restituit contra usucapionem *L. XXI. Eod.* Tandem in genere illis, qui absque culpa sua læsi erant, ex generali clausula in *L. I. §. fin. Eod.* eo effectum succurrit, ne damnum sentiant.

#### Aphor. IV.

JUSTVS METVS) Quis sit justus metus, una vix confici potest regula, quia non una eademque omnibus hominibus est constantia, atque ideo sexus, ætatis, valetudinis, habenda fit ratio *L. V. seqq. D. quod met. caus.* Idque agnoscit etiam *VLPIANVS* in *L. III. quib. ex caus. major.* dum justum metum ex affectu metuentis intelligendum esse ait. Hoc tamen semper necesse est, ut metus oriatur ex præsentis & instanti periculo a tertio repræsentato, qui non quidem jus, voluntatem tamen & facultatem timorem inferendi & nocendi, habet. Præsens autem periculum non præcise illud est, quod jamjam & in continenti instat, sed quod etiam futurum & inevitabile est, mini-

minimum tale esse ex verosimilibus causis credi potest *L. I. quod met. caus. L. XXVII. §. I. Locat.* Inde recte infero I) metum justum non esse, ubi quis solum suspicatur malum futurum *L. IX. pr. D. L. IX. C. quod met. caus.* Nam illi, qui sibi ipsi metum infert, restitutionem denegat *L. XXI. pr. Eod.* II) metum justum non esse metum infamiae, & ejus periculi, quod privatus cum effectu minari nequit *L. VII. pr. D. Eod.* III) non esse metum justum, qui jure licito infertur *L. III. §. I. L. XXI. Eod. L. LXXXIV. de legat. I.* modo limites servet praescriptos, qui cogit *L. III. L. VII. Eod.* IV) Non esse metum justum, qui infertur ab eo, qui minas exequi nequit V) Esse tamen metum justum etiam absque minis, si aliunde de periculo imminente certo constet *LEYSER. spec. LVIII. med. III.* VI) esse metum justum, si minae mortem, verbera, vincula, carcerem loquantur *d. L. VII. §. I. D. L. VI. C. Eod. L. XIII. C. de transaction.*

### Aphor. V.

COMPULSUS EST ALIQUID GERERE) Ex quo per se patet, praerequirere actionem, ut damnum alicui illatum sit per vim compulsivam. Qui damnum non habet, nec laesum se dicere potest *L. XII. & XIII. D. quod met. caus.* Non tamen ideo negotium, cui metus accessit, etsi re ipsa alter damnum non incurrat, validum est, sed vel nullitate laborat, *L. XXI. §. III. Eod.* vel alia remedia parit. Deinde, quia vis compulsiva requiritur, locum non habet actio quod metus causa, ex

ex vi ablativa, quippe quæ parit actionem bonorum raptorum, ex vi expulsiva, quæ locum facit interdicto unde vi, ex vi turbativa, quæ producit interdictum uti possidetis, ex vi offensiva, ob quam datur actio injuriarum. Plane vis repulsiva omni jure licita est.

### Aphor. VI.

ADVERSUS OMNES) Hoc tamen inter actionem, quæ contra inferentem metum, & eam, quæ contra tertium bonæ fidei possessorem datur, interest, quod ille teneatur de casu & de fructibus percipiendis *L. XII. pr. D. quod met. caus.* hic vero non respondeat de re extincta *L. XIV. §. V. D. Eod.* nec de fructibus, quos perceptos consumsit add. *L. XVIII. D. Eod.*

### Aphor. VIII.

DOLUS MALUS) Dolus in se quodvis pessimum consilium alteri nocendi, & sigillatim, quando conventionibus sese immiscet, calliditatem involvit & proæresin, alium lædendi & circumscribendi per simulationem & mendacium *L. VII. §. IX. de pact.* Non itaque dolus, sed solertia est, quando mendaciis utimur & simulationibus, non ut noceamus, sed ut nostra & aliena tueamur & emolumentum capiamus *L. I. §. II. seqq. de dol. mal.* Quamvis enim & hoc cum honestate pugnare videatur, quando alterum in errorem deducimus, leges tamen omnia ad vivum non resecant, sed multa licent, quæ tamen honesta non sunt *L. XLIV. pr. de Reg. Jur.* Atque hæc solertia do-

dolus bonus vocari consuevit, & omni jure pro licito habetur, modo ad veritatem dicendam specialis obligatio non adsit LEYSER, *Spec. LIX. med. V. seqq.*

### Aphor. IX.

EX HAC CAUSA DATUR ) In subsidium nempe, quando aliud remedium deficit, idque vel ideo, quia dolus infamat *L. I. §. IV. de dol. L. XV. §. III. Eod.* Quo nomine contra eos, quibus reverentiam debemus, & contra heredes non datur actio de dolo, nec datur ultra biennium, quamvis leges permittant, ut iis in casibus, ubi actio de dolo plane non potest applicari, verbis in factum temperatis actione in factum subsidiaria experiamur *L. XI. §. I. L. XXVIII. sequ. Eod.*

### Aphor. X.

CURATORVM AVCTORITATE) Quando enim soli minores vel pupilli contraxerunt, restitutione non opus, sed contractus ipso jure nullus est, & minor rem datam extantem recte vindicat, consumptam condicit, nondum datam exceptione nullitatis conservat, add. *L. III. C. de in integr. restit. L. II. seqq. C. si tut. vel cur. interv.*

INTERVNT ) Itaque, ut aliquid cum minore sit gestum, requiritur, unde damnum vel grave incommodum sustineat *L. I. §. I. de minor. L. XLIV. de recept. qui arbitr.* Delicta huc non pertinent *L. XXXVII. pr. de minor. L. I. C. si adv. delict.* Quod autem ad reliqua minorum negotia attinet, perinde est, quacunque ratione sint læsi. Sive enim



enim quid gesserint, unde læsio positiva oritur, sive quid gerere omiserint, quod læsionem privativam operatur, & utilitatem intercipit, sive oneri, quod suscipere non licuit, sese subjecerint, sive in judicio, sive extra judicium læsi sint, ubique restituuntur *L. VII. §. VI. L. XLIV. de minor.* Solæ fere actiones, quæ ad meram vindictam tendunt, amissæ, exceptæ sunt *L. XXXVII. pr. D. Eod.* Nam si præterea & rem persequuntur, adhuc restituuntur, quod exemplo querelæ inofficiosi testamenti probari potest *L. I. C. de integr. restitution.* Cæterum ubique præsupponendum est, posse rem in pristinum statum deduci. Sic minor non quidem contra matrimonium consummatum *STRVV. Exerc. VIII. tb. LVII.* bene tamen contra matrimonium consummandum restitui potest in integrum *BERGER. El. Proc. matr. §. XVIII. BÖHMER. Diss. de restit. in integr. contr. spons. par. minor. & in Jur. Eccles. ad tit. de sponsal. §. LXXIII. seq.*  
**Aphor. XI.**

**AETAS MINORENNIS**) Habetur vero pro minorenni, cui vel una hora ad ætatem legitimam deest, *L. III. §. III. de minor.* Cumque, ceu diximus, nil intersit, utrum judicialiter, an extrajudicialiter, confectum sit negotium vid. *L. XI. C. de prædiis & al. reb. minor.* dubium non est, quin recte restituatur minor contra negotium, quod majorennitati proximus, judiciali auctoritate interveniente, gessit, *LEYSER. Spec. LX. med. I.*

### **Aphor. XIII.**

**RATVM HABVERIT GESTVM**) Sive expres-

se, *L. I. & II. C. Si major. fact. rat. habuer. sive tacite.* Hoc fit, si vel adepta maiorenitate sciens quid gerit, quod necessariam probationem negotii antea gesti continet *L. III. §. I. & II. D. de minor.* vel tempus petendæ restitutioni destinatum præterlabi patitur *L. ult. C. de tempor. in integ. restit.*

## Aphor. XIV.

QVAM PROFITETVR) Quod tamen rationis magis est, quam ex legibus Romanis evincitur. Tanta enim vis *L. VI. C. de muner. patrim. L. I. C. de his, qui ven. etat. L. III. C. si minor. se major.* ad quas provocant, non inest, ut asserto patrocinium spondeat LAVTERBACH. *Diff. de jur. in curia mercat. usit. §. XLVI.* At tamen, qui artem profitetur, & imperitia sua damnum incurrit, restitutione indignus est, cum sua culpa damnum sentiat add. MEYIVM *ad Jus Lubec. P. III. tit. VI. art. XXI. n. 26.*

## Aphor. XV.

SED CONTRA TERTIVM) Quod negavit quidem BERGER *in Diff. de restit. in integr. ob rever. deneg. §. XXVIII.* sed mutavit sententiam in *Comment. pec. ad L. II. C. qui & advers. quos.* Et recte. Nam *d. L. II.* de casu solum loquitur, quo liberi contra ipsos parentes restitutionem urgent. Contra tertium vero eandem concedi, etiamsi jussus vel factum patris intervenerit, patet ex *L. III. §. V. d. de minor. L. II. C. si advers. donat.*

SECUNDO NVBENTEM) Generatim præsupponitur, restitutionem urgeri contra parentes, quales,  
tales,

tales, & veros. Neque enim ad novercam, neque ad patrem adoptivum, neque ad matrem nutricem, neque ad matrem binubam *LII. C. qui & adv. quos* pertinet add. *Nov. LV. cap. I.* Ut vero hac ratione nonnunquam cesser restitutio in integrum, non tamen cessat actio in factum, ut læsio reparetur add. *STRYCK. Us. Modern. D. tit. de minor.*

*MINOREM AEQUE LAESVM*) Quod tamen fallit, si, qui restitutionem urget, de damno vitando, & alter de lucro captando certet *L. XXXIV. D. de minor.* Idque usu fori tum semper fieri creditur, si quis contra fatalis lapsum restitutionem urgeat. Deinde regula, quod privilegiatus contra privilegiatum non utatur privilegio, intelligenda solum est, de privilegio ejusdem generis. Quod si enim minor cum privilegiato concurrat, cujus privilegium non est æqualis roboris, ille adhuc restituitur *L. XI. §. VII. L. XII. Eod.* Et sic, existimarem, semper jus minoris prævalere, si cum eo res sit, qui exemplo minoris restitutione utitur. *Aphor. XVI.*

*NON CONCEDITVR*) Regulam inde desumunt Practici, non dari restitutionis restitutionem. Sed hæc universalis non est, & tum demum vera, quando quis contra denegatam restitutionem, quæ vires rei judicatæ obtinuit, denuo restitutionem urget. Ita enim accipienda est *L. I. C. Si saepe in integr. restit.* & temperanda simul, ut restitutio restitutionis locum habeat, si nova causa emergat *L. II. C. Eod.* Adversus concessam vero restitutionem

tionem ex eadem causa nova datur restitutionis petitio *L. VII. §. IX. D. de minor.* Imo & super eadem re, v. c. super fatalis lapsu, sæpius restitutio peti & concedi potest, vid. WERNHER. *P. I. Obs. CCCXIX.* quousque sententiæ clausula comminatoria, bey Verlust des Beneficii restitutionis in integrum, nondum addita est IDEM *Supplem. Vol. VII. ad d. Observ. CARPZOV. P. I. Const. XVI. def. VIII.*

### Aphor. XVII.

EJVSVE HEREDI) Quorum intuitu distingue, utrum & ipsi minores sint, an majorennnes. His tempus, intra quod minor restitutionem petere potuisset, statim ab adita hereditate currit *L. V. C. de tempor. in integr. restit.* Illi ex sua potius, quam ex defuncti minoris persona restituuntur, & sic tempus restitutionis ipsis demum currit post adeptam majorennitatem *L. XIX. D. de minor.*

ETIAM SOCIO) Nunquam vero illi, qui obligationi minoris fidejubendo accessit, imo minor contra hunc ipsum restitui potest *L. XIII. pr. de minor.* Si tamen præter ætatem & alia restitutionis causa adest, quam fidejussor etiam urgere posset, v. c. dolus, huic restitutio omnino prodest *L. II. C. de fidejuss. minor.* Quod autem ad socios minorum attinet, qui majorennnes sunt, illis in causa individua impetratam restitutionem prodelle, leges clare loquuntur *L. IV. §. IV. Si servit. vind. L. XXIX. §. I. de minor. L. un. C. si in commun. ead. caus.* Quænam vero sit causa indivi-

Ccc

divi-



dividua, non convenit. Mihi ea tum adesse videtur, quando jus minoris & focii ita connexum est, ut jus minoris salvum esse nequeat, nisi major simul restituatur. Quare facile patet, in negotiis pecuniariis ejusmodi connexionem non adesse. Imo, ne quidem simpliciter adest, si fatale neglectum sit, quod alias defendit MARTINI in *Anal. forens. tit. XX.* sed, objectum litis hic maxime respiciendum esse, recte monet WERNHER. *P. I. Obs. CXII. & Suppl. Vol. VII. ad d. Obs.*

### Aphor. XVIII.

ETIAM IGNORANTI) Quia vero ille, qui nescit, experiundi potestatem non habet *L. VI. de calumniat.* & non valenti agere non currit præscriptio, merito dixeris, tempus a quo currere demum a die scientiæ. Atque ita declaranda est *alleg. L. fin. add. CARPZOV. Lib. II. Resp. XCVI. LEYSER. Spec. LX. med. V.*

### Aphor. XIX.

AUT UNIVERSITATI) Huic tamen, ut & fisco, aliisque Collegiis competere beneficium restitutionis in integrum, nulla lege probari potest. Sed non dubitarunt Doctores, quin dispositionem *L. III. C. de jur. Reip.* ad fiscum, tanquam ad patrimonium Reipublicæ, aliasque universitates per extensivam interpretationem applicarent.

LAESIONIS) Et quidem cognitæ, sic vero simpliciter a die scientiæ. Quam cum non facile acquirant universitates & collegia, quam post mortem rectoris male administrantis, currere ideo incipit

cipit præscriptio a tempore successoris, utprimum scivit, illicitam esse alienationem ZIEGLER. *ad Lancell. Lib. III. Tit. XVIII. §. III.*

### Aphor. XX.

NULLVS EST VSVS ) Nam neque emancipatio amplius amissionem jurium privatorum operatur, sed patriam potestatem simpliciter resolvit, neque adoptio cum decremento jurium conjuncta est, sed conditionem adoptati meliorem facit.

### Aphor. XXI.

OB ABSENTIAM ) Olim ob quamvis absentiam justam, propter quam quis læsus erat, modo defensorem non habuisset *L. XXI. §. II. L. XXII. ex quib. caus. major.* Prætor restituebat. Sed postea Jure Civili in *L. II. C. de annal. except.* proditum est remedium protestationis, vi cuius eo in casu, si absens contra præsentem præscriberet, præsens præscriptionem interrompere poterat. Et ideo hoc in casu restitutio cessat, & usum solum habet, si præsens usucepit contra absentem.

RESTITVTIO CONCEDITVR ) Tu nota sequentes regulas I) Ob absentiam laudabilem, quascunque sit, & indifferentem necessariam restitutio semper locum habet, & quidem indistincte, si procuratorem quis non habuit *L. VII. sq. L. XXVIII. D. Ex quib. caus. major.* in subsidium, si procuratorem habuit, ille tamen solvendo non est *L. XXXIX. Eod. vid. WERNHER. P. II. Objerv. CCCXCI.* ubi etiam ad Leges obstantes respondet. III) Ob absentiam voluntariam vituperabilem nun-

quam datur restitutio *L. II. §. IX. si quis caution.*  
 IV) Ob absentiam voluntariam indifferentem vel  
 vituperabilem necessariam tum datur restitutio,  
 quando absens vel ante discessum procuratorem  
 invenire non potuit, vel invenit quidem, sed inde-  
 fensus mansit, & procurator non est solvendo,  
*L. XXVI. §. I. Ex quib. caus. major. STRVV.*  
*Ex. VIII. ib. LXXIII.* V) Restitutio nulli ab-  
 senti conceditur, si vel apparet, eum, etsi præsens  
 fuisset, læsionem tamen non fuisse evitaturum  
*L. XLIV. D. Eod.* vel tamen aliqua notabilis ejus  
 negligentia concurrat *L. XVI. D. Eod.* add. LEY-  
 SER. *Spec. LXIII. med. II. & VI.*

### Aphor. XXII.

EXEMPLA OCCURRUNT) Quo nomine vche-  
 menter errant W E S E N B E C. *ad tit. D. Ex quib.*  
*caus. major. n. 10.* V V I S S E N B A C H. *ad Digest.*  
*Diff. XV. §. VII.* S C H I L T E R. *Ex. XI. ib. XXIX.*  
 quando, clausulam generalem ad alios casus, præter  
 absentiam extendi posse, negant. Alia enim im-  
 pedimenta etiam & casus fortuitos Prætorem co-  
 gitare, constat aperte ex *L. I. pr. & §. I. D. L.*  
*III. C. Ex quib. caus. major. §. V. J. de hered.*  
*qual. §. XXXIII. J. de action. L. I. §. IX. de itiner.*  
*act. priv.* Generatim vero tum semper locum habet,  
 quando læso neque dolus neque negligentia impu-  
 tari potest, & læsio reipsa adest. *L. XVI. D. ex quib.*  
*caus. major.* Sic facile patet, & illi succurrendum  
 esse, qui procuratoris imperitia & negligentia læ-  
 sus est, modo suum a procuratore consequi ne-  
 queat

queat *VMMIVS Disp. ad Proc. III. n. 52. BERGER. Oec. Jur. p. 897. VVERNHER. P. II. Obs. CCXCI.* Nec imherito restituitur, qui læsus est, dum auctoritatem judicis vel celebris Jcti secutus est *LEYSER. Spec. LXIV. med. IV.* Non vero succurritur illi, qui vere contumax est *VVERNHER. P. X. Obs. CCCLXXIV.* add. tamen *LEYSER. Spec. XXXIII. med. I.* Non excusat sola rusticitas, non sola coecitas, non sola senectus, non sexus tantum, non sola paupertas, sed sufficiens causa adesse debet, eaque tum paupertatem sigillatim comitari censetur, si pauper in negotio, quod ob penuriam expedire non poterat, læsionem incurrat, & sic damnum habeat, quod vel ideo, quia sumtibus opus erat, ut averteretur, non poterat avertere *MEVIVS P. III. Decis. CLXXVIII.* Noluerunt igitur nuper Jcti Jenenses pauperi restitutionem concedere, qui fatale probationis neglexerat, & ne dilationem quidem termini impe- traverat.

## Tit. XXIII.

De Delictis in genere & in specie  
de delictis privatis.

## Aphor. I.

**F**ACTVM ILLICITVM) Rectius dixeris, delictum esse contraventionem legis vel prohibitivæ vel præceptivæ poenalis. Nam, ut absque lege nulla est obligatio, ita nec absque lege obligatio ad poenam subeundam. Et multa illicite perpetrantur, quæ tamen poena non expi-



antur in foro civili, ob legis silentium, sed vel conscientiam solum onerant, vel honestati repugnant. Modo vero lex poenam minetur, id sufficit, nec præcise opus est, ut poenam certam statuatur. Et eatenus inter legem prohibitivam & præceptivam nil interest, cum & negligentia & omissio facti, quod lex expediendum jubet, poenam mereatur, quando lex eam præstituit. Quod adeo verum est, ut, si unice ex lege prohibitiva delicta vellemus æstimare, omne fundamentum distinctionis inter delicta dolosa & culposa corrueret. Dum vero delictum in contraventione legis consistit, facile patet, actum præsupponi voluntatis, qui exterius se exerit. Quare in foro humano cogitationis poenam nemo luit *L. XVIII. D. de poen.* Imo nec ille puniri potest, qui nescit, quid agit. Sigillatim poenæ non subest infans, & furiosus *L. XII. D. ad L. Cornel. de sicar.* In somno, qui delinquit, impunitate gaudet. Qui vero scit, quod agit, illeque, qui avertere potuit aut debuit animi deliquium, poena omnino dignus est. Sic etiam dormiens, si vigilare debuisset, sic ebrius, qui temperanter vivere, sic iratus, qui affectum cohibere debuisset, recte punitur. Quamvis in Praxi his in casibus aliquid humanæ imbecillitati dare, & mitius cum ejusmodi hominibus agere soleant. Verum & in eo, qui scit, quod agit, certi gradus sunt observandi. Hujusque intuitu, qui infantiam mox egressi sunt, si delinquant, coercentur solum & castigantur, qui pubertati proximi sunt, extra ordinem puniuntur, imo &, si malitia ætatem

tem suppleat, poena ordinaria afficiuntur. Minores nunquam excusantur, sed solum, ubi ultimum meruerunt supplicium, indistincte fere capite plectuntur. vid. CAPZOV. *Pr. Crim. Qu. CXLVI. sq.* STRYCK. *Diss. de poen. impuber. cap. IV. per tot.* Denique & ipsa contraventio suos habet gradus, quos in dictitanda poena respiciamus necesse est, nisi lex, ut in crimine perduellionis, omnem distinctionem rejiciat *L. V. pr. C. ad L. Jul. maj.* Alias multum inter conatum & ipsius delicti consummationem interest. Hanc enim ordinaria poena sequitur. Ibi variat poena, prouti conatus in actu remoto substitit, vel ad actum proximum pervenit.

### Aphor. II.

PRIVATA VOCANTUR) Ipsa distinctio inter delicta privata & publica magnum in Jurisprudentia Romana habet usum, horumque delictorum differentia specifica in eo consistit, quod læsus ex delicto privato non de læsionis solum reparatione, sed & de poena, ad quam lædens se obligaverat, sibi adjudicanda, civiliter agere, ea vero ratione & læsionem & poenam tanquam interesse privatum persequi posset. Sed ob delicta publica criminalis persecutio erat comparata per accusationem eum in finem expedienda, ut Reipublicæ ob reatum satisfaceret. Eoque nomine læso commodum & emolumentum ex poena non oriebatur. Verum hodie hæc distinctio usum non præstat, sed omnis contraventio legis publica expiatur poena, nec læso ad poenam acquirendam utilis est, unico

exemplo de actione injuriarum æstimatoria, de qua infra, excepto. Quare, si quis ex delicto læsionem incurrit, quæ satisfactionem admittit, hanc solum actione civili prosequi potest. Reatus semper a læsione distinguitur, ejusque intuitu Reipublicæ satisficit. Hoc unum vero arbitrio læsi, qui conqueritur, relinquimus, ut quæstioni de reparanda læsione possit admiscere, implorationem de poena lædenti dictitanda, quam promeruit, ita tamen, ut judicis arbitrium ubique salvum maneat.

### Aphor. III.

LUCRIFACIENDI GRATIA) Quam hic ex Jure Romano Auctor suppeditat distinctionem inter furtum rei, usus & possessionis, hodie denuo non magis usus est. Depositarius enim, qui re custodiæ commissa utitur, commodatarius, qui rem ad alium usum adhibet, contractus fidem violat, & debitor, qui creditori pignus aufert, spolium committit. Quod quidem poenam extraordinariam operari potest. Nisi vero cum furto usus furtum simul rei, vel depositum & commodatum intervertendo, vel ejus acceptionem dolose & animo lucri faciendi negando, concurrat furti poena locum non habebit CARPZOV. *Qu. Crim. LXXXV.* BERLICH. *P. V. Concl. LVII.* TABOR. in *Racemat. p. 584.* Cæterum quod furtum rei attinet, proprie id tum adest, quando hæc concurrunt, ut I) res auferatur. Solus animus auferendi nondum sufficit, nisi quis rem jam abstulerit, eaque ipsi iterum erepta sit. Sic etiam, qui causa solum mora-

moralis furti est, proprie non furatur, sed extraordinem punitur, nisi & ipse partem de furto tulerit. II) Res aliena auferatur. Qui rem propriam aufert, jus suum amittit. III) Auferatur invito domino. In rem, quæ dominum vel plane nullum, vel incertum habet, furtum non committitur. Ita proprie rei hereditatis jacentis, rei inventæ, quousque dominus ignoratur, furtum non fit. IV) Auferatur animo lucrificiendi. Sic, qui vescendi causa vineam ingreditur, qui surripit, ut jus retentionis exerceat, qui aufert, ne fame pereat, dum prius, ut sibi detur, perit, & repulsam tulit, nemoque alius est, qui misericordiam exerceat, furtum non committit.

#### Aphor. IV.

SECUNDVM ORDIN. CRIMINALEM) In eo tamen Nemesis Carolina cum Jure Saxonico conspirat I) quod furtum qualificatum, id est, cum violentia commissum, citra distinctionem quantitatis, & insuper habita restitutione, ultimo supplicio afficiatur. Et convenit *Constit. Crimin. art. CLIX.* ut furtum qualificatum dicatur, quod vel ascensione, vel effractione, vel armis fit *BEYER. ad d. art. CLIX.* In Praxi tamen eadem conjunctim requirunt, & effractionem violentam, seditionem & coadunatis hominibus vel armis factam desiderant: *CARPZOV. Qu. LXXIX.* II) Quod furtum tertium, etiamsi parvum sit, & restituatur, ultimo supplicio afficiatur, cum ejusmodi fur pro inemendabili habeatur *vor einen verfeumbden Dieb C. C. C. art. CLXII.* Quia vero vix scire



possumus, num spes emendationis fallat, nisi prius jam punitus sit fur, merito præsupponendum est, furem jam poenam subiisse, & tamen denūo furtum commisisse. III) Restitutionem rei furtivæ in casibus, ubi poenam mitigat, a poena tamen corporis afflictiva non liberare. Reliquas regulas, quas Constitutio Criminalis suppeditat, exponit BEYER. *loc. alleg.* Hoc tamen addam necesse est, non simpliciter prohiberi, ne primum furtum simplex poena ultimi supplicii afficiatur, sed id ipsum *art. CLXX.* arbitrio judicis relinquit. vid. LEYSER. *Spec. DXXXV. med. XVIII.*

### Aphor. V.

NON SATIS CONSTET) De ea igitur, ut constet, ipse læsus efficere debet, ejusque intuitu jurejurando confirmare I) quod furtum passus sit II) quod furtum harum rerum, quas eum in finem specificè consignat, passus sit, III) quod æstimationem, quam easdem habere asserit, re ipsa recipiant. Quamdiu vero de his tribus non constat, poena ordinaria cessat. Imo, quousque de primo asserto fides judici nondum facta est, minus recte ad inquisitionem progreditur.

### Aphor. VI.

CONDICTIO FURTIVA) Quam eam ob causam introduxerunt Romani, quia res furtiva interire poterat, & rei vindicatio deficere §. XXVI. *J. de Rer. divis.* Itaque cum in locum rei vindicationis successerit, dominus esse debet, qui ea

ea utitur *L. I. de Condict. furt.* Ex parte ejus autem, contra quem instituitur, nil interest, sive ipse furtum commiserit, sive opem solum tulerit, & consilium speciale dederit. Nam & hic profure habetur *L. LIII. §. II. de verb. signific.* Quod autem contra heredes detur, id inde est, quia actio immediate ex lege oritur *L. VII. §. II. L. IX. D. Eod.*

### Aphor. VII.

QVOD NIHILOMINVS) Et recte, cum, ut diximus, obligatio non ex delicto, sed ex lege sit. Et possunt omnino casus existere, in quibus felici successu hac conditione utimur. Quamvis enim plerumque fures non habeant, unde restituant, nec ideo pinguis eorum sit hereditas, experientia tamen docet, non furta solum committi ab hominibus, qui possessiones habent, sed etiam nonnulla furta ultimo supplicio affici, etiam si quis restituere possit summam ablatam.

### Aphor. VIII.

INJURIA EST) Injuria generatim id fieri dicitur, quod non jure fit. Sigillatim completur omne id, quod in alterius contumeliam suscipitur. Et hactenus nil interest, sive verbis ore prolatis, sive scriptura, sive factis, id est verberando, pulsando, habitum & gestum ad alterius invidiam componendo, imo & facto in se indifferenti, quod tamen alterius existimationem ex opinione hominum lædit, aliquem contumelia afficiamus, *L. I. §. I. sqq. L. V. pr. & §. I. L. IX.*

*IX. pr. L. XV. §. I. §. XVI. XX. XXII. XXVII. D. de injur.* Imo etiam non facto injuria committi potest, quatenus quis alteri reverentiam debet, quamvis vix casus existat, ut a non facto ipsum factum absit, cum ex solo non facto vix injuria evincatur, nisi factum simul accesserit.

### Aphor. IX.

ANIMO INJURIANDI) Isque regulariter non præsumitur. Probe tamen distinguendi sunt casus. Aut quis verba vel facta in se injuriosa profert, aut verbis vel factis utitur ambiguae interpretationis. Hoc in casu, quia omnis præsumptio est delicti exclusiva, animus injuriandi probandus est, ab eo, qui sibi injuriam illatam asserit. Illo autem in casu animus injuriandi semper præsumitur *L. V. C. de injur.* nec excludit hanc præsumptionem provocatio ad auctorem *FINCKELTHAVS Observ. LXXIII.* nec exceptio veritatis *WERNHER. P. I. Obs. CCCIV.* nec conditionata locutio, sive in præteritum, sive in futurum concepta sit *LYDOVICI Doctr. Pand. ad tit. de injur. §. V.* Excluditur tamen præsumptio, si ille injuria afficit, qui in defensione est constitutus, & qui jus habet corrigendi vel emendandi *L. XV. §. XXXIX. de injur. L. V. §. III. in fin. D. ad L. Aquil.* quousque limites a lege præscriptos servant. *L. XXXII. D. de injur. RECESS. IMPER. de anno 1530. §. LV. & de anno 1542. §. XLI.* Quo in casu & contra magistratum, & contra sacerdotem actio injuriarum locum habere potest. Conf. *MENCKENII Diss. de probat. animi inferend. injur.*

Aph.

## Aphor. X.

EX L. CORNELIA ) Ex qua tamen illæ solum vindicari poterant injuriæ, quando quis se pulsatum, vel verberatum, vel domum suam vi introitam esse dicebat §. VIII. 3. de injur. Et extra hos casus criminaliter agere quem potuisse, valde dubito, cum præter actionem æstimatoriam ex jure Prætorio, quæ civilis erat, & actionem ex L. Cornelia, quæ criminalis erat, Romani remedium injurias vindicandi aliud plane ignorarunt.

## Aphor. XI.

VEL CIVILITER VEL CRIMINALITER ) Et hodie quidem de omni injuria non elective solum, sed etiam cumulative. Quatenus vero de puniendo injuriante judicem imploramus, nullum ex poena in nos redundat emolumentum. Imo & integrum est judici, ex officio poenam decernere. Civiliter vero varia ratione agere possumus, ut satisfaciat nobis injurians. Plerisque in locis toleratur adhuc actio æstimatoria ex Jure Romano, quæ injurias æstimare permittit, salvo judicis arbitrio, qui ad personarum qualitatem, ad locum, ad tempus injuriæ respicit. Ob injurias atrocissimas agere possumus ad recantationem five palinodiam, quæ famam injuriantis lædit. Agimus etiam ob leviores injurias ad deprecationem & declarationem honoris. Has omnes actiones dicimus rei persecutorias, credimusque, famam per injuriam illatam quasi ablatam quasi restitui. Sed certe, qui æstimatoria utitur, famæ  
parum



parum consulit, cum animi omnino levis indicium sit, existimationem habere venalem. Et, si actiones civiles generatim respiciamus, a scopo longe aberrant, qui famam his ipsis sibi restitui putant. Aut enim re ipsa amiserunt existimationem, aut non amiserunt. Si illud, privatus eam nullo modo restituere potest. Si hoc, non opus est, ut de restitutione ejus solliciti simus. Imo & cum charactere Christiani pugnat, vindicare injurias. Præstaret itaque, rem omnem arbitrio judicis relinquere, quam inani lite, & homini rationali & Christiano indigna, tempus insumere, & vindictam meram spirare. Confer. BÖHMERE *Diff. de iniquit. & injust. action. injur.*

#### Aphor. XIV.

RETORSIO INJURIARVM ) Hoc remedium, uti in jure nostro non nisi his observatis limitibus toleratur, 1) ut respondeat injuriæ illatæ, nec retorquens modum excedat, 2) ut fiat extrajudicialiter 3) vel in continenti, quando injuriatus præsens est, & injuriam audit, vel eo ipso momento, quo rescivit absens, sibi injuriam esse illatam, ita in se spectatum ab impietatis nota vix liberari poterit, & præterea neque in ulla lege præsidium habet, neque Christianum decet, neque litem ob injurias facile præcavet. Ergo merito esset explodendum.

#### Aphor. XV.

REALES INJURIAS ) Sed distinguit WERNHER. P. I. *Obs. LVI.* injurias reales, quarum coercitio ad judicem inferiorem pertinet, ab iis, quæ ad

ad cognitionem superioris judicis spectant. Ibi præscriptionem annalem admittit, non hic. Quod etiam ratione non caret, si Saxoniam spectes, cum, injurias reales leviores præscriptioni annali subesse, expresse loquatur *CONST. EL. XVI. P. IV.*

*SEV TACITA*) Quæ colligitur ex familiari conversatione, quia rancor animi cum amoris integri præstatione consistere nequit. Atque inde tam firmum pro remissione oritur argumentum, ut nec audiendus sit ille, qui prætegit, & jurejurando confirmare vult, se animum remittendi non habuisse *WERNHER P. I. Obs. CXXXVII.* Sed eheu, quæ improbitas hominum non quærit effugia, ne noceat actioni injuriarum officium amoris. Distinguunt, utrum sponte, an necessitate officii injuriatus cum injuriante conversatus sit. Conservant actionem protestatione, se nolle remittere. Imo, ne vel sacrae Eucharistiæ usus injuriati jus excludat, animam reconciliabilem adesse posse putant, etiamsi vindictam cogitet actione civili persequendam. Parumque abest, ne simul negent, deprecationem publicam, quam ægrotans per sacerdotem ex suggestu recitandam curat, actioni injuriarum obesse.

### *Aphor. XVI.*

*SCRIPTO*) Differt tamen ab injuria scripta, quæ satyram fere solum continet, cum libellus famosus delictum objiciat alteri dissimulato nomine. Hoc vero si fiat, nil interest, sive scriptus, sive pictus, sive typis expressus sit. add. *BRUNQVELL. I. Diff. de pictura famosa.*

*Aph.*

## Aphor. XVII.

**JUDICIO PUBLICO**) Quo quidem hodie ob quasvis injurias uti licet, cum ad officium judicis spectet, ut existimationem civium contra aliorum injuriam salvam præster. Hoc tamen in libello famoso singulare est, quod cognitio ejus vel ideo judicis solum criminalis sit, quia delictum continet inquisitione dignum, & poena corporis afflictiva sequi possit. Eodem modo, quod obiter moneo, publico etiam judicio procedimus contra eum, qui sacerdoti sacra administranti injurias infert, cum ultimum supplicium locum sibi vindicet, si hæc conjunctim concurrant, ut 1) injuria non verbalis, sed realis, 2) in loco Ecclesiæ, 3) eo tempore, quo sacerdos sacra pertractat, facta sit, & 4) sacra per eam turbentur **STRYCK. Us. Mod. D. tit. de injur. §. XXV.**

## Aphor. XIX.

**DIMINUITUR AUT LAEDITUR**) Requiritur itaque, ut damnum injuria datum poenam mereatur I) damnum extra contractum contingens, cum damnum ex contractu oriundum actione ex contractu persequamur, II) damnum positivum per corruptionem rei, **L. XXXIII. ad L. Aquil.** Quo nomine a damno per alia delicta dato satis distinguitur III) damnum dolo vel culpa datum **L. V. §. I. Eod.** etiamsi culpa levissima sit, & in omit-tendo consistat **L. XXVII. §. IX. L. XLIV. sq. Eod.** IV.) damnum in re datum, quæ æstimationem recipit.

Aph.

## Aphor. XX.

PER L. AQUILIAM ) Eaque primo capite  
 mnum in re animata peremta datum ita coer-  
 bat, ut lædens solveret æstimationem, quanti res  
 tra annum plurimi fuerat. Tertio capite omne  
 liquum damnum complectebatur, idque ita re-  
 sciri jubebat, ut res veniret pretio, quo fuerat  
 tra 30. dies proximos *pr. & §. XIII. §. ad L.  
 quil.* Quæ summa fuerit secundi capitis, Iuri-  
 stæ norant. Varias tamen conjecturas proferunt  
 CODIC. *Tr. de Lege Aquil.* FREHERVS in *Pa-  
 rg. Lib. II. cap. III.* HUBER. *Praelect. ad §. tit.  
 L. Aquil. §. VI.* BYNCKERSHOECK. *Observ.  
 ib. II. cap. XIII.* Verum hodie hæc actio, qua-  
 nus ex Lege Aquilia, & poenalis privata est, non  
 habet locum. Sed nos sequimur magis disposi-  
 tionem Juris Canonici, quod generatim veram da-  
 ni æstimationem, salvo judicis arbitrio, spectare  
 debet, eoque nomine heredes etiam, ut ex heredi-  
 tate damnum a defuncto datum restituant, obli-  
 gat *c. fin. X. de sepult. c. V. X. de raptor.* Mo-  
 bus præterea non damni solum dati, sed & lucri  
 intercepti habetur ratio, quod jure Romano denuo  
 recus *L. XIII. §. II. de usufr.* Cæterum judicis  
 est, ut lædentem puniat. Ut sic hæc actio ab a-  
 ctione L. Aquil. toto cælo differat. Quod late do-  
 cet THOMASIVS in *Diss. qua L. Aquilia Larvam*  
*extrahit.*

## Aphor. XXI.

IN QUADRVPLVM DABATUR ACTIO) Cui  
 implum hac ratione inerat. Quod ipsum aperte

D d d

do-



docet, gravius delictum Romanis furtum fuisse rapina, cum actio furti in quadruplum non excluderet, existimarentque Romani principiis Stoicis innutriti, eum magis poena dignum esse, qui vi sibi aliquid extorqueri pateretur, quam eum, qui raperet.

CRIMINALE IUDICIUM OBTINET ) Hodie itaque, qui vi adhibita res auferunt, & quidem in domo læsi, furtum qualificatum committunt, de quo supra jam vidimus. Qui in via publica, & quidem simpliciter per vim rapiunt, capite plectuntur, & corpus rotæ imponitur. Cujus dispositionis unica ratio inde desumitur, quia quam maxime præcavendum est, ne securitas publica lædatur. Ob hanc itaque læsam magis, quam ob rei ablationem, punitur delinquens. Indequè est, ut uni-  
ce ad animum delinquentis, non vero ad effectum, non ad quantitatem ablatam, non ad restitutionem rei ablatae, non ad id respiciamus, utrum una an reiterata vice quis rapinam exercuerit *CARPZOV. Pr. Crim. qu. XC.* Si vero grassator publicus cum rapina cumulet homicidium, in latrocinii crimen incidit, & vivus rota contunditur, imo, si delictum sæpius reiteratum sit, forcipibus candentibusprehenditur.

### Tit. XXIV.

### De extraordinariis criminibus.

### Aphor. I.

**E**XTRAORDINARIA CRIMINA ) Videtur hæc species delictorum intermedia inter publica & privata delicta fuisse *L. VIII. de publ.*

*publ. judic. L. XIII. de poen.* Ut tamen de re incerta id dicamus, quod probabile est, triplici orsan ex causa ita sunt nominata, I) quod poena non certa lege & SCto statuta, sed moribus magis & interpretationibus prudentum introducta fuerit, II) quod peculiaris magistratus non esset, cui pervestigatio horum criminum committeretur, sed potius alicui extra ordinem officium daretur, cui nomen quaestoris vel quaestoris haberet, III) quod processus solennis cessaret. Inde facile apparet, propriam Romanis hanc distinctionem fuisse. Et vereor omnino, ne ejus applicatio ad nostra fora inutilis sit. Processus enim criminalis utrobique est idem, poenaque omnis legitima est. Quodsi vero dicere velles, delicta ordinaria certam & determinatam habere poenam, extraordinaria arbitriariam, non multum quidem refragabor. Sed & hoc moneam necesse est, in applicatione nullam fere poenam certam esse, sed pro circumstantiarum varietate mox duram, mox levem. Nam & delicta, in quæ ultimum supplicium statutum est, sæpius, si formalia desint, extra ordinem, id est, arbitrarie puniuntur, & delicta, quorum poenam lex certo non determinavit, sed arbitrio judicis reliquit, pro re nata etiam ultimum supplicium admittere possunt.

### Aphor. II.

ABACTIO PARTVS) Quæ olim apud Romanos vel ideo non adeo severe punita, quia, ut alibi diximus, embrionem non pro animali, sed pro parte viscerum maternorum, habebant MERIB.

D d d 1

LIVS

LIVS *Obs. Lib. I. cap. XVI.* Postea poena ultimi supplicii in eum statuta, qui abortionis poculum dedisset *L. XXXVIII. §. V. D. de poen. add. NOODTII Julium Paulum.* Nemesis Carolina morte damnat abortum, eademque poena subjicit eum, qui dolo marem vel foeminam ad generandum reddidit impotentem *C. C. C. art. CXXIII.* Moribus, adhibita distinctione, mox ultimum supplicium, mox poena arbitraria dictitatur.

EXPOSITIO INFANTIS) Quam denuo Romani vix poena dignam judicarunt, cum tanta Patria eorum potestas esset efficaciae, ut statuere posset pater, utrum servare vellet liberos, an necare, utrum sibi retinere, an exponere NOODT in *Julio Paul. & BYNCKERSHOECK de jure occidendi liberos.* Nostrum Jus recte hoc delictum punit, & quidem, si periculose expositus infans, ut facile perire potuerit, reque ipsa perierit, ultimo supplicio, alias extra ordinem *C. C. C. art. CXXXII.* Eaque occasione in genere præmoneo, in Jurisprudentia Criminali parum prodesse Jus Romanum, sed omne de poenis argumentum ex ipso magis Jure Germanico universali & speciali, Nemese nimirum Carolina & legibus provincialibus hauriendum est. Conf. *LYDOVICI Præfat. ad Const. Crimin. Carol.*

#### Aphor. IV.

QVI COLLVDIT CVM REO) Id est, qui ab accusatione publica, facta corruptione, desistit, & transigit. Et hunc sequebatur poena plerumque talionis, ad quam se per inscriptionem in librum

cusationis obligaverat. Ipse vero reus pro conto habebatur, si a causa sanguinis discesseris *L. VIII. C. de transact.*

**POENA EST ARBITRARIA**) Quando recipientes cum recepto societatem criminis non conixerunt. Alias poena quoque ordinaria furti, si raptorem socium recipiunt, poena in raptoribus ipsos statuta locum habet, vid. *L. un. C. de rapt. virgin.* Non tamen cum receptione confundenda occultatio delinquentium, quæ ab affinibus & gnatis misericordia ductis fit. Distinguenda est a sola reticentia criminis, cum ad revelationem obligatio non adsit, nisi in delictis atrocissimis, & in iis, qui officii causa deferre debent crimina. Nam & iis in casibus, ubi occultatio & reticentia puniri potest, mitior tamen poena, quam in receptatores statuta est, locum habet *L. II. de recept. L. XLVIII. §. I. de furt.*

**EFFRACTURA IN PRIMIS CARCERIS**) Effractio vel in se considerari potest, vel quatenus in alio delicto concurrat v. c. ob furtum faciendum, ob stuprum vel adulterium perpetrandum, hoc in casu delictum ipsum reddit qualificatum, & graviorem ordinaria poenam producit. Quo nomine etiam effractio carceris, quæ fit per seditionem, ultimum mereri potest supplicium. Nam et ipsum delictum magis, cui effractio accessit, iam effractio punitur. Quod autem effractionem carceris attinet, quatenus a reo peragitur, illa per se vix punitur, gravat vero reum de delicto, in quod incarceratus est. Quatenus vero com-



mentariensis ad effractionem concurrit, siue dolo, siue culpa, poena arbitraria, quæ ad corporis afflictivam excrefcere potest, dictari solet C. C. C. *art. CLXXX.*

**STELLIONATUS**) Quod non peculiare crimen est, sed nomen aliquod subsidarium, ad varias imposturas & nequitias, quibus extra contractum aliquem decipimus, applicabile, si in crimen nominatum non incidunt. Ut sic, quod in civilibus actio de dolo præstat, in criminalibus stellionatus prosecutio sit *L. III. §. I. Stellion.* Exempla vide in *L. III. §. I. Eod. L. XVI. §. I. de pignor. act. L. XLIII. §. III. de furt.*

**TERMINI MOTIO**) Quam Romani iudicabant capitalem, cum terminum Deum colerent, cui dies festi essent decreti, vid. *VLRICI OB-  
RACHTI Diff. de termin. Deo.* Hodie interest, ut distinguamus terminos publicos a terminis privatis. Et ibi quidem, prouti sunt vel compascuales, vel jurisdictionales, vel territoriales, poena variat. Nec dubium, quin & capitis poena locum habere possit, si terminus territorialis motus sit eo fine, ut lites inter vicinos Principes oriantur.

**ILLICITI CONVENTVS**) Quamvis enim associatio hominum ad certum finem in se nil mali habeat; Facile tamen in perniciem Reipublicæ vergit, cum occasionem seditioni & turbis præbeat. Noluerunt igitur Imperantes ejusmodi confociationes absque approbatione superioris prolicitis habere *L. I. pr. L. III. §. I. D. de Colleg. L. I. in fin. D. de offic. Præfeti.* Nec eatenus aliquid

id interest, etiam si religionis & pietatis causa habentur, cum publica auctoritate jam constituta est, ut Deum unanimes corde & ore colere possint. Ipsa poena consociationum variat, pro eo, quem habent propositum.

### Aphor. VI.

**HODIE ACCOMMODATUR** ) Quæ tamen  
n, quem Romæ producebat, hodie nequit pro-  
cere effectum. Datur enim ob corruptionem,  
& quoad animum facta est, eaque olim quidem  
servo, qui ipse res æstimabilis erat, recipiebat  
simulationem, sed hodie eadem ipsa in hominem  
erum non cadit. Præstat igitur, magistratui  
denunciare, ut puniat corruptorem. Quod si  
ro per corruptionem verum damnum contigerit,  
tio ad interesse omnino habebit locum, & pot-  
etiam denunciatus denunciationi ratione da-  
ni adhærere, vid. SCHILTER. *Ex. XXI. tb.*  
*VII. add. BÖHMER. de action. Sect. II. cap. I.*  
*XLIX. sqq.*

### Tit. XXV.

#### De Criminibus popularibus.

**A**ctiones populares frequentissimæ erant, &  
locum sibi vindicabant non in causis civili-  
bus solum, sed & criminalibus, quæ publi-  
co iudicio persequi non solebant Romani, ubi ta-  
men Reipublicæ intererat, aliquid fieri vel non fie-  
. Non itaque in gratiam læsi erant inventæ,  
nam, ubi jam ex delicto quis læsus esset, huic po-  
tius actio daretur, sed cuivis potius ex populo fa-

D d d 4

culta-

cultatem dabant, rem deferendi. Quod, ut citius fieret, ipsam poenam pecuniariam in delictum statuti lucro deferentis cedere decernebant Romani *L. III. & V. D. de his, qui effuderint*. Nonnunquam tamen delatio & accusatio nullum delatori afferebat emolumentum. Quo nomine Romani actiones populares a quasi popularibus distinguebant. Sed enim vero facile patet, omnem hanc distinctionem desumptam esse a modo procedendi in judiciis Roman. usitato. Qui, cum hodie omnino diversus sit, omnem quoque distinctionis usum cessare facit.

Tit. XXVI.

De Quasi - Delictis.

**Q**uasi delicta præsupponunt legem præceptivam poenalem, quæ ad faciendum obligat, iisque, qui officium negligenter gerunt, culpaque sua damnum aliquod etiam per tertium existere faciunt, & damni restitutionem & poenam minatur. Cujus effectus is est, ut, qui negligens fuit, etiam de facto tertii illicito, quod præcavere debebat, læso respondere, &, si damnum aliquod inde sentiat, de ejus restitutione cum lædente agere debeat. Sic imputatur nautæ, cautioni, stabulario, damnum a familia datum, quia magis fideles eligere debebat. Sic inhabitatori ædium damnum ab inquilino datum, imo adhuc infectum imputatur, quia in recipiendo inquilino minus circumspecte versatus est. Salva tamen est electio læsis, utrum cum lædente ex vero delicto agere velint.

Aph.

## Aphor. III.

VEL ALITER NOCVERIT ) Modo itaque amnum re ipsa datum sit, ab inquilino, quod æimationem recipit, actio datur contra inhabitatorem, qui eam partem inhabitat, unde effusum el dejectum est. *L. V. pr. de his, qui effud. mo-*  
 o I) dejectio vel effusio facta sit in loco, ubi ulgo iter fit *L. I. §. II. Eod.* II) præmonitio ejicientis desit. Temporis ratio, ut habeatur, vix sit necesse, cum & nocturno tempore honesti viri æpius negotiorum causa ambulare debeant. Hoc amen hic generatim moneam, necesse est, has & imiles actiones, quatenus simul poenam ex facto ertii minantur, hodie usum non habere, sed necesse sit, ut poena teneat auctorem, cum primis, quia hodie actor ex poena emolumentum habere nequit, & ibique solum ad reparandum vel avertendum damnum agere potest.

## Aphor. V.

SOLIVS ACCIPIENTIS TURPE ) Requiritur itaque hoc loco, aliquem quid accipere ex causa, quæ contra regulas honesti & decori est *L. XLII, de verbor. signif.* ex qua accipere lex disertis verbis vetat. Nam neque sola legis prohibitio sufficit, neque hoc solum, quod quid indecorum sit, ut conditio locum habeat. Sic fiebat, ut, quod meretrici olim datum esset, non repetere-  
 tur, quia meretriciam vitam agere, indecorum quidem *L. XXXVIII. de oper. libert.* non vero prohibitum erat *L. XLIII. D de Rit. nupt. L. XXIX. C. ad L. Jul. de adulter.* Hodie & hoc in casu

D d d 5

adeft



adeſt p o ibitio, ſed, quia in tali negotio non ſola accip entis, ſed utriusque potius turpitudine verſatur, ceſſat repetitio, & uterque poenam ſubit *L. III. & VIII. D. de cond. ob turp. cauſ. L. IX. in ſin. de jur. fiſc. L. XXXII. §. ſin. D. de donat. inter vir. & uxor.*

### Aphor. VI.

**ALEAE LVSVS**) Romani ludos ſolum virtutis tolerabant *L. II. de aleat.* reliquos omnes, ſive fortunæ ſive artis eſſent, damnabant *L. ſin. C. Eod.* Quod tamen indiftincte tolerari nequit. Si enim a ludis obſcoenis, honeſtati contrariis, & iis diſceſſeris, quibus temporalem felicitatem committimus, ludi ne moraliter quidem poſſunt eſſe prohibiti, quia tempus, quo animus reficitur, haut perditur, nec, modicæ pecuniæ periculo recreationem emere, detrimentum eſt. Et reiſa ludi ſunt donationes ſub modo. Quare hoc ſolum a legiſlatoribus noſtris fieri videmus, ut ludos damnent, qui a mera fortuna dependent, & nequitias admittunt, reliquos, maxime ſi artis ſint, tolerant, & certam pecuniæ ſummam periculo exponere permittant, ea intentione, ut id ſolum, quod ſummam excedit, peti nequeat, datum vero repeti poſſit. Sed, ne quid diſſimulem, conditionem ejus, quod ludo perditum eſt, plerumque ceſſare videmus, imo & transactionem aut cambium tanquam mediâ intervenire, quibus exactio conſervetur, non dubito tamen, quin ex ejusmodi transactione vel cambio ad ſolutionem condemnatus, ipſam exceptionem pecuniæ ludo perditæ in ſeparatam actionem vel

l reconventionem deducere possit. vid. quæ di-  
in *Introd. ad Jus Saxon. P. III. Sect. I. Ex.*  
*l. §. XV. seqq.*

## Aphor. VII.

EX SYNDICATV) Quæ tamen hodie plerum-  
le inanis erit, partim ob præsumptionem bonita-  
, quæ pro iudice militat, partim, quia læsus omi-  
remedia suspensiva, quibus uti debebat, ne sen-  
ntia in rem judicatam transiret, vid. THOMA-  
I *Diss. de iudice imperite judicante.*

## Tit. XXVII.

## De Noxalibus actionibus.

## Aphor. I.

**I**ODIE NYLLVS EST VSVS) Apud Roma-  
nos, quia servus rebus annumerabatur, & æ-  
stimationem recipiebat, actio noxalis optimo  
nitebatur fundamento. Nam Juri Naturali con-  
nit, ut damnum resarciatur, quod cum fieri a re  
on possit, ex ipsius rei appropriatione indemni-  
tem sibi quærere, cum principiis juris universa-  
i non pugnat. Dominus igitur, qui rem amit-  
re novult, ipse solvat. Indeque electionem habet,  
rum solvere, an rem noxæ dare velit *L. VI. §. I.*  
*de re judic.* Sic vero nil interest, ubi servus  
periat, siquidem noxa caput sequitur. In-  
rim præsupponitur delictum privatum ignoran-  
domino commissum *L. II. pr. de noxal. act.*  
b delictum publicum servus ipse accusatur & pu-  
itur. Si ad delictum dominus concurrit, con-  
a hunc datur actio. Quod hodie etiam fieri pos-

se res evicta est. Alias extra hunc casum, semper servus obligatur, etiamsi in negotio a domino commissio deliquerit *L. XI. de peric. & commod. rei vend. L. XV. §. II. de publicanis.*

### Aphor II.

DE PAUPERIE) Quæ actio in eodem fundamento nititur ac prior. Indequè est, quod dominus se liberare possit per expulsionem animalis, modo cum effectu expellat, nec, quod alias permittit SCHÖPFFER. *Synops. Pand. tit. si quadrup. pauper.* redeuntem bestiam recipiat. Et hæc actio hodie omnino utilitatem habet, perindeque est, utrum animal contra naturam sui generis, si-ve ita, ut facere solebat, damnum dederit. Nam & actio de pastu, quam in posteriori casu solum concedunt Romani, ad damni reparationem vel noxæ dationem tendit. Nec quicquam interest, si animal quadrupes si-ve bipes sit. Ut tamen I) mansuetum sit, requiritur. Damnum a feroci animali datum simpliciter resarciendum est. II) Nullius culpa accedere debet. Si ipsius domini, ille simpliciter tenetur, si tertii, contra hunc datur actio *L. I. §. VI. si quadrupes pauper.* Si ipsius læsi, sibi imputare debet *L. I. §. XI. Eod.*

PIGNORATIONI) Quam speciem vindictæ privatæ esse, per se patet. Eademque ipsa jus abigendi canibus animal comprehendit, si hoc velox sit, nec pignorari possit. Ut tamen licite fiat pignoratio, requiritur I) factam eam esse in loco, ubi damnum datum est, II) ipsum pignus iudici tradi. Præstat pignoratus I) reparationem da-  
mni

ni læso, 2) judici emendam sive poenam, & huc  
que jus retentionis exercetur. Sin contumax  
pignoratus in redimendo pignore, pro quali-  
t nocte contumaciam luit poena 4 grossor. Quæ  
sa, si in tantum excrescit, ut æstimationem pi-  
noris exæquet, pignus in commissum cadere facit  
dd. *Introd. ad Jus Saxon. P. III. Sect. III. Ex.*  
*§. XXX.*

### Aphor. III.

DE DAMNO SIBI CAVEATUR) Hodie ju-  
ex his in casibus rem, quæ damnum minatur, o-  
ulis subdicere, & mandatis poenalibus, ut per re-  
arationem vel fulcimentum ruina & damnum  
vertatur, simul efficere solet. Sola enim cautio sæ-  
ius non sufficit, ut satis tutus sit ille, qui damnum  
netuit, cum & ruina damnum irreparabile pro-  
ducere possit. Recte tamen iis in casibus cau-  
ionem urgemus, ubi non ex ruina aliarum ædium,  
ed ex opere, quod quis alias in suo jure facit,  
damnum imminet, v. c. si ex furno incendium  
netuimus, si quis fodiat in suo, ut paries meus  
tare non possit.

### Aphor. IV.

OPERE MANU FACTO) Non itaque, si a-  
quæ naturaliter noceat *L. I. §. XV. de aqu. &*  
*aqu. plu.* non, si opus destructum sit *L. I. §.*  
*XXII. Eod.* non, si ex accidenti forma fundi mu-  
retur *L. II. §. VI. Eod.* Præterea requiritur, ut  
damnum positivum ex opere facto proveniat.  
Non itaque huc pertinet, si opus fiat, ne aqua  
profit



prosit *L. II. §. V. L. I. §. XI. D. Eod.* Denique requiritur, opus fieri alio fine, quam agri colendi causa *L. I. §. III. & XV. D. Eod.*

Tit. XXVIII.

De publicis judiciis.

Aphor. I.

**P**UBLICA JUDICIA) Ex iis, quæ supra de delictis privatis præoccupavimus, quænam sit litera characteristica publicorum judiciorum, facile colligi potest. Versabantur enim judicia privata in meo & tuo, & læsus, vel ille, cujus intererat, interveniente actione poenam sibi proficuum persequabatur. Sed in publicis judiciis de satisfactione Reipublicæ præstanda, poenæque publica delinquenti infligenda, mediante accusatione, quilibet, qui volebat, sollicitus esse poterat. Eoque nomine publica judicia illa erant, in quæ lex publica *L. I. de publ. judic.* publicam poenam. Reip. solvendam, *L. III. §. II. Stellion.* prævio publico & solenni processu *L. VIII. de publ. judic.* infligendam statuerat. Sed, ut jam diximus, hodie omnia potius delicta publica sunt, nec privato ullum inde emolumentum oritur.

Aphor. II.

NON AMPLIUS IN VSV EST) Est tamen in usu ipsa adhuc accusatio. Quamvis enim Constit. Criminalis Carolina ad ductum juris Canonici & Ordinationis Criminalis Bambergensis inquisitorium magis processum, in quo iudex ex officio delicta investigaret, stabiliverit, quod, quare factum sit, docet THOMASIVS in *Diss. de occas. inten-*

*intentione & concept. Const. C. C.* non tamen ideo processum accusatorium sustulit, sed una cum inquisitorio approbavit, regulasque, quas accusator sequeretur, suppeditavit, vid. *art. XI. XIII. XIV.* pluresque alios. Quæ tamen, cum duram admodum reddant accusatoris privati conditionem, haut vanam suppeditant conjecturam, id intentione sua egisse legislatorem, ut accusationes privatæ sensim in defuetudinem abirent. Quare nec hodie frequens earum est usus. Eo major fere usus accusationum a persona publica, eum in finem constituta, peragendarum, cum nulla fere provincia Germaniæ sit, quæ accusatores publicos nesciat, qui ex officio delicta deferunt, & salarium vel ex publico accipiunt vel ex sportulis emolumentum capiunt. Imo de jure Communi ita sæpius videmus processum inquisitorium cum accusatorio misceri, ut iudex, simulac, inquisitione generali peracta, cognoverit, delictum esse commissum, accusatorem constituat, qui contra reum gravatum indiciis libellum accusationis porrigat, & cum eo litem ad finem usque pertractet.

#### Aphor. IV.

ET PER QVOS EA REGITVR) Formale igitur hujus criminis consistit in eo, ut 1) aliquid suscipiatur in Reipublicæ perniciem & salutis ac tranquillitatis publicæ turbationem tendens, vel fileatur, quod ab aliis eum in finem committitur. Nam & ille fit perduellionis reus, qui scientiam criminis habet, nec tamen illud revelat, imo & ille, qui conatum solum admisit *L. V. C. ad L. Jul. ma-*

*majest. ZIEGLER. de jur. majest. Lib. I. cap. II. § XLVII. seqq.* Duplex enim officium est subditorum, primo, ne quid moliantur in Rempubli-  
cam, deinde, ut damnum avertant. Cumque ho-  
die denunciare & indicia suppeditare sufficiat,  
non est, cur denunciatus, sibi delationem fore mo-  
lestam, timeat. Nec interest, sive in Rempubli-  
cam ipsam immediate, sive in vitam Principis,  
qui præest Reipublicæ, sive in eos, per quos im-  
perans Rempublicam tuetur, quid meditetur per-  
duellis, *d. L.V. C. ad L. Jul. majest. AVR. BULLA  
cap. XXIV.* modo meditetur everisionem Reipubli-  
cæ II) ut perduellis sit subditus vel incola, CLE-  
MENT. *pastoralis II. de re judic.* etiamsi exilio  
ex patria expulsus, cum, cessantibus licet officiis  
specialibus civis, non tamen cessent obligationes  
generales subditi ZIEGLER. *d. l. § XLIV.*

### Aphor. VI.

AD CONTVMELIAM PRINCIPIS) Quod  
generatim fit, quando quis proprio ausu jura ma-  
jestatica usurpat. Id tamen intelligas velim, de  
juribus, quæ majestati ita cohærent, ut salva ea ab-  
esse nequeant, non de iis, quæ improprie regalia  
dicimus, quæque Principes ex diuturno & quieto  
usu cum exclusione subditorum sua fecerunt.

ARBITRARIA POENA) Lex quidem allega-  
ta eum, qui Principi maledixit, impune dimitti  
juber, dum statuit, maledictionem, quæ ex levita-  
te fit, contemnendam, quæ ex insania, commise-  
ratione dignam, quæ ex injuria, remittendam esse.  
Sed hodie hac lege non utimur. Id tamen a  
Prin-

principibus quibusdam statutum deprehendimus, et iudex prius, quam in hoc crimen inquirit, ad principem referat, ejusque jussu expectet.

### Aphor. VII.

**HAEC ALIA EST**) Imo potius blasphemia est vel immediata, quando vel existentiae vel attributis Numinis divini, quod religiose colimus, derahimus, vel mediata, quando, quod alias ex principiis religionis, quam profitemur, venerari debemus, contemnimus, & profana ratione de eo loquimur. Igitur, utrum blasphemia adsit, in foro externo punienda, ex principiis cujuscunque religionis dijudicandum est. Non tamen alia, quam prior species capitalis est.

### Aphor. VIII.

**EST ARBITRARIA**) Distinguenda sunt perjuria extemporanea a praemeditatis, ab initio commissa ab iis, quae ex intervallo fiunt. Extemporanea plerumque impunita manent. Praemeditata puniuntur, & quidem ea, quae ab initio talia sunt, si lucri causa in judicio fiunt, ut & violationem iurphedæ abscissione digitorum puniri jubet Nemo Carolina. Sed hanc poenam mores in posteriori solum specie servant. Reliqua perjuria arbitraria puniunt. In duobus tamen casibus perjurium ultimo supplicio afficitur. I) Si praemeditato consilio quis perjurio effecit, ut innocens vitam amitteret. II) Si iurphedam tertia vice violat **CARPZOV. Qu. Crim. XLVI.**

### Aphor. IX.

Magiam quadruplicis generis statuunt I) Con-  
Ecc jun-



junctam cum pacto expresse cum diabolo II) Con-  
 junctam cum foeda commixtione cum diabolo.  
 III) Si incantationibus alicui damnum illatum.  
 IV) Si incantationibus & superstitiosis rebus quis  
 absque alterius damno studet. Tres priores spe-  
 cies capitali poena subiciebant olim nostrates, for-  
 san auctoritate Juris Canonici, quod hæreticos &  
 apostatas igni tradit. Sed experientia docuit, du-  
 as priores species plerumque in figmentum abiisse,  
 hominesque vel somniis, vel melancholia, vel aliis  
 causis seductos esse, ut pacta & commixtiones cum  
 Diabolo sibi imaginarentur. Quare judicis est,  
 ut caute procedat, ubi de tali delicto sermo est, &  
 prius medica, quam jurídica remedia ad malum  
 extirpandum adhibeat. Cæterum justam omni-  
 no poenam luunt non illi solum, qui aliis nocent  
 improbis artibus, sanitatemque & vitam, ut & fa-  
 cultates eorum periculo exponunt, sed illi etiam,  
 qui res superstitiosas tractant, & dignitati atque  
 gloriæ Dei detrahunt.

### Aphor. XII.

AUT IN VXOREM DUCERE) Ita ut jus eli-  
 gendi sit penes stupratorem, non penes stupratam,  
 quippe quæ illud jus stupratori nulla ratione adi-  
 mere potest. Sic dotem non accipit, si nuptias renuit,  
 si ab eo stuprum patitur sciens, cum quo matri-  
 monium contrahere nequit WERNHER. P. IV.  
 Obs. CXLIV. si pendente lite alii nupserit IDEM  
 P. VIII. Obs. CCXII. imò & infans, si ante con-  
 demnationem stupratoris moriatur stuprata, do-  
 tem petere nequit IDEM P. VI. Obs. CCCXXX.

Præ-

Præterea onus dotandi cessat, si vel meretricis instar corpore quæstum fecit, vel ipsa stupratorem seduxit. Onus vero alendi infantem citra omnem distinctionem stupratori incumbit, modo, eum stupratorem esse, constet.

### Aphor. XIII.

PER VIM STUPRUM ) Generatim stuprum violentum committitur in non consentientem, ut sic nil intersit, siue refractaria per vim externam comprimatur, siue non refractaria, quæ tamen juris intellectu consentire plane nequit, v. c. infans, stuprum patiatur. Cum impubere vel demente non refractaria stuprum violentum non committitur. Quia tamen juris intellectu nondum plene & cum effectû consentire potest, stuprator graviores ordinaria poenam in se provocat. Cæterum stuprata, quæ vel refragatur, vel juris intellectu plane non consentit, poenam non luit, modo in priori casu probet, vim externam se esse passam. Et in urbe quidem stuprata, nisi cum clamore testificata sit, sibi vim fieri, idque probet, vel statim judicem adeat, præsumptionem consensus excitat. Idem juris est, si in agro vel locis remotis stuprata domum rediens se violatam non statim conqueritur.

### Aphor. XVI.

ADULTERIVM ) Idque de jure Civili consistebat in violatione thori alieni, siue concubitu cum aliena uxore, ut sic non nisi in nuptam committeretur, maritus vero cum soluta concumbens stu-

prum solummodo perpetraret *L. VI. §. I. L. XIII. §. I. sq. L. XXXIV. §. I. ad L. Jul. de adulter.* Verum cum indoli matrimonii conveniat, ut fides conjugalis reciproca sit, rectius nostri formale adulterii collocant in violatione fidei conjugalis dolosa, & sic uterque conjugum adulterium committere potest. Ut autem, ubi de puniendo crimine sermo est, conatus delinquendi ab ipso delicto distinguendus est, ita & in delictis carnis ad eum effectum, ut poena ordinaria locum habeat, ubique respicere debemus, an delictum sit consummatum, quod hic sigillatim fit per immisionem feminis in vas foemellæ, cum qua coimus. De hac itaque, ut certo constet, omnino requiritur. Qua occasione non convenit inter Doctores, an unius partis confessio sufficiat, ut corpus delicti certum sit, & confessus poenam ordinariam subeat. Non tamen dubitant Icti Jenenses, quin confessum, etiamsi alterius socii criminis confessio desit, condemnent, si modo aliunde de adulterio commisso simul constet. Nec video, quid huic sententiæ cum effectu objici possit, cum omnis confessio qualificata confitentem oneret. Per se tamen patet, unius confessionem solam per se alteri nocere non posse, nisi sub tormentis facta sit. Imo ne tum quidem plene convincit, sed præsumptionem solum urgentem operatur veritatis, quæ torturæ etiam ex parte non confitentis locum facere potest.

### Aphor. XVII.

Actio civilis) Quæ id habet singulare, ut  
ne-

necesse non sit, plenam adulterii commissi probationem suscipere, sed præsumptiones hic sufficient *c. XII. X. de Præsumt.* & sollicitatio alienæ foeminae, cum ea ratione fides conjugalis jam læsa, iustaque causa adsit divertendi.

### Aphor. XIX.

MITIGATUR POENA ADULTERII) Generatim, ut poena adulterii ordinaria locum habeat, hæc concurrant necesse est I) Fines matrimonii cum conjugate obtineri posse II) mutuam fidem ab altera conjugate exhiberi III) & nihilominus eandem ab altera conjugate violari dolose, nec IV) injuriam a parte læsa remitti. Ad quæ capita casus in §o nominatos pluresque alios facile revocaveris.

QVOD DUPLICATVM VOCANT) Eaque remissio sive condonatio fit vel expresse, quando læsus judicialiter intercedit, seque injuriam remittere legitime declarat, atque eatenus nil interest, sive pure sive conditionate remittat. Quod ultimum quidem ex rationibus non contemnendis in dubium vocat WERNHERVS *P. III. Obs. XL.* sed in Praxi tamen contrariam opinionem locum habere fatetur in *Supplem. ad d. Obs. Vol. III. p. 764.* Eodem modo facta remissione cessat poena ordinaria, etiamsi pars lædens eam acceptare nolit CARPZOV. *Qu. Crim. CV. n. 126.* BERGER. *Elect. Pr. Crim. cap. II. membr. IV. §. I. n. 5. in fin.* Vel etiam fit tacite, quorsum pertinet, si pars læsa sciens lædentem in thorum iterum recipiat, vel etiam ante mortem de vindi-



canda injuria non conqueratur WERNHER, P. II. *Obs. CCCCLXIV.* Nec Jure Communi ulla in hoc argumento locum sibi inter adulterium simplex & duplicatum vindicat distinctio SCHILTER, *Ex. XLVII. §. XCII.* BERGER, *d. l. & Oec. Jur. p. 822. in fin.* Sed in utroque casu poena ordinaria cessat, non ex parte solum lædentis, sed etiam ex parte ejus, qui cum lædente carnalem copulam exercuit CARPZOV, *Qu. Crim. LV. n. 122. sqq.* WERNHER, P. VIII. *Obs. CCCCXLV.*

### Aphor. XX.

CONSUMMAT ) Bigamiæ crimen ab adulterio non nisi specie differre, res ipsa docet. Formalem tamen rationem criminis Carolus V. in *art. CXXI.* posuit in *ιστολογία*, & ideo gravius id ipsum adulterio esse crimen judicavit. Quod principiis quidem Canonici juris & doctrinæ de sacramento matrimonii convenit. Ex nostris autem principiis formale criminis non tam in violatione sacramenti, quod non agnoscimus, quam in violatione fidei conjugalis ponendum erat. Quapropter dubium non est, quin ea, quæ de adulterio cum puniendo, tum condonando, dicta sunt, recte huc applicentur. THOMASIVS *Diff. de crimine bigamie & de præscriptione bigamie.* Imo Juris prudentia Saxonica eatenus consentit, ut non benedictioni sacerdotali, sed copulæ carnali effectum ultimi supplicii tribuat CONST. ELECT. XX. P. IV. Quapropter, ut extra Saxoniam intercessio & remissio læsi recte poenam mitigat WERNHER, P. I. *Obs. CXXXIII.* ita & eam in Saxo-

Saxonia eundem effectum habere debere agnoscit. *P. I. Obs. CLXXXIX. P. III. Obs. XCI.* Præterea ex iisdem fundamentis crimini intra quinquennium præscribi, recte defenditur.

### Aphor. XXI.

**CONJUNGI PROHIBITVS**) Incestus poena, ceu ex exemplis subjectis apparet, semper arbitraria est, nisi primo commissus inter ascendentes & descendentes sanguine junctos, & secundo in reliquis casibus cum adulterio concurrat, ex moribus provinciæ morte expiando. Tum enim ultimum supplicium locum habet. In poena arbitraria vero dictitanda incestum, qui in prohibitionem juris divini incidit, ab incestu, qui contra prohibitionem juris humani committitur, distinguere jubet Praxis, eo fine, ut posteriori in casu semper mitior poena adhibeatur.

### Aphor. XXV.

**CAPITALIS**) Hæc, ut dictitari possit, adesse debent sequentia. I) Raptam esse personam honeste viventem. Raptus meretricis in crimen vis privatæ solum incidit. II) Non consentientem. Nam vis præcise non requiritur, sed sufficit persuasionibus inductam, ut consentiret, vel eam, quæ juris intellectu consentire nequit, raptam esse. III) Ex loco in alium locum abductam. IV) Libidinis gratia. Hæc si aderant, de jure civili ipse raptus poenam capitalem producebat, siue concubitus esset secutus, siue non, siue rapta postea consensisset, nec ne. Sed ex jure Canonico vi *cap. fin. X. de raptor.* poena mitigatur, si matrimonii cau-

sa raptum quis fecerit, si concubitus non secutus sit, ubi fieri potuisset, si denique postea rapta in matrimonium consentiat.

### Aphor. XXVII.

**SODOMIA**) Quæ triplex est, & consistit in copula carnali, quæ fit vel contra naturam generis, vel contra naturam sexus, vel contra ordinem a natura præscriptum. Tertia species peccatillis plerumque annumeratur, & neque attentione neque poena judicatur digna. Secunda Romanis erat delictum extraordinarium. Hodie & secunda & prima species morte expiatur. Reliqui impudici actus arbitraria poena subsunt.

### Aphor. XXVII.

**CONCUBINATUS**) Hic Jure Mosaico & Romano hac distinctione toleratus, ut illo & veræ uxori concubinam superinducere liceret, hoc concubinatum matrimonio addere prohibitum esset, nulla poena suberat, sed intentione verum matrimonium erat, omnesque obligationes naturales producebat, effectu autem legali destituebatur, & neque concubinam uxorem legitimam, neque partum ex concubina susceptum legitimum efficiebat. Ipsaque concubinitus Romanorum littera characteristica in eo quærenda erat, quod in concubinato neque pacta dotalia, neque solennis in domum deductio interveniret. **THOMASIVS** *Diss. de concubinato*. Sed hodie, cum Reip. intersit, ut omnia ordine fiant, & matrimonia certa atque legitima sint, omnis viri & mulieris con-  
jun-

unctio, absque solennitatibus a jure humano præscriptis peracta, illegitima & illicita est, poenaque arbitraria coercetur.

### Aphor. XXIX.

QVAESTVM SIBI FACIT ) Quod formale est criminis, & eo effectu requiritur, ut poena ordinaria locum habere possit. Sin gratis fiat lenocinium, & in iis casibus, quæ alias ultimo supplicio afficiuntur, poena ordinaria cessat.

### Aphor. XXX.

DOLO OCCIDITVR ) Omne homicidium, ut poena capitalis dictitari possit, prærequirit proæresin alteri nocendi instrumentis, ad perpetrandum homicidium aptis, extra casum necessariæ defensionis. Nam, qui damni irreparabilis causa, quod ab alio imminet, ad hujus internecionem progreditur, impunis est, si limites defensionis non excedat. Ut autem hi servati possint dici, adesse debent I) alterius aggressio, II) quam nos ipsi non provocavimus, III) ita comparata, ut damnum irreparabile vel vitæ vel bonorum inde immineat, quod IV) nulla ratione evitare possumus, nisi nos ipsos dare velimus præcipites. His concurrentibus neque necesse est, ut fugiamus, neque, ut prævenire nos alterum sinamus. Porro, qui casu interficit, impune dimittitur, ubi tamen semper respiciendum est prius, anne culpa aliqua casum præcesserit, quæ pro gradu negligentiae arbitrarie coerceri solet. Quod autem nunc ad homicidium proæreticum attinet, illud est vel qua-



lificatum, vel simplex. Illud committitur, quando quis in vitam alterius directo, eaque intentione, aliquid molitur, ut mors sequatur, idque etiam insidiosum solemus vocare homicidium. Ejusque species sunt latrocinium, assassinium, veneficium, parricidium, pluraque alia crimina. Simplex homicidium est, quando quis non ea quidem intentione, ut alterum interficiat, animo tamen illi ejusmodi instrumentis, ex quibus mors sequi potest, nocendi, cum eo congreditur, & mors ex læsione sequatur. Sic vero, ut poena mortis applicari possit, tria requiruntur. I) animus nocendi per instrumenta lethifera, II) læsio subsecuta, ex qua III) mors provenerit. Si vero genus armorum tale reperiat, ex quibus mors sequi potuit, morsque secuta sit ex læsione, animus occidendi præsumitur, & homicidii reus vel eum probatione contraria elidere, vel poenam mortis subire debet. Invaluit autem præterea, ut inquirent prius iudices, utrum ex læsione mors secuta sit. Quod in se non improbo, quatenus res dubia est. Si tamen mors statim & in continenti sequatur læsionem, supervacuam, existimarem, hanc esse pervestigationem.

### Aphor. XXXIV.

MORTEM SIBI CONSCIVERIT) Reliquam omnem autochiriam, vel ex tædio vitæ, vel ex impatientia doloris, vel jactationis etiam causa susceptam, Romani principiis Stoicorum innutriti delictis non annumerabant. *L. III. §. VI. D. de bon. eor. qui ante sentent.* Hodie ex principiis Chri-

Christianæ religionis autochiriam tolerare non possumus, deliberato animo susceptam. Cessat tamen publicatio bonorum, & in cadaver potius animadvertere solemus, pro circumstantiarum varietate, mox gravius, mox mitius.

### Aphor. XXXVI.

SEV GLADIUS) Quod autem hoc in delicto mandans mitius puniatur mandatario, id inde est, quia major dolus in causa Physica, quam morali deprehenditur. Potuit enim, qui conduxit, perturbatione animi tale quid audere, qui vero operam locat, sola cupidine habendi alteri necem intendit.

### Aphor. XXXVIII.

IN LIBEROS) Sigillatim huc pertinet infanticidium in recens natum commissum. Et hoc, quia occulte peragitur, ex his conjecturis præsumitur peractum, si criminis rea uterum celavit, & clam peperit. *C. C. C. art. CXXXI.* Eaque indicia torturæ locum faciunt, ob præsumptionem juris, partum vixisse. Hanc itaque, ut elidat infanticida, aliis argumentis demonstrare debet, partum mortuum a se esse editum. Unde merito partus a prudentibus Medicis & Chirurgis est inspicendus, non ideo, ceu putant, ut constet, an vixerit, hoc enim jam præsumitur, sed ideo potius, ut appareat, an perfectus fuerit, & unde mortuus.

CULEI SEV SUFFOCATIO) Alia vero olim fuit poena culei, alia poena est suffocationis. Culei poena, docente GUTHERIO *de jur. man. Lib.*

*Lib. I. cap. IX.* ita peragebatur, ut culeo ex corio confecto insueretur delinquens, injectis simul cane, gallo gallinaceo, vipera & simia, quibuscum deiceretur in mare profundum *L. VI. pr. D. ad L. Pompej. de parricid. L. un. C. de his, qui par. vel liber. occid.* Quo ipso Romani significabant, ejusmodi hominem non solum omnium elementorum usu esse excludendum, sed etiam ex injectione bestiarum, quæ in propria viscera sævirent, & reum & alios cognoscere debere, quam foedum crimen esset commissum. Hodie vero alia plane ratione suffocatio in aquis peragitur, Conf. HEIL. *Jud. defens. in Proc. Inquis. cap. VI. p. 489.*

### Aphor. XXXIX.

VIVVS COMBVRATUR ) Quæ poena Jure Romano in eos solum statuta videtur, qui incendium in urbe fecerunt *L. IX. L. XII. §. I. de incend. ruin. L. XXVIII. §. XII. de poen.* Sed hodie indistincte, sive quis in urbe, sive quis in agro aut via publica incendium fecerit, poena ignis locum habet, ita tamen, ut in posteriori casu poena gladii prius exequi, cadaver vero flammis absumendum tradi soleat.

### Aphor. XL.

VIS PUBLICA ET PRIVATA ) Generatim hic intelligimus violentiam, quæ tranquillitatem & securitatem publicam lædit. Eaque sigillatim, quæ fit armis, publica, quæ sine armis, privata vocatur. Verum etiam publica vis infertur vel a persona publica, vel personæ publicæ, vel in lo-

co publico. Vix tamen casus existeret, ut vis per se poenam operetur, cum regulariter aliis delictis accedat, & eatenus efficiat, ut gravius puniatur crimen, quam si violentia non accessisset. Exempla sunt in furto, in stupro violento, in raptu, in diffidatione, in seditione. Atque his in casibus poena semper certa est. Quatenus vero vis per se subsistit, atque in crimen nominatum non cadit, semper arbitrarie puniri solet. Plane, qui coadunatis hominibus vim facit, in crimen fractæ pacis publicæ incidit. Publicam enim pacem sancte servari, & quemlibet a privata dictione abstinere jussit Maximilianus I. poenamque in contravenientem capitalem statuit, si præsens est, absenti bannum Imperii minatus est, utque demum copia judicis semper adesset, Cameram Imperii instituit CARPZOV. *Pr. Crim. Qu. XXXV. sq.* GAIL. ET DATTIVS *de pace publica.*

## Aphor. XLIII.

CRIMEN FALSI ) Omnis falsi litera characteristicæ consistit I) in veritatis immutatione II) dolose III) in tertii præjudicium facta. Quia tamen de Jure Romano non omne falsum lege publica notatur, nec omne falsum in crimen falsi incidere existimarent, sed id solum, quod lege Cornelia nominatim esset expressum. Hodie vero nil interest, sed omne falsum incidit in poenam publicam & legitimam. Sigillatim committitur vel in persona, vel in re. Id, quando aliam personam simulamus. Hoc, quando falsis documentis utimur, vera documenta mutamus, falsis



falsis mensuris & ponderibus utimur, vid. MENCKE *Uf. Theor. Pr. Dig. de L. Cornel. de fals.* BEYER. *ad Ord. Crimin. art. CXI. seqq.* BERGER. *Elect. Crimin. p. 71. seqq.* Poena igitur semper est arbitraria. Potest tamen locum habere ultimum supplicium, 1) si quis falso testimonio effecit, ut quis capite damnaretur *L. I. §. I. ad C. Cornel. de sicar.* 2) Si quis falsam monetam conficit.

### Aphor. XLIV.

MUTILANDO DEMINVENTIVM ) Cum Reipublicæ omnino interfit, ut proba moneta conservetur, & Principis sigillatim jus sit, rem monetariam sibi vindicandi, & Reipublicæ nomine civibus evictionem de pretio eminenti præstandi, necesse omnino est, ut gravis poena in eos statuatur, qui monetam quacunque ratione adulterant, atque æstimationi Principis detrahunt, cum re ipsa crimen læsæ majestatis committant. Sunt autem varii casus distinguendi, qui aliam atque aliam poenam operantur. Poena ignis dictatur, si quis materiam & bonitatem intrinsecam Schrot und Korn adulterat, & falsam monetam simul expendit. Si non simul expensa moneta, pro re nata poena gladii vel fustigationis locum habet. Eademque etiam applicatur, & cadaver igni injicitur, si quis quidem ipse non cudit, typos tamen dolo malo fecit, & falsario suppeditavit. Cæterum, si moneta quoad formam solum, vel quoad pondus mutatur, si porro quis monetam in fornace resolvit, si quis falsam monetam a fabri-

bricatore sciens accipit, & iterum expendit, poena ubique arbitraria est. CARPZOV. *qu. Crimin. XLII.* BRUNNEM. *ad L. II. C. de fals. monet.*

## Aphor. XLV.

OFFICIUM FACERET) Et eatenus, quia formale criminis in eo consistit, quod quis pretio interveniente officium compensare patitur, quod gratis exhibere debebat, nil interest, siue offerens bonam siue malam causam habeat, siue ante officium praestitum siue postea quis accipiat intuitu officii, siue ipse, siue per familiam acquirat. Extra causam officii vero tantum abest, ut quis accipere nequeat, quin potius leges ejus, quod eo nomine promissum est, exactionem permittant *L. un. C. de suffragiis.*

## Aphor. XLVI.

FRAUDATAE ANNONAE) Quod Jure Romano a crimine Dardanariatus erat distinctum, & hoc criminibus extraordinariis, illud judiciis publicis annumerabatur. Vix autem, quæ fuerit utriusque differentia specifica, certe confici potest. Utrumque enim id dicitur, quod caritatem annonæ, aliarumque rerum, quæ ad victum humanum spectant, inducit. vid. tamen BEYERVM *ad tit. Digest. de L. Jul. de annon.* Hodie nullum discrimen observatur, sed poena pro ratione circumstantiarum est arbitraria, & ad capitale supplicium usque accrescere potest, si quis per vexationem annonæ effecit dolo malo, ut fame perirent subditi.

Aph

## Aphor. XLVII.

FURTUM PUBLICUM) Et hodie etiam a furto non nisi specie distinguitur, quia per ablationem pecuniæ publicæ committitur. Quare dubium non est, quin eadem poena, ac in furto, locum habeat.

## Aphor. XLVIII.

EST CAPITALIS) Et gravior quidem furto simplici. Sed, si discesseris a præjudicio, rei sacræ cohærere characterem indelebilem, iterum a furto non nisi specie distinctum, & poena furti coerendum est BRUNNEMANN. *Proc. Inquis. cap. IX. n. 87.*

## Aphor. XLIX.

POENA EXTRAORDINARIA) Quod inde esse dicunt, quia res ex aliena custodia non auferitur L. LV. §. I. D. de administr. tutor. Cumque sic formale furti desit, poenam furti locum habere negant. Sed, si dicendum quod res est, non furtum solum committit, qui, quod in rationes referre debebat, sibi retinet, & in usus suos convertit, sed & præterea delictum furti cum perjurio cumulat, ut sic majori poena omnino afficiendus esset. Interim mitius agere solent legislatores cum his administratoribus, quia occasio furandi sese sponte offert, & ideo in legibus provincialibus ad eum effectum, ut perfidus administrator capite plecti possit, paulo maiorem summam eum surripuisse, & in usus suos convertisse, requirunt. De Saxonia Electorali vid. *Introd. ad Jus Saxonic. P. III. Sect. III. Ex. III. §. XIX.*

Aph.

**Aphor. L.**

**CORRUPTIS SUFFRAGIIS**) Non igitur simpliciter in crimen incidit, ambire munera, sed crimen est, ambire munera corruptis suffragiis, & quidem iis, quæ decisiva sunt. Ex quo quidem patet, frequentius esse hoc crimen in Rebuspublicis, ubi ex suffragio vel singulorum vel majoris partis munera deferuntur, quam ubi Princeps honores & munera dispensat. Non tamen ideo plane cessat apud nos crimen ambitus. Quamvis enim Principes ipsi tolerant, ut pretium intervenire possit, si quis ad munus a Principe conferendum adspiret. Ubi tamen officiorum dispensatio Collegiis inferioribus competit, vix impune fert ille coemptionem suffragiorum, qui hac ipsa, ut sibi committeretur officium, effecit.

**Aphor. LI.**

**SACERDOTIVM PRETIO SIBI COMPARAVIT**) Proprie crimen Simoniae non committitur, nisi ab eo, qui dona spiritualia pecunia comparare studet. Id enim fecisse Simonem magum, constat. Sed ex mente Pontificiorum tale crimen perpetrant omnes illi, qui rem spiritualem, quam Ecclesia talem esse jussit, pro re temporali comparant. Ut sic, prouti res spirituales apud Pontificios in plures species abeunt, & crimen Simoniae multifariam committi possit. Primaria tamen ejus species est, quando quis officium Ecclesiasticum, pretio interveniente, vel simili re temporali intrat. Nam id maxime Clericum curare debere putant, ut ad munus subeundum divinitus vocetur. Indeque fit,

Fff

ut



ut alicubi locorum parochus prius vix admitti soleat ad munus Ecclesiasticum, quam juraverit, se nihil pro sacerdotio dedisse. Qui contra fecit, ab officio removetur, patronus vero accipiens excidit jure patronatus, Conf. BÖHMERI *Diff. de involucriis crimin. Simon. detect.*

### Aphor. LI.

LIBERI HOMINIS SUPPRESSIONE ) Quod crimen Romani vel ideo peculiari lege notabant, quia, cum res inestimabilis surrepta esset, actio furti civilis ad poenam pecuniariam exsolvendam locum habere non poterat. Cæterum re ipsa plagium est species furti, ideoque animus lucrificiendi adesse debet. Modo tamen hic adfit, poena capitalis simpliciter dictatur. Quam præterea Interpretes hic commemorare solent plagii speciem, quod literarium vocatur, quamque poenâ subesse dicunt, eam tum admittimus, quando quis forsan alterius manuscripta surripuit, & pro suis venditavit. Qui vero libros publici juris factos suppresso Auctoris nomine exscribit, extra crimen est, sibi que solum imputare debet, quod existimationi suæ desit.

### Tit. XXIX.

De remissione poenarum & abolitione delictorum.

### Aphor. I.

A DEOQUE JUS AGGRATIANDI ) Sed jus aggratiandi proprie ab abolitione criminum differt, quamvis hæc ex illo fluat, & uterque actus non nisi a Principe & superiori exer-

exerceri possit. Nam jus aggratiandi generatim est facultas, principi competens, delicti reum jam condemnatum a poena promerita vel plane, vel alia in ejus locum substituta, eximendi. Abolitio criminis vero est jus, delicti reum nondum confessum, nec convictum, nec condemnatum a processu inquisitorio eximendi. Itaque ibi causa jam plene cognita atque peracta est, hic cognitio primum incipit. Ibi tollitur poena, hic inquisitio. Sed, ut hæc e medio tollatur, regulariter præsupponunt, rem esse in tali causa, ut nondum constet certo de corpore delicti. Conf. STRYCK. *Disp. de abolit. Princip. cap. I. n. 30.* Cæterum neque dispensatio, neque abolitio facile conceditur, nisi pretium interveniat.

PLANE SINGULARES CONCVRRANT CIRCUMSTANTIAE) Verum enim vero, aut Jus divinum universale poenam certam determinat, aut non. Si illud, Princeps humanus, quia non est supra sed infra legem universalem, nunquam dispensare potest. Sin hoc, non video, cur plane singulares circumstantiæ ad effectum dispensationis peragenda adesse debeant. Et ne quid dissimulem, Jus universale poenas certas & determinatas omnino nescit. Sed in genere solum poenam minatur. Quam, cum Princeps pro lubitu determinare potest, pro lubitū etiam iterum remittere poterit. Ne tamen Princeps existimationi suæ desit, legesque poenales ludibrio exponat, res ipsa exigat, ut eo usque in dispensando difficilis sit, quousque in Rempubicam ipsam utilitatem ex dispensatione redundare non didicit. Omnis enim legumlatio Reipubli-

cæ causa fit, inde vero consequens est, & eo in casu, ubi de vigore legis suspendendo sermo est, ad Rempublicam primario esse respiciendum.

### Aphor. III.

MITIGATIO ALIQUA VEL ETIAM TRANS-  
MUTATIO) Cum Auctor noster utrumque JCti  
& judicis esse asserat, denuo præcaveamus necesse  
est, ne promiscua horum actuum usurpatio nos  
fallat. Mitigatio enim poenæ non est jus privati,  
sed huic eatenus solum permessa, quatenus lex eam  
sigillatim concessit *L. VIII. in fin. C. ad L. Jul. de  
vi public.* Juvat tamen, ut poenas certas a poenis  
arbitrariis distinguamus. In iis, ut dixi, judex  
quid durius aut remissius tacente lege constituere  
nequit. Ex his vero, quando dictitat eam, quam  
delicto proportionatam credit, non mitigat pro-  
prie, sed jure suo utitur, & id agit, ut talem ex  
intentione legislatoris eligat, quæ satisfactioni Rei-  
publicæ præstandæ sufficit. Id enim generatim  
judex agere debet, ut poena delicto proportionata  
infigatur. Quod ut fiat, circumstantias loci, tem-  
poris, personarum, & similes probe ponderat, & ob  
idem delictum diversis personis diversam poenam  
dictitat, æque gravem tamen, & fini poenarum  
convenientem. Certe omnis poena eo tendit, ut  
salus & tranquillitas publica salva conservetur, &  
alii exemplo aliorum deterreantur, arbitraria vero  
præter fines allegatos & sigillatim hunc finem ha-  
bet, ut delinquens corrigatur. Et hunc forsan ju-  
dex facilius ob delictum, quod in rustica gente  
poena corporis afflictiva expiandum erat, obtinet  
poena

poena pecuniaria, si de puniendo viro honesto sermo sit. Ex his vero patet, diversa esse mitigationem poenæ, & electionem poenæ ex pluribus arbitrariis. Ab utraque diversa iterum est transmutatio poenæ, de qua Auctor loquitur. Nam præsupponit ille casum, poenam jam ex arbitrariis certam delinquenti dictatam, eamque postea in aliud poenæ genus commutandam esse. Et hoc jus iterum privati hominis non est. Sed poena ex arbitrariis electa desinit officium Jcti & judicis, nisi ex novis defensionis subsidiis oblatis & causa denuo cognita appareat, ex capite justitiæ cum reo mitius agendum esse. Invaluit tamen usu fori, & ex conniventia Principum, nonnunquam etiam lege publica permittitur, ut judex poenæ, jam dictitæ, si corpus non affligit, aliam æque gravem substituere possit. De quo argumento, quid in Saxonia Electorali juris sit, vide *Introd. ad Jus Saxon. P. III. Sect. III. Ex. I. §. XIII. sq.*

#### Aphor. IV.

Doctrina de præscriptione criminum breviter eoreddit. Prætoriae actiones poenales regulariter sunt annales *L. V. C. de injur. L. II. §. XIII. de vi bonor. rapt. L. I. pr. de calumn.* Civiles per viginti annos durant, quatenus criminaliter agere lex permittit. *L. XII. D. ad L. Cornel. de falsis.* Nec plane hodie cessat hæc distinctio. Sed sigillatim in causis injuriarum præscriptio annalis locum habet. In reliquis vero omnibus terminus viginti annorum usu venit, quia actiones poenales privatae cessant, magisque persecutio criminalis sibi locum vindicat.



Duplicem quidem, ut ex Auctore discimus, regula patitur limitationem, sed quod delicta carnis attinet, quinquennalis præscriptio non aliter prodest, quam si per se subsistunt, nec cum alio crimine conjuncta sunt. Aliud enim crimen, quando ad delictum carnis accedit, v. c. violentia ad stuprum, incestus ad adulterium, id simul efficit, ut terminus viginti annorum omnino duret.

Lib. IV.

De Ratione & modo jus suum persequendi in judicio.

Tit. I.

De Transactionibus.

Aphor. I.

**V** T AMICABILITER TRANSIGATUR )  
 Quod etiam in quibusdam Ordinationibus processualibus judici prius expediendum iungitur, quam partibus viam ad deductionem jurium aperiat. Quamvis, si judex officium suum hac in parte negligat, processus nullitate haut laboret. Non enim ad esse & substantialia processus tentatio amicabile compositionis pertinet, tanquam remedium impediendi processum, WERNHER. *P. I. Obs. CCXXIV.* Sic vero judex in conscientia solum peccat ZIEGLER. *Dicastic. cap. XX. §. VI. seq.* &, si lex poenam minata est, simul punitur. Quando autem, quod omnino facere semper deberet, de transactione sollicitus est, duo evitet extrema. Primo partes, si effectui destitui videat amicabilem compositionem, ad transactionem

nem non cogat. Consensu enim perficitur trans-  
 actio, qui coactionem non admittit. Et, quemadmo-  
 dum dici solet, pax est bonum suasibile non compul-  
 sibile. Minimum eousque liberum cujuslibet debet  
 esse arbitrium, quousque utilitatis publicæ ratio co-  
 actionem non suadet STRYCK. *in Not. ad Lau-*  
*terb. tit. de transaction. SCHILTER. Ex. IX. §.*  
*XXV.* Deinde caveat, ne negligenter versetur  
 in tentanda amicabili compositione. Alias enim  
 finem ipse actus exoptatum haut habebit. Sigil-  
 latim igitur fata & pericula litis diligenter expō-  
 nat, moneatque partes, haut prudenter committi  
 fortunæ arbitrio, quod per concordiam obtineri  
 potest. STRYCK. *Introd. ad Pr. Forens. cap.*  
*II. §. II.* Curet etiam, ut & ipse de meritis cau-  
 sæ notitiam acquirat. Iubeat porro, Advocatos  
 abesse. Verbo, talem se gerat, ut quilibet co-  
 gnoscat, malle cum finem litis, quam perpetuum  
 processum.

### Aphor. II.

CONVENTA DECISIO) Requiritur igitur I)  
 causa dubia & controversa *L. I. D. de transaction.*  
 Sufficit tamen, transactionem fieri litis evitandæ  
 causa, utut non fiat in lito *L. LXV. §. I. de con-*  
*dict. indeb.* Et sic generatim, quando res adeo  
 certa non est, quin dubia admittat, transactio va-  
 let. Quare dubium non est, quin & hodie post  
 rem judicatam, quod olim non permittebatur *L.*  
*XXIII. §. I. Eod. L. XXXII. C. de transaction.*  
 locum habere possit. STRYCK. *Us. Mod. D. tit.*  
*de transaction. §. VII.* Requiritur II) ut ali-

quid detur, vel remittatur, vel retineatur. Si enim totum datur, quod alter petit, solutio potius adest. Sin totum retinetur, donatio fit. Non tamen ideo proportio intuitu rei desideratur, de qua transigimus. Nam hæc vel ideo servari nequit, quia objectum transactionis incertum est. Cæterum, licet transactio non valere possit, ut transactio, valebit tamen ut pactum add. GUNDLING. *Diff. de transaction. stabilit. & instabil.*

### Aphor. III.

QVI AD PACISCENDVM) Et generatim non errabis, si quæ pactis omnibus communia sunt, ad transactionem applies, quatenus vel lex vel natura rei aliud non postulat, sive personas paciscentes, sive objectum transactionis, sive modum transigendi respicias. Sigillatim, cum transactio alienationem involvat, transigentes facultatem disponendi & alienandi habere debent. Objectum, de quo transigimus, rem esse debere privati arbitrii, per se patet. Consensum requisita Juris Naturalis habere debere, ut obligatio inde oriatur, nemo in dubium vocare potest. Hoc unum addam necesse est, naturam transactionis, quia hæc ipsa renunciationem simul involvit, non admittere interpretationem extensivam, sed ita semper explicandam esse, ut in dubio ei, qui jus suum remisit, quam minimum decedat L. XLVII. §. I. *de pact.* L. XXXI. C. *de transaction.* Indeque fit, ut & transactionem generalem ad ea solum restringamus, de quibus transigentes tempore transactionis verosimiliter cogitarunt, nisi ita generaliter concepta sit transactio, ut commode non admit-

mittat restrictionem. Nam tum minimum præsumptionem operabitur contra eum, qui generaliter locutus est, donec id, quod in transactione esse negat, demonstret, ad non cogitata pertinere *L. XII. D. de transact.* vid. LEYSER. *Spec. XLVI. med. X.*

### Aphor. III.

IN SPECIE AUTEM HIC NOTES ) Sed non opus est, ut in dijudicandis casibus specialibus a principio, vi cuius transactionem alienationem diximus, recedamus. Hanc enim veritatem satis clare loquitur *L. I. §. IX, si quid in fraudem patrone.* Sic vero recte defendimus, omne, qui facultatem alienandi habent, habere quoque facultatem transigendi, sicuti nec dubium esse potest, quin, qui certam in alienationibus convalidandis formam adhibere debet, hanc in transactione omittere nequeat. Itaque tutor non simpliciter, sed servato bonorum pupillorum discrimine transigit, & jus quidem pupilli dubium, non vero manifestum remittit. *L. XLVI. §. VII. D. de administr. & peric. tutor.* Ita maritus de bonis uxoris paraphernalibus transigit quidem, modo tamen ipsa prædia paraphernalia conservet. BRUNNEMANN. *ad L. LVIII. D. de procur.* Ita pater etiam de bonis liberorum adventitiis iis in casibus, ubi ipsi alienatio permittitur, transactionem init.

### Aphor. V.

TRANSIGERE LICEAT ) Quod inde esse dicunt, quia transactio præsupponit rem dubiam,



relicta autem in testamenta statim certa fieri possunt, tabulis inspectis. Verum, ut hæc ratio omnino fallit, dum & post inspectionem tabularum plura remanere possint dubia, controversiis obnoxia, ita, rationibus probe subductis facile apparet, *L. VI. D. de transaction. explicandam esse, ex L. I. D. testament. quemadm. aperiant.* Nam posterior non simpliciter prohibet transactionem, eamque irritam declarat, sed jubet potius, ut, si ex partibus transigentibus alter inspectionem tabularum prius desideret, quam transigat, ipsi inspectio non denegetur, vid. *COCCEJVM Jur. Civil. Controv. Lib. I. qu. V. GUNDLING. Diss. de transact. verb. testam. non inspect. cap. III.*

### Aphor. VI.

**HABET LICET TRANSIGERE**) Rem, de qua transigimus, privati arbitrii esse debere, jam supra diximus. Nemo enim pacto efficere potest, ne leges valeant. Nonnunquam vero lex transactionem de re in totum & indistincte prohibet, aliquando si certa solennia sint adhibita, permittit. Ad classem primam pertinet transactio de causis ecclesiasticis & matrimonialibus, ad posteriorem transactio de alimentis & delictis. Et alimenta quidem, quia transactione conditio alimentarii deterior fieri potest, transactionem non admittunt, nisi cognita, & approbata causa, ita quidem, ut sola judicis confirmatio non sufficiat *BRUNNEMANN. Cent. II. Decision. LXXV.* nec renunciatio valeat, nec juramentum defectum auctoritatis judicialis suppleat. Quotiescunque vero causa prohibitionis cessat, transactio etiam extra-judi-

judicialis valet. Sic de alimentis præteritis recte transigimus. Sic etiam per accidens ejusmodi transactio subsistit, quando ille, cui alimenta destinata sunt, conditionem meliorem reddidit. Aliud exemplum prohibitæ transactionis extrajudicialis occurrit in *Ordinat. Proc. Saxon. Recogn. Tit. I. §. XIV.* dum iis, qui ad jura pauperum sunt admissi, vel ideo, ne privatim de lite transigant, interdicitur, quia & judicis & Advocati, qui gratis officium præstiterunt, interest, ne sportulis priventur, utque indemnitatem consequantur.

### Aphor. VII.

AVT SPONSALIA) Generatim causas Ecclesiasticas privatorum arbitrio esse exemptas, clare loquitur *c. IV. X. de pact. c. V. de rer. permutat. c. IV. sqq. X. de transaction.* Itaque & matrimoniales non sunt privati arbitrii. Quod nostrates ita explicant, ut transactio, in qua de matrimonio dissolvendo sermo sit, nunquam valeat. Et eatenus facile consentio, modo intelligamus casum, velle transigentes vinculum matrimonii jam consummati dirimere, quippe quod ipsis nulla ratione ob præjudicium inde in Rempublicam redundans concedi potest. Quod autem addunt, idem juris esse, si de matrimonio consummando sermo esset, & de sponsalibus de præsentibus, nec valere transactionem eo tendentem, ut inde oriunda obligatio cessaret, id ideo tolerari nequit, quia Jus Canonicum sponsalia de præsentibus a matrimonio diversa nescit, eaque sponsalia, quæ nos de præsentibus nominamus, re ipsa sponsalia

salia de futuro Juris Canonici, sive pactum de contrahendis nuptiis sunt, quæ tamen transactionem ex ipsa Juris Canonici dispositione admittere, late docet BÖHMER. *Diff. de incongr. Prax. distinct. inter sponsalia de præf. & de fut. in terr. Protestant.*

### Aphor. VIII. seq.

Omne argumentum de transactione circa delicta facile sic composueris; si a reatu læsionem distinguas. De læsione transactio semper licita est, quodcunque demum delictum læsionem produxerit. Nullibi enim prohibetur, ne quis juri suo renunciaret. De reatu vero transactio privatorum non valet, cum hic jus Reipublicæ concurret, quod privati pactione sua intervertere nequeunt. Sic vero transactio, quatenus in præjudicium fisci tendit, semper irrita est, nec satisfactio privata poenam publicam tollit, mitigat tamen eam iis in delictis, ubi judex in dictitanda poena respicere debet ad damnum læso illatum. Cæterum, qui de delicto non capitali transigit, fecte confiteri videtur, & præsumptionem delicti commissi excitat.

### Aphor. XI.

ET REI JUDICATAE.) In genere itaque argumentum a re judicata tum, si validitatem, tum, si rescissionem spectes, ad transactionem valet. Quare error, si intervenerit, per se non rescindit transactionem, cum & præterea in transactione res dubia, & quæ aleam continet, subsit, & sic in omni transactione unus erret. Nec enim rescinditur,

ditur, si postea species reperiatur, apud tertium, de qua transactio inita, quamvis a tertio ista species peti possit *L. XXIX. D. de transact.* Exemplum vide apud BERGER. *P. II. Resp. CXXVIII. add. LEYSER. Spec. XLVI. med. XI.* Tum tamen error parit rescissionem transactionis, quando apparet, nullam plane causam transigendi subfuisse, & tamen putasse alterum, causam adfuisse. Hoc enim, si manifeste probari possit, transactionem irritam facit *L. LXV. §. I. D. de condict. indeb.*

PECULIARIBVS POENIS NOTATUR ) Privatur nempe omnibus emolumentis ex transactione profluentibus, poenam promissam præstat, actionem antea competentem amittit, & infamis fit, modo tamen majorennis sit *L. XLI. C. de transaction.* Quod autem minor poenam non subeat, cum tamen transactionem violans in pari reatu esse videatur, id inde est, quia quidem majorenni æquiparatur, quatenus juramentum servandum est, non vero, quatenus poena in perjurium statuta est.

### Aphor. XII.

IPSO ERRORE CALCULI TRANSACTVM ) Æquitas tamen & analogia juris jubet, ut cogitemus casum, errorem calculi tempore transactionis patere. Si enim tempore transactionis lateat, & postea manifeste appareat error, iniquum certe esset, cum non admittere, maxime cum transactio, quamvis generalissime concepta, ad incognita trahi nequeat *L. XLVII. §. I. de pact. L. XXIV. & XXXI. C. de transaction.* Ita rem & *L. unic. C. de error. calcul.* interpretatur LEYSER. *Spec. CCCXXXIX. med. V.* IN-



**INFIRMATUR**) Imo & conditio ob turpem causam, si dolo inductus quis transegerit, & aliquid ex transactione præstiterit. Nam, licet transactio vires rei judicatæ habeat, causam tamen & quidem dubiam & contorversam subesse, omnino requiritur. Ubi vero dolus accedit, dici nequit, dubium aut controversiam subesse.

**MANIFESTE APPAREAT**) Sed cum hac sententia aperte pugnat *L. LXXVIII. §. ult. ad Scutum Trebell.* Nam, ut rescissio negotii ex *L. II. C. de resc. vendit.* locum habeat, requiritur omnino, tempore contractus rem certam æstimationem recipere, & læsionem eodem tempore adesse. Sed hæc ad transactionem nulla ratione applicari possunt, quippe cum non de re certa, sed dubia ineatur, & multum aleæ contineat, qualia negotia tamen per ea, quæ suo loco diximus, sub alleg. *L. II. C. de rescind. vendit.* comprehendere vix possumus. Cæterum Praxis tam extra Saxoniam, quam in Saxonia hæc principia deserit **VVERNHER. P. I. Obs. CLXXVII.** quod extrajudiciales transactiones attinet, in judicialibus vero querelam de læsione non admittit. Interim vel per se patet, & iis in casibus, ubi rescissionem concedunt, supponendum esse, utrumque transigentium de quantitate & valore rei, de qua transigimus, certiolem non esse redditum. Sin secus, læsio rescissionem non operabitur **LEYSER. Spec. XLVI. med. VII. RICHTER. P. I. Decis. XCIX. n. 70.**

Tit. II.

De Judiciis.

Aphor. I.

**L**ATE SUMITUR) Imo iudicium sumitur vel pro loco, ubi ius redditur, vel pro causæ in iudicium deductæ tractatione, ut sic pro diversitate causæ controversæ iudicium vel civile vel criminale, vel seculare vel Ecclesiasticum nominetur, vel denique pro integro processu, sive modo causam controversam pertractandi. Sic iterum iudicium vel ordinarium vel summarium est, prouti iudex vel ordine iudiciario ad unguem servato, vel omissis solennibus procedit. Sigillatim posterior significatus hic considerandus venit. Cumque noluerint legislatores, ut iudex in causæ controversæ pertractatione merum sequeretur arbitrium, merito in iudicio id ubique respicere debet, ut ordine omnia fiant, & ex præscripto legis. Quo nomine iudicium dicitur legitimus modus & ordo, quo coram iudice competente causa controversa peragitur, eum in finem, ut lis sententia finiatur. Hæc enim primaria iudiciorum constituendorum causa fuit, ut iudices suum cuique tribuant, & causa sufficienter cognita innocentia auxilium ferant, protervia & temeritati obicem ponant. Peragitur vero causæ cognitio hoc ordine, ut I) iudex expectet eum, qui iustitiæ administrationem urgeat, & controversiam sibi moveri exponat, qui actor vocatur, & in libello id, quod cardo rei est, proponit. II) Ut alterum, qui conventus est, quique reus vocatur, audiat, eique occasionem, se defen-

defendendi per exceptiones subministret. III) Ut utrique parti probationem ejus, quod asserit, iungat, IV) ut demum litem sententia finiat. Isque ordo naturalis est, & ad substantiam processus pertinet, nec unquam absque vitio nullitatis abesse potest. Præterea vero leges huic ordini varia superaddunt solennia, & qua ratione quilibet actus expediendus sit, determinant, qui ordo vocatur legalis, & iterum, quousque lex ipsa iudici, omisso hoc ordine, procedendi facultatem non concessit, præcise & sub poena nullitatis servandus est. *L. IV. C. de sentent. & interloc. L. VI. C. Unde vi.* Est etiam tertia species ordinis a iudice observandi, ubi plures causæ concurrunt. Nam tunc prius cognoscere debet de iis, quæ præjudicium faciunt causæ principali, ita quidem, ut hæc, nisi præjudicium discussum sit, sententia commode finiri nequeat. *L. I. C. de ordin. judic. L. X. C. de injur. HERTIVS Diff. de ordin. caus. in judic. tractand.* Iterum prius discutere debet causam criminalem, si in causa civili quæstio de delicto, quod rem, de qua controvertimur, respicit, incidat *L. V. §. I. ad L. Jul. de vi publ. L. XXXIII. C. ad L. Jul. de adulteriis.* Denuo, si præparatorium iudicium cum principali concurrit, de illo prius cognoscere debet *L. XXXV. de acquir. vel amitt. possess. L. XIII. C. de Rei Vindic.*

### Aphor. III.

ACTOR, REVS, ET IVDIX) Ex quibus neuter abesse potest, quando de causa controversa quæstio est. Nam ubi actor deficit, iudicis officium

eium cessat. Si nemo adest, qui jus alterius in dubium vocat, jus dicere nequit iudex. Et, licet uterque adsit, si tamen iudicis copia haberi non potest, ut sententia his finiatur, frustra expectamus. Non tamen ideo eo delabi debemus, ut existimemus, non posse esse iudicium absque causa controversa. Sed iudices primario quidem, ut jus dicant, & iustitiam administrent, constitui videmus, attamen, & necesse sæpius est, ut iudex partibus contrahentibus, vel quod auctoritatem negotiis iudicalem conciliandam censeant ipsi, vel quod lex negotia privatorum absque auctoritate iudiciali gesta irrita declaret, præsto sit, & suum cuique tribuat, vel damnum & læsionem ex negotio imminentem avertat.

IPSA FAMA, SEV VOX PUBLICA ) Itaque  
iis in casibus, ubi ob delicta commissa per modum accusationis procedimus, tres antea nominatæ personæ adsunt, nec modus procedendi & ordo causam cognoscendi ab illo, quem supra indicavimus, diversus est. Postquam vero leges permiserunt iudicibus, ut ex officio in delicta commissa inquirere possent, per fictionem quandam eundem effectum famæ tribuerunt, quem habebat libelli ab actore in causa civili peracta porrectio. Sed & simul voluerunt, famæ tamdiu fidem denegandam esse, quamdiu certum ejus auctorem & fontem, unde provenerit, ignoramus. Interim tamen processus inquisitorius non semper a fama originem trahit, sed fieri etiam potest, ut in locum actoris succedat, qui delictum commis-

Ggg

sum



sum judici denunciet, eoque ipso processui inquisitorio ansam suppeditet.

**MINVS PRINCIPALES**) Sunt tamen & judicantes & litigantes vel principales, vel minus principales. Ex judicantibus principalis persona est judex, qui causam cognoscit, vel solus, vel assessoribus in consilium adhibitis. Et hi quidem Romæ semper personæ minus principales erant, quia absente judice neque causas cognoscere, neque eas decidere poterant *L. XIII. C. de Assessor.* Sed hodie assessores in judiciis vel ideo, quia Principes jurisdictionem cum toto collegio, tanquam corpore, communicant, non nudi consiliarii judicis sunt, sed cum judice simul jurisdictionem exercent, adeoque & judex absentibus assessoribus, & assessores absente judice jus dicunt. Dantur tamen, ne quid dissimulem, hodie Assessores judiciorum, qui de jurisdictione partem non habent, sed judici inferiori, qui alias solus jus dicit, eo solum fine assident, ut præsentia sua quosdam actus validos efficiant, & gestis judicis fidem concilient, si lex jubeat, ut actus nonnisi præsentibus assessoribus expediantur. Id in criminalibus ex præscripto Constitutionis Crim. Carol. fieri debere, neminem fugit. Eodem modo ad validitatem testamenti judicialis domi confecti Scabinorum præsentia requiritur. Item judici, qui ruri jus dicit, cum ex moribus hodiernis plerumque & judicis & Actuarii vices sustineat, fraudis evitandæ causa Scultetus paganus & Scabini assident. Deinde ad personas minus principales pertinet Actuarius, qui in pertractatione

ne

ne negotiorum judicialium ideo adest, ut omnia fideliter consignet, actis publicis in memoriam rei inserat, & ne judicialiter gesta in dubium facile vocentur, in scriptis comprehendit. Hujus officium, ut a judicis officio optimo consilio separatum est, ne judex auctoritate sua facile abutatur, ita, ut Actuarius, ante susceptionem officii jurejurando obstringatur, vel ideo necesse est, quia refert, ut partes sciant, an fidem habere possint protocolis ab Actuario confectis. Cæterum constitutio Actuarii regulariter a judice dependet, nisi forsan illius, qui judicem constituit, intersit, ut arbitrium judicis hac in parte restringat. Confer. WILD-VOGEL *Diff. de actuar.* Denique in judicio, ut personæ minus principales, judici assistunt apparitores, qui jussa judicis exequuntur, & de eo, quod expediendum in se susceperunt, ad Acta referunt, eoque nomine, ut fides ipsis haberi possit, juramentum intuitu officii præstant *L. II. C. de executor. & exactor.* Quod cum habet effectum, ut eorum relationibus de rebus ad officium spectantibus tamdiu stetur, donec contrarium probatum est MENCEN. *Tr. Synopt. Proc. Disp. IV. tb. X.* GRIBNER. *Princip. process. Lib. I. cap. I. Sect. II. §. VII.* Quod nunc ad partes litigantes attinet, illi vel ex arbitrio suo, vel ex legis necessitate, & quia per se legitimam standi personam in judicio non habent, consilio & assistentia aliorum in negotiis judicialibus utantur. Necessario enim adhibere debent pupilli tutores, minores & foeminae curatores. Ex arbitrio, qui alias ipsi judicialia pertra-

stare possunt, adhibent advocatos & procuratores. Ex quibus illi clientem in jure instruunt, hi clientis personam sustinent. Horumque officia diversa esse, per se patet. Et adhuc in plerisque provinciis diversa sunt. Advocatus enim is esse potest, qui peritia juris est instructus, modo ex more quorundam judiciorum in numeeum advocatorum sit relatus. Procurator vero is esse potest, qui peritiam rerum gerendarum habet. Advocatus etiam qua talis non indiget mandato, quo tamen instructus esse debet Procurator. Sed multis in locis utrumque officium plerumque in una persona concurrit. Interim hæ omnes personæ sunt minus principales. Et ex iis sigillatim omnes illi, qui personam litigantem principalem, vel sustinent, vel suppleant, personam legitimare debent. Quem in finem tutor tutorium, Curator curatorium, Procurator mandatum exhibere debet. Et ex moribus quorundam judiciorum recte prius ejusmodi personæ non admittuntur, quam de legitimatione constet.

MANDATO INSTRVCTI SINT, NECESSE EST.) Requisita mandati vero in eo consistunt, ut ex eo constet, quis dederit, cui, contra quem, ad quam causam, ut nomen judicis exprimatur, ut actus expediendi nominentur, ut subscriptio accedat, & signatio. Sigillatim necesse est, ut ad evitandam solennem litis reassumptionem & heredum mentio fiat RECESS. IMPER. de anno 1654. §. XCIX. Necesse est, ut actus, qui speciale mandatum desiderant, exprimantur, de quibus supra  
ad

ad tit. de Mandato jam egimus. Nec enim, excepta Saxonia Elector. sufficit, quosdam actus nominare, & reliquos sub clausula comprehendere, Daß im übrigen alle andere Actus, die ein Special-Mandat erfordern, der Procurator expediren solle. add. LYNCKER. *de formis procuratoriis*. Utile est, ut iis in provinciis, ubi hypothecis conventionalibus efficacia tribuitur, clausula hypothecationis bonorum addatur. Utile est, ut protestetur mandans, se per propriam comparitionem mandatum pro tacite revocato habere nolle, ob dispositionem *cap. VIII. de procurat. in 6to*. Supervacuum vero est, clausulas de rato, grato, & indemnitate addere, cum illæ negotio mandati jam per se insint STRYCK. *Us. Modern. Dig. tit. de procurator. §. XXXII.*

CAUTIONE DE RATO ADMITTUNTUR )  
Imo & ipse Procurator, qui mandatum quidem habet, mancum tamen, cum cautione rati, ea tamen conditione, admittitur, ut mandatum absque vitio postea exhibeat. Cæterum conjunctæ personæ, nempe omnes ascendentes & descendentes in infinitum, fratres in linea collateralis, socerque & gener durante affinitate *L. XL. §. fin. L. XXXV. de procurat.* absque mandato admittuntur, quia lex mandatum præsumit. Idem juris est in marito, si uxoris negotia gerit *L. XXI. C. Eod. in litis consortibus L. fin. C. de Consort. ejusd. lit.* in iis, qui documenta ad causam pertinentia penes se habent, modo cautionem præstent, de exhibendo in posterum mandato *ORDIN. CAMER. P. I.*



*Tit. XXI. §. II.* in iis denique, ad quos causæ eventus per indirectum spectat. Ut tamen hi admittantur ex præsumpto mandato, primo ipsi standi in iudicio legitimam habeant personam, deinde actus expediendus non sit specialis mandati, denique cautio rati præstetur. Est autem cautio rati medium, adversarium securum præstandi, ut, nisi principalis actum gestum ratihabeat, indemnitatem ex cautione habere, eoque nomine cum cavente agere possit. Non itaque obligat principalem ad ratihabitionem. Sic vero consultum est, ut, cum iudex, tum pars adversa, de certa quantitate, loco interesse præstanda, sollicitus sit ab initio, si ratihabitio non sequatur.

Tit. III.

De Actore & Reo.

Aphor. II.

**C**ONTRA QVEM ETIAM INVITVM) Ita communiter. In eo enim actorem a reo differre dicunt, quod ad agendum nemo invitus compellatur, reus vero invitus etiam iudicium suscipere debeat. Sed ut rei semper electio sit, utrum cedere an contendere malit, isque ideo per spontaneam præstationem ejus, quod in iudicium deductum est, ab actione se liberare possit, nisi litem plane calumniosam cogites, ita tantum abest, ut actor semper ex voluntate libera agat, quin sæpius necesse sit, ut munus actoris invitus subeat. De jure Romano enim sæpius ex jure perfecto alterius interest, ut, quo ipse suum ab alio, quem di-

directo convenire nequit, consequatur, alter ejus nomine agat. Exempla sunt in *L. VIII. in fin. de option. legat. L. II. §. penult. & ult. ad L. Rhod. de jact. L. XIII. §. XXX. de action. emt.* Licet vero hæc hodie usu destituantur, cum ad formulas actionum non simus adstricti SCHILTER. *Ex. XXVII. tb. XXIV.* Fit tamen, ut & hodie ex necessitate agere debeant, qui officium aliquod, quod obligationem agendi complectitur, in se receperunt. Exempla sunt in tutore, curatore, administratoribus, advocatis fisci. Cæterum ex sola provocazione ad agendum, de qua Auctor, in sequenti §o, necessitas ad agendum non oritur, sed adhuc in provocato positum est situmque, utrum agere, an silere velit.

#### Aphor. IV.

HIS REMEDIIS ) Sunt hæc remedia præparativa, & viam ad processum principalem aperiunt. Leges enim duplici ratione illi, qui litem injustam timet, permittunt, ut mediante provocazione præjudicium ex ipsa lite, intempestive aliquando mota, sibi oriundum avertere possit. Sunt autem diversa ista remedia, tum ratione objecti, tum ratione finis, tum ratione modi procedendi. *Lex enim Diffamari* præsupponit diffamationem antecedentem, vi cujus quis vel sibi jus aliquod contra alterum competere aut publice aut privatim afferit, vel famam alterius & existimationem fugillat. Qui enim putant, diffamationem semper injuriam continere debere, omnino errant, cum potius omnis inquietatio diffamatio sit. BERGER. *Elect.*

*Proc. Provoc. LEYSER. Spec. LXXXI. med. I.* Imo, si dicendum, quod res est, incongrue satis Lex Diffamari ad injurias illatas applicatur, nisi forsan eo effectum fiat, ut diffamatio diluatur, quæ ex injuria prolata alterum gravare poterat MEVIVS *P. I. Decis. CXLIV.* Verum & injuriatus tum conditionem suam reddere potest deteriore, cum primis, quia ipse, dum provocat, ut diffamans vel veritatem doceat, vel sileat, occasionem suppeditare potest inquisitorio processui formando, si diffamans indicia deducat. Interim provocatio ex hac lege fit eum in finem, ut diffamans agat, jus deducat prætensum, vel de injurioso asserto fidem faciat, aut sileat in perpetuum CARPZOV. *P. III. Decision. CCXIII. n. 20. seqq.* Quo vero iudex diffamanti hoc ipsum præjudicium minetur, diffamatus ipse diffamationem summarie demonstrare debet prius, quam iudex processum aperiat. MYNSING. *P. V. Observat. XVIII.* GAIL. *Lib. I. Observ. X.* E contrario Lex si contendat præsupponit, actionem alicui stricto jure competere, exceptione tamen temporali facile elidendam. Ne itaque, dum alter litem differt, exceptio tempore pereat, ille, qui exceptione tutus est, pro hujus conservatione provocatione utitur eo fine, ut creditor non tam agat, quam ad exceptionem respondeat, aut, nisi replicet, per sententiam iudicis exceptionem salvam & perpetuam pronunciari patiatur STRYCK. *Introduct. ad Prax. Forens. cap. V. §. III.* Non igitur opus est, ut pro-

provocans demonstrationem aliquam in se recipiat statim, sed exceptionem potius suam judici exponit. Provocato vero deinde comparente, & ad litem principalem suscipiendam parato, cessat statim præparatorius processus, & pro natura negotii lis principalis peragitur. Cumque ex his eluceat, intuitu processus principalis provocantem non actorem, sed reum esse, provocatumque forum rei sequi debere, provocatio ipsa recte fit apud judicem, qui ratione provocantis competens est. MEYIUS *P. III. Decision. CCXII.* Qui vero eo progrediuntur, ut eam coram iudice utriusque incompetente fieri posse defendant cum CARPZOVIO *Decision. CCXIII.* BERGERO in *Elect. process. provocat. §. XX.* illi per ea, quæ respondet LEYSER. *Spec. LXXXI. med. IV.* facile erroris convinci possunt.

### Aphor. V.

TUTORIS VEL CURATORIS AVCTORITATE INTERVENIENTE ) Distingue infantes ab impuberibus & minoribus. Illi, quia nihil plane agunt, per tutores negotia judicialia expediunt, cui etiam permittitur, ut suo periculo sibi substituere possit actorem, qui deinde & suam & constituentis personam per productionem cum actorii, tum curatorii legitimare debet MENCKE *Process. Tit. VII. §. III.* Possunt quidem & a Procuratoribus, Tutoribus impuberum, & Curatoribus actores constitui, sed non nisi consensu principalis. Nam & impuberes & minores non nisi cum tutore & curatore actus judiciales expediunt,



diunt, nec valet actus a solo pupillo & minore susceptus, nisi conditionem meliorem reddiderit, nec rata sunt, quæ tutor vel curator solus gessit, nisi actus ipse præjudicium non inferat principali. Actus enim speciale mandatum desiderantes pupilli & minoris præsentiam requirunt. Idem juris est quoad foeminas, in Saxonia. Hæ enim solæ nil nisi quod favorabile est RIVIN. *Titul. VIII. Enunc. I. Titul. XVIII. Enunc. XLVI.* valide expediunt, sed omnia cum curatore in iudicio agunt, nec solus curator actorem constituit, sed consensus mulieris adesse debet, quo facto actorium durat post mortem etiam curatoris BERGER. *Elect. Disceptat. Forens. p. 289.* nec solus curator admittitur in iudicio ad actum expediendum, qui mulieri præjudicium inferre potest. Si vero admissus, actus tantum valet, quatenus utiliter gestus GRIBNER. *Dissert. de mand. special. §. ult.* Atque hæc omnia recte applicantur ad maritum, cum quo uxor in iudicio comparere potest, nisi jam habeat curatorem specialiter constitutum. Maritus enim tum vicem curatoris sustinet, imo ex more iudiciorum quorundam necesse est, ut nominatim curator uxoris constituatur.

### Aphor. VI.

SIT CONVENIENDVS) Per indirectum tamen cum pignorationibus, tum repressaliis effici potest, ut tertius de facto tertii respondere debeat. Utrumque remedium eo tendit, ut læsio reparetur & satisfactio detur. Pignorationes tamen privata, repressaliæ publica auctoritate fiunt. Il-  
læ

læ præcise damnum præsupponunt, hæ ob protra-  
ctam vel denegatam justitiam, vel ob aliam quam-  
vis læsionem adhibentur. De pignorationibus jam  
supra egimus. De repressaliis, eorumque usu  
vid. late WERNHERVM P. III. Obs. CXV.

### Aphor. VII.

ALITER SE NON POSSINT ) Et sic univer-  
sitates & collegia invita procuratorem constituere  
debent, modo adversarius id urgeat L. I. §. I. L. II.  
*seqq. quod cujusque universit. L. V. §. VII. Ju-  
dic. solvi.* Probe tamen ab universitate & col-  
legio sunt distinguendæ plures personæ, quæ no-  
mine colectivo veniunt. Nam hi procuratore  
solum utuntur, idque regulariter ex mera volun-  
tate. Verum non obstat, ne judex ad præscin-  
dendas difficultates & ambages, quas multitudo  
litigantium parit, vel etiam, si singuli litigent, res  
tamen absque procuratore exitum habere nequeat,  
procuratoris constitutionem injungat. Sic plerum-  
que, quando plures litis consortes adsunt, vel prin-  
cipalis persona perpetuo impedimento, ne ipsa  
compareat, laborat, vel extranea est, vel insi-  
nuatio citationum non nisi per ambages aut ma-  
gno sumtu fieri potest, judices sibi & parti adver-  
sæ ita consulunt, ut, quod nonnunquam ex le-  
gis dispositione fieri debet, partem litigantem de  
constituendo procuratore ad Acta, qui sigillatim  
citationes accipiat, admoneant, & re ita ferente  
id ipsum sub poena injungant. MYNSINGER.  
*Cent. IV. Observat. LVIII. STRYCK. us. Mo-  
dern. Digest. tit. de procurator. §. XIII.*

QVAM

QVAM PER SYNDICOS ) Qui si ab iis discesseris, qui ad defendenda jura civitatum & universitatum in genere, & ita constituuntur, ut munus publicum cum dignitate conjunctum gerant, in effectu a procuratoribus non nisi nomine, & ratione modi constituendi differunt. Nam & mandatum, quod Syndicatus instrumentum vocari consuevit, exhibere, & ea, quæ procuratoris sunt, peragere debent. Hoc unum singulare est, quod mandatum morte constituentium non expiret, quia ipsa universitas non moritur *L. XXXVI. de judic.* nec ideo necesse sit, ut ad heredes dirigatur. Imo ne opus quidem est, ut posterorum mentio fiat, *MENCKE Disputat. VII §. III. RIVIN. Tit. VII. Enunc. XXXI.* Quod præterea addit *ZIEGLER. ad LANCELOTT. Libr. III. Titul. III. §. VII.* pluribus Syndicis simpliciter constitutis alterum absque altero agere posse, quod in Procuratoribus de Jure Romano secus est, id Praxi quidem convenit, habetque hanc rationem, ne lis proteletur. Repugnat tamen argumentum a procuratore ad Syndicum, quod Jus Canonicum etiam approbat. Quare, nisi per leges provinciales, quod in Saxonia Elect. factum, dispositioni Juris Romani de procuratoribus derogatum sit, merito ex pluribus Syndicis simpliciter constitutis alter, altero absente, repellendus eris *vid. BÖHMER. Jur. Eccles. Protest. tit. de Syndic. §. IV.*

OMNIBVS TAMEN VOCATIS ) Tria itaque, ut syndicus legitimatus sit, requiruntur I) Con-

VO-

vocatio singulorum universitatis membrorum *L. II. D. quod cujusque univers. nom.* Si enim vel unus convocatus non sit, electio est irrita, ipsaque universitas, membro convocationem negante, probare debet, convocationem factam esse. Quod tamen secus, si adversarius convocationem neget. Quia enim omne instrumentum solenne & legitimum præsumitur, contrariam probationem subire debet. *LEYSER. Spec. LIV. med. IV. seqq.* II) Comparitio duarum minimum tertiarum. *L. III. D. Eod.* Convocatione enim facta res voluntatis est, an citati comparere velint, & emanentes habentur pro consentientibus III) Consensus majoris partis in Syndicum *L. XIX. D. ad municip.* De hoc vero, ut constet ex ipso mandato, necesse est. Sic vero subscribere debent constituentes mandato *CARPZOV. P. I. Constit. XIII. def. VIII. P. III. Decis. CCV.* Interim sufficit, duas tertias subscripsisse *LEYSER. Spec. LIV. med. VII.* Omnino tamen consultum est, ut universitas mandatum vel judicialiter, vel coram Notario & testibus conficiat, quamvis generatim ex scriptura super mandato confecta apparere debeat, omnia legitime peracta esse. Non itaque solum de convocatione testimonium perhibere, sed & comparentium æque ac absentium nomina exprimere debet.

#### Tit. IV.

### De judice ejusque jurisdictione.

#### Aphor. I.

**D**ICEBATUR PEDANEVS ) Quia a pedibus  
Prætoris sedebat. Sed hic nullam habebat juris-  
di.



ut in genere involvat protestatem publicam, de negotiis civium & licitis & illicitis, five, controversis, five publica auctoritate sustinendis cognoscendi, eaque, si opus est, decidendi, & decisa executione mandandi. Tres itaque sunt partes jurisdictionis I) Cognitio, II) Decisio, III) Executio. Ut tamen semper iudex eas conjunctim habeat, non requiritur. Sed, ut diximus, Principis est statuere, quid posset iudex. Nec tamen ideo vel iudex quis esse definit, vel jurisdictio cessat, etiamsi vel minima jurisdictionis pars ipsi sit concessa. Interim vel maxime necesse est, ut, quotiescunque negotium judiciale auctoritatem exposcit, ubique dispiciamus, quis habeat jurisdictionem, & quo usque illam, in quas personas, & in quibus causis, exercere possit. Nullum enim negotium a iudice, extra limites jurisdictionis suae gestum, valet. Præterea quilibet iudex, quatenus jurisdictionem habet, jure quaesito gaudet, quod privatus facto suo, & absque legis aut superioris permisso intervertere nequit.

### Aphor. III.

**JVRE MAGISTRATVS COMPETENS**) Id est, Romani, dum magistratum ordinarium constituebant, eo ipso facultatem illi concedebant, omnia ea expediendi, quæ jurisdictioni inerant, nec opus ideo erat nova jurisdictionis concessione, cum, ut magistratui, illi omnia licerent, quæ a persona & officio judicis separari haut poterant. Reliqui vero actus, qui officio judicis præcise non cohercebant, verbo, actus voluntariæ jurisdictionis specialiter,

liter vel iudici ordinario concedere, vel peculiarem magistratum denominare solebant. Sic ad tutoris constitutionem, ad decidendas controversias de fideicommissis, ad manumissiones & adoptiones convalidandas peculiarem magistratum dabant. Verum hodie & ea, quæ extraordinariæ jurisdictionis erant, jure magistratus exercentur, & ideo hujus distinctionis usus non superest.

### Aphor. IV.

PROPRIAM ET MANDATAM) Propria autem dicitur, quam vel is immediate exercet, qui fons omnis jurisdictionis est, vel ille, cui superior jurisdictionis exercitium, ut iudici ordinario & perpetuo, concessit. Mandata vocatur, quando vel Princeps ipse certam causam alicui expediendam committit, vel ille, qui iudex a Principe constitutus, alteri vices suas defert.

### Aphor. V.

HODIE NON ADMITTUNTUR) Imo admittuntur, non ex voluntate solum partium, sed & ex legis dispositione & ex necessitate. Hoc fit in re-conventione, cum, qui reum convenit, ab eo re-conventus coram iudice conventionis, utut alias ejus jurisdictionem non agnoscat, præcise stare debeat *L. XIV. C. de sentent. & interloc.* qua de re infra videbimus. Illud fit vel expresse vel tacite. Tacite tum, quando quis coram iudice incompetente conventus, exceptionem fori incompetentis negligit, & iudicium cum actore suscipit *L. I. & IV. C. de judic.* Expresse tum, quando fori ordinarii

Hhh

dinarii

*Tit. XXI. §. II.* in iis denique, ad quos causæ eventus per indirectum spectat. Ut tamen hi admittantur ex præsumpto mandato, primo ipsi standi in iudicio legitimam habeant personam, deinde actus expediendus non sit specialis mandati, denique cautio rati præstetur. Est autem cautio rati medium, adversarium securum præstandi, ut, nisi principalis actum gestum rati habeat, indemnitatem ex cautione habere, eoquē nomine cum cavente agere possit. Non itaque obligat principalem ad ratihabitionem. Sic vero consultum est, ut, cum iudex, tum pars adversa, de certa quantitate, loco interesse præstanda, sollicitus sit ab initio, si ratihabitio non sequatur.

*Tit. III.*

*De Actore & Reo.*

*Aphor. II.*

**C**ONTRA QVEM ETIAM INVITVM) Ita communiter. In eo enim actorem a reo differre dicunt, quod ad agendum nemo invitus compellatur, reus vero invitus etiam iudicium suscipere debeat. Sed ut rei semper electio sit, utrum cedere an contendere malit, isque ideo per spontaneam præstationem ejus, quod in iudicium deductum est, ab actione se liberare possit, nisi litem plane calumniosam cogites, ita tantum abest, ut actor semper ex voluntate libera agat, quin sæpius necesse sit, ut munus actoris invitus subeat. De jure Romano enim sæpius ex jure perfecto alterius interest, ut, quo ipse suum ab alio, quem di-

directo convenire nequit, consequatur, alter ejus nomine agat. Exempla sunt in *L. VIII. in fin. de option. legat. L. II. §. penult. & ult. ad L. Rhod. de jact. L. XIII. §. XXV. de action. emt.* Licet vero hæc hodie usu destituantur, cum ad formulas actionum non sumus adstricti SCHILTER. *Ex. XXVII. th. XXIV.* Fit tamen, ut & hodie ex necessitate agere debeant, qui officium aliquod, quod obligationem agendi complectitur, in se receperunt. Exempla sunt in tutore, curatore, administratoribus, advocatis fisci. Cæterum ex sola provocatione ad agendum, de qua Auctor, in sequenti §o, necessitas ad agendum non oritur, sed adhuc in provocato positum est situmque, utrum agere, an silere velit.

#### Aphor. IV.

**HIS REMEDIIS**) Sunt hæc remedia præparativa, & viam ad processum principalem aperiunt. Leges enim duplici ratione illi, qui litem injustam timet, permittunt, ut mediante provocatione præjudicium ex ipsa lite, intempestive aliquando mota, sibi oriundum avertere possit. Sunt autem diversa ista remedia, tum ratione objecti, tum ratione finis, tum ratione modi procedendi. *Lex enim Diffamari* præsupponit diffamationem antecedentem, vi cujus quis vel sibi jus aliquod contra alterum competere aut publice aut privatim asserit, vel famam alterius & existimationem sugillat. Qui enim putant, diffamationem semper injuriam continere debere, omnino errant, cum potius omnis inquietatio diffamatio sit. BERGER. *Elect.*



*Proc. Provoc. LEYSER. Spec. LXXXI. med. I.* Imo, si dicendum, quod res est, incongrue satis Lex Diffamari ad injurias illatas applicatur, nisi forsan eo effectū fiat, ut diffamatio diluatur, quæ ex injuria prolata alterum gravare poterat MEVIVS *P. I. Decis. CXLIV.* Verum & injuriatus tum conditionem suam reddere potest deterio- rem, cum primis, quia ipse, dum provocat, ut diffamans vel veritatem doceat, vel fileat, occasionem suppeditare potest inquisitorio processui formando, si diffamans indicia deducat. Interim provocatio ex hac lege fit eum in finem, ut diffamans agat, jus deducat præten- sum, vel de injurioso asserto fidem faciat, aut fileat in perpetuum CARPZOV. *P. III. Decision. CCXIII. n. 20. seqq.* Quo vero judex diffamanti hoc ipsum præjudicium minetur, diffamatus ipse diffamationem summarie demonstra- re debet prius, quam judex processum aperiat. MYNSING. *P. V. Observat. XVIII. GAIL. Lib. I. Observ. X.* Econtrario Lex si contendat præsupponit, actionem alicui stricto jure com- petere, exceptione tamen temporali facile eliden- dam. Ne itaque, dum alter litem differt, excep- tio tempore pereat, ille, qui exceptione tutus est, pro hujus conservatione provocatione utitur eo fine, ut creditor non tam agat, quam ad excep- tionem respondeat, aut, nisi replicet, per sen- tentiam judicis exceptionem salvam & perpetuam pronunciari patiatur STRYCK. *Introduc. ad Prax. Forens. cap. V. §. III.* Non igitur opus est, ut pro-

provocans demonstrationem aliquam in se recipiat statim, sed exceptionem potius suam judici exponit. Provocato vero deinde comparente, & ad litem principalem suscipiendam parato, cessat statim præparatorius processus, & pro natura negotii lis principalis peragitur. Cumque ex his eluceat, intuitu processus principalis provocantem non actorem, sed reum esse, provocatumque forum rei sequi debere, provocatio ipsa recte fit apud judicem, qui ratione provocantis competens est. MEVIUS *P. III. Decision. CCXII.* Qui vero eo progrediuntur, ut eam coram iudice utriusque incompetente fieri posse defendant cum CARPZOVIO *Decision. CCXIII.* BERGERO *in Elect. process. provocat. §. XX.* illi per ea, quæ respondet LEYSER. *Spec. LXXXI. med. IV.* facile erroris convinci possunt.

### Aphor. V.

TUTORIS VEL CURATORIS AUCTORITATE INTERVENIENTE ) Distingue infantes ab impuberibus & minoribus. Illi, quia nihil plane agunt, per tutores negotia judicialia expediunt, cui etiam permittitur, ut suo periculo sibi substituere possit actorem, qui deinde & suam & constituentis personam per productionem cum actorii, tum curatorii legitimare debet MENCKE *Process. Tit. VII. §. III.* Possunt quidem & a Procuratoribus, Tutoribus impuberum, & Curatoribus actores constitui, sed non nisi consensu principalis. Nam & impuberes & minores non nisi cum tutore & curatore actus judiciales expediunt,

diunt, nec valet actus a solo pupillo & minore susceptus, nisi conditionem meliorem reddiderit, nec rata sunt, quæ tutor vel curator solus gessit, nisi actus ipse præjudicium non inferat principali. Actus enim speciale mandatum desiderantes pupilli & minoris præsentiam requirunt. Idem juris est quoad foeminas, in Saxonia. Hæ enim solæ nil nisi quod favorabile est RIVIN. *Titul. VIII. Enunc. I. Titul. XVIII. Enunc. XLVI.* valide expediunt, sed omnia cum curatore in iudicio agunt, nec solus curator actorem constituit, sed consensus mulieris adesse debet, quo facto actorium durat post mortem etiam curatoris BERGER. *Elect. Disceptat. Forens. p. 289.* nec solus curator admittitur in iudicio ad actum expediendum, qui mulieri præjudicium inferre potest. Si vero admissus, actus tantum valet, quatenus utiliter gestus GRIBNER. *Dissert. de mand. special. §. ult.* Atque hæc omnia recte applicantur ad maritum, cum quo uxor in iudicio comparere potest, nisi jam habeat curatorem specialiter constitutum. Maritus enim tum vicem curatoris sustinet, imo ex more iudiciorum quorundam necesse est, ut nominatim curator uxoris constituatur.

### Aphor. VI.

SIT CONVENIENDVS) Per indirectum tamen cum pignorationibus; tum repressaliis effici potest, ut tertius de facto tertii respondere debeat. Ultrumque remedium eo tendit, ut læsio reparetur & satisfactio detur. Pignorationes tamen privata, repressaliæ publica auctoritate fiunt. Il-  
læ

læ præcise damnum præsupponunt, hæ ob protra-  
ctam vel denegatam justitiam, vel ob aliam quam-  
vis læsionem adhibentur. De pignorationibus jam  
supra egimus. De repressaliis, eorumque usu  
vid. late WERNHERVM P. III. Obs. CXV.

### Aphor. VII.

ALITER SE NON POSSINT ) Et sic univer-  
sitates & collegia invita procuratorem constituere  
debent, modo adversarius id urgeat L. I. §. I. L. II.  
*seqq. quod cujusque universit. L. V. §. VII. Ju-  
dic. solvi.* Probe tamen ab universitate & col-  
legio sunt distinguendæ plures personæ, quæ no-  
mine colectivo veniunt. Nam hi procuratore  
solum utuntur, idque regulariter ex mera volun-  
tate. Verum non obstat, ne judex ad præscin-  
dendas difficultates & ambages, quas multitudo  
litigantium parit, vel etiam, si singuli litigent, res  
tamen absque procuratore exitum habere nequeat,  
procuratoris constitutionem injungat. Sic plerum-  
que, quando plures litis consortes adsunt, vel prin-  
cipalis persona perpetuo impedimento, ne ipsa  
compareat, laborat, vel extranea est, vel insi-  
nuatio citationum non nisi per ambages aut ma-  
gno sumtu fieri potest, judices sibi & parti adver-  
sæ ita consulunt, ut, quod nonnunquam ex le-  
gis dispositione fieri debet, partem litigantem de  
constituendo procuratore ad Acta, qui sigillatim  
citationes accipiat, admoneant, & re ita ferente  
id ipsum sub poena injungant. MYNSINGER.  
*Cent. IV. Observat. LVIII. STRYCK. us. Mo-  
dern. Digest. tit. de procurator. §. XIII.*

QVAM



QVAM PER SYNDICOS ) Qui si ab iis discesseris, qui ad defendenda jura civitatum & universitatum in genere, & ita constituuntur, ut munus publicum cum dignitate conjunctum gerant, in effectu a procuratoribus non nisi nomine, & ratione modi constituendi differunt. Nam & mandatum, quod Syndicatus instrumentum vocari consuevit, exhibere, & ea, quæ procuratoris sunt, peragere debent. Hoc unum singulare est, quod mandatum morte constituentium non expiret, quia ipsa universitas non moritur *L. XXXVI. de judic.* nec ideo necesse sit, ut ad heredes dirigatur. Imo ne opus quidem est, ut posterorum mentio fiat, *MENCKE Disputat. VII §. III. RIVIN. Tit. VII. Enunc. XXXI.* Quod præterea addit *ZIEGLER. ad LANCELOTT. Libr. III. Titul. III. §. VII.* pluribus Syndicis simpliciter constitutis alterum absque altero agere posse, quod in Procuratoribus de Jure Romano secus est, id Praxi quidem convenit, habetque hanc rationem, ne lis proteletur. Repugnat tamen argumentum a procuratore ad Syndicum, quod Jus Canonicum etiam approbat. Quare, nisi per leges provinciales, quod in Saxonia Elect. factum, dispositioni Juris Romani de procuratoribus derogatum sit, merito ex pluribus Syndicis simpliciter constitutis alteri, altero absente, repellendus erit *vid. BÖHMER. Jur. Eccles. Protest. tit. de Syndic. §. IV.*

OMNIBVS TAMEN VOCATIS ) Tria itaque, ut syndicus legitimatus sit, requiruntur I) Con-

VO-

vocatio singulorum universitatis membrorum *L. II. D. quod cujusque univers. nom.* Si enim vel unus convocatus non sit, electio est irrita, ipsaque universitas, membro convocationem negante, probare debet, convocationem factam esse. Quod tamen secus, si adversarius convocationem neget. Quia enim omne instrumentum solenne & legitimum præsumitur, contrariam probationem subire debet. *LEYSER. Spec. LIV. med. IV. seqq.* II) Comparitio duarum minimum tertiarum. *L. III. D. Eod.* Convocatione enim facta res voluntatis est, an citati comparere velint, & emanentes habentur pro consentientibus. III) Consensus majoris partis in Syndicum *L. XIX. D. ad municip.* De hoc vero, ut constet ex ipso mandato, necesse est. Sic vero subscribere debent constituentés mandato. *CARPZOV. P. I. Conflit. XIII. def. VIII. P. III. Decis. CCV.* Interim sufficit, duas tertias subscripsisse *LEYSER. Spec. LIV. med. VII.* Omnino tamen consultum est, ut universitas mandatum vel judicialiter, vel coram Notario & testibus conficiat, quamvis generatim ex scriptura super mandato confecta apparere debeat, omnia legitime peracta esse. Non itaque solum de convocatione testimonium perhibere, sed & comparentium æque ac absentium nomina exprimere debet.

#### Tit. IV.

### De iudice ejusque jurisdictione.

#### Aphor. I.

**D**ICEBATUR PEDANEVS ) Quia a pedibus  
Prætoris sedebat. Sed hic nullam habebat juris-  
di-

ditionem, cum juris dicendi facultas Prætori propria esset. Quicquid itaque expediebat judex, ex præscripta a Prætore formula agebat, nudamque habebat notionem, id est, cognitionem de causa controversa & sententiam pronunciandi facultatem absque executione. Hodie ejusmodi judices non habemus, nec judex privato ausu constituitur, sed quia jus judiciorum regale est, publica auctoritas, ut quis judicis munere fungi possit, omnino requiritur. Ea enim deficiente quilibet impune non paret. Quapropter judex recte dicitur persona publica a Principe ideo constituta, ut civibus jus dicat, & legum vigorem contra ejus violatores tueatur. Nam cum ob finem judicia omnia sunt constituta, ne, si liberum cujusvis sibi ipsi jus dicendi esset arbitrium, Respublica ejusque tranquillitas detrimenti quid caperet. *L. XIII. D. III. de usufr. L. XIV. C. de judeis. L. XII. Quod met. caus.* Quare, ubi judicis copia haberi potest, nemo sibi ipsi jus dicendi habet facultatem. In casu tamen necessitatis, quando ob judicis defectum damnum irreparabile imminet, defensio permittitur.

### Adhor. II.

JURISDICTIO JUXTA LL. ROMANAS )  
 Multum a se differt indoles Jurisdictionis apud Romanos & nostrates. De jure Romano vid. *NOODTIVM de jurisdiction.* de jure hodierno *GEBAEKVM.* Res eo redit. Jurisdictio in se spectata complectebatur solum jus statuendi, præcipiendi & exequendi in causis civium controversis

sis civilibus. Criminales causæ jurisdictioni erant exemptæ, & jus puniendi, quod merum imperium vocabant Romani, populus sibi retinebat, & lege speciali ejus exercitium peculiaribus magistratibus committebat. Eoque sensu imperium jurisdictioni contradistinguitur *L. III. D. de jurisdiction.* Erat tamen etiam jurisdictioni admixtum imperium, quod in facultate exequendi consistebat. Quare denuo ille, cui solum jus statuendi & cognoscendi datum erat, absque facultate exequendi, non jurisdictionem, sed nudam notionem habebat *L. XV. de re judic.* HUBER. *Prælect. ad tit. de jurisdiction. §. III.* Præterea ad causas controversas restringebatur jurisdictio. Sic vero iterum civium actus, qui inter consentientes expediebantur, jurisdictioni qua tali non inerant, sed præter jurisdictionem concedebatur speciali lege jus, auctoritatem istiusmodi negotiis interponendi HUBER. *d. l. §. IV.* Verum enim vero hodie jurisdictio omnem magistratus potestatem complectitur, eo vero nomine potestas cognoscendi, de negotiis civium non litigiosis, nuda notio, mixtum & merum imperium tanquam species sub se simul comprehendit. Estque fons omnis jurisdictionis ipse Princeps, qui & pro arbitrio suo mox latiore mox angustiore potestatem concedit, mox hanc causam huic, mox aliam alii judici assignat, mox jurisdictionem ad personas, mox ad causas, mox ad locum restringit. Quapropter jurisdictionis definitio ad principia nostræ Jurisprudentiæ sic accommodanda est, ut



ut in genere involvat protestatem publicam, de negotiis civium & licitis & illicitis, five, controversis, five publica auctoritate sustinendis cognoscendi, eaque, si opus est, decidendi, & decisa executione mandandi. Tres itaque sunt partes jurisdictionis I) Cognitio, II) Decisio, III) Executio. Ut tamen semper iudex eas conjunctim habeat, non requiritur. Sed, ut diximus, Principis est statuere, quid posset iudex. Nec tamen ideo vel iudex quis esse definit, vel jurisdictio cessat, etiamsi vel minima jurisdictionis pars ipsi sit concessa. Interim vel maxime necesse est, ut, quotiescunque negotium judiciale auctoritatem exposcit, ubique dispiciamus, quis habeat jurisdictionem, & quo usque illam, in quas personas, & in quibus causis, exercere possit. Nullum enim negotium a iudice, extra limites jurisdictionis suae gestum, valet. Præterea quilibet iudex, quatenus jurisdictionem habet, jure quæsito gaudet, quod privatus facto suo, & absque legis aut superioris permisso intervertere nequit.

### Aphor. III.

JURE MAGISTRATUS COMPETENS) Id est, Romani, dum magistratum ordinarium constituebant, eo ipso facultatem illi concedebant, omnia ea expediendi, quæ jurisdictioni inerant, nec opus ideo erat nova jurisdictionis concessione, cum, ut magistratui, illi omnia licerent, quæ a persona & officio judicis separari haut poterant. Reliqui vero actus, qui officio judicis præcise non cohercebant, verbo, actus voluntariæ jurisdictionis specialiter,

liter vel judici ordinario concedere, vel peculiarem magistratum denominare solebant. Sic ad tutoris constitutionem, ad decidendas controversias de fideicommissis, ad manumissiones & adoptiones convalidandas peculiarem magistratum dabant. Verum hodie & ea, quæ extraordinariæ jurisdictionis erant, jure magistratus exercentur, & ideo hujus distinctionis usus non superest.

### Aphor. IV.

PROPRIAM ET MANDATAM) Propria autem dicitur, quam vel is immediate exercet, qui fons omnis jurisdictionis est, vel ille, cui superior jurisdictionis exercitium, ut judici ordinario & perpetuo, concessit. Mandata vocatur, quando vel Princeps ipse certam causam alicui expediendam committit, vel ille, qui judex a Principe constitutus, alteri vices suas defert.

### Aphor. V.

HODIE NON ADMITTUNTUR) Imo admittuntur, non ex voluntate solum partium, sed & ex legis dispositione & ex necessitate. Hoc fit in reconventionem, cum, qui reum convenit, ab eo reconventus coram iudice conventionis, utut alias ejus jurisdictionem non agnoscat, præcise stare debeat *L. XIV. C. de sentent. & interloc.* qua de re infra videbimus. Illud fit vel expresse vel tacite. Tacite tum, quando quis coram iudice incompetente conventus, exceptionem fori incompetentis negligit, & iudicium cum actore suscipit *L. I. & IV. C. de judic.* Expresse tum, quando fori ordinarii

Hhh

ordinarii

dinarii privilegio renunciat. Hoc enim duplici temperamento adhibito fieri potest, I. quando favor personæ solum subest. Huic enim quilibet pro lubitu, etiamsi alias ex privilegio peculiare forum agnoscat, licite renunciat, ut sic dubium non sit, quin & miles, & clericus & studiosus jurisdictionem prorogare, & judicem incompetentem agnoscere possit, *L. LI. C. de Episcop. & Cleric.* *LYDOVICI Cini. sum. Conf. Proc. cap. V. & XI. sqq.* *BERGER. Oec. Jur. Lib. IV. Tit. XXI. p. 1030.* *BRUNNEMANN. Proc. Civil. cap. X. n. 4.* quousque lex prohibitiva vel consuetudo contraria non extat. Exempla vide apud *RICHTERV. ad authentic. & consequenter C. de sentent. & interloc.* *LEYSER. Spec. CXXIII. med. VII.* E contrario cessat prorogatio, quando causa ipsa favorabilis & privilegiata est. *BRUNNEMANN. ad L. XVIII. de jurisdict. n. 2.* II) quando quis se non in totum ordinatio judici subtrahit, sed in singularibus solum causis. *STRYCK. Us. Modern. Digest. Tit. de jurisdict. §. XXII. sqq. & Dissert. de effic. renunciat. for. hodiern.*

### Aphor. VI.

HAEC IN VOLENTES ) In contentiosis itaque negotiis judicis decisionem, in voluntariis judicis auctoritatem & confirmationem expectamus. Ibi iudex justitiæ faciendæ causa, hic solennitatis & auctoritatis gratia implorari solet. In his itaque, cum regulariter sufficiat, negotium coram iudice esse gestum, plus non requiritur, quam judicis præsentia, & ideo in propria causa iudex auctor  
feri

fieri potest *L. III. & IV. D. de adoption.* perindeque est, siue in loco iudicii, siue extra iudicium auctoritas accedat, siue in die fasto, siue in die nefasto, siue competens, siue incompetens sit iudex, *L. XXXVI. pr. & §. I. D. Eod. L. VIII. C. de feriis. L. II. de offic. Proconsul. L. I. §. VII. de manumiss. vindict.* Verum hæc ita, si lex partibus, consentientibus liberam facultatem relinquit, velintne iudicem adire, an privatim negotium expedire. Nec enim tum iudex accedit alio fine, quam melioris probationis gratia, utque negotio major concilietur firmitas. Quare etiam iudex id ipsum, quod actum est a partibus, in medio relinquit, nec, an vitiose actum sit, curat, sed confirmationem solum, in quantum actus de jure valet, addit. Quoties vero lex negotia civium, quibus judicialis auctoritas non accessit, irrita declarat, atque ideo eadem ipsa pro forma negotii requiritur, tum non sufficit, ut iudex actum confirmet, sed causam potius cognoscere, damnum præcavere, & id præcise agere debet, ut actus de jure subsistat. Exempla sunt in unione prolium, alienatione bonorum pupillorum & minorum, donatione ultra 500. solidos. Inde autem per se patet, iudicem adeundum esse competentem, diebus iudicis, & in ipso loco iudicii. *STRUV. Exerc. IV. tit. LXIX. LYNCK. in Comment. ad tit. de jurisd. §. V.*

## Aphor. X.

EXERCETUR VEL PER MAGISTRATVS )  
 Experientia nimirum docet, consuevisse Principes,

Hh h 2

ut



ut jurisdictionis exercitium vel concederent personæ, vel prædio quasi connexam vellent. Illa vocatur administratoria, personalis, & judicem facit officialem Principis, quovis tempore rationum redditioni obnoxium. Eaque pro lubitu revocatur, nec ad heredes judicis transitoria est. Hæc dicitur patrimonialis, prædio cohæret, ejusque accessorium est, ita quidem, ut quilibet prædii possessor hujus jurisdictionis capax sit, etiamsi illi vel maxime qualitates desint, quibus alias judex præditus esse debet. Quare perinde est, siue infans, siue foemina, siue rusticus sit, siue peritia legum destituatur. Quæ cum ita sint, & illi, qui patrimoniam habet jurisdictionem, id tacite concessum videtur ex natura rei, ut ad jus dicendum aliquem delegare possit, qui scientia legali instructus est, quod administrator jurisdictionis facere nequit. Est autem, ut ex historia patria evicit HEINECCIUS *in Diff. de origine & indole jurisdiction. patrimon.* hæc jurisdictio ex antiquo jure disciplinæ domesticæ, quod Paterfamilias in omnem familiam suam exercebat, cum jure vitæ & necis conjuncto. Eique postea schema jurisdictionis superinductum est. Quare & hodie primarius effectus jurisdictionis patrimonialis in jure conveniendi subditos in propria causa in proprio judicio consistit, cujus indolem late exposuit MENCKE *Diff. de jure conveniend. subdit. in propr. judic.* Quod autem hodie hæc jurisdictio nonnunquam ad civiles solum causas restricta deprehendatur, & præterea Magistratibus oppidanis  
etiam

etiam concedi soleat, id inde est, quia Principes se jure suo uti crediderunt, si & aliis, quorum prædiis ab antiquo tempore non cohæreret jurisdictio, eam tamen quasi patrimonialem concederent.

### Aphor. XIII.

EST PERSPICIENDUM ) Imo ex his unice est dijudicandum, non hoc solum, utrum criminalem an civilem jurisdictionem quis habeat, sed etiam, utrum universalem, an particularem jurisdictionem exercere possit. Universalem autem nominamus, quam judex tum in personam tum in res quoad certum territorium citra distinctionem causarum exercet. Duxerunt tamen Principes e re sua, ut iterum a jurisdictione universali mox personas, mox causas, mox locum eximerent, & e nomine peculiare judices constituerent. Quo ipso variae jurisdictionis particularis species enatae sunt, vel ad personas certas, vel ad certas causas, vel ad certum locum restrictae. Prioris generis est jurisdictio academica, secundi generis est jurisdictio feudalitatis, metallica, forestalis, mercatoria. De utroque participat jurisdictio Ecclesiastica & militaris. Terti generis est jurisdictio circumscripta, *Saun oder Pfahl-Gerichte*, de qua vid. STRYCKII *Dissert. de jurisd. circumscripta*. Dum vero iterum recordamur distinctionis inter jurisdictionem superiorem & inferiorem, non possumus, quin & mentionem faciamus quaestionis: quanam species concessa videatur, si princeps indefinite jurisdictionem dederit, nec, quam cogitaverit, aliunde constet. Utramque speciem subin-

telligendam esse volunt TABOR *Decision. IV.* BEYER. *Posit. ad. D. tit. de jurisdict. §. XLIX.* Sed verior est opinio, inferiorem solum concessam videri. Primo enim hoc non est universale, ut genus semper speciem comprehendat, maxime, cum vox *Gerichte* plurale tantum sit. SCHILTER. *Introd. ad Jus Feudal. cap. II. §. X.* Deinde omnis concessio a Principe facta a parte ejus involvit renunciationem, quam stricte interpretandam esse, nemo nescit. Denique de regali jure sermo est. In cujus concessione, si hæc dubiæ interpretationis sit, id subesse credimus, quod minimum est STRUV. *Ex, IV. tb. LXXX.* BÖHMER. *Dissert. de interpret. fac. contra eum, qui clarius loqui debuisset.* Plane omnimoda jurisdictione concessa, Ecclesiasticam tamen non subintelligi docet BÖHMER *Jur. Eccles. Lib. I. Tit. XXVIII. §. XXVIII.*

ET CONSVETVDINE DESVMENDVM EST.)  
Tantum itaque abest, ut ex jure puniendi crimina jurisdictionem criminalem colligamus, quin potius experientia doceat, & judices inferiores poenas statuere in delinquentes, & exequi. Id tamen certum est, ad poenam relegationis usque judicem inferiorem procedere non posse. Ut sic firmiter concludere possimus, eum, cui facultas relegandi concessa est, habere jurisdictionem criminalem. Nec aliam hæc observatio patitur limitationem, quam quæ a jurisdictione Academica desumitur, quippe quæ regulariter in relegatione desinit, utut criminalis non sit.

Aph.

## Aphor. XIV.

HODIE DICTVR ) Itaque extraordinarius iudex idem ille est, qui mandatam sive delegatam exercet jurisdictionem. Atque in hac ubique idem juris est, quod in mandato ipso. Iudex enim delegatus ubique servat modum & formulam præscriptam *L. I. §. I. L. III. D. de offic. ejus, cui mand. est jurisd.* ideoque prius producere debet mandatum ipsum, quam de causa cognoscit, quo illi, quorum interest, cognoscant, quantam acceperit potestatem. Et quicquid extra mandatum gerit, nullitate laborat, quamvis ea recte expediat, quæ mandato tacite jam insunt. Præterea, qui mandatam jurisdictionem exercet, alterum sibi substituere non potest *L. fin. pr. D. Eod.* nisi ea facultas expresse ipsi tributa sit. Tacite tamen eam subintelligendam esse existimant, quando Imperator Statum Imperii, vel hic universitatem delegat. Cujus rei rationem vide apud LYNCKER. *ad tit. de offic. ejus, cui mand.* BÖHMER. *Jur. Eccles. Protestant. Lib. I. Tit. XXIX. §. XIV.* Cæterum perinde est, siue alicui universa demandata sit jurisdictio, quod eos, diximus, facere posse, qui jurisdictione patrimoniali gaudent, siue ad certam causam delegetur, qui, a Principe datus, Commissarius vocatur. Hoc unum inter utrumque intercedit discrimen, quod priori in casu mandans & mandatarius unum habeant tribunal, & sic, si gravamen alicui inferatur, provocandum sit ad mandantis superiorem. Per Commissarii ve-



ro sententiam gravatus provocat ad committentem GAIL. *Lib. I. Obs. CXXI. n. 2.* RUTGER. RVLAND *de Commission. P. I. Lib. V. cap. XIII. n. 4. seqq.*

### Aphor. XV.

JVDEX CONSTITVITVR) Arbitr igitur est judex conventionalis a partibus ad causæ controversæ cognitionem & decisionem electus. Quomodo ab arbitratore differat, Auctor quidem exponit, sed dixeris potius, arbitratorem eligi inter amicos, ubi nulla lis est. *L. ult. C. de contrab. emtion.* eum in finem, ut dissensum ex æquo & bono componat. Nec enim stare debent partes ejus arbitrio *L. LXXVI. D. pro socio.* Vocatur ein Schiedsmann, arbitr vero ein Schieds Richter. Differre etiam arbitrum a judice, res docet. Hic enim publica, ille privata auctoritate constituitur. Nec arbitr decisa sua exequendi habet facultatem, sed judex implorandus est, ut renitentem ad servandum effatum, sive laudum arbitri, in quod ab initio consensit, cogat. BRUNNEMANN. *ad L. V. C. de arbitr.* Nam ex conventionem partes arbitri laudo præcise stare debent. *L. XXVII. §. II. L. XX. D. de recept. & qui arbitr. receper.* ita quidem, ut ne remedia quidem suspensiva locum habeant. *L. I. C. Eod. SCHILTER. Ex. XII. §. IX.* Quamvis vero diversa sit arbitri & judicis persona, talis tamen arbitr eligendus est, qui judex esse potest. *L. IX. §. I. L. XLI. L. ult. C. Eod.* ipseque arbitr æque ac judex causam cognoscere, & modum

dum procedendi ordinarium servare debet. *L. I. L. XXXII. §. XV. D. Eod.* Cæterum, cum omne arbitrium in conventionem partium nitatur, sigillatim quoque, quid possit arbiter, quisque ordo in disceptanda lite observandus sit, inde dijudicari debet. Eadem ratione & ipsa quaestio, quis in arbitrum compromittere possit, & in qua causa, ex natura conventionum decidenda, & sigillatim indoles transactionis in subsidium vocanda est, cum ab hac ad compromissum ubique valeat argumentum *BÖHMER Jur. Eccl. Protest. Tit. de arbitris §. IX.*

### Tit. V.

### De foro competente.

#### Aphor. I.

**F**ORVM REI) Quod vel ratione personæ vel ratione causæ agnoscit. Atque hoc actor præcise sequi debet, illud autem nonnunquam elective cum alio foro concurrit. Posterius singularem legis dispositionem præsupponit, cui semper lex prohibitiva inest, ne causa coram alio iudice pertractetur. Prius vel ordinarium est, idque in regula omnes subditi agnoscunt coram magistratu loci, vel privilegiatum, quando Princeps ob peculiarem personæ favorem, quem a jurisdictione magistratus ordinarii eximit, eique speciale forum assignat, idque in lege magis permissiva nititur, cui in singularibus causis renunciare quis potest. Inde constat, competentiam fori unice ex jurisdictione æstimandam esse.

RA-

**RATIONE DOMICILII**) Cum quo tamen non confundendum forum originis, quod itidem forum generale est, & olim quidem vel commune erat, ab omnibus subditis Reip. Romanæ in urbe Roma agnoscendum *L. XXIV. de judic. L. XXXIII. ad municip.* vel singulare, ibi fundatum, ubi quis oriundus erat, etiamsi domicilium alibi constituisset, idque cum filiis legitimis pater, cum illegitimis mater communicabat *L. VI. §. I. L. XXXII. Eod.* Prius vero in Germania applicari nequit, cum non liceat, ut quis subditos Statuum Imperii ad suprema Imperii judicia evocet. Posterius etiam in Germania cessat, simulac quis domicilium alibi constituit. Sic vero in duplici casu solum attenditur 1) in eo, qui alicubi degit, absque intentione tamen, ibi domicilium constituendi *MEVIVS P. III. Decis. LXXI. & P. V. Decis. CLXIII.* 2) in eo, qui ubique est. Illum enim ubicunque locorum, ubi deprehenditur, convenire licet. Et si nullibi deprehendatur, ad forum originis edictaliter evocari potest.

### Aphor. II.

**UT IBI PERPETVO HABITET**) Domicilii constitutio & mutatio regulariter est liberæ voluntatis *L. XXXI. D. ad municipal.* quousque lex hanc facultatem non restringit. Quod fit in eo, qui domicilium habet, idque alibi in præjudicium magistratus ordinarii constituere vult. Interest vero magistratus, ne catervatim subditi emigrent. Interest ejusdem, ne quis, quem peculiare

liare vinculum ad certum locum adstringit, proprio ausu nexum turbet. Et eatenus ipsum INSTRVM. PAC. WESTPH. art. V. §. XXXV. arbitrium emigrantium restringit, sola causa religionis excepta. add. STRYCK. *de resign. jur. civitat.* Præterea Leges Romanæ hodie etiam hoc in argumento agnoscendæ ad forum mariti uxorem *L. fin. §. III. D. ad municip.* infantem & furiosum ad forum patris, coheredes, quousque hereditas jacet, vel si defunctus iudicium jam accepit, ad forum defuncti adstringunt *L. XIX. pr. L. XXXIV. de judic.* STRYCK. *ad Lauterbach. p. 104.* Quatenus vero lex etiam liberam domicilium constituendi facultatem relinquit, permittit tamen, ut magistratus, sub cuius tutela quis hucusque vixit, in compensationem tutelæ censum quendam emigrationis exigere possit a discedente, quem censum quis, in quibus casibus, & cui solvere debeat, consuetudinis potius, quam certæ legis est. BEYER. *Spec. Jur. German. Lib. I. cap. XX.* Cæterum, ut quis domicilium alicubi agnoscere debeat, requiritur I) habitatio, II) cum animo, ibi perpetuo sedem fixam habendi. Neque igitur sola domus possessio, neque sola habitatio, neque certi temporis lapsus, neque translatio majoris bonorum partis per se domicilium facit, sed de animo constare debet. Et hic quidem, si expresse declaratur, dubium non relinquit. Non declaratus autem tum demum præsumi potest, si quis aliam eamque justam, cur alicubi commoretur, allegare & probabilem reddere



dere nequit causam. *L. XVII. §. XIII. ad municip. STRVV. Ex. IX. tb. XXV. MEVIVS P. V. Decif. CLXII.* Ut sic res omnis de constitutione & transmutatione domicilii ab arbitrio judicis fere dependeat *CARPZOV. Lib. II. Resp. XXIII. LAVTERBACH. de domicil. cap. III.* Plane magistratui jus competere, ut eum, qui absque iusta causa diu in oppido habitat, vel ad jus civitatis acquirendum compellat, vel exire jubeat, docet *GAIL. Lib. II. Obs. XXXV. STRVV. Exerc. L. thes. LII.*

### Aphor. V.

**SIVE IN REM AGAT** ) Sive res mobilis sive immobilis sit, sive sub judice domicilii, sive alibi sita sit *L. LXVI. in fin. ad SCtum Trebell.* Quod tamen intellige de casu, quando adhuc inter eum, qui in rem agit, & alterum controversia est de re ipsa & jure in re competente, ut tum judex domicilii cognoscere, & litem sententia finire possit. Quoties enim constat jam certo, cujusnam res sit, idque agat actor, ut possessori eadem ipsa per executionem vel immissionem adimatur, necesse est omnino, ut judicis rei sitæ auctoritas accedat *L. un. C. ubi de moment. possess.*

### Aphor. VI.

**IBI REPERIATUR** ) Ut quis in foro contractus judicium suscipere debeat, requiritur I) agi de contractu implendo *BRUNNEMANN ad L. II. C. ubi & apud. quem.* II) qui in loco, ubi actio instituitur, consummationem accepit. Est autem

autem locus consummationis, ubi solutio facienda vel res tradenda *L. XXI. D. de Obligat. & action. L. XIX. §. I. D. de judic.* vel si de consummatione nil dictum est, ubi contractus perfectionem accepit, per consensus interpositionem *d. L. XIX.* ubi scriptura accessit *L. XVII. C. de fide instrum.* si inter absentes res geritur, ubi acceptatio facta. III) ut illi, qui promissa denegat, prima minimum citatio in foro contractus insinuetur *c. I. §. III. de foro competent. in 6to.* Sic vero subsidiariam citationem ad requisitionem judicis fori contractus insinuatam absens impune contemnit *GAIL. L. II. Obs. XXXVI. n. 14.*

### Aphor. VIII

(*LICET AUFUGERIT*) Innititur forum delicti regula, quod delinquens delinquendo se obliget ad poenam subeundam. Sic vero iudex loci, ubi delictum perpetratur, ratione poenæ jus quæsitum habet. Indequè forum delicti ex persona delinquentis in dubio est æstimandum. *COCCEJVS Diss. de fundat. & in territ. & plur. loc. concurr. potest. Tit. IV. §. XIX.* & in confinio si delictum commissum, uterque iudex cognoscit *CARPZOV. Pr. Crim. qu. CX. n. 37.* Interim perinde est, utrum delictum inchoatum, an consummatum, Sub uno tamen iudice inchoatum & sub altero consummatum locum facit præventioni *L. I. C. ubi de crimin. L. I. C. ubi Senat.* Imo & contra absentem de jure Rom. rectè proceditur *L. XXII. de accusat. Nov. CXXXIV. cap. V.* de jure hodierno, cur eadem dispositio locum non habeat, suffi-

sufficiens dubitandi ratio vix adest, cum vi *L. XXVIII. §. XV. D. de poenis* Reipublicæ interfit, ut exemplum statuatur in loco, ubi delictum commissum, ut alii deterreantur. Et docet experientia, judicem fori delicti delinquentem non persequi solum literis arrestatoriis, mit *Stectbriesen*; sed & in delictis levioribus eundem adhibere citationem edictalem.

DEPREHENDITUR REUS.) Quod forum tamen jus judicis fori delicti quæsitum ei invito intervertere nequit. Nam urgente illo reus ad forum delicti erat remittendus *L. VII. §. IV. L. ult. de accusat. L. XXVIII. §. penult. D. de poen. Nov. CXXXIV. cap. V.* Hodie vero, nisi forum delicti jam per citationem realem fundatum, vel ex dispositione legis peculiaris remissio præcise facienda sit *CARPZOV. Pr. Crim. qu. LX. n. 54. sqq. Introd. nostr. ad Jus Sax. P. III. Sect. III. Ex. II. §. II.* fortius est forum deprehensionis foro delicti, ita quidem, ut in deprehendentis judicis arbitrio sit, velitne remittere delinquentem, nec ne. Ex inveterata tamen consuetudine iudices remissionem non facile denegare, sed delinquentem acceptis literis reversalibus, de non præjudicando jurisdictioni & pari officio in casu simili præstando, nec non exsolutis sportulis judicialibus, ad forum delicti remittere solent, quando id iudex fori delicti urget. *STRYCK. Us. Modern. Dig. tit. de judic. §. XXVII. MILIVS Diss. de remissione facinoros. MÜLLER. Diss. de literis reversalibus.* Quodsi vero iudex fori deprehensionis remissionem, quod

quod facere potest, deneget, non tamen aliam poenam in delinquentem statuere potest, quam quæ obtinet in loco delicti ZIEGLER. *Diff. de poen.* §. LIII. Nec tamen delinquens in foro deprehensionis semel punitus, in foro delicti postea de novo puniti potest WERNHER. *P. VII. Obs. XLI.*

### Aphor. IX.

SED ET MOBILES) Dubitat de hac re BEYER. in *Digest. tit. de judic.* §. CX. nec admittit explicationem verborum: *situm esse* per verba: *deprehendi in loco.* Et si dicendum, quod res est, actio illa de re mobili in loco, ubi deprehenditur, instituta, non multum efficaciam habebit, nisi actor simul curet, ut arrestum impetret, quod tamen absque justa causa iudex decernere non solet.

### Aphor. X.

EJUSMODI FORVM CONSTITVATUR) Est itaque arrestum medium judiciali auctoritate rem, in loco non permanfuram, vel facile de loco in locum transportandam, in certo loco detinendi. Idque præterea, quod securitatem præstet, ne res intervertatur, eum habet effectum, ut jurisdictio iudicis alias incompetentis prorogetur, sic vero is quoque, qui alibi degit, ejus iudicium, tanquam in foro rei sitæ, agnoscere debeat. Quia, tamen existimatio ejus, cui arrestum denunciatur, paulisper læditur, non facile iudex eum decernit, sed impetrans arrestum demonstrare debet prius, justam adesse rem detinendi causam, & nisi detineatur, se suum difficulter consecuturum. Est & aliud arresti



reſti genus, Saxonibus præſertim cognitum, quo contra debitorem obæratum utuntur creditores non privilegiati eo effectū, ut jus reale acquirant, quo de argumento infra videbimus.

### Aphor. XI.

FEVDVM NON CONCERNENTIBVS) Generatim nexus feudal̃s in omnibus iis territoriis, in quibus Jus Landsſſiatus viget, Vaſallum, omnesque reliquos, qui ſucceſſionem in feudo ſperant, eoque nomine eventuale juramentum fidelitatis præſtant, obligat, ut juridiſſionem Domini directi in perſonalibus etiam negotiis agnoſcant. Vi enim Vaſallagii ſe domino directo ſimul ut domino territoriali ſubjiciunt, absque diſtinctione, ſive domicilium in territorio habeant, ſive alibi degant, etiamſi imperio alias immediate ſubſint. INSTR. PAC. WESTPH. art. V. §. XXVIII. Hoc jus Landsſſiatus maxime in iis provinciis viget, quæ territoria clauſa dicuntur. Nec ideo ad Saxoniam ſolum, de qua late CARPZOV. *Diff. de jur. ac privil. Duc. Saxon. de non appell.* reſtringendum eſt, ſed in aliis etiam Germaniæ regionibus viget. Conf. MENCKE *Diff. de vi ſuperior. territor. in territor. imper. clauſ.* Cæterum, quam ſancte colant Status Imperii hoc jus, patet ex CAPITVL. CAROL. art. XV. in quo ab Imperatore ſibi ſtipulati ſunt, daß er ſeinen Landsſſen von eines Standes Bothmäßigkeit und juridiſſion weder unter dem Prætext der Lehnsherrſchaft, noch einem andern Scheine eximiren und befreyen, noch ſolches andern geſtatten wolle.

Aph.

**Aphor. XII.**

**VEL VENIT** ) Deducitur continentia vel ex identitate causarum, vel ex conjunctione causarum. Illa adest, vel ratione personarum, vel ratione rerum. Prior, quæ personas respicit, præsupponit casum, plures personas, quæ diversas jurisdictiones agnoscunt, ex una eademque causa alicui esse obligatas v. c. plures tutores, vel legatarios. Posterior, quæ ad res spectat, de casu accipienda est, quando, quis, vel plures res, sub diversa jurisdictione sitas, jam obligatas habet, v. c. res, quæ ad hæreditatem pertinent, vel obligatas habere cupit, v. g. per arresti generalis impositionem. Atque his omnibus in casibus judicem, qui ratione omnium personarum vel rerum competens est, quando haberi potest, adire & iudices singulo intermedios prætergredi possumus. Si vero non adsit iudex omnibus superior, causa dividenda est. Continentia vero, quæ ex conjunctione causarum oritur, causam connexam ad illud forum trahit, in quo altera causa ventilata fuit. Ita iudicium principale coram iudice tractatur, qui de præparatorio iudicavit. Ita in iudicio conventionis cognoscitur causa reconventionis. Iudex, qui de possessorio iudicavit, & in petitorio litem terminat. Ubique tamen præsupponendum est, esse iudicem, ratione causæ, quæ connexa dicitur, competentem. Nam v. c. iudex quidem secularis de possessorio in causa Ecclesiastica, non vero de petitorio cognoscere potest.

## Aphor. XIII.

**RATIONE PERSONARVM**) Utriusque fori privilegiati efficaciam jam sæpius indicavi. Forum enim causæ privilegiatum prohibitionem continet, adeoque ejus renunciatio non est privati arbitrii. Forum personæ privilegiatum in permissivo jure consistit, cui, nisi lex sigillatim obstat, renunciare licet.

## Aphor. XIV.

**IN CRIMINALIBVS CAUSIS**) Originem jurisdictionis Ecclesiasticæ a diverso respectu Reipublicæ secularis & Ecclesiasticæ & præminencia putativa Ecclesiæ desumendam late exponit BÖHMER. *Jur. Eccles. Protestant. Lib. I. Tit. XXXI.* & in indolem ejus inquit STRYCK. in *Dissert. de origine & indole jurisdict. Eccles.* Pertinet vero hoc forum partim ad personas Clericorum, partim ad causas Ecclesiasticas. Et harum intuitu omnes omnino etiam non Clerici forum Ecclesiasticum præcise agnoscere debent. Personalia vero Clericorum negotia quod attinet, sive ex facto licito, sive ex facto illicito dependeant, ratione cognitionis, decisionis & executionis sibi vindicat judex Ecclesiasticus, & quando poena, remotione gravior applicanda venit, quæ corpus afficit, vel vita privat, clericum prævia degradatione Canonica in statum laicorum prius detruendum, judici seculari tradit puniendum, quæ degradatio, utut ab erroneo principio, nullam laicum in clericum qua talem exercere posse juris-

di-

ditionem, dependeat, tamen a nostratibus usurpatur, ex ratione, ne forsan scandalum homines ex plebe accipiant add. *KRAVSI Diff. de degradat. Canon.*

RECTORE SVO SVNT CONVENIENDI) In negotiis personalibus, civilibus tamen regulariter, in criminalibus non nisi ex speciali privilegio. Utut vero Academiae in criminosos animadvertere nequeant, habent tamen jus coercendi immorigeros per modum censuræ, eo effectū, ut civitate Academica eos privare possint. Nec facile ipsis ob reliqua crimina denegatur jurisdictio, quatenus in cognitione consistit. Et, peracta cognitione, si appareat, delictum inquisitione dignum & poena corporis afflictiva aut capitali afficiendum non esse, & decisio & executio Academiae competit. Quare, si jurisdictio criminalis tertio in cives Academicos concessa sit, non sufficit, crimen esse commissum, ut Academia excludatur, sed requiritur, ex causæ cognitione ab Academia peragenda apparere, crimen ita qualificatum esse, ut poena corporis afflictiva vel capitalis sequi possit. add. *WERNHER. P. I. Obs. CCLXXXVI.*

MAGISTRO MILITVM) Quod iterum personale forum est, ad actiones licitas & illicitas citra distinctionem extendendum. Quoad delicta vero jus Romanum destinguit ea intentione, ut delicta a milite, qua milite, commissa solus iudex militaris, delicta vero a milite, qua subdito, perpetrata & iudex ordinarius per modum præventionis punire possit *L. II. D. de re militar.* Hodie vero



id unice a dispositione principis dependet, quo usque militare forum privilegiatum esse, & quas causas ipsi subesse, quas exemptas velit. add. STRYCK. *Uf. Modern. Digestor. tit. de re militar. §. II.*

QVADAM DE GENTIVM ) Quod privilegium itidem in eo consistit, ut ministri Principis, in personalibus, jurisdictioni magistratus oppidani sint exempti, ubicunque locorum degerint, & Principem judicem solum agnoscant. Cæterum a Ministris & Officialibus Principum distinguuntur plerumque illi, qui famulitium & servitium Principi, ejusque conjugii & familiæ præstant, quippe qui coram aulæ Mareschalco in personalibus causis civilibus conveniuntur, & coram eodem censuram morum subeunt. STRYCK. *de for. ministr. Princ. cap. II.*

AVSTREGAS VOCANT ) A voce austragen, vertragen, amicabiliter componere. Est vero Jus Austregarum privilegium primæ instantiæ ab Imperatore eo in fine singulis Imperio immediate subiectis concessum, ut prius, quam coram arbitris causa controversa tractata sit, ad Judicia Imperii suprema evocari nequeat. Non itaque est privilegium Statuum Imperii, qua talium, cum Doctores juris publici doceant, quosdam Status Imperii eo non uti, alios, qui status non sunt, eo gaudere. Sed unice illi ad Jus Austregarum provocare possunt, quibus id per privilegium est concessum.

### Aphor. XV.

NE QUIDEM PER INDIRECTVM ) Et sic  
ne

ne per Commissiones quidem ipse Princeps judi-  
ci inferiori facile præjudicium infert, nisi iudex  
inferior suspicione laboret. Imo si levis sit su-  
spicio, moris est, ut judici Commissarius potius ad-  
jungatur, quam causa tertio cum exclusione judi-  
cis ordinarii committatur.

CONVENIRE LICET ) Sunt personæ mise-  
rabiles, quæ fortunæ injuria miserabiles sunt, for-  
san, quod eum, quem nutritorem & defensorem  
habebant, amiserint, vel diuturno morbo fatiga-  
ti, vel per calamitates possessionibus suis privati  
sint. Et hi, sive agant, sive conveniantur, privi-  
legio *L. unic. C. quand. Imperat. inter pupill.* uti  
possunt. Non tamen facile ad hanc legem pro-  
vocant, judicio jam in prima instantia accepto &  
lite pendente, nisi justa adsit avocationis causa.  
*LEYSER. Spec. LXXVIII. med. V. sq.*

Tit. VI.

De Judicis Habilitate.

Aphor. I.

**N**ON ADSINT CAUSAE SUSPICIONIS )  
Imo potius inhabilitas judicis est vel ab-  
solute talis, vel secundum quid. Primo  
enim iudex generatim non esse potest, nisi iis qua-  
litatibus sit instructus, quæ illi, qui justitiam admi-  
nistrat, necessario cohærere debent. Habeat ni-  
mirum iudicium discretivum & scientiam legalem.  
Quæ, quamvis ex moribus Germaniæ adesse non  
debeat in eo, qui jurisdictionem patrimonialein  
exercet, procul dubio tamen deesse non potest hu-  
jus delegato. Licet vero iudex omnibus istis qua-

litatibus sit instructus, sit tamen inhabilis secundum quid, quando ex circumstantiis apparet, causam pertractandam ad eum vel directo vel per indirectum pertinere, eumque probabiliter partium studio fore deditum. Exempla vide in ZIEGLERI *Dicast. Concl. XIII.*

### Aphor. II.

INTEGRVM COLLEGIVM, VT SUSPECTVM) Regulariter nempe collegium recusari non potest, cum vix casus existat, ut causa ventilanda singulos suspectos reddat; Sic vero, cum jurisdictio cum toto Collegio communicetur, causa decidi possit, etsi suspectus a decernendo abstineat arg. *L. VII. §. II. quod cujusque univers. ZANGER. de Exception. P. II. cap. IV. n. 17. CARPZOV. Lib. II. Resp. XI. n. 21.* Verum enim vero id indistincte defendere non possumus, quod integro Collegio exceptio recusationis opponi nequeat. Quid enim, si maxima pars suspecta sit, & reliqui dijudicandæ causæ impares sint? Quid si unius auctoritas præponderet? MEVIVS *P. I. Decis. XCIV.* Quid si causa ipsa ita comparata sit, ut contra singula membra suspicio de partium studio oriatur? Quale exemplum contigit olim, cum Camera Spirensis, cujus Assessores omnes Pontificiæ religioni erant addicti, jus decidendi causam Protestantium sibi assereret. add. STRAVCH. in *Exerc. exoter. ultim.*

### Aphor. III.

COGNOSCAT ET DIRIMAT) In genere consultum est, ut exceptione recusationis parce  
uta-

utatur, nec facile de avocanda causa a iudice ordinario cogitemus. Ista enim exceptio intempestive opposita, maxima incommoda parit. Potest Iudex alias æquus nunc adversarius fieri, & excipienti se in aliis causis inimicum ostendere. Potest excipiens, si causam recusationis probare nequit, actionem injuriarum in se provocare. Potest iudex superior querelam de suspecto iudice vilipendere, eique causam cum ingenti excipientis damno pertractandam relinquere. Præstat igitur id capere consilii, quod *L. IX. D. de suspect. tutor.* suppeditat, & ut famæ iudicis parcamus, adjunctionem Commissarii petere.

#### Aphor. IV.

PROBARI DEBET ) Quam sæpius difficilem tamen, & semper periculosam probationem evitabit ille, qui in juramento perhorrescentiæ refugium quærit, in *cap. II. de Rescript. in 6to* furdatum, vi cuius asserit, se non credere iudicem ordinarium æquum in hac causa iudicem futurum. Quod enim nonnulli putant, nec ad hoc juramentum quem posse admitti, non probata causa suspicionis, id omnino falsum est, cum certe evitandæ probationis & conservandæ famæ iudicis causa juramentum sit introductum. Nec recte rationes subducunt, qui cum *MEVIO P. VI. Decis. LXXI. n. 4.* reum quidem, non vero actorem ad illud jusjurandum admittunt, cum nulla diversitatis sufficiens ratio appareat, eademque ratione, quâ reus, & actor gravari possit.



## Tit. VII.

## De Causa in iudicium deducta.

## Aphor. I.

**V**EL EST ECCLESIASTICA) Quæ generatim ea dicitur, quam ex suffragio Pontificiorum Ecclesia repræsentativa, sive Clerus, vel, ut ad principia Protestantium definitio magis accommodetur, quam Princeps a cognitione iudicis ordinarii exemptam, & a iudice Ecclesiastico decidendam esse iussit. Idque in se spectatum tolerari potest, cum a Principis arbitrio unice dependeat, quem cujusque causæ iudicem velit. Illi vero, qui iudiciorum Ecclesiasticorum constitutionem ex necessitate quadam derivant, cum Pontificiis errant, cum ficta illa Respublica Ecclesiastica indoli Ecclesiæ repugnet, & Ecclesia magis, ut collegium æquale in Republica considerata sit, quod in externis directionem superioris æque ac aliud Collegium, quod secularem finem habet propositum, agnoscere debet. Reliquas distinctiones causæ in iudicium deductæ vel ideo silentio lubens prætereo, quia de natura & indole actionum realium, personalium, & possessoriarum, quæ vel summarie vel ordinarie pertractantur, alibi jam diximus.

## Tit. VIII.

## De forma procedendi seu ipso ordine procedendi in iudicio.

## Aphor. I.

**M**ODVS LEGITIMVS) Omnis causæ controversæ disceptatio ad certam regulam a lege præscriptam est accommodanda,  
nec

nec judici licet, tacente lege, aliam substituere, nec parti integrum est, invita altera parte, a regula recedere. Generatim vero cum ordo naturalis, quem supra jam exposuimus, tum ordo legalis, qui in solennitate a lege superaddita consistit, præcise servandus est. Lex ipsa vero aliquando permittit, ut ob causæ qualitatem iudex regulam vilipendere & ex arbitrio magis prudenti litem decidere possit, modo, quæ ad esse disceptationis pertinent, non omittat. Hoc vero nomine processus dividitur in regularem & irregularem. Ipse vero regularis ex legis dispositione varius est. Vel enim iudex & pars stricte inhærere debent omnibus solennitatibus, quod, quousque lex aliam regulam non substituit, semper fit, isque processus ordinarius vocatur, vel lex permittit, ut celerius & remissis solennitatibus procedi possit. Idque fit, vel ita, ut, observato solum ordine naturali, causæ disceptatio instituat, qui summarius vocatur processus, vel ita, ut & ordo naturalis invertatur, qui executivus processus dicitur. Parit autem processum executivum partis adversæ scripta confessio, vel aliud instrumentum, ex quo omnia capita libelli statim liquida fieri possunt. Summarius vero processus a privilegio causæ dependet, quod vel ex mera principiis gratia proficiscitur, vel rationem habet, ne causæ discussio, per observationem solennium diutius dilata, vel parti vel Reipublicæ insigne detrimentum afferat.

### Aphor. III.

AB INSISTENDO) Imo dixeris potius, in-

tia, condonet, & libellum nihilominus recipiat. Et prior quidem effectus non facile est denegandus clausulæ isti, quam vocant, salutari, quamvis iudex etiam non imploratus officium nobile impertire, satque errantem in rectam viam deducere, adeoque & fructus, damna, expensas, usuras, quarum mentionem non fecit actor, adjudicare deberet. Quod autem ad vitia libelli attinet, quæ, quam varia sint, vide in *BASTINELLERI Dissert. de vitiis libelli*, vix iste, ut vulgo putant, effectus clausulæ est, ut defectum libelli formalem, obscuritatem vel contrarietatem sanet, sed ea tantum vitia sanabit, quæ in accidentalibus occurrunt. Quamvis, quia iudex æquus & hæc non imploratus facile condonabit, merito clausulam ipsam eo nomine superfluum dixeris, vid. *STRYCK. Dissert. de clausula salutari libellorum*. De reliquis clausulis, quæ libello admisceri solent, vide *LYDOVICI Cens. jura Civil-Process. cap. IX. §. XXVIII. sqq.*

**CITATIO DECRETA A JUDICE**) Hodie nempe citatio, quæ olim apud Romanos privata in jus vocatione & obtorto collo peragebatur, publica auctoritate faciendâ, nec nisi a iudice, eo nomine implorato, emittenda est. Cessat enim specialis illa ratio, quæ Romanos invitos ex domo sua vel ex alio loco, cui ob cultum Deorum reverentia habenda erat, evocare prohibebat *L. XV. de in jus vocand.* *SCHILTER. Exerc. VII. tb. VII.* Et quia hac ratione, quæ publicæ & magistratus auctoritate fit citatio, nihil ignominia &

violentiae secum habet, non opus est, ut eam, quam ex hoc principio Romani prohibitam judicabant personarum, quibus reverentia debebatur, in jus vocationem absque veniae impetratione *L. IV. §qq. L. XIII. D. & L. III. C. Eod.* nostra ætate quoque inter illicitas referamus. Interim, ut iudex demum imploratus, & ad instantiam partis, non vero ex officio citationem decernat, omnino necesse est. *GAIL. Lib. I. Obs. L.* eaque ipsa ita ad formam processus pertinet, ut in nulla causa, etiamsi vel maxime privilegiata, notoria, vel etiam reus præsens sit, citra vitium nullitatis omitti possit. *CLEMENT. Sæpe de Verbor. signif. L. I. pr. D. de edend. STRVV. Exerc. V. tit. X.* cum is generatim citationis sit finis, ut reus non nisi præparatus ad iudicium veniat, sufficiensque spatium consequatur deliberandi, utrum cedere, an contendere velit.

**LOCVS ET DIES** ). Omnia hæc requisita rationem habent necessariam. Interest enim citati, ut sciat, an iudex sit competens, an contra se actio instituta, quis sit ille, cum quo iudicium suscipere debet, & utrum standi personam habeat in iudicio. Nec præparatus venire potest, nisi causa innotescat, nec de actu expediendo cogitare, nisi eum iudex exprimat. Scire etiam debet, an locus, ubi comparandum est, sit tutus & honestus. Terminum ipsum comparitionis iudicum & congruum esse iubent leges, præcaventque, ne ob angustiam termini iusta reo oriatur querendi causa. Cæterum si iudex ordinarius citat,



## Aphor. XIII.

**RATIONE PERSONARVM**) Utriusque fori privilegiati efficaciam jam sæpius indicavi. Forum enim causæ privilegiatum prohibitionem continet, adeoque ejus renunciatio non est privati arbitrii. Forum personæ privilegiatum in permissivo jure consistit, cui, nisi lex sigillatim obstet, renunciare licet.

## Aphor. XIV.

**IN CRIMINALIBVS CAUSIS**) Originem jurisdictionis Ecclesiasticæ a diverso respectu Reipublicæ secularis & Ecclesiasticæ & præ eminentia putativa Ecclesiæ desumendam late exponit BÖHMER. *Jur. Eccles. Protestant. Lib. I. Tit. XXXI.* & in indolem ejus inquit STRYCK. in *Dissert. de origine & indole jurisdict. Eccles.* Pertinet vero hoc forum partim ad personas Clericorum, partim ad causas Ecclesiasticas. Et harum intuitu omnes omnino etiam non Clerici forum Ecclesiasticum præcise agnoscere debent. Personalia vero Clericorum negotia quod attinet, sive ex facto licito, sive ex facto illicito dependeant, ratione cognitionis, decisionis & executionis sibi vindicat judex Ecclesiasticus, &, quando poena, remotione gravior applicanda venit, quæ corpus afficit, vel vita privat, clericum prævia degradatione Canonica in statum laicorum prius detruendum, judici seculari tradit puniendum, quæ degradatio, utut ab erroneo principio, nullam laicum in clericum qua talem exercere posse juris-

di-

ditionem, dependeat, tamen a nostratibus usurpatur, ex ratione, ne forsan scandalum homines ex plebe accipiant add. *KRAVSI Diff. de degradat. Canon.*

RECTORE SVO SVNT CONVENIENDI) In negotiis personalibus, civilibus tamen regulariter, in criminalibus non nisi ex speciali privilegio. Utut verò Academiae in criminosos animadvertere nequeant, habent tamen jus coercendi immorigeros per modum censuræ, eo effectū, ut civitate Academica eos privare possint. Nec facile ipsis ob reliqua crimina denegatur jurisdictio, quatenus in cognitione consistit. Et, peracta cognitione, si appareat, delictum inquisitione dignum & poena corporis afflictiva aut capitali afficiendum non esse, & decisio & executio Academiae competit. Quare, si jurisdictio criminalis tertio in cives Academicos concessa sit, non sufficit, crimen esse commissum, ut Academia excludatur, sed requiritur, ex causæ cognitione ab Academia peragenda apparere, crimen ita qualificatum esse, ut poena corporis afflictiva vel capitalis sequi possit. add. *WERNER. P. I. Obs. CCLXXXVI.*

MAGISTRO MILITVM) Quod iterum personale forum est, ad actiones licitas & illicitas citra distinctionem extendendum. Quoad delicta vero jus Romanum destinguit ea intentione, ut delicta a milite, qua milite, commissa solus iudex militaris, delicta vero a milite, qua subdito, perpetrata & iudex ordinarius per modum præventionis punire possit *L. II. D. de re militar.* Hodie vero

id unice a dispositione principis dependet, quo usque militare forum privilegiatum esse, & quas causas ipsi subesse, quas exemptas velit. add. STRYCK. *Uf. Modern. Digestor. tit. de re militar. §. II.*

QVADAM DE GENTIVM ) Quod privilegium itidem in eo consistit, ut ministri Principis, in personalibus, jurisdictioni magistratus oppidani sint exempti, ubicunque locorum degerint, & Principem judicem solum agnoscant. Cæterum a Ministris & Officialibus Principum distinguuntur plerumque illi, qui famulitium & servitium Principi, ejusque conjugii & familiæ præstant, quippe qui coram aulae Mareschallo in personalibus causis civilibus conveniuntur, & coram eodem censuram morum subeunt. STRYCK. *de for. ministr. Princ. cap. II.*

AVSTREGAS VOCANT ) A voce austragen, vertragen, amicabiliter componere. Est vero Jus Austregarum privilegium primæ instantiæ ab Imperatore eo in fine singulis Imperio immediate subiectis concessum, ut prius, quam coram arbitris causa controversa tractata sit, ad Judicia Imperii suprema evocari nequeat. Non itaque est privilegium Statuum Imperii, quæ talium, cum Doctores juris publici doceant, quosdam Status Imperii eo non uti, alios, qui status non sunt, eo gaudere. Sed unice illi ad Jus Austregarum provocare possunt, quibus id per privilegium est concessum.

### Aphor. XV.

NE QVIDEM PER INDIRECTVM ) Et sic  
ne

ne per Commissiones quidem ipse Princeps judi-  
ci inferiori facile præjudicium infert, nisi judex  
inferior suspicione laboret. Imo si levis sit su-  
spicio, moris est, ut judici Commissarius potius ad-  
jungatur, quam causa tertio cum exclusione judi-  
cis ordinarii committatur.

CONVENIRE LICET ) Sunt personæ mise-  
rabiles, quæ fortunæ injuria miserabiles sunt, for-  
san, quod eum, quem nutritorem & defensorem  
habebant, amiserint, vel diuturno morbo fatiga-  
ti, vel per calamitates possessionibus suis privati  
sint. Et hi, sive agant, sive conveniantur, privi-  
legio *L. unic. C. quand. Imperat. inter pupill.* uti  
possunt. Non tamen facile ad hanc legem pro-  
vocant, judicio jam in prima instantia accepto &  
lite pendente, nisi justa adsit avocationis causa.  
*LEYSER. Spec. LXXVIII. med. V. sq.*

Tit. VI.

De Judicis Habilitate.

Aphor. I.

**N**ON ADSINT CAUSAE SUSPICIONIS )  
Imo potius inhabilitas judicis est vel ab-  
solute talis, vel secundum quid. Primo  
enim judex generatim non esse potest, nisi iis qua-  
litatibus sit instructus, quæ illi, qui justitiam admi-  
nistrat, necessario coherere debent. Habeat ni-  
mirum judicium discretivum & scientiam legalem.  
Quæ, quamvis ex moribus Germaniæ adesse non  
debeat in eo, qui jurisdictionem patrimonialein  
exercet, procul dubio tamen deesse non potest hu-  
jus delegato. Licet vero judex omnibus istis qua-



litatibus sit instructus, sit tamen inhabilis secundum quid, quando ex circumstantiis apparet, causam pertractandam ad eum vel directo vel per indirectum pertinere, eumque probabiliter partium studio fore deditum. Exempla vide in *ZIEGLERI Dicast. Concl. XIII.*

### Aphor. II.

**INTEGRVM COLLEGIVM, VT SUSPECTVM)** Regulariter nempe collegium recusari non potest, cum vix casus existat, ut causa ventilanda singulos suspectos reddat; Sic vero, cum jurisdictio cum toto Collegio communicetur, causa decidi possit, etsi suspectus a decernendo abstineat arg. *L. VII. §. II. quod cujusque univers. ZANGER. de Exception. P. II. cap. IV. n. 17. CARPZOV. Lib. II. Resp. XI. n. 21.* Verum enim vero id indistincte defendere non possumus, quod integro Collegio exceptio recusationis opponi nequeat. Quid enim, si maxima pars suspecta sit, & reliqui dijudicandæ causæ impares sint? Quid si unius auctoritas præponderet? *MEVIVS P. I. Decis. XCIV.* Quid si causa ipsa ita comparata sit, ut contra singula membra suspicio de partium studio oriatur? Quale exemplum contigit olim, cum Camera Spirensis, cujus Assessores omnes Pontificiæ religioni erant addicti, jus decidendi causam Protestantium sibi assereret. add. *STRAVCH. in Exerc. exoter. ultim.*

### Aphor. III.

**COGNOSCAT ET DIRIMAT)** In genere consultum est, ut exceptione recusationis parce  
uta-

utatur, nec facile de avocanda causa a iudice ordinario cogitemus. Ista enim exceptio intempestive opposita, maxima incommoda parit. Potest Iudex alias æquus nunc adversarius fieri, & excipienti se in aliis causis inimicum ostendere. Potest excipiens, si causam recusationis probare nequit, actionem injuriarum in se provocare. Potest iudex superior querelam de suspecto iudice vilipendere, eique causam cum ingenti excipientis damno pertractandam relinquere. Præstat igitur id capere consilii, quod *L. IX. D. de suspect. tutor.* suppeditat, & ut famæ iudicis parcamus, adjunctionem Commissarii petere.

#### Aphor. IV.

PROBARI DEBET ) Quam sæpius difficilem tamen, & semper periculosam probationem evitabit ille, qui in juramento perhorrescentiæ refugium quærit, in *cap. II. de Rescript. in 6to* fundatum, vi cuius asserit, se non credere iudicem ordinarium æquum in hac causa iudicem futurum. Quod enim nonnulli putant, nec ad hoc juramentum quem posse admitti, non probata causa suspicionis, id omnino falsum est, cum certe evitandæ probationis & conservandæ famæ iudicis causa juramentum sit introductum. Nec recte rationes subducunt, qui cum *MEVIO P. VI. Decis. LXXI. n. 4.* reum quidem, non vero actorem ad illud iusjurandum admittunt, cum nulla diversitatis sufficiens ratio appareat, eademque ratione, quâ reus, & actor gravari possit.

## Tit. VII.

## De Causa in iudicium deducta.

## Aphor. I.

**V**EL EST ECCLESIASTICA) Quæ generatim ea dicitur, quam ex suffragio Pontificiorum Ecclesia repræsentativa, sive Clerus, vel, ut ad principia Protestantium definitio magis accommodetur, quam Princeps a cognitione iudicis ordinarii exemptam, & a iudice Ecclesiastico decidendam esse iussit. Idque in se spectatum tolerari potest, cum a Principis arbitrio unice dependeat, quem cujusque causæ iudicem velit. Illi vero, qui iudiciorum Ecclesiasticorum constitutionem ex necessitate quadam derivant, cum Pontificiis errant, cum ficta illa Respublica Ecclesiastica indoli Ecclesiæ repugnet, & Ecclesia magis, ut collegium æquale in Republica consideranda sit, quod in externis directionem superioris æque ac aliud Collegium, quod secularem finem habet propositum, agnoscere debet. Reliquas distinctiones causæ in iudicium deductæ vel ideo silentio lubens prætereo, quia de natura & indole actionum realium, personalium, & possessoriarum, quæ vel summarie vel ordinarie pertractantur, alibi jam diximus.

## Tit. VIII.

## De forma procedendi seu ipso ordine procedendi in iudicio.

## Aphor. I.

**M**ODVS LEGITIMVS) Omnis causæ controversæ disceptatio ad certam regulam a lege præscriptam est accommodanda,  
nec

nec judici licet, tacente lege, aliam substituere, nec parti integrum est, invita altera parte, a regula recedere. Generatim vero cum ordo naturalis, quem supra jam exposuimus, tum ordo legalis, qui in solennitate a lege superaddita consistit, præcise servandus est. Lex ipsa vero aliquando permittit, ut ob causæ qualitatem iudex regulam vilipendere & ex arbitrio magis prudenti litem decidere possit, modo, quæ ad esse disceptationis pertinent, non omittat. Hoc vero nomine processus dividitur in regularem & irregularem. Ipse vero regularis ex legis dispositione varius est. Vel enim iudex & pars stricte inhærere debent omnibus solennitatibus, quod, quousque lex aliam regulam non substituit, semper fit, isque processus ordinarius vocatur, vel lex permittit, ut celerius & remissis solennitatibus procedi possit. Idque fit, vel ita, ut, observato solum ordine naturali, causæ disceptatio instituat, qui summarius vocatur processus, vel ita, ut & ordo naturalis invertatur, qui executivus processus dicitur. Parit autem processum executivum partis adversæ scripta confessio, vel aliud instrumentum, ex quo omnia capita libelli statim liquida fieri possunt. Summarius vero processus a privilegio causæ dependet, quod vel ex mera principiis gratia proficiscitur, vel rationem habet, ne causæ discussio, per observationem solennium diutius dilata, vel parti vel Reipublicæ insigne detrimentum afferat.

### Aphor. III.

AB INSISTENDO) Imo dixeris potius, in-



stantiam vel sumi in sensu Grammatico, vel in sensu Juridico. Ibi hoc denotatur, quando quis insistit & urget, ut processus secundum ordinem præscriptum finiatur, eamque ob causam, quæ suarum partium sunt, expedit, quæque permittente lege adhibere potest media, adhibet. Hic instantia est, quando quis a iudice causæ gravatus per sententiam apud iudicem superiorem de gravamine ilato conqueritur, eumque implorat, ut causa de novo cognita gravamen corrigat. Igitur, quousque iudex ordinarius de causa cognoscit, etiamsi per remedia suspensiva de gravamine corrigendo sumus solliciti, nova instantia in sensu Juridico non adest. Et errant ideo, qui, dum reiterationis vel supplicationis remedio utuntur, se in nova instantia versari credunt. In eodem sensu Grammatico sumitur instantia, quando reus ob contumaciam actoris urget, ut ab instantia absolvatur. Hoc ipso enim id agitur, ut actor prius litis continuationem coram eodem iudice non possit urgere, quam præstiterit expensas, quibus contumacia sua causam dedit.

#### Aphor. IV.

VEL ACCIDENTALIA ) Substantialia sunt, quæ in omni processu regulariter adsunt, & efficiunt, ut processus subsistere possit, nec ideo citra vitium nullitatis abesse possunt. Et eatenus quidem, quatenus natura rei controversæ ea adhibere jubet, in omni processu adesse debent, quatenus a lege formam certam acceperunt, in processu ordinario minimum observanda sunt. Accidentalia

lia vero dicuntur, quæ non præcise adfunt, sed aliquando processui admiscuntur, ejusque ordinem interrumpunt, vel in longius extendunt.

**SUPPLICATIO**, Das Klage-Schreiben) Sed cave existimes, supplicationem & libellum Synonyma esse. Supplicatio enim in se spectata est scheda, quam cum libello actor judici porrigit, & in qua petit, ut judex per citationem processum aperiat, atque reo, quod secundum naturam causæ in judicium deductæ expediendum est, in certo termino faciendum injungat. Et eatenus supplicatio neque de substantia processus est, neque allegatione juris & facti, juri contrarii absolvitur. Sed hoc ultimum primaria magis pars libelli est, cum supplicatione exhibiti. Qui tamen & absque supplicatione peculiari subsistit. Sic vero integrum est actori, velitne supplicationem & libellum separare, an unum alteri admiscere. Hoc vero, si fit, libello, postquam facti enarratio præcessit, duplex petitum additur. Alterum, quod terminum præfigendum respicit, quodque actor, si velit, per supplicationem separatim proponere potest, alterum, quod ad litem ipsam in judicium deductam & eo dirigitur, ut judex reum in id, quod præstare vel facere denegat, condemnet.

**NOBILI OFFICIO DESUPER IMPLORATO**) Sed, nec hæc imploratio proprie ad supplicationem, sed ad ipsum libellum spectat. Cæterum hac imploratione id efficere studet actor, ut, si quæ omissa petere ulterius potuisset, judex ex officio suppleat, & præterea, si quæ libellus haberet vitia

tia, condonet, & libellum nihilominus recipiat. Et prior quidem effectus non facile est denegandus clausulæ isti, quam vocant, salutari, quamvis judex etiam non imploratus officium nobile impertire, atque errantem in rectam viam deducere, adeoque & fructus, damna, expensas, usuras, quarum mentionem non fecit actor, adjudicare deberet. Quod autem ad vitia libelli attinet, quæ, quam varia sint, vide in *BASTINELLERI Dissert. de vitiis libelli*, vix iste, ut vulgo putant, effectus clausulæ est, ut defectum libelli formalem, obscuritatem vel contrarietatem sanet, sed ea tantum vitia sanabit, quæ in accidentalibus occurrunt. Quamvis, quia judex æquus & hæc non imploratus facile condonabit, merito clausulam ipsam eo nomine superfluam dixeris, vid. *STRYCK. Dissert. de clausula salutari libellorum*. De reliquis clausulis, quæ libello admisceri solent, vide *LYDOVICI Cens. juri Civil-Process. cap. IX. §. XXVIII. sqq.*

**CITATIO DECRETA A JUDICE**) Hodie nempe citatio, quæ olim apud Romanos privata in jus vocatione & obtorto collo peragebatur, publica auctoritate faciendâ, nec nisi a iudice, eo nomine implorato, emittenda est. Cessat enim specialis illa ratio, quæ Romanos invitos ex domo sua vel ex alio loco, cui ob cultum Deorum reverentia habenda erat, evocare prohibebat *L. XV. de in jus vocand.* *SCHILTER. Exerc. VII. tb. VII.* Et quia hac ratione, quæ publicæ & magistratus auctoritate fit citatio, nihil ignominia &

violentia secum habet, non opus est, ut eam, quam ex hoc principio Romani prohibitam judicabant personarum, quibus reverentia debebatur, in jus vocationem absque venia impetratione *L. IV. sqq. L. XIII. D. & L. III. C. Eod.* nostra ætate quoque inter illicitas referamus. Interim, ut iudex demum imploratus, & ad instantiam partis, non vero ex officio citationem decernat, omnino necesse est. *GAIL. Lib. I. Obs. L.* eaque ipsa ita ad formam processus pertinet, ut in nulla causa, etiam si vel maxime privilegiata, notoria, vel etiam reus præsens sit, citra vitium nullitatis omitti possit. *CLEMENT. Sape de Verbor. signif. L. I. pr. D. de edend. STRUV. Exerc. V. tb. X.* cum is generatim citationis sit finis, ut reus non nisi præparatus ad iudicium veniat, sufficiensque spatium consequatur deliberandi, utrum cedere, an contendere velit.

LOCVS ET DIES ). Omnia hæc requisita rationem habent necessariam. Interest enim citati, ut sciat, an iudex sit competens, an contra se actio instituta, quis sit ille, cum quo iudicium suscipere debet, & utrum standi personam habeat in iudicio. Nec præparatus venire potest, nisi causa innotescat, nec de actu expediendo cogitare, nisi eum iudex exprimat. Scire etiam debet, an locus, ubi comparandum est, sit tutus & honestus. Terminum ipsum comparitionis iudicum & congruum esse iubent leges, præcaventque, ne ob angustiam termini iusta reo oriatur querendi causa. Cæterum si iudex ordinarius citat,



tat, nomen officii & expressio loci generalis sufficit. Delegatus vero nomen proprium & locum speciale exprimere debet. Causa vero citationis ita exprimitur, ut vel libellus aut schedula ab eo, qui terminum impetrat, exhibita, cum reliquis adiunctis, reo communicetur in copia, vel per compendium, quid contineat, citationi inseratur.

DE INSINUATA CITATIONE ) Ipsa insinuatio, ut necessario fieri debeat, cum alias citatio effectum habere non possit, ita procul dubio iis facienda sigillatim, quibus comparitio injungitur, & quidem regulariter ipsi citando in faciem, loco & tempore convenienti per personam, cui fides haberi potest. Si vero universitas citanda veniat, sufficit, iis insinuationem fieri, qui eam repræsentant. Si singulos concernat, ii vero copiam sui non faciant, in subsidium fieri potest ad domum vel ita, ut domesticis, qui in convictu citati sunt, & sub eo tanquam communi familiæ capite vivunt, tradatur, vel ita, ut, si nec hi acceptent citationem, in conspectu eorum reponatur, aut denique quando & hoc faciendi occasio deficit, valvis ædium affigatur. Quia vero & iudicis & partis intersit, ut de rite & legitime facta insinuatione non supersit dubium, merito ejus peragenda causa adhibetur persona, quæ jurejurando sese obstrinxit, ut insinuationes absque fraude & fideliter curare & de eadem ipsa ad Acta referre velit. Hujus enim relationi tum fides habetur *L. V. de exact. tribut.* quatenus ea continet, quæ ad officii sui partes spectant.

Aph.

**Aphor. V.**

**IN CIVILIBVS NON ADHIBETVR** ) Nisi quis pacto vel expresse vel tacito, quod v. c. fit in negotio cambiali, ad incarcerationem se obligaverit, vel suspectum se fecerit citandus de fuga. Quod autem in criminalibus adhibeatur, id inde est, quia reus, cui poena gravior imminet, de fuga semper suspectus est. Quare etiam in criminalibus tum non eligitur, quando metus fugæ cessat.

**SPECIALIBVS SOLVM CASIBVS** ) Quæ tamen omnes facile ad duas classes revocari possunt, quando insinuatio privata vel impossibilis vel difficilis sit.

**PER LITERAS SVBSIDIALES** ) Quæ tamen effectum tum demum habent, quando causæ controversæ indoles personæ præsentiam in iudicio, in quo lis jure ventilatur, exposcit. An vero jure ventiletur lis, ex competentia judicis dijudicandum est. Ne itaque iudex incomperens causam, quæ jurisdictioni suæ exempta est, ad se rapiat, necesse est, ut causa ipsa ex literis subsidialibus appareat. Quare, si iudices ex more iudiciorum conceptionem citationis non iudici requisito relinquunt, sed ipsi præoccupant, citationem ipsam patentem & non obsignatam literis adjungere debent. Rogant vero per literas, ut iudex requisitus in subsidium juris insinuationem peragendam curet, & tum de exhibitione citationis, tum de ejus insinuatione testimonium ad Acta remittat. Denique, se in casu simili paria referre velle, addunt. Interim facile patet, hanc requisitionem a iudice in-

fe-

feriori & ab eo, qui in requisitum potestatem non exercet, fieri debere. Collegia vero, qui nomine Principis justitiam administrant, subditos ejus provinciae indistincte immediate citant. add. FRÄNZK. *Lib. I. Resol. XVIII.* BERLICH. *P. I. Decis. LIX.* MARTINI *in Proc. Tit. IV. in Rubrica.*

### Aphor. VIII.

CAUSA SEV MEDIO CONCLVDENDI) Hæc ipsa deesse vel ideo nequit, quia in ea fundamentum intentionis unice positum est, dum judicem informat de jure vel ad personam vel ad rem, ex quo actio enascitur, & ex quo reus actori obligatus est, ad præstandum id, quod in litem deducitur. Et in personalibus quidem actionibus sufficit, ut causam proximam, nempe factum obligatorium & conventionem, allegemus. Nec ineptus est libellus actionis realis, in quo actor jus solum in re in genere tanquam causam proximam allegat. Consultum tamen est, ut & causæ remotæ, sive tituli, ex quo jus reale originem traxit, mentionem injiciat, ne, si forsan actor in probatione juris in re, quod nude allegavit, deficiat, postea, si ex alio titulo jus in re deducere possit, ipsi exceptio rei judicatæ obstat. Conf. *L. XIV. §. II. D. de except. rei judic.* GAIL. *Lib. I. Obs. LXI.* Interim tamen non opus est, ut actor jus agendi legibus & allegatis fulciat, cum jura & leges jam scire debeat judex. Quod si tamen jus agendi nitatur in lege singulari, cujus existentia non præsumitur, v. c. in privilegio, consuetudine, statuto, eam non allegare solum, sed & probare debet.

S P E -

**SPECIALI SIGNIFICATIONE**) Hoc est, in facti enarratione sollicitè cavere debet, ne in objecto litis obscuritas remaneat. Sic vero id ipsum ex præscripto *L. VI. D. de Rei vindic.* rite designare, ejusque qualitates commemorare debet, ne postea in ipsa adhuc executione dubium oriatur. Verum hanc specialem significationem fieri solum posse, quando natura objecti litis eam admittit, per se patet. Sic in causis universalibus, ut hereditatis petitione, generalibus e. g. actione tutelæ, & alternativis v. c. actione stupri vel ex *L. II. C. de rescind. vendit.* neque specificè objectum significare, neque specificè petere possumus.

**PETITIONE**) Est vero petiturum duplex. Alterum ad modum procedendi pertinet, & judicem, quo ordine processus sit expediendus, instruit. Hoc ad essentiam libelli non pertinet, & ideo etiam separatim in supplicatione, ut diximus, proponi potest. Alterum ex medio concludendi & facti narratione desumitur, & quem in finem actor conquestus sit, indicat. Idque naturæ institutæ actionis conforme esse debere, per se patet.

**PRAETEREA ETIAM**) Cumque insuper sæpius consultum sit, ut actor plures actiones in uno libello cumulet, dispiciat ille, ne, dum hoc beneficio utitur, ineptitudo libelli intentioni obsit. Est autem cumulatio vel subjectiva, vel objectiva. Illa plane prohibita est. Nam neque plures, qui non sunt litis consortes, contra unum in uno li-



bello experiri possunt, neque unus plures, qui non sunt corceri debendi, una actione convenire potest. Objectiva autem cumulatio contra unum debitorem, qui ex pluribus causis debet, de jure Communi, ut & de jure Saxonico Electorali in infinitum permittitur, quousque ex diverso modo procedendi confusio non est metuenda.

EST RECEPTVS) Sed non est receptus, & potius per RECESS. IMPER. de anno 1654. §. XXXIV. & LXIV. ex justis rationibus, &, ne tempus inutilibus disceptationibus de pertinentia articulorum teratur, prohibitus CARPZOV. P. I. Const. II. Def. I. STRYCK. de reject. ab action. cap. II. n. 53. In criminalibus vero, ubi accusatorie proceditur, eo effectū toleratur, ut reus specificè litem contestetur. Proxime tamen ad libellum articulatū accedere videntur positiones, quibus porrecto libello in foro communi tum utitur actor, si reus negative per omnia ad libellum respondet. Nam his efficere studet, ut ad singulas circumstantias libelli reus respondeat, & ne temere, quæ affirmanda erant, neget, ea vero ratione probationem difficilem reddat, ipse actor libellum in breves positiones redigit, additque juramentum dandorum, a reo vero juramentum respondendorum exigit. Quod satis demonstrat, finem primarium actoris esse, ut se ab onere superflua probandi liberet. Verum plerumque irrito effectū. Reus vero respondens ubique id agere debet, ut officia ejus, qui litem contestatur specificè, impleat. Conf. STRYCK. Diff. de probatione per interrog. advers. add.

*add. c. VI. de juram. calumn. & CLEMENT. Sa-  
pe de Verbor. Signif. BÖHMER. Jur. Eccles. Pro-  
testant. Lib. II. Tit. V. §. VII. sqq.*

### Aphor. IX.

**VNA CVM CONVENTIONE TRACTATUR**  
Est itaque reconventio reciproca actio, contra acto-  
rem instituta, eaque & de jure communi & de ju-  
re Saxonico effectum habet prorogationis necessa-  
riæ jurisdictionis, ut actor præcise & simpliciter  
forum judicis, coram quo reum convenit, in re-  
conventionem tanquam competens agnoscere debe-  
at, modo egerit proprio nomine **BRUNNEMANN**  
*Proc. Civili cap. X. n. 14.* & causa ipsa reconven-  
tionis in judicem conventionis sit prorogabilis,  
illeque istam causam cognoscere possit, vid. *L. XXII.*  
*D. de judic. CARPZOV., P. I. Const. VII. def. IV.*  
**BRUNNEMANN.** *ad L. XI. de jurisdict. n. 4.*  
Deinde utroque jure & communi & Saxonico Ele-  
ctorali habet effectum simultanei processus, modo  
reconventio non dependeat ex decisione conven-  
tionis *L. X. C. de injur.* & ante litis contestatio-  
nem in causa conventionis instituat **MEVIVS**  
*P. IV. Decis. CLXVI. P. VI. Decis. LXXXV.*  
Cæterum in eo discrimen est inter Jus Saxonicum  
& Commune, quod hoc reconventionem indistin-  
cte admittat, etiamsi causa nullam cum conventio-  
ne habeat connexionem **MARTINI in Proc. Tit.**  
*VI. §. I. n. 14.* cum illo jure connexitas causæ  
adesse debeat **WERNHER. P. I. Obs. CCXXXVII.**  
&, nisi adsit, lis actori in foro competente moven-  
da sit. Præterea & hoc universale est, quod omni-

bus iis in casibus, ubi reconventio effectum simultanei processus non habet, reus ab actore exigere possit cautionem pro reconventionem. Et, licet simultaneo processu expediatur, causa tamen conventionis finita reus a præstatione ejus, quod rei judicatæ inest, se liberare nequit, nisi suadeant circumstantiæ, ut judex eum ad depositionem judicati realem admittat, donec causa etiam reconventionis sit finita.

### Aphor. X.

CONTUMACIA) Triplicis generis est contumacia, quæ a partibus litigantibus committi potest. Primo contumax est, qui sumtus litis, quos parti adversæ vi rei judicatæ exsolvere debet, postquam ad liquidum perducti sunt, admonitus a judice non solvit. Et hic, quousque solutionem differt, ab Actis repellitur vi *L. XV. C. de judic.* fierique potest, ut ad expediendum actum sub præjudicio citatus causam perdat, cum & indignus sit beneficio restitutionis in integrum *L. XXVI. §. VI. in fin. Ex quib. caus. major. fact.* Deinde contumax est, qui citatus emanet. Denique contumax est, qui comparet quidem, sed citationi morem non gerit in expediendo actu. Utriusque idem est effectus. Nam si citatio dilatoria præcessit, expensas adversario restituit, peremptorie citatus, qualis ille dicitur, de jure communi, cui tertia vice comparitio & actus expeditio injungitur *MEVIVS ad Jus Lubec. P. V. Tit. IV. art. I. n. 3.* alias ille, cui sub certo præjudicio judex comparitionem & expeditionem injunxit, præjudici-  
um

um illud, quod minatus est iudex, incurrit, modo tamen hæc concurrant, I) ut citatio antecedens legitimum spatium contineat, II) totus dies termini præterlapsus sit **BERGER. Elect. Disc. Forens. Tit. IV. Obs. VI. not. I.** Dicitur vero præterlapsus, quando iudicis copia amplius haberi nequit III) ut contumacia ab adversario sit accusata, ita quidem, ut doceat ille, citationem rite esse insinuatam, petatque condemnationem in præjudicium, quod citationi inerat **GAIL. Lib. I. Obs. LV. n. 7. MEVIVS P. III. Decis. CCXC. IV)** ut sententia sequatur, quæ absentem contumacem declarat **RICHTER. Vol. II. Conf. CCIX. n. 2. V)** ut absenti desint legitima impedimenta. Sunt autem legitima impedimenta, quando absenti neque dolo neque culpa imputari potest, quod non comparuerit. **STRYCK. Diff. de impediment. legal.** Putant tamen Doctores, fatuam etiam causam a dolo excusare, si absenti præjudicium, ratione totius causæ, immineat. **LEYSER. Spec. XXXIII. med. I.** Quod si vero constet, quem impeditum fuisse, ne compareret, non nocet illi, etiamsi impedimentis generaliter renunciaverit **L. IV. §. IX. Si quis caution. in judic.**

**QUODSI ERGO ACTOR)** Nota generatim, actoris contumaciam recte coerceri poena desertæ litis. Consueverunt tamen rei, ut magis ante litis contestationem primo absolutionem ab instantia, deinde absolutionem ab actione petant. In Saxonia Electorali actori vi legis publicæ iungitur prosecutio actionis sub poena desertæ litis.



ris. Rei contumaciam ante Litis Contestationem accusandi modus, quem Auctor allegat, vix usitatus est, nisi in processu super malitiosa desertione instituto, & Processu banni. Melius sibi consulunt actores, qui poenam confessi & convicti, vel, si executive agunt, poenam recogniti, vel secundum naturam causæ in iudicium deductæ poenam liquidi, poenamque præclusi in contumacem decerni curant. Certe in processu ordinario poenam confessi & convicti meliorem reliquis omnibus habere effectum, docet LEYSER. *Spec. XXXIII. med. VII.* Solent tamen Jure Communi litem magis pro negative contestata habere, quod actorem quidem probatione intentionis onerat, reus vero omnes exceptiones amittit STRYCK. *Introd. ad Prax. Forens. cap. VI.* Post litis contestationem vero, sive actor, sive reus contumax sit, alia via incedendum, & sigillatim petitum secundum naturam actus expediendi formandum est.

### Aphor. XI.

ULTRA QUARTAM NON SOLET CON-  
CEDI ) Dilatio proprie spatium actibus judicia-  
libus peragendis destinatum denotat *L. III. C. de  
dilat.* Hic significat spatii peragendo actui desti-  
nati prorogationem. Sic vero iudex tum de-  
mum concedere potest dilationem, quando lex  
terminum non præcise & sub poena amittendi ju-  
ris præscripsit *auth. hodie C. de appellation.* Re-  
liquos terminos omnes & iudex ex officio & ad  
instantiam partis prorogare potest. Caveat ta-  
men iudex, ne concedat dilationem absque justa  
causa.

causa. Nam ex falsa causa concessa dilatio habetur pro non concessa BERGER. *Oec. Jur. Lib. IV. Tit. XVII. n. 8.* Solent tamen jure Communi primam dilationem ita concedere, ut fidem petenti & impedimentum alleganti simpliciter habeant. Alteram non nisi prævia impedimenti demonstratione summaria, tertiam & quartam demum, cum solennitate legali, id est, cum causa cognitione & præstito prius juramento calumniæ concedunt. STRYCK. *Introd. ad Prax. Eoens. cap. VIII.* In Saxonia Electorali tres dilationes solum permittuntur, ita, ut, & qui prima vice eam petit, impedimentum demonstrare, sin secunda vice, solennitas legalis accedere debeat. Quod vero minores attinet, eosque, qui horum exemplo restitutione in integrum gaudent, iis præterea ultra consuetum numerum adhuc una dilatio concedi solet. Caveat porro iudex, ne dilationes nimis multiplicentur. Concedat igitur, si circumstantiæ suadeant, sub poena præclusi. Minetur iis, qui restitutione in integrum utuntur, amissionem beneficii. Curet deinde, qui dilationem petit, ut iudex tempestive testimonium de concessa dilatione exhibeat, vel ad Acta scribat, antequam spatium præterlabatur. Quamvis enim tum minimum, si expresse non denegetur, tacite concessa videatur, quando iudex literas petitorias Actis inserit MEVIUS *P. V. Decis. CLXI*, ob dissensum tamen Dd. consultum est, de testimonio sibi prospicere. Plane in Saxonia Electorali illo in casu dilatio neque pro concessa,

neque pro denegata habetur, sed res omnis arbitrio iudicio relinquitur. Expresse tamen concessa dilatio, nisi iudex aliter mentem declaraverit, finito demum priori spatio currere incipit WERNER. *P. VIII. Obs. CCCX.*

### Aphor. XII.

IN GENERE ) vel potius, cum & satisfactio negotiis extrajudicialibus sæpius interveniat, eadem illa dici meretur asscuratio, per quam personam, cum qua negotium vel iudiciale vel extrajudiciale celebramus, de validitate negotii secutam reddimus.

PER NVNDAM PROMISSIONEM ) Quæ tamen a possessoribus bonorum immobilium secundum Praxin hodiernam nequidem exigitur. Dicitur autem possessor, qui per integrum illud tempus, quo lis tractatur, bona immobilia, vel naturaliter, vel juris intellectu talia, aut jura in re immobili competentia sub iudice causæ controversæ jure domini possidet. Nam quamvis jure Civili sufficiat, tempore coeptæ litis possessorem esse, hodie tamen, qui durante lite possessor esse desinit, cavere debet vid. *LYDOVICI Diff. de eo, qui post Lit. Contest. bona immobil. possidere desit.* Deinde jura sufficiunt, siue actiones ad rem immobilem, quando ex dominio fluunt, actoris jus liquidum, nec tamen actio illa ipsa sit, de qua jam lis ventilatur *LAVTERBACH. Colleg. Theor. Pract. tit. Qui satisf. cog. §. XVII.* Porro, ut sub iudice causæ quis sit possessionatus, ideo requiritur, quia alias securitatem vix habet adversarius.

De-

Denique cum jure domini possidere debeat, non sufficit possessio usufructus, non spes bona immobilia consequendi, non actio personalis. Nil vero possessioni nocet, etiamsi possessor obaratus sit add. LAVTERBACH. *Resolut. L. XV. D. qui satisd. cogunt.*

**PIGNORVM**) Quæ olim in lite incertæ æstimationis apud Romanos locum vel ideo non habebant, quia certam pignora recipiebant æstimationem. Non itaque simpliciter cautionem pignoratitiam rejiciebant, sed in lite certæ quantitatis, imo & volente parte adversa, in reliquis omnibus admittebant *L. LXI. de verbor. signif.* Cæterum hodie cautio fidejussoria & pignoratitia semper pari passu ambulant, nec distinctioni inter litem certam & incertam locus est, cum cautio ipsa ad incertam summam hodie in judicialibus fere incognita sit MEVIVS *P. III. Decision. CCLVI. n. 5.*

**QVARE LOCVM HABET**) Est itaque hæc cautio subsidiaria, & vel ideo in judiciis admittenda, ne quis ob penuriam a limine judicii repulsus jus suum indefensum relinquere debeat. Quare & actor & reus ad eam admittitur. BRUNNEMANN *Proc. Civil. cap. VIII. n. 14.* qui recte monet, præcise haut requiri, ut integerrimæ vitæ sit. Ut tamen suspicio perjurii eum non premat, & præterea ipsa causa ita comparata sit, ut de fuga periculum cesset, ipse cautionis finis exigit.

Aphor. XIII.

PRO RECONVENTIONE ET EXPENSIS)

Kkk 5

Quan-



Quando nempe causa reconventionis a iudice conventionis tractari, nec tamen ante finitam conventionem institui potest. Ubi enim reconventio effectum simultanei processus habet, cessat cautio pro reconventionem. At pro expensis cautio in omnibus causis, si a possessorio summarissimo & cambiali causa discesseris, præstanda est; cum in omni causa rei intersit, ut securitatem habeat.

**GUARANDAE NOMINE CAVERE DEBET**) Nominant autem guarandam securitatem interveniente stipulatione reo ab actore præstitam, quod actor actionis institutæ evictionem recipere, eoque ipso reum, si alius ob idem litis objectum contra eum experiretur, indemnem servare, nec libellum mutare velit. Habetque præterea eum effectum, ut actor post guarandæ præstationem non possit amplius iuramentum deferre. In causis tamen executivis, imo ex more judiciorum aliquando in causis summariis cessat, & in Saxonia Electorali per Ordinat. Proc. Recognit. plane abrogata est.

**EXIGI NON SOLET**) Nec exigitur in causa civili, etiam de jure Communi, nisi reus de fuga sit suspectus. Indeque in causa criminali, quia hæc suspicio semper adest, locum etiam habet cautio a reo præstanda, quando delictum non est ejusdem generis, ut nec præstita cautione suspicio fugæ cesseret, quod fit in delictis, quæ poenam corporis afflictivam vel capitalem merentur. Præterea causa civilis tum quoque cautionem exigit, quando reus de dilapidatione bonorum suspectus fit.

fit. Et eatenus inter Jus Civile & Saxonicum nulla est differentia. Cessat enim hodie etiam cautio judicatum solvi, si reus procuratorem constituerit, quia est ex ficto dominio litis, quod procuratori olim tribuebant Romani principio assueti, tertium per tertium obligari & acquirere non posse,

### Aphor. XIV.

**EXCLUSIO EJVS**) Est igitur exceptio probe discernenda a litis Contestatione negativa. Nam in hac reus actoris intentionem simpliciter negat, & onus probandi in actorem transfert, in hac aliquid in esse ponit, & contrarium actoris intentioni affirmat. Sic vero & ipse de probatione exceptionis cogitare debet, minimum in eventum, si actor intentionem forsan prober.

**DILATORIA PERTINET**) Generatim dilatoria exceptio dicitur, quæ litem differt, vel potius, quæ intendit, ut prius judicii convalidandi causa aliquid removeatur vel præstetur, quam litem reus cum actore suscipiat. Ut sic fere omnes exceptiones eo tendant, ut judicium stabile sit, & reus secure cum actore agere possit. Sunt vero generatim quadruplicis generis. Nam iis id agimus, I) ut vitium detegamus, quod in persona litigante vel principali vel minus principali adest, & infirmum reddere potest judicium II) ut non nisi coram iudice, qui habilis est, & causam præsentem in litem deductam cognoscere potest, judicium suscipiamus. III) ut actor securos nos præstet de lite continuanda, & evictione litis calumniosa suscipienda IV) ut  
fun.

fundamentum totius litis ipsum libellum examinemus, ne ejus defectus confusionem pariat. In harum itaque oppositione ordinem certum esse servandum, res ipsa docet add. FRIESE *Diff. de ordine opponend. exceptionum.* Sigillatim I) omnes dilatoriae exceptiones sub poena præclusi sunt opponendæ simul II) & quidem ante litis contestationem, ita, ut III) eventualis minimum litis contestatio addatur vid. RECESS. IMPER. *de anno 1654.* Secundi membri limitationem collige ex Aphor. XIIIX. seqq. Tertium membrum tum limitationem patitur, quando natura exceptionis ita comparata est, ut ea salva litis contestatio fieri nequeat v. c. judicis incompetens, præventionis &c.

### Tit. IX.

### De iis, quæ fiunt in judicio.

#### Aphor. I.

**E**T REI RESPONSIONE) Vel potius est repetitio facti narrationis, ab actore in libello peractæ, subjecta responsione rei, quæ, quid ex ista narratione pro vero, quid pro falso habeat, continet. Ad petitem & conclusionem ut fiat, non est necesse. CARPZOV. *P. I. Const. X. Def. XXI.* Distincta itaque est ab exceptione, c. II. *de Lit. Contest. in 6to.* & in omni processu fieri debet, VMMIVS *ad Proc. Disp. XII. n. 13.* cum ex ea demum cognoscat iudex, an lis vera sit inter actorem & reum, & quonam in capite invicem conveniant vel dissentiant, quid demum proba-

batione indigeat, & quis eam suscipere debeat. Natura igitur rei docet, ut Litis Contestatio debeat esse I) Libello adæquata. Neque enim fert appendices, captiosas conjunctiones, vel divisiones, exceptionum intermixtionem. II) Categorica & perspicua, ut vel affirmet vel neget, non verò dubia contineat verba. Ad facta tamen aliena, ut quis nesciendo respondere possit, ideo permittitur, quia facti alieni probabilis est ignorantia *L. XIX. D. de jur. & fact. ignor.* III) Specialis & ad singula libelli capita directæ, non de jure solum Saxonico, sed etiam de jure Imperii *RECESS. IMPER. de anno 1654. §. XXXVII.* Fert tamen corrupta Praxis insigni litigantium damno litis contestationem generalem per formulam: nego narrata, prout narrantur, & petita, prout petuntur. Quæ cum causam parum instruat, actorem plerumque, quo superfluam probationem evitet, cogit, ut in positionibus refugium quærat. Interim in summario processu ita specialiter facta censetur, quando reus directo ad libelli capita respondet, utut non præcise ordinem libelli servet. IV) Tempestiva. Fieri enim debet in primo termino. Alias expensas restituit reus, & peremptorie citatus, adhuc tamen contumax in Saxonia fictæ confiteri videtur, & jure Communi exceptiones perdit. V) Eventualis minimum, nisi exceptio opposita causæ faciat præjudicium.

### Aphor. II.

**ADDIT EXCEPTIONES)** Qui enim pure fatetur, nec exceptiones addit, intentioni actoris con-



contrarias, ille litem non contestatur, cum lite non opus sit, ubi habemus reum confitentem, sed reus potius citra moram condemnandus est.

Tit. X.

De Exceptionibus peremptoriis.

Aphor. I.

**P**ERIMUNT) Omnes enim eo tendunt, ut actoris jus excludamus. Et de his iterum generatim notandum, quod I) Litis Contestationi sint annectendæ, & quidem II) omnes simul sub poena præclusionis RECESS. IMPER. de anno 1654. §. XXXVII. BLUM. Proc. Cam. Tit. LXIX. num. 67. & 69. III) Specificè, quod ultimum vel ideo necesse est, ut actor de elisione earum per replicam sollicitus esse possit WERNHER. P. IV. Obs. CLI. Sunt quidem, qui sufficere putant, ut reus generalem exceptionem v. c. non competentis actionis opponat, postea vero in probatione exceptionum de specifica exceptione cogitet BERGER. P. II. Supplem. ad Elect. Disc. Forens. p. 372. Sed cum actori facultas ad exceptiones rei replicandi adimi nequeat, jure suo postulat idem ille, ut novæ sibi contra exceptiones has improvisas reprobatio detur, cum speciales sub generali latere, prævidere, & replica eas elidere non potuerit GRIBNER. Princ. Proc. Lib. I. cap. II. Sect. VI. §. VIII. Idem, suadente æquitate, juris est, si, quod ad secundum membrum attinet, reus postulet, ut exceptiones post litem contestatam noviter emergentes, vel antea ignoratas deducere possit.

possit. Poena enim præclusi pertinet ad eas solum exceptiones, quæ rei notitiam tempore Litis Contestationis non effugiebant. Ne tamen fraus committatur a reo, recte exigit iudex juramentum, mediante quo reus asserat, se tempore Litis Contestationis notitiam earum exceptionum non habuisse. Denique, utut regulariter exceptiones peremptoriæ Litis Contestationi annectantur, hoc tamen fallit, easque ad effectum impediendi litis ingressum, & se a Litis Contestatione liberandi urgere licet I) quando sunt negativæ, atque ita privilegiatæ, ut onus probandi in adversarium devolvant v. c. non adimpleti contractus, non numeratæ pecuniæ, non existentis conditionis, non aditæ hereditatis II) quando sunt præjudiciales, id est, causæ principali præjudicium inferunt, v. c. in actione negatoria vel confessoria exceptio domini; in actione mutui exceptio SCti Macedoniani, in actione contra fidejussorem exceptio SCti Vellejani. III) quando in continenti probari possunt. Tum enim, si ex probatione statim liquida, quæ sigillatim inest documentis, vitio non laborantibus, intentionem actoris injustam esse appareat, merito actor repellitur.

### Aphor. II.

VEL SPÉCIALIS) Exceptio doli generalis & specialis ita differunt, quod dolus specialis in ipso negotio, quod actor in iudicium deduxit, ab eodem admissus sit *L. I. §. II. & III. de doli mal. except.* atque hæc exceptio per replicationem non eli-

eliditur, reum quoque dolose egisse, *L. IV. §. XIII. Eod.* actori tamen integrum est, de dolo in separata actione cum reo agere. Exceptio vero doli generalis tum locum habet, quando dolus non in ipso negotio adest, sed ex ipsius actionis institutione elucet, dum quis repugnante conscientia agit, qui tamen scit, se ob exceptionem cum effectu agere non posse *L. II. §. IV. & V. Eod.*

#### Aphor. IV.

**QUADRUPPLICATIO**) In his exhibitis de jure Communi partes regulariter subsistunt, & uterque ad eum effectum concludit, ut nunc super lite hucusque ventilata iudex sententiam ferat. Sæpius tamen Ordinationes provinciales prohibent, ne ultra duplicem progrediantur partes. Et tum, siue partes concludant expresse, siue non, iudex tamen causam pro conclusa habet, quod generatim fit, quando lex exhibita partium ad certum numerum restringit. Sæpius etiam arbitrio iudicis relinquitur, quando causam pro conclusa habere velit. Et hoc arbitrium eo tum quoque extenditur, ut iudex causæ conclusionem iterum rescindere, partesque denuo ad disceptationem ulteriorem admittere possit. Quod in foris Juris Communis sæpius fieri videmus.

#### Tit. XI.

#### De probatione.

**SEQUITUR**) Est enim, ut diximus, litis Contestatio fundamentum omnis probationis. Sigillatim affirmativa pura plane liberat ab onere

onere probandi, & condemnationem operatur. Affirmativa mixta, cui additæ sunt exceptiones, onus probandi exceptiones in reum devolvit. Negativa mixta efficit, ut partim actor fundamentum intentionis, partim reus fundamentum exceptionis probare debeat. Negativa denique pura actorem probatione onerat. Sed caveat reus, ne facile neget jura, facta notoria, eaque, quæ, si negans mendacii convineitur, poenam inficiationis provocant. Qui enim jura negat, vel imperitiā suam, vel temeritatem prodit. Qui facta notoria in dubium vocat, contra conscientiam agit. Qui negat, ubi lex mendacium puniri jubet, vid. *L. XXVI. §. de action. L. fin. D. de Rei Vindic. L. II. §. I. D. ad L. Aquil. L. I. §. I. & IV. De pos. AUTH. Contra C. de non numer. pec. Nov. XVIII. cap. VIII.* sibi parum consulit, & sigillatim, quando actor actionem conscientia rei commisit, hic vero postea jurare nequeat, exceptiones peremptorias amittit. *WERNHER. Diff. de poen. inficiation.* Imo generatim parum profunt exceptiones, quæ adjiciuntur Litis Contestationi pure negativæ, quando actor juramentum detulit, cum non opus sit, intentionem actoris per exceptiones excludere, ubi per juramenti-præstationem illa ipsa per se corrumpitur.

### Aphor. II.

**JUDICI FIT FIDES.)** Postquam judex probationem prius per sententiam interlocutoriam injunxit. Natura tamen actionis in judicium deductæ nonnunquam exigit, ut ultro quis probatio-

LII

nem



nem fuscipere possit, & debeat. Quod fit in processu executivo, diffamationis, possessorio summarissimo. In aliis causis consultum haud est, ut sponte se actor ad probationem accingat. Ex sententia enim judicis demum apparere debet, an probatione opus sit, quis probet, quid probandum, & utrum probatio solenniter, an per demonstrationem peragenda sit. Ceterum, probatione simpliciter injuncta, si a juramenti delatione, quæ ex dispositione legis provincialis præcise ante Litis Contestationem expedienda est, discesseris, probaturus non solum eligit, quo probandi medio uti velit, sed & præterea cujuscunque generis media recte cumulat, ut judici fidem faciat, si omnia capita libelli vel exceptionis conjunctim spectes, sin singula capita seorsim, ea probandi media super uno eodemque capite cumulare solum licet, quæ sibi invicem auxilium ferunt, non ea, quæ sibi invicem contraria sunt. Sic quidem testibus & documentis quis potest simul uti, non vero testibus simul & juramenti delatione ZIEGLER. *ad Ord. Proc. Sax. Tit. XVIII. verb. zugleich und conjunctim.*

### Aphor. III.

SEU IN ARTIFICIALIA) Fit illa per inductiones ex argumentis verosimilibus & concludentibus ad factum ipsum, quod probandum erat. Hæc judici factum nudum ob oculos ponit, eumque de veritate convincit. Illa itaque probabilitatem solum operatur, nec ad condemnandum vel absolvendum sufficit, sed id judicis officio convenit, ut per media convenientia res ad liquidum perducatur.

tur. Nisi forsā lex eam conjecturæ efficaciam tribuat, ut pro veritate habeatur. Illa veritatem juridicam efficit, & si plena sit, nempe per duos testes classici, vel per instrumentum indubitatum peracta, condemnationem, si minus plena, juramentum legale producit.

### Aphor. V.

**SED FACTVM**) Cumque & juris specialis v. c. consuetudinis, statuti, aut privilegii existentia facti sit, & hæc probanda est. Cæterum, quilibet fundamentum actionis & exceptionis probare debet, sive affirmet, sive neget. *L. II. L. V. D. de probat.* Quod enim dicunt, negativam probari non posse, id plane falsum est. Certe, qui negat, implicite quoque, vel minimum per consequentiam, affirmat. Et sic etiam per consequentiam negativam probare potest. Conf. *COCCEJ Diff. de probat. direct. negativa*, Igitur tum denique litigans a probatione immunis est, quando pro fundamento militat præsumptio legis.

**ARTICVLIS PROBATORIIS**) Quam formam tamen plerumque in foro communi, nisi testibus probatio peragatur, minus recte negligunt, cum certe & cognitio & decisio faciliori via expediri possit, quando ordine omnia fiunt in judicio. Sunt vero articuli plerumque affirmativi, & per vocem *Wahr* singulæ circumstantiæ proponuntur. Solent tamen litigantes ex præmissis concludere, qui articuli conclusivi vel illativi vocantur. Solent etiam jura immiscere, quæ articuli juris nominantur. Solent aliquando in simplici negatione

subsistere, & assertis partis adversæ contradicere, ne tacite consentire videantur, qui articuli negativi dicuntur. Solet denique sigillatim actor exceptionibus rei replicam addere, illasque, ne obsint, elidere, qui articuli elisivi appellantur. vid. BERGER. *Diff. de artic. elisiv.*

VISCERIBVS LIBELLI) Probaturus enim alia probationi capita immiscere nequit, quam quæ in libello & Litis Contestatione inter partes disceptata sunt. Quo ipso tamen facultas non excluditur, ea, quæ ad illustrationem & probationem thematis pertinent, immiscere, & argumenta eum in finem conquirere.

### Aphor. VI.

AD PERPETVAM REI MEMORIAM) Eam ignorat Jus Civile, cum liti adhibeatur probatio, ideoque lis prius adesse debeat *L. XL. D. ad L. Aquil.* Jus vero Canonicum in *cap. V. X. ut lit. non contest.* hunc probandi modum permittit, omnibus iis in casibus, quibuscum periculum amittendæ probationis conjunctum est. Facilius itaque ad eam admittitur reus, quam actor, cum reus expectare debeat litem, sic vero ob actoris cunctationem media probandi exceptionem amittere possit. Actori vero regulariter nil obest, ne reum conveniat. Verum enim vero potest & lite jam mota periculum amittendæ probationis existere, & æquitas suadere, ut & actorem ad ejusmodi probationem admittamus. Quotiescunque tamen peragitur, ita semper peragenda est, ut solennia probationis ordinariæ, tempore articulis offerendis

dis destinato excepto, probaturus servet. add. MENCKE *Tr. Synops. Proc. Disp. XVI. §. I. sqq.* VVERLHOF *Diss. de examine testium extraordinario.* VRSINI *Diss. de examine testium ad perpetuam rei memoriam.*

### Aphor. VII.

VEL PUBLICUM VEL PRIVATUM) Quæ, si efficaciam probandi spectes, ita differunt. Publico vis probandi per se inest, idque ideo, quia in publica fide nititur, fidem judici in causa controversa, quam loquitur, facit. Privatum non probat, nisi a parte adversa agnitum. Idcirco publicum juratam diffessionem non admittit, si vere publicum est, & ne recognitione quidem indiget, sed ubique præsumtionem veritatis & solennitatis habet. Quæ tamen cum juris solum sit, probationem in contrarium admittit, eique, contra quem producitur, integrum est, cum contra formalia, tum contra materialia excipere. Sed privatum, quia plane non probat, nisi agnitum, prius ille, contra quem producitur, exceptionibus elidere non debet, quam constet de documenti veritate. Sic vero integrum cuilibet est, velitne agnoscere documentum, an diffiteri, id est, interveniente jurejurando asserere falsitatem documenti. Sed, quamvis agnoscat idem illud, sive sponte sive fide in casu contumaciæ, ea tamen agnitio formam solum & veritatem documenti concernit. Exceptionibus vero contra materialia nihilominus recte utimur. Unde Practici formant regulam: Omnem recognitionem intelligi salvis exceptionibus.



## Aphor. VIII.

**EX ILLO TRANSSUMPTVM ESSE)** Generatim in omni documento considerata veniunt cum formalia, tum materialia. Et formalia demum efficiunt, ut scriptura pro documento, cui vis probandi inest, haberi possit. Unde necessario sequitur, nullum documentum probare, nisi in originali producat, & copia illud inspiciendi detur. Documentum enim vitio visibili laborans non probat. Copia itaque, etsi, ut dicunt, exemplificata sit, id est, a persona fide digna cum originali collata, testimonio simul desuper confecto, non tamen plene probat, nisi exemplificatio præsente utraque parte facta sit *STRYCK. Caut. Contr. Sect. II. cap. VII. §. XIV. sqq.* In antiquis tamen, si alia adminicula accedant, copia nuda admittitur *c. XIII. X. de probat.* itemque si originale casu amissum sit, deque hac re aliququaliter constet. add. *MYNSINGER. Cent. VI. Obs LXXV.*

## Aphor. IX.

**IURAMENTO CONFIRMARI SOLEANT)** Vis aliqualis probandi libris mercatorum ob commerciorum favorem videtur tributa. Nunquam tamen plene probant, sed probabilitatem saltem operantur, in causis, quæ mercaturam & negotiationem, quam mercator profitetur, concernunt, si hæc concurrant, I) ut liber, ad quem provocat, sit principalis, *das Haupt-Handels-Buch*, II) ab ipso mercatore vel ejus institore confectus, III) ita, ut data & accepta contineat, & IV) causam debent.

debendi specialem, V) annum & diem. Et his, si accedat juramentum confirmatorium, jure Comuni sæpius plena jam vis probandi libro mercatorio tribuitur. Sed jure Saxonico præter confirmatorium juramentum, cum exinde semiplena tantum oriatur probatio, assertorium quoque juramentum de veritate ipsius debiti accedat necesse est. vid. BRUNNEMANN ad L. VI. C. de probat. CARPZOV. P. I. Const. XVII. def. XXXV. STRYCK. *Uf. Modern. tit. de fide instrum. §. IX.* KLEIN. *Diss. de probatione per libros mercator.* In Saxonia vero Electorali vi ORDIN. PROC. REC. Tit. XXX. §. IV. non nisi inter mercatores vim semiplenæ probationis habet. Si contra extraneum producat, judicis est arbitrarij, velitne mercatorem ad juramentum supplementarium admittere, an reo juramentum purgatorium dictare.

### Aphor. X.

VEL JURATO DIFFITENDA) Quod in documentis propriis fit per formulam: Daß Product Das Document nicht geschrieben noch unterschrieben habe, in documentis alienis per formulam, Daß Product nicht glaube noch dafür halte, Daß Der Aussteller Das Document geschrieben und unterschrieben habe. In Saxonia Elect. additur præterea: Daß es mit Wissen und Willen des Ausstellers von einem andern nicht geschrieben oder unterschrieben worden. Cæterum, qui diffitetur documentum, illud non quoad subscriptionem solum, sed etiam quoad contenta diffiteri de-

bet, & certe, qui se documento subscripsisse fate-  
tur, contenta falsa esse negare nequit. Sed, qui se  
nomen scripsisse, eoque alterum, qui contenta scri-  
psit, abusum esse asserit, si falsi indicia suppeditet,  
admitti potest ad contentorum diffessionem.

COMPARATIONI LITERARVM) Hæc æque  
ac recognitio per testes eo tendit, ut ille, qui pro-  
ducit, juratam diffessionem partis adversæ declinet.  
Illa consistit in collatione alius scripturæ, quam  
ille, qui documentum productum falsum asserit,  
scripsit, eum in finem facta ab artis peritis, ut ex  
similitudine manuum appareat, quatenus ipsi fides  
habenda sit. Sed facile constat, ex hac similitu-  
dine manus aliquam solum oriri suspicionem con-  
tra eum, qui se ad diffessionem juratam obtulit,  
forsan per juramentum purgatorium elidendam.  
In Praxi tamen, nisi quid sigillatim obstet, proba-  
bilitatem similitudini inesse credunt, quæ, ut pro-  
ducens ad juramentum suppletorium admittatur,  
operari possit. add. STRYCK. *Introd. ad Pr. Forens.*  
*cap. XIX. §. IX. sqq.* MENCKE *Tract. Synopt.*  
*Proc. Disp. XIV. §. XXXIV. sqq.* Recognitio  
vero per testes est actus, quo producens id agit,  
ut documentum a parte adversa diffidendum per  
testes jurejurando obstrictos recognoscatur. Ea-  
que majorem omnino efficaciam comparatione li-  
terarum habere potest, modo tamen casum præ-  
supponas, testes vel in confectioe & subscriptione  
documenti præsentem fuisse, vel eum minimum,  
contra quem producit, convincere posse, quod  
documentum agnoverit.

Aph.

## Aphor. XI.

EDERE REO) Ut argumento de editione documentorum satisfaciamus, notandum est, eam vel desiderari ante Litis Contestationem, vel post eam. Illo in casu de jure Communi vi RECESS. IMPER. de anno 1654. §. XXXIV. in fin. & L. I. §. III. de Edendo. actor reo omnia documenta, quibus ad intentionem fundandam usus est, & ad quæ provocat, edere debet. Sed in Saxonia, nisi libello addita sint, edi non debent, addita vero reo simul sunt communicanda. Quod autem editionem documentorum, quæ probationem post LitisContestationem instruunt, attinet, dubium non est, quin probaturus indistincte exigat editionem documentorum, quæ jure domini ad eum spectant L. IV. pr. L. VI. §. VI. D. de Edend. vel quæ communia sunt L. V. famil. hercisc. L. VII. D. de Edend. Reliqua quod attinet, ea vel tertius possidet, vel alter litigantium, Tertius indistincte edit, modo, qui editionem urget, sua interesse demonstrat. GAIL. Lib. I. Obs. CVI. n. 4. sqq. Actor reo indistincte edit documenta, quibus indiget ad formandam exceptionem L. V. C. de Edend. Reus actori indistincte edit documenta, quibus usus est ad fundandam replicam L. fin. C. Eod. Præterea reus non adstringitur ad editionem, nisi vel aliis mediis probandi actor destituatur L. I. C. Eod. qui casus tamen vix contingere potest, cum juramenti minimum delatione uti possit actor, vel causa actoris privilegiata sit, v. c. fisci L. III. D. Eod. L. I. §. II. De jur. fise. Ut vero ille, a



quo editionem petimus, ad editionem faciendam obligetur, vel præsumptionibus gravandus est, quod documenta possideat *CARPZOV. Tit. XIV. art. IV. n. 4.* vel juramentum ipsi deferendum est, quo tamen in casu, ut alter ad jurandum compellatur, actor calumniae suspicionem prius per juramentum calumniae removeere debet *L. VI. §. II. L. IX. §. III. de Edend.* Gravatus itaque de possessione documenti vel edere, vel juramentum editionis, daß er das Document weder besitze noch gefährlicher weise von abhänden kommen lassen, præstare debet. *L. IX. §. I. Eod. MEVIVS P. VII. Dec. CCLXXX.* Si neutrum facit, contra tertium mandatis poenalibus proceditur *CARPZOV. in Proc. d. tit.* Si pars litigans sit, actor causa cadit, & contra reum copia producta æque ut originale probat. Si nec copia extet, consultum est, ut iudex minetur alteri, se capita illa, quæ alter per documenta probare studet, habiturum pro concessis, er würde sie vor eingestanden halten.

#### Aphor. XIV.

**EXTENDI NON DEBERE**) Et recte huc non extenditur. Non enim locum potest habere processus executivus, nisi actori suppetat copia documenti, quod capita libelli in continenti liquida reddit. Si ejusmodi documenta non habeat, processu ordinario uti debet. Ut sic vehementer errent nonnulli Practici, qui, dum processum executivum instruere student, petitum ad editionem & recognitionem documentorum dirigunt, cum eo magis allaborare deberent, ut documenti prius copiam obti-

obtinerent, per processum præparatorium, postea vero in lite principali intentionem actoris per documentum fulcirent.

### Aphor. XVI.

REGULARITER.) Sunt enim casus, in quibus unus testis plene probat, quos collige ex HORNII *Diff. de probatione plena per unum testem*. Ut vero & duo testes plene probent, requiritur I) eos esse classicos, id est, quorum fides nulla ratione vacillat. II) Eisdem esse juratos L. IX. C. de testib. III) a iudice, coram quo lis ventilatur, examinatos, minimum eo dirigente ad testimonium dicendum evocatos IV) deponere eos ex propria scientia L. IV. C. de testib. WERNHERI P. V. Obs. LXV. V) Eisdem non esse singulares & sibi contradicere. Ea tamen singularitas fidei testium solum obest, quæ obstativa dicitur. Testes, qui de diversis factis deponunt, quæ sibi adminiculantur, item illi, qui de eodem facto reiterabili diverso loco & tempore commisso deponunt, omnino probant STRUV. *Syntagm. Jur. Civil. exerc. XXVIII. tb. XLVIII.*

DE HABILITATE EORUM.) Duplex testium est inhabilitas, & sic duplex quoque ejus effectus. Nonnulli testes inhabiles sunt absolute, & nullam fidem habent, iique ne ad testimonium quidem dicendum admitti possunt, sed ex officio repellendi sunt, quorsum sine dubio pertinet testis in propria causa. Alii inhabiles solum sunt, ut plenam fidem faciant, qui vocantur non omni exceptione majores. Atque hi, tantum abest, ut repelli possint, quin iudex eos invita altera parte  
ad.

admittere, imo, si testimonium dicere nolint, compellere debeat, nisi privilegio sint muniti, ut cogi nequeant.

### Aphor. XVII.

**INFAMEM** ) Intellige eum, qui vel iudicio publico *L. III. §. V. L. XXI. de testib.* vel ex causa perjurii damnatus est. Reliqui omnes non simpliciter sunt inhabiles, sed tantum non omni exceptione majores. Quod si vero crimen testi obijcitur, ob quod nondum est condemnatus, nihilo secius probato crimine de Jure Canonico repellitur *c. I. X. de Exception.*

**RELAXAVERIT** ) De qua relaxatione vid. late **STRYCKII** *Diff. de remission. obsequii.* Sed, si dicendum quod res est, de Jure Civili plane inhabilis testis est subditus *L. VI. de testib. L. V. C. Eod.* Venit ista iurijurandi remissio ex *c. XXXVIII. X. de testib.* Praxis itaque admittit tale testimonium. Et, dum admittit, agnoscit etiam, remissionem juramenti ex superfluo fieri, sic vero valere testimonium, etiamsi facta non sit juramenti relaxatio **MEIER.** *Colleg. Argentorat. tit. de Testib. §. X. n. 16.*

**NON AD SINGVLOS SPECTET** ) Sed vix poterit fingi causa universitatis, in qua non singulorum intersit. Etsi enim jus singulorum non sit, jus tamen universitatis singulorum utilitati non potest non inservire *L. II. §. II. Ne quid in loc. publ. CARPZOV. Decis. CV. n. 16.*

**REVELATI IN CONFESSIONE** ) Quod vocant sigillum confessionis, in cujus originem & in-

indolem inquit ADRIAN. BEIER. *tr. de sigillo confess.* STRYCK. *Diss. de revelatione credentia.* Præsupponit vero, sacerdoti in actu confessionis aliquid esse revelatum, quod, salva salute Reipublicæ & absque periculo vitæ innocentis, reticere potest. Non itaque huc pertinet, quod extra casum confessionis revelatum est, non id, quod damnum irreparabile Reipublicæ vel tertio afferret, si reticeretur LINCK *ad Decretal. tit. de poenit. §. VII.* BRUNNEMANN. *Proc. Civil. cap. XX. n. 61.*

### Aphor. XVIII.

VERITAS ALITER HABERI NON POTEST) Quo ipso tamen tota doctrina de testibus recipiendis vel non recipiendis corrumpitur. Ut sic rem acu tangat LEYSER. *Spec. CCLXXXIII. med. I.* quando asserit, fidem testium unice ex arbitrio iudicis pendere. Idque jam Romani agnovisse videntur in *L. III. §. II. de testib. L. XIII. de testib.* multisque exemplis illustrat laudatus Auctor.

### Aphor. XIX.

IMPENDERE DEBET) Qua occasione quaeritur, an testis denegare possit testimonium sub prætextu, quod sumtus impendere debeat in iter ad locum iudicii peragendum. Quod recte negamus, cum prius non possit de sumtibus respondere producens, quam testis eos re ipsa impendit. Necessesse itaque est, ut veniat testis, & iudici evocanti morem gerat, ejusque deinde auxilium imploret, ut indemnitatem consequatur. In Saxonia Electora-



torali Legislator pro dignitate testis, & loci distantia certam determinavit summam, quam producens, antequam testis citetur, cum ipsis articulis offerre debet.

**ET DIRECTORIO**) Quod speciatim nominat testes, & simul indicat, ad quosnam articulos quilibet interrogandus sit. Idque ipsum iudex præcise sequi debet, nec citra vitium nullitatis de suo quid addere, aut ordinem præscriptum mutare potest.

**ET INTERROGATORIIS**) Quem in finem consultum est, ut interrogatoria ante requisitionem a parte adversa exhibeantur, quo iudex requirens ea simul transmittere possit. Si tamen exhibitæ non sint, iudex requisitus, dum terminum examinationis præfigit, productum nihilominus monet, ut in termino productionis compareat, &, si velit, interrogatoria exhibeat.

**ET VIDENDVM JURARE TESTES**) Diverſus tamen utriusque citationis est effectus. Ex parte producentis enim est arctatoria, & producentem præcisa comparendi & producendi testes necessitate onerat, nisi emanens probationem malit desertam. Ex parte producti vero est monitoria solum. Adeoque, licet emanat, iudex tamen ad examen progreditur, cum emanens renunciasse videatur juri suo, & exceptiones contra testes, ut & facultatem exhibendi interrogatoria amittit.

**PRODUCIT TESTES**) Et quidem non verbaliter solum solenni adhibita formula, se testes producere.

ducere absentes tanquam praesentes & praesentes tanquam absentes, sed realiter etiam & actualiter, ut iudici testes nominatenus sistat. Hinc absentium testium contumaciam accusat, utque iudex eosdem sub poena ad testimonii dictionem compellat, rogare solet. Nisi enim testis privilegio tutus sit, ne cogatur, vel ideo, quia publice interest, ut veritas facti detegatur, remedia coactiva locum habent *L. XVI. L. XIX. C. de testib. tot. cit. X. de testib. cogend.* Imo, si causa ardua & criminalis subsit, & de veritate absque teste constare nequeat, contra quem tamen adest praesumptio gravis, quod rei notitiam habeat, contra contumacem potest decerni tortura vid. *LUDOVICI Diff. de teste contumace.*

INTERROGATORIA) Quae sunt quaestiones a producto cum in finem exhibitae, ut ex responsione testis distincta appareat, quanta fides ipsi sit habenda. Generatim itaque id per interrogatoria efficere studet productus, ut fides testium suspecta fiat. Sunt vel generalia, quae contra personam testis diriguntur. Sunt specialia ad articulos directa. Et per has ex teste quaerit rationem testimonii, ea quae in articulis captiose conjuncta sunt, separat, ipsumque articulum in speciales propositiones resolvit. Cumque in iis defensionis maxima pars saepius sita sit, productus ea non facile omittit *STRYCK. Introd. ad Prax. Forens. cap. XVIII. §. V.* Caveat tamen, ne exhibeat prius, quam super exceptionibus, quas testi objecit, & ob quas eum repellendum credit, iudex

judex cognoverit. Qui enim de teste repellendo excipit, & interrogatoria tamen offert, exceptioni renunciassse videtur. Præterea de jure Communi productio quidem permittitur, ut interrogatoria generalia, quæ præliminaria vocantur, ad ipsius causæ merita dirigat STRYCK. *d. C. §. VIII.* Quo ipso sumtibus, reprobationi impendendis parere potest. Sed certe tum demum effectum sibi ex his interrogatoriis promittere potest, si eosdem testes & reprobationi inservire posse probabile sit.

**DIMITTITUR**) Sed, antequam dimittatur, curet examinans, ut depositio illi prælegatur, quo omissa supplere, obscura illustrare, contra intentionem consignata indicare possit.

### Aphor. XX.

**PUBLICATIONI ATTESTATIONVM**) quæ absque solennitate omni ita peragitur, ut judex in termino rotulos, quos hucusque, ne depositiones testium ad notitiam partium venirent, secretos habuit, actis inserat, & partibus eorum copiam faciat.

**TESTIVM REPETITIO**) Si nempe in depositionibus quædam intellectu difficilia, ambigua & obscura occurrant, quæ impediunt, ne judex li-tem secure sententia sua finire possit.

**PRODUCTIO**) Quæ tamen hodie vel ideo admitti non potest, quia probationi exhibendæ certus, isque peremptorius terminus regulariter præfigitur. Quo elapso ipso jure probaturus præcluditur. Fatali vero nondum elapso; & novos testes

testes denominare, & novos articulos exhibere, & prioribus novos addere, imo probando variare licet. Si tamen probatio intra fatale exhibitum sit, & postea testis reperiatur mortuus, vel idem ille tempore oblationis vivus ante examen diem obeat supremum, in locum demortui unum pluresve denominare permittitur, modo probaturus suspicionem, se mortem testis tempore oblationis scivisse, jurejurando removeat.

### Aphor. XXI.

OFFERRE DEBET ) Et sigillatim, ne publicentur attestata testium, protestationem interponere debet. Sed his ambagibus in Saxonia Electorali non est opus, cum fatale reprobationis currat a die communicatorum articulorum probatorialium. Est vero reprobatio in genere, ut Auctor recte monet, intentioni actoris contraria probatio, eaque vel negative peragitur, probationem actoris elidendo, vel affirmative, judici de exceptionibus fidem faciendo. Ut sic omnino detur reprobatio, etiamsi reus nullas plane habeat exceptiones, cum sufficiat, reum qualicunque ratione se defendere. Quia vero defensio est, magnum omnino habet favorem, nec iudex reo eam facto suo adimere potest. Imo reus ad reprobationem admittitur, licet iudex ipsi eandem neque concesserit, neque expresse reservaverit.

### Aphor. XXII.

DISPUTATIO ATTESTATIONVM ) Hanc praxis judiciorum præter necessitatem ordini procedendi addidit. Nam cum in ea id agat pro-

Mmm

baturus



baturus, ut testium fidem in tuto collocet, & judici, quid & quale probaverit, ex Actis & attestatis testium ob oculos ponat, pars adversa vero testium fidem infringere studeat, quæ omnia judici ex Actis innotescere possunt, etsi partes plane taceant, constat certe, ex superfluo tolerari ipsam attestationum disputationem.

### Aphor. XXIII.

**DISTINGVI SOLET**) In effectu ita differunt. Præsumtio hominis probationem, plene quidem non peractam, præsupponit, ita tamen comparatam, ut probabilitas oriatur, quæ judicem movere potest, ut neque pure condemnèt, neque pure absolvat, sed juramento legali exitum rei committat. Præsumtio juris, quæ a lege proficiscitur, sive conjecturam ab ipsa lege approbatam continet, instar plenæ probationis est, & a probatione liberat, non tamen probationem in contrarium excludit. Præsumtio juris de jure non a probatione solum liberat, sed ex legis dispositione pro ipsa veritate eo effectu habetur, ut, qui contrarium asserit, mendacium committere videatur.

### Tit. XII.

### De Jurejurando.

### Aphor. I.

**I****N TESTEM**) Imo præterea in vindicem. Sola enim invocatio in testem non facit juramentum **BÖHMER, Jur. Eccles. Lib. II. Tit. XXIV. §. VI.** In eo itaque, ut Deus in vindicem invocetur, consistit formale juramenti. **Inde**

de patet, non jurari posse, nisi per id, quod religio-  
se colimus, quodque vindicare posse perjurium cre-  
dimus. Ut sic juramentum secundum principia  
cujusque religionis concipiendum sit. Nec aliun-  
de, quam ex intentione jurantis vis & efficacia  
juramenti dependet, quod contra Carpzovium late  
demonstrat FINCKELTHAVS *Obs. CCXVI.* vid.  
BÖHMER. *d.l. §. LVIII.* Quare formulam cer-  
tam per se non requirit jusjurandum. In Pra-  
xi tamen, præsertim juramentum judiciale, quod  
litis decidendæ causa adhibetur, per formulam &  
solennitates expediri solet, quo religiosior asse-  
veratio sit. Ex eodem fonte, quod Deum vindi-  
cem constituamus, facile colligimus, impiam & haut  
tolerandam esse reservationem mentalem, quippe  
quæ, dum jurans aliud cogitat, aliud verbis profert,  
animum jurandi excludit, *c. IX. Caus. XXII. qu. V.*  
STRYCK. *de jure sens. Diff. X. cap. III. n. 6. sqq.*  
Quæ cum ita sint, id singulare non est, quando  
in juramento jus Canonicum requirit veritatem, si-  
ve conformitatem linguæ cum mente, justitiam  
ratione objecti, intellectum & voluntatem in ju-  
rante, eo effectum, ut vis, dolus, metus excludatur,  
ut fiat de re licita & privatorum dispositioni sub-  
jecta, ab eo denique, qui scit, quid agit, & rem,  
de qua jurat, intelligit.

### Adhor. II.

PROMISSORIVM ET ASSERTORIVM) Hoc  
probandi causa, illud actum convalidandi gratia  
adhibetur. Hoc res præsentis vel præteritis re-  
spicit, illud in futurum obligat. Hoc, si menda-

cium continet, poenam perjurii operatur. Illud conscientiam solum jurantis stringit, si res in eodem statu maneat. Verbo: Juramentum promissorium contractibus adjicitur, & quidem vel in continenti, quod in specie promissorium dicitur, vel ex intervallo, quod confirmatorium vocatur. Sic vero est accessorium obligationis principalis, & neque de jure Naturæ neque de Jure Romano novam producit obligationem. Quo fit, ut corruente principali obligatione & obligatio ex jurejurando corruat *L. V. C. de legib.* Verum ex principiis Juris Canonici, quæ nos servamus, improvide tamen, BÖHMER. *Jur. Eccles. Lib. II. Tit. XXIV. §. XXII.* per juramentum tale actus in se nullos convalidari posse credimus *c. II. de pact. in 6to cap. XXVIII. X. de jurejurando.* Conf. LUDOVICI *Diff. de brocard. Omne juramentum servandum est, quod salva salute aterna servari potest.*

### Aphor. V.

QVOD EX CONVENTIONE ) Ergo hujus juramenti indoles unice ex natura pactorum & transactionum est dijudicanda. Et obligatio non tam oritur ex vinculo juramenti, quam ex modo transigendi, qui, ut per juramenti præstationem expediretur, partibus placuit. Sigillatim præsupponit mutuum consensum, & sic sponte nec delatum præstitum neminem ab obligatione liberat. Præstitum vero ex conventionem antecedente sufficit ad effectum liberationis, etiamsi pejeratum sit.

Aph.

## Aphor. VI.

DEFERTUR ¶ Non itaque necesse est, ut quis utatur juramenti delatione, nisi cui probatio incumbit. Nec opus est, ut quis juret, nisi iudex juramenti præstationem injunxerit. Quamvis inde inferri non possit, iudicem facultatem deferendi juramentum alicui adimere posse. Nam, ubi quis ad probationem sese accingit, etiamsi illa simpliciter sit injuncta, recte tamen utitur juramenti delatione, quousque lex ipsa non jubet, ut ea statim & antequam de probatione iudex interloquatur, litigans utatur. Et hactenus, quicumque sit litigans, recte defert juramentum, utut ipse non possit ad juramenti præstationem admitti. Sic & infamis & de perjurio suspectus hoc beneficium in suos usus applicat, quicquid dissentiat CARPZOV. *P. I. Const. XIV. def. VI.* Conf. BRUNNEMANN. *Proc. Civil. cap. XXIII. n. 4.* Ut tamen deferat illi, ad quem causa spectat, & qui rei, de qua jurandum est, notitiam habet, necesse est. *L. XX. pr. de jurejurando.* Sufficit autem qualiscunque, ut sic ille etiam admittatur, qui de credulitate jurare potest.

JURAMENTI DELATIONI) Qua de re tamen valde dubito. Certe reus de juramenti delatione prius cogitare non debet, quam ad probationem se accingit. Et, quamvis se ad probationem simpliciter offerat, non tamen ideo excludere videtur juramenti delationem, cum renuntiatio juris non præsumatur. Idem juris est, quando actor de replica probanda cogitat. Hu-



jus intuitu enim habetur pro reo, ipsaque replica jure exceptionum utitur.

### Aphor. VII.

**AVT SVSCIPIENDVM**) Susceptum vero ad præstationem juramenti præcise obligat. **MEVIVS P. VI. Decis. CLXVII.** nec revocari potest amplius a deferente, cum jam post acceptationem vires pacti accipiat, & acceptanti jus quæsitum oria-  
tur. **IDEM P. II. Decis. XCIII.** Ut autem omnis conventio intelligitur rebus sic stantibus, ita &, si illi, qui detulit juramentum, novæ probationes superveniant, quibus vel judici de ipsa litis objecto fidem facere, vel liquido demonstrare potest, acceptantem pejeraturum, revocatio juramenti delati conceditur **L. XI. C. de jurejurando.** Sed, quid si non revocetur, & acceptans tamen ante juramenti præstationem moriatur? Tum quidam mortem vim jurisjurandi habere putant, si justissimæ causæ adsint, vid. **STRYCKII Diff. de morte loco jurisjurandi.** Sed & suppetunt rationes, ut heredes adhuc ad juramentum creditatis compellantur. Quare merito dixeris, ipsam quæstionem ad arbitrium judicis spectare.

**DE CALVMNIA JURARE**) Quæ necessitas deferenti ideo videtur imposita, ne juramenti delatione abutatur ad instruendam calumniosam litem, quod omnino facere posset, cum & absque indiciis juramenti delatio locum habeat. Itaque a calumnia prius se per jusjurandum purget. **L. XXXVII. de jurejur.** Anne vero deferens adhuc de calumnia jurare debeat, si alter ipsi juramentum retulit, dubitatur. Putant quidam, non  
opus

opus tum esse juramento calumniae, quando deferens ipse super causa principali jurat. Sed re-  
gerunt alii, quod deferens juret super lite, ob  
relationem, id calumniam non excludere in dela-  
tione. Quorum opinionem Saxones approbant,  
& a deferente cum juramentum calumniae, tum  
juramentum principale exigunt.

**ALIAS PROBARE VELIT**) Quod vocant  
probationem pro exoneranda conscientia, in qua  
peragenda I) omnia illa sunt observanda, quæ pro-  
bationem in genere solennem efficiunt. II) pro-  
baturus id agere debet, ut directo contrarium  
ejus, super quo juramentum delatum, probet,  
non vero exceptiones intentioni actoris contra-  
rias probare potest. Cæterum hæc probatio non  
admittit juramenti delationem, cum fiat decli-  
nandi juramenti causa, & quia species reproba-  
tionis est, contra probationem partis adversæ per  
juramenti delationem resumptæ, probationem non  
admittit ulteriorem.

**POSTEA ADMITTITUR**) Ut nunc præcise  
juramentum præstare debeat. Hoc tamen, ni  
fallor, Praxis admittit, invita analogia juris, cum  
naturale sit, ut, qui dum antea vel præstare jura-  
mentum, vel referre, vel conscientiam probatio-  
ne exonerare poterat, alterum eligat, ad alterum  
facta electione non habeat regressum.

### Aphor. VIII.

**IN OMNIBVS CAUSIS CIVILIBVS**) Nota  
generatim, in omnibus causis juramentum defer-  
ri posse, super quibus transigere licet. Cumque

nec in criminalibus, quatenus de latione sermo est, prohibita sit transactio, nec eo nomine prohibita erit iuramenti delatio vid. *L. LII. §. XXVII. de furt. L. IX. §. II. de iurejur. cap. XXXVI. X. Eod.*

### Aphor. IX.

**NECESSARIUM**) Quod triplici ratione ita nominatur, I) intuitu causæ, quæ alia ratione expediri nequit, II) intuitu iudicis, qui illud necessitate quasi adactus dicitur, III) intuitu personæ, quæ iurat, quia illud præcise probare debet, nisi postea noviter superveniant probationes, quibus vel, quod probationi deest, supplere, vel contrarium ejus, quod jurare debet, evincere possit. Et generatim iuramentum legale ob probationes noviter repertas retractari potest, *L. XXXI. de iurejur.* quod in delato secus. Ipsa ratio diversitatis hæc est, quod in delato conventio quædam accedat, quæ in legali & necessario cessat.

**SUPPLETORIUM ET PURGATORIUM**) Utrumque ex probationis inopia oritur. Et id quidem dicitur probationis semiplenæ supplendæ causa, ipsumque probaturum testem in propria causa constituit, hoc vero dicitur suspitionis, contra adversam partem per probationem semiplena minorem excitatæ, removendæ causa, & a reo præstari solet. Hæc ita, si probationem ab altera parte susceptam alter non elisit, vel reprobatione æquavit. Sin probationes ex utraque parte æquales sint, dubiusque hæreat iudex & anceps, cuinam parti dicetur iuramentum, ille potius ad iuramentum admittitur, qui de veritate

tate jurare potest, quam qui de credulitate BER-  
GER. *Resol. Lauterb. p. 503. & Oec. Jur. pag.*  
*1064.* Si de veritate neuter jurare possit, reo potius  
purgatorium, quam actori suppletorium dictan-  
dum, cum jura proniora sint ad absolvendum, quam  
ad condemnandum. LUDOVICI *Diff. de probabi-*  
*litate.* Verum res omnis tamen regulis ita confi-  
ci nequit, quin arbitrium judicis locum habeat  
LEYSER. *Spec. CLXI. sqq.*

## Aphor. XIV.

INTRA OCTIDVVM) Quod fatale tamen in  
Saxon. Elector. per Ordinac. Proc. Recognit. est  
sublatum, & judici lex dicta, ut æque, ac jure Com-  
muni fieri solet, ex officio terminum jurandi præ-  
figat. In quo, si deferens juramentum calumniae  
non præstet, juramentum principale, urgente alte-  
ra parte, habetur pro præstito. Sin ille, cui jura-  
mentum delatum, contumax sit, iterum prævia con-  
tumaciae accusatione in poenam jurare nolentium  
incidit, & juramentum principale habetur pro de-  
serto.

## Aphor. XVII.

DE RE NOSTRA RESTITVENDA) Quæ  
pretium affectionis recipit *L. III. de juram. in*  
*litern* nec simpliciter excludi potest res fungibilis,  
modo fundamentum affectionis non positum sit  
in voluptate. Alias, quando in re conservamus  
memoriam patroni, secundi vel adversi casus, quan-  
do porto res lusum naturæ vel artis sistit, denique  
quando rem artificiosam confecit ipse, qui artem  
non profitetur, in infinitum eam æstimare licet,

Mmm 5

salva



salva tamen judici facultate, æstimationem revocandi ad æquitatem *L. IV. §. II. & III. L. V. §. I. Eod.* In reliquis omnibus verum rei pretium respicimus, quod & fit, quando res, quæ affectionem recipit, culpa levi perit. Ubique tamen de specie sermonem esse, requiritur. In quantitativis & factis non præstitis cessat juramentum in litem. Et eatenus non opus est, ut cum Auctore distinguamus rem restituendam à re tradenda. Nam & in rem immobilem cadere potest affectio *L. I. §. XV. si quid in fraud. patron. add. THOMASII Diff. de pretio affectionis in res fungibiles non cadente per tot. & speciatim §. XXI. sqq.*

### Aphor. XX.

**QVOD JURAVIT**) Verum hac ratione in arbitrio ejus, qui vim intulit, situm est, positumve, quantum restituere velit. Et cui religio non fuit, vim alteri inferre, illi nec religio erit, perjurio se polluere. Quæ procul dubio moverunt Legislatorem Saxonicum, ut in *ORDIN. PROC. RECOGN. Tit. XXXI.* juramentum minorationis abrogaret, maxime, cum actori, cui aliæ probationes desint, juramentum deferendi facultas jam competat. In subsidium vero, quando actor, qui per vim ablativam vel expulsivam res amisit, damnumque passus est, probationibus destituitur, rectius vi *L. IX. C. unde vi* ad juramentum admittitur, quod Zenonianum vocatur, & re ipsa juramentum in litem est, vi cujus damnum, quod passus est, ejusque æstimationem confirmat. *HORN Diff. de jurament. Zenoniano.*

Tit.

Tit. XIII.

De conclusionē causæ.

Aphor. II.

**T**ACITA CONCLUSIO EST ) Eamque sigillatim tum etiam adesse, diximus supra, quando lex partium exhibita ad certum numerum adstringit. Iis enim in casibus iudex causam ex officio habet pro conclusa.

Aphor. IV.

**NON COMMUNICANTUR** ) Verum de jure Communi nec ejusmodi documenta exhibere permittitur, cum invaluerit consuetudo in foris juris Communis, ut nihil pars altera actis inferat, super quo altera pars non audienda, quodque ipsi non communicandum sit. Et, si dicendum, quod res est, parum profunt ea, quæ ad iudicis informationem exhibemus ad causæ decisionem, cum vel ideo iudex ea attendere nequeat, quia altera pars desuper non est audita. Hinc generatim quoque, quæ post conclusionem in causa adducuntur nova, vel ex officio ab actis remove, vel tamen in decisione vilipendere fas est. Interim tamen necesse est, ut iudex ipse ea, de quibus a partibus ante conclusionem rogatus est, quæque in decisionem causæ influunt, & si Actis inferantur, diversam sententiam ab ea, quæ forsitan fertur, efficere possunt, ex officio compleat, & addat. Nec parti deneganda facultas, iudicem eo nomine post conclusionem in causa admonendi *L. XV. C. de appellat. LEX SER. Spec. CCCCLXV. med. VI sq. Tit.*

## Tit. XIV.

## De sententia judicis.

## Aphor. I.

**P**RONVNCIATIO JUDICIS ) Vel immediata, vel mediata, adhibito in consilium Collegio juridico. Quo ultimo tamen in casu, quia acta transmittenda sunt, moris est, ut terminus inrotulationis præfigatur, in qua partes primo dispiciant, num quis adsit defectus, quem suppleant ipsi vel judex, deinde beneficio, contra quædam Collegia juridica excipiendi, utantur. Postea revisis Actis hæc in præsentia partium sunt ob-signanda, quo fidem habere possint, acta integra esse transmissa.

## Aphor. II.

**ESTQUE VEL INTERLOCUTORIA)** Omnis sententia, si finem respicias, est definitiva. Nam omnis sententia dirimit litem inter partes hucusque agitatam. Quæ tamen, cum vel caput ad judicii ordinem, aut firmitatem pertinens, concernat, vel ipsam causam in judicium deductam directo respiciat, distinctioni inter sententiam interlocutoriam & definitivam occasionem dedit. Quare sententia interlocutoria non est confundenda cum mera interlocutione, quæ consistit in decreto judicis, quo vel ipse vel ad instantiam partis ea expedienda injungit, quæ ad ordinem causæ pertractandæ spectant. Hæc enim neque prævia causæ cognitione datur, neque vim sententiæ habet.

## Aphor. III.

**ANTEA CITATIS)** ad publicationem sententiæ.

tia. Quod vel ideo necesse, quia sententia cum in finem fertur, ut legem inter partes constituat. Legem vero absque promulgatione vim obligationis non habere, per se patet. Est autem terminus iste publicationis mere arbitrarius. Ipsa è contrario publicatio actus maximi præjudicii. Ab ipso momento enim publicationis currere ex legis dispositione incipit spatium aliquod intermedium inter publicationem & obligationem, fatale nempe decendii, quo elapso sententia vim legis inter partes obtinet. Igitur curet iudex, ut super actu publicationis conficiatur judicialis registratura, ex qua specifice, cui, & quo tempore atque hora publicatio facta sit, appareat.

#### Aphor. IV.

DEBET ESSE ) Verbo, sententia juri, actis, & naturæ actionis institutæ debet esse conformis. Sæpius enim non deficit jus, deficit tamen probatio. Quare dispicere debet iudex, quæ actio instituta, an probata, an elisa, cum & actor potuerit copia probationis abundare, quam tamen reprobatio facit concidere. Hinc judicet quoque, quid probatum, & de qualitate probationis se informet. Secundum acta enim & probata simpliciter pronunciare debet, non vero secundum conscientiam. Certe, etiamsi sciat, rem aliter se habere, quam ex Actis apparet, hæc tamen scientia non potest producere effectum, ut contra acta judicet. Præterea quidem, ut certa sit sententia, id est, ut litem de objecto controverso terminet, omnino necesse est, sed ideo non semper potest esse specifica, & quid, qua-



le & quantum exprimere, cum actionis institutæ natura, quatenus illa vel universalis vel generalis, vel alternativa est, nec aliam, quam universalem, generalem vel alternativam sententiam ferat.

### Aphor. V.

RESTITVENDORVM) Subsistit tamen nihilominus sententia, etiamsi de his omnibus sileat, nec ideo nulla est, sed in rem judicatam omnino transit. Quare circumspectus sit pars, cujus interest, ut & damnorum, fructuum & expensarum mentio fiat in sententia, ne in rem judicatam patiatur transire sententiam.

### Aphor. VI.

IN REM JUDICATAM) Quæ, ut diximus, vim legis habet inter partes, *c. XIII. X. de sentent. & re judic.* tam firmam obligationem producentis, ut jus alterius partis inde quæsitum ipsi invito ne a Principe quidem possit interverti, *c. I. de Constit. in 6to.* Præterea non potest retractari *L. V. D. L. IV. C. de re judic.* In iis tamen capitibus, in quibus litigatoris non interest, rem judicatam jus ei non tribuere, docet LEYSER. *Spec. CCCLXX. med. X.*

### Tit. XV.

De quibusdam intervenientibus  
in judicio.

### Aphor. II.

IN GENERALE ET SPECIALE) Utrumque  
exigitur ab omnibus, qui calumniam admit-  
tere possunt. Quod tamen fieri ab eo, qui ex  
offi-

officio agit MEVIVS *P. VI. Dec. CXXXVIII.*  
GAIL. *Lib. I. Obs. XC.* & a Consiliariis Principum, qui causas eorum in Camera tractant RECESS. IMPER. *de anno 1654. §. XLIII.* non præsumitur. Nec volunt jura, hanc præsumptionem cadere in eos, quibus reverentia debetur *L. VII. de obseq. parent. L. VIII. §. V. qui satisd. cogunt.* Utrumque est legale; & a iudice, parte etiam non petente, injungi, & parte licet petente, remitti potest *c. I. de juram. calumn. in 6to.* Utrumque præstitum a calumnia excusat, non a temeritate *L. LXXIX. de judic.* Generale vero semel tantum in exordio litis *c. VI. X. de juram. calumn.* præstat, & excludit de jure Civili speciale, quod tamen correxit Jus Canonicum *c. II. de juram. calumn. in 6to.* Speciale vero sæpius, & quotiescunque malitiæ suspicio oritur, exigì ac præstari potest FRANZKIVS *ad tit. de jerejur. n. 57.*

### Aphor. V.

ADDUCIT ET PERSEQVITVR) Fit interventio cum in finem, ut vel alterum ex partibus litigantibus excludamus, vel alteri ex litigantibus assistamus. Illa principalis dicitur, hæc accessoria. Illa processum inter actorem & reum suspendit, & novo processui inter alteram partem & intervenientem pertractando occasionem subministrat. Hæc in processu principali nil mutat, sed accessorie interveniens causam cum eo, cui assistere vult in eo statu, in quo eam invenit, continuat. Ultraque quovis quidem tempore fieri potest, & principaliter interveniens adhuc in ipso termino

mino executionis, & tamdiu audiendus est, quamdiu causa plene nondum finita est. Sin finita, separato processu jus suum persequi debet. Sed, qui accessorie intervenit, ut interveniat eo tempore, quo occasio alteram partem defendendi adhuc superest, res ipsa exigit. Utterque denique interveniens interesse suum prius demonstrare debet. Sed iterum, ut principaliter interveniens præterea, suum interesse præcipuum & interesse partis litigantis præferendum esse, demonstret, natura rei docet.

### Aphor. VII.

ALIQUANDO OPVS EST ) Quamvis enim successor præcise obligatus non sit ad litem ab antecessore coeptam continuandam, sed renunciare etiam possit liti, interest tamen cum iudicis, tum partis adversæ, ut sciant, an iudicium antecessoris successor accipere velit nec ne, cum primis, quia successor universalis, nisi processum continuet, expensas litis restituere debeat. Itaque litis reassumptio consistit in declaratione, utrum quis causam continuare velit. Eaque est vel minus solennis, & simplici declaratione absolvitur, etiam ab eo, qui non admonitus est, dum vel ille ipse, vel procurator ejus nomen ad Acta proficitur, utque nunc cum parte adversa litigare velit, significat; vel solennis, quæ peragitur prævia citatione, causæ cognitione, & accedente iudicis sententia. Et hujus quidem evitandæ causa jussit RECESS. IMPER. de anno 1654. ut clausula heredum mandato inseratur. Sed facile patet, præsupponi casum, ut quis pro-

procuratorem constituerit, & heredem nactus sit. Sic verò, si vel nunquam adfuerit procurator, vel minimum tempore defuncti non adsit, itemque, si successorem quis habeat singularem, vix aliter peragi potest litis reassumptio, quam publice & solenni modo.

Tit. XVI.

De Processu Arresti.

**E**st processus arresti semper præparatorius litis principalis, & duplicem finem habere potest. Vel enim arrestum in re debitoris impetramus, ut cogatur ille litem nobiscum suscipere coram iudice loci, qui arrestum imposuit, etiamsi alias ratione personæ rei incompetens sit, isque processus habet effectum solum prorogatæ jurisdictionis. Vel arrestum petimus, ut credito nostro non privilegiato, si indicia adsint, debitorem non solvendo fore, jus reale conciliemus prius, quam super ipso debito litem principalem suscipiamus. Hunc processum arresti jus Commune ignorat, illeque ipse Saxonibus sigillatim cognitus, sed in Electoratu per Ordinatus. Proc. Saxonici Recogn. iterum sublati est. Nec ad priorem processus arresti speciem, sed ad posteriorem forma pertinet ab Auctore suppeditata. Uterque tamen in eo convenit, quod I) adesse debeat debitum, etsi non præcise liquidum, verum tamen, quod existit, II) periculum in mora, quod forsan debitor de fuga suspectus, morosus, valde obæratum sit. MEVIUS *de arrest. cap. VI.* LEYSER. *Spec. CCCCLXXV. med. I. sq.* Utrumque igitur, ut arrestum impetrans aliquammodo demonstret, & præterea iudex circumspectus sit, ne



demonstratione facta arrestum deneget, aut ad nuda asserta arrestum concedat, necesse est. Quodsi vero judex admittat arrestum, idque finem consequendi juris realis habeat, de renovatione cogitet impetrans & postea libellum actionis exhibeat, die *Kummer-Klage*, in qua doceat, se in impositione arresti formam adhibuisse, quam lex præscribit, ipsumque vero simul debitum processu principali discutiendum in litem deducat. Sin prorogandæ solum jurisdictionis causa impetratum sit, libellum principalem statim exhibere fas est, nec facile renuit judex, ut arresti relaxationem concedat, si debitor cautionem de judicio suscipiendo afferat sufficientem. Si nec hanc, arrestum recte continuat, usque dum lis principalis finita est, utque creditori ex re, cui arrestum impositum est, satisfiat, interveniente executione curat. vid. *LYDOVICI Censurum Civil-Proc. cap. IV.*

### Tit. XVII.

#### De Processu summario.

**P**rocessus summarius dicitur, qui substantialia quidem processus & ordinem, quem ipsa natura rei controversæ exigat, servat, solennitatem vero legalem non exposcit. Sufficit simplex judicis imploratio. Sufficit congrua responsio. Sufficit aliqualis demonstratio, quæ ne quidem ad certum fatale est adstricta, nisi judex abbreviandæ litis causa certum probationi terminum præstituerit. Adhibetur vero vel ex speciali privilegio personæ, vel ex speciali privilegio causæ, vel ob imminens Reipublicæ aut litiganti irreparabile fere præ-

præjudicium ex discussione causæ diutius dilata. Sic controversiæ studiosorum, rusticorum, sic causæ Ecclesiasticæ, sic causæ alimentorum, vectigalium, novi operis nunciatio, summario processu expediuntur. Ubique tamen lex permissiva adesse debet. Alias enim iudex invita altera parte modum procedendi ordinarium mutare, vel de solennitatibus aliquid remittere nequit.

Tit. XVIII.

### De Processu Executivo.

Aphor. II.

**E**XECUTIONEM HABENTIBVS ) Vel potius, processum executivum instruit confessio partis adversæ scripta, ita comparata, ut, quid, quale, quantum, cui, quo tempore & ex qua causa præstare debeat, inde appareat; sic vero ex tali instrumento probatio omnium capitum libelli, quæ facti speciem concernunt, parata sit. Tum enim, cum ad condemnandum reum nihil amplius requiratur, permittunt jura, ut probationem libello statim adjungere, & iudicis sententiam condemnatoriam petere possimus. Imo, si documentum publicum sit, cui vis probandi per se inest, iudex statim solutionem injungit, sub comminatione executionis. Privatum vero documentum, quia non probat, nisi agnitum, hunc solum effectum producit, ut iudex terminum præfigat, in quo reo copia documentum inspiciendi detur, eo fine, ut vel agnoscat documentum, vel illud diffiteatur. Hoc vero si faciat, absolvitur; illud, si peragat, condemnatur. Quodsi demum ad rigorem cam-

N n n 2

bia-

bialem debitor, qui obligationem ex cambio recipere potest, sese obligaverit, non quidem cessat facultas ipsi competens vel agnoscendi vel jurato diffidendi documentum. Non tamen opus est, ut præcedat citatio vel admonitio de solvendo, sed citatio realis locum habet, & nisi in continenti debitor se cambium scripsisse & subscripsisse, interveniente juramento, neget, carceri tamdiu mancipatur, donec id, quod in cambio est, præstiterit. Sic vero in processu executivo executio in bona debitoris, in cambiali in personam ejus dirigitur.

### Aphor. III.

DIFFITERI INSTRUMENTVM DEBET) Et huc recte applicantur, quæ supra de recognitione & diffessione documentorum diximus, ubi de probatione sermo erat. Nec dubitamus, quin & in processu executivo locum habere possit comparatio literarum & recognitio per testes, ut juratam disseffionem declinemus, per ea, quæ tradit BERGER in *Programm. Elect. Proc. Executivi adjecto*.

### Aphor. IV.

PEREMTORIAE) Imo & dilatoriae, quæ eo spectant, ut judicio firmitatem & stabilitatem conciliemus. Quod autem peremptoriae debeant esse liquidæ in continenti, id inde est, quia liquidum, quod ex actione in oculos incurrit, sub prætextu illiquidi remorari non potest. Quatenus vero reus parata habet media probandi, omnes omnino exceptiones admittuntur, quæ jus actoris excludunt. Non autem de jure Saxonico alia probatio pro liquida habetur, nisi, quæ ex documentis gua-  
ren-

rentigiatis, quæ supra descripsimus, desumitur. De jure vero Communi admittitur etiam juramenti delatio STRYCK. *Uf. Modern. Dig. tit. de jurejur. §. XXIII.* MARTINI *in Proc. Tit. XXXIX. §. III. n. 89.* Quod tamen ita intelligendum esse puto, ut præstatio juramenti omne dubium de obligatione rei tollat. Sin ambigua nihilominus res sit, præstat, juramenti delationem rejicere, & rei exceptiones ad reconventionem ablegare, quam jus actoris liquidum & executionem sub prætextu illiquidi remorari.

## Tit. XIX.

## De processu secundæ instantiæ.

**A**uctor hoc loco vocem instantiæ in sensu Grammatico accipit, & per processum secundæ instantiæ omnem causæ controversiæ post sententiam denuo peragendam cognitionem intelligit, quæ eum habet finem, ut appareat, an gravamen, de qua pars adhibito remedio suspensivo conquesta est, quodque corrigendum esse asserit, correctione indigeat. Et catenus omnia remedia suspensiva huc pertinent. Proprie autem processus secundæ instantiæ is dicitur, quando provocatione ad superiorem facta ab hac causæ cognitio denuo instituitur. Sunt autem remedia, quibus contra sententiam gravantem utimur, vel extraordinaria, vel ordinaria. Extraordinaria etiam post rem judicatam locum habent, vel minimum ad decendum, quod leges remediis ordinariis præscripserunt, non alligantur. Sic contra rem judicatam minores, quique eorum jure fru-



untur, ex capite læsionis restituuntur in integrum. Nec nocet res judicata, ne in Camera Imperii ad remedium revisionis, in Judicio Imperii aulico ad remedium supplicationis confugiamus. Sic etiam in causis, in quibus sententiæ in rem judicatam plane non transeunt, v. c. in criminalibus, in matrimonialibus, item, quando sententia nullitate insanabili laborat, add. BÖHMERI *Diff. de sentent. in rem judic. non transennt.* per modum deductionis, defensionis, querelæ nullitatis gravamen corrigere possumus. Quod autem remedia ordinaria attinet, illis semper utimur ad suspendendas rei judicatæ vires, & sic etiam, quomodocunque nominentur, ad decendum adstringuntur, quamvis præter effectum suspensivum adhuc effectum devolutivum, ut appellatio, habeant, & causa non a iudice, qui sententiam tulit, sed a iudice superiori cognoscenda sit denuo. In eo itaque omnia remedia ordinaria conveniunt, ut I) intra decendum a tempore publicatæ sententiæ interponenda sint, II) ut præsupponant gravamen verum illatum, quod vel præjudicium in continenti & præsens adjectum habet, vel minimum, nisi corrigatur, ratione futuri damno irreparabili afficit. III) ut, qui eo utitur, præcise & sub poena desertionis formalia a lege cuicunque remedio præscripta servare debeat, IV) ut, quando recipitur remedium, & causa denuo in præfixo termino cognoscitur, gravatus non solum demonstrare debeat, se formalia observasse, sed etiam ulterius, se in materialibus & meritis causæ gravatum esse deducat. Quod, sive fiat per modum

dum prosecutionis, sive per modum deductionis, sive per modum justificationis, perinde est. V) Ut generatim gravatus remedium eligat, cui lex vel consuetudo tanquam remedio suspensivo effectum suspendendi rem judicatam tribuit. Non enim ubique v. c. leuteratio, ut in Saxonia, admittitur, sed in locum ejus vel revisio actorum, vel supplicatio succedit, quæ in Saxonia iterum incognita est. Cumque gravatus sibi non possit remedium fingere, sed id eligere, quod publice approbatum est, facile quoque apparet, nullum remedio protestationis simplici tribui posse effectum suspensivum.

### Aphor. II.

**NULLA VERO DICITUR SENTENTIA)**

Querela nullitatis partim extraordinarium, partim ordinarium remedium est, gravamen corrigendi.

Ut extraordinario ea utimur, quando nullitas est insanabilis. Est vero talis in duplici sensu, nimirum vel absolute, quando iudex sententiam tulit

in processu, qui substantialia requisita non servavit, eaque & de jure Imperii per RECESS. IM-

PER. de anno 1654. §. CXXI. & de jure Saxoni-

CO BERGER. *Elect. Discept. Forens.* p. 1027. in perpetuum urgeri potest, nec præscriptionem ad-

mittit, vel secundum quid, quando sententia vel legi publicæ, vel legi privatæ, quæ nempe jam

jus fecit inter partes, directo contraria lata est, eaque de jure Imperii intra triginta annos, de jure

Saxonico intra terminum Saxonicum urgeri potest, eaque, nisi in continenti liquida sit, executionem

non suspendit, vid. tamen MENCKE *Tract. Synopt.*

*Proc. Tit. XXXVIII. §. X.* Reliquæ omnes nullitates vel per remedium nullitatis, tanquam ordinarium, quando, ut tale approbatum est, seorsim, vel per remedium nullitatis cum alio remedio cumulatim intra decendium proponendæ sunt STRYCK. *Introd. ad Pr. Forens. cap. XXIII. §. XXVII.*

### Aphor. X.

REMEDIUM SUPPLICATIONIS ) Quod itidem, quatenus ut ordinarium remedium approbatum est, ad fatale decendii adstringitur. Ut extraordinarium vero in INSTRUM. PAC. WESTPHALICAE art. V. §. LV. approbatum est, & in Judicio Imperii aulico ita frequentatur, ut gravatus per sententiam intra biennium Imperatorem imploret, velit ille causam denuo cognoscere, & gravamen corrigere.

### Aphor. XI.

RESTITUTIO IN INTEGRUM ) Quæ denuo iis in locis, ubi remediis suspensivis annumeratur, a reliquis nominetenus solum differt. Quatenus vero minores, & qui his æquiparantur, eo beneficio contra rem judicatam utuntur, ea observanda sunt, quæ supra ad tit. de Restit. in integr. tradidimus.

### Aphor. XII.

ALIUDVE FACTUM ) Præsupponit itaque appellatio æque, ac alia remedia suspensiva, gravamen, non tamen præcise per sententiam, sed quaecunque a iudice inferiori, dum officio suo deest, illatum. Suspendit ubique causæ cognitionem, & iudex inferior, qui pendente appellatione procedit, attentatum & spolium committit. Non tamen sem-

semper processui appellationis locum facit, sed tum demum, quando per sententiam gravamen infertur. Judicem enim limites officii excedentem, vel minus recte procedentem superior potius brevi manu officii sui admonet, cum, an officio defuerit nec ne, ex Actis statim patefiat. Semper etiam appellatio præter suspensivum effectum devolutivum habet, cum eo fine fiat, ut judex superior corrigat gravamen. Nec hunc effectum unquam amittit. Quamvis enim sint casus, ubi appellatio executionem non suspendat, judicis tamen inferioris non est, ut de appellationis admissibilitate judicet, sed nihilominus res illius decisioni committenda, ad quem appellatio dirigitur.

#### Aphor. XIV.

AB INFERIORE AD SUPERIOREM ) Et quidem ad proxime superiorem. Neque enim instantiam intermediam prætergredi fas est. Sic vero appellatio ad parem & appellatio per saltum prohibita est. Si plures judices superiores concurrant, eligere potest appellans, quem velit. Sed post electionem, si causa semel devoluta, variare non potest, nec ob idem gravamen ad alterum judicem recurrere. Quod si tamen alter judex gravamen semel correxerit, & postea judex inferior denuo gravet, quamvis in eadem causa, existimarem ego, ob novum gravamen appellantis jus eligendi reviviscere, nec jus illi judici superiori ex causa semel devoluta esse quæsitum, ut & ob novum gravamen appellatio ad se dirigi postulet. Cæterum appellationem semper judici a quo exhibendam esse, finis appellationis indicat.



**CORAM NOTARIO ET TESTIBVS**) In subsidium nempe, regulariter, quando iudex a quo appellationem recipere nolit, copiam sui non faciat, vel periculum immineat appellanti ex insinuatione appellationis.

### Aphor. XV.

**PETERE TENETVR**) Et ex more quorundam judiciorum etiam sub poena desertionis redimere. Petit autem de jure Romano iterata vice, de jure Canonico semel, per formulam tamen instantanter & sapius.

**REVERENTIALES**) quæ testimonium solum continent, appellationem rite esse interpositam.

### Aphor. XVI.

**PRO CITATIONE**) De Jure Imperii petere solent appellantes, ut iudex superior concedat processus adpellatorios, & causam judicet devolutam, postea demum citationem pro justificatione peragenda exposcit appellans.

**INHIBITIONE**) Quæ tamen non eum effectum habet, ut nunc demum iudex inferior a causæ cognitione desistat, hic enim effectus jam appellationis insinuationi inest, nisi cogites casum, quo iudici non attenta appellatione procedere licet, sed datur potius eum ob finem, ut iudex certior reddatur de intentione iudicis superioris, causam denuo cognoscendi.

**ACTA PRIORIS INSTANTIAE EDAT**) Nisi jam ea exhibuerit iudex appellanti, quod regulariter facere debet. In Saxonia etiam, ubi iudici incumbit necessitas, ut post redemptionem apostolorum Acta ad iudicem superiorem ipse mittat,

taat, & de statu causæ referat, tum compulsoriales effectum habebunt, quando iudex inferior in transmittendis Actis negligens est.

### Aphor. XXI.

REMITTITUR CAUSA ) Quod, ut fiat, ille, qui victor ex processu appellationis abiit, efficere studet, dum de remissorialibus decernendis iudicem superiorem implorat.

EXEQUITUR ) Quia iudex inferior, qui semel gravamen intulit, semper gravare velle præsumitur. Quare, etiamsi de lite principali nondum sit lata sententia, tamen iudex superior causam in suo iudicio finiendam curat.

### Aphor. XXIII.

REVISIO ACTORVM ) Quæ iterum vel extraordinarium vel ordinarium remedium est. In multis enim Germaniæ judiciis in vim remediî suspensivi revisionem actorum urgere licet. Quando vero in Camera Imperii ut extraordinarium remedium adhibetur, intra quatuor menses a tempore publicatæ sententiæ apud Electorem Moguntinum interponitur, in omnibus casibus, in quibus ab inferiori iudice appellatio permessa fuisset. Postea præstito prius juramento revisorio ab eo, qui se gravatum dicit, certi constituuntur revisores iurati, qui causam denuo cognoscant. Quæ omnia & plura collige ex ORDINAT. CAMER. alleg. & RECESS. IMPER. de anno 1654. §. CXXIV. seqq., add. MENCKE Tract. synops. Proc. Tit. XXXVII. §. XIV. seqq.

Tit.

## Tit. XX.

## De Executione sententiæ.

## Aphor. I.

**P**ER MAGISTRATVM ) Quando pars victrix instat. Nam ex officio magistratus executionem decernere nequit. Magistratus vero auctoritas ideo requiritur, quia nemo sibi ipsi jus dicere potest.

## Aphor. II.

**SI VERO** ) Si e contrario factum a reo præstandum sit, mandatis poenalibus procedendum est, vel executio in personam decernenda refractariam. Si de omissione facti lis ventilata, itidem præceptum prohibitivum poenale iudex decernat, vel, quod consultius est, eum, qui factum omittere debet, ad sufficientem cautionis præstationem adigat, quæ in casum contraventionis in commissum cadat, & parti victrici loco interesse cedat.

**PIGNORI CAPIAT** ) Quem ordinem ab Auctore adductum in Saxonia Electorali præcise non servant, sed arbitrio victoris relinquunt, quamquam in re executionem decerni velit, modo, quod & de jure Communi præsupponendum, res, in qua executio decernitur debitoris, propria sit.

**AD JURA** ) Si tamen jura sint personalia, v. c. ususfructus, ita executio peragenda est, ne tertio, qui post debitoris mortem rem sibi vindicat, præjudicium oriatur, utque substantia rei salva conservetur, præterea quoque, si jus in re onus habeat adjunctum, hujus ratio habeatur. Sic v. c. marito debitori ususfructus rei dotalis, patri

tri ususfructus bonorum adventitiorum in tantum solum adimi potest, in quantum onera matrimonii a marito ferenda, vel onus educandi a patre agnoscendum executionem fieri permittunt.

ET NOMINA ) Quorum intuitu executio ita peragitur, ut debitoris debitori iudex interdicit, ne solvat suo creditori, sed, quicquid habeat solvendum, in iudicio potius deponat. Quando vero in re debitoris executio peragitur, praecedit prius praeceptum de solvendo, additurque eventualiter comminatio executionis certo die expediendae. Si nihilominus contumax sit debitor, in rem ipsam fit executio, & jus reale pignoris per eam creditori tribuitur, insimul jure Communi creditor, si res sit immobilis, statim exmissio prius debitore immittitur, eique jus bonae fidei possessionis conceditur. De jure vero Saxonico communi post executionem & ante immissionem novum spatium solutionis conceditur. Peracta denique executione in re mobili, sequitur ejus auctio, & facta in re immobili immissione, ejus subhastatio. Est autem & auctio & subhastatio venditio publica auctoritate plus licitanti cum in finem facta, ut verum rei eruiamus pretium, ex eo vero creditori satisfaciamus.

### Aphor. V.

NON SUBJACENT ) Quod tamen non ita intelligendum, ac si plane non fieri possit in his rebus executio, sed quod in subsidium, si aliunde satisfieri nequeat creditori, executio demum in his rebus peragatur. Nam regulariter debitor ad saccum usque & peram excutitur, nisi lex ipsi  
suc.



succurrat, ut in tantum solum condemnetur, in quantum facere potest, quod beneficium competentiz vocant.

### Tit. XXI.

### De Processu Criminali.

#### Aphor. I.

**N**ISI QUOD IN ILLIS ) Et præterea reus ex carcere respondere debeat, nisi cautionem de iudicio sisti & iudicatum solvi præstiterit. Ad quam tamen, si delictum poenam corporis afflictivam vel capitale mereatur, facile non admittitur.

#### Aphor. II.

**VEL EX FAMA COMMUNI )** Sive tamen ex fama, sive ex denunciatione originem trahat inquisitio, ubique requiritur, & hanc & illam in sufficientibus & a lege approbatis niti indicis, quæ inquisitioni locum facere possunt.

#### Aphor. III.

**GENERALEM VOCANT )** Ergo in genere cõtendit inquisitio generalis, ut iudex se de certitudine corporis delicti informet.

#### Aphor. IV.

**IN OMNIBVS DELICTIS )** Hac tamen adhibita differentia, ut, si ex inquisitione generali appareat, poenam vix ad relegationem usque excrecere posse, summaria rei responsio sufficiat, quam condemnatio vel absolutio sequatur, cum e contrario, si poena gravior relegatione probabiliter immineat, inquisitio specialis prius expediri soleat.

#### Aphor. X.

**IURATAM DEPOSITIONEM TESTIVM )** Est qui-

quidem confrontatio non de essentia processus criminalis, nec certa lege introducta, utiliter tamen adhibetur, multumque sæpius confert, ut delinquens confiteatur delictum. Et eatenus arbitrio judicis etiam relinquendum est, in qua parte judicii criminalis eam adhibere velit, modo indicis jam certa persona de delicto commisso sit gravata. Merito tamen non a confrontatione solum, sed a speciali etiam inquisitione, prudens judex abstinebit, quousque jurata testium depositio nondum adest. Cum enim testimonium injuratum per se non probet, ita multo minus gravat, cum prunis, quia experientia teste sæpius testes absque juramento examinatos minus considerate deponere videamus, &, cum juramentum exigitur, re quasi melius cogitata, mirum in modum variare. Imo in genere auctor ero suasorque, ut judex eo ipso, quo testem examinat, jurejurando eum obstringat, cum & fieri possit, ut testis examinatus absque juramento postea moriatur, ipsumque judicium criminale ob probationis inopiam elusorium evadat.

### Aphor. XI.

NECESSARIA VIDEBUNTUR ) Hoc ita, si  
ejus responsio ad articulos jam extet. Ei vero,  
qui pro inquisitione avertenda laborat, inspectionem actorum plane denegant, quod nescio, an  
justitiæ & æquitati conveniat, cum vix effectum  
quis sibi promittere possit de defensione, quando  
indicia, quæ remove vult per defensionem,  
ignorat.

Aph.

Aphor. XIII.

VEL SUMMA ADJUDICATUR) Non tamen adjudicatur tortura, niſi delictum poenam minimum corporis afflictivam mereatur, indicia delicti commiſſi ſufficienter probata ſint, nec delinquens privilegio, quod cum torturæ ſubjici vetat, tutus ſit. Et ſi applicatur tortura, humanitatis ratio habenda eſt, debetque judex præcavere exceſſum. Quæ omnia a Doctõribus Juris Criminalis late explicantur.

Aphor. XVII.


EXTRAORDINARIA INFLIGITUR) Modo tamen inſignis delinquentis non eluceat malitia, totque indicia eum premant, ut pro convicto haberi poſſit. Certe de jure Communi hoc in caſu ne tortura quidem opus eſt, ſic vero dubitari nequit, quin & ibi poena ordinaria locum habere poſſit.

Aphor. XVIII.

ALIQUANDO ETIAM) In genere impunitus non dimittitur delinquens, niſi plene purgaverit indicia contra ſe militantia. Sed etſi purgaverit plene, ſi tamen iterum tam gravia eum preſſerint indicia, ut præter confeſſionem nil fere ad condemnationem ſuperfuerit, eum extra ordinem puniri poſſe, vix dubitari poterit vid. BARTHII *Diff. de convicto non confeſſo*, BODINI *Diff. de uſu & abuſ. tortur.*

TANTVM!

INDEX



# I N D E X

## RERVM ET VERBORVM.

A.

**A**baſtionis partus poena  
p. 787.

**Abolitio criminis** quid ſit &  
quando locum habeat  
p. 818.

**Absentia**, quænam opere-  
tur reſtitutionem in inte-  
grum 772.

**Acceptilatio** quid & an ho-  
die habeat uſum, 752.

**Accessionis** generale funda-  
mentum, 186.

**Accuſatio** an hodie fre-  
quentetur, 798.

**Actio** quotuplex 102. aquæ  
pluvie arcendæ, quan-  
do detur 797. Confes-  
ſoriæ & negatoriæ natu-  
ra 229. an extra caſum  
ſervitutis detur 232. con-  
traria, quod fundamen-  
tum habeat 612. de eo,  
quod certo loco, quem  
habeat uſum 738. de ſer-  
vo corrupto, an hodie  
utilis 790. de ſyndicatu,

an uſum præſtet 793. de  
pauperie, ejus indoles  
796. de receptis, contra  
quem detur 729. emti  
venditi, quando cum ef-  
fectu inſtituatur, 669.  
exercitoriæ & inſtitoriæ  
fundamentum 732. con-  
tra quem detur & ad  
quid, 733. ad exhiben-  
dum, quando locum ha-  
beat & quid operetur,  
342. ſeqq. in factum,  
quotuplicis generis, 334.  
721. Familie herciſcundæ  
natura, 525. ejus uſus,  
526. Finium regundorum,  
unde veniat & quo ten-  
dat, 729. hypothecaria,  
diverſa contra debitorem  
& tertium, 554. quatenus  
exceptionem excuſſionis  
admittat 556. noxalis, cu-  
jus indolis 795. Paulianæ  
natura expenſa, 299. pi-  
gnoratitia, quando lo-  
cum habeat, & an detur  
contra tertium 641. ſq.

O o o

Præ-



# INDEX

*Præjudicialis* quænam & cur ita vocata 103 præscriptis verbis, quid, 721. *Publiciana*, ejus fundamentum & natura, 340. *redhibitoria* & quanti minoris, ob vitia rei venditæ competunt & quando, 739. *rescissoria* quænam 342. *Spolii* unde, 589. an differat ab *interdicto* unde vi ibid. Ei ex opinione Dd. multa superaddita, 591. *stupri*, ejus natura exposita 802. *Subsidiaria* contra magistratum, an & quando locum habeat 154. *Suppletoria* quænam, 408. *Tutelæ* tam directæ, quam utilis & contrariæ indoles 151. seqq.

*Actor*, quis dicatur in processu inquisitorio, 833. an invitus compelli possit ad agendum 838.

*Alternarius*, quid sit, & cur constituatur, 834.

*Addictio in diem*, quid sit, & quid operetur, 670.

*Aditio hereditatis*, quomodo peragenda, 419. quando 422. quem habeat effectum, 423.

*Adjunctio*, quomodo per eam acquiramus, 189.

*Administratio* patris in bonis liberorum, quænam, & an patri adimi possit. 115. seqq.

*Adoptio*, an hodie usum habeat, 83. diversus Romanæ & Germanicæ finis ibid. naturam imitatur, 84. fuit olim modus acquirendi patriam potestatem ibid. Quotuplex 86.

*Adulterium*, Ejus formale, 804. actionem civilem producit, ibid. quæ ad poenam ejus ordinariam infligendam concurrere debeant, 805. quotuplici ratione condonetur ib.

*Advocatus*, quomodo a procuratore differat, 836.

*Ædilitium Edictum*, Ejus summa, 739. an ad locationem conductionem spectet ibid.

*Ærarium*, quomodo a fisco differat, 163.

*Æstimatio*, rei, quæ in contractum venit, quid operetur, 68. 617.

*Affinitas*, quid sit, & unde cognoscatur, 50.

*Alienatio*, bonorum pupilli, quomodo fiat, 129. item rerum furiosi & mente capti, 298. in fraudem creditorum, an valeat. 299.

*Alimenta*, quando suprador præstare debeat, 105. an præstanda, si pater incertus 106. an liberis ex damnato coitu debeantur, 482.

Allu-

*Alluvio*, ad quem spectet  
186.

*Alveus*, cujus sit, 187.

*Ambitus* crimen, quid sit,  
& an hodie committatur  
817.

*Amicabilis* compositio, an  
ad essentiam processus  
spectet 822. quomodo  
tentanda ib.

*Anatocismus*, quid & quotu-  
plex, 747.

*Annui redditus*, cum usuris  
coincidunt, 749.

*Apparitores*, quinam sint, &  
quid expediant, 835.

*Appellatio*, quando locum  
& quem effectum habe-  
at, 936. ad quem diri-  
gatur, 937. an coram No-  
tario & testibus interponi  
possit 938. ejus formalia  
ibid. sqq.

*Arbiter*, quid sit, 856. quo-  
modo a iudice & arbitra-  
tore differat, ibid. ejus  
potestas ex conventionem  
æstimanda, 857.

*Arrestum*, quid sit, & quid  
operetur, 865.

*Arrha*, quem in finem  
emptioni venditioni acce-  
dat, 658.

*Articuli probatoriales*, quo-  
tuplices, 899.

*Assassinium*, cur in eo mitius  
puniatur mandans, quam  
mandatarius, 811.

*Asscuratio*, quid sit, 720.

*Assessores* judiciorum, an ju-  
risdictionem habeant 834.  
cur assideant iudici, ibid.

*Auctoritas*, quomodo olim  
a tutore interposita, 127.  
quando intervenire de-  
beat, 133. quid opere-  
tur, ibid.

*Austregæ*, quid sint, 868.

*Autochiria* recte prohibe-  
tur & punitur 810.

B.

*Benedictio sacerdotalis*, quem  
habeat effectum, 55. an  
faciat, ut priora sponsalia  
posterioribus cedant ibid.  
unde proveniat, 59.

*Beneficium* cedendarum a-  
ctionum quid sit, &  
quando usum habeat.  
655. deliberandi, quid  
& cujus usus sit, 425.  
inventarii, quid opere-  
tur, 476.

*Beneficia*, fidejussoribus tri-  
buta, 654. seq.

*Bigamia*, ab adulterio non  
nisi specie differt, 806.

*Blasphemia*, quid sit, & un-  
de dijudicanda, 801.

*Bodmeria* quid, 720.

*Bona fides*, an in præscri-  
ptione actionum perso-  
narium adesse debeat,  
254. quid sit, 256. qua ra-  
tione ab initio adsit, 257.  
aliquando præsumitur,  
ibid.

*Bona avita*, quenam di-  
can-

# I N D E X

*cantur* 288. *cenſitica*, quænam & cuius naturæ 324.

*Fifcalia*, *domanialia* & *patrimonialia* Principis, quomodo differant, 163. *naufragorum*, an ſint nullius, 204. *utenſilia*, quænam ſint, 485. *bonorum uxoris diverſitas*, 64.

*Bonæ fidei poſſeſſor*, quatenus illi impenſæ in res factæ reſtituantur, 337. an pretium pro re ſolutum petere poſſit, 338.

*Bonorum poſſeſſio*, ejus origo, 498. quid operetur, 491. quid ſit & quotuplex, *ibid.* an hodie uſum præſtet 501. *ventri*, quomodo concedatur, 503.

C.

*Cambium*, ejus natura & forma explicata, 719.

*Capitis diminutio*, quid & quotuplex, 100. an hodie uſum habeat, *ibid.* an obſit teſtamento, 415.

*Caſtigatio ſervi mercenarii*, quatenus domino hodie permiſſa, 29.

*Casus*, quomodo præſtetur in contractibus, 615. per pactum receptus, quis intelligendus, 618.

*Caupo*, quomodo obligetur ex facto receptionis, 729.

*Cautela*, quid ſit, 605, *Socini*, quid ſit, 409.

*Cautio* quid ſit, 888. promiſſoriæ natura explicata *ibid.* *pignoratitia*, & *juratoria*, quando locum habeat, 889. pro reconventionem & expenſis 890. de *judicio ſiſti* & *judicatum ſolvi*, *ibid.* *uſufructuaria* qualis, & an ſit de *uſufructus ſubſtantia* 242. quando heres legatario cautionem præſtet, 451. an reus in criminalibus ad cautionem admittatur, 942. de *rato*, quis eam præſtet, & quem finem habeat, 837. ſq.

*Census*, quotuplex ſit, 323. *conſtitutivus* ſive *annuus mutuum palliatum* continet, 749.

*Certioratio*, quid ſit, & quando adhibeatur, 652.

*Ceſſio bonorum*, quid ſit, & quomodo fiat, 300.

*Ceſſio nominis*, quid ſit, 443. quem effectum habeat, 744. eſt alienatio 754 *ceſſionarium* facit *procuratorem* in rem ſuam 754

*Chirographum*, in Germania paratam habet executionem, 715.

*Citatio*, quomodo olim peracta, 876. hodie publice ſit, *ibid.* ejus requiſita

877.



877. quomodo rite infir-  
muetur, 878. realis, quan-  
do adhibeatur, 879. edi-  
ctalis, quando locum ha-  
beat, ibid. mediata quan-  
do & quomodo fiat, ib.  
*Civis*, quid sit, & quomodo  
fiat, 91. *Quotuplex*, 93.  
*Civitas*, an & quomodo ex  
mutuo obligetur, 26.  
*Clausula codicillaris*, quem  
habeat effectum, 474.  
*Clausula salutaris*, cujus effe-  
ctus, 875.  
*Codicillus*, ejus origo, & na-  
tura, 472. forma, 473.  
diversitas ibid.  
*Cognatio*, quid sit, & unde  
cognoscatur, 48.  
*Collatio bonorum*, ejus ori-  
go 510. quis conferre de-  
beat ibid. an pater eam  
remittere possit, 512. quæ-  
nam bona conferenda,  
513. vel non, 514. an  
pater eam injungere pos-  
sit 516.  
*Collegium illicitum*, quale  
dicatur, 790. an in cri-  
men incidat ibid.  
*Collegia*, quænam jura iis  
competant, 95.  
*Colonia partiaria*, quid sit,  
680.  
*Columbar*, an quis pro lu-  
bitu alere possit, 184.  
*Comes Palatinus*, ejus origo,  
82.  
*Commodatum*, qua in re con-  
stituitur 632. datur ad  
usum certum, ibid. dif-  
fert a precario ibid. an ad-  
mittat honorarium, 634.  
quomodo restituendum.  
ibid.  
*Commodatarius*, quando im-  
pensas recipiat 635.  
*Communio bonorum*, inter  
conjuges, quousque va-  
leat in Germania, 61. ejus  
natura explicata, 699. sq.  
*Communio rerum*, quasi con-  
tractum operatur, & quo  
effectu, 724.  
*Comparatio literarum*, quid  
sit & quid operetur, 904.  
*Compensatio*, quid requirat,  
ut fieri possit, 755. an  
contra fiscum locum ha-  
beat, 756. habet effe-  
ctum solutionis ibid.  
*Computatio graduum*, civi-  
lis & canonica, quomo-  
do differat, 49. an juri  
divino cognita, 52.  
*Conclusio*, in processu quan-  
do fiat 896. an post eam  
nova admittantur, 923.  
*Concubinarus in se spectatus*,  
non est injustus, 808. ho-  
die recte prohibitus, ibid.  
*Concubitus*, an clandestina  
sponsalia valida efficiat,  
47. quid operetur con-  
fessio concubitus, 105.  
*Conditio testamento adjecta*,  
quid operetur 389.  
*Condictio*, unde nomen 331.  
O o o 3 cau-



# I N D E X

causa data, causa non secuta explicata 727. sine causa, quid sit, & quotuplicis significatus, 728. furtiva, cur inventa, & cui detur, 777. triticaria, unde, 737. ejus fundamentum, ibid. est actio ad interesse ibid. ob turpem causam, quando locum habeat, 793.

**Conductor**, an possit contrahui contravenire, 692. quando remissionem pensionis recte petat, ibid. an possit sublocare 695. quomodo & quando rem conductam restituat 696. quomodo expulsionem evitet 697.

**Confusio rerum**, an opereatur communionem, 190.

**Confrontatio**, cur introducta, 943. quando adhibenda, ibid.

**Conjux** conjugii succedens propria bona confert, 495.

**Consilium**, an & quando obligatorium, 709.

**Consensus**, parentum, quatenus ad sponsalia liberorum concurrat 45. omisus, quomodo coerceatur, ibid. conventionalis, quomodo debeat esse comparatus, 600. Quotuplici ratione declaratur 605. fictus & tacitus differt. ibid.

**Consuetudo**, an recte hodie obliget, 14. an actus judiciales requirat ibid. unde oriatur, & quomodo probetur ibid.

**Constitutio principis** quotuplex. 11.

**Continentia** causæ, unde oriatur & quem effectum habeat 865.

**Contractus**, quando famosus 97. bonæ fidei & stricti juris, quomodo differant, 609. an arbitrium tertii admittant 622. quotuplici ratione perficiantur, ibid. realium differentia, 623. contractus & pactum quomodo differat 603. substantialia, naturalia & accidentalia contractuum 604. horum usus, & quatenus pacta admittant. 605. priorum & quasi contractuum differentia, 608. æstimatorius, quid sit, & ejus forma. 718. Chirographarius, ejus duplex ratio & forma explicata; 712. emphyteuticus, ejus forma, 698. innominatus, ejus natura explicata 716. quotuplex, 717. suffragii contractus exponitur, 720. vitalitius, quid & quomodo a mutuo differat, 620.

**Contributio**, quomodo facienda, si ob alterius utilita-

litatem alter damnum  
passus 735.  
*Contumacia*, quotuplicis ge-  
neris 884. quid ad eam  
requiratur 885. quid o-  
peretur, ibid.  
*Conventio*, quid, 599. ejus  
requisita, ibid. de quibus  
rebus ineatur, 601. habe-  
re debet certam causam,  
644. in scriptis celebra-  
da, quam habeat formam  
664.  
*Copia*, documenti an &  
quando probet, 902.  
*Corruptio* servorum, quam  
actionem producat 791.  
*Crimen* de residuis, quis  
committat & quomodo  
puniatur, 816. extraor-  
dinarium, cur ita dictum,  
787. an tale crimen hodie  
habeamus ibid. populare  
& quasi populare quid &  
eius usus 791.  
*Culpa* quid & quotuplex  
613. varia ejus præstatio  
in contractibus ibid.  
*Curatela*, quid sit 139. ab-  
sentis curæ indoles, 155.  
bonorum, qualis sit, 156.  
foeminarum, qualis 159.  
*Curator*, in quonam cum  
tutore conveniat, 138.  
an detur minori invi-  
to, 140. furiosi, quid  
expediat ibid. an cura-  
tor solus in judicio agat,  
842.

D.  
*Damnum* injuria datum,  
quid ad sui essentiam re-  
quirat, 784. quomodo  
olim punitum. 785. quid  
hodie hoc in casu juris,  
ibid. effusione vel deje-  
ctione datum, quando &  
a quo resarciendum, 793.  
a servo vel animali da-  
tum, quomodo reparan-  
dum, 795. infectum quo-  
modo avertatur 797.  
*Decretum* principis vim ha-  
bet sententiæ, 11.  
*Defensio* cum violentia,  
quando licita, 101.  
*Delictum*, quid sit, 773. quis  
perpetret. 774. publici  
& privati distinctio, an  
hodie usum habeat 775.  
publicum, cur ita voca-  
tum 798. hodie omnia  
delicta sunt publica, ib.  
quatenus præscriptioni  
subsit, 821.  
*Demonstratio*, quid opere-  
tur in legatis, 448.  
*Denunciatio litis* quid, 742.  
quando & in quem fi-  
nem fiat, ibid.  
*Deportatio* in insulam quid,  
& quomodo a relegatio-  
ne differat, 101.  
*Depositi* rei immobilis an  
mandatum involvat, 636.  
quis depositi finis 637. an  
usum rei admittat, ibid.  
quomodo restituendum,  
Ooo 4 638.

638. si cista clausa & signata tradita, quid juris, 639.
- Dienstzwang**, quid sit, 29.
- Diffamatio** quid sit 839.
- Disfessio** documentorum, quomodo fiat, 903.
- Dignitas**, an solvat patriam potestatem, 87.
- Dilatio** quid sit, cuinam & quomodo concedatur 886. sq.
- Directorium**, testium, quid sit, 910.
- Disputatio** attestationum cur fiat, 913.
- Divisio** bonorum inter liberos, quomodo caute fiat a parentibus, 372.
- Divisio** hereditatis quomodo fiat, 505, 507. quando recte ad divisionem fiat provocatio 526. Est species alienationis 527.
- Divisionis** exceptio quomodo fidejussoribus profit, 655.
- Divortium**, quid, & ex quibus causis concedendum, 74. ex præsumpto etiam adulterio conceditur, 807.
- Documentum**, publicum & privatum, quem in probatione habeat effectum, 901. quomodo, ut probet, debeat esse comparatum 902. documentorum editio a quo & quando peragenda 905.
- Dolus**, an admittat transactionem, 613. quid sit, & quomodo differat a solertia, 764. quam actionem producat, ibid.
- Domicilium**, quomodo constituitur, 858. an pro lubitu mutabile ibid.
- Dominium**, quidam acquirunt, quorum pecunia res emta 135. quid, quotuplex, & quis ejus effectus, 175. varii illud acquirendi modi 178. sqq. Ejus essentialia & naturalia, 308. seq. quotuplici ratione restringi possit. 309.
- Dominus**, quid juris habeat in servum 28. ejus potestas in servum imminuta ib. quid hodie possit in servum, ib. quomodo hodie acquirat per servum 307.
- Dona nuptialia**, quomodo in ea fiat successio, 497.
- Donatio** quid sit, & quis ejus effectus. 276. an semper ex liberalitate veniat 277. an præsumat 283. 287. quis donet 284. an valeat inter conjuges 284. 295. an inter patrem & filium, 286. quando infinuanda, & coram quo iudice 289. sqq. quando revocari possit 291. inofficiosa quænam, 291. mortis causa quid sit. 278. ejus



• *Ejus natura* 279. est negotium mixtum 280. est revocabilis, 281. an admittat jus accrescendi. ib. omnium bonorum an subsistat, 287. propter nuptias, cur constituatur, & quem effectum habeat, 69. remuneratoriæ naturæ expenditur. 294.

*Dos*, an ad essentiam matrimonii pertineat, 64. Conventionem requirit, ibid. quale jus marito tribuat, 65. natura ejus & privilegia ibid. an distinctionis in adventitiam & profectitiam usus, 66. quanta constituenda & in quibus rebus. 67. quando & quomodo restituenda 70.

*Dotalitium*, Ejus origo & indoles antiqua & hodierna, 71. non confundendum cum donatione propter nuptias, 72. quid juris viduæ in dotalitio competat ibid.

E.

*Edictum* legis habet vigorem, 11.

*Edictum* Carbonianum, in quonam consistat, 504

*Editio* documentorum, a quo & quando fieri debeat 905. in processu executivo inepte petitur, 906.

*Educatio* liberorum, cui-

nam competat, 37. pupilli, quomodo a tutore peragenda & cuinam committenda 137. sqq.

*Effractio* quotuplex, 789. carceris, quomodo punienda ibid.

*Emancipatio*, quid fuerit, & an hodie usum habeat, 88. sqq.

*Emphyteusis* ejus natura 310. in quibus rebus constituitur 311. quænam requisita habeat 312. an acquiratur præscriptione, 313. an scripturam requirat 312. qualem successionem admittat 314. quale jus emphyteutæ tribuat 315. an emphyteuta de ea pro lubitu disponat 316. quando laudemium solvat 318. quando eam amittat 320. an & quando expelli possit, 321.

*Emtio venditio* an scripturam aut arrham requirat 658. quis eam celebrare possit ibid. an invitus emat vendat ibid. an error oblit emtioni 660. in quam rem cadat emtio ibid. de quantitate celebrata quotuplex 661. omnia ea complectitur emtio, quæ fundi sunt 662. quale pretium requirat 663. quando perfecta dicatur 667. quis perfectæ em-

O o o 5

tio-



# I N D E X

tionis effectus ibid. quænam pacta illi adjici possint 670. quotuplici ratione rescindatur 683. quid juris, si mutui disensus interveniat ibid. quid, si læsio appareat 684.

**Emtor** pretium præciseolvere debet 668. mora, quatenus ei noceat, ibid.

**Error** quando noceat emtioni venditioni, 660.

**Eristio**, in quibus contractibus præstetur, 740. sub quibus conditionibus venditor ad eam obligetur 742. quando cesset, 743.

**Exceptio** quid 767. juris & facti quomodo differat ibid. a Litis Contestatione distinguenda 891. dilatoria quotuplex, ibid. quando & quomodo opponenda 892. peremptoria, quid operetur 894. quando & quomodo opponenda ibid. quando a Litis contestatione liberet 894. doli generalis & specialis, quomodo differat, ibid. excussionis, an & quatenus actioni hypothecariæ opponatur 556. quando fidejussori profit 647. non adimpleti contractus, quid & cujus indolis 669. non numeratæ pecuniæ maxime privilegiata 714. post bien-

nium non admittitur ibid. recusationis quando judici opponatur, 870. an toti Collegio, ibid. caute adhibenda 871.

**Excusatio** tutorum, quotuplex, 143. Ex quibus causis competat ibid.

**Executio**, a quo peragenda, & quomodo, 940. in quibus rebus locum habeat 941.

**Executor** testamenti. quotuplex 475. ejusdem officium ibid.

**Exhereditatio** an fieri possit in testamento privilegiato 372. ejus forma de jure novo, 382. quid exhereditatio fratrum singulare habeat 384.

**Expositio** infantis, quomodo puniatur 788.

## F.

**Falsum** Ejus formale, 813. an a crimine falsi differat ibid.

**Falsa moneta** crimen, quotuplex 814. ejus diversa poena ibid.

**Fendum**, quid sit, & quæ ejus constituendi causa, 329.

**Fictio** quid & quotuplex, 340.

**Fideicommissum**, ejus natura antiqua, 459. universale & particulare quomodo differat, 461. quibus verbis relinquatur ibid. pactitii & ex testamen-

mento convenientia & differentia, 462. familiæ, an alienationem ipso jure excludat, 464. quousque duret 465. an foeminas admittat ibid. particulare cum legato in omnibus coincidit, 471.

*Fidejussio* quid, & quotuplex 646. operatur semper obligationem subsidiariam ibid. seqq. quis fidejubere possit. 648. an & quomodo foeminam obliget 650. semper est strictæ interpretationis 654.

*Fidejussor* an obligetur ad usuras, 654. beneficia ipsi concessa ibid. seqq. quæ actiones ipsi competant 656.

*Fiscus*, quando succedat, 497 ejus jura, cui competant ibid.

*Foemina*, ejus jura diversa a juribus masculorum, unde, 21. quando curatore indigeat 159. an & quatenus ex fidejussione obligetur 650. quomodo in judicio agat, 842.

*Forensis*, quis ita dicatur, 93. seqq.

*Forum*, ejus competentia, unde dijudicanda 857. originis, quid sit & quando locum habeat, 858. domicilii unde cogno-

scatur 859. an forum domicilii ad actiones reales pertineat 860 contractus, quando locum habeat 860. delicti, quando attendendum, 861. an ad absentem pertineat ibid. deprehensionis an illi forum delicti cedat 862. rei sitæ an in res mobiles cadat 863. arresti ejusdem effectus est ac rei sitæ ibid. continentiae causarum quotuplex 865. privilegiati duplex fundamentum 866.

*Fraudata annona* crimen quid sit, & an a crimine Dardanariatus differat, 815.

*Fructus* quotuplices, 193. quatenus possessor rei eos acquirat 193. seqq. quatenus usufructuarius vel colonus, 194.

*Furiosus* quomodo alienet, 298.

*Furtum* usus & possessionis, an usum habeat 776. ad furtum rei quæ requirantur ibid. qualificatum & reiteratum, quomodo puniatur 777. quomodo de furto constet, ibid.

*Furtivæ rei* restitutio, quatenus poenam mitiget 777. G

*Ganerbe* quid, 552.

*Gerada*, an & quomodo ma-

# INDEX

marito donari possit, 285.  
 ejus origo 485. quomo-  
 do in ea fiat successio,  
 ibid. unde ejus qualitas  
 cognoscenda, 48.  
*Guaranda* quid sit, & quem  
 habeat effectum 890.

## H.

*Habitatio*, in quo jus habi-  
 tationis consistat, 246. e-  
 jus differentia ab usufru-  
 & u & usu ædium ibid.

*Heres*, quomodo in testa-  
 mento instituendus 376.  
 378. quisnam necessario  
 instituendus 380. an in  
 diem possit institui 386.  
 an sub conditione 387.  
 quis dicatur necessarius,  
 416. quis suus, 417.

*Hereditas*, quomodo divida-  
 tur, 504. quot ejus partes  
 constituerint Romani  
 385. cui ut indigno au-  
 feratur, 413. quomodo  
 acquiratur, 419. quomo-  
 do adeatur & repudietur  
 419. 424. quando ad he-  
 redes iterum transmitta-  
 tur 419.

*Hereditas ab intestato*, se-  
 cundum quæ jura fiat 476.  
 ejus antiqua & nova ra-  
 tio 477. liberorum, a-  
 fcedentium & collate-  
 raliū 478. seqq.

*Hereditatis petitio*, ejus na-  
 tura explicata, 518. quid  
 in ea actor probare debeat

ibid. intra quod tempus  
 illi præscribatur 519. con-  
 tra quem detur, 522. ad  
 quid 223.

*Heergeræthe* ejus origo, 483.  
 ejus usus unice ex con-  
 suetudine æstimandus,  
 ibid. quomodo in illo fiat  
 successio 484.

*Hermaphroditi* quinam, 22.  
 cur sexum certum elige-  
 re debeant, ibid.

*Homicidium*, ejus forma ex-  
 posita, 809. quotuplex  
 ibid. quomodo indirecte  
 committatur 810.

*Homo proprius*, ejus condi-  
 tio antiqua & hodierna,  
 29. quomodo acquirat  
 domino jurisdictionali,  
 307.

*Hypotheca*, quomodo a pi-  
 gnore differat 537.

## I.

*Ignorantia* juris & facti,  
 quando noceat 618.

*Immixtio* est facti, & pro-  
 banda. 418.

*Impensæ*, quænam restituen-  
 dæ, si res vindicetur 336.  
 in rem dotalem factas,  
 quatenus maritus repetat  
 70. quatenus inædifican-  
 ti restituantur 191.

*Impotentia*, quotuplex, &  
 quænam matrimonio ob-  
 sit 78.

*Impubes* quis, 107. quomo-  
 do

## RERVM ET VERBORVM.

do judicialia expediat negotia 841.

*Inædificatio*, quatenus sit modus acquirendi, 190

*Incendium*, quomodo puniatur, 812.

*Incestus*, quando morte expiandus 807.

*Indebitum*, in ficto mutuo consistit. 725. errorem præsupponit 726. quomodo probetur ibid.

*Infamis*, an testis esse possit, 908.

*Infamia* quotuplex 95. usus distinctionis infamiae juris & facti expenditur 96. infamia juris mediata & immediata explicata 97. an temporis lapsu expiret 99.

*Infans*, quomodo judicialia pertractet 841.

*Infanticidium* unde præsumatur. 811.

*Inhibitio*, quid & quando locum habeat, 578.

*Injuria* quid sit, 779. Eam inferendi animus quando præsumatur vel non 780. quænam actiones ob injurias competant 781. an tolerandæ ibid. quomodo injuriæ retorqueantur 782. quibus in casibus vindicari nequeant ibid. injuria scripta & libellus famosus, quomodo differat 783. an ul-

timo supplicio affici possit injuria 784.

*Inquisitio* ejus fundamentum, 942. generalis quem finem, & specialis, quando locum habeat ibid.

*Inquisitus*, an illi inspectio actorum deneganda, 943.

*Inrotulatio* actorum, quem in finem suscipiatur 924.

*Instantia* in quotuplici sensu veniat 873. secunda, quid sit, 933.

*Insula* an a privatis in Saxonia acquiratur 187.

*Interdictio* aquæ & ignis, quid, 101.

*Interdictum* quid & cur ita vocatum 573. ejus species 579. quorum bonorum, quid & quando locum habeat, ibid. quod legatorum explicatum 581. Salvianum ejus natura & an contra tertium competat 582. sqq. uti possidetis, quid & cujus usus 583. quod vi aut clam, 586. unde vi 587. quando hoc locum habeat 588.

*Interpretatio* ejus definitio & explicatio 18. usualis unde, 19.

*Interventio*, quotuplex & quem effectum habeat 927.

*Inventarium*, quomodo ab herede conficiendum, 426

an



# INDEX

an ejus vim habeat jura-  
ta specificatio, 427.

*Inventio* rerum inanimata-  
rum an jus privatorum  
sit, 185. casu amissarum  
dominium an & quate-  
nus amittamus 204. sq.

*Inundatio*, an dominium  
rei extinguat, 188.

*Index*, qualem in cogno-  
scendis causis se gerere  
debeat 832. cur primario  
constitutus 833. peda-  
neus, quid sit, 845. ho-  
die publica auctoritate  
constituitur 846. illi cau-  
sae cognitio non facile  
adimenda 868. quotupli-  
ci ratione inhabilis 869.  
quando recusari possit 870.

*Judicium*, quotuplici in sen-  
su veniat 831. quænam  
personæ judicium con-  
stituant 832.

*Juramenti* delatio an pro-  
batio in continenti li-  
quida, 933.

*Juramentum*, ejus formale  
914. promissorii & asser-  
torii differentia, 915. ex-  
trajudiciale delatum vim  
habet conventionis, 916.  
quis & quando deferat  
juramentum 917. susce-  
ptum præcise præstan-  
dum 918. an ejus præ-  
stationem mors suppleat  
ibid. in quibus causis de-  
feratur 919. in termino,

si non præstetur, quid ju-  
ris 921. minoris, an va-  
lida reddat ejus negotia  
130. calumniæ, cur de-  
ferens præstare debeat  
918. calumniæ generale &  
speciale, quomodo diffe-  
rat, & quando locum ha-  
beat, 926. in litem, quo-  
tuplex & quando locum  
habeat, 921. minoratio-  
nis quid sit, 922. necessa-  
rium quid, 920. perhor-  
rescentiæ, quid, & quem  
habeat effectum, 872.  
purgatorium & suppleto-  
rium, quomodo differat,  
920. Zenonianum, quan-  
do locum habeat, 922.

*Juris Consultus*, æmulatio  
Jcutorum cum Philoso-  
phis, & quos effectus  
produxerit 2. quomodo  
differat a Legulejo & Ju-  
risperito, 6. æquitatis ra-  
tionem, quotuplici ra-  
tione habeat, 17. Juris  
Consultorum auctoritas  
tempore Reip. liberæ &  
sub Imperatoribus, 19.

*Jurisdictio*, ejus indoles de  
jure Romano & hodierno  
846. quot partes habeat  
848. ordinariæ & extra-  
ordinariæ differentia nul-  
lius hodie usus ibid. pro-  
priæ & mandatæ differen-  
tia 849. quotuplici ra-  
tione prorogetur ibid.  
con-

contentiosæ & voluntariæ natura, 850. administratoriæ & patrimonialis indoles 852. universalis & particularis diversa ratio, 853. simpliciter concessa quid involvat ibid. superioris & inferioris character 854. mandata quotuplex 855. cujus indolis ibid. Ecclesiasticæ natura, & an ad crimina Clericorum pertineat 866. academicæ & militaris ratio 867. ecclesiastica, quas causas comprehendat 872.

*Jurisprudentia*, ejus definitio legalis explicata 1. ejus partes 3.

*Jus*, ejus varia significatio, 6. publicum, quid & unde addiscendum 8. Naturæ, unde cognoscatur, 8. est universale, perpetuum & immutabile, ib. quantum in iis, quæ juris Naturæ sunt, possit legislator humanus ibid. Juris Naturæ definitio Stoica 9. Gentium, est jus Naturæ ibid. unius Reipublicæ alteram non obligat 10. peregrini juris receptio nocet ibid. cur germani peregrina jura receperint 15. recepta jura caute sunt applicanda 16. in quibus ne-

gotiis Jus Romanum & Canonicum sibi invicem prævaleant ibid. in re & ad rem quomodo differant 173. quot juris in re species 174. an jus possessionis huc pertineat ib.

*Jus accrescendi* in hereditatibus ipso jure locum habet, 428. Ejus indoles exponitur 429. aggratandi, quomodo ab abolitione criminis differat 813. quando exerceatur 819. circa sacra, ejus partes 3. civitatis, quid involvat, 91. congrui, in quo consistat. 677. Landassatus, quid sit, & quem effectum habeat, 864. optandi, quid sit, & cujus usus 506. piscandi, cuiusnam hodie competat 183. primæ licitationis, quid operetur 676. pascendi & compascui exponitur 216. sq. Protimiseos, legale & conventionale quomodo differant 674. conventionale, quando possit exerceri, 675. legalis variæ species ibid. quatenus domino emphyteuscos competat 317. Retractus, quid sit, & quotuplex 675. consanguinitatis unde 678. quando exerceri possit & quomodo ib. in quibus bonis 680. in qui-

# INDEX

quibus negotiis ib. quando cesset, 682.

*Iustitia* quid 4. ejus definitio legalis explicata ib. ejus variae divisiones an usum habeant in Jurisprudencia 5.

*Iustus titulus*, qualis ita dicatur, 259.

K.

*Rühr Recht*, quid sit, 506.

L.

*Lesio*, quando & quatenus emptioni venditioni oblit, 684.

*Legatum*, ejus antiqua & nova ratio explicata, 431.

quæ res legari possit, 433.

an futura, 435. annui legati natura expensa, 436.

singularia ususfructus legati, 437.

legatum dotis, 439.

quomodo a dote prælegata differat, ib.

generis & electionis, 441.

fundi instructi & cum instrumeto, 442.

penoris ibid. suppellectilis, 443.

auri, argenti, ornamenti, & vestium, 444.

alimentorum, 445.

liberationis ibid. sq. poenæ nomine 447.

an vitietur per falsam demonstrationem, 448.

an per falsam causam, 449.

modus adjectus, an suspendat legatum, ibid.

pro consequendo legato quæ actiones competant, 450.

cautio

pro eo, quando exigatur, 451.

quomodo adimatur 452.

quando corruat, 454.

*Legitima*, an pactum renunciativum admittat, 534.

quomodo relinquenda, 408.

nullo modo gravari potest, 409.

an exheredatus ad eam augendam numeretur, 410.

quænam legitimæ imputentur, 411.

*Legitima nativitas*, unde præsumatur 24.

quando septimus mensis ad legitimam nativitatem requiratur ibid.

undecimo mense post mortem patris natus, an legitimus, 25.

non deneganda legitimatis, 31.

*Legitimatio*, legitimationis Rom. & hodiernæ diversa indoles, 80.

quomodo fiat per subsequens matrimonium, 80. sq.

ejus effectus, 81.

per rescriptum principis, quid tribuat, 82.

*Lenocinium*, ejus forma, 809

*Levis notæ macula*, quid & unde, 98.

ejus fundamentum, 99.

*Lex*, ejus objectum, 4.

finis, ibid.

definitio, ejusque explicatio 6.

quomodo differat a pacto & consilio, ibid.

obligat statim



tim post publicationem,  
7. permissiva, an obli-  
get, ibid. divina parti-  
cularis neque necessario  
neque utiliter hodie ob-  
ligat, 9.

*Lex Aquilia* ejus summa  
exponitur, 785.

*Lex commissoria*, pignori  
adjici nequit, 548. ca-  
vendum judici, ne recte  
committatur, 549. em-  
tioni venditioni adje-  
cta, quid operetur, 671.

*Lex Falcidia*, in cujus  
gratiam lata, 454.

*Lex Rhodia de jactu*, qua  
de re disponat, 734. ad  
quæ negotia applicetur,  
735.

*Libellus*, necessario requi-  
rit medium concludendi  
880. quomodo hoc in  
libello caute exprimatur,  
ibid. continet facti nar-  
rationem & petitum. 881.  
an cumulationem actio-  
num admittat, ibid. ar-  
ticulatus, an toleretur;  
882.

*Libellus famosus*, quid sit,  
& quomodo puniatur,  
783. seqq.

*Liberi*, olim deteriores fue-  
runt conditionis quam  
servi, 35. in eos matri o-  
lim nulla competiit po-  
testas, 36. diversi matri-  
monii, quomodo succe-  
dant, 479. quomodo ad-

optivi & legitimi, 480.  
quomodo illegitimi, 481  
tam nati quam nascituri  
necessario heredes insti-  
tuendi, 381.

*Liber mercatorius*, quam  
habeat vim probandi, &  
quando, 902.

*Libertas*, quid, & quotu-  
plex, 26. an pro ea sem-  
per præsumendum, 104.

*Litis contestatio* Quid sit, &  
quomodo expedienda,  
893. est fundamentum  
probationis, 896. nega-  
tiva caute suscipienda,  
897.

*Locatio conductio*, domi-  
nium non transfert, 687.  
ejus objectum, 688. quam  
mercedem requirat, 689.  
an coactionem admittat,  
ibid. an tacite fiat, 690.  
an obliget successorem,  
697.

*Locator*, ad quid obligetur,  
691. conductorem, an  
expellat & quando, 692.

*Ludi*, quid sint, & qua ra-  
tione tolerentur, 798.

M.

*Magia*, quotuplex, & quo-  
modo punienda, 801.

*Majestatis læsæ crimen*, quid  
sit, & quotuplex, 800.

*Malitiosa desertio*, quo-  
modo contra desertorem  
procedatur, 77. an de-  
sertor matrimonium in-  
ire possit novum, 78.

P p p

MAB



# INDEX

**Mandatum**, ejus forma, 704. singularem fidem requirit, 705. quando locum habeat, ibid. generale, quid operetur ibid. speciali, quando opus, 706. cum libera, cujus effectus ib. rei inhonestæ, an obligatorium, 707. consensu perficitur, ibid. an honorarium admittat, 708. post renunciationem & revocationem an adhuc obliget 711. an heredes obliget, 712. judiciale, quomodo conficiatur, 836. præsumtum, quaenam personæ habeant, ibid.

**Mandata cum vel sine clausula**, quando locum habeant 577.

**Mandatarius**, quid præstet, 709. quid vi mandati facere possit, 710.

**Maritus**, quam in uxorem habeat potestatem, 62. quid juris ipsi competat in dote & reliquis uxoris bonis 65. an alienare possit dotem, 67. impensas in dotem factas, quando repetat, 70. quomodo uxori succedat, 493.

**Masculus**, eorum jura cur a foeminarum juribus diversa, 21.

**Mater**, potestatem in liberos exercet, 37. usumfructum jure Germ. habet

in bonis liberorum 38. matris assertio, an patrem faciat, 104. tutelam in liberos volens exercet, 116. sq. quomodo puniatur, si liberis tutorem non petiit, 121.

**Matrimonium**, ejus & sponsaliorum jura diversa, 41. sq. ejus prohibitiones regulis inclusæ, 49. sq. quinam contrahere possint 56. sq. quis ejus finis ibid. Eunuchorum, an tolerandum, ibid. inter impares personas, quomodo celebretur, 57. putativum, quid sit, quosque effectus habeat 58. quando dissolvatur, 74. quando nullum sit, 75.

**Merces**, an debeatur, quando operæ non præstantur, 695.

**Metus**, quis dicatur justus, 762. quam actionem pariat, 763.

**Ministri principum**, quale forum agnoscant, 868.

**Minor**, Quis, 107. an invictus curatorem olim acceperit, p. 107. quid hodie, 122. quando pro viro habitus ibid. sq. quando in integrum restituitur, 765. quando non, 766. sq. an contra parentes, 767. an contra æque privilegium, 768. an ejus restitutio tertio profit, 769. quo

quo tempore petat restitutionem 770. an in iudicio recte agat, 842.

*Miserabilis persona*, quænam sit, 869. earum privilegium in processu, ib.

*Missilia*, unde originem habeant, 203.

*Moderamen inculpatæ tutelæ*, quid sit, 809. quid ad sui essentiam requirat, ibid.

*Monstra*, an jura hominum habeant, 25. an possint impune occidi, ibid.

*Morgengaba*, quid & quotuplex, 495.

*Mortis causa capio*, quid sit, 283.

*Mortis causa donatio*, ejus natura explicata, 278.

*Mulier gravida & lactans*, quæ jura ipsi competant, 23. sq.

*Mußtheil* quid involvat, 496.

*Mutuum*, involvit alienationem, 623. quæ res detur mutuo 624. quis dare possit, 625. quis accipere, ibid. an gratuitum, 629. quomodo restituendum, 631. quando, ibid. differentia a contractu vitalitio, 630.

N.

*Nascituri*, eorum favor & jura, 23. quid necesse, ut iis uti possint, ibid.

*Natus*, quousque ex facto

receptionis obligetur, 729.

*Negotiorum gestio*, ejus fundamentum, 722. quomodo expedienda, 723. negotiorum gestor indemnis præstandus, 724.

*Nepos*, quando sub appellatione liberorum comprehendatur p. 112. an conferre debeat a paterna hereditate abstinens p. 511.

*Nobilis*, quoniam, p. 94. in quibus a patricio differat, 95.

*Novatio*, quid & quotuplex, 753. non præsumitur, ib.

*Nullitas*, matrimonii unde dijudicanda, 75.

*Nunciatio novi operis*, quid & quotuplex, 591. an per vim privatam fieri possit, 592. quis ea utatur, ibid. ejus natura, 593.

O.

*Obligatio*, unde, p. 594. an absque facto obligatorio, ibid. quid, 595. quotuplex, 597. pura, ex die, conditionata, sub modo, quomodo differant, 619. ex facto tertii, quomodo obliget in mutuo, 626. correalis, quænam & quem effectum habeat, 657. ad factum an præcise explenda 717. ex ge-

# I N D E X

stis ab alio quomodo tertium oneret 730.

*Occupatio*, quid sit, & quem effectum habeat, 179. bellica quomodo hodie exerceatur 185.

*Oeconomia*, separatæ oeconomiae institutio, quæ sit, & quid operetur, 90.

*Opera rusticorum*, an semper recipiant strictam interpretationem, 33. indeterminatæ, quomodo exigendæ, ibid. quas operas uxor marito debeat, 63.

## P.

*Pater*, quomodo obligetur ex contractu filii 731. quid juris illi competat in personas & bona liberorum 36. liberos statim a nativitate alere debet 38. quatenus acquirat per liberos, 301.

*Patria potestas*, Romanæ & Germanicæ diversa indoles, 34. sqq. hodie cum matre est communicata 37. quomodo & ex quibus causis dissolvatur, 87.

*Patricii*, quinam, & in quo a Nobilibus differant, 94.

*Pactum*, quotuplicis generis 596. quid 599. ejus differentia a contractu 603. ambiguum quomodo interpretandum 606. an heredes obliget,

607. de retrovendendo, explicatum 672. antichreticum quid sit, & ejus effectus 545. dotale, quis ejus finis 73. quotuplex ibid. an congrua ejus distinctio ibid. successoria, Romanis incognita 527. a Germanis prius usurpata, quam testamenta 524. inter privatos æque ac illustres usurpata 529. confraternitatis quid, & quatenus valida 529. quomodo caute ineantur 531. ganebinatus quænam & quem habeant finem ibid. conservativa quænam 532. non confundenda cum reitutivis ibid. renunciativa quænam 533. quid operentur ibid. quando valeant 535.

*Peculatus* crimen est furtum 618.

*Peculium*, quid sit, quotuplex & quem habeat usum, 301. sq.

*Perduellio*, ejus formale 799.

*Peregrini*, quo in sensu hodie dentur, 92. eorum antiqua & hodierna ratio ibid.

*Perjurium*, quotuplex, & an ultimo supplicio affici possit, 718.

*Permutatio*, emtioni in omnibus similis 718.

*Pictu-*

*Pictura*, an tabula illi cedat  
193.

*Pignorat*io, quid sit, & quo-  
modo exerceatur, 796.  
quomodo a repressaliis  
differat 842.

*Pignus*, quomodo ab hy-  
potheca differat 537.  
quid creditori tribuat  
538. quotuplici modo  
constituatur 539. quis  
constituere possit ibid.  
rei alienæ an valeat 541.  
in quæ bona constitui  
possit 542. pignoris pu-  
blici & privati differen-  
tia & usus 543. sqq. ju-  
diciale & prætorium  
quomodo differat 550.  
legale quid, ibid. ejus  
variæ species ibid. an  
privata auctoritate occu-  
pari possit 559. quando  
& quomodo distrahatur  
560. quomodo remitta-  
tur 561. & extinguatur  
563. contractus pigno-  
ris quid operetur 641.  
impensæ in pignus factæ,  
quomodo restituendæ  
643.

*Plagium*, quid sit, & quo-  
modo puniatur 818.  
literarium, an poena di-  
gnum ibid.

*Pœna* conventionalis quo-  
tuplex, 620. an usura-  
rum modum excedere  
possit 621. eulei & suffo-

cationis, quomodo diffe-  
rat, 811. quis poenam  
mitigare possit, 820. quis  
commutare ibid. poena-  
rum finis, ibid.

*Pollicitatio*, quatenus obli-  
get, 596.

*Polygamia*, an prohibita, 59.

*Positiones*, quid sint, & quem  
in finem adhibeantur 882.

*Posseſſio*, quotuplex 564.  
quis possessionis capax  
566. quomodo acquira-  
tur 567. & conservetur  
568. ejus effectus 569.  
quomodo amittatur 572.  
seq.

*Possessorium*, momentane-  
um & ordinarium quo-  
modo differat 571. seq.

*Prælegatum*, quid sit, 440.

*Præscriptio*, quomodo dif-  
ferat ab usucapione 249.  
ejus fundamentum ibid.  
in quonam cum usuca-  
pione conveniat 250.  
immemorialis quænam  
252. actionum 253. re-  
rum vitiosarum, quomo-  
do procedat 255. ejus  
requisita 256. seqq. im-  
memorialis quando ne-  
cesse 269. an in regali-  
bus locum habeat ibid.  
quando dormiat 271. seq.  
quomodo interrumpatur  
273. seqq.

*Præsumptio*, quotuplex &  
quem effectum habeat 914.

P p p 3

*Prætor*,



# I N D E X

*Prætor*, LLbus Romanis variis artibus derogavit 10. seq.

*Prævaricatio*, quæ ita dicta, 778.

*Precarium*, quid 632. a commodato diversum, ibid.

*Pretium*, emtionis venditionis quotuplex 664.

*Privilegium*, est lex specialis, 12. quotuplex ibid. ejus definitio explicata ibid. gratiosum & conventionale in quo conveniant & differant, 13.

*Probatio*, sententiam Judicis requirit 897. quomodo caute cumuletur 898. artificialis & inartificialis quomodo fiat & quid operetur ibid. a quonam suscipienda 899. articulis includenda ibid. quomodo Libello conformis esse debeat 900. ad perpetuam rei memoriam quando & cui permissa 900. *Probatio*, pro exoneranda conscientia, ejus natura, 919.

*Processus* Ejus substantialia 831. duplicem ordinem habet 832. ejus forma & ordo exponitur 873. quotuplex ibid. quæ ejus substantialia 874. arresti, duplicem finem habet

929. ejus forma exponitur ibid. summarius quid & quando locum habeat 930. executivus quid sit, & quando institui possit 931. cambialis quæ singularia habeat 932. executivus an comparationem litterarum admittat ibid. quænam exceptiones in eo locum habeant ibid.

*Procurator*, Quomodo ab Advocato differat 836. mandato instructus esse debet ibid. an eum invitus constituere debeat 843.

*Provocatio ex L. Diffamari*, Cur concessa 839. differt a provocatione ex L. Si contendat ibid. quomodo expediatur in judicio 840. an in causis injuriarum recte adhibeatur ibid.

## Q.

*Quarta Trebellianica*, Quisnam capiat, 467. an si legitimam salvam detrahat 468. quomodo a falcidia differat 470. quid in eam imputetur ibid. quando cesset 471. Falcidia quid 454. quando, a quo, & cui detrahatur ibid. quomodo computetur 455. quando cesset 457.

*Quasi*

*Quasi contractus* natura explicata 722.

*Quasi delictum* quid sit. 792.

*Quærela inoff. Testam.* Est actio præparatoria p. 518. quando locum habeat & cesset ibid. nullitatis quotuplex & quando contra sententiam urgeri possit 935.

R.

*Raptus Virginis*, Quando capitaliter puniatur p. 807.

*Rapina*, Quomodo olim punita 785. nostris moribus atrox delictum 786. ejus formale ibid.

*Reassumptio litis*, quotuplex & quando locum habeat 928.

*Receptatio* criminoforum quomodo puniatur 789.

*Recognitio* per testes, quid sit, & cujus usus, 904.

*Reconventio* quid sit, & quem effectum habeat, 883.

*Rei vindicatio*, ejus denominandi ratio 330. quis eam instituire possit 331. 339. quid in ea probandum 332. contra quem detur 333. desiderat descriptionem objecti litis 335. an illi restitutio fructuum tacite insit 336.

*Relegatio*, quem effectum habeat, 101.

*Relocatio*, quid sit, & quid operetur, 690.

*Remedium* ex L. ult. C. de Edict. D. Hadr. quem usum præstet, 580.

*Remedia possessoria*, quotuplicia, 571. quomodo iis caute utamur 572.

*Remedia suspensiva*, quotuplicia, 33. eorum requisita generalia, 934.

*Reprobatio*, quid sit, 913. habet magnum favorem ib.

*Res*, quotuplices, 161. earum varia divisio explicata ibid. an hodie dentur res communes, 162. publicæ, quænam olim & hodie 163. universitatis quænam 165. quid res nullius 165. distinctionis in res sacras, sanctas & religiosas usus 165. sq. Sacræ & Ecclesiasticæ an re ipsa differant 167. corporalium & incorporalium distinctio explicata 205. inter mobiles & immobiles, quid intersit 207.

*Res aliena*, an objectum pacti esse possit, 612. casu amissa, quatenus possit acquiri, 204. derelicta, quis eam acquirat, 203. divina, an objectum Jurisprudentiæ 3. expeditoria, quid 483. fungibilis, quid, 624.

*Res*

*Res judicata*, quid operetur  
926.

*Rescriptum*, non habet vim  
legis, 17. quem habeat  
effectum, si alienationi-  
bus bonorum pupilli ac-  
cedat, 430.

*Resignatio* judicialis, quan-  
do requiratur, & quid  
comprehendat, 668.

*Responsa* prudentum, quam  
olim habuerint effica-  
ciam, quam hodie ha-  
beant, 19.

*Restitutio* in integrum,  
quid sit, & cur inventa  
758. præsupponit læsio-  
nem, 759. a quo petat-  
ur 760. f. variæ ejus spe-  
cies 761. an detur resti-  
tutio restitutionis 768.  
quinam ad exemplum  
minorum restituantur, &  
a quo tempore 770. an  
ob capitis diminutionem  
restitutio usum habeat  
771. ob absentiam, quo-  
modo fiat ibid. ex clau-  
sula Prætoris generali  
quid præsupponat, 772.

*Retentio*, quid sit, & quid  
tribuat 757.

*Retorsio* injuriarum, quo-  
modo fiat, & an toleran-  
da 782.

*Rustici* unde 31. eorum  
nexus cum domino ju-  
risdictionali 31. cur me-  
lioris conditionis, quam

homines proprii, 32. eo-  
rum operæ quotuplices,  
32. sq.

S.

*Sacrilegium* a furto non nisi  
specie differt 816.

*Scriptura*, an chartæ cedat,  
192.

*Secunda nuptiæ*, earum poe-  
na apud Romanos an &  
quomodo hodie applice-  
tur, 60. certo tempera-  
mento sunt permixtæ, 61.

*Senatus Consultum*, Macedo-  
nianum, unde, cui con-  
cessum, & quando locum  
habeat 628. Trebellia-  
num, quid, & quomodo  
a Pegasiano differat 466.  
Vellejanum, ejus ratio,  
649. an sit lex prohibiti-  
va ibid. quando locum  
habeat 651.

*Sententia* quotuplex 924. ri-  
te est publicanda ibid.  
quomodo debeat esse  
comparata, 925. quæ dica-  
tur nulla 935.

*Separatio* a thoro & mensa,  
quando locum habeat 79  
an magnus ejus sit effe-  
ctus ibid.

*Sequester*, quid & quando  
locum habeat, 639.

*Servitus* personarum, quid  
& quotuplex, 26. Roma-  
næ servitutis indoles ex-  
ponitur, 27.

*Servitutis jus*, quotuplex,  
209.

209. an in faciendo consistere possit ibid. continuarum & discontinuarum servitutum differentia vera, 211. Servitus itineris 212. actus & viæ 213. aquæductus 215. pascendi, 216. oneris ferendi an anomala, 218. altius tollendi & non tollendi 219. luminum 220. stillicidii & fluminis, 221. cloacæ, 222. quis constituat jus servitutis 223. quis acquirat, 224. an prædia continua requirant, 225. an perpetuam causam, 226. quomodo tradatur, 227. an ipso facto constituatur, ibid. an & quomodo præscriptioni subsit, 228. actiones ex jure servitutis oriundæ, 229. quibus modis amittatur, 233. an semel amissum iterum reviviscat ib. an non usus ejus amissionem semper operetur, 235. Jura servitutis personæ competentia 236. sq. 246.

*Sigillum* confessionis, quid sit, & quid operetur 908.

*Simonie* crimen, quid sit, & quomodo committatur 817.

*Simulatio*, quatenus in pactis permessa, 605. quem producat effectum ibid.

*Societas*, de qua re incatur, 699. universorum bonorum, cujus indolis ibid. negotiatoria, quotuplex 700. a communione bonorum distincta 701. natura societatis explicata; ibid. an & quatenus heredes obliget, 703.

*Socius*, ad quid socio obligetur, 701. an socium obliget, & per socium acquirat, 704.

*Sodomia*, quotuplex, 808.

*Solutio*, quotuplex 749. quis solvere possit 750. cui nam ibid. particularis an & quando locum habeat 751. simpliciter facta, in quam causam imputetur, ibid.

*Specificatio*, quid sit, 118.

*Specificans*, quando speciem acquirat, 118.

*Sponsa*, an quis sponsam cognati vel affinis ducere possit, 52.

*Sponsus*, quomodo absentis mora coërceatur 54.

*Sponsalia*, sunt pacta, 39. conclusiones inde deductæ, 40. seq. eorum jura a matrimonialibus diversa 41. in quibusdam vero argumentum a matrimonio admittunt 42. quas condiciones ferant, 43. vera sponsaliorum de præsentis & de futuro



# I N D E X

differentia, 44. an consensus parentum sit de essentia sponsaliorum 45. publica, quæ sint, 46. clandestina, an concubitu conualescant, 47. an coactionem ad consummandum admittant sponsalia, 54. Ex quibus causis dissolvantur, ibid. seq.

*Sponsio*, ejus natura explicata, 644.

*Status* hominum, quid & quotuplex, 20.

*Statuta*, quid sint, 16. eorum requisita ibid. an necessario a Principe confirmanda 17. quomodo statuta civitatum & collegiorum opificum differant, ibid.

*Stellionatus* crimen, quid sit 790.

*Sipulatio* est actus legitimus, 644.

*Stuprum*, parit actionem civilem, 802. violentum, quando committatur, 803. unde dijudicetur, ibid.

*Subditus*, an testimonium ferre possit contra Principem 908.

*Subsellia* ecclesiastica, quid circa ea juris sit, 166. sq.

*Substitutio*, ejus origo, 392. quotuplex 393. sequitur naturam institutionis

394. vulgaris, quid operetur 395. pupillaris natura 396. quasi pupillaris indoles 399. militaris, quænam 400.

*Suburbicarii*, an civibus annumerentur, 93.

*Successio*, quid involvat 345 an viventis detur 346. liberorum 478. ascendentium 486. collateralium, 488. conjugum de jure Romano 491. de jure Germanico, 493. patritiæ natura 527. sqq.

*Sumtus* studiorum, an & quatenus collationi sub sint, 515.

*Superficies*, ejus natura explicata 326. an per locationem constituatur 327. quando expiret, 328.

*Supplicatio*, quid sit, 875. an de substantia processus sit, ibid.

*Supplicationis* remedium, quale 936.

## T.

*Terminus productionis*, ad quid litigantes obliget, 910.

*Termini motio*, arbitrarie punitur 790.

*Testamentum*, rusticorum quomodo valeat, 371. parentum inter liberos, quomodo privilegiatum, 372. an exheredationem admittat, 373. tempore pestis condicum quomodo privilegiatum, 374. parturientis non est privilegiatum, ibid. ad piam causam

sam absque solennitate valet, 375. omnem vim habet ex heredis institutione, ibid. quotuplici ratione infirmetur, 401. quando nullum, ibid. an revocabile 403. inofficiosum quale sit, 407. quæ in eo habeantur pro non scriptis, 313. quomodo aperiatur, 430. quem in finem aperiatur, ibid. ejus indoles antiqua expensa, 347. coactionem respuit, 349. ad interrogationem confectum, an valeat, 350. quis condere possit ibid. seq. Coeci solennia. 352. Monachi, quando valeat, ibid. filii familias, an valeat, 353. ut & prodigi, hæretici, delinquentis 354. sq. judiciale, quomodo condatur, 355. an per procuratorem 356. sculteto insinuaturn pagano, an valeat, 356. privati solennia expendantur, 356. sqq. nuncupativum, quænam ad validitatem requirat, 362. militare, cur & quando privilegiatum, 368.

*Testator*, quid in testamento condendo observet, 377.

*Testis*, an unus probet, 907. quid necesse, ut fides illi habeatur, ibid. quotuplici ratione inhabilis ibid. inhabilis, quando admittatur, 909. an ob defectum sumtuum testimonium denegare possit, ibid. quomodo producendus, 910. an iterata vice produci possit, 912. examen testium an repeti possit, ibid.

*Testis in criminalibus*, quando juramento adstringendus, 943.

*Thesaurus*, quid sit, & quis eum adquirat, 195. sq. an usufructuarius adquirat, 240.

*Titulus*, quis justus dicatur, 259. pro herede, an ex eo præscribi possit, 260. an requiratur in

præscriptione longissimi temporis, & immemoriali, 268.

*Tortura*, quando locum habeat, 944. tortus negans an puniri possit, ibid.

*Traditio*, quid & quotuplex 196. quid ad sui effectum requirat, 197. traditionis fictæ & symbolicæ indoles, 200. sqq.

*Transactio*, ejus natura exposita, 823. est alienatio, 824. extensivam interpretationem non admittit, ibid. quis possit transigere, 825. an valeat super relictis in testamento, ibid. de quibus rebus valeat, 826. an de causis ecclesiasticis & matrimonialibus 827. quomodo in delictis locum habeat, 828. quem habeat effectum, ibid. quid illi oblit, 829.

*Tutela*, quomodo a curatela differat, 108. an hodie differat, ibid. tutelae definitio explicatur, ibid. sq. quotuplex, 110. testamentariæ naturæ exponitur, 111. ut & legitimæ, 113. sq. an in Germania legitima testamentariæ præferenda 115. quando finiatur, 141. quatenus quasi contractus dicatur, 724.

*Tutor*, datur personæ pupilli invit, 109. duplex ejus officium, 111. hodie omnis tutor confirmandus, 111. conclusiones inde deductæ ibid. a patre ultra tempus impubertatis dari non poterat, quod hodie secus, ibid. quis tutor de jure Rom. confirmandus, 113. quis tutorem constituat, 119. sq. quatenus a matre aliisque petendus, 121. quando administrare incipiat, 122. cavere debet, & juramentum præstare, 123. an & quando inventarium conficere debeat, 124. semper

# INDEX RERVM ET VERBORVM.

semper consignare debet res pupilli, 125. honorarius tutor quis sit, quidve facere possit, & debeat, ibid. sq. plures tutores, quatenus de administratione respondeant, 126. quomodo administret, 128. & 131. quomodo alienet, 129. quam culpam præstet, 132. quatenus pupillum obliget, 135. quatenus se ipsum, 137. quomodo se excuset, 142. quando suspectus fiat, 147. quis eum suspectum facere possit, 148. quid operetur suspecti postulatione, 149. ubi conveniendus, 151.

## U.

*Unio prolium*, quid sit, & quomodo ineunda, 86. quis ejus effectus, ibid.

*Universitas*, quæ habeat jura, 95. personarum & rerum, quomodo differat, 345. invita procuratorem constituit, 843.

*Usucapio*, quomodo a præscriptione differat, 248.

*Usura*, nihil iniquitatis habent, 744. compensatoriæ & punitoriæ quomodo differant, 745. earum varia quantitas, 746. usuræ usurarum, quando debeantur, 747. an currere possint ultra alterum tantum, 748.

*Usuraria pravitas*, quando committatur, & quando puniatur, 756.

*Usus*, servitus, quid, & quomodo ab usufructu differat, 236. & 245.

*Ususfructus*, quomodo jure Germ. matri competat, 38. sq. quid & quomodo ab usu differat, 236. ejus natura, 237. quotuplici ratione constituatur, 238. an in vestibus verus usufructus sit, 239. an usufructuarius æs alienum solvat, ibid. quos fructus percipiat, 240. an thesaurum, ibid. plura de fructuum perceptione, 241. quomodo caveat, 242. sqq. an onera ferat usufructuarius, 244. quousque duret usufructus, 247. patris in bonis liberorum quisnam sit, 303.

*Uxor*, quas operas marito debeat, 63. pro marito intercedens, an & quomodo obligetur, 653.

## V.

*Venatio*, quid juris circa illam, 180. an regale jus, ibid.

*Venditor*, ad quid sit obligatus, 666. vitia rei vendendæ aperire debet & quænam, 739. evictionem præstare debet emptori & quando, 740.

*Venia ætatis*, quando concedatur, & quem effectum habeat, 131. sq.

*Versio in rem*, quatenus tertius inde obligetur, 732.

*Via*, viarum jus an regale, & in quo consistat, 214. quid in via juris, quando currus sibi obvii, 214. sq.

*Vis publica & privata*, quomodo differant & quam poenam operentur, 812.

*Votum*, quatenus obliget.

FINIS.







